

IN ACTA APOSTOLO-
RVM HEINRYCHI BVLLIN-
GERI COMMENTARIORVM LIBRI
VI. ab autore recogniti ac
denuo iam recusati.

ACCESSIT HVIC OPERI SERIES ET DIGESTIO
temporum & rerum descriptarum à B. Luca in Actis
Apostolorum, eodem autore.

*HOC opere traditur amicè LECTOR, quæ fuerit Ecclesiæ sanctæ in-
fancia, qui auctus, quæ Ecclesiæ iustæ facies: quæ doctrina Apostolorum, qui
ritus Ecclesiæ ritus, quæ studia, quæ religio, fides doctrinæ, vera vel fal-
sa, vetus vel noua: qui veri vel falsi doctores, qualia verorumq; ingenia:
qualia sint mundi studia, qualis persequentium animus, successus, qualiaue
fata. Sed hæc omnia Elenchus versis aliquot folijs copiosius recensabit.*



I E S V S.

Hic est Filius meus dilectus in quo placata est anima mea,
ipsum audire. Matth. 17.

TIGVRI EXCVDEBAT CHRISTOPH. FROSCHO-
VERVS, ANNO M. D. LXXXIIII.



CLARISSIMO SENATV POPVLOQVE FRANKFVRDIEN

SI AD MOENV M, HEINRYCHVS BYLLIN.

GERVS, Gratiam & vitæ innocentiam
à Domino.



ABVERVNT hoc sibi familiarissimum Propheta & Patres vetusti, ut libros suos non ijs modo inscriberent, quibus cū conuersabantur, sed ijs quoq, qui facie incogniti proculq, distiti alias terras inhabitabant: quorum exemplo fretus hosce Commentariorum libros vobis quoq, viri clarissimi fratresq, in Christo venerandi inscribere volui. Non quod existimem Ecclesiam vestram nostra institutione aut commentatione de vera pietate egere: Habetis enim verbri ministros claros & in doctrina Euangelij laudatos: sed circumferenti oculos, quibus hoc argumenti maximè competeret, vos primum occurrebatis quibus hoc multis nominibus videbatur congruere. Etenim exponit hic liber quomodo Euangelij fulgor in omnes gentes, terras ac populos coruscarit. Et vestra vrbs nobile omnino Germaniæ emporium ea hactenus fuit, è qua omnis generis authores optimi, maximè autè vetusti in vniuersam penè Europam prodierunt: quorum opera & religio vera & literæ bonæ melius cæperunt habere. Vt enim alie vrbes propter authores & imprimendi, aut si quis malit typis scribendi, peritiam atq, diligentiam celebres sunt: ita vestra in propagandis illis longissimeq, in remotissimas quasq, Europæ oras deportandis multo clarissima est. Noluitis hactenus more quorundam imprudentium suppressione proscriptioneq, optimorum & librorum & authorum ciuitatis vestræ gloriam libertatemq, obscurare. Quare & insignem pietatem & prudentiam omnibus alijs approbastis ciuitatibus. Si quidem destomachatur & Diuus Hieronymus in eos qui sua quoque ætate pro inepta morositate ob errores quosdam optimos simul & piissimos aspernabantur authores. Eius enim verba ad Tranquillinum hæc sunt: Ego Origenem & nonnullos Ecclesiasticos scriptores Græcos pariter & Latinos sic legendos arbitror ut bona eorum eligamus vitemusq, contraria, iuxta Apostolum dicentem, Omnia probate, quæ bona sunt tenete. Cæterum qui vel in amorem eius nimium, vel in odium stomachi sui prauitate ducuntur, videntur mihi illi maledicto prophetico subiacere, Væ his qui dicunt bonum malum, & malum bonum: qui faciunt amarum dulce, & dulce amarum. Non enim propter doctrinam eius praua suscipienda sunt dogmata, nec propter dogmatum prauitatem, si quos Commentarios in scripturas sanctas vitiles adidit penitus respuendi sunt. Cuius equidem sententiæ & præclarum illum Alexandria Dionysium fuisse author est in historia Ecclesiastica Eusebius. Deinde verò cum noua Ecclesia incrementa, auctus & iustam faciem describat hoc opere Lucas, iterū non potuit alijs dedicari commodius quā Ecclesia Frankfurdiana, utpote quæ & ipsa Euangelicam amplexa sinceritatem palam cæpit nomen suum veritati dedere, & ad ritus veteris Ecclesiæ aspirare. Demonstrabitur autem hoc libro vetustissimam veritatem esse, quam hodie temerarij quidam & malè sani homines decennalem fidem nouamq, nuncupant hæresim. Demonstrabitur præterea quanto cum periculo, & quibus cum hostibus, in veræ Ecclesiæ circo pro auita veritate non modo recuperanda, sed & retinenda pugnandum sit, quibus armis vincendum, quid pro nomine Christi patiendum, quomodo item impiorum artibus sit occursandum. Nam mirus est hac in re Lucas. Aiunt poetarum principem Homerum in insigni opere suo describere voluisse boni viri officia & felicitis Reipub. faciem: ego verò multò verius dixerim hac historia Lucæ Christiani hominis munia & Ecclesiæ statum absolutissimum absolutissimè esse expressum. Et argumenti nobilitas utilitasq, permouit ut in elegantissimum amœnissimūq, librum adornarem Commentarios. Accesserunt & fratrum preces, qui subinde cōquerebantur nihil aut certè pauca la quapiam in hunc nobilem nostrūq, temporibus accommodatissimum extare authorem. Querebar

ego multa mihi deesse quae tantam rem tractaturo videbantur necessaria: expectaturum ergo donec alij harum rerum peritiores, quales nostrum seculum habet plurimos, prodirent & feliciter hocus enarrarent. Sed dum nemo interim prodit, vrgent illi, ut saltem talentum meum mihi à Domino creditum in faenus exponam, alijs nihilominus liberum manere scribere malint an silere: & haec quidem vicerunt. Accessit ad hoc quod vir incomparabilis D. Ioachim Vadianus communis patriae nostrae Helvetiae decus, stipularetur ea se absolutorum, quae essent geographica, quod & Epitome adita praestitit. Et de ea quidem silere melius puto quam parum dicere: quod vel multis nemo facile expresserit eius operis pretium & utilitatem amplissimam, eruditionem absolutam, & iudicium emunctissimum. Praeterea suppeditata sunt à fratribus nonnullis dictata quaedam quae vir ille ante annos aliquot Christianis quibusdam auditoribus Sangalli dictavit, quibus me haud modice iuvari posse sperabam. Nec fessellit opinio. Eiusmodi enim erant, ut si recognovisset euulgassetque, haudquaquam hoc labore meo fuisset opus. Equidem aliquot iam annis speraveram id ipsum facturum. Nam ante annos aliquot id Mecanati meo omniumque studiosorum patrono D. Vuolphango Iouero quondam Capella Tigurinorum Abbati, pollicebatur: sed illum ne praestaret, negotia quibus ducitur captivus obstiteret: hunc verò ne extorqueret prematura mors praeripuit. Nuper enim in fausto ad Capellas praelio fortiter pugnans occubuit. Si ergo nunc in hoc opere desyderentur plurima, ego vel hoc nomine venia dignus ero, quod in argumento difficili & gravissimo parùm habuerim adminiculi, nisi ea quae iam iam recitavi dictata. Nihil enim extat in hoc opus quod ego quidem sciam posse Erasmi Roterodami Germania decoris diligentissimas & doctissimas lucubrationes, Annotata inquam & Paraphrases. Nam ex vetustis paucissima quaedam supersunt. Chrysostomus enim pro more suo declamationibus deditus vel parcius Lucae verba perstringit, vel recitando transit. At Bedae Anglosaxonis, viri doctissimi annotamenta, aut si quis malit Scholia dicere, breviora sunt, quam quae simplicioribus satisfacere possint. Quae verò Iusti Iona titulo nuper euulgata circumferuntur, eiusmodi sunt, ut is crassa, quod dici solet, Minerua, vel lineis quibusdam ductis futurum opus adumbrasse videatur. Neque vidi si quid extet praeterea. Quid autem vetustos mouerit, quod in hunc Lucae tam egregium & utilem librum nihil scripserunt, non satis constat. Forjan rei difficultatem horruerunt: quod si verum esset, ego profecto stolidus sum, qui istud ausum, quod tanti viri horruerunt. Caterum malui me fratrum gratia in apertum dare periculum, quam extra periculum tot indies fratrum querelas audire. Si verò isti tam facile crediderunt argumentum esse, ut nulla copiosiori opus fuerit expositione, iudicabit diligens Lector, quam verum hoc sit, ubi singula paulò diligentius expendit. Prima sanè fronte exposita esse videntur, quae dilucida satis narrantur historia, sed si ad ipsa penetremus mysteria, longe plus in recessu habere dicemus, quam fronte promittat. Equidè utcumque res habeas, nihil in hoc neque laboris neque diligentiae omisi: quin de candore & fidelitate mihi optime sum conscius. Legi omnium quos habere potui expositiones, sed & aliorum nonnunquam recensui sententias, veterum tamen maxime: non quòd existimem in literas sacras hominum placita aut explanationes esse inferendas. Ex sacris enim, vel Hilario teste, simplex & genuinus sensus decerpendus idemque ipsis scripturis sacris, hoc esset, regula fidei & charitatis, locis similibus aut dissimilibus, circumstantijs & rationibus, sed ex scriptura petitis, confirmandus esset. Diuus quidem Hieronymus, cuius maxima interpretandi scripturas gloria esset, non modò in Praefatione ad secundum in Micheam Commentariorum librum, sed ad ipsum quoque Aurelium Augustinum, Ingenue fateor (inquit) me maiorum scripta legere & in Commentarijs secundum omnium consuetudinem varias ponere explanationes, ut è multis sequatur unusquisque, quod velit. Atqui D. Augustinus Hieronymo respondens, Ego verò fateor charitati tuae (inquit) solis eis scripturarum libris, qui iam Canonici appellantur, didici hunc honorem timoremque deferre, ut nullum eorum auctorem scribendo aliquid errasse firmissimè credam. At si aliquid in eis offendero literis, quod videatur contrarium veritati, nihil aliud quam vel mendosum fuisse codicem, vel interpretem non assequutum esse quod dictum esset, vel me minimè intellexisse, non ambigam. Alios autem ita lego, ut quantalibet sanctitate doctrinaque praepolleant, non ideo verum putem quia ipsi sic senserunt, sed quia mihi vel per illos auctores Canonicos, vel probabili ratione, quòd à vero non abhorreat, persuadere possunt.

Aliorum enarrationes.

HEINRYCHI BVLLINGERI EPISTOLA.

auerunt. Nec te mi frater sentire aliquid aliter existimo, prorsus inquam te non arbitror sic legi tuos libros velle tanquam prophetarum & Apostolorum, de quorum scriptis quod omni errore careant, dubitare nepharium est. Hæc Augustinus. Proinde nos aliorum expositiones tum maxime protulimus cum ipsos scopum attigisse crederemus: deniq; & in hoc protulimus, ne illi qui oculi loco habent quod Lira, Hugo, Scotus atq; Thomas ille Aquinas prodidere, subinde calumniari possent explanationes illas quas nos conscribimus nuper esse domi nostræ natas. Aliàs quod veteres olim protestarunt, & nos semper in omnibus alijs opusculis nostris testati sumus, idem & in præsentiarum ingerimus hæc iudicanda iuuandi studio esse vulgata. Per me enim pijs Lectoribus expendere licet quid pium, quid necessarium, quid vtile, quid genuinum, quid ascititium, quid superuacaneum vel affectatum sit. Nolo enim meis scriptis vt Canonicis credi. Nolo sanctis & doctis huius aui hominibus præiudicare. Quod si alteri melius quippiam fuerit reuelatum, non inuidebo. Ego enim hac lege scribo, mihi vt integrum sit curta producere, obscurius dicta illustrare, inuoluta explicare, singulaq; rectius (si necesse sit) instituere. Cur enim mihi iam trigessimum agenti annum non liceat, quod Augustino plus quam sexagenario Retractiones scribenti veterano vtrique episcopo licuit? Scio equidem faciendi libros (vt propheta ait) nullum esse finem, & quod poeta dicit:

Scribimus indocti doctiq; poemata passim.

Atqui hæc nostra in illum librum, in quem pauca extabant, non ingrata fore credidi, quibus & ad scripturas legendas incitare volui magis quam humana commentatione à scripturis auocare. Caterum quum omne incrementum solius Dei sit, hunc oramus vt ipse gloriam verbi sui quam hætenus mille quingentis annis (totidem enim anni hoc XXXIII. supra millesimum quingentissimum numerantur, ex quo de Zion exiit Lex, & verbum Domini de Ierusalem) inuitis omnibus aduersarijs potestatibus quam latissime (vt hoc libro Lucas indicat) prouexit, & victrice virtute protexit, in finem vsq; quam latissime propaget, in cordibus hominum confirmet, & ab impiorum manu asserat. Et vos quidem, viri clarissimi mi fratresq; in Christo venerandi, obtestor per Domini nostri Iesu Christi virtutem & aduentum eius, vt neglectis mundi minis, artibus & promissis, vni Deo per filium eius Iesum in vera fide secundum scripturas sanctas firmiter adharere pergatis. Paulus ille celestis sapientia præco, Prædicatio mea (inquit) non erat in persuasorijs humana sapientia verbis, sed in ostentatione spiritus ac potentia, vt fides vestra non sit in sapientia hominum, sed in potentia Dei. Reiectis itaq; commentis humanis fundamento Christo innitimini, quem nemo purius docere potest scriptura sancta. Multa sanè Christi nomine patienda esse tradit spiritus sanctus, sed qui perseverauerit in finem vsq; dicit Dominus, hic saluus erit. Fidunt alij in periculis fœderibus, armis, opibus, per se quidem minimè malis: vos autem Deo fidite, cui qui se verè credit in æternum non peribit. Dominus ille omnipotens, clemens & misericors per Christum Dominum fidem in vobis semper augeat, & quod cepit confirmet, Amen. Tiguri

XXV. Augusti. Anno à Christo nato

M. D. XXXIII.

COMMENTARIORVM HEIN.

RYCHI BVLLINGERI IN ACTA APOSTO.

LORVM INDEX.

- A** BRAHAE filij, Dei veri cultores 23
 Abraam Deo seruiuit digne absq; templo & ritibus externis 23
 Absoluunt à peccatis Christus & ministri, sed variè 33
 Absoluuntur Iudæi non expectata satisfactione 10
 Accepit personarum nulla apud Deum 37
 Actorum liber non minima pars euangelicæ historiz 1
 Actorum libri argumentū breue 1
 Actorum liber partim in Græcia, partim Romæ conscriptus 1
 Actorum libro semper honor maximus habitus est in ecclesia & sanctis 1
 Actorum liber Euangelio secundū Lucam iungendus 2
 Admonitio adiungenda consilio & institutioni 10.b
 Adorari à Cornelio Petrus recusat 36.b
 Adulatio quæ regibus sit damnatur 42.b
 Adulatoribus aures nō præbēde 57
 Aegyptiorum stultitia inuenta sunt idola 60
 Aegyptij falsi prophetæ historia 77.b
 Aethiops an profelytus fuerit vel gentilis, Candacis reginz 30
 Aethiopi cum Iudæis familiaritas 30
 Aethiopes etiam legis & prophetarum sensum habuerunt 30
 Afflictionibus peruenitur ad felicitatem 50.b
 Agabus verbo & factis prophetat 77.b
 Ager nomen sortitur ex pretio & re gesta 5
 Agrum negligere probro habitum apud Romanos 64
 Agrippæ augustum nomen multis fuit terrori 40.b
 Agrippæ tres filiz 40.b
 Albis induuntur angeli, triumphatores, aulici 3.b
 Alexandri Caesaris in impostorem quendam sententia & supplicium 44.b
 Amazias filijs Scir præcipitium indicit 5.b
 Ambrosius Symacho respondet de caulis malorum 40
 Amicitia dirimitur, si pñis frangatur 17.b
 Amyclæ tacendo perierunt 82
 Amos prophetæ locus citatur & exponitur 25
 Ananiz miscetur Saulus arcanorum Dei institutione imbuendus 32
 Anacharis Scythæ querela de magistratibus 40.b
 Ananias ad exemplum corrumpit hypocritarum 17.b
 Ananiz probitas, & magisterium in Paulum conuersum 78
 Ananias pontifex iniquus 79
 Anathemata qua ratione templis inferuntur apud ethnicos & Iudæos 81
 Anaxias in adulatorem diuitū 42.b
 Angeli duo in abissis Christo de celis iterum venturo testes 3.b
 Angeli quomodo honorandi ex Augustino 13
 Angeli specie vocatur Cornelius ad Christi ecclesiam 35
 Angeli delegati hominibus à nativitate pro custodia 41.b
 Anni historiz Actorū tot descripti, quot capita habet hic Actorum liber 1
 Annorū numerus quadringentorū & quingentorū, de quo Paulus, quomodo sumendus 45.b
 Animæ hominū non oberrant post mortem extra corpus 41.b
 Antiochena ecclesia primitivæ gentium sanctissimæ 39
 Antiochenæ ecclesiæ laudes 43
 Antiochia libera, morigerata, tutaq; ciuitas facie 51
 Apologia utitur Petrus ad superuenientes Iudæos coram gentibus cum quibus conuersabatur 36.b
 Apollo Pythius vnde dictus 57
 Apollo laudes multiplices 66
 Apollos pietati iunxerat eloquentiam 66.b
 Apostolis omnibus data est à Christo domino æqua potestas 9
 Apostolus quis dignus in locū Iudas proditionis substituendus 6
 Apostolicæ habitationis in monte Sion & apud cordonem simplicitas 4.b
 Apostoli quibus linguis loquuti & intellecti 8
 Apostolorum quales fuerint prædicationes in ecclesia 9.b
 Apostolorum doctrina euangelica erat 10.b
 Apostoli soli non cedunt persecutioni Iudaicæ 27
 Apostoli docebant etiam in singulis domibus 20.b
 Apostolorum seculum iniquissimū probatur 39.b
 Ad apostolos & apostolicos viros pertinet questio de fide 52
 Apostolorum decreta præter scripturam falso iactantur 56
 Apostoli velles qua ratione excusantur 47.b
 Apostolorum processus ad ecclesiā qualis 12.b
 Apostolorum & Nazarenorum differentia dogmata 52
 Apostolicos quæ deceat sollicitudo 55
 Apostolicorum hæresis qualis 16.b
 Apostolorum patientia tunc prouidentia 58.b
 Apostolorum & presbyterorum discernimen & officium 50.b
 Aqua sacramentalis in baptismo 31.b
 Aquilas duos memorat historiz 64
 Aratus quis, vnde, & quid scripserit 63
 Archelaus exulat Viennæ Galliarū 40.b
 Areopagus quid & vnde dictus 61
 Argumentum signum est per quod fides fit et alioqui dubia 12.b
 Argumenta resurrectionis Christi ibidem
 Aristotelis de Deo sententia 62.b
 Armæ impiorū pro suis errorib; 53.b
 Arma pastoralia, gratia & verbum Dei 47
 Armis Romanorum Paulus bene usus est 32
 Artificij nihil noscens, vrbe excludendus 64
 Ascensionis Christi mysterium 4
 Ascensio approbata testimonijs clarissimis 3.b
 Ascensio Christi putatur facta in sabbato 4.b
 Ascensionis Christi locus quare designatur 4
 Asæ nomine quæ intelligendæ prouinciz 56
 Athenienses præstant cæteris hominibus vt aquila apibus 60
 Athenienses superstitiones reliquis idololatriz ibidem
 Atheniensium inconstancia 61
 Athenis cõsilia duo qualia fuerint 61
 Auaritiæ laealis aculeus 57.b
 Auarorū in veritatē conuictia ibid.
 Aziazus rex Amasorum 84.b
BAPTISMA Ioannis & Christi quidam distinguunt 66.b
 Baptisma mentalibus oculis considerandum 31.b
 Baptisma Christi & Ioannis quo differant 3
 Baptizati Christus solus igne 3
 Baptizati adukti, paruulos suos non neglexerunt 10.b
 Baptismo recipimur in Dei ecclesiā, & Christo dedicamur 10
 Baptismus quid sit, & quibus debeatur 38
 Baptisma doctrinæ docetur 66.b
 Baptismus

Baptismus initiatio populi Dei est 29
 Baptismus cur fidei succedere de-
 beat 31
 Baptismus eunuchi ex fonte 31.b
 Baptismo interiore solus Christus
 baptizat per Dei gratiam & indul-
 gentiam 67
 Baptismus vnus Christi & Ioannis 67
 Baptismus dandus etiam non crede-
 re potenti per aetatem ibid.
 Barnabam quare Iouem dixerint
 Lycaones 48.b
 Barnabas vir cōsolationis dicitur 37
 Barnabas qualis fuerit, & quomodo
 Paulum commendare fratribus
 cunctabundis 17
 Barichu & Elymas quomodo acci-
 penda nomina 44
 Beneficere est etiam valedicere 3.b
 Beneficia Dei patriarchis olim in ve-
 teri lege exhibita 45.b
 Beneficia à mundo pro maleficijs pu-
 niuntur 57.b
 Berthocensium laudatur fides & di-
 ligentia 59.b
 Bernice regina quæ fuerit, variatio
 authorum diuersa sententiâ 86.b
 Blasphemia in Deum & veritatē tor-
 mentis & morte perniciosior 38
 Bona tribuuntur à Deo vno, à quo so-
 lo petenda, non à diuis 50.b
 C
 Caius Caligula reipublicæ Romæ
 pestis nocentissima 36.b
 Calceamenti solutio ad reuerentiā
 pertinet in veteri lege 24.b
 Candace reginis Athiopum commu-
 ne nomen, nō proprium habetur 30
 Canes apud Paulum apostolum qui
 dicantur 10
 Capnionis, qui idem & Reuchlinus,
 laus non indigna 34
 Carceris custos cōuertitur, docet,
 baptizatur 58
 Caro nostra in veritate resurget 2.b
 Caro Christi necessario translata in
 cælum 4
 Caro Christi finita, quanquam cla-
 rificata 32.b
 Caro & sanguis ad verbum Dei red-
 duntur attoniti 32.b
 Caro & sanguis vsurpant regnum
 Dei in Christo 4
 Carnis affectus mors est, in spiritu
 vita 6.b
 Charitas nota celebris discipulorū
 Christi 74.b
 Charondas cōcludit de populo 40.b
 Charondas de incōstantia plebis 50
 Castitatis votum illicitum, non ha-
 bentibus gratiam contruendi, ha-
 bentibus non vtile 81
 Castitatis votum aut stultitia aut im-
 pietas 81
 Castor & Pollux quare relati in
 Deos 92.b
 Cœnæ mysticæ signa & res quales 7
 Cœna dominica quomodo peragen-
 da ritu apostolico 11
 Cœna Dominica in cœtū sacro ce-

lebranda 12.b
 Centurionis quale officium 35
 Centurio quomodo vir pius & reli-
 giosus siue quali fide 35
 Ceremonijs abusi sunt Iudæi 25.b
 Ceremonias Iudaicas perniciosas
 esse Christianis & mortiferas 51.b
 Ceremonias contemnit Paulus,
 Christo contentus 65
 Ceremoniæ liberæ Christianis per-
 maneant 72
 Cæsarea quæ & Turris Stratonis 35
 Cæsarea duplex Palæstinæ & Cap-
 padociæ 66
 Cæsarem Paulus appellat, non sine
 Dei providentia 86
 Christus veritas mentiri non potuit
 2.b
 Christus quare moritur, resurgit,
 cœlos ascendit, & spiritū misit 4
 Christus victor in cœlis, & pro ho-
 bis intercessor 4
 Christus qua forma abierit, & sic re-
 diturus 4
 Christus secundum corpus non ubi
 que diffusus 4
 Christianæ fidei maxima autoritas
 5.b
 Christus crucifixus Conf. Rubellio
 Geminus, & Rufio Geminus 4.b
 Christus, qua diligentiā & fide à Pe-
 tro prædicatur 8.b
 Christi anima quomodo ad inferos
 descendit 9
 Christi meritū mortuis quoque pro-
 fuit 9
 Christianæ rei summa 9.b
 Christum laud quomodo nominat
 Dominum ibidem
 Christus à patre accipit promissum
 ibidem
 Christum damnarunt antistites re-
 ligionis 15
 Christo illud Iudæos Deus non pa-
 titur 15
 Christi vi sola & merito saluatur
 mundus 15
 Christi typus producti Moses 24.b
 Christus vnice colendus & timen-
 dus 37.b
 Christus Iesus iustus, quia nostra iu-
 stitia 16
 Christus sedere dicitur & stare à
 dextris in cœlo 26.a.b
 Christus diuina generatione sem-
 piternus est 31
 Christi Domini natiuitas, humilitas
 infirmitas, iustitia, pax, peccati sa-
 tis factio, patientia, gloria, diuini-
 tas, crux, sepultura, hostia, resur-
 rectio ex Isaia propheta 30.b.31
 Christiani de more primum dice-
 bantur discipuli 32
 Christus viuit in suis & patitur ibid.
 Christus vt Romæ prædicetur à
 Paulo 39
 Christus in dextera patris sedens,
 Paulo videtur 32.b
 Christi mysterium varijs varie re-
 uelatum gentibus 37
 Christiventuri fide saluati sunt ve-

teres 37
 Christianorum nomen primum An-
 tiochiæ cœptum dici 39.b
 Christiani quare nominentur cultores
 Christi ibidem
 Christianorum quoque affectus, tur-
 bor, & motus 41.b
 Christi totius negotij testimonium
 ex Psalmo 15. 46
 Christus quid orbi donarit 46
 Christianæ religionis capita recen-
 sita breuibus 53.b
 Christi diuinitas probata Tiberio,
 non senatui 57.b
 Christo templum facere voluerant
 Seuerus & Adrianus Cæsares 57.b
 Christum verum esse Messiam Apo-
 stolus prædicat 59
 Christianæ doctrinæ aduersantur
 placita Epicureorum & Stoico-
 rum 60.b
 Christus est per quem mundus resti-
 tuitur 63.b
 Christus est lumen mundi ibid.
 Christus magnus Dei legatus in mū-
 dum ibid.
 Christum virum vocat Paulus, non
 sine causa ibid.
 Christus iudex constitutus mundi,
 etiam exterorum prænunciatio-
 nibus ibid.
 Christiani dicuntur probri gratia
 Nazaræi 83.b
 Christianum dogma nouū non esse
 88
 Cibi liberi sunt Christianis ad ves-
 cendum 36
 Circumforanei qui dicantur & qua-
 re 59
 Circumcisio testamenti sacramen-
 tum 23
 Circumcisione intelliguntur cære-
 ra cuncta legalia 52
 Circumcisionis in locum succedit
 fides & timor Dei 53
 Claudij prophetissimi imperium in
 porphanos 39.b
 Claudius mulierum amore attoni-
 tus, imperij & vite obliuiscitur 40
 Cleophas Simonis auus ex matre Io-
 sephi fuit nutritij Christi frater
 4.b
 Claues Apostolorum quales, & qui
 47.b
 Claues non habent qui pericia verbi
 Dei destituti sunt 47.b
 Clauū occultauis dicitur per errorē
 in sacerdotibus ibidem
 de Clauibus sententia D. Augustini
 ibidem
 Cohors Augusta primaria quare di-
 cta 80.b
 Cohortes decem in legione ibid.
 Collegia habuerunt studiosorum
 omnes gentes 7.b
 Colendi Deum ritus quis Deo pla-
 ceat 84
 Communia omnia apud apostolos
 quomodo erant 12
 Commentaria hæc quare distincta
 in libros 2

I N D E X.

Concordia author & cohabitator spiritus sanctus	7	ra impendenda	33	confitetur, non nouum	24
Concordia & constantia in publico	12	Corporis & sanguinis mysteria quo modo celebranda	72	Dextera Dei exaltatus exponitur Christus	9.b
Concordia malorum bonis noxia	80	Creatura ubique creatori suo obsequitur	3.b	Dextera Dei patris quæ & quomodo dicatur	ibidem
Concordia potissima res est in ecclesia cum oratione & perseverantia	4.b	Creaturarum cultum vanum esse	49	Diis homines virtutem arrogant & meritum	13
Confessio libera Pauli Iudeis causa fuit dissensionis	84.b	Credendum non facile, quiduis simulantibus	33.b	Diis nostris ut probentur sacrificia & cultus	47
Confitentur credentes peccata superstitutionum suarum	68.b	Crucis infame mortis genere, Christus inter latrones	31	Diui non colendi sed imitandi propter sanctimoniam	49
Confessio auricularis non probatur ibidem		Crux Euangelium continuo sequitur	46.b	Diui omnem cultum in Deum dirigi desiderant	49.b
Conferenda Deo peccata quomodo ibidem		Crucis Christi in factis occasio	51.b	Diaconi in ecclesia quales eligendi	21.b
Coniugium sacerdotibus non interdicendum	75	Custodes Petri elapsi, cur a tyranno cæsi	41.b	Diaconia quale ministerium notet	21
Consilium penitentiae ex scripturis caprandum	10	Cultus Dei verus sit fide, spe, amore recti & iusti	23.b	Diaconorum in ecclesia prima ordinatio	21.b
Consilium & impietas tyrannorum vitrea	15.b	Cultus hominum etiam diuorum improbatur	42	Dialecticæ qualis sit ratio	87
Consilia impiorum frustrantur a Domino	18.b	Cultus Dei constat innocentia & fide	89	Dianæ delubra argentea	69.b
Consilium sanis obsequi non minima felicitas	21.b	D			ibid.
Consilia non æstimanda personarum respectu	89.b	Dauidis facta & verba etiam de Christo accipienda	9	Dianæ templum Democritus descripsit integro libro	ibid.
Consilia secreta principum celanda	82.b	Dare beatius quam accipere, contra monachos	74	Dianæ Ephesæ simulachrum coelo lapsum dicitur	70
Consiliorum qualis autoritas & regula	52	Delubrum quid dicatur	69	Dianæ loco celebrantur hodie decem Mariæ	ibidem
Consolatur suos Dominus in medijs angustiis	65	Demetrii improbi consilium	69.b	Dicendi libertas in Apostolis, sic ut apud gentes olim	15.b
Consortium malum prorsus vitandum	10.b	Demon spectra multa affingere consuevit impijs	41.b	Dicendi artificium ex dialectica	87
Constantia consummatio omnium	4.b	Dæmones artes dereguntur a Paulo	57	Diei extremæ articulus non curiose rimandus	3
Constantia unde discenda in periculis	14.b	Dæmonum verbis phaleratis & fucis non credendum	57	Dierum peregrinationis Pauli supputatio	74.b
Consuetudinis prauæ vana persuasio	50	Dæmones eorum filij appellati ab Atheniensibus	61	Dionysius Areopagita an libros vel gatos scripserit	63.b
Conuersio peccatorum fit Dei misericordia, non humanis tantum viribus	32	Descendit ad inferna, non habitum in Symbolo olim	9	Dysenteria morbus	92.b
Conuersionis Pauli modus	ibid.	Deuotione deuouimus nos, in malam partem	8.b	Dissidium pontificiorum & euzangelicorum	51.b
Conuersio Pauli Agrippæ recitatur	88	Deuotiones impiæ artes sunt venandi diaboli	ibidem	Doctores veritatis ingens beneficium sunt Domini	30
Correctione indurantur impij	32	Deus quomodo in homine, & in Deo quomodo sit homo	4	Doctoribus, licet dissidentibus, non protinus abijcienda doctrina	55.b
Corinthus urbs Achaiae celeberrima	64	Dei voluntas plenissime reuelanda prædicitur a Ioseph	8.b	Doctores pij præcipuum ornamētum ecclesiarum	43
Corinthus Græciæ lumen	ibid.	Deus vnus multis nominibus appellatus a gentibus	48.b	Doctrinā dicitur alicubi baptismus	66.b
Cornelij & monachorum comparatio	35	Deus fons aquarum viuientium, & copiarum cornu bonorum	49.b	Doctrina quæuis probanda scripturis sacris	59.b
Cornelij confessio & gratiarum actio	37	Dei vnus docetur religio, & cultus ab apostolis	ibidem	Dogma primarium Christianæ pietatis	51
Cornelij summæ quædam virtutes ibidem		Deus non habetur nisi ex Romanorum legibus	57.b	Dogma nouum & impium excutit Paulus	84
Cornelium Petro Dominus præparat, & Petrum Cornelio	35	Deus non nouus nec ignotus a Paulo prædicatur	61.b	Dolus nunquam inuentus in Christo	31
Cornelij maiores, officium, pietas	34.b	Dei veri & vnus assertor Paulus ibidem		Dominica dies dicta vna, id est prima sabbatorum	72
Coronas quare Tertullianus dicitur	49	Deus mundi & omnium conditor	61.b	Domus nomine intelligitur tota familia	56.b
Corpus Christi clarificatum, quomodo intelligendum	2.b	Deum gentes cognoscere potuerunt ibidem		Domus vniuersa custodis carceris baptizatur	58
Corpus Christi tale resurrexit, quale positum fuit in monumento ex August.	2.b	Deo nostro debemus etiam animam	62	Dona Dei non primum orbi data in die pentecostes	66.b
Corpus Christi an clausa ianua exierit, & Apostoli	19	Deum esse incircumscriptibile	62.b	Dormit qui mortuus in spe resurrectionis futuræ	26.b
Corpori necessaria & moderata cura impendenda		Dei virtus maxime relucet in homine	63	Drusilla quæ & qualis Felicitis vxor	85
		Deus in homine quomodo	63	Durum contra stimulum calcitrare adagium exponitur	33
		De Deo dicitur, Ex illo, per illum, & in illum omnia	36		Ecclesiæ
		Deum vnum qui & patrum, Paulus			

I N D E X.

E

Ecclesiarum facies descripta per Lucam in Actis 1
Ecclesiastica prefectura erat non hominibus, sed cura subditorum 5
Ecclesiastica munia quomodo ob-
unda 5
Ecclesia præponendi sunt non nisi
irreprehensibiles 6.b
Ecclesiarum sancti mores qui fuerint ab
initio 10.b
Ecclesia vnam animam habens con-
corditer credit & docet 10.b
Ecclesia vera & antiqua quæ sit, &
quæ papistica 11.b
Ecclesia ædificatur sanctimonia, non
violencia 21.b
Ecclesia colligenda ex Iudeis & ge-
tibus 36
Ecclesia gentium quomodo à Chri-
sto vocata obediunt 39
Ecclesiam suam Deus præmonet per
prophetas de futuris malis 9.b
Ecclesie primitiue maxima afflictio
40.b
Ecclesia ardentissime orat pro Pe-
tro dormiente 41
Ecclesia est sanctorum communio,
cæteris scilicet Christi fidelibus 54
Ecclesiastica potestas sit in ædifica-
tione 75
Ecclesiarum visitatio episcopalis 66
Electionis diuinæ euidentia 65
Elymas cognominatus Bariesus 44
Elymas quare diaboli filius dictus,
pro Bariehu 44.b
Episcoporum præcipua & peculia-
ris functio 21.b
Episcoporum & diaconus quomodo dif-
ferant 29
Episcopi quale habeant testimoniū
55.b
Episcoporum institutio & exhorta-
tio 72.b
Episcopi sunt ecclesiarum ministri,
non domini 73.a.b
Episcopi cogitent de sua sorte ibid.
Episcopi nomenclatura ibid.
Episcoporum auaritia & luxuriositas
notatur 74
Episcopatus censetur magnarum
operum accessione 74
Ecclesiarum viri boni commendari pos-
sunt 66.b
Ephecorum periculosa artes & fa-
cile peccata 68.b
Errores in ecclesiis unde prodierint
5.b
Error idololatrarum unde & qualis
sicut & felicitas 49.b
Error non est exemplo quousque stabi-
liendus 56
Euangelium animi dotes pollicetur
non temporalia 3
Euangelium secundum Lucam com-
pletur facta & doctrina Chri-
sti 3
Euangelico negotio attinet baptis-
mus & doctrina Iohannis 5.b
Euangelica doctrina quæ dicitur
10.b

Euangelij prædicati virtus & fun-
ctio 19.b
Euangelium inultis impijs diffundi-
tur 18.b
Euangelio non vtendum pro com-
pendio seculari 29.b
Euangelij fundamentum est, Chri-
stum filium Dei esse 33.b
Euangelij prædicatio insinuat
causa malorum in mundo 39.b
Euangelio multi varie afficiuntur
46.b
Euangelij persecutorum ingenium
& typus 47
Euangelij prædicatio prolatio est ec-
clesiæ clauium 47.b
Euangelij prædicatores non terrea-
rum facile minis 55.b
Euangelium solatur trepidos & de-
sperabundos 58
Euangelij hostes maximi qui 59
Euangelium non tollere magistra-
tum 59.a.b
Euangelio traduntur duo, poeniten-
tia & fides in Christum 72.b
Euangelium non bene capiunt mun-
di principes 79
Euangelica narratio certissima est
ibidem
Eunuchus pro alio 30
Eucharistia priuatim in ædibus ce-
lebrata ab episcopis 12
Exemplariorum variatio in Actis 83.b
Eutychis Fortunari restituitur 72
Excidium Iudæis non conuerendis
prædicatur 83.a.b
Episcoporum hæresis de voluptate
66.b
Exorcistarum multa apud Philip-
pens 68
Exorcistarum ars Salomoni adscri-
bitur a Iosepho ibid.
Exorcistarum ars ab ecclesiasticis
improbatur ibidem
Exorcizæ intenti ad lucrum & im-
postores ibid.
Externam culturam Deo non esse
curæ 25.b

F

Faciendum prius, & sic docendū
ne doctrinæ authoritas casis opo-
ribus deficiat 2
Factionum præiudicia quid possint
80.b
Facultates hominum vt nominen-
tur 12
Facultates propriæ quomodo à Chri-
stianis possidendæ 16.b
Fames propter Christianorum per-
secutionem à Iudæis oborta 39.b
Fastum derestantur Apostoli ponti-
ficum templi 35
Felix nihil præter mundū norat 35.b
Felicis largitiones, corrupta iudicia
& avaritia damnantur ibid.
Femine non raro vel paucis impe-
rant 30
Fellis metaphora explicatur 29.b
Festus tumor & iactantia 86.b
Fidei virtus magna est ibidem
Fides non prius tollit humanā

præsidia 97
Fides eadem in omnibus per mun-
dum ecclesijs 10. b. 11
Fides catholica ubiq; prædicata ab
Apostolis 10. b. 11
Fides nostra & patriarcharum ea-
dem, ideo & salus eadem illis &
nobis 15
Fidei spiritus idem veteribus & no-
bis 15. b
Fides vera & antiqua quæ dicta Sce-
phano 23
Fides de Christo Domino summa-
tim per Isaiam descripta 31
Fide pertingitur ad virtutes, non
contra 35. b
Fides Cornelio de gratiæ Dei largi-
rate donata ibidem
Fidem non esse meriti humani 47
Fidei ostium aperire, est fidem reci-
pere 50. b
Fide in Christum peruenitur ad cer-
tissimam salutem 58
Fides sincera profert vere bona o-
pera ibidem
Ad flumina gentes purgati orabant
56. b
Fratres consanguinei dicuntur He-
bræis 5
Fratres & sorores olim dicti, quæ
nunc Christiani 75
Fugæ præsidium non semper inho-
nestum 34
Fuga Apostolorum non inutilis, sed
necessaria 48. b
Functiones sæpe detestant sancti,
sed sine pertinacia 32
Furor populi raro sedatur vno ma-
lo 27. b
Futura non inquirenda à Pythoni-
bus vel veridicis 57
G
GALATIS missa epistola diu ante cō-
scripta Acta 56
Gallio quis & qualis fuerit 65
Gallionis sectatores multos habet
mundus 65. b
Gamaliellus consilium ex scripturis
& sapiens 20
Gentes omnes vocandæ in confor-
tium salutis 6. b
Gentium quoq; Deus est Dominus
35
Gentium vocatio celebri initio au-
spicatur 42
Gentium declinatio quare olim mæ-
data: nunc reuocetur 36. b
Gentium mentes erigit, ne se cre-
dant neglectas 37
Gentes conuersæ ad Christum, æ-
quantur Iudæis per Deum 38
Gentes à societate populi Dei non
arcandas 38
Gentes pertinere ad gratiæ Dei
declarat 38. b
Gentes mundatas sanguine Christi
vt Iudæi 38. b. 39
Gentes omnes Deus vult saluos fieri,
& quomodo 47. b
Gentes plures Deos & vnum credi-
derunt 48.

I N D E X.

Gentes ad Christum conuersæ non indigent legalibus 52
 Gentes ad Euangelium conuersæ per Petrum ibid.
 Gentes in deperditorum locum suscipiendas 53
 Gentes quoq; ad populum Dei pertinent ibidem
 Gentes infames ab idololatria & scortatione 52
 Cætes vocæ in multis meliores 83
 Germania credidit fidei catholicæ tempore Irenæi 11
 Germani non admittunt Deorum imagines ad formam humanā 60
 Gratiā Dei per Christum vltro gentes amplectuntur 47
 Gradus multi ad virtutem describuntur 32.b
 Gradus ad impietatem & idololatriam 43.b
 Græci dicuntur Iudæi nati apud gentes, non in Iudæa 21
 Græcica lingua nota Aegyptijs, Aethiopijs & Iudæis 30
 H
 Hebræa & Græca lingua necessaria doctoribus ecclesiæ 7
 Heraclides de laudibus laboris 64
 Hæresis deterior persecutione 51
 Hæresis contra salutem veram in solo Christo ibidem
 Hæresis vocabulū non semper fuit tam odiosum 84
 Hæresis dicitur confirmata de aliquo dogmate opinio ibid.
 Hæreticus quis dicatur ex Augustino 73.b
 Herodes quis fuerit qui Petrum comprehendit, & affixit ecclesiā 40
 Herodiorum historia summam de scripta 40.a.b
 Herodes fortunam suam committit barabæ 40.b
 Herodes stultè res administrat 42
 Herodis tyranni interitus manifesto Dei iudicio ibid.
 Heredis magni septem fratres 40.b
 Heredis impia pollicitatio 81.b
 Herodem imitantur coniurantes contra Euangelium ibid.
 Hieronymus de intercessionem sanctorum contraria scribit 91
 Historiæ Christi fructus promissionum Dei implerit 46
 Hybernare naues quid 89.b
 Hypocritæ semper in ecclesia 17
 Hypocritis author diabolus ibidem
 Hypocritæ Iudæi Euangelij persecutores 59
 Hominum ingenia varie ex verbo veritatis afficiuntur 10.b
 Homo cur conditus iuxta Anaxagoram 62.b.63
 Homo conditus vt Deū cognoscat & veneretur ibid.
 Homo in omnium rerū theatro ibid.
 Homo quomodo Dei progenies 63
 Homicidium profligatissimum flagitium 92
 Hospitalitatis virtus & meritum 82

Horati de monachorum otio 64.b
 Horæ Iudæorum instar Babyloniorum supputantur 8
 Horæ orationis tertia, sexta & nona 35.b
 Hospitalitas Petri ad sanctos in exemplum 36.b
 Hospitalitas Christianorum maxime erga doctores 51.b
 Hospitalitatis præmiū ingens 92.b
 Hospitalitas Mnasonis Cyprij 75.b
 Hostia pro peccatis mundi semel oblata Christus 31
 Huldrychus Zuinglius de baptismo Ioannis 67.b
 Humilitas Christi ex Propheta 30.b
 Humilitas ex paupertate Christi ibidem
 I
 Iacobus Alphæi, parvus, minor, iunior, & frater domini appellatur 4.b
 Iacobus maior frater Ioannis maximus Euangelij prece 40.b
 Iacobum quidam tertium conuincunt 4.b
 Iacobus filius Mariæ Cleophae quomodo accipiendum ibidem
 Iacobus Zieglerus Landauus de Syria 23.b
 Iacobus Alphæi Hierosolymorum episcopus 41.b
 Iacobi epistola qualem operibus iustitiam tribuat 53
 Iacobus frater domini triginta annis Hierosolymis antistes 75.b
 Iacobus præcipit occiditur ibid.
 Iacobi consilium vt Augustinus declarat 76
 Iacobi decretum ad religionis conciliationem pertinebat 51
 Iactum facere est nauim alleuiare 90
 Iconij vrbs descriptio ex Stephano 43.b
 Idionis Apostolis os dabatur, & sapientia inuincibilis 15.b
 Idololatriæ & gentilis erroris origo 48.b
 Idololatria diutissime durans 59.b
 Idololatria Deo execrabilissimum flagitium 60
 Idololatriam Athenienses colunt, Barbari detestati sunt ibidem
 Idolorum cultum vanum esse 63
 Ieiunium quale vt Domino placeat 43.b
 Ieiunium quatuordecim dierū quale 91.b
 Ignis baptismus quis sit 2.b3
 Ignis & aqua congruunt instituto Christi ibid.
 Hierosolyma religionis caput, & fons legis diuinæ 2.b
 Hierosolyma etiam gentiles adoraturi accedebant 30
 Hierosolymis celebris & generalis Iudæorum dispersorū schola erat Christi tempore 7
 Iesum esse verum Deum 8.b

Iesum esse Christum, scripturis declaratur Paulus 33.b
 Iesum asserit Christum esse promissum in lege & prophetis 45.b
 Imago Dei in homine per spiritum est 6.b
 Imago Dei oblitterata in homine per peccatum Adæ ibid.
 Imago Dei homo quatenus sit 63
 Imago nihil habet Dei ibid.
 Imaginum impius vsus 63.69.b
 Imagines tolli iubentur à Valente et Theodosio 53.b
 Imagines propugnatores conuincuntur erroris ibid.
 Impij aures ad veritatem obturanc 26.b
 Impietas sola se violentia tutatur 14.b
 Infantes baptizandi 66
 Inferorum nomine intelligitur sæpe mors & sepultura 9
 Ingratitudo hominum in bene meritos 91.b
 Ingredi & egredi est conuersari cum hominibus 5.b
 Iniuriæ & neci fidunt aduersarij veritatis 80.b
 Inuidia concepta non quiescit 65
 Ioachimi Vadiani optime meriti laudes 23
 Ioannes baptista primus & maximus Euangelicus prece 37
 Ioannes prædicauit omnium potestatem apud Christum esse 37
 Ioannis Marci qualis defectio 44.b
 Ioannis doctrina qualis fuerit 67.b
 Ioanni Hufio facta violentia & veritati Constantiæ 80.b
 Iosephi pietas erat fides, patientia, castitas &c. 23.b
 Iouis eximia maiestas inter Deos 48.b
 Irenæi fidei catholicæ symbolū 10.b
 Ironia vehementem increpationem habens 79.b
 Isaiam profelytus legit, & credit intellectum 30
 Israelis semen non omne reiectum 46.b
 Iter Sabbati bis mille passuum est 4.b
 Iudas Iacobi ob differentiam Iscariotis dictus & trinominis est 4.b
 Iudæ interitus atrox & terribilis 5
 Iudas Galilæus quis & vnde fuerit 20
 Iudæi carne, non spiritu circumcisi 26
 Iudæis oblata primum salus 47
 Iudæi mordicus adhibebant abstinentiæ a sanguine & suffocato 53
 Iudæos qua ratione pulsos Roma à Claudio 64
 Iudæi Paulo impingunt legis contemptum 65
 Iudaica exortatio copiose describitur 93.b
 Iudæus sic Paulus Iudæis, vt omnes lucrifaciat 65.b
 Iudæorum nomen odiosum Romæ, Claudij edicto 67.b
 Iudæis

I N D E X.

Iudæis odiosum gentiū nomen 78.b
Iudæi in bono raro consentiunt 80.b
Iudicis Barbari mitiores in veritate professores, quam nunc sint Christiani 84.b
Iudicū tyrannicorū descriptio 63.b
Iudiciū terrore hortatur ad respiciendam 13.b
Iudicium mundi præposterum 17.b
Iugum seruitutis & oppressiōis ad patres 52.b
Iurandum in malo non seruandum 81.b
Iustissimus virorū Christus 30.b
Iusticia orbis Christus per fidem 31
Iustificatio vnde sit, & quomodo nō ex lege 46
Iusticiam vt Paulus prædicat 85
Iustificatiōis & vitæ ordo vt habetur 47
Iulius centurio facilis Paulo diuina prouidentia 84.b

L

Labor Pauli quatenus imitandus 64.b
Labor assiduus Pauli & fatigatio 72.b. 92
Labor gloriæ pater 64
Laboris laudes Heraclides scripsit Lycius 79
Labor etiam cassus delictis preferendus ibidem
Laborem semper comitatur voluptas ibidem
Laborandum quomodo sit exemplo Pauli prædicatoribus 64
Laborare quare Paulus voluerit manibus 64.b
Lapidandi mos Iudæis 26.b
Laud propria permittitur, vbi de capitis periculo agitur 79
Legalia qua conscientia conseruata à primitiue ecclesiæ discipulis 76
Lex Domini quando data in monte Sinai 7
Lex tabularum complectitur fidem in Deum & vitæ innocentiam 24.b
Lepe non iustificati sunt patres, neque nos 52.b
Legionis eiusdem multæ cohortes 35
Libertinorum collegia quæ dicta 22
Libri Actorum erudita descriptio 2
Libri mali & impij exuri possunt 68.b
Librorum bonorum incendium dudum improbatum 68.b
Lingua nihil peius aut melius 7
Lingux philosophicæ gentiliū quales 7
Linguarum cognitio necessaria viris Apostolicis 7.b
Lingux igneæ eruditionem signant & feruorem 7
Lycæonum fabulæ 48
Lydiæ commendatur gratitudo & hospitalitas 57
Lydia vocatur ad fidem 56.b
Lucas medicus librum medicinalē animarum conscripsit, teste Hiē.

ronymo 1
Lucas cur non plura scripserit 1
Lucas vnde dictus pictor ecclesiasticus 69.b
Lucæ commendatio ab ingenio & libris duobus æditis 1
Lucas cur non continuauit historiā 93.b
Lucas histerologia vitur 62.b
Lucernæ in æde sacra ardent, non religionis gratia, sed vsus 72
Lucri iniqui studium & æmulatio damnatur 29.b
Lucræcij impia aduersus prouidentiam sententia 60.b
Lussense collegium protulit exortas 68.b

M

Magistratui quatenus parendū 19
Magistratus iure occidit blasphemos 18
Magistratus officium est defendere ab iniuria 77
Magistratui quomodo maledicere non liceat 79.b
Magistratus defensione vri possunt fideles 82
Magia & magus quid & quales 28
Magia naturalis, ceremonialis, Theurgia 28
Magus quomodo veritatis præsidio superatus 45.b
Mala Deus non diligit, quæ tamen ordinat 47
Manahen vir celebris 43
Mania laborare quid 89
Manuum impositio symbolum auxilij diuini 92.b
Mariz indita multa nomina, vt olim Dianæ 70
Martius pagus quid 61
Marcus quo consilio reiectus à Paulo 55.b. 56
Matthias declaratus à Domino apostolus 6
Maxillam percutienti vnā, quomodo altera præbenda 79
Maximiani tyranni morbus vermicularis 42.b
Mercurius eloquentiæ Deus diuum interpret 49
Messias positus in lucem omnium gentium 46
Melitenses Christiani facti 72.b
Mensibus dubijs nauigauit Paulus 89.b
Milicia sanctorū vita super terrā 89
Milicia cæli quæ dicatur 56
Militiæ quoddam genus, non omnino impium 25
Militem piorū leges & mores 34.b
Militia Romanā nostræ dissimilis 35
Minas impij cumulant, quas sancti contemnunt 16
Minæ frustraneæ contra veritatē 21
Minerorum hæresis in synagogis Orientis 51.b
Minister ecclesiæ sit incorruptis moribus 6
Ministerio verbi Deus vitur ad vā-

ationem fidellum 92.b
Ministrare, sacrificare, & prædicare verbum Dei idem 43.b
Miracula non tribuenda meritis vel virtuti sanctorum 13
Miracula quid efficiant 27.b
Miracula profunt sane docentibus doctoribus 52.b
Misericordiæ opera commendantur exemplo Dordadis 34
Misericordia & charitas exercenda in pauperes ecclesiæ 40
Mytheria sua Deus signorum prodicit inuolucris 7
Mytheria Christianorum quomodo deprauata 72
Mythica sacra qualia Apostoli instituerint in ecclesia 11
Moloch & Melchom exponuntur 23
Mons Sion & Sinai pro datione spiritus sancti & legis 7
Mores sanctæ ecclesiæ doctrina, cōmunio, panis fructio, & precatio-
nes 11
Miracula nupiam Paulus temere facit 92
Mors non metuenda episcopis 73
Mortuis nunciatum esse Euangelium 11.b
Mortuorum moderata cura non damnatur 27
Mortæ Christi vita reddita hominibus 31
Moses prophanis quoq; literis eruditus 24
Mosis fides & zelus contra scelera ibidem
Mosis homicidium excusatur ibid.
Muliebris stultitia suppellex satanæ contra pios 47.b
Mundus veritatis prædicationem semper persequitur ibidem
Mundum qui increatum vel creatū decuerunt 61.b

N

Natiuitas Christi ex Isaiâ propheta declaratur 10
Nauigatio Pauli periculis & miserijs plena 89
Nazaræorum hæresis, quæ & Cherini & Hebionis 51.b
Nicena, nodi canon de coniugio sacerdotum 75
Nicena Synodi secundæ irreligiosa definitio 63
Nicolaitarum vnde hæresis orta 21.b
Nomina procerum religionis Christianæ 4.b
Nomen Domini quomodo inuocandum 8.b
Nomen Christi quomodo accipiendum 33
Negotiatio per se non mala 56.b
Nomen dei ineffabile & maiestatis plenum 61.b
Nubes cæli symbolum est 3.b
Numini nemo repugnauit felicitervnquam 33
Nemelis adastria vindex insolentia 92

INDEX

O
Obedientia Cornelij & legatio 35.b
 Obedientia qualis sit ut licita sit 81
 Orij pariter & negotij ratio extrat 64.b
 Orosius damnat Paulus, scribens Theſſalonicenſibus ibidem
 Orum literarium multum habet ne gotij ibid.
 Orationes aliorum interrumpere, vāſanientium eſt 52.b
 Oculis cœlum intruere amantiū more 4
 Oliueto monte ſanguinem ſudat, & in cœlum aſcendit Chriſtus 4
 Omnes reſiſcere ſynecdochicās capiendum 63.b
 Opera Dei omnia plena ſapientiæ & beneficentiæ 68
 Opera bona ſponte ſequuntur verā fidem ibid.
 Ordine cuncta ſiant in eccleſia 5
 Orationibus auſpicandæ ſunt res magnæ in eccleſia 6
 Oratio eccleſiaſtica de quibus formanda 11.b
 Oratio eccleſiæ quomodo formanda 17
 Orandum pro victoria veritatis, ut quæ verbum fructeſcat 16
 Orandum in tentationibus, Saulis exemplo 32.b
 Orationis & tempus & locum libera Chriſtus fecit 35.b
 Oratio cum temperantia perpetuū ſunt Chriſtianorum exercitium ibidem
 Orantes exaudiat Dominus Apoſtoloſ & ineluſoſ 58
 Orphei de Deo carmina & ſerentia 62
P
Patientia Apoſtolorum cum gaudio pro veritatis verbo 20.b
 Patientia quous inſtar ducit ad mortem in Chriſto 31
 Patientia Chriſtiana qualis exhibita ab Apoſtoliſ 58.b
 Patientia Apoſtolorum iuncta prudentiæ ibid.
 Patientia non omnis protinus Chriſtiana 79
 Patientia L. Catilinæ qualis 79.b
 Patientia media inter ſapientiam et fortitudinem ibid.
 Patientiæ iungenda eſt prudentia cum conſtantia ibid.
 Panis fractio ſymbolum Chriſtianæ conſpirationis 11
 Panis & vinum quare ſacramenta inſtituta à Domino ſint in cœna 11
 Panis fractio qualis fuerit Apoſtolorum temporibus in eccleſia ibid.
 Panis & vini ſymbolo ſœdera ſignificantur 11.b
 Panis quomodo recte nominetur corpus Domini 11.b
 Paphnutius confeſſor aſſeruit matrimonium ſacerdotibus, cum fuiſſet ſemper cœleſtis & ſactus 75

Paries dealbatus quid dicatur 79
 Paruulos etiam inhabitat ſanctus ſpiritus, ex Auguſtino 38
 Patrum mores & longa tempora nihil probant in religione 49.b
 Pauli nomen ubi & quando inditum Apoſtolo Saulo 44
 Paulus iam adoratus, nunc lapidatus Lycaoniæ 50
 Paulus diuina virtute ceu à mortuis reſuſcitatus 50
 Pauli & Barnabæ qualis diſſenſio 55
 Paulus ciuis Romanus 58.b
 Pauli diſputationum ſens & materia, ſcriptura & Chriſtus 59
 Paulus quare fugiat perſecutionē 59
 Paulus Athenis ſummis committitur philoſophis 60
 Pauli eruditio & in verbis miraculū 60
 Paulus mordetur animo contra idolatriam 60
 Paulus fratrum auxilio ſuga ſibi conſulit 59.b
 Pauli breuis & eruditiffima oratio 61
 Paulus aliorum conſilio obſequitur 70
 Pauli authoritas ex ſodalibus magnificis 71.b
 Paulus hodie quoq; cum affectu deuoto legendus 64.b
 Paulo prædicantur vincula ab Agabo propheta 75
 Pauli humanitas ad fratres & vicifiſim 74.b
 Pauli conſtantia ad patiendum pro proximo & verbo Euangelij 75.b
 Paulus ſacrificium pro ſe fieri permittit in templo 76.b
 Pauli ſtadium in ſuam gentem 78
 Paulus an pontifici maledixerit 79
 Pauli conſiliū contra Pharifæos & Sadducæos 80
 Paulum obmittentes phariſæi, Sadducæos aggrediuntur ibidem
 Paulum afflictum maxime dominus conſolatur ibidem
 Paulus fide ſaluatus eſt à coniuratoribus 82
 Paulus arguitur tumultus & ſeditionis 83.b
 Paulo obijciuntur tria accuſationis capita 83.b
 Paulus mitiore cuſtodia tenetur & libera 84.b
 Pauli conſolatio in nauigatione ex ſodalibus 89
 Pauli in periculis alacritas 90.b
 Paulus perſequitur Chriſtianos primum 88.b
 Pauli vocatio qualis ibidem
 Pauli prædicatio de Chriſti ſacramentis ex ſcripturis 88
 Paulus an ſerio arreptus ſit dictus 88.b
 Paulini Nolani pietas ad egentes 17.b
 Paulina proſectio maritima ad Romam 47
 Paulinæ doctrinæ ſcopus ad Agrip-

pam contra Sæduceos 88
 Pauperes facile iuuari poſſent à non otioſis 16.b
 Pauperum cura mandanda ſanctis & fidelibus 40
 Paupertas cum infinitis diuitijs & otio maximo 81
 Pacem qua ratione Deus aliquando concedat eccleſiæ 34
 Peccatorum remiſſio non aqua, ſed gratiæ Dei tribuitur 10
 Peccata omnium hominum in ſe reſultat Chriſtus 31
 Peccatorum remiſſio per fidem, non ex baptiſmo ibid.
 Peccatorum remiſſio per Chriſtū prædicata à Prophetis omnibus 37.b
 Pedum oſcula exegit olim Diocletianus, & nunc Papa 36.b
 Penitencia vera quomodo enaſcatur 13
 Penitentiam Iudæis Petrus prædicat 13.b
 Penitentiam ſuadet Paulus horrore iudiij 63.b
 Penitencia per Chriſtum aſſumenda docetur ibidem
 Penitentes vere iſta ſententia rerum ſerunt ſponte 68.b
 Peregrinatio Pauli tertia cū Sila 55
 Peregrinatio Pauli quarta 71.b
 Perfidorum in Chriſtum pœna digna 46.b
 Pericula cur ſanctis prænuntiantur quandoq; à Domino 75
 Perſæ ſtatuas idolorum abominantur 60
 Petrus non vult adorari 36.b
 Petrus cedit furori impij principis 41.b
 Petri oratio à Iacobo confirmatur teſtimonijs ſcripturarum 52.b
 Petronij carmen de diſcordia 70.b
 Phariſæi vnde dicti 87.b
 Phauorini ſententia contra veridicos 57
 Philippus in Samaria an Apoſtolus vel diaconus 27.b
 Philippus trinominis ex officio 50.b
 Philippiſ gesta breuiter annotantur 58.b
 Philippo mittuntur apoſtoli auxillarij 28.b
 Philippi filix prophetantes, hoc eſt, deditæ verbo Domini 75
 Philippus vnus vxoris maritus ibidem
 Petri Apiani tabula Geographica 89.b
 Pericula illabimur noſtra ſtupiditate & inertia ibid.
 Philoſophi hæreticorum patriarchæ 60.b
 Plato proſecit ex Hebræis ibid.
 Philoſophi irrident verbum veritatis 63.b
 Pythonis ſpiritus dictus ab Apolline Pythio 57
 Piſtor qualis fuerit Lucas 69
 Piſtura dicitur loquens poema ibid.
 Pij

I N D E X.

R

Pietas in patriā maxima virtus 34
 Pietas periculose infectatur a hīc
 religiosi 50
 Pietas non indiget legibus numero
 sis 50.b
 Pietas Pauli in patriam & gentem
 55.b
 Pietati aduersantur multa, sed a
 Deo defenditur 80.b
 Plato non solus mundū docuit crea
 rum 62
 Populi quanta infania 77
 Popularis improbitas exitialis vrbī
 bus 40.b
 Populus facile incitatur & terretur
 70.b
 Porta templi quæ & quare dicta fue
 rit speciosa 12.b
 Prædicatorum zelus & studia con
 tra hæreticos & magos 44
 Prædicationi Paulus insumpsit to
 tam noctem 72
 Prædicatio Apostolica de Christo
 qualis 19.b
 Potentia nulla contra Dominū 41
 Principum studia in rebus & libris
 diuinis olim fuit 30.a.b
 Principum humanitatis exemplum
 in Aethiope ibid.b
 Principis boni plura exempla 44
 Principes iungat prudentiam huma
 manitati 82
 Principes humani sint, etiam nō re
 spiciant personas ibid.
 Progenies Dei quare homo dicatur
 36
 Prophetare quid dicatur 8
 Propheta dicitur Christus propter
 officium 14
 Prophetæ dicuntur aliquando E
 uangelistæ 43
 Prophetiam non aspernandam, sed
 plurimum audiendas sententias 45
 Prophetæ dicuntur Iudas & Silas,
 qui doctores sacrorum 54.b
 Prophetarum falsorum auaritia &
 perfidia 73.b
 Profelyti qui dicti Iudæis 8
 Protagoras vrbe pulsus ab Atheni
 ensibus propter idola 60
 Promissa Dei Christus exhibuit 3
 Prouidentia Dei efficacissima in o
 pere mortalium 80
 Psalmi secundi argumentum 46
 Pueros constar ab Apostolis bapti
 zatos 56.b
 Purgatio Dei per fidem est, & acqui
 ritur 72
 Publius sanitati restituitur ob hospi
 talitatis fidem 92.b
 Purgatio non semper intelligitur ab
 immunditijs 76.b
 Purgatio externa magni fit ab hypo
 critis 77

Q
 Vaternio militum quomodo ac
 cipiendus 40
 Questiones discipulorum curiosæ
 & inutiles 30
 Quinquagesima quomodo à Domi
 ni resurrectione sit numeranda 7

R
 Egnum Dei ad gentes transfe
 rendum 93.b
 Reges etiam nunc Domino seruiūt
 cum tremore 82.b
 Reges legibus prohibere possunt &
 debent ibid.
 Regnum Dei duplex, cœleste & ter
 renum 3
 Regnat Deus in corde fidelium 3
 Regnum Israelis carnale desidera
 bant etiam Apostoli 3
 Regnum Messie augustissimum am
 plificationibus prophetiis præ
 dictum 4.b
 Regnum fidelium Deus curabit suo
 modo & tempore ibid.
 Regnum Christi veteres agnouerūt
 vt nos 9
 Regnum Christi per Euangelij præ
 dicationem 31
 Religio Christiana in spiritu confi
 sit 4
 Religio vera non templo vel cere
 monijs affixa 23
 Religionis veræ summa & authori
 tas 54.b
 Religioni paternæ consecratur
 tota domus 56.b
 Religiosi antiquitus dicti qui 61.b
 Religionis causa conditus homo
 62.b
 Remissio peccatorum quatenus ba
 ptismo tribuatur 31.b
 Respectus nullus est personarum
 penes Deum 37
 Resurrectio per solum Christum
 nobis speranda 84
 Resurrectio mortuorum à Paulo tra
 ctatur 87.b
 Reuerentia decet seruos Dei, sed
 moderata 36.b
 Romanorum nomen & gloria ser
 uit gloriæ Dei ibid.
 Romæ nullum simulachrum annis
 CLX. 60
 Romanorum taxatur auaritia 85
 Romani non temere vberibus lupæ
 aliti 85
 Romanos sæpe Paulus propitios ex
 pertus est 93
 Romæ quid Paulus egerit cum Iu
 dæis ibid.
 Romanæ Ecclesiæ fideles multi 93

S

S
 Abbato diuinis rebus omnino in
 sistendum 45
 Sacerdos sempiternus & patientiæ
 exemplar Christus 31
 Sacerdotes quoque fidei iugo colla
 subdunt 21.b
 Sacerdotali loco nemo se indignus
 ingeret 5.b
 Sacerdos ordinatur conscientia
 puli assistentis ibid.
 Sacrificij nomine dicitur comme
 moratio sacrificij vnicui 11
 Sacrum nihil habendum est quod

homines extruxerunt 62
 Sacramentaria aleosis in baptismo
 31.b
 Sacrificium Deo gratissimum, saluti
 electorum intendere 43.b
 Sacrificia externa vane Deo offerū
 tur 62
 Sacrilegium & sacrilegi qui dican
 tur 71
 Sacrum Christianorum quo loco
 habendum, & quomodo celebra
 dum 11
 Salutis quæ sit via certissima 58
 Samaritanæ quo pacto Spiritum san
 ctum credentes acceperint 29
 Samuelis exuscitatio sarab fuit præ
 stigium 68.b
 Sancti homines mortui non colen
 di ex Augustino 13
 Sancti mortui non lugendi à Chri
 stianis ex Cypriano 27
 Sancti sunt qui ex fidelibus sunt, id
 autem per gratiam 38
 Sanctis tert Dominus suppetitias,
 impios exd.c 42.b
 Sanctos Deus exercet vcliberet ab
 omni periculo 83.b
 Sancti solum Deum in hac vita inuo
 carunt non diuos 90.b
 Sanctorum intercessio quomodo
 improbetur ibid.
 Sanguinis Christi effusio omnium
 peccatorum est ablutio 11.b
 Sanguine qua ratione & quamdiu
 abstinetur à Christianis 53
 Sanguis & suffocatur qua ratione
 prohibita ad esum ibid.
 Sanitatis beneficium non sanctis,
 sed Domino tribuendum 13.b
 Sapientia humana cogitur obstupe
 scere ad diuinam 8
 Satisfactio pro peccatis nostris per
 Christum 31
 Saulus antesignanus persecutionis
 Iudicæ contra Apostolos 27
 Saulus se totum Domino dedicat 33
 Saulus comprobatur se Christi verū
 discipulum 34
 Scortationis nomine intelliguntur
 illicitæ Veneris species 53.b
 Scripturam explicatione indigere
 30.b
 Scripturas legitime exponendi re
 gula ibid.
 Seditionum authores Iudæi vbique
 contra Euangelium 48
 Seditiosi non sunt prædicatores cō
 tra vitia docentes 19
 Seditio pessima rerum oritur ex re
 bus, moribus & vitijs hominum
 pessimorum 48
 Seditiones movent veritatis hostes
 & fidei ibid.
 Seditio non ex veritate, sed falsa do
 ctrina exoritur 51
 Seditioni cur se Paulus immiserit
 70.b
 Seditio venenum dicitur claustrum
 ibid.
 Seditio Ephesi quali oratione miti
 gata 74

I N D E X.

Seditionum authores qui	60	Spiritus sancti donati Apostolis cau	sa assignantur	ibid.	Templa ad verum Dei cultum ali	hil conuenire	ibid.	
Seditionis crimen à se Paulus amo	litur	83.b	Spiritus sancti dona qualia in Apo	stolis	7	Templum Dianæ Ephesiz quale &	à quibus	69.b
Seditiosi Iudæi Asiatici contra Pau	lum	76.b	Spiritus sanctus significatur & com	paratur igni	ibid.	Templum Paulus non polluit vel	prophanauit	84
Seditio & discordia quantum malū	70.b	Spiritus Dei non nisi Dei seruis co	fertur	8.b	Tepellatis elegans descriptio à Ma	rone	89	
Septuaginta animæ Iacob quomodo	accipiendæ	23.b	Spiritus Christi vita est & euiden	tia meriti Christi	9.b	Tentare Deum qui perfumant	52.b	
Sepultura Christi in specioso mau	soleo	31	Spiritus sancti donum accipi, quo	modo intelligendum	10	Tertulliani fides & Symbolum	11	
Sergius proconsul insulæ quomodo	ad fidem conuersus	43.b	Spiritus sanctus Deus esse notatur	17.b	Testamentum vetus veluti theori	ca est nouum practica	8	
Sergij Pauli proconsulis prudentia,	nolentis odisse incognita	44	Spiritu sanctum datum obedienti	bus ipsi	19.b	Testamentum valet morte testato	ris	6 b
Sermonis mitigatio Pauli ad Athe	nienfes pagina	61.b	Spiritu sanctum accipere varie di	citur in scripturis	28.b	Testes Apostoli sunt redemptionis	per crucem	3.b
Seueritas Apostolica cum lenitate	in Petro	29.b	Spiritu sancto misso testatur Deus	gratiam suam ad gentes	38	Testificari sermonem Dei quid	22	
Sicarij qui dicantur	77.b	Spiritus Dei non semper externo	proditur signo	ibid.	Testimonijs prophanorum vti pos	sunt Christiani	63	
Sichem quomodo possessa à patriar	chis	23.b	Spiritu Paulus ducitur in functioni	bus suis pagina	73	Testimonia falsa contra Ecclesiasti	eos	22
Signorum vsus Deo aptus ad homi	nes	7	Squamarum allegoria multiplex	33 b	Testimonium vnum desumptum ex	duobus scripturæ locis à Petro	5.b	
Signis sæpe tribuitur quod est si	gnati	10	Stephani absoluta oratio	22.b	Theudas magus prodigia exerpens	Iudæos decipit	20	
Signa miraculorum non omnibus	profunt pagina	48.b	Stephanus exprimit Christi exem	plum, orans pro inimicis	26.b	Theatrum quale forma	70.b	
Similem semper Deus ducit ad si	milem	59	Stephanus malo nodo malum quæ	siuit cuneum	26	Theodori Bibliandri iudicium &	eruditio	44
Simon de vico Cana, inde Zelotes	dictus, dicitur consobrinus Do	mini	4.b	Stoicorum hæreses de condolentia	60.b	Theophilus significat Dei amante	2	
Simon illustis magus	28.b	Sumptuaria lex etiam apud Corin	thum habita	64	Timotheus insignis, & dignus apo	stolatus	55.b	
Simon etiam non credens bapti	zatur	28.b	Superstitiosi qui dicantur	61.b	Timotheus quo consilio à Paulo cir	cumcisus	ibid.	
Simniaca hæresis nocentissima in	Ecclesia	29.b	Supplicandum vni Deo per Chri	stum	90.b	Titum circumcidi qua ratione pas	sus non sit Paulus	ibid.
Simonis fista pœnitentia	ibid.	Simon & Elymæ magorum com	paratio	44.b	Tolerantia malorum eximium in	uentum deorum	50.b	
Simulachra caueant Christiani, do	cente Iacobo	53	Simulachra quo loco habita varijs	gentibus pagina	60	Traditiones Dei, non hominum præ	dicandæ	22
Simulachrum vbi est, ibi nulla reli	gio	63	Simulachrum ad repræsentandū De	um non idonea	61	Tribunorum militiæ magna autho	ritas	77
Simulachrum religionem vnam	esse docet Paulus	61	Sibyllæ Cumæ prophetia de re	surrectione mortuorum	64.b	Trinitatis sanctæ ineffabilisq; in	si	19.b
Synagogæ veteris occubitus ad or	tum Euangelij	34.b	Socordix increpatio per exemplū	& miraculum	72	Troias ciuitas qualis & vbi	56.b	
Sono & linguis Deus perstringit	audirum & visum	7	Sortiri quomodo & ad quid licitum	6	Tumultuum causa pro viribus vi	tanda	61.b	
Sortium vsus multiplex in scriptu	ris	ibid.	Sortiendi genus quoddam infame	ibid.	Turba pro numero capitur	5		
Sortiendi genus quoddam infame	ibid.		Spiritus sanctus non defuit veteris	testamenti sanctis	6.b	Turbam nullam excitaui Paulus	84	
Spermologus qui dicatur secundū	Budæum	60.b	Spiritus sancti donati Apostolis cau	sa assignantur	ibid.	Tyrannus iracundus vbiq; seruus	vulgi, nihil habens liberum	ibid.
Spiritus sanctus non defuit veteris	testamenti sanctis	6.b	Spiritus sancti dona qualia in Apo	stolis	7	Tyranni schola quomodo accipi	enda	67.b
Spiritus sanctus quomodo datus	dicatur	ibid.	Spiritus sanctus significatur & com	paratur igni	ibid.	Tyrannica belua describitur	41.b	
			Spiritus Dei non nisi Dei seruis co	fertur	8.b	Tyrannis paucorum contra Gama	lielis consilium	20.b
			Spiritus Christi vita est & euiden	tia meriti Christi	9.b			
			Spiritus sancti donum accipi, quo	modo intelligendum	10			
			Spiritus sanctus Deus esse notatur	17.b				
			Spiritu sanctum datum obedienti	bus ipsi	19.b			
			Spiritu sanctum accipere varie di	citur in scripturis	28.b			
			Spiritu sancto misso testatur Deus	gratiam suam ad gentes	38			
			Spiritus Dei non semper externo	proditur signo	ibid.			
			Spiritu Paulus ducitur in functioni	bus suis pagina	73			
			Squamarum allegoria multiplex	33 b				
			Stephani absoluta oratio	22.b				
			Stephanus exprimit Christi exem	plum, orans pro inimicis	26.b			
			Stephanus malo nodo malum quæ	siuit cuneum	26			
			Stephani visio qualis	26.b				
			Stoicorum hæreses de condolentia	60.b				
			Sumptuaria lex etiam apud Corin	thum habita	64			
			Superstitiosi qui dicantur	61.b				
			Supplicandum vni Deo per Chri	stum	90.b			
			Syrtes duæ in litore Africano	89				

T

TAbernaculū testimonij ad quid institutum 25

Tabirha qua ratione Dorcas interpretatur 34

Tarsus Ciliciæ vrbs insignis 77.b

Tarsus Ciliciæ Antiochiæ ferè vicina 39

Tarsenses ciuitate donatos 58.b

Tauri in sacrificijs louis grati cum coronis 49

Templi cura prætori commissæ vel magistratui 14.b

Templi religio perperam obiecta Stephano & Ieremiæ 22.b

Templo carentes, Domino nihilominus placuerunt 25.b

Templum & hostias externas Deus non moratur ibid.

Templi Iudaici quanta gloria, etiā apud gentes 30

Templa instituta ob cœtū & orationem commodiorem 35.b

Templa deorum extra vrbes 49

Templorum vanam esse religionē 62

Templum prophanare quid sit 84.b

Templum Dei mundus est totus 62

V

VAdrianus felix regionum descri

tor 89.b

T

T	Abernaculū testimonij ad quid	institutum	25
Tabitha	qua ratione Dorcas inter-	pretatur	34
Tarsus Ciliciæ	vrbs insignis	77.b	
Tarsus Ciliciæ	Antiochiæ ferè vi-	cina	39
Tarsenses ciuitate donatos	58.b		
Tauri in sacrificijs Iouis grati cum	coronis	49	
Templi cura prætori commissæ vel	magistratui	14.b	
Templi religio perperam obiecta	Stephano & Ieremiæ	22.b	
Templo carentes, Domino nihilo-	minus placuerunt	25.b	
Templum & hostias externas Deus	non moratur	ibid.	
Templi Iudaici quanta gloria, etiā	apud gentes	30	
Templa instituta ob cœtū & oratio-	nem commodiorem	35.b	
Templa deorum extra vrbes	49		
Templorum vanam esse religionē	62		
Templum prophanare quid sit	84b		
Templum Dei mundus est totus	62		

V

V	Adrianus felix regionum descri-	tor	89.b
			Vadimo.

I N D E X.

Vadimonium & Vades Latinis qui dicti	59.b	Veritatem persequitur fucata religio	ibid.	dentium	75
Valerius Publicola vir optimus	58.b	Veritas libere dicenda & constanter	65	Vocationes sanctorum ad munus Ecclesiasticum	31.b
Vas electionis Paulus, quo nemo charior vel nobilior	33	Veritatis hostes quomodo tractandi	68	Vocat Dominus gentes varijs modis	34.b
Veni sonitus quid significet in die pentecostes	7	Veritatis victoria contra aduersarios Pauli	83.b	Vorum Pauli de capitis tonsura	65.b
Ventus Typho, Euroaquilo, Cæcias nauigantium præcipua est pestis	90	Veritatis multa est confidentia	ibid.	Vouendi non omnis ratio Deo placet	10.b
Verbi externa administratio non cõremenda	32	Vestis confectio plangentium habitus	49	Vorum quid	ibid.
Verbum Dei viuificum non contemnendum	46.b	Via capitur pro disciplina & religione	32	Vota non nisi vni Deo nuncupari licet	81
Verbum Domini quomodo accedendum, vt cum fructu audiat	37	Viatores, lictores, virgarum gestatores, idem	59	Vorum est pollicitatio libera & de nobis possibilibus	80.b
Verbum Domini ardentem audiendum	38	Vias Domini inuertere Elymas, quomodo intelligatur	44.b	Vorum non præiudicet melioribus occurrentibus	ibid.
Verborum Dei vsus religiosus & impius	68	Viperæ venenata natura	92.b	Vouendum quod sit in nostra potestate	81
Vergilij Maronis de Deo sententia	62.b	Vicis distinguitur ciuitas, qui in vias, quæ in domos	32.b	Vouere quod non sit contra Dominum	ibid.
Veritas ingrata orbi	93	Viria quomodo cognata virtutibus	79.b	Vorum Deo gratû quod iuxta eius præscriptum	ibid.
Veritas religionis consistit in Deo & veritate	5	Victimæ Christianorum in Apostolica Ecclesia	11.b	Vorum stultum est quod non nosti Deo gratum	81
Veritas nunquam predicatur sine fructu copioso	10	Viduarum in sacris egenarum dicuntur & calamitosarum omnes	21	Vota dijs nuncupata à Deo sunt aliena	ibid.
Veritate offenduntur qui viuunt ex superstitione	14	Viduas à stultis votis arcendas docet Apostolus	82	Vota an sint omnia præstanda	81.b
Veritatis præcipui persequutores qui	ibid.	Vindex Deus est sanguinis seruorum suorum	41.b	Vota agnita quam iniusta, sunt defendenda	ibid.
Veritas Domini semper vincit	14.b	Virtus summum bonum apud Stoicos, qua ratione	60.b	Vota superstitiosorum Christianorum	81
Veritas simplex & perspicua	15	Virtuti suus quoque modus est	79.b	Vota monastica contra Deum vt sint	81
Veritas & in Deum fides inuicta in Petro	41	Viri optimi dotes quæ sint	66.b	Vorum errori iunctum & sceleri nõ ligat	81.b
Veritatis prædicatio sui semper est similis & constans	19.b	Visio duplex Ananias & Sauli	32	Vorum Iephthæ quale	ibid.
Veritati ante omnia innitendum	33	Visionis multa in scripturis genera	35.b	Vouere & reddere exponitur	ibid.
Veritatem non horrere lucem	45	Visio Petri de lintamine exponitur allegorice	ibid.	Vorum in veteri Testamento erat cum sacrificio	ibid.
Veritas semper patitur persequutores	44	Vltio dea est iudiciorum	92.b	Vouendi ratio abrogata cum sacrificijs	ibid.
Veritatem sequitur inuidia	46.b	Vmbra Petri an & quomodo miraculum ædific	18.b	Vrbibus maioribus prædicant Apostoli Euangelium	59
		Vita commendanda Domino Iesu	26.b	Vultus animi speculum	22.b
		Vno in Christo salus consistit eredi		Vxores habuerunt & filias Petrus & Philippus	75.b

F I N I S.

DE AVTHORE, INSTITV- TO ET RATIONE HVIVS

OPERIS, AD LECTOREM

Præfatio.

CONSTAT Diuum Lucam professione fuisse medicum, natione Syrum, patria Antiochenum, amœni & terfij ingenij virum, qui à restaurata per Apostolos vera religio-
ne, ijs, Paulo in primis adhæsit, quo & præceptore vsus, tandem duos de Evangelica
historia libros conscripsit. Alterum quidem de Actis & doctrina Christi in partibus
Achaia & Bœotia, vti ab ijs didicerat, qui cum Christo conuersati fuerunt, adidit. Alterum
verò de Actis ac doctrina Apostolorum Romæ conscripsit, dum in vinculis teneretur Paulus, non
audita iam referens, vt superiori, sed visa, idque mira energia, gravitate, & elegantia. Merito
itaque maximus honor huic operi semper esse habitus. Hieronymus enim, Acta (inquit) Apostolo-
rum nudam quidem videntur sonare historiam, & nascentis Ecclesie infantiam texere, sed si no-
uerimus scriptorem eorum Lucam esse medicum, cuius laus in Euangelio esse, animaduertemus
pariter omnia verba illius animæ languentis esse medicinam. Neque verò ab his admodum ab-
sunt D. Erasmi verba de hoc opere testantis: Quid quaso hæc historia aliud esse, quàm Euangelij
pars, eaq; meo iudicio non minima? Siquidem illic describitur granum frumenti solo conditum, hic
describitur enatum ac suas paulatim aperiens ac proferens opes. Quod ni per Lucam cognouisse-
mus, quibus modis Christus reliquerit terras, vbi, quo loco, quibus modis aduenit promissus ille
spiritus, quibus initijs cæperit Ecclesia, quibus rebus polluerit, quibus creuerit rationibus, nonne
bonam Euangelij partem ignorassemus? Rectè itaque Beda, Hic (inquit) non solum vsque ad re-
surrectionem assumptionemq; Domini perduxit narrationem, vt ceteri, verum etiam deinceps quæ
per Apostolos gesta sunt, quæ sufficere credidit ad edificandam fidem legentium seu audientium,
ita scripsit, vt solus eius liber fide dignus haberetur in Ecclesia de Apostolorum actibus narran-
tis, reprobatis omnibus qui non ea fide qua oportuit, facta dictaq; Apostolorum scribere ausi sunt.
Sed & Ioannes Chrysostomus mirantibus qui factum sit, vt Lucas historiam Apostolicam non q-
mmem ad finem vsq; sit persequutus, aut singulorum gesta singulis non descripserit libris, pulchre re-
sponder, Hæc quidem sufficiebant his, qui modo animam volunt aduerrere.

Commendatio
authoris &
operis.

Audiemus enim in breui hac historia totam pietatis summam esse comprehensam. Audiemus
quæ fuerit Ecclesie infantia, qui auctus, quæ Ecclesie iustæ facies, quæ doctrina Apostolorum, qui
veteris Ecclesie ritus, quæ studia, quæ religio, fides, doctrinaq; vera vel falsa, vetus vel noua, qui
veri vel falsi doctores, qualia virorumque ingenia, quæ artes, qui mores: item qualia sint mundi
studia, quales persequentium animi, successus, qualiaue fata. Breuiter, videbimus miram Ecclesie
faciem, sed prorsus absolutam, nunc quidem in summa tranquillitate euentam florere, mox inter
turbas heresum & persequentium, in pericula abiectam, mire angî & fluctuare, Deum vbique opi-
rulari, itaque Ecclesiam in ipsa oppressione seipsa subinde speciosorem emergere. Quicquid enim
ad salutiferam cognitionem & ad pietatem excolendam necessarium esse, quicquid à primarijs A-
postolis, Petro ac Paulo in primis, velegregiè dictum vel sapienter & pie factum esse, id absolute
& plene hoc libro traditum esse. Totidem autem annorum historiam texit, quot capita habet, octo
videlicet & viginti. Si enim Tiberius vigintiquatuor annis regnavit, decimo octauo regni eius
passus esse Christus, restant igitur anni sex. his adde C. Caligula quatuor, Claudij verò quatuor-
decim, & ex Neronis imperio annos quatuor, & habebis annos vigintiocto. Nam secundo Ne-
ronis anno, Paulus Romam vincus venit & biennium in libera custodia exegit. Hæc verò pau-
cis de authore & opere præfenti delibare volui: nunc quod nostrum institutum attinet, nulla alia

Argumentum
libri.

Anni huius his-
torie.

P R A E F A T I O.

De Commen-
tarijs.

Libri primi ar-
gumentum.

*caussa Commentarios nostros in libros distinximus, quàm quòd hæc diuisio nonnihil ad perspicui-
tatem historiae facere, deinde & studiosorum memoriam videretur adiuuare, qui minimo negotio
totam intelligent, ediscuntq; si in certos locos diffusam colligant. Facilius enim & certius cogno-
scimus, quæ certis designatisq; in locis, ceu in arctum certumq; numerum compacta collocataq; con-
templamur, quàm quæ in longum latumque diffusa neque exacte videre neque memoria complecti
possumus. Proinde totum opus in sex partiti sumus libros. At primo hoc, quo quinque priora ex-
ponimus capita, tractamus discessum Christi, & Ecclesiae primordia: nempe quomodo Apostoli pro-
missum Patris expectantes, spiritum acceperint, huius auspicijs & robore Ecclesiam congregarint,
quid & quomodo Christo testimonium dederint ac veram religionem prædicarint, quomodo Ec-
clesiam hanc nouam Christi sponsam Christo initiarint, instituerint, duxerint, quibus imbuerint
ritibus, quibus denique studijs intenti vicerint tot minas & aduersariorum artes. Hic videre est
qui sint impiorum mores, quæ sutes, quæ sanctorum patientia & victoria. Ve-
rum satis iam præfati, videamus quæ sit auctori
in præsentem historiam
præfatio.*

COMMEN-

COMMENTARIORVM IN ACTA APOSTOLORVM

LIBER PRIMVS.

P R A E F A T I O.

SUPERIORE quidem volumine diximus Theophile, de omnibus quæ coepit Iesus tum facere tum docere, usq; ad eum diem, quo assumptus est, posteaquam mandata dedisset Apostolis (quos elegerat) per Spiritum sanctum.

HÆC ad ea usque verba, Congregatis ergo illis in locum vnum, præfationis vice sunt ab authore præfixa. Non enim vulgariter historiam sacram textit Lucas, sed doctissimè, adeò vt optimis quoque prophanæ historiæ scriptoribus possit conferri, licet ipsa dictio non sit usque adeò superstitiosè exulta, pura tamen est, grauis ac elegans. Hicce verò posteriorem librum pulcherrimè necit priori, ceu epilogo & anacephalæosi potissimum primi libri repetens. Duos enim libros (vti diximus) de Euangelica historia conscripsit, qui rectius committerentur, quàm quod vulgari more, Ioannis Euangelio interposito, interrumpuntur. Priorem autem quem de vita Christi conscripsit, partitur hic in Facta & Doctrinam. Per facta autem intelligit beneficia, miracula & gesta historica. At per doctrinam dogmata, decreta, sermones, & disputationes varias cum varijs habitas. Proinde non est quod multis hic dispuemus faciendum ne prius doctore Ecclesiastico quod docet, an docendum quid facias. Agnoscimus sanè elegantem illum ac piam D. Hieronymi ad Fabiolam sententiam, Prius faciamus & sic doceamus, ne doctrinæ auctoritas cassis operibus destruarur. Sed quæque suis in locis si dicantur, quadrant. Vera quidem sunt illa, sed non in loco. Porro Lucas historicos suos libros eidem dedicauit Theophilo. De quo multi disputant proprium an commune nomen sit, episcopi vel magnatis alicuius, an commune omnium veritatis & Dei studioforum. Et verisimilius est id quidem epitheton esse pij lectoris: quanquam nō desint qui proprium alicuius viri nomen esse asseuerent, sed parum retulerit quid hic quisq; sequatur. Sanè Theophilus sonat amans Dei, *Ein fründ oder liebhaber Gottes.*

De omnibus.) Hic querit Ioannes Chrysostomus, cum Ioannes scripserit impossibile esse vt omnia Christi possint scribi, quomodo Lucas dicere potuerit de omnibus? Et respondet, Atqui non dixit omnia, sed de omnibus. Perinde ac si quis dicat summatim & in genere: aut de omnibus loquitur quæ necessaria sunt. Atq; in eandem sententiam exponit etiam Beda. Omnia igitur quæ necessaria sunt, vt de Apostolorum gestis & Christi in primis credantur scianturque literis prodita sunt sacris. Quid ergo ogganniunt pontificij?

Vsq; ad eum diem.) Paulò confusior ordo est in receptis codicibus Latinis: vetus interpres expressius & simplicius vertit, Vsq; in diem qua præcipiens Apostolis per Spiritum sanctum quos elegit, assumptus est. Vnde rectè monet Beda longum texti hyperbaton. Sentit enim Lucas se priori libro complexum quicquid Iesus & dixerit & fecerit egregie, ad eum usq; diem, quo assumptus est, prius tamen conuocatis Apostolis & cōmonitis, vt Hierosolymis expectarēt promissum Patris. Proinde crediderim synchresin hanc sic explicari posse: Superiorem potissima libro quæq; & factorū & dictorum Christi Domini ad eum usque diem persequutus sum, quo ille in cælum assumptus est, posteaquam Apostolis (quos elegerat) de Spiritu sancto præcepta dedisset, aut præcepisset. Itaque *ὅτι πρὶν μάλιστα ἀγίου* positum arbitror pro *πρὶν πρὸς πάντας ἀγίου*. Et Chrysostomus hunc locum exponens, Per Spiritum præcipiens (inquit) hoc est, spiritualia ad illos verba loquutus, nihil autem humanum, rem claram aliquanto obscuriorem reddit. Nam Lucas nihil aliud intellexit, quàm illud ipsum mandatum, quòd paulò post clarius exponet, ne Hierosolymis discedant, sed Spiritum expectent. Hoc inquam mandatum de Spiritu dedit.

Quibus etiam seipsum exhibuerat viuentem, posteaquā supplicio fuisset affectus: idq; compluribus argumentis, dum per dies quadraginta conspicitur ab illis, ac loquitur eis de regno Dei.

De resurrectione
ne & clarifica-
tione.

Ad epilogum superioris libri pertinent & illa argumenta, quibus Dominus veram corporis sui resurrectionem Apostolis comprobauit. De quibus satis Luc. 24. Ioan. 20. 21. & 1. Corinth. 15. cap. scriptura testatur. Quod autem nos legimus, quibus seipsum exhibuerat uiuentem, id longè viuidius Græce est, *παρίσταται*, id est, ob oculos statuerat. Hoc enim emphasim habet. Et quæ nos argumenta, Græci vocant *τεκμήρια*. Hæc à Rhetoribus ponuntur inter probationes artificiales, de quibus Fabius in 5. Cicero in Partitionibus *τεκμήριον* vocat propriam rei notam, nos argumentum, quod signum est per quod fides fit rei alioqui dubiæ. Cuius generis videri poterat demonstratio manuum ac pedum, fixura clauorum insignium, contactus quoque lateris, elus item piscis & faui mellei. Huc accedit & temporis circumstantia, dies nempe quadraginta. Quæ omnia tam grandia sunt & certa, vt vecors prorsus fuerit qui de resurrectione corporum dubitarit. Videas hodie inter eos quoque qui in doctorum numero recenseri volunt, nescire plures quale sit corpus clarificatum. Statim enim atq; inuisibilem quampiam rem adeoque & incorpoream demonstrare volunt, corpus Christi clarificatum proferunt, huiusque collatione mendacia sua confirmant. Quasi verò clarificatum corpus, corpus esse desinas, & in spiritum vertatur. Quòd si verum esset, quæ iam esset corporis resurrectio? Secus de hac re iudicauit Scriptura, secus iudicauit Tertullianus, Irenæus atque Augustinus. Corpus ergo clarificatum corruptibile corporis exiit, at non ipsum corpus ac substantiam prorsus abiicit aut in spiritum vertit, sed in melius mutat, manente interim corporis siue carnis substantia. Idem præscribunt & Definitiones Ecclesiasticæ cap. 6. vbi legis, Si resurgere dicitur quod cadit, caro ergo nostra in veritate resurgit, sicut in veritate eadit. Et non secundum Originem immutatio corporum erit, id est, aliud nouum corpus pro carne, sed eadem caro corruptibilis quæ cadit, tam iniustorum quam iniustorum, incorruptibilis resurget, quo vel pœnam sufferre possit pro peccatis, vel in gloria æterna manere pro meritis. Sed hæc causa satis diligenter à veteribus aduersus Valentinianum tractata est. Et Augustinus de Agone Christiano cap. 24. Nec eos audiamus (inquit) qui negant tale corpus Domini surrexisse, quale positum est in monumento. Si enim tale non fuisset, ipse non dixisset post resurrectionem discipulis, Palpate & videte, quoniam spiritus carnis & ossa non habet, sicut videtis me habere. Sacrilegum est enim credere Dominum nostrum, cum ipse sit veritas, in aliquo fuisse mentitum. Hæc in transcurso, propter eos maximè annotamus, qui se vicisse credunt, cum obijciunt, corpus clarificatum in Cœna edi. Non enim nunc dicimus, quòd ita à verbis quoque consecrationis exciderunt, quæ sunt: Hoc est corpus meum, quod pro vobis traditur. Quis enim vnquam credidit impassibile corpus, quale clarificatum est, posse tradi, hoc est mori? Hæc illorum præclara victoria. Huc tandem delabimur contentionis studio. Simplex alioqui veritas est & exposita mentibus fidelium, at intricata & obscura in animis arroganter pro gloria & vtilitate sua litigantium.

Vide 1. Cor. 15.

De regno Dei.) Regnum Dei secundum dispensationem vel nostri respectu duplex est, cœleste & terrenum. Disseruit ergo de vita beata, de immortalitate & felicitate perpetua, denique quomodo per prædicationem Euangelicam corda piorum parari possint ad aduentum sancti Spiritus, vt Dei templū, fiant. Sic enim & in hisce terris regnat Deus in cordibus fidelium per fidem innocentiam & puritatem. Sic inquam apud Apostolos de regno Dei per quadraginta istos dies continuos disseruit, adeoque & animos eorum ad aduentum Spiritus sancti parauit. Hastenus verò huius libri posterioris præfationem priorisq; anacephalæosin pertingere credimus.

CAPVT I.

Congregatis verò illis in idem loci præcepit eis, ne discederent Hierosolymis, sed vt expectarent promissum Patris, de quo, inquit, audistis ex me: quoniam Ioannes baptizauit quidem aqua, vos autem baptizabimini Spiritu sancto post dies hosce non multos.

PER Epanaphoram denuo in manus sumit, quæ strictius in fine superioris libri tradiderat. Iterum enim copiosiusq; exponit præceptum illud de Spiritu sancto, & quomodo cœlos ascenderit Dominus. Igitur posteaquam terras (inquit) deferere & cœlos repetere statuisset Dominus, prius cōuocat discipulos, vtpote charissimis (vt fieri solet) maxima quæque commendaturus ostensurusq; quid posthac faciant. Hic ergo præcipit ne Hierosolyma discedant, sed Patris promissum expectent. Hierosolyma enim Prophetarum vaticinio constituta erat, vt religionis esset caput ac fons, vnde ad omnes alias gentes manaret lex diuina. Consulatur super hac re Isaias in secundo, & Micheas in quarto cap. Porro ipsum Dei donum Spiritum sanctum vocat promissum Patris, & propter prophetiam veterem, quæ est apud Maïam in 44. apud Ieremiam 31. Ezech.

Ezech. quoq; 16. item apud Ioelem in 2. & suam ipsis pollicitationem quæ extat Ioannis 14. & 16. Sic enim plurima adducit ceu à pronuntiatis testimonia, vt illorum mentes confirmaret. In primis vero euidentis est sanctissimi Baptiste testimonium. Is iam olim dixerat se aqua tantummodo baptizare, Christum verò Dominum spiritu baptizaturum. Ideo tamen nemo contemnat baptismum Ioannis. Idem enim est cum baptismo Christi & Apostolorum. Baptizarunt enim Apostoli aqua in nomen Christi. Baptizauit & Ioannes equa in venturum. Vana ergo sunt quæ disputantur à nonnullis de diuermine baptismi Ioannis & Christi. Interim alij rectè distinxerunt inter baptismum aquæ & ignis. Igne enim solus Christus baptizat. Solus enim confert Spiritum sanctum. Et ignis baptismus aliud nihil est, quàm donum sancti spiritus, quod post aliquot dies copiose super discipulos effudit, dicente Luca, Visæ sunt dissectæ linguæ velut igneæ, seditq; super singulos eorum & repleti sunt omnes Spiritu sancto. Dicitur autem ignis baptismus ad imitationem aquæ baptismi. Et hæc duo elementa instituto Domini pulchre congruunt. Nam vt aqua vel hodie purgamur, ita olim igne lustrabatur sones. Et res visibiles significantur per signa visibilia. Habuit ergo Ioannis quoq; baptismus quiaquæ erat suum mysterium, quemadmodum & Apostolorum, vt non sit ideo contemnendus quod aquæ baptismus dicitur. Significat enim eum qui tingitur absolui & ablui à peccatis, sed per Christum. Hic enim solus absoluit. Abluit & minister, sed suo more. Christus est perfectio, is confert Spiritum sanctum, serena conscientias, & imaginem dei in nobis restituit.

Illi igitur vbi conuenissent, percontabantur illū, dicentes: Domine, num in tempore hoc restituis regnum Israel?

Dominus de Spiritu differit, illi carnem malunt. Stultam enim ingerunt de futuro Israelis carnalis imperio opinionem, quam omnibus eius gentis hominibus imis infixam fuisse pectoribus, & *Carnale Israelis regnum.* verba matris filiorum Zebedæi, & Cleophæ apud Lucam in 24. cap. testantur. Sperabat enim Iudæorum gens omnem rerum summam ad se fore deuoluendam, figurata Prophetarum oratione aut propria verius ositantia decepti. Prophetæ enim amplissimis verbis augustum illud Messie imperium describentes, imprudentibus occasionem dedere carnalia hæc cogitandi & sperandi. Verum longè aliud fuerat Prophetarum institutum, quod tamen (communi genere dicendi) amplificationibus, hyperochis, allusionibus, alijsq; id genus ornatmentis suffigurarunt. Id cum illi non expenderent in fœdum illum errorem deuoluti sunt, in quem & hodie quidam deuoluuntur, qui contendere & litera occidente pugnare malunt, quàm pietatem promouere. Graphicè verò adumbratur vt sese humana mens erga dei præcepta gerat, quid caro nostra in veritatis negotio quærat. Quid verò multis opus? Euangelium animi bona pollicetur, nos opes, voluptates, honores, carnem malleamus. Rectissimi ergo in hunc locum Chrysostomus, Non volebant (inquit) sese conijcere in pericula, sed respirare potius ac refocillari. Idem & hodie in multis videre est, qui olim omni conatu Euangelium cupiebant promouere, non alia causâ quàm quod ad rem attentiores pro re sua fore putarent; nunc cum tribulatio pro voluptate irrepit, & carnalia magis abneganda quàm ambigenda esse audiunt, Illud ne præclarum hoc (inquiunt) Euangelium? Speraui enim Gygis anulum esse inuentum, at nunc video malorum glomos in medium esse positos. Hi aut non perstant, aut non sincero animo in euangelio agunt, quia non sincera mente veritatem susceperunt. Oculi enim ipsorum prauus est. Est aliud etiam hominum genus minime malitiosum, & tamen affectibus hisce carnalibus deditum, qui malent impios omnes & verbi dei hostes simul esse profligatos, cæcos, attritos, pietatem contra assertam & in pace ac tranquillitate res fidelium citra crucem florere. Conqueruntur tales de temporum iniuria, sed cum tempore tamen discunt quod per crucem pateat aditus ad vitam. Perstant ergo & sub inde ad saniora perueniunt. Quemadmodum & Apostoli sequentibus à vana spe ad meliora transferuntur.

Dixit autem ad illos: Non est vestrum nosse tempora & articulos temporum, quos pater in sua ipsius cōstituit potestate: sed accipietis virtutem, posteaquam Spiritus sanctus aduenerit super vos, & eritis mihi testes, non solum Hierosolymis, verum etiam in vniuersa Iudæa, Samariaq; deniq; vsq; ad extremā terrā.

Quemadmodum enim vbiq; curiosas & inutiles discipulorum quæstiones, in locum aliquem *Curiosæ & inutiles quæstiones.* communem digrediens, salubri quopiam dogmate elusit Dominus: sic hoc quoq; loco carnalem affectum & quæstionem inutilem omniscientia & inculpabili administratione prouidentiaq; Dei re- *nes.* tradit. Sic ad matrem filiorum Zebedæi primatum filijs petentem dicit, Nescitis quid petatis: & proinus de suscipienda & ferenda cruce differit. Ad Cleopham verò querula voce dicentem: Nos spe-

rabamus eum esse illum qui esset redempturus Israel, dixit. O stulti & tardi corde ad credendum omnibus quæ in Prophetis scripta sunt: & protinus ex Prophetis disputat de redemptionis mysterio. Rursus ne Apostoli in Evangelio curiosius rimarētur articulum extremæ diei, ait istam horam post patrem nemini esse cognitam: deinde ad vigilantiam hortatur & sobrietatem. Ita hic quoque paucis illorum retrudit quæstionem, & anxios reijcit ad Spiritus sancti institutionem. Longum enim & in commodum fuisset paranti discessum, stultam de carnali restitutione Israelis opinionem conuelleret. ergo paucis, Administrationem rerum (inquit) ipsam inquam administrandi occasionem & opportunitatem Deo permittite, vos vestra curate. Ille non deerit promissis, restituet regnum Israeli, sed suo modo, loco, ac tempore. Vos interim expectate Spiritum sanctum, nihil solliciti quomodo Deus fidem suam præstet. Obseruandum verò illud quod in hunc locum annotauit Erasmus, *καὶ* hoc loco plus quiddam esse quàm *καὶ*. Hoc enim propriè esse quoties de genere seu modo spaciòue temporis agitur, veluti seculum, annus, dies, mensis, hora. Illud autem articulum ipsumque momentum ac punctum (vt aiunt) in quo res sit agenda. Et sanè duo sunt quæ anxios mirè sollicitant torquentque, quando nam, id est, quo tempore, siue quàm breui cupita res sit restituenda: deinde quo oportunitate, quòue modo aut consilio. De utroque non vult suos esse sollicitos. Hoc enim omne in manu, hoc est, administratione Dei esse, qui & satis tempestiuè ac opportunè minimoque negotio res quasuis expediat, quas pro gloria nominis sui & Ecclesiæ esse nouit. Id verò nobis quoque dictum putemus, qui de successu rerum & futuris præ modum curiosi & anxij sumus, at de pietate & vitæ sanctimonia nihil solliciti. Age itaque permittamus conduori rerum, tempus quo quæque agat, & opportunitatem siue medium per quod commodè quæque agat, nos interim pietati studeamus. Promouebit ille gloriam suam, vindicabit Evangelium, sed & impios verbi hostes profligabit eo tempore modo ac consilio quo illi visum fuerit. Hic quid nostra retulerit quando, aut quomodo id futurum sit? Aduigilemus potius ne & nos simus impij vel hypocritæ, ambulemus in iustitia coram ipso, expectantes in patientia & vera animi constantia Domini redemptionem, qui sperantes in se nunquam deseruit. Id verò in primis venustum est, quod dicit, Accipietis virtutem: id est, robur. Alludis enim ad pusillanimitatem imbecillitatemque illorum. Quasi dicat: Hæc verò quæstio aliunde non proficiscitur, quàm ex imbecilli animo, quod carnalibus imbutum opinionibus, prorsus in diuinis laborat negotijs: dabo itaque Sanctum spiritum vt is vos sanet, instituat, absoluat, roboret. Id vbi factum fuerit, eritis mihi testes, sentietisque quale nam regnum Israelis futurum sit, spirituale nimirum, in quo vos non reges eritis, sed testes redemptionis per crucem meam, quam nō modò Iudæis, sed & omnibus prædicabitis in circumitu gentibus, vsque ad extrema terræ. Sic enim loquutus est Dominus, Dabo te in lucem gentium, vt sis salus vsque ad extrema terræ, Isaïæ 49. Cæterum Gentibus non prædicarunt Evangelium priusquam Petrus nobili visione vocaretur ad Cornelium. Ibi verò clarius & copiosius disputatur de vocatione Gentium.

Atque hæc loquutus, videntibus ipsidem, in altum sublatus est, & nubes subduxit illum ab oculis eorum.

καὶ ταῦτα εἰπὼν, ὑπὸ ταῦτα δὲ εἰπὼν. Nec plura loquutus, benedixit, id est, valedixit suis, & cælos ascendit, idque eis inspicientibus. Nubes autem suscipiebat ipsum. Hoc enim signum erat ipsum in cælum ferri. Nam nubes cæli symbolum est, dicente Propheta, Qui posuit in nube ascensum suum. Sed & in monte sancto obumbravit eum nubes lucida. Et Beda interpret, Vbiq; creatura (ait) suo creatori præstat obsequium. Astra indicant nascentem, patientem obnubunt, nubes recipiunt ascendentem, redeuntem ad iudicium concomitabuntur.

Quumque essent defixis in cælum oculis, eunte illo, ecce viri duo adstiterunt illis, amicti vestibus albis, qui & dixerunt: Viri Galilæi, quid statis intuentes in cælum? Hic Iesus qui assumptus est à vobis in cælum, sic veniet quemadmodum vidistis eum euntem in cælum.

De ascensione
Domini.

Maximum est ascensionis Domini mysterium, maxima vis, proinde rem grandem maximis, multis & multò certissimis approbatam oportuit testimonijs. Primo ergo hæc fiunt in conspectu discipulorum, vt & ipsi nil dubitarent, & alijs certiores forent testes. Deinde apparent angeli, quos ob assumptam speciem viros vocat. Cæterum duo apparent. Nam in ore duorum aut trium stabit omne verbum. Apparent autem albis vestiti. Nam ad sepulchrum quoque dum resurrectionis testes essent, fulgurante veste comparent. Quin & ipsum Dominum Iesum candida veste comptum cernebant discipuli, dum transformaretur in monte sancto. Et candida veste cincti in triumpho equis albis vehebantur victores Romani. Color ergo candidus victoriæ, clarificationi & imperio consecra-

consecratus est. Iam cum angeli adhibiti fuissent dominicæ conceptioni, natiuitati, passioni, resurrectioni, non potuerunt non interesse ascensioni. Sic autem loquuntur illi de ascensione Domini ad discipulos, Viri Galilæi, Discipulos autem è loci vocabulo, veluti dignitate, robore animi ac constantia præminentes compellant. Quid enim alioqui opus erat eos audire cuius erant patriæ, cum id nequaquam ignorarent? Hinc ceu expostulantes socordiamque apostolis impropèrantes, non citra Emphasim addunt, Quid statis inuentes in cælum? Quid apud Græcos viuudius est, *τί ἰστάσθε ἐν βλάπτειν* *ὑπὸ τοῦ οὐρανοῦ*. Porro quod hic dixit *ἐν βλάπτειν*, id paulò superius dixit *ἀνιζέναι*. Est autem *ἀνιζέναι* fixis & immotis (vt inquit Erasmus) obtueri oculis, amantium more. Iam sequitur assumptionis testimonium, *ἄντες ὁ ἰσὺς*, Hic ille Iesus, nempe qui à vobis in cælum assumptus est corpore visibili & vero, ad eum prorsus modum redibit, *ὡς ᾤπισεν* quemadmodum vidistis abeuntem. Id est, in eadem forma carnis (vt Beda ait) atque substantia veniet iudicaturus, in qua venerat iudicandus, cui sanè immortalitatem dedit, naturam non abstulit. In quam sententiam & D. Augustinus (ex quo ille verba sua transcripsit) ad Dardanum de præsentia Dei cap. 2. Memoriter recolere (inquit) & fideliter tene Christianam confessionem, quoniam Christus resurrexit à mortuis, ascendit in cælum, sedet ad dexteram patris, nec aliunde quam inde venturus est iudicare viuos mortuosque iudicandos: & sic venturus est illa angelica voce testante, quemadmodum ire visus est in cælum, id est, in eadem carnis forma atque substantia, cui profecto immortalitatem dedit, naturam non abstulit. Secundum hanc formam non est putandus vbique diffusus. Cauendum est enim ne ita diuinitatem astruamus hominibus, vt veritatem corporis auferamus. Non est autem consequens, vt quod in Deo est, ita sit vbique vt Deus. Nam & de nobis veracissima scriptura dicit, Quod in illo viuimus, mouemur, & sumus, nec tamē sicut ille vbique sumus, sed aliter homo ille in Deo, quoniam aliter & Deus in homine proprio quodam & singulari modo. Vna enim persona Deus & Homo est, & vtrunque est vnus Christus Iesus, vbique per id quod Deus est, in cælo autem per id quod homo est. Hæc Augustinus, quem fortassis Sacramentarium esse conuiciabuntur quidam, quibus placet ibi quoque iuxta humanitatem esse Christum vbi est secundum diuinitatem. Sed nemo est vel modice in sacris versatus literis & harum interpretibus, qui non ad pudendum illum errorem obstupescens vociferetur, Contendendo certe amittitur veritas. Nunc quod attinet mysterium ascensionis Dominicæ, Sept. Tertull. de resurrectione carn. Christus (inquit) sequester Dei atque hominum appellatus, ex vtriusque partis de posito commissio sibi, carnis quoque depositum seruat in semetipso, arrhabonem summæ totius. Quemadmodum enim nobis arrhabonem spiritus reliquit, ita & à nobis arrhabonem carnis accepit, & vexit in cælum pignus totius summæ, illuc quandoque redigendæ. Securi estote caro & sanguis, vsurpatis & cælum, & regnum Dei in Christo. Quod si verum est (vt sanè aliter habere non potest) iam peccata hominum expiata sunt, cælum apertum est, spes immortalitatis confirmata est. Victor quoque Christus ecclesiam suam tueri potest, nec quisquam est qui posthac electos damnare possit. Christus enim victor is est, qui cælos ascendit, qui ad dexteram patris sedet, & intercedit pro nobis. De qua re copiosius ad Roman. 8. ad Hebr. 5. 7. 8. 10. & Ioan. 14. Præterea necessarium erat vt caro Christi auferretur ex hoc mundo, vt tota religio in spiritum dirigeretur, & vt animi fidelium à terrenis ad cœlestia, vbi Christus est, erigerentur. Hactenus verò pertingit Corollarium istud ad superiorem magis historiam pertinens quam ad præsentem: quæ iam sequuntur peculiariter præsentis sunt instituti. Nunc enim audiemus quid actum sit posteaquam terras corpore deseuerat Dominus, & quomodo discipuli se ad donum Spiritus sancti pararint suscipiendum, item quomodo Spiritus sanctus sit missus.

Mysterium ascensionis.

Vide quid in cælis agat Christus. Ioan. 16. Coloss. 3.

Tunc reuersi sunt Hierosolymam à monte, qui vocatur Oliueti, qui abest Hierosolymis iter sabbati

Pia mens neque grauat, neque tardat diuinis obsequi præceptis. Nihil ergo morantur, nihil disputant, sed eò redeunt quo redire & spiritum præstolari præceperat Dominus. Faciamus nos quoque summo studio, alacritate læta & accurata diligentia quodcunque ille facere præcepit. Porro loci nomen exprimitur, è quo cælos ascendit, non modo ob historię fidem, sed ob mysterij etiam sublimitatem. Siquidem vt humanæ imbecillitatis maximi, erga nos amoris argumentum æderet, in eodem oliuarum monte cum morte colluctans sanguinem desudat. Iterum ergo cælos ex eodem migrat, vt certum diuinitatis exhiberet specimen. Etenim hoc ipsum iam olim prædixerat apud Ioan. in sexto fore vt ex ascensione ad cælos intellecturi essent ipsum esse filium Dei. Hinc in superiori historia legimus, Et adorato eo redierunt Hierosolymam. Præterea indicatur & loci distantia, Iter sabbati. De quo copiosius disputauit D. Hieronymus quæstio. ad Algasia. 10. Aiunt autem esse spatium bis mille passuum. Eo quod Ioannis duodecimo scribatur Bethania à Hierosolymis abuisse stadiis

quindecim, quæ tamen in latere montis oliuarum sita sit. At quindecim stadia paulò minus efficere quàm passuum duo millia. Videtur hoc totum ex ijs enatum verbis Moseos, quæ Exod. decimo. sexto in hanc extant sententiam, Maneat vnusquisque apud semetipsum & nullus egrediatur de loco suo die septimo. Diuus Chrysostomus. Mihi videtur hæc (inquit) in sabbato gesta fuisse. Alioqui non ad istum modum indicasset interuallum loci. Quod quam verè dixerit deprehendes si à resurrectionis die quadraginta numeraueris dies. At resurrectionis dies in vigesimum Martij incidit, si modo Tertulliani computatio non fallit, quæ est Christum crucifixum esse Coss. Rubellio Gemino & Rufio Gemino, mense Martio, temporibus paschæ, die VIII. Calend. April. quæ apud nos est Martij vigesima quinta. Sed hæc obiter.

Et cum introissent, ascenderunt in cœnaculum, in quo habitare solebant, Petrus inquam & Iacobus, & Ioannes, & Andreas, Philippus & Thomas, & Bartholomæus & Matthæus, Iacobus Alphæi, & Simon Zelotes, & Iudas Iacobi frater.

Non huc atque illuc magna quædam iactantes discurrunt, sed sese intra domus penetralia recondunt, donec adsit tempus & occasio benefaciendi. Habuerunt autem certum designatumq; locum, in quo dum Hierosolymis agerent habitabant, cuius hic fit mentio. Nemo enim sanus de honestissimis crediderit viris (quod de balatronibus credimus) omnium perreptasse ædes. *ἱερὸς* verò ædificior est in ædibus locus, Latini cœnaculum vocant, non equidem locum in quo cœnatur. Festus enim cœnaculum vocat domus superiora ad quæ scalis ascendeatur. Orientalibus vero suus fuit in construendis domibus mos. Germani vocaremus *die loben/die winden oder den saal*. Locum inquam in ædibus patientiorem & aliquanto ampliorem. Sed vide lector quā tenui ædificio, & omni magnificentia carenti contenta fuerit apostolica simplicitas. Nihil tale videas hodie in horum (vt videri volunt) sequacibus, quibus non sufficit vel Priami regia, vel ambitiosa Babyloniorum structura. Nominatim autem recensentur religionis Christianæ procures, quod multum referat istorum nouisse nomina, qui primarij nobis dati sunt à Deo veræ pietatis antistites. De singulis qui plura velit legat apud D. Hieronymum in eo libello quo numerat scriptores ecclesiasticos, cui studiosus aliquis reliquorum apostolorum, qui nihil scripsere, vitam & interitum adiecit. Hoc annotandum videbatur de tribus postremis.

IACOBVS Alphæi fuit filius, Simonis & Iudæ frater, quem Mar. in 15. paruum cognominat, nimirum ad differentiam maioris, hoc est senioris, qui Hierosolymis occubuit, & frater Ioannis fuit. Minorem vetustas iustum & ipsæ sacræ literæ fratrem Domini appellauere. Hic Hierosolymorum fuit episcopus, cuius acta meminerunt & Paulus in Gal. tandem verò è pinna templi præcipitatus è vitis excessit. Bèda hoc loco eos redarguit, qui tertium quendam confinxere Iacobum, quasi is qui Iustus & frater Domini appellatus fuit, alius fuerit à Iacobo Alphæi. Ostendit enim vnum duntaxat fuisse Iacobum, qui & Alphæi, & Iudæ, & Iustus, & frater Domini sit nuncupatus. Mater huius matertera fuit virginis, Maria Cleophe vel à patre, vel familia Cleophe dicta, quæ & Iacobi nonnunquam dicitur, Iacobi inquam mater.

SIMON cognomento Chananæus, idem est qui & Zelotes, ortus è vico Cana, in quo Dominus aquam in vinum conuertit. Et Cana authore Hieronymo interpretatur zelus: hinc nimirum Simon Zelotes, & ob patriam & ob feruentem zelū dictus est. Hic ab antiquis scriptoribus dicitur consobrinus Domini. Egesippus enim tradit Cleopham Simonis ex matre auum, Iosephi nutritij Domini fuisse fratrem.

IVDAS, ob differentiam Iscariotis, Iacobi dictus est, non vtique pater aut filius, sed frater. Hic apud Euangelistas trinominis est. Nam & Lebbæus, & Tathæus cognominatur.

Hi omnes perseuerabāt vnanimiter in deprecatione & obsecratione cum mulieribus, & Maria matre Iesu, cumq; fratribus illius.

Concordia & Constantia.

Vide sanctissimum optimorum hominum consortium. Vide in his quid possit consummatriæ omnium constantia. Vide vt illi sese ad Spiritus sancti aduentum parent. Discamus ergo & nos potissimas in Ecclesia res esse Concordiam, Orationem, & Perseuerantiam, hisce parari corda ad Spiritus sancti maxima dona. Rectissime ergo & elegantissimè Paraphrastes, Nunc vide (inquit) quid hic agatur, Non rixis aut fabulis otiosis teritur tempus, sed erant omnes vnanimiter perseuerantes in sacris preceationibus. Non est Ecclesia Christi, vbi non est vnanimitas. Non sunt Deo gratæ preces, vbi non est faaterna concordia. Nec meretur audiri, nisi qui perseueranter orauerit. Idem orat

Euange.

Euangelica cōgregatio. Vbi alius orat opes, alius optat mortem inimici, alius longeuitatem, alius regnum, alius aliud, ibi non est ecclesiastica deprecatio. Fratres autem (ne quis forsan miretur) confan guineos Domini ex mo. e Hebraico dixit. De quo plura D. Hieron. aduersus Heluidium,

Et in diebus his exurgens Petrus in medio discipulorum, dixit (eratq̃ turba nominum simul fere centum viginti)

Pergit historia pingere quid à discessu Domini ante aduentum Sancti Spiritus ab Apostolis gestum, & quomodo Matthias in locum Iudæ Iscariotis electus sit. Cæterum non caret mysterio, quod dixit, Exurgens Petrus in medio discipulorum. Commendatur enim viri humilitas. Non enim solus apud se arrogantia tumens ecclesiasticas res pro voluntate disposuit, sed in medio fratrum egit quæcunque egit. Neque enim conuenit vt ecclesiastica munia & quæ totius Ecclesiæ sunt, paucorum dispensentur libidine, sed æquum est vt ea bonorum vnanimi consensu & iuxta scripturarum administrentur præscriptum. Neque verò & illud æquum fuerit si quis iam sibi quæque arripiat munia. Nam Apostolus, Omnia (inquit) decenter & secundum ordinem fiant. Oportuit ergo vnum aliquem certo ordine res necessarias agere. Prodit itaque Petrus, qui reliquis hætenus semper extiterat & ardentior & in rebus agendis aptior feliciorq̃. Chrysostomus, Tum temporis (inquit) præfectura non honos erat, sed cura subditorum, &c. Annotandum & hoc ^{ἐν τῷ ὄχλῳ ἐνοικῶντων}, id est, Erat autem turba nominum, nouum esse loquendi genus. Turba enim ponitur pro numero, & nominum pro nominatim, Vnde es was die ganz 3al namhaffig By hundert vnd zwentzgen. At veritas religionis non consistit in multitudine, opibus, pompa & viribus mundi, sed in Deo & veritate eius. Vnus Michas, vnus Helias, vnus Ieremias repugnauit & rpgibus, & potestatibus, & sacerdotibus, & toti plebi. Christus quoque Dominus apud Lucam in 12. Noli (inquit) timere pusille gregem, quia complacitum est patri vestro dare vobis regnum suum. Vide 1. Corinth. 1. & 2. Capite & 2. Thess. secundo Capite.

Viri fratres, oportuit impleri scripturam hanc, quam prædixit Spiritus sanctus per os Dauid de Iuda, qui fuit dux his, qui comprehenderunt Iesum, quia cooptratus erat in numerum nostrorum, & sortitus erat patrem ministerij autus. Et is quidem parauit agrum ex mercede iniquitatis, suspensusq̃ crepuit medius, & effusa sunt omnia viscera eius. Et innotuit omnibus habitantibus Hierosolymis: ita vt appellaretur ager ille lingua illis vernacula Aceldama: hoc est, ager sanguinis.

Status orationis hic est. Quandoquidem Iudas officio & numero excidit apostolico, necessarium est vt alius in locum eius sorrogetur. Illud autem in tota oratione potissimum est obseruandum, quod Petrus totum hoc quod agit non humano consilio agit, sed diuinæ scripturæ impulsu. Quod si hoc primarius ille Apostolorum fecit, quid nobis faciendum putatis? Ergo quæ ciuilia sunt, ciuilibus, hoc est iustis & æquis discutiantur legibus: quæ porro religionis & Dei, sanctis scripturis. Petrus maximam huius orationis partem narratione absoluit, quam tamen scripturis & probabiliorem & gratiorem reddit. Exponit enim quomodo Iudas exciderit: & ne quem offenderet casus irreparabilis, committit scripturarum lenimine. Sic etenim in fatis fuisse. Non equidem quod Iudas diuino consilio ad prodicionem nolens compulsus sit, sed quod proditor diuina flagitante iustitia merito punitus sit. Historiam verò quam hic retexit legere est in superiori libro Euangelicæ historię, & apud Matthæum in 27. Ego certe crediderim exitium Iudæ à Luca hic propterea copiosius esse expositum, quod in superiori libro id transiens hunc in locum vsque referuarit. Et notius quidem illud est, planiusque quam quod multis sit exponendum. Sunt tamen quædam non prorsus transilienda, nempe, quod hinc claret omnibus æquam fuisse apostolis potestatem, quod dixit, Sortitus erat partem ministerij huius: si enim partem quisque sortitus est, nemo sanè totum id est rerum summam obtinuit. Deinde Merces iniquitatis posita est pro mercede iniqua, schemate Hebræo. Significauit autem pretium sanguinis. Et hoc sanguinis pretium agro nomen dedit, qui vernacula hoc est Hebræa siue (quod Hieronymo placet) Syra lingua אַרְבַּעָה דִּנָּרִים dicitur. Videtur autem nomen compositum esse ex אֶרֶץ, quod significat agrum vel fundum, אֶרֶץ vel אֶרֶץ, quod est sanguis. Ager enim ex pretio & re gesta nomen sumpsit, in hoc, ne nephandum facinus vnquam ex hominum excideret memoria, vtque exemplum foret omnibus hominibus quantum nephas flagitium ac piaculum patrent qui pretio accepto vel humanum fundunt sanguinem, vel veritatem sanctam produnt. Caueamus ergo nobis non modo à prodicionibus, sed à largitionibus quoque.

Exitium Iudæ.

Quid enim non potest fallax auri rutilus color? Quò non impellit cupida hominum corda? Munera vel sapientium excæcant oculos. Ex illis pullulant proditioes, patriæ desertio, pauperum oppressioes, simultates, bella, cædes. At innoxium sanguinem non inultum transit Dominus. De qua re copiosius Numeri 35. & Ezech. 22. &c. Iam verò expende mihi quam graphice atrox & terribilis pingatur Iudæ interitus. Iudas ob venditum auro Dominum, obq; innocentem & nuper Domini effusum cruorem suspensus crepuit medius. Quod siue intelligas de præcipitio, siue de suspendio à trabe, parum retulerit. Plerique hætenus credidimus Iudam sibi laqueo fregisse gulam, sed huic loco magis consonum est, infelicem præcipitio dissiilisse. Hoc etenim Græcanica videntur innuere, quæ sic habent, *ὁ πρῶτος γὰρ ἑαυτὸν ἰνδύσας μίσος*, id est, & pronus siue decliuis factus crepuit medius. Et *πρῶτος* quidem pronus vel præceps dicitur. Quo verbosi gestum & habitum laqueo præfocati expressit, iam sequentia non quadrabunt, Et crepuit medius. Quam sententiam Germanice appositius reddemus, vñd *zerschmätteret von einander*. Tale supplicij genus irrogauit Amazias filijs Seir, vt legimus 2. Paral. 25. Iudæi enim cæperunt hostium decem millia, & adduxerunt ad præruptum cuiusdam petræ, præcipitaruntq; eos de summo ad præceps, qui vniuersi crepuerunt. Quod si eodem mortis genere extinctus est Iudas, non fefellit diuination. Iam & Marthæo clarius scripsit Lucas. Marthæus enim dixit, Laqueo se suspendit, pro eo quod est, sibi ipsi mortem consciiuit, Lucas autem mortis genus pinxit. Et Germani dicimus ei laqueum esse paratum, cui ante fores subsistit præsentaneum exitium. Interim verò non nego Matthæi verbum *ἀνὰ λῆνον* appositius reddi strangulauit. Parum igitur retuler (quod iam monui) laqueo an præcipitio infelicem abruperit vitam. Certe periit & quidem misere. Proinde peribunt omnes quotquot auro vendidère patriam, aut veritatem prodiderunt, aut inopes oppresserunt, aut veritatis studiosos relegarunt in exilium, aut deniq; parricidijs commacularunt omnia. Nisi credamus Deum vel iniustum vel impijs esse amicum.

Scriptum est enim in libro Psalmorū: Fiat cōmoratio eius deserta, & non sit qui inhabitet in ea: Et episcopatum eius accipiat alter.

Hic tandem scripturæ verba recenset, quæ in orationis initio cæperat allegare: ita verò recenset quasi in vno loco aut Psalmo scribantur, cum testimoniū ex duobus sit petatum. Nam prior pars testimonij, nempe hæc, Fiat commoratio eius deserta, & nemo sit qui eam inhabitet: sumpta est ex Psalmo 68. & per typum tribuitur Christo & genti Iudaicæ, quæ propria periit perfidia, dicente Domino, Ecce relinquetur vobis domus vestra deserta. Porro per Catagogam id quod generale est peculiariter Iudæ aptatur, qui & ipse perfidia sua excidit ne esset Apostolus. Sequitur deinde pars altera testimonij sumpta ex Psalmo centesimo octauo. Neque verò alia ratione aptatur Iudæ proditori, quam ea qua superius. Nam David ea aliàs aduersus ingratos vsurpat. Breuiter duo hisce testimonijs voluit probata. Prius, quod Iudas propria esset perdendus malitia. Posterius, quod alius esset in locum abdicati reiectiq; surrogandus. Quibus iam commode infert.

Oportet igitur vt ex his viris, qui nobiscum versati sunt toto tempore, in quo intrauit & exiuit inter nos Dominus Iesus exorsus à baptismo Ioannis ad eum vsq; diem, quo receptus est à nobis: vnus quispiam constituatur qui sit vnà nobiscum testis resurrectionis eius.

De vocatione
ad episcopatū.

Quia (inquit) scriptura iubet, vt alius in deperditi substituatur locum, agè d' spiciatur: quis huic negotio satis idoneus sit: & obiter exponit quisnam videatur esse idoneus. Is nimirum, qui Dominum Iesum, hoc est, gesta & dogmata eius vniuersa probe norit, & testis istorum esse possit. Vnde nos colligimus eos demum iustos esse veritatis Euangelicæ & sanctæ Dei Ecclesiæ testes ministros ac prædicatores, qui docti in pietate, alios quoque verè docere possunt. De qua re plurima Paulus 1. Timoth. tertio, & Titum 1. Superioribus sæculis inaugurauerunt nobis Suffraganei (quos vocant) indoctissimos quosq; agasones, nepotes, vapas, ambubaias, qui Euangelicæ doctrinæ nunquam per omnem vitam viderant vel apicem vel præliminarem titulum. Inde verò nobis tot in Ecclesiam errores deriuati sunt. Cæterum maxima est fidei Christianæ authoritas, vtpote quæ nobis à testibus est exposita, qui non modo audita, sed etiam visa ac expertissima retulerunt. Hoc ipsum & Petrus & Ioannes primarij testantur apostoli. Hic in 1. cap. 1. ille verò in 2. cap. 1. Porro ingredi & egredi more Habraico posuit pro tota vitæ conuersatione. Vnde Erasmus sensum probe reddens vertit, Qui nobiscum versati sunt toto tempore, quo Dominus Iesus perpetuam vitæ consuetudinem egit nobiscum. Neque illud nobis hic transeundum, quod doctrinam & baptismum Ioannis negotio inclusit Euangelico, contra istorum placitum qui doctrinam Ioannis separant ab Euangelio. De quo dicemus in

cemus in cap. 10. & 19. & resurrectionem posuit pro toto Euangelij negotio, partem potissimam pro ipsa re tota. Incumbit enim Euangelij prædicatio, vt Paulus in 1. ad Corinth. 15. ostendit, in resurrectionem tota.

Et statuerunt duos, Ioseph, qui vocatur Barsabas, qui cognominatus est Iustus, & Matthiam.

Non eligunt nisi optimos & sanctissimos viros. Alter enim à vitæ sanctimonia Iustus cognominatus est. Meminerimus Episcopum irreprehensibilem esse debere. Statuerunt autem, hoc est, certos designarunt, designatosq; in Ecclesiæ conspectum statuerunt. Quod vtiq; iccirco tam diligenter & caute gerebatur ne quis ad sacerdotalem locum indignus obreperet. Hinc Cyprianus martyr Epist. lib. 1. Epist. 4. Scriptura (ait) instruit & ostendit ordinationes sacerdotales non nisi sub populi assistentis conscientia fieri oportere, vt plebe præsentem vel detegantur malorum crimina, vel bonorum merita prædicentur, & sit ordinatio iusta & legitima quæ omnium suffragio & iudicio fuerit examinata. De Iosepho autem Barsaba nihil certi produnt sacræ literæ, coniecturas habent veteres, de quibus iam non est dicendi otium.

Et facta precatione, dixerunt: Tu Domine, qui corda nosti omnium, ostende vtrum elegeris ex his duobus, vt accipiat sortem ministerij huius & Apostolatus, vnde præuaricatus excidit Iudas, vt abiret in locum suum.

Rem grauem & arduam summa cum honestate ac diligentia perficiunt. Primo inquiruntur docti & sancti aliqui, qui rerum Christianarum sint gnari. Deinde compertos Ecclesiæ proponunt, vt irreprehensibiles esse probentur. Nō autem quiuis per se, licet rerum Christi probe gnarus, officium hoc ambit, sollicitat & cupit, sed vocati citra arrogantiam aliorumq; inuidentiam, sententiam Sancti Spiritus vtrinque ex æquo expectant, vter tandem ex duobus eligatur. Atq; hic demum preces fiunt. Maxima enim vis est orationis. Nos certe hinc discimus res quasuis in Ecclesia graues, oratione auspicandas ducendasq; esse. Nam citra Domini auxilium & assensum nihil feliciter ceciderit. At is oratione flectitur. Nos equidem ex habitu exteriori iudicamus homines, & fallimur sapissime. Dominus corda intuetur. Hunc ergo præcantur, vt eum designet quem huic negotio norit esse aptum, è quo Iudas excussus abiit in locum suum, id est, se suisq; moribus dignum. Proditor enim cū esset, inter honestos, minister tam sancti cœlestisq; ministerij, recenseri non debebat. Siquidem ad coruos ac inferos pertinebat, domicilium omnium eorum qui auro corrupti & iustitiâ & veritatē produnt.

Et dederunt sortes eorum, & cecidit sors super Matthiam, & cooptatus est ad numerum vndecim Apostolorum.

Non temere sortiuntur, sed super consignatis & viris optimis, præmissa quoque oratione: vnde iam impossibile erat, vt sors aberraret. In quemcunque enim istorum cecidisset, non aberauerat: De sorte. interim verò sorte opus erat, quæ certum designaret, quæ & ipsa à Deo agi creditur. Sortiri enim aliud non est quàm aliquid sorte decernere vel constituere, veluti cum nos sorte agros & possessiones paternas diuidimus. Neque aliud genus magis à dolo fraudēue alienum est. Hinc ipse Deus iussit terram promissam sorte diuidere, Numeri 33. Quin & Pontifices sorte designabantur ac reges. Nam Saul sorte electus est, voluntate Dei prius consulta, per quam latens Saul populo indicatus est: ad cuius rei imitationem hic quoque Matthias eligitur. De hoc genere dixit Propheta Prou. 16. In finem deiiciuntur sortes, at à Deo iudicium earum proficiscitur. De eadem pluribus Fenestella de Magist. Rom. tit. de Procons. & Cœlius Antiq. leſt. lib. 12. cap. 18. Lucianus quoque in dialogo qui Erotimus inscribitur. Quod ergo omnibus à constitutione mundi sanctis licuit, idem nobis quoque licet, sortiri. Est sanè & illud fortiendi genus infame & prohibitum in lege. Hoc euentus quærimus de rebus futuris, quales erant Vergilianæ. Harum author extitit Numerius Prænestinus. Illas verò damnat lex Leuit. 19. & Propheta Isaias in 8. Illius studiosi nominantur fortilegi, observatio autem fortilegium. De hoc genere plura habet Cicero, in 2. de Diuinatione. Crinitus quoque lib. de Honest. discip. 22. cap. 3. & Polydorus Vrbinas de inuent. rerum, lib. vlt. Rite ergo peractis omnibus accepta dataque sorte, hac ipsa declarauit Deus Matthiam sibi placere. Hic itaque declaratus Apostolus vndenario numero duodecimus est additus. Porro certus hic ille ac consecratus numerus testium, expectat nunc sanctum Dei spiritum, quo imbuti Christianam religionem per vniuersum disseminant orbem. Arator Romanæ Ecclesiæ diaconus, qui Acta Apostolorum hexametro carmine reddidit.

dit, allegoriam concinnat ex duorum electorum nominibus, docens humanam iustitiam esse reiectam, humilitatem vero Euangelicam approbatam. Quod si quis versus requirat hi sunt.

*Constituere duos Ioseph cognomine Iustum,
Matthiamq; Dei paruum, quod nomen aut aiunt,
Hebræo sermone sonat, humilemq; vocando
Comprobat, O quantum distant humana supernis
Iudicijs, parui merito transcenditur ille
Laude hominum qui iustus erat.*

CAPUT II.

ET cum complerentur dies pentecostes, erant omnes vnanimiter in eodem loco: & factus est repente de cælo sonitus, tanquam impetu venientis flatus vehementis, & repleuit totam domum, ubi erant sedentes. Et visæ sunt illis disiectæ linguæ velut igneæ, seditq; super singulos eorum, ac repleti sunt omnes Spiritu sancto, cœperuntq; loqui alijs linguis, prout spiritus ille dabat eloqui illis.

De spiritu sancto.

INDEM subtextitur ipsa Actuum Apostolorum historia, quæ ut auspicijs Sancti Spiritus gesta, sic ab eodem quoque cœpta est. Nunc enim describit quomodo impletæ sint de Spiritu sancto promissiones cum Christi tum Prophetarum, quomodo spiritus orbi datus sit, qui est veritatis doctor, salutis arrha, pax & animarum gaudium. Cum enim Spiritum sanctum dicimus datum, de donis spiritus loquimur. Deus enim incircumscriptibilis alijs humanis pectoribus concipi quidem, sed concludi non potest. At dona eius secundum mensuram & beneplacitum eius pectoribus nostris infunduntur. Principio autem videntur paulò copiosius exponendæ esse causæ donati Spiritus sancti. Maximum enim est huius doni mysterium, dispositio mirabilis, & consilium Dei sanctissimum. In præsentiarum duas huius doni causas ostendemus. Prior talis est, Primus homo conditus erat ad imaginem & similitudinem Dei, quæ imago non potuit esse in alia re, quam in spiritu, Deus enim spiritus est, caro non est. Spiritus autem vita, innocentia, ac sanctimonia est. Cum ergo peccasset Adam imago hæc in misero oblitterata est, potissimas vero caro obtinuit, adeoque totus homo caro factus est, testante scriptura, Non disceptabit spiritus meus cum homine in æternum, quia caro est. Porro affectus carnis mors est: in solo ergo spiritu vita est. Proinde si homo vitæ restituendus, & Dei illa in homine per carnem oblitterata, reparanda erat imago, hoc non alio pacto fieri potuit, quam restituto nobis spiritu diuino, in quo imago Dei est. Cæterum in maleuolam (ut ait Propheta) animam spiritus Dei non ingreditur: proinde coinquinatam prius expiari oportuit. Hic igitur considerandum nobis mysterium Christi, per quem omnia expiata & restituta creduntur, Christus ergo moritur, ut peccata mundi expiaret. Resurgit, ut certam nobis spem & immortalitatis, & quod peccatum & mortem vicisset, faceret. Deinde cælos ascendit, ut omnium se probaret Dominum. Inde verò Spiritum sanctum super omnem carnem mittit, nimirum ut iam per hunc restitueremur innocentia ac felicitati pristina, reparareturque illa in nobis Dei imago, atque ita æternæ vitæ essemus participes. Hæc ad hunc modum iam olim tradidit & Paulus, maxime in 4. ad Ephes. & 3. ad Col. Cap. Hic verò nolo quisquam cogitet Veteris testamenti sanctos patres ac Prophetas ab hac salute exclusos esse. Nam & ipse Petrus testatur in ipsis habitasse spiritum Christi. Proinde loquimur hæc secundum temporis dispositionem. Finge enim patrem esse qui duos habeat filios, quorum senior moriatur superstiti adhuc patre, qui demum & ipse moriens omnem substantiam iuniori hæreditate relinquat. Nam in mortuis duntaxat ratum est testamentum. Iam verò quis tam stupidus, qui credat seniore, eò quod parentis mortem non viderit, iunior autem paternis substantijs iam liberalius perfruatur, vel non fuisse hæredem vel filium? Sanè licet morte interceptus sit, & temporum iniuria parentis mortem non luxerit, nihilominus & filius & hæres erat, & parentis facultatibus olim vivebat. Ita nos quoque vnus patris sumus filij. Veteres quidem fratres nostri exceßerunt priusquam moreretur Dominus, nihilominus donis benigni patris, ut veri hæredes æternæ vitæ, abundanter potiti sunt. Nos vero qui à Domini nostri morte sumus, nunc quidem bonis cœlestibus abundantius perfruimur. Nam perfecta morte testatoris, testamentum iam valet. Valebat sanè & antea, sed nunc ipsa bona dispensantur, sicut dispensanda fuerant ordinata.

An veteres spiritum sanctum habuerint.

ordinata. Posterior huius doni causa hæc est. Impleta erant tempora, proinde omnes gentes vocanda in consortium salutis. Hic ergo oportebat ad hoc negotium institui Apostolos varijs donis, ne nova doctrina protinus rejiceretur: & proinde non ita accipi debet hoc negotium, quod nunc primum dona fidei, spei & charitatis orbi donata sint, sed quod aucta, quod Apostolis Domini futuris ad omnes gentes nuncijs collata sit linguarum & rerum peritia, fortitudo, magnanimitas agendi ardor & felicitas, item facultas designandi miracula. Id quod effuso Spiritu sancto factum est. Huc enim pertinent præcipue promissiones Christi de Sancto spiritu. Hæc in transcurso, iam redimus ad historiam. Duo notat iuxta morem historicum, quo tempore, quoque in loco missus fuerit Spiritus sanctus. Porro tempus multa in se habet mysteria. Equidem non numeramus cum Iudæis ab immolato agno, sed à resurrectione dominica dies quinquaginta. Iudæi autem primitias frugum hac offerebant Domino. Nam ipsa in messem incidebat. Ergo apud nos quoque cum messis esset multa, operarij autem pauci, emisit Dominus spiritum suum ut hoc instructi discipuli fructum colligerent ex omnibus gentibus, eumque offerrent Domino. Quinquagesima item die egressionis filiorum Israel ex Ægypto, data est lex Domini, auctore Hieronymo ad Fabiolam de Mansio. po. Dei, Mans. 12. Eadem ergo die oportuit conferri Spiritum sancti, diuinæ legis & expositorum & effectorem 2. Cor. 3. Huic iam facit & locus ipse. Nam ut lex in monte Sinai lata, sic spiritus in monte Zion est dono missus. *Locus.* Sic enim futurum prædixerant Prophetæ, ut lex esset profectura de Zion, & verbum Domini de Ierusalem. Cæterum in monte Sinai audiebatur taratantara cantus, tonitruus fragor, cernebantur fulminum flammæ terrificæ, & quicquid humanas potuit concutere mentes: quæ quidem omnia potentiam Dei significabant & vindictam (alij ad legis terrorem nescio quem referunt) illis nimirum paratam, qui legem Dei contemnerent. Itaque oportebat & hic quædam apparere spectra, sed quæ illis forent minus terrificæ. Audimus equidem sonitum tanquam impetu venientis flatus vehementis, sed eo significatur doctrinam Sancti spiritus mira felicitate & successu incredibili per vniuersum orbem fore propagandam, neque quenquam tam fore potentem qui eius impetu resistere possit. Sic enim videmus ventum mira celeritate & nemine obistente, totum perflare orbem. Apparent & igneæ linguæ, linguarum & eruditionis gratiam, auctoritatem & feruorem doctrinæ ecclesiasticæ notantes, ut nunc Apostolicis viris quadrantius conueniat, quod alij tribuerunt Pericli, non verba illos modo sed fulgura tonitruaque sonare. Est & illud maxime observandum, quod scribit, Erant omnes vnanimes in eodem loco. Vbi enim peccata rixis ira & inuidia liuidum est, ibi nullus Spiritui sancto locus residuus est. Siquidem vnitatis & concordie author, vnitatem non quamvis nec vulgarem, sed diuinam arctissimamque requirit. Raro autem Deus mysteria sua absque signis & inuolucris proponit. Id enim poscit & maiestas eius & nostra imbecillitas. Maxima enim mysteria sapientissimi quique symbolis & inuolucris cõsecta orbi proposuerunt. Deus ergo ipse ipsissima sapientia, sua quidem sub signis proponit, sed ita ut sese rebus nostris maxime accommodet. Humanis enim diuina vestit. Non quod Deus humanis rebus sit circumscriptibilis, sed quod diuina per humana exposita nobis sint magis intelligibilia. Quis enim sanæ mentis dixerit Spiritum sanctum columbam, vel ventum, vel linguam, vel ignem esse? Nihil enim in Deo sensibile: attamen notiora sunt nobis illa inuisibilia, si exponantur & suffiguntur per hæc visibilia, nec quolibet, sed quæ naturam rerum exponendarum quam propriissime (quantum quidem humana referre possunt diuina) exprimant. Et sanè sono & linguis ignitis duos voluit Deus nobilissimos perstringere sensus, auditum atque visum. Sonus enim aures ferit. Ignis vero visum afficit. Ita olim in cœna mystica, sensus rebus visibilibus percellere voluit, pane videlicet & vino. Hæc autem non sunt caro & sanguis Christi naturalis, sed magis sacramentalis. Referunt autem nobis verum corpus pro nobis in cruce fractum, & sanguinem verum pro nobis effusum. Itaque voluit hic quoque Dominus signis quibusdam capere sensus nostros & virtutem Sancti spiritus indicare. Nam sicut ventus totam terram perflat, abdita quæque penetrat, complexionemque homini mutat. Ita spiritus Domini omnia implet, profundissima scrutatur & mentes hominum mutat. Ignis quoque purus est, limpidus, simplex, quædam corpora clarificat, quædam prorsus absumit: ira & Spiritus sanctus. Nec caret mysterio quod in linguarum comparat specie. Nam in Euangelio Marci promiserat Dominus Apostolos breui nouis loquuturos linguis. Hanc promissionem dato Sancto spiritu præstat. Et lingua quidem ut nihil peius, sic melius nihil. Atque hæc quidem non erant carneæ, sed igneæ: quo notatam credimus simpliciter & puritatem doctrinæ Apostolicæ, agendi quoque ardorem. Habebant & gentium Philosophi linguas, sed mendaces, vafrae, adulatrices, impuras & frigidissimas, soli Apostolici viri igneas habent. Hæc denique fuerunt dissectæ propter donorum diuersitatem. Sed & hæc ipsa signorum expositio mox in ipsis historici verbis sequitur. Cœperuntque loqui alijs linguis, prout spiritus dabat eloqui illis. Præterea indicat hic locus quam necessaria sit Apostolicis viris linguarum cognitio. Non potuerunt Apostoli ter-

rarum esse doctores, nisi linguas prius didicissent. Hinc etiam Aur. Augustinus excellentissimus Ecclesiae doctor, lib. de Doct. Chri. 2. cap. 11. ac 12. multis demonstrat linguas, Hebraeam in primis & Graecam, quibus utraq; testamenta exarata sunt, cum primis esse necessarias: imò eo loci ostendit varas sacrarum literarum interpretationes versionesq; in alienas linguas opido esse vtilis, eaq; sensum magis adiuuare quam impedire. Nostri vero qui neq; linguarum studiosi sunt, neq; classicorum scriptorum quicquam degustarunt, mox atq; diuersam in verbis magis quam sensu Bibliorum interpretatione viderint, fidelissimos protinus interpretes prodicionis & hæreseos insimulant, imò & linguarum studium ceu prophanum exhibant, sophisticas autem nenas omnibus commendant: cum interim idem ille August. eodem de Doct. Chri. lib. 31. non humanitatis studia, aut linguas in sacris doceat vitandas, sed sophisticas argutias.

Erant autem Hierosolymis habitantes Iudæi, viri religiosi ex omni natione earum, quæ sub coelo sunt. Is rumor cum increbuisse, conuenit multitudo, & confusa est quod audiret vnusquisque lingua sua illos loquentes. Stupebant autem omnes, ac mirabatur, dicentes inter sese: Nōne ecce omnes isti qui loquuntur, Galilæi sunt? Et quomodo nos audimus eos sua quisq; lingua in qua nati sumus? Parthi & Medi, & Elamitæ, & habitatores Mesopotamiæ, Iudææq; & Cappadociæ, Ponti & Asiæ, Phrygiæ & Pamphiliæ, Aegypti & partium Libyæ, eius quæ est finitima Cyrenæ, & aduenæ Romani, Iudæiq; & profelyti, Cretes & Arabes, audimus eos loquentes nostris linguis magnifica Dei.

De scholis.

Sunt qui viros istos putent ob festi celebritatem conuenisse. Quid si credamus Hierosolymis celeberrimam fuisse scholam, in qua lex diuina cum ciuibus Hierosolymitanis tum exteris etiam Iudæis sit publica lectione tradita. Varijs enim calamitatibus factum, vt gens Iudaica in omnem penè terrarum orbem disiecta, Hierosolymam tamen regni & spei suæ metropolim rediret, sed & suos legis cognoscendæ discendæue gratia mitteret: quemadmodū olim veteres gentilium suos Athenas, nos nostros vel Lutetiam vel Agrippinam Coloniam literarum discendarum gratia mittebamus. Opinionem hanc iuuant quæ, clarius traduntur in huius operis cap. 6. de Libertinorum & Exterorum collegio: item apud Ioan. in 1. & Matth. cap. 15. Vterque enim ita scribit de Phariseorum (quos miserat Hierosolyma) moribus quasi de nostris hæreticæ prauitatis scripsisset inquisitoribus. Quin & Paulus Apostolus Tarso Cilitiæ oriundus, cuius Romanus, Hierosolymis ad pedes Gamalileis operam impendit literis sacris. Neque verò hoc nouum cuiquam videatur. Nulla enim gens vnquam tam fuit infelix, vt religionis suæ & tuendæ, & propagandæ gratia non egregia instituerit ac aluerit collegia. Cum olim ipse Deus Israelis institueret Rempub. primas Leuitico dedit collegio. Hoc enim religioni & doctrinæ consecrat. Apud Daniele legimus Babyloniorum regē suos habuisse Chaldæos, in quorum numero erat & Daniel, Porro apud Moysen legimus Aegyptiorum regem suos quoque coluisse Magos. Romani pontificum & augurum habuere collegia. Nō ergo mirum est, si gens Iudaica suos quoq; habuerit legum consultos ac scribas, id est, in sacris eruditos, qui in rebus dubijs certa dederint responsa. Hoc enim & Herodis tempore legimus factitatum. Nam dum hic rogasset quonam loci nasciturnus esset Messias? Scribæ ex Prophetarum oraculis locum designant Bethleem. Proinde quod Romanis erant Aurspices qui ex libris respondebant Sibyllinis: id Iudæis Scribæ erant, qui respondebant ex libris Prophetarum. Quod si plura huius generis annotare licet, iam secula nostra comprobarunt quanta sit vis collegiorum talium. Videmus enim quò monachorum colluies & vniuersitatum scholæ Romanam religionem prouexerint. Oportet igitur, & nos si saluam volumus religionem Christianam, studia linguarum, sacrarum & humanarum literarum disciplinas excolere, iuuare, prouehere. Nam licet spiritus promissus sit, qui omnia doceat, attamen strenue laborantibus promissus est. Si enim sapientiam (inquit Solomon) vt aurum quæsieris, inuenies, cui vero pileum hætenus imber compluit aureos: Labore, studio, & indefatigata diligentia paratur aurum. Proinde & sapientia cælestis non otia, sed laborando paratur. Habet præterea Dominus media quædam, quibus in cœtu suorum omnia ordine agit. Cæterum hoc loco confertur Apostolorum choro schola Hierosolymitana, ita tamen vt humanis diuina longe præstent, adeoque hæc nihil prorsus ad illum habeat. Hinc toties ingeminatur doctos Hierosolymitanæ academix prorsus obstupuisse. Cogitur enim omnis humana sapientia ad diuinam obstupescere, quod in speciem tam minutum synapi granum tantas de se exerit vires. Ad amplificationem huius pertinet quod mira verborum exaggeratione tot linguæ, gentes, ac populi nominatim perstringuntur. In quo hoc tantum

tantum annotandum videbatur quod Hebræi (authore Erasmo) Profelytos, hoc est יִשְׂרָאֵל eos dixere qui diuersæ factionis nati in ius Mosaicę legis recepti essent. Hic quoq; disputatum est de linguarum miraculo, an singuli singulariter ac distincte cuiusvis gentis linguam sint loquuti: an verò sua vten-tes natia, quæq; gens suam intellexerit? Et posterius hoc tanquam probabilius factum esse, video placuisse plurimis, nempe quod Apostoli hoc loco non Latine, Græce, vel Arabice loquuti sint, sed Iudaice, hic vero quamuis gentem in hac suam propriam intellexisse. Postea vero factum, vt in a-lias atq; alias regiones commigrantes, ijs vsi sint linguis, quibus eius regionis homines utebantur. Arabibus ergo Arabice loquutos, Græcis Græce, &c.

Stupebant autem omnes, ac mirabantur inter se, dicentes: Quid nam vult hoc esse? Alij autem irridentes, dicebant: Musto expleti sunt isti.

Typus est rerum futurarum, semper fore in Ecclesia viros, qui simplici mente nō intellecta quæ rant, illis autem se manifestaturum Dominum. Rursus alios futuros, qui omnia diuina contemnant, ac conuijs incessant. Idem enim illi hic quoq; faciunt, qui Apostolos ebrietatis & insanix infimulant. Similia multa habes in Euangelio Ioan. cap. 6. 7. 8. 10. 11.

Stans autem Petrus cum vndecim, extulit vocē suam, ac loquutus est eis: Viri Iudæi, & qui habitatis Hierosolymis vniuersi, hoc vobis notum sit, & auribus præcipite verba mea: Non enim sicut vos existimatis, hi ebrij sunt, quum sit hora diei tertia. Sed hoc est, quod dictum est per Prophetam Iohel: Et erit in nouissimis diebus, dicit Deus, effundā de spiritu meo super omnē carnem. Et prophetabunt filij vestri, & filia vestra, iuuenes vestri visiones videbunt, et seniores vestri somnia somniabunt. Et quidem super seruos meos, & super ancillas meas in diebus illis effundam de spiritu meo, & prophe- tabunt, & dabo prodigia in cœlo superne, & signa in terra inferne, sangui- nem, & ignem, & vaporem fumi. Sol conuertetur in tenebras, & luna in san- guinem, antequam veniat dies ille Domini magnus atq; illustris. Et futurū est, vt omnis quicumq; inuocauerit nomen Domini, seruetur.

Bonus gregis pastor constanti animo prodit, occasionem ex tumultu capiens prædicandi Chri- sti, & expurgandi se suosq; de calumnia, rursus exponendi per propheticum oraculum, factum il- lud de quo illi mirabantur. Adiungit autem Lucas Petro vndecim, ne quis principatum cogitaret, aliosq; Petro inferiores crederet. Cæterum prima orationis pars agnoscit genus Iudiciale. Nam apo- logetica est. Posterior didactica siue demonstratiua est. Nam expositione docet Iesum esse Christū. Iam & breui, sed commodo vtitur exordiolo. Argumentatur item à tempore. Tertia diei est, ergo ebrij non sunt. Quæ argumentatio non valeret, si illi horas more nostro digessissent. Babylonios enim imitati Iudæi, horas vnā cum oriente sole auspicabantur, adeo vt nunc tertia apud illos no- bis vel ad nonam, vel octauam incidat. Cuius quidem rei aperta extant, signa apud Matthæum in 20. cap. Plura apud Gellium & Macrobiū de diuisione diei. Inde autem liquet Christum Dominum hora diei nostræ duodecima in crucem suspensum, expirasse tertia. Nam vt sexta illorum nobis duo decima est, sic nona, tertia est. Ergo qui ebrij sunt, ad vesperam ebrij sunt. Nondum autem erat ve- sper, ergo valebat argumentatio. Locum autem produxit ex 2. Ioelis cap. Quo nos primum discimus Apostolos etsi donati iam essent Spiritu sancto, non fuisse præfactos aut temerarios: sed faciles & graues, qui omnia sua probabant scripturis. Sic enim rebus gestis aptabant veterem scripturam: vt in Mathematicis solet demonstrationi oculari vel practicæ aptari theoricæ & agendorum regula. Imò libere ausim vetus testamentum vocare theoricam, quod typum & Prophetarum oracula atti- net, nouum praxim. In hoc enim re ipsa completur, quod spiritu & typo ibi præfigurabatur. Quod vero Ioel futurū prædixerat, id hic fit. Vfus est autem effundendi verbo ad significandam muneris largitatem. At Prophetare non modo significat res diuinas denuntiare & exponere, sed diuinas quo- que res agnoscere. Ita hæc vox apud Ieremiam quoq; vsurpata, dum ipse futurum prædiceret, vt co- gnitio Dei prorsus esset vulgaris futura. Hic vero Ioelis locus potissimum accommodatus est rebus præsentibus, testimonium præbens rei præsentis, quod multi nunc prophetarent. Et notanter dixit, Effundam de spiritu: & non, Effundam spiritum. Neq; enim diuina à nobis substantia potest cir- cumscriptiue comprehendī, sed conferuntur dona tantum Spiritus sancti secundum mensuram. De quibus 1. Cor. 12. Deinde sufficiente diuisione notat cognitionis plenitudinem, & quod nullum ge-

Oratio Petri.

nus hominum ab hoc munere exemptum sit, quo minus accipiat. Huc enim pertinent visiones, prophetia, & somnia, iuuenes quoque, ienes, filij & filia. Deus enim olim sese reuelauit vel somnijs, vel visionibus. Significauit ergo plenissimam reuelationem voluntatis Dei. Deinde equidem super seruos, &c. per repetitionem siue Anadiplosin Hebraicam idem repetit, quod antea dixit, quo certiora essent omnia: quasi dicat, Et sane certissime ista præstabo. Iam ad expositionem superiorum pertinet & hoc quod dixit, Super seruos. Non enim quibusuis, sed seruis Dei confertur spiritus. Porro sequentia, Et dabo prodigia sunt qui referat ad tempora Christi, propterea quod in morte eius sol obscuratus, & in cruce sanguis eius effusus sit. Sunt alij qui Crasin hic fieri dicant primi & posterioria aduentus, ad posteriorem vero spectare prodigia. Ego vero crediderim omnia prophetæ simplicissima esse. Prophetauit enim de Assyriorum irruptione in Iudæam, de victorijs Senacherib & crudelitate eius in populum exercenda increpauit Iudæorum peccata, sed & liberationem ab hoste & eius interitum prædixit, consolans reliquias. Ibi vero occasionem accepit vaticinandi de regno Christi, & missione Spiritus sancti. Hoc absoluto redit ad pœnam, ac dicit, Ceterum priusquam hæc diuina & augusta veniant, oportebit vos purgari & excindi igne & gladio: quæ per amplificationem effert: vt Isaias quoq; in 13. cap. Babylonij excidium. Iam vero Petrus posteaquam eo per occasionem delatus esset, vt Prophetæ verba de Spiritu sancto adduceret, neq; illud omittere voluit, quod de pœna quoq; impiorum adiunctum fuit, veluti ex obliquo significans, excidium æquale illis quoq; futurum, si pergant impietate maiores suos sequi. Adiungit, & illam Christianæ religionis sententiam priariam, Omnis qui inuocauerit nomen Domini saluus erit. Hinc verò occasionem accipit differendi de religione Christiana. Nam inuocandi verbo totum pietatis negotium complexus est.

Viri Israelite, audite verba hæc: Iesum Nazarenum virum exhibitum à Deo erga vos virtutibus & prodigijs, & signis, quæ fecit per illū Deus in medio vestri, sicut & ipsi scitis, hunc definito consilio & præscientia Dei traditum, quum accepissetis per manus iniquorū, crucifixum interemistis, quem Deus suscitauit solutis doloribus mortis, quatenus impossibile erat teneri illum ab ea. Dauid enim dicit de eo: Prouidebā Dominum coram me semper, quoniam à dextris est mihi, ne commouear. Propter hoc lætatum est cor meum, & exultauit lingua mea: insuper & caro mea requiescet in spe. Quoniam non derelinques animā meā in inferno, nec sines vt sanctus tuus videat corruptionē. Notas mihi fecisti vias vitæ, replebis me iucūditate cū facie tua.

Transitionis formula est: nunc enim pergit docere quomodo nomen Domini inuocari possit, nimirum vera in Christum fide, quem probat verum esse Messiam Dei filium, idque resurrectionis, ascensionis & regni potissimum argumento. Docet autem expositione argumentosa, ita contexens Christi historiam, vt nihilominus scripturarum robore contradicentes conuincat, & peccatum Iudæis ob oculos reuocet. Nam Euangelium scelera quoque accusat. Summa vero expositionis hæc est, Deus exhibuit nobis filium, hunc crucifixistis, sed Deus excitauit eum, & dedit ei nomen, quod est supra omne nomen. Tandem vero huius expositionis fructum subiungit, cum rogantibus consilium, respondet, Resipiscite, &c. Virum vocat Dominum per Catachresim, vel propter humanam naturam, vel ex more Hebraico, quibus *אדם* hominem significat. Quod autem à Deo sit orbi datus, expositionis est. Ad probationem pertinet quod subdit, Prodigia & signa. Nam ista probant Iesum esse à Deo, sicut patet Ioan. 3. 5. 10. cap. Non enim humana virtute, sed diuina sunt patrata. Id quod iterum subiecit, Quæ fecit per eum Deus, id est, ipsa diuina virtus. Rursus ne quis offenderetur cruce & proditione eius, ea quidem diuino tribuit consilio. Oportuit enim diuinæ satisfieri iustitiæ. Denique ne impietas excusationem inueniret, & obijceret, Si hæc consilio Dei gesta sunt, ego proditor Iudas & parricidæ Iudæi, consilio Dei obsequuti, nihil peccarūt, protinus impios vocat & malitiam omnium nostrorum accusat, qui vel suffragio vel vlla alia re in culpa fuerant quod Iesus esset cruci suffixus. Hinc vero per resurrectionē quoq; crucis aufert scandalum, & sic probans Iesum esse Christum. Resurrectione enim vel in primis probatur Christi diuinitas. Quemadmodum videre est ad Roman. 1. & Ioan. 20. Crediderim ergo Deut. hic iterum pro diuina vsurpari natura. Porro dolores mortis scriptura, authore Ioanne Chrysost. vocat pericula mortis. Hoc ipsum ergo videtur hic dixisse Petrus quod in Romanis Paulus, Christus excitatus à mortuis, non amplius moritur, mors illi amplius non dominatur. Impossibile enim erat, vt filius Dei computresceret, qui primogenitus ex resurrectione esse debebat. Id quia dubiū apud istos erat mox loco Prophetæ confirmat, qui est

qui est in Psal. 15. In hunc si plura pararem actum agerem. Ipse enim Petrus testimonium, quantum quidem rei præsentis satis est, adaptat.

Viri fratres, quandoquidem licet libere dicere apud vos de patriarcha Dauid, quod & defunctus est, & sepultus est, & sepulchrum eius est apud nos usque in hodiernum diem. Propheta igitur quum esset, & sciret quod iureiurando iurasset sibi Deus, futurum ut de fructu lumbi ipsius, quantum ad carnem, Christus exoriretur, ac sederet super sedem eius, præsciis loquutus est de resurrectione Christi, quod non derelicta sit in inferno anima eius; neque caro eius viderit corruptionem. Hunc Iesum suscitauit Deus, cuius omnes nos sumus testes.

Principio utitur præmollitione siue exordio, auditorum à se indignationem auerrens, & opinionem falsam eximens qua hæc tantum de Dauide exponebant. Dicit ergo: Hæc vero de Dauide non tantum sunt intelligenda, sed magis de Christo qui secundum carnem filius Dauidis erat. Probatio. Equidem Dauid mortuus est, & sepulchrum eius apud nos est, quo fit ut proprie hæc illi non possint competere. Quia vero spiritu futura præsciuit, & filij sui regnum perpetuum fore vidit, magna confidentia hæc de resurrectione Christi vaticinatus est, cuius regnum non potuisset dici perpetuum si ipse rex morte esset absumptus. Recte itaq, Non delegata est ad infernum anima eius, neque corpus eius computruit. Vnde nos conijcimus, veteres non minus agnouisse mortem resurrectionem & regnum Christi quam nos. Porro ut non nihil de descensu Christi ad inferos dicam, video negotium multis tam fuisse arduum, ut parum eius sint assequeuti. D. August, de præsentia Dei ad Dar. cap. 2. hunc locum Petri citans, censet animam Christi reuera descendisse ad inferos, sed nihil passam esse. Sunt qui apud inferos animam Christi non nihil passam esse imprudenter satis asseuerent. Quia enim (inquiunt) peccatum originale non modo corpus occidit; sed & animarum quoque cruciatum induxit, oportuit quidem corpus Christi mori, sed & animam eius non nihil cruciari, ut totum viuificaret hominem. At non viderunt miseri, sublata causa morbi, sublatum esse & morbum, & proinde cruciatum quoque morbi. Peccatum causa est pænæ mortis ac damnationis. Hoc sublato necessarium est & mortem, & cruciatum pænæ esse sublatum. Atqui peccatum morte Christi expiatum est, nihil ergo erat à morte dominica, cuius gratia pateretur anima Christi. Errarunt ergo foedissime qui Christi animam arbitrarentur non nihil esse passam. Quasi vero sanguine suo non omnia expiarit peccata; Nam si aliquid passa est, propter peccatum passa est, ergo nondum expiarat peccatum & proinde inefficax fuerat hostia Christi salutaris. Id qui dicit indignissime blasphematur meritum passionis Domini. Videtur autem longe facilius & certior superesse ratio, qua ex hac difficultate elucetur, nempe, si scripturarum more per inferos intelligamus mortem ac sepulturam. Sic enim legimus Genes. 44. scriptum, Morietur pater noster & deducunt famuli tui canos eius cum dolore ad inferos. Canos autem dixit senile corpus, at inferos sepulturam. Imò si probe expendamus hunc ipsum Dauidis locum quem Petrus citauit, videbimus posteriorem particulam, Nec times ut sanctus tuus videat corruptionem, adiectam esse per exegesis. Hac enim exponere voluit quid intellexerit per hanc loquutionem, Non derelinques animam meam in inferno, id enim pollere, quasi quis dicat: Non permittes ut corpore extincto sepultoque simul & vita interierit, cum & ipsa caro resurgere debeat. Nam & ~~hæc~~ non tantum significat tartarum, supplicij locum, sed & sepulchrum ac foueam. Germanus diceret: Du wirst mein seel nit lassen in der grüben gestäcken. Ad hanc sententiam facit & illud quod Cyprianus testatur hæc verba Descendit ad inferna, non haberi in symbolo Romano, ac ne ab Orientis quidem ecclesijs addi. Vnde apparet ab ijs tandem adiectam esse particulam, qui aduersus Valentinianorum hæresim expresse corporis veram mortem exprimere voluerunt. Cumque non satis clarum videretur, Mortuus & sepultus est, protinus ad euidentiore rei expositionem adiecerunt, Descendit ad inferna: hoc est, reuera mortuus & sepultus est, atque ita etiam sepultus ut solet, de quibus dicimus, Descenderunt ad inferos, id est, mortui sunt. Et hæc quidem altera ratio est, qua hic non dissolui potest. Superest & altera, ut per inferos intelligamus mortuos, sicuti per superos intelligimus viuos. Deinde vero enallagen capiamus in verbo descendendi, ita ut quod de persona Christi videtur dici, de ipsa re, hoc est, redemptionis vi intelligamus, nempe mortuis quoque profuisse meritum mortis Christi. Nam hoc est descendere Christum ad inferos. Sic etiam indies ad nos descendit Christus, in virtute utique non in persona. Et quoties obsecro personam Christi pro ipsa ponimus redemptione, iustitia & vita? Hæc descendit (loquimur autem per Ethologiam) ad defunctos patres sanctos. Et hanc sententiam fulciunt duo in priori Epistola Petri testimonia. Prius est, Chris

De descensu Christi ad inferos.

Ezech. 16:

stus in spiritu abiit, & spiritibus qui erant in carcere prædicaui. En habes Christum abiisse in spiritu. Quis verò Christi spiritus nisi vis, vita & euidentia meriti Christi? Sed abiit (dicitis) quod perlonge est. Atqui hæc per Ethnologiam dicta esse probamus ex posteriori testimonio quod extat in 4. cap. sic, Nam in hoc mortuis quoq; (*ἡ νεκρῶν*) prædicatum est Euangelium. Ecce quod in 3. cap. spiritum dixerat, hic Euangelium vocat, & quod superius extulerat, In quo abiit & prædicaui, hic planius effert, Mortuis nunciatum siue prædicatum est Euangelium, id est, vis redemptionis Christi mortuis patribus sanctis profuit. Ita non necesse erit inquirere, An anima Christi (quæ tamem in manibus erat patris) ad resurrectionis usq; punctum inferos, limbum, siue tartarum descenderit? quid ibi fecerit? an quicquam ibi passa sit? Superuacaneæ enim quæstiones sunt. Illa verò quæ nos proposuimus, pio Lectori expendenda proposuimus. In his tamen & similibus vt nihil temere asserimus, ita prorsus nihil contendere volumus, & iam ad historiam nostram redimus. Hunc Iesum (inquit) suscitauit Deus: quæ sanè clausula huius disputationis illatio est. Hanc denuo firmat testium copia, dicens, Cuius nos omnes sumus testes. Nam in 10. refert se vnà cum Apostolis cæteris à resurrectione comedis cum Domino.

Dextera igitur Dei exaltatus, & promissione Spiritus sancti accepta à patre effudit hoc, quod nunc vos videtis & auditis.

De regno Christi.

A resurrectione transit ad ascensionem & regnum Christi sempiternum. Nam hisce iterum ostendit Iesum esse Christum, iisdemq; eluit scandalum crucis. Dicens autem, Dextera igitur Dei exaltatus, ad superius respexit testimonium Psalmi, Quoniam à dextris est mihi ne commouear. Et Dextera absolute posita est, vt siue ad dexteram siue per dexteram intelligamus exaltatum. Si per dexteram intellexerimus, iam dextera virtus & robur Dei est. Sin ad dexteram, iam Dextera sedes est beatitudinis. Sic enim scribit Aurelius Augustinus de Agone Christi. cap. 25. Dextera patris est beatitudo perpetua, quæ sanctis datur. Sicut Sinistra eius rectissime dicitur perpetua miseria, quæ impijs datur. Vt iam non in ipso Deo, sed in creaturis hoc modo quo diximus intelligatur dextera & sinistra.

Dextera Dei.

Quia corpus Christi, hoc est Ecclesia, in ipsa dextera, hoc est in ipsa beatitudine futurum est, sicut dicit Apostolus, Et simul nos sedere fecit in cœlestibus. Hæc Augustinus. Nemo autem offendatur quod audit Christum à patre accepisse promissum. Accipit enim vt homo secundum dispensationem. Deinde verò Spiritum sanctum mittit sicut Deus & homo. Procedit ergo spiritus à patre & filio. Et effusum donum Sancti spiritus palàm testatur Iesum esse verum Dominum. Pulchrum autem est illud quod in orationis fine ad Spiritus sancti missionem redit, à qua orationem cœperat. Priusquam tamen clauderet, hoc addendum erat.

Non enim Dauid ascendit in cœlos, sed dicit ipse: Dixit Dominus Domino meo, sede ad dextris mihi, donec ponam inimicos tuos scabellum pedum tuorum.

Non absolute dicit Prophetam Dauid cœlis exclusum prorsus esse damnatum, sed ne quis locum Psal. 25. vel nō satis firmum crederet, vel de Dauide dictum intelligeret, præuenit, & ostendit locum Dauidi non proprie competere. Id autem facit subiecto dilucidior loco ex Psalm. 109. quem & ipse Christus citauit apud Matthæum in 22. In eo Dominus primo loco pater est, secundo filius, quem Dauid vocat Dominum suum propter assumptam ex lumbis suis carnē. Pater ergo Deus, Domino Iesu Christo nato ex semine Dauid, dicit, Sede à dextris meis. Non igitur de Dauide hæc quoq; Psal. 15. sed de Domino Iesu Christo intelligenda sunt, qui allequutus sedem patris sui Dauid in æternū regnabit super domum Iuda.

Certo sciat ergo tota domus Israel, quod Dominum & Christum fecerit Deus, hunc Iesum, quem vos crucifixistis.

Tandem vela colligit & infert rei Christianæ summam, Christum Iesum crucifixum verum esse Dominum & mundi redemptorem, quod & ipse Deus fecerit, hoc est, declarauerit, quod Christus sit Dominus & saluator.

Hinc verò conijce Christiane Lector, quales fuerint sanctorum Apostolorum prædicationes, nō vtique, de reliquijs & cultu sanctorum, de reſeruatis & satisfactionibus, de votis, de monachatu, de primatu Petri, idolis ac mīsis: sed de peccato, iustitia, & vita per Christum restituta, in quo omnis salus sit & plenitudo. Protinus autem sequetur & institutio de vitæ innocentia.

His autem auditis, compuncti sunt corde, & dixerunt ad Petrum ac reliquos Apostolos: Quid faciemus viri fratres?

Verbum

Verbum Domini penetrantius est quouis ancipiti gladio, *Das gieng inen durch jr hertz.* Nam scelerum & proditiōis sibi conscij, maximi eos pudebat flagitij. Verum salutare ad veritatem compungit: exitiale verò indurescere. Vera pœnitentia enascitur ex cognita veritate per Spiritū sanctum, qui & spem iniecit pectoribus, & omnem desperationem excludit. Hinc hoc loco interrogant, *Pœnitentia.* Quid faciemus? Cain contrā aiebat, Peccatum meum maius est, quàm quòd veniam consequatur.

Petrus ait ad illos: Delictorum pœnitentiam agite, & baptizetur vnusquisq; vestrum in nomine Iesu Christi, in remissionem peccatorum, & accipietis donū Spiritus sancti. Vobis enim facta est repromissio, & filijs vestris, & omnibus qui longè sunt quoscunq; aduocauerit Dominus Deus noster.

Consilium ex scripturis capiunt, & fructum prædicati cognitiq; Christi indicant. Non autem iubent pecunias extorqueant, indulgentias redimant, Romam & Compolestam petant, cucullam induant, cereos offerant, aras extruant, idola consecrent, hostias cedant, vota & supplicationes suscipiant: sed vno verbo rem amplissimam suadentes, dicunt: Resipiscite, hoc est, mentem & mores immutate. odite scelera: iustitiam diligite: credite filio Dei: deserite studia viarum vestrarum, ac benefacere discite. Augusta enim poscit Deus, nos stulta quædam perpetuò obtrudimus. De qua re multis apud Ieremiam Dominus in 7. 11. 15. Isaias quoq; in 1. Quòd mihi (inquit) multitudo victimarum vestrarū? Quin potius indicatis pupillo & viduæ, &c. Niniue reuera resipiscebat & salua permāsit, Ierusalē sub Zedechia varijs incumbbat ceremonijs, reuera non resipuit, ergo funditus periit. *Vor Gott hilffte kein züglen noch verfleiben/man muß rächt from syn.* Baptismo autem recipimur in Ecclesiā Dei, & Christo dedicamur. Præcepit ergo illis vt baptizarentur, hoc est, suasis vt in Ecclesiam Christi transeant, alias religiones deserant, imò sese Christo consecrent Seruatori, in eo enim esse peccatorum remissionem. Non enim elemento aquæ suæ signo tribuitur peccatorum remissio, sed gratiæ Dei & toti mysterio Sacramenti, id est, fidei in Christum. Frequentissimū tamen est vt signis tribuatur, quod signati reuera est. Et cum de baptismo loquimur, non de pura modo aqua, sed toto Dei instituto loquimur, Vnde rectè appellatur Lauacrum regenerationis, aqua mundificans, & peccata nostra ablans. Sacramenta enim inuisibilis gratiæ visibilia signa sunt. De qua re alijs satis disputatum est, & in 8. cap. quædam dicuntur. Accipere autem donum Sancti Spiritus, non ita debet intelligi quasi illi citra Spiritus sancti operam solliciti de salute & corde fuerint compuncti, sed augmentum fidei notauit, quod gradibus quibusdā increuit. Addit præterea stimulos, quibus ad iustitiam sectandā incitet, Vobis (inquit) promisit Deus Spiritum suum, & gratiam suam: nec vobis tantum, sed & filijs vestris pollicitatione sempiterna. Ne ergo indignos vos rebus tam grandibus feceritis. Sunt tamen qui hæc verba, Omnibus qui longè sunt: de gentium vocatione exposuerint. Cæterum non est verisimile quod Petrus, qui 10. demum cap. didicit, hoc Testamentum non minus ad Gentes quàm Iudæos pertinere: hæc de Gentium dixerit vocatione. Addit præterea, Quoscunq; aduocauerit Dominus, ne electio Dei negaretur, & Iudaico, hoc est, carnali semini, omnis tribueretur gloria. Hæc autē de consilio habuimus Apostolico, quo didicimus quid agere conueniat peccatoribus, & quod longè aliā rationem in præscribendo pœnitentiæ modo Apostolici sequuti sint, quàm hodie soleat Pontifex Romanus ille, non Simonis Petri, sed Simonis Magi vicarius.

Alijsq; verbis plurimis iustificatus est, & exhortatus est eos, dicens: Seruemini à generatione ista praua.

Summa rerum capita & quantum satis erat pijs mentibus annotarunt historici sacri, non singula verba, sed rerum duntaxat substantiam. Porro institutioni, consilio, hortationiq; iungit admonitionem, quæ tam necessaria est, quàm semel paria tueri. Nam & Christus apud Matthæū post institutionem copiosissimam, quam per 5. 6. & initiū 7. cap. tradiderat, tandem iubet suos sibi à falsis cauere prophetis. Ideo & Petrus ad exemplū præceptoris hortatur candidatos religionis Christianæ, à praua sibi caueant generatione, *Vor der bösen verfertten zucht.* *ex alijs* enim malignus est, versipellis, importunus ac tortuosus. Hoc verò nomine dignatur blatterones istos Iudæos, quos Paulus alibi vocat canes, inimicos crucis Christi, mendaces, malas bestias ac ventres pigros. Illos ipsos Ioannes Baptista & Christus genimina viperarum vocarunt. Prophetæ quoq; varijs diuersijs notarūt. Cauendum ergo prorsus consortium malum. Parum certè fermenti totam corrumpit massam. Et qui claudo cohabitāt (vt prouerbio fertur) & ipse subclaudicare discit. Hic Dominus prohibuit ne sui cum impijs vllum ferirent fœdus. Quod cum Solomon negligeret, tamen si mortalium sapientissimus esset, interijt. Caueamus itaq; ne nimia cum impijs & verbi Dei hostibus familiaritate inita, velut contagio infecti, aut imbecilles aut prorsus morbidi concidamus.

Qui ergo libenter acceperunt sermonem eius, baptizati sunt, & accesserunt in die illo animæ circiter ter mille.

Siquidem hilarem (vt ait Apostolus) datorem requirit Deus. Nec tamen tollitur hoc loco disciplina & correctio Christianorum. Iniustis enim lex posita est. Baptizati sunt autem quod nemo fidelium ordinationem Domini quantumuis humilem contemnit. Quod si quæras, An verò aqua sit emundatio? Nego. Ergo superflua, dicis. Nego. Nihil enim superfluum instituit Dominus. Voluit autem hominem Sacramento sibi etiam externo astringere, Voluit donum & beneficium inuisibile certa quadam ratione sub sensum reuocare, & per species siue signa visibilia suo modo mysterijs scilicet peculiari & fidelibus noto exhibere. Cæterum non sequitur, Qui libenter obsequuti sunt verbo, baptizati sunt: ergo paruuli baptizandi non sunt. De adultis enim loquitur historicus, qui ubi baptismo tincti fuerint, & audierint Deum eiam paruulorum, hoc est, seminis sui esse Deum, mox paruulos quoque ad baptismum offerunt. De quo alibi copiosius disputatum est. Obserua autem maximum & felicissimum primæuæ incrementum Ecclesiæ, & quod sine fructu copioso nunquam prædicatur veritas. Ter mille hominum accedunt. Dominus enim dederat incrementum semini verbi sui, quod ministerio Apostolorum disseminarat vt saluum faceret populum suum.

Erant autem perseuerantes in doctrina Apostolorum, & communicatione, & fractione panis, & precationibus.

De moribus
sanctæ Eccle-
siæ.

Apostolorum
doctrina.

Irenæus.

Iam verò collecta per verbum Dei Ecclesia, mores sanctæ Ecclesiæ describit. Rectè autem annotauit Erasmus, quatuor à Luca potissimum recenseri, Doctrinam, Communionem, Fractionem panis, & Precationes. Primo enim loco posuit Doctrinam, nec quamuis, sed Euangelicam. Proximo mutuam charitatem. Nam *κοινωνία* usurpatur hoc loco sicut ad Heb. 13. pro rerum diuisione & mutua beneficentia. Sequitur enim protinus, Possessiones & substantias vendebant ac diuidebant, &c. Tercio ponitur symbolum illud sacrum Christianæ conspirationis. Quarto autem loco oratio sancta. In hisce autem rebus sacratissimis ac summis perseuerabant. Non enim subinde nouas cudebant leges, sed in veritate semel tradita & confessâ perseuerabant. Constantia enim colophonem imponit rebus cæptis, quæ sine hac prorsus vanæ sunt. Iam verò, vt de singulis singulariter & paulò copiosius disseramus, non potuit Apostolorum doctrina fuisse alia, quàm Euangelica, quam scilicet acceperant à Domino, & quam Prophetæ veteres literis commiserant sacris, & quam nos profitemur in Symbolo, quod Apostolorum vocant. Sic enim dicit Paulus ad Romanos, Paulus Apostolus segregatus in Euangelium Dei, quod ante promiserat per Prophetas suos in Scripturis sanctis, de filio suo, &c. Quin in hoc ipso Petri sermone ceu paradiamate vidimus qualis fuerit Apostolorum doctrina, ex Scripturis videlicet petita sacris, & viuo Christi Spiritu expositis: nec aliam per integrum hunc librum audiemus. Ipsi quoque veteres Irenæus & Tertullianus scriptorum Ecclesiasticorum longè vetustissimi non plura capita Christianæ religionis, hoc est, Apostolicæ doctrinæ constituunt, quàm nos numeremus in Symbolo Apostolico. Atque huius quidem rei ex utroque clarissima proferam testimonia. Irenæus ergo aduersus hæreses lib. 1. cap. 2. & 3. Ecclesia (inquit) per vniuersum orbem vsque ad fines terræ seminata, & ab Apostolis & à discipulis eorum accepit eam fidem, quæ est in vnum Deum patrem omnipotentem, qui fecit cælum & terram, mare & omnia quæ in eis sunt. Et in vnum Iesum Christum filium Dei, incarnatum pro nostra salute. Et in Spiritum sanctum, qui per Prophetas prædicauit dispositiones Dei, & aduentum, & eam quæ est ex Virgine generationem, & passionem, & resurrectionem à mortuis, & in carne in cælos ascensionem dilecti Iesu Christi Domini nostri, & de cælis in gloria Patris aduentum eius, ad recapitulanda vniuersa, & resuscitandam omnem carnem humani generis: vt Christo Iesu Domino nostro, & Deo, & saluatori, & regi, secundum placitum Patris inuisibilis, omne genu curuetur, cælestium, terrestrium, & infernorum, & omnis lingua confiteatur ei, & iudicium iustum in omnibus faciat. Spiritalia quidem nequitie & angelos transgressores atque apostatas factos & impios & iniustos, & iniquos & blasphemos homines, in æternum ignem mittat. Iustis autem & æquis & præcepta eius seruantibus, & in dilectione eius perseuerantibus, quibusdam quidem ab initio, quibusdam autem ex poenitentia vitam donans, incorruptelam loco muneris conferat, & claritatem æternam circundet. Hanc prædicationem cum acceperit & hanc fidem, quemadmodum prædiximus, Ecclesia, & quidem in vniuersum mundum disseminata, diligenter custodit, quasi vnam domum inhabitans, & similiter credit ijs, videlicet quasi vnam animam habens & vnum cor, & consonanter hæc prædicat & docet & tradit, quasi vnum possidens os. Nam etsi in mundo loquelæ dissimiles sunt, sed tamen virtus traditionis vna & eadem est. Et neque hæc quæ in Germania sunt fundatæ Ecclesiæ aliter credunt, aut aliter tradunt, neque hæc quæ in

quæ in Hiberis sunt, neq; hæ quæ in Celis, neq; hæ quæ in Oriente, neque hæ quæ in Ægypto, neque hæ quæ in Lybia, neque hæ quæ in medio mundi sunt constitutæ: sed sicut Sol creaturæ Dei in vniuerso mundo vnus & idem est, sic & lumen, prædicatio veritatis, vbique lucet, & illuminat omnes homines, qui volunt ad cognitionem veritatis venire. Et neque qui valde præualet in sermone, ex hijs qui præsent Ecclesijs, alia quàm hæc sunt dicet, Nemo enim super magistrum est, neque infirmus in dicendo deminorauit traditionem. Cum enim vna & eadem fides sit, neque is qui multum de ea potest dicere amplius, neque is qui minus, deminorat. Hæc Sole clariora vetustus ille sanctus Dei martyr & Lugdunensis Episcopus, scripto post se reliquit. Tertullianus verò quem beatus martyr Cyprianus Carthaginensis Episcopus, magistrum vocabat, in Præscriptio. Heret. Regula (inquit) fidei est, vt iam hinc quid credamus profiteamur, illa scilicet qua creditur vnum omnino Deum esse, nec alium præter mundi creatorem, qui vniuersa de nihilo produxerit per verbum suum primo omnium emissum: id verbum filius eius appellatum in nomine Dei, varie visum Patriarchis, in Prophetis semper auditum: postremo delatum ex spiritu Patris Dei & virtute, in virginem MARIAM, carnem factum in vtero eius, & ex ea natum, egisse IESVM CHRISTVM, exinde prædicasse nouam legem, & nouam promissionem regni cælorum, virtutes fecisse, sedisse ad dexteram Patris, fixum cruci, tertia die resurrexisse: in cælos ereptum, sedere ad dexteram Patris, misisse vicariam vim Spiritus sancti, qui credentes agat: venturum cum claritate ad sumendos sanctos, in vitæ æternæ & promissorū cælestium fructum, & ad prophanos iudicandos igni perpetuo, facta vtriusq; partis resuscitatione cum carnis restitutione. Hæc regula à CHRISTO vt probabitur instituta, nullas habet apud nos quæstiones, nisi quas hæreses inferunt, & quæ hæreticos faciunt. Hæc Tertullianus de Doctrina Apostolorum. Vbi verò vlla istorum hic mentio, quæ nobis ceu Apostolica obtrudunt hodie Pontificij?

Germania statim post C
st
na
ce

Tertullianus.

Heretici.

Cōmunicatio quæ secundum locum obtinet è charitate Christiana est, & officia Christiana instituit, & opera misericordiæ habet. De quibus copiosissimè Dominus apud Matth. in. 9. 7. 25. ca. Item apud Ioan. in 13. Paulus quoq; ad Rom. 12. & 13. Item Ioannes in sua Canonica.

Cōmunicatio.

De fractione verò panis qualis apud illos fuerit, doctissimè exposuit Erasmus in Paraphrasi, dicens: Itaque qui se iunxerant numero discipulorum, perseverabant in doctrina Apostolorum, atq; in sumendo symbolo fœderis nunquam rumpendi, quam illi communionem vocabant. Id à Domino traditum erat huiusmodi. Frangebatur panis, & ex eo CUIQUE dabatur particula, atq; hoc agentes in memoriam Dominicæ passionis, agebant gratias diuinæ benignitati, qui per vnici filij sanguinem ipsos expiasset à peccatis, qui per eiusdem indebitam mortem ipsos coaptasset in hæreditatem vitæ æternæ. Hæc Erasmus. Ex his autem videre est qualia Apostoli sacra mystica instituerint Ecclesiæ, non utiq; alia quàm quæ in vltima Cœna à sancto præceptore acceperant. Nam & Paulus alibi de hoc sacro, Ego (inquit) accepi à Domino quod & tradidi vobis: ergo quod à Domino acceptum aut traditum non est, à nemine posthac tradi debet. Si enim non licuit Apostolis Spiritu Dei imbutis, aliud tradere, quàm quod Dominus tradiderat, certè ne nobis quidem licebit. Maneamus ergo in primitiua huius sacri institutione, vt in eundem locum conuenientes, & beneficia Dei recolentes cum peccatorum confessione, laude Dei & gratiarum actione quotquot credimus edamus sacrosanctum illum panem corpus Christi mysticum, bibamusque vinum sanguinis sacrosancti Sacramentum. Hoc enim instituerunt atque celebrarunt Apostoli, Missas Papisticas nescierunt. De qua re satis in Epistolam ad Hebræos. Nolo autem offendaris Lector Christiane, quod audis Lucam maluisse hoc sacrum Christianorum fractionem panis nominare, quàm sacrificium corporis Christi. Noluit enim errori ansam subministrare Spiritus sanctus veritatis doctor. Commemoratio enim est sacrificij semel peraacti, non ipsum sacrificium. Commemoratio item ac symbolum corporis veri, non ipsum corpus, nisi quantum attinet vnionem sacramentalem, & mysterium, siue significationem. Sic enim rectè nominamus panem corpus Domini. Quanquam ergo mysterium nostrum non augustiore nomenclatura quàm Fractio panis, dignatus sit, tamen nemo imaginabit, hunc sacrum panem nihil aliud esse quàm panem, quem & domi suæ in prophana mensa comedat. Hic enim noster mysterium habet, & à Christo Domino in priuatos & peculiare usus est institutus, nempe ad significandas res maximas, ad congregandam vniendamque Ecclesiam, & ad percellendos sensus etiam exteriores sensu cælestium donorum. Cernit enim visus in symbolis Dominum, fidei repræsentatione, cernit inquam fractionem & mortem eius, cernit effusum sanguinem in vino. Auditus autem lætatur promissionibus & verbis Cœnæ tam amicis. Neque verò & tactus & gustus in hoc sacro gaudij prorsus expertes sunt. Neque verò defunt nobis rationes certæ & præclaræ, ob quas non aliam, quàm panis & vini creaturam ad hanc rem repræsentandam delegerit Dominus. Pane enim pascimur. Vino lætificantur corda nostra. Quia ergo carne Christi

De fractione panis.

Cur maximum Christianorum sacrificij.

Spiritualiter manducata pascimur, & sanguine Christi pro nobis effuso ad verum animi gaudium peruenimus: nihil erat quod huic mysterio perinde responderet pane & vino. Præterea constat sanguine Christi abolita esse omnia veterum sacrificia: proinde necessum erat ut hoc maximum sacrificium aggrediens prius testaretur, sanguinem suum fustum, & corpus suum oblatum, ita sufficere ad expianda omnia omnium hominum peccata, ut posthac non foret opus ullum pro peccatis in sacrificio effundere sanguinem. Hoc ergo clarissimis verbis contestans, dicit, Hoc est corpus meum, quod pro vobis traditur. Hoc poculum nouum testamentum in meo sanguine, qui pro multitudine effunditur in remissionem peccatorum: quæ deinde clarius & euidentius exponit Paulus ad Hebræos 10. Hisce iam signa siue symbola adiecit, non utique sanguinolenta, ut apud veteres Circumcisionis & Paschæ fuerant, sed amica & familiaria homini, panem & vinum, quæ sanguinem non habent, in hoc ut consummationis essent sacramenta & testimonia quod omnis sanguis pro peccato cessarit, & in Christo iam omnis plenitudo sit. Supereft & alia (ni fallor) longè amœnissima & sacratissima verissimaq; causa, cur panem ad hanc rem elegerit: hæc, Voluit Dominus totam Ecclesiæ multitudinem in vnum coadunare corpus. Ad quam rem significandam nihil potuit inueniri pane & vino quadrantius. Solebant enim apud veteres maxima quæque fœdera panis & vini confirmari symbolo. Testes in hac re adduco ipsum Apostolum Paulum in 1. ad Cor. cap. 10. Deinde Lo. Cœlium, qui læst. antiqua. lib. 15. cap. 15. Panis (inquit) prægustatus ritus Macedonico sanctissimum erat coeuntium pignus. Et panis illa prægustatio ita gentis condito more, nimirum parabilis victus, frugalitatis insigne documentum erat. Iam & Erasmus in symbola Pythagoræ scribens, Panem (inquit) ne frangito, admonet non dirimendam esse amicitiam: propterea quod antiquitus amicitia pane conciliabatur. Vnde & Christus princeps noster distributo pane perpetuam inter suos amicitiam consecrabat. Proinde non conuenire frangi id per quod amici conglutinantur. Hastenus de fractione panis.

Oratio.

Iam & oratio quartum occupat locum, de qua multa & Veterum & nostrorum præclara extant opuscula. Paraphrastes, Addebant (inquit) puras preces, quibus rogabant, ut regnum Domini Iesu indies latius propagaretur, ut illius gloria per vniuersum orbem inelaresceret, ut illius voluntati ubique obtemperaretur, ut qui fidem Euangelicam semel essent professi, sacra doctrina cœlestiq; gratia quotidie proficerent ad meliora, atque ita concorditer inter ipsos viuerent, pacem habentes cum fratribus, ignoscentes iniuriam, si quid esset per humanam fragilitatem admissum: pacem habentes cum Deo, qui se misericordem præbet ijs, qui se misericordes exhibent proximo, ut quotidiano numinis auxilio confirmati, subsisterent aduersus omnes satanæ incursus, donec post longa certamina daretur æternum præmium. Hæc tum erant victimæ Christianorum. Annotauimus & nos quædam de Oratione in 15. cap. ad Roman. Hinc verò liquet quæ sit VERA, ANTIQVA ET APOSTOLICA ECCLESIA, nimirum ea quæ hisce est moribus, quibus hanc videmus præditam, in qua primas tenet doctrina veritatis, fundata in sacris literis, ex qua deinde accusantur scelera, in qua & penitentia & peccatorum remissio prædicatur. Nam vbi hæc non sunt, sal videlicet, ignis, & increpatio scelerum vehemens, oleum quoque & medela vulnere leniens, ibi non est vera Ecclesia. In hac est & baptismus & fractio panis, oratio & communio, siue charitas. Vbi ergo hæc videris ne dubitaueris veram esse Christi Ecclesiam. Huic autem sententiæ subscribit Lactantius lib. Institut. 4. cap. vltimo. Pontifex Romanus suam traditionem vocat Apostolicam, & suū cœtum sanctam Ecclesiam. At quàm verum hoc sit, deprehendes si illam præsentem contuleris. Nihil autem istorum pure apud eū inuenias, quæ hic in moribus Apostolicæ Ecclesiæ recēsentur. Nam pro doctrina Apostolorum colit traditiones humanas. Pro penitentia & peccatorum remissione per Christum, indulgentias vendit pro auro, Baptismi verò mysterium crudeliter persequitur, dum cultores veritatis, ad quam baptismus obstringit, proscribit. Fractionem panis abrogauit, & loco eius sacrificios & Missas orbi obtrudit. Orationes obscurauit, & venales prostituit. Sed & misericordiam & communionem turbauit. Idola enim statuas & parietes ad luxum vestiuit, monachorum greges, episcoporum ac sacerdotum turmas, telluris inutile pondus, instituit, qui prætextu religionis optima terræ deuorant, diuites quoque & pauperes hereditate paterna, diuorum cultu, donis, anniuersarijs, testamentis ac votis, fraudant. Videat ergo quid agant, qui Ecclesiæ sanctum nomen subinde iactant, ut à moribus veræ Ecclesiæ, mores dissimilimos habent.

Que vera Ecclesia.

Obortus est autem omni animæ timor, multaq; prodigia & signa per Apostolos adebantur.

Anima ponitur pro homine, cui vel impio oboritur stupor, vel propter miraculorum admirationem, vel propter constantiam piorum, felicitatem atq; successum rerum.

Omnes

Omnes autem qui credebant, erant coniuncti, & habebant omnia communia. Possessionesq; & substantias vendebant, ac diuidebant illa omnibus, prout cuiq; opus erat.

Græcè legitur *ἅπαντες τὸ αὐτὸ*, quod ad verbum sonat, erant in vel ad vnum, magisque pertinet ad animorum coniunctionem quàm localem & corpoream. Mox enim sequetur Apostolos per singulas domos fregisse panem. Non ergo semper vno in loco coaliti vivebant, sed certis tantum horis in cœtum conueniebant, hoc dissoluto quisq; ad se redibat. Itaq; coniunctio illa animorum erat, ex qua enascebatur beneficentia & rerum communicatio siue diuisio. Sequitur enim, Et habebant omnia communia: nimirum iuxta tritum prouerbum, Amicorum omnia communia. Sunt qui hæc ad cōmunionem Platoniam trahunt, qua & proprietatem (vt vocant) negant, nec quenquā saluari posse credunt, qui propria possideat. Cum tamen id falsissimum esse hic ipse qui mox sequitur locus manifestissimè conuincat. Sic autem sequitur: Possessionesq; & substantias vendebant, ac diuidebant illa omnibus prout cuiq; opus erat. Ex quibus verbis planè liquet, quod communio ista nihil aliud fuerit quàm voluntaria communicatio siue diuisio. Nam vendebant ait: ergo propria erant quæ vendebant. Quis enim probus aliena vendiderit? Diuidebant præterea, ergo rerum Domini erant, neq; ita communes erant opes, vt quisq; quod liberet raperet. Nam vnicuique prout opes erat diuidebat venditor, aut cui id credidisset. His autem notis nihil potest dici clarius. Proinde non traditur hoc exemplo confusio rerum & Reipub. vel legum de emptione & venditione, de locatione & mutuo neglectus, sed charitas & misericordia docetur, nempe vt amicos nobis paremus de iniqua mammona, ne pecunias vel luxu concoquamus, vel stulti philosophi Cratetis more abijciamus, sed in pauperes dispensemus, vt in cœlis copiosum thesaurum inueniamus. De hac re pluribus in cap. 4. Alij dixerūt, hoc loco non statui nobis legem, sed magnum recenseri perfectionis exemplum, quod qui imitetur, idem cum his sanctissimis Dei viris accepturus sit præmium: qui non imitetur (interim neminè fraudet, & avarus non sit, sed beneficus in omnes) nihil peccare penitus.

Communio.

Κτήματα, hoc est, possessiones, propriè vocauit fundos, prata, agros, iugera, & vineta, & cetera vnde mater/hoff vnde gûter. *ἰσχύεις* verò, hoc est, substantiam, aurum & argentum, gold/gält vnde fleinor. Nam hac diuisione comprehensa est omnis hominum facultas.

Et quotidie perdurantes vnanimiter in templo,

Iterum commendatur nobis constantia & concordia, quæ duo nobis, si florere volumus, in primis sunt necessaria. Perseuerantia videlicet in bono, & vnanimitas inter nos ipsos, & in rebus agendis omnibus. Concordia enim paræ res crescunt, discordia maximè dilabuntur. At constantia rerum agendarum neruus est & anima. Porro in templo agebant, ne quis conspirationem putaret, & vt posterius discerent clancularias conuentiones vitandas, at cœtus publicos esse laudabiles.

Concordia & constantia.

& frangentes per singulas domos panem, inuicem sumebant cibum cum exultatione & simplicitate cordis laudantes Deum.

Hic fractio panis non accipitur pro sacro symbolo vt supra, sed pro hospitalitate & liberalitate in esurientes præstita. Sic enim legimus apud Isaiam in capite 58. Frange esurienti panem tuum. Hoc ipsum poscunt circumstantiæ. Sequitur enim, *ἵστα δὲ μεθ' αὐτῶν*, id est, sumebant cibum: siue sumebant inuicem cibum. Quod nolim de opiparis instructisque intelligas conuiujs, quasi illi se mutuis refocillarent cupidjs, sed quod tenuiores ditiorum alebantur liberalitate. Nam *ἵστα δὲ μεθ' αὐτῶν* est ab alio sumere, vel participem esse. Atque id quidem illi faciebant non coactè aut versuto animo, quod hic plerunque fieri solet, sed libere & cum exultatione in vera cordis simplicitate, sic enim præcepit Apostolus: Qui impertit in simplicitate, & qui miseretur in hilaritate, Romanos 12. & 2. Corinth. 9. Laudabant vtrique Deum, ac gratias agebant pro donis ei is ac beneficijs. Atque hæc erat verè sancta Dei Ecclesia. Videtur autem hic locus, de fractione panis in ædibus priuatis veteribus Romanis Episcopis ansam dedisse quod hospitibus, episcopis & presbyteris Eucharistiam solenniter transmiserunt: id quod de ipsis Irenæus apud Eusebium testatur libro Ecclesiasticæ historiæ 5. capite 24. Item quod in eadem Roma auctore Hieronymo in Apologia pro Lib. Aduers. Iouinian. Eucharistiam quisque domi suæ sumere potuit. Vnde nimirum apud nos inoleuit, vt infirmis deferatur in ædes panis Eucharistiæ. Verum audiuius de hac fractione panis Lucam in præsentiarum nullam mentionem facere. Carent igitur exemplo, qui necessitatem in hac re inducunt. Certè ipse Dominus publicam & festiuam instituit gratiarum actionem in cœtu solenniter celebrandam. Quod ipsum & ex Pauli verbis colligi potest, quibus conuiuia publicasq; Corinthiorum epulas inculans, dicit, Quum conuenitis in eundem locum, iam nō licet Dominicam cœnam edere, eò quod

Eucharistia priuatim in ædibus celebrata.

vnusquisque pergit priuatam cœnam instituere: & hic quidem esurit, ille verò ebrius est. Num sanè domos non habetis ad edendum & bibendum? &c. Ecce Paulus cœnam nostram celebrare iubet in loco aliquo celebri & in cœtu sacro. Deinde hanc separat ab epulis & cœnis prophanis. Nam has in ædibus priuatis exhibere iubet: at cœnam sacrâ in cœtu publico celebrare poscit, idq; remotis omnibus alijs mensis, certè vt cum suma fide ad cœleste accumbamus conuiuium. Sed hæc obiter.

Et habentes gratiam apud omnem plebem.

Synecdoche est. Nam non poterant nisi optimis placere. Nam malis nemo bonus citra iustæ laudis periculum placere potest. Quod malis nihil nisi malum probetur.

Dominus autem addebat, qui salui fierent, quotidie congregationi.

Nam sine augmento diuino perit omne semen verbi Domini in cordibus humanis. Neq; quicquam ad Christum peruenerit, nisi cœlestis pater traxerit.

CAP V T III.

SImul autem Petrus & Ioannes ascendebant in templum ad horam precatæ nonam. Et quidam vir, qui erat claudus ex vtero matris suæ, baiulabatur, quem ponebant quotidie ad portam templi, quæ dicitur speciosa, vt peteret eleemosynam ab introeuntibus in templum. Is quum vidisset Petrus ac Ioannem ingressuros in templum, rogabat vt eleemosynam acciperet.

IVS Capitis initio describitur occasio alterius istius nobilissimæ per Apostolos orationis, qua habita multorum mentes ad fidem Christi conuersæ sunt. Hæc autem est rei gestæ occasio. Petrus & Ioannes vnà in templum ascendunt, humiles & tenues, nullis equis vecti aut satellitio stipati, vt nunc solent qui titulū mentiuntur Apostolicum. Ascendunt autem ad horam diei nonam, quæ nobis est (iuxta superiorem rationem) tertia postmeridiana. Videntur enim sabbatorum dies apud illos more nostro in horas fuisse diuisi, ad quas deinde sacros celebrarint conuentus, in quibus & orauerint & legem Dei audierint. Ascendunt ergo ad templum vt frequenti populo Christum prædicent. Hic verò suppeditat Deus maximam agendi occasionem. Nam claudus quidam pro foribus templi sedens, & miraculo & concioni occasionem dedit. Porro Epitaphis, qua miseriam hominis multis modis videmus intentam, commendat nobis diuinam virtutem, quæ rebus fessis desperatisq; subuenit. Putauerim autem speciosam templi portam ab ornatu & ædificio dictam esse, qualis & nobis fuere artificiosis arcubus excisæ, mit schönen portal. Horodes enim non æstimandis sumptibus incredibiq; magnificentia templum spacio octo annorum erexit, additis porticibus vario opere visendis, sed & portis templi magnitudine & artificibus adeo præstantibus, vt hæc sit vulgo speciosa appellata. Claudus ergo diuina agente providentia, eleemosynam à Petro (pro more suo) postulat.

Defixis autem in eum oculis, Petrus cum Ioanne dixit: Aspice in nos. At ille intendebat in eos, sperans se aliquid accepturum ab eis. Petrus autem dixit: Argentum & aurum non est mihi: quod autem habeo, hoc tibi do. In nomine Iesu Christi Nazareni surge, & ambula. Et apprehensa manu eius dextra, crexit eum.

Petrus non oblitus verbi Domini, quicquid istis feceritis mihi fecistis, ideoq; se à Deo rogari, imò potius commoneri sentiens, in miserum oculos defigit, sentiens instare tempus quo gloria filij propagaretur. Ne ergo quid præstigij admissum videretur, dicit, Intuere nos. Id quum faceret miser aliquid se accepturum sperans, Petrus subdit, Quod tu poscis, id in mea potestate non est. Neque enim aurum, neq; argentum (weder gold noch gält) possideo. Non enim voluit me Dominus dispensatorem esse terreni thesauri, sed cœlestis. Quod ergo habeo, id est, id quod mihi commissum est, tecum participo, ac iubeo te surgere, non meo, sed Christi Iesu nomine & virtute, cuius ego negotium ago. Vnde nos discimus Apostolicam vitam longè lateq; dissidere ab eius qui se Petri mentitur vicarium. Non enim aurum argentumue possidet Petrus, nedum regna. Hic verò ad miraculum vsq; optimis terræ perfruitur. Neq; verò mendicitas hic probatur, sed hoc potius traditur, quod pius animus thesaurum in hac terra non corradi: id quod & Christus docuit Matth. 6. Quin potius ille nihil se possidere credit, licet possideat multa: id quod in Paulo videre est 1. Corinth. 7. Philippen. 4.

Deinde

Deinde ex hoc loco discimus Iesum esse Dei filium. Nam huius nomine confertur salus, de quo copiosius paulò post.

Protinus autem consolidatae sunt plantae illius ac tali. Et exiliens stetit, & ambulabat, intrauitque cum illis in templum, inambulans & saliens ac laudans Deum.

Protinus creatura creatori parer. Surget enim miser à morbo incurabili, iam non aliquantulum sed prorsus curatus. Quaecunque enim Deus facit, bene facit. Sanatus autem Deum laudat, & specimen nobis exhibet gratitudinis: ne quis Deo ingratus suaeque sorte non contentus, vel non referat gratias, vel omnipotenti obmurmuret.

Et vidit eum totus populus ambulantem ac laudantem Deum. Agnoueruntque illum, quòd ipse esset is, qui ad eleemosynam federat ad Speciosam portam templi. Et impleti sunt admiratione & stupore super eo quod contigerat illi. Quum teneret autem qui sanatus fuerat claudus, Petrum & Ioannem cucurrit totus populus ad eos in porticu, quae appellatur Solomonis, stupefactus.

Faciunt illa ad amplificationem negotij. Quod autem interpretes vertit, Quum teneret autem, &c. Significantius erat, Praeualente autem (παρὲντος δὲ) claudò aduersus Petrum. Notat enim importunas claudi laudes, quas Apostoli non ambiebant. De porticu Iosephus.

Quo viso, Petrus respondit ad populum: Viri Israelitae, quid miramini super hoc, aut nos quid intuemini, quasi nostra virtute aut pietate effecerimus ut hic ambularet?

Duo habet haec oratio. Primum apologeticum est. Nam principio plebis remouet errorem, quo illa miraculi gloriam hominibus tribuebat Apostolis. Docet ergo omnem gloriam esse Christi. Secundum suaforium est. Nam laxis habentis exhortatione effertur, monetque peccatum suum aduersus Deum in proditione Christi commissum agnoscant, poenitentiam agant, Christum suscipiant, qui sit benedictio orbis. Et haec altera est oratio Apostolica de religione Christiana, summa cum auctoritate dicta. Iam ut de primo primum dicamus, Cum miraculo conspecto plebs (ut fit) Apostolos tantum miraretur. Nam plures videndi Lazari gratia quam Christi olim quoque adueniebant, amolitur omnem à se admirationem, & in vnum Christum omnium mentes conuertit. Et quia duo sunt, virtus videlicet & meritum, quibus homines permoti diuis seu magnis aliis hominibus res diuinas tribuimus, utraque hic è medio tollit, & cum indignatione quadam dicit, Quid miramini super hoc, aut nos quid intuemini, *ut idia dicitur in uersis*, quasi propria potentia nostrae merito seu pietate effecerimus ut hic ambularet? Iam per subiectionem intelligendum. Non ita habet. Mox enim subdit, quomodo habeat res, Deus Abraham, &c. At nos hinc colligimus falli istos omni modo qui miraculorum operationem vel meritis, vel virtuti sanctorum tribuunt, aut ex miraculis olim per Deum ministerio sanctorum patris colligunt, diuos ceu auxiliares esse inuocandos colendosque. De qua re simile omnino exemplum habebimus in cap. huius libri 10. & 14. Quanquam non crediderim inutile fore, si Augustini quoque super hac re annotarim sententiam, is in libro de Vera religione capite 55. Non sit nobis religio (inquit) humanorum operum cultus. Meliores enim sunt ipsi artifices qui talia fabricantur, quos tamen colere non debemus. Non sit nobis religio cultus hominum mortuorum. Quia si pie vixerint, non sic habentur ut tales quærant honores, sed illum à nobis coli volut quo illuminante lætatur meriti sui nos esse conseruos. Honorandi ergo sunt propter imitationem, non adorandi propter religionem. Si autem male vixerint, ubicunque sint non sunt colendi. Et paulò post: Honoramus angelos charitate, non seruitute, nec eis templa construimus. Nolunt enim se sic honorari à nobis. Quia nos ipsos cum boni sumus, templa summi Dei esse nouerunt. Rectè itaque scribitur hominem ab angelo prohibitum ne se adoraret, sed vnum Deum sub quo ei esset & ille conseruus. Paria penè lib. aduersus Faust. 20. cap. 21. & de Ciuit. Dei, lib. 22. cap. 10. & in 8. cap. ult.

Aduersus cultum diuorum.

Simulachra intelligit.

Deus Abraham, & Isaac, & Iacob, Deus patrum nostrorum glorificauit filium suum Iesum, quem vos tradidistis, ac negastis in conspectu Pilati, quum ille iudicasset esse absoluendum. Vos autem sanctum & iustum negastis, & postulastis, ut virum homicidam donaret vobis, autorem verò vitæ interfecistis, quem Deus suscitauit à mortuis: cuius nos testes sumus,

& per fiduciam nominis eius, hunc quem videtis & nostis, consolidauit nomen ipsius, & fides quæ per eum est, dedit ei integritatem istam in conspectu omnium vestrum.

Scopus miraculorum.

Iam indicat à quo autore miraculum sit profectum, & in quem finem patratum. Non (inquit) prædicamus vobis nouum Deum, sed Deum patrum nostrorum. Prædicamus autem quod hic miserit filium suum quem patribus promisit: quod autem filius Dei sit, præfenti miraculo comprobauit. Vos enim ignominia affecistis sanctum & innoxium, ergo per Deum hunc glorificari oportuit. Id quod hoc miraculo fecit. Interim verò antithesi quadam obiter amplificat peccatum eorū, & adeo clarè vt nihil possit dici clarius. Dein iterum redit, & ex effectu fidei in Iesum Christum declarat virtutem Christi: quasi dicat, Credidimus nomini filij Dei, id innocauimus super misero, credidit & ipse, itaque reualuit. Proinde Christus filius Dei est, cuius virtute hic miser sanitati restitutus est. Vnde iam liquido clarè cuius sit sanitatis beneficium, non utiq; hominis per quem agit Deus, sed ipsius Dei qui agit. Vnde iam denuo liquet, quis inuocandus sit, salutandusq; pro valetudine prospera vel conferuanda, vel reparanda. Pertinent ergo miracula omnia ad gloriam Dei propagandam. Hodie contra religionis sanæ sensum peruertuntur à multis, dum ad cultum diuorum & idololatriam confirmandam prædicantur, sed eo modo nihil conducunt ad gloriam Dei promouendam, at marsupium avaris sacrificis probè faciunt.

Et nunc fratres scio, quod per ignorantiam fecistis, sicut & principes vestri. Deus autem quæ prænuntiauerat per os omnium Prophetarum suorū, Christum passurum, impleuit sic. Pœniteat vos igitur, & conuertimini, vt deleantur peccata vestra.

Remissio peccatorum.

Quod Petrus audierat aliquando, Tu conuersus confirma fratres tuos: id sanè hoc loco diligenter præstat. Nunc enim occasione accepta eo quod dixerat istos Christū negasse & prodidisse, ad pœnitentiam & suscipiendum Christum animat. Neq; verò peccatum istorum quod iam iam seueriter obiurgarat, nunc quidem dissimulat, sed benignitate ad pœnitentiam inuitat. Nam concedentis vox est. Scio quod per ignorantiam fecistis: quasi dicat, Scio inquam quid ad hæc respondeatis, nimirum nesciuisse vos Iesum fuisse eum qui erat, Christum. Age verò ira habeat res dummodo sic impleuerit ea Dominus, quæ prædixerat per Prophetas, filium nempe totius orbis fore victimam. Iam verò cessit quidem mors Christi in bonum toti orbi, sed vos peccastis innoxium tradentes. Cæterum spes est condonationis ac salutis, modo resipiscatis. Iam infert, Pœniteat igitur vos & conuertimini, vt deleantur peccata vestra. O ergo immensam Dei bonitatem, quæ ne illis quidem negat gratiam qui filium sibi occiderunt. Quis posthac desperauerit? Hinc ergo prædicanda est populis pœnitentia, conuersio & peccatorum remissio: de qua & Ezech. cap. 18.

Vt quum venerint tempora refrigerationis à conspectu Domini, & miserit eum qui ante prædicatus est vobis, Iesum Christum, quem oportet quidem cœlum accipere vsq; ad tempora restitutionis omnium, quæ loquutus est Deus per os omnium sanctorum suorum à seculo Prophetarum.

Duo hic sunt animaduertenda. Primum, Mancam esse orationem, quæ sic possit sarciri, Vt feruimini quum venerit tempus refrigerij. Secundum, Tempus refrigerij per Synecdocham dici de extremo iudicio, quod salutiferum erit pijs duntaxat. Dicit autem, Nunc quidem prædicatur aduentus eius humilis & gratiosus: tunc verò aderit ultor & iudex. Curate ergo ne vobis appareat ultor. Sic enim à iudicij terrore hortatur ad pœnitentiam: id quod & Prophetæ solent dum expositis, imò ob oculos positis pœnis impios ab impietate reuocant. Rursus ne quis iudicij diem propediem affuturam crederet præoccupat, ac dicit: Priusquam veniat ea dies, oportet Christum in cœlos assumptum cœlitus regnare, hostes suos conficere, & omnia quæ de regno Christi in Gentibus & alijs rebus futuris vsque ad iudicium prædicta sunt, fieri. Paria legere est apud Paulum in 2. ad Thess. capite secundo.

Moses quidem ad patres dixit: Prophetam suscitabit vobis Dominus Deus vester de fratribus vestris, mei similem: Audietis eum iuxta omnia quæcunq; loquutus fuerit vobis. Futurum est autem, vt omnis anima quæ non audierit Prophetam illum, exterminetur è populo.

Diuino

Diuino munit testimonio quod proposuerat, probans Iesum esse Christum, quem qui non audierint, perdendi sunt. Maxima autem erat apud Iudæos Mosis auctoritas, quod vel ex 5. Ioan. cap. liquet: ergo vnico eius contentus testimonio, tandem summam cæteros allegat. Hoc autem sumptum ex Deut. 18. cap. Annotandum verò quòd Christus propheta dicitur propter officium. Natura enim est filius Dei, secundum carnem natus ex fratribus suis, hoc est, semine Abraham. Heb. 2. Idem ipse meditatione similis factus est Mosis. Filium ergo proponit nobis pater in Testamēto nouo, & ait: Hic est filius meus dilectus, in quo placata est anima mea, ipsum audite. Et Baptista, Qui incredulus est filio, non videbit vitam, sed ira Dei manet super eum, Ioan. 3. 8. 1. Ioan. 5.

Quin & omnes prophete à Samuele, ac deinceps quotquot loquuti sunt, etiam anuntiauerunt dies istos.

Paucis verbis dicit, Omnes Prophetas Mosen (qui, vt Homerus poetarum omnium oceanus, sic ipse omnium Prophetarum fons est) sequi, & similia de Christo scribere. Nam Dauid in Psalmis plurima, Isaias in postremis sui operis capitulis. Ieremias in 23. 31. Dan. in 9. Ezechiel quoque in locis pluribus de hoc Christi negotio scripserunt. In primis autem Haggeus & Zacharias.

Vos estis filij prophetarum ac testamenti, quod testatus est Deus erga patres nostros, dicens ad Abraham: Et in semine tuo benedictionem consequentur omnes familie terræ.

A dignitate & vocatione Dei hortatur. Quasi dicat, Si iure gloriamini vos esse Prophetarum filios, age verbis Prophetarum credite. Si testamentum vobiscum pepigit Deus, pactis oro stare. Hæc est autem testamenti summa: In semine tuo, id est, Christo (interprete ad Galatas Paulo) saluabuntur omnes Gentes. Ergo si in Christum credideritis, filij testamenti, hæredesque cælestium bonorum eritis. Porro hinc liquet vnicum modò esse Testamentum, vnam vtriusque populi salutem & Ecclesiam. Ipse verò omnia clarius exponens subdit:

Vobis primum Deus, cum suscitasset filium suum Iesum, misit eum benedicentem vobis: ita vt vnusquisque vestrum conuerteret se ab iniquitatibus suis.

Suscitandi verbo respexit ad Mosis vaticinium, Prophetam suscitabit vobis Dominus. Hoc autem dicit, Fidem vobis præstitit Deus, ergo vestrum fuerit vt & vos fidem præstetis. Misit ille filium suum: vestrum est, vt saluatorem sese vltro vobis offerentem suscipiatis. Venit enim vt saluet & vt opera diaboli dissoluat. Credite ergo & conuertimini à peccatis vestris. Seruite ei in timore & iustitia, &c. Luce 1. Titum 2. Hæc illa altera est Apostolica prædicatio: ad quam si quorundam probes conciones, videbis quid commentitium, & quid in ijs sit verum.

C A P V T IIII.

LOquentibus autem illis ad populum, superuenerunt illis sacerdotes ac magistratus templi, & Sadducei, moleste ferentes, quòd docerent populum, & annuntiarent in nomine Iesu resurrectionem ex mortuis: & iniecerunt eis manus, posueruntque eos in custodiam in posterum diem: nam erat iam vespéra.



ACTENVS primordia fidei descripsit, quomodo Ecclesia coierit, creuerit & vixerit, item quid docuerint Apostoli, quos Ecclesiæ ritus tradiderint, & quæ sit veritatis potentia: nunc verò describetur quomodo mundus ad veritatem sit animatus, nimirum vti Christus prædixerat Ioan. 15. & 16. Veritas enim, vel iuxta Comici sententiam, odium parit, Obsequium amicos, Describitur ergo hic prima Ecclesiæ ex veritatis prædicatione oborta persecutio. Beati verò qui persecutionem patiuntur propter iustitiam, horum enim est regnum cælorum. Illi autem persecutionem in veritatis amantes ab initio mouerunt, qui veritatis patroni ante omnes esse debebant, sacerdotes videlicet & qui antistites veræ religionis videri volunt. Hi interturbant res sacras perrumpuntque violentia. Quod enim nos legimus Superuenerunt, Græcè significantiùs legitur *ἐπιβήσαντες*, id est, ingruerunt, Sy habends überfallen/ Sacerdotes inquam, magistratus templi & Sadducei. Sacerdotes autem dixit quorū intererat pietatem fouere. Magistratus quoque

Qui persequuntores.

templi, cuius in primis erat verum Domini templum tueri. Admonet enim Erasmus magistratus esse singularis numeri. Nam Græcè est ἡγεμὼν τοῦ ἱεροῦ, hoc est, Dux templi. D. Chrysostomus exponit, Dux militum templi. Beda testatur se in quadam ædizione legisse, Prætozem templi. Reuera apparet ex 4. Regum 10. cap. cuiuspiam templi curam tutelamq; fuisse commissam, qui sub signis suis certam haberet militum manum, quæ & templum tueretur & turbas si quæ orirentur, disjiceret. Eiusmodi verò militum grex à nobis nominatur, *Die schirmmer*. At ipse imperator, *Oer Tempeluoogt vñ schirmmeren hauptmann*. Cæterum cum tales alantur ex superstitione, minus mirandum est, si infensi etiam sint veritati. Sadducæi autem quales fuerint refert Iosephus in 18. Antiquitat. cap. 2. Habebant enim & Iudæi suos monachos, vestitu, cultu, & dogmatibus dissidentes. Prorsus enim tunc talis erat synagogæ facies, qualis hodie Ecclesiæ est, in qua proceres Ecclesiastici suos habent milites suumq; satellitium. In hac videas varias monachorum sectas inuicem hostiliter dissidentes. Videas item illis inter se mutuo admodum conuenire, vbi veritas extinguenda sit, quibus tamē per omnem vitam nunquam probe conuenit. Hic verò omnes conspirant, & auxiliares copias iungunt, atq; in veritatem mouent, timent enim suis compendijs aliquid decessurum: pro ventre itaque & vana gloria tanquam pro aris & focis decertaturi profligunt. In primis autem malè habebat pontificios istos, quod Apostoli docerent, & in templo quidem docerent. Nam sibi sic vendicarent docendi functionē Pharisei, vt veritas humanis inuentis pontificumq; autoritate oppressa emergere non posset. Non enim alij quàm coniurati docebant. Illud autem docebant, quod ex auarorum traditione acceperant. Non secus atq; rasi nostri oleoq; delibuti solent, qui non ferrent si quis fide nondum data prædicare pergeret. Non quod iustam damnemus vocationem, & manuum impositionem, quam scimus esse sanctam ac necessariam: sed abusum & vota impia damnamus. Apostoli verò missi erant. Ideoq; non erat opus vt ab impijs mitterentur, imò impium est si quis fide impijs data mittatur ab impijs. Dolebat & illud quod resurrectionem Christi prædicarent. Illum enim damnant, illius gloriam extinctam cupiebant. At resurrectione astruebatur Christi victoria, tradebaturq; & animæ immortalitas, & corporum resurrectio, sed & vitæ nouitas & restitutio morum: quæ omnia offendeabant cum homines sceleribus dicatos, tum Sadducæos in primis resurrectionem prorsus abnegantes. Ergo iniiciunt illis manus, nondum cruore Christi tepidas. Nihil enim habet impietas, nisi violentiam quo se tueatur. Non cognoscit verum, non discutit causas, sed insidias struit, carcerem appellat, certè vt terrore supplicij multos ab Euangelio Christi absterreat. Miro quoq; modo accelerat: nisi enim crudelibus ausis obstitisset nox, iam protinus extinxissent innoxios. Hinc autem liquet nonam apud istos horam nobis fuisse tertiam vespertinam.

Docendi sumptio.

Multi verò eorum qui audierant sermonem, crediderunt, & factus est numerus virorum circiter quinq; millia.

Patientia sanctorum.

Veritas Domini semper vincit. Hic enim aliquot millia accedunt, contemptis omnibus magnatum minis. Ergo nihil proficitur tyrannide, sed quo magis premitur veritas eo magis enitescit. Non enim poterant excidere sancti quoties cogitabant, Si crucifixus reuixit, & claudus reualuit, certè ne mors quidem aut cruciatus corporis perdere poterit: quid igitur timeremus? Id nobis quoque in periculis cogitandum, & ex istis discenda est constantia. Apostoli verò eam noctem in carcere exegerunt, crucem Domini portantes, & exemplum omnibus pijs præbentes, quod per multas tribulationes oporteat ingredi in regnum Dei. Nec illud mysterio caret, quod primo periculo non eximuntur, secundo demum eximuntur. Nam ex posteriore captiuitate eduxit eos Angelus. Hic nemo educit. Annotandum & hoc, ambiguum esse an numerus circiter quinque millium iam veluti de nouo accreuerit, an duo millia prioribus tribus millibus (quorum mentio facta est in 2. cap.) addita, tantum constituent numerum.

Factum est autem postero die, vt congregarentur principes eorum, & seniores, & scribæ Hierosolymis, & Annas princeps sacerdotū, & Caiaphas, & Ioannes, & Alexander, & quotquot erant de genere pontificio. Et cum statuisset eos in medio, interrogabant: Qua virtute, aut quo nomine fecistis hoc vos? Tunc Petrus repletus Spiritu sancto, dixit ad eos:

Mira antithesi opponit paucis crucifixi discipulis idiotis, miseris & coram mundo prorsus despectis hominibus, factum & sapientiam mundi, potestatem & quicquid in orbe præclarum ac potens est. Hinc magno verborum pondere titulos nescio quid magni spirantes recenset, dicens principes, senatores, scribæ, ac docti Hierosolymorum omnes, conuenere, Annas, Caiaphas, Ioannes, Alexan-

Alexander, & quotquot erant de prosapia pontificia, was von priersterlichem stammen was. Hos autem omnes viros autoritate, opibus, opinione vulgi & hypocrisi graues, tenues & contempti non stri piscatores Petrus & Ioannes vincunt atq; confundunt. Nam stultitia infirmitasq; Dei sapientior ac fortior est sapientia mundi. Neq; est sapientia, fortitudo aut consilium vllum contra Dominum. Ad fastum ac terrorem pertinet & illud quod vinctos in medium statuunt, ipsoq; agendi habitu ter-
ritant, ac velut è tripode dicunt: An vos soli sapitis? An verò tam celebrem conuentum primorum in religione virorum contemnitis? Fastum enim, multitudinem assecularum & diuturna tempora, mores auitos, vestes deniq; supercilium, ac titulos admiratur mundus. Sed Apostoli Spiritu sancto repleti, fastum, id est, huius mundi stultitiam contemnunt, constantes permanent, & spiritu Dei do-
cti, vultu alacri & intrepido, cordate respondent.

Principes populi & seniores Israel, si nos hodie examinan- le eo, quod
benefecerimus homini infirmo, qua ratione iste saluus factus sit: notum sit
omnibus vobis, & toti plebi Israel, quòd per nomen Iesu Christi Nazareni,
quem vos crucifixistis, quem Deus suscitauit à mortuis, per hunc iste adstat
coram omnibus vobis sanus.

Nihil adulatur Petrus, sed magistratum interim non fraudat honore iusto. Et paucis quidem ijs- Prudentia in
que simplicibus & perspicacissimis ad obiecta respondet. Veritas enim simplex est & perspicua, mor- dictis.
bidus sermo: harmaca & fucos poscit. Interrogant illi non vt discerent, sed vt imprudentes caperèt
in verbis, vel bene facta & diuina virtute patrata ceu magica calumniarentur. Cordate ergo nec mi-
nus prudenter respondet Petrus, & docet claudum Christi virtute esse sanatum, qui vnica orbis sa-
lus sit. Et hic orationis status est. Inirio autem oblique ferit illorum conscientias, cum dicit, Exami-
namur de eo quòd homini benefecerimus. Quasi dicat, Magistratus non debebat terrori esse bene-
merentibus, sed male agentibus, adeò vt haecenus còsueuerint examinari facinorosi, nunc eò res re-
diit, vt innoxij, imò benefici examinemur propter beneficia: vtcunq; verò id habet, quando scire cu-
pitis cuius virtute ille sanatus sit: scitote quòd virtute Iesu Christi, illius inquam (obserua empha-
sim) quem vos crucifixistis. Deus enim non passus illi illudi, & gloriam eius aboleri, excitauit sepul-
rum, & dedit illi nomen quod est super omne nomen. Id quod nos hac ipsa re præsenti vtiq; restitua-
tione claudi comprobamus.

Hic est lapis ille, qui reiectus est à vobis ædificantibus, qui factus est ca-
put anguli; nec est in alio quoquam salus. Nec enim aliud nomen est sub cœ-
lo datum inter homines, in quo oporteat nos saluos fieri.

Rursus ne quid desiderarent, & verba velut temerarij & male sani hominis contemnerent, ad- Christum lapis.
hibet robur scripturæ, quo & mortem & gloriam Christi perstringit. Nam reiectio significat cru-
cem. Reiecerunt autem ædificantes, hoc est, docentes. Siquidem antistites religionis damnarūt Chri-
stum, qui Lapis ex visione Danielis & prophetia Isaie dicitur, nimirum propter firmitatem, & quod
omnes qui ei repugnant, velut molari lapide conteruntur. Angularis verò lapis cognominatur, pro-
pterea quòd vtranq; gentem Iudeorum videlicet & gentium in vnam concludit Ecclesiam. Solent
enim angulares duas compingere in ædificijs parietes. Licet ergo reiectus sit, tamen denuo exalta-
tus vtriusque gentis Saluator factus est: vt nunc in hoc vno salus consistat credentium. Nec enim
(inquit Petrus) est in alio quoquam salus. Qua exclusiua omnia semel tolluntur, quibus haecenus
salutem tribuimus, Vota monastica, Missæ, Idola, Merita, Indulgentiæ, Diuorum cultus, in qui-
bus omnibus nulla est salus. Sequitur enim apertior sententia, NEC ENIM ALIVD NOMEN
EST DATVM INTER HOMINES, IN QVO OPORTEAT NOS SALVOS
FIERI. Atqui nomen in hac sententia pro virtute ponitur: vt sit sensus, Deus nullum medium orbi
proposuit per quod saluentur homines quàm nomen, vim & meritum Christi. Sed ô Deus bone, In quo consistat
quàm diu delituit hæc sacrosancta doctrina. Tot enim blasphemijs & erroneis doctrinis obscurata
& violata iacuit, vt Christi mysterium paucissimis cognitum fuerit. Nec prætereundum censui quod
Beda in hunc locum annotauit, scribens, Si nullo alio, sed in Christo tantum mundi salus est, ergo
& Patres veteris Testamenti eiusdem redemptoris incarnatione & passione saluati sunt, qua nos sal-
uari credimus & speramus. Etsi enim Sacramenta pro temporum ratione discrepent, fides tamen v-
na eademq; concordat. Et Diuus Augustinus de Præsentia Dei ad Dardanum capite decimose-
ptimo: Antiquis (inquit) iustis aliquid occultum erat, quò tamen & illi eadem fide salui fierent quæ
fuerat suo tempore reuelanda. Non enim audemus fideles temporis nostri præferre amicis Dei, per
quos nobis ista prophetata sunt, cum Deum Abraham, & Deum Isaac, & Deum Iacob ita se Deus

esse commendat, vt hoc dicat suum nomen æternum. Et Apostolus, Habentes (inquit) eundem spiritum fidei propter quod scriptum est, Credidi propter quod loquutus sum: & nos credimus propter quod & loquimur. Nō diceret eundem, nisi & illorum idem ipse esset spiritus fidei. Sicut autem illi quando idem Sacramentum occultum erat credebant Christi incarnationem futuram, sic & nos credimus factam. Et à nobis autem & ab illis futurus expectatur ad iudicium eius aduentus. Non est enim aliud Dei mysterium, nisi Christus in quo oportet viuificari mortuos in Adam. Quia sicut in Adam omnes moriuntur, sic in Christo omnes viuificabuntur. Hæc Augustinus. Certè hic Petri locus multò est fecundior, quàm quisquam assequi possit. Quare hunc pio Lectori diligenter pensandum relinquo.

Videntes autem Petri in dicendo libertatem ac Ioānis, compertoq; quòd homines essent illiterati & idiotæ, admirabantur, & agnoscebant eos, quòd cum Iesu fuissent: hominem autem videntes stantem cum eis, qui sanatus fuerat, nihil poterant contradicere:

Libertas dicendi.

Dicendi libertas vel apud Gentes magno in precio fuit. De qua re videre est Erasmi Chiliades. Hinc autem discant episcopi & verbi Dei ministri, ne ipsi quicquam in veritate Dei prædicanda vel metu intermittant, vel fauoris studio præteteant, sed cœlestem veritatem liberè & intrepidè doceant, more tamen Apostolico absq; scurrilitate & procaci maledicentia. Illiterati mittuntur ad prædicandum (vt ait Beda) ne fides credentium, non virtute Dei, sed eloquentia atq; doctrina fieri putaretur: vt Apostolus ait, Non in sapientia verbi, ne euacuetur crux Christi. Idiotæ enim dicebantur, qui propria lingua naturaliq; scientia contenti, artes & literarum studia nesciebant. Siquidem Græci ^{idiotæ} proprium vocant. Plura huius generis inuenias in 1. ad Cor. cap. 1. & 2. Neq; tamen mirandum quòd hostes verbi nihil possunt contra Apostolos. Dixerat enim Dominus, Dabo vobis os & sapientiam, cui resistere non poterunt omnes qui aduersantur vobis, Luc. 21.

Iussis autem illis e concilio secedere, conferebant inter sese, dicentes: Quid faciemus hominibus istis? Nam conspicuum signum æditum esse per eos, omnibus habitantibus Hierosolymis manifestum est, nec possumus inficiari.

Simile in omnem modum consilium habemus Ioannis 11. hoc est, consilium amens, temerarium, & prorsus perturbatum. Et sanè talia oportet esse omnia omnium principum consilia, quæ ex humanis oriuntur adfectibus, & contra veritatem instituuntur Euangelicam. Videbant illi quid verum, quid iustum, sed cedere volebant. Nam suis timebant compendia. Atqui rarò benè cedunt eiusmodi consilia. Impietas enim tyrannisq; vitrea est, quæ dum ridet coruscatur, frangitur.

Sed ne amplius diuulgetur in populum, minaciter interminemur eis, ne posthac loquantur in nomine hoc vlli hominum. Et accersitis illis, præceperunt, ne omnino loquerentur, neq; docerent in nomine Iesu.

Temeritas humana.

O impudentiam: proscribunt quod erroris conuincere non possunt. O stultitiam & temeritatem postremā, quasi verò veritas & cœlitus regnātis vis à humana possit opprimi proteruia. En mihi stolidos homines, qui mortuum in sepulchro non potuerunt retinere, illi iam rediuuium & cœlitus regnantem insectari & proscribere tentant. Verùm id nostri quoque solent, qui minis, edictis, idque genus alijs officijs, veritati incommodare quidem tentant, parum proficiunt. Hic dicunt, ^{ut patet ex illis} id est, ne hisceatis quidem aut tantillam de Christo vocem emisieritis. Ita & nostri Bullas & Edicta sesquipedalibus verbis conscripta, & omnigenis conuitijs turgentia euomunt. Nolūt enim nomen Christi annuntiari, qui suum nomen quærunt. Et hæc quidem est mundi vefania.

At Petrus & Ioannes respondentes, dixerūt ad eos: An iustum sit in conspectu Dei vos potius audire quàm Deum, iudicate. Non enim possumus, quæ vidimus & audiuius, non loqui.

Sed hæc est Christiana constantia, Deo potius quàm hominibus obedire. Venustum est autem illud quod per concessionem quandam ipsos actores asciscunt iudices. Ipsi (inquiunt) iudicabitis, si modo verum fateri velitis, vos ipsos hoc vestro præcepto de silenda veritate præscripto, toto errare cœlo. Quomodo enim poterimus nos id quod verum & compertum esse novimus tanquam falsum & dubium transire? Quis obsecro sanæ mentis hoc aut exegerit à quoquā, aut præstiterit etiam si præstari possit? Hic autem videre est quanta sit fidei nostræ certitudo.

At illi

At illi additis minis, dimiserunt eos, nihil inuenientes, quæ ratione punirent eos propter populum: quia omnes glorificabant Deum super eo quod acciderat. Annorum enim erat amplius quadraginta homo, in quo æditum fuerat signum istud sanationis.

Impij vero quasi mare feruens, quod quiescere non potest, minas cumulant. Apostoli contra firma fide minas contemnunt, & in cœpra confessaque veritate pergunt. Atque hic inserit Dominus *Dominus suos conseruat.* impiorum pectoribus timorem populi, Deus enim medijs quibusdam suos seruat ad gloriam nominis sui: at ubi illi visum fuerit, protinus eos ad se recipit, nemine obstante. Plures enim tum erant Christiani cum Petrus caderetur, quam nunc sint: verum tunc suo defunctus erat officio. Et plebs ipsa quæ raro aliàs sapit, hic sapiebat, spiritu Dei imbuta: quocirca veritati tenaciter hærebat, permota etiam non nihil insigni miraculo, ad cuius robur id quoque faciebat, quod annorum numerus tantus erat. Si enim natus erat annos quadraginta, & ab utero matris claudus fuerat, certe quadraginta annis claudus fuerat.

Dimissi autem venerunt ad suos, & annunciauerunt quæcunque sibi principes sacerdotum & seniores dixerant. Qui quum audissent, vnanimitè attollebant vocem ad Deum, dixeruntque:

Hactenus expositum est quid mundus aduersus veritatem moliatur: rursus quanto nixu inter opprimentium turbas enitatur veritas: nunc exponetur quomodo in turbis hisce sese gesserit Ecclesia. Vnde nos quoque discemus quid in tentatione sit agendum. Confugiunt autem ad tutissimum omnium miserorum asylum, deum, hunc indefessis pullant precibus. Nihil enim tam efficax est, atque oratio Ecclesiæ vnanimis. Cæterum quod Acta apud senatum Ecclesiæ exponunt, argumento est quod & nobis licet toti Ecclesiæ ea exponere quæ commodo aut incommodo esse possunt Ecclesiæ nostræ: vt interim seditionis nemo accusare possit.

Domine tu es Deus, qui fecisti cœlum ac terram, mare, & omnia quæ in eis sunt, qui per os Dauid pueri tui dixisti: Quare fremuerunt gentes, & populi meditati sunt inania? Adstiterunt reges terræ, & principes conuenerunt in vnum aduersus Dominum, & aduersus Christum eius. Conuenerunt enim vere aduersus sanctum filium tuum Iesum, quem vnxeras, Herodes simul & Pontius Pilatus cum gentibus & populis Israel, ad faciendum quæcunque manus tua, & consilium tuum prius decreuerat vt fierent.

Iam ipsam quoque orationem, quam ad Deum habuit Ecclesia, format. Scopus orationis est. *Oratio Ecclesiæ.* Petit Ecclesia vt Deus virtute sua conseruet veritatem, ministros veritatis confirmet, ac Ecclesiam vniuersam protegat. Auspicatur autem à Dei omnipotentia quæ rebus conditis patefacta est, & quæ recte expensa fidem in Deum animat. Hoc autem dicit Ecclesia, Potentissimus es ô Domine Deus, & potentiam tuam rebus conditis ita declarasti, vt nulli prorsus dubium sit, quin nemo sit mortalium, qui tibi resistere possit. Adsis ergo nobis ne prorsus pereamus, qui aliàs probe nouimus absque tribulatione regnum filij tui esse non posse. Primus enim ille passus est, nec aliter tamen quam Propheta Dauid prædixerat, neque vero & aliud nos vel hodie perpetimur quam quod idem ille prædixit, fore vt aduersus veritatis Euangelijque negotium optimates quique sint pugnaturi. De loco Psalm. 2. non est quod agam pluribus, expositionem subiecit Ecclesia. Et ne quis Deum impotentem esse suspicaretur propter impiorum violentiam, subiungit, quo ea omnia non impiorum artibus, & vi, sed diuino patrata sint consilio.

Et nunc Domine aspice in minas eorum: & da seruis tuis, vt cum omni fiducia loquantur sermonem tuum: manum tuam porrigendo in hoc, vt sanatio & signa, & prodigia ædantur per nomen sancti filij tui Iesu.

Hic demum absoluitur oratio: iam enim petunt. Nihil autem pro sua, sed tantum pro Dei gloria petunt. In primis autem vt verbum veritatis fruticescat. Tu (inquiunt) qui iam iam filium exarasti, & ad dexteram tuam exaltasti, istorum quoque minas infinge: & præsta vt & veritas vincat, & serui veritatis tuæ cum dicendi libertate, tum agendi potentia spectabiles efficiantur. Nec frustra orant. Sequitur enim:

Et quum orassent illi, motus est locus in quo erant congregati, & repleti sunt omnes Spiritu sancto, & loquebantur sermonem Dei cum fiducia.

Dixerat enim Dominus: Quicquid petieritis à patre in nomine meo dabit vobis. Constantior est autem Deus, quam qui mentiri possit, vel Ieremia teste in 32. & 33. Sed & in 15. cap. huius operis audiemus oratione fidei neruū & omne Herodis robur esse fractum: terram quoque in 16. Paulo & Sylā in carcerem conclusis, fuisse commotam. Beda, Indiciū auditæ precis (inquit) terræ motu percipiunt, quatenus agnoscerent terrena sibi corda esse cessura. Chrysost. Audi Prophetam (ait) A facie Domini mota est terra, à facie Dei Iacob. Et facit Deus etiam per maiorem terrorem & ad fiduciam illos inducens post magnas illas minas, & ad libertatem maiorem exercens. Huc pertinet quod mox sequitur, Repleti sunt Spiritu sancto, id est, Spiritu sancto animati sunt adeo, ut iam loquerentur liberrime verbum Domini.

Multitudinis autem credentium erat cor vnum, & anima vna,

Idem ferè dicit quod superius in cap. 2. dixerat. Porro de ijs dicitur quod vnum cor & animam vnā habeant quibus inter se optime conuenit. Germani pari vtimur schemate quū dicimus, *Es ist ein hertz vnd ein gmüt.* Vel, *Es ist ein lyb vnd 3wo seel.* Quāuis hoc posterius paulò sit diuersius. Quod autem hæc ad hunc modum de arctissima coniunctione & charitate intelligi debeant, intelligitur ex consequentibus.

nec quisquā aliquid eorum quæ possidebant, suum esse dicebat: sed erant illis omnia communia. Et virtute magna reddebant Apostoli testimonium resurrectionis Domini Iesu, & gratia magna erat super omnes illos. Neque enim quisquam egens erat inter illos. Quotquot enim possessores agrorum, aut ædium erant, vendentes afferebant præcia eorum quæ vendita fuerant, & ponebant ad pedes Apostolorum. Distribuebatur autem singulis prout cuique opus erat.

*Omnia erant
communia.*

Sic inquam coniuncti erant ut amici solent, quibus omnia sunt communia, opes, fortunæ, & quicquid est rerum quæ ad vitæ vsum pertinent. Communio autem hæc (ut in 2. cap. monuimus) non erat talis qualem Catabaptistæ vellent, sed ius & proprietatis possessionis manebat in dominio possidentis, cæterum ea quæ possidebat non ita possidebat, ut solent qui proprietatis nomine gaudent, ac velut soli terram inhabitaturi proprietatem rerum sectantur, sed veluti communes omnium opes ceu dispensatores asseruantes, liberaliter impartiebantur. Vnde fiebat ut nullus esset apud eos egens. Iam sequitur declaratio, Locupletes enim vendebant possessiones suas, & pretio iuuabant inopes. Neque vero hic quisquā (quod probe obseruabis) quantum volebat accipiebat, sed vni cuique prout opus erat distribuebatur. De qua distributione plura in 6. sequuntur. Diuus Augustinus de moribus Ecclesiæ catholicæ contra Manichæos lib. 1. cap. 35. de hac eadem re docte disputans, Quid (inquit) calumniāmini quod fideles & iam baptismo renouati procreare filios & agros ac domos pecuniamque vllum possidere non debeant? Permittit hoc Paulus. Nam quod negari non potest fidelibus scripsit. Post multorum quippe vitiosorum annumerationem qui regnum Dei non possidebunt, Et hæc quidem fuistis (inquit) sed abluti estis, sed sanctificati estis, sed iustificati estis in nomine Domini Iesu Christi, & in spiritu Domini nostri. Ablutos proculdubio & sanctificatos nemo nisi fideles, & eos qui huic mundo renunciauerint intelligere audebit. Sed quoniam ostendit quibus scripserit: videamus vtrum his illa permittat. Ita enim sequitur: Omnia mihi licita sunt, sed non omnia expediunt: omnia mihi licita sunt, sed ego sub nullius redigar potestate. Esca ventri, & venter escis. Et quæ sequuntur. Nam reliqua 6. & pleraque 7. cap. prioris ad Corinth. subiungit. Idem in libello de hæresibus ad Quod uult deum in Apostolicorum titulo eos recenset inter hæreticos, qui illicitum aiebant, ut Christianus proprias possideret facultates. Hos enim Encratitis iungit. Ex istis omnibus autem discimus charitati studere, & communicationis non obliuisci. Hoc certe nemo ierit infitias, nullos apud nos quoque fore egenos, si externarum fortunarum fideles essemus dispensatores, & si quisque suam prouinciam strenue obiret. Quotus enim quisque nostrum esset otiosus? Pauci ergo essent egentes, qui liberalitate nostra ditissime posseni nutriri. Nutriuimus olim impensis communibus tot monachorum Chiliades, tot denique impostorum myriades, quid quod omnia templa ad luxum, imò miraculum vsque ornauimus? Ergo si cordi nobis esset pietas, minimo negotio consuli posset egenis. Verum ad idololatriam instruendam omnes eramus promotissimi, nunc

*Mores nostri
seculi.*

verq

vero pauperum nemo miseretur. Et quod hisce inferitur Apostolos resurrectioni Domini magna virtute dedisse testimonium, virtus eo loci non modo pro miraculorum potentia, sed & pro auctoritate & libertate cum agendi, tum dicendi usurpatur. Resurrectionem quoque hic pro toto Christi negotio posuit, ut in 1. Capite.

Ioses vero, qui cognominatus est Barnabas ab Apostolis: quod est, filius consolationis, Leuites, Cyprius genere, quum haberet agrum, vendidit eum, & attulit pretium, & posuit ad pedes Apostolorum.

Peculiare boni viri exemplum est, cui mox opponit pessimi Ananias paradigma. Et animi constantia liberalitasque priori cognomen indidit latum. Nam ex ipsa re dictus est Barnabas, quasi tu dicas, Filius refocillationis, id est, vir consolationis. Germanus diceret, *In trostlicher/redlicher*: vel, *Trosthart/sicut Ryhard/Leonhart*/id est, ditissimus & prorsus Leoninus. Hebraei eiusmodi suo more filios dicunt: ut filius perditionis, pro perditissimo. Proinde non abs re credit Beda allegoriam verbis inesse, quoties scriptura sacra nomina rerum vel personarum cum interpretatione ponit. Merito enim filius inquit consolationis vocatur, qui praesentia contemnens spe futurorum consolatur. Nec caret mysterio, quod pecunias ad pedes abijcit Apostolorum. Id vero carmine explicans Arator dixit:

*Ponitur ante pedes, non sacris dedita dextris,
Destitui debere probant quod tangere vitant,
Calcandumque docent quod subdunt gressibus aurum,
De quo terrae veniunt ad peiora cura.
Consimili iactatur humo.*

Ad praesens Barnabae exemplum plurimum facere videntur, quae referunt hystoriae de Paulino episcopo Nolano. Is enim dum Barbari Nolam diruerent, Domine (inquit) non excurtiet propter aurum & argentum. Vbi enim omnia mea sunt tu scis. Idem ille pro captiuis redimendis omnem censum consumpsit. Authores Ambro. Officio. lib. 3. Cap. 28. Augusti. de Civitate Dei lib. 1. Cap. 10. & Paulus Diaconus.

CAPUT V.

Vir autem quidam nomine Ananias cum Saphira vxore sua vendiderat possessionem, & seposuerat de precio, conscia etiam vxore sua, & alla tam partem aliquam ad pedes Apostolorum posuit.

HOC ipsum est illud versutissimi hominis Ananias paradigma, superiori ex diametro oppositum. Nunquam enim tam felix & purgata fuit Ecclesia, ut in ea non esset hypocrisis & emulatio mali. Quando & in duodenario electorum Apostolorum choro inuentus sit proditor. Oportebat autem inter prima Ecclesiae initia seuerum aliquod aedi facinus, ne lenitas doctrinae Apostolicae apud hypocritas & palam inpios prorsus veniret in contemptum. Raro itaque & horribili exemplo perit Ananias: cuius peccatum graphice primo describitur, secundo interitus. Peccatum autem reuera vnum erat, diffidentiae quidem, sed avaritiae & hypocrisis rectum. Volebat enim ille (nostro more) duabus sedere sellis, & illustris haberi in Ecclesia, cuius rei gratia, partem facultatum offerebat: & tutus interim esse, si res sinistrius cederent Apostolicae: hinc enim alteram facultatum partem condidit, ut tum suppetere vnde viveret. Typus est omnium hyperitarum & versutorum hominum, qui cum corde sint duplici, nihil sinceri agunt. Oculum enim impurum habent, qui gloriam humanam & compendium perituum spectat.

Dixit autem Petrus: Ananias, cur impleuit satanas cor tuum, ut mentiris Spiritui sancto, & fraudares de precio agri?

Nihil enim opertum quod non reueletur. Dominus enim reuelat seruis suis hominum malitiam, ut eam accusent, & ad poenitentiam hortentur. Petrus ergo peccatum Ananias spiritu Dei olfaciens ipsum grauissime accersat. Et principio quidem ostendit authorem instituti sui non esse spiritum Dei bonum, sed satanam: deinde hoc ipsum hypocrisim & excogitatum referre malitiam, quod tantum scelus ex versutia (vel conscientia teste) faciens, ex spiritu Dei factum videri vellet. Hinc per interrogationem, imo admirationem indignabundam effert orationem, & ait: Cur impleuit satanas cor tuum, ut mentireris Spiritui sancto? Sic enim habet codex Graecus, *ἡνεκαδὲν οὐ τὸ πνεῦμα, τὸ δὲ γίγιναι*. Caeterum Latino

dicimus eos religionem mentiri, qui mentiendo, id est, simulando religiosi videri volunt. Mentiebatur ergo Spiritum sanctum, quod simularet se spiritu Dei bono facere, quod tamen spiritu malo incitante patrabat. Atqui Græcis frequentissimum est ut accusatiui ponantur pro datiuus. Rectè igitur legimus, ut mentieritis Spiritui sancto. Quemadmodum paulò post exactissime expositum legimus, Non mentitus es hominibus, sed Deo. Sed quod nam illud mendacium? quæ illa impostura est? Fraus dare de pretio agri. Simulare inquam quod omnem substantiam insumpseris in egenorum alimoniam, cum interim partem optimam ex diffidentia tibi ipsi reseruaris. Vbi clarissime vides diffidentiam iunctam esse auaritiâ vna cum hypocrisis: à quibus malis si quis sibi cauerit magnam animi serenitatem libertatemque acquirit.

Nōne prorsus tibi manebat, & venundatus in tuâ erat potestate? Quare posuisti in corde tuo rem istam? Non es mentitus hominibus sed Deo.

Verba Græca Hebræam referunt anadiplosin ac epitasin *ὅχι μήτις ἐστὶν ἡ ψυχή*, id est, Nōne manens tibi manebat, hoc est, verè ac prorsus tibi, nemine reclamante, manebat? Amplificat enim peccatum miseri, idque gradibus duobus. Primo, Nemo cogebat vendere. Secundo, Etsi vendideras, nemo cogebat te pretium adferre. Nam seruare totum licebat. Ex quibus verbis duo colligimus. Prius vnum atque idem peccatum gradibus incrementi & seipso subinde grauius fieri. Posterius, communionem primitiæ Ecclesiæ, neque coactam fuisse, ut ille qui non omnia vendidisset & pauperibus dedisset Christianus non esset, neque talem qualè hodie somniant Anabaptistæ Manicheorum soboles. Iam per acerbam obiurgationem subiungit, **Quare posuisti in corde tuo rem istam?** Quod locutionis genus Germani ita efferimus, *wie hast du das nun dō:ffen in din hērtz nemmen?* Quoties monemus rem vel turpiorem, vel sceleratiorem esse, quam quæ in hominis debeat incidere pectus. Iam vero addit pondus, Non es mentitus hominibus, sed Deo. Deus enim cordium scrutator est. Hominibus quidem citra negotium imponimus: at Deum ipsum nemo decipere potest. Arduum est autem illud quod audimus eos qui seruis Dei in negotio fidei ac religionis mentiuntur, non hominibus, sed ipsi Deo mentiri. Est & hoc à multis diligenter obseruatum, quod hic dicitur, Non es mentitus hominibus, sed Deo. Inde sic colligunt, Ananias spiritui mentitus est, & Deo mentitus est: ergo Spiritus sanctus est Deus.

Aduersus Macedonum.

Audiens autē Ananias hæc verba, collapsus expirauit. Et ortus est timor magnus super omnes qui audierunt hæc. Surgentes autem iuuenes amouerunt eum, elatumque sepelierunt.

Hypocrisis puniuntur.

Deus iustus vindex animaduertit in scelera impiorum. Corruit ergo Ananias, neque verbis, neque execratione Petri fusus, sed propria malitia, per iram Dei, prostratus. Nihil enim Petrus illi imprecatus erat incommodi, sed peccatum eis duntaxat protraxerat ac accusarat. Cæterum huic protenus aderat iusta Dei vindicta, proinde concidebat rea conscientia. Neque verò hic quicquam agebatur de iactura pretij, sed de hypocrisis, auaritia, ac diffidentia. Voluit enim hoc exemplo declarare Dominus quantopere ipsi displiceat hypocrisis quorundam hominum, qui specie & fæco Christiani sunt, at ipsa re impostores, ac diuinarum rerum contemptores. Hinc vero omnia tam graphice sunt depicta ut rem quis agi magis quam exponi putare possit.

Intercessit autem firmè horarum trium interuallum, vxor quoque ipsius nesciens quod factum fuerat, introiuit. Respondit autem ei Petrus: **Dic mihi, num tanti agrum vendidistis?** At illa dixit: Etiam, tanti. Petrus autem ait ad eam: **Cur conspirastis inter vos, ut tentaretis spiritum Domini? Ecce pedes eorum, qui sepelierunt virum tuum, ad ostium adsunt, & efferent te. Cōfestim autem concidit ad pedes eius, & expirauit. Ingressi autem iuuenes, repererunt illam mortuam, & extulerunt ac sepelierunt iuxta virum suum.**

Interitus impiorum.

Simili exemplo extincta est & Ananiæ vxor Saphira. Non enim abs re putauit vetustas periculosam esse malorum amicitiam. Reperit Deus aliquando nocentes, nec cuiquam parcit impio. At ipsa impietas & hypocrisis supra modum impudens est, nec minus audax. Cordate enim respondet Saphira & sine fronte mentitur, usque adeo, ut vel cordato imponere possit. Sed nō mouetur prudens simplicitas impiorum ac hypocritarum grandiloquentia; neque ipse Deus fucum, sed veritatem respicit. Igitur mendacem & impudentem Saphiram fundit. Iam vero expende an non etiam ipse Deus vinculis astringat arctissimis, quos in verbo veritatis & per obiurgationem ligauerint verbi veritatis

ritatis ministri. Hinc itaque conijce quæ sit vis & administratio clauium. De quibus commodius alibi dicitur. Colligimus item ex hoc loco à magistratu iure occidi blasphemos & maleficos homines. *Magistratus in re occidit blasphemos.* Hæc enim puniendi ratio cuius hic meminit scriptura veluti extraordinaria est: licebit ergo ordinaria in fontes animaduerrere. Et spiritus Dei non minus agit in Christiano magistro dum solitis puniendi utitur instrumentis, quam egit in Petro utente insolitis, nempe verbis. Occidere est occidere, punire est hoc quod dicitur quocunque fiat modo quocunque instrumento. Sed Apostoli (ais) non sunt vsi instrumentis vulgatis. Nec tu vttere, si verbi tantum ut illi geris officium. Verum ut concedis benefacere qui vocati sunt ad munus medicum, quum sanant ordinarijs medijs, etsi Apostoli curarint morbos extraordinarijs nempe verbis: ita agnoscere quoque cogeris benefacere magistratus quum puniunt blasphemos, aduersantes sanæ doctrinæ, & sceleratos instrumentis suæ vocationis, nempe gladio, sicut Apostoli suis, id est, verbis. Iam ut non peccant magistratus cum suo funguntur officio, ita non peccant ministri verbi, cum illos admonent sui officij.

Et ortus est timor magnus super vniuersam congregationem, & super omnes qui audiebant hæc.

Scopus huius facinoris est, ut timeamus Dominum, & in veritate coram illo ambulemus. Nam etiam si hypocrisis superbia ad cælum vsq; (vt ait Sophar) ascenderis, & caput eius nubes attigerit, tandem tamen quasi sterquilinum peribit: & qui viderant eum, dicent, Vbi est? At qui Dominum timeuerint, & in veritate permanferint in æternum, non peribunt, Iob 20. Omnes (inquit Lucas) qui audiebant hoc facinus, timebant. Audiamus & nos, ergo timeamus.

Per manus autem Apostolorum ædebantur signa ac prodigia multa in populo. (Et erant vnanimiter omnes in porticu Solomonis. Cæterorum autem nemo audebat se coniungere illis, sed magnificabat eos populus; magis autem accrescebat credentium Domino multitudo virorum simul ac mulierum) ita ut in plateas exportarent infirmos, & ponerent in lectulis ac grabatis, ut venientis Petri vel umbra obumbraret aliquem illorum. Conueniebat autem & multitudo vicinarum ciuitatum Hierosolymā, afferens ægros ac vexatos à spiritibus immundis, qui sanabantur omnes.

Ordo sermonis est hoc in loco paulò perturbatior: Complanandus ergo siue subintellectis aliis quot vocibus, siue interposito parætheseos signo, quod ut simplicius ita magis genuinū esse videtur. Si vero propterea horreas parenthesim quod Græci eam non habeant, iam necesse est intelligas neminem efferre ad Apostolum ægrotos potuisse nisi credentes, & ideo scriptum esse, Creuit credentium multitudo, ita ut in plateas exportarent infirmos. Aliàs enim inabsoluta erit oratio. Nihil enim habebit hoc membrum, ita ut, cui hæreat siue respondeat. Verum per parenthesim (vs dixi) absolute hæc commodissime. Nunc autem iterum deferibit miracula Apostolorum diuina virtute facta, cætus, concordia, credentium incrementa, ac prophanorum hominum stuporem ac timorem. Congregabantur ad preces & verbi diuini prædicationem non in recessu aut abdito loco, sed in celeberrima Solomonici templi parte, in porticu videlicet. Non enim locus per se, credentes polluit, *Ingressus in templum.* sed loci superstitio ac abusus Ingrediebantur illi templum, sed religioni non fidebant, nec sacrificabant. Imo legimus Romæ & Alexandriæ vetera dæmonum delubra per sanum verbi Dei, precum, & sacramentorum usum in Dei consecrata esse oratoria. Vnde iam non ipsi loco per se quidem quicquam tribuitur sanctimonix, quū dicimus sacra templa, & Ecclesiam Dei sacrosanctam, sed propter res sacrosanctas, quas in ipsa peragit Ecclesia sacrosancti nomē indispiscitur. Quis enim impune prophanarit ædem siue palatiū senatoriū? At quis tam vācors, qui credat hoc quicquā præstare cæteris ædificijs? Ergo harum rerū æstimatio ex vsu & abusu, nō ab externa pendet specie. Nemo ergo miretur quod in templo conuenerunt Iudaico. Cæterū in publico isto cætu primas tenebat vnanimitas ac concordia. Cū enim omnis congregatio ecclesiastica congregatur ad audiendū verbū Dei, ad celebrandam eucharistiam, & ad offerendas puras preces Domino: hæc autem omnia citra charitatis vinculum subsistere nequeant, haud iniuria tam diligenter monetur cætum istorum prorsus fuisse vnanimem. Hæc item concordia & sanctimonix studium auctoritatem apud prophanos quoque parauit credentibus. Non enim minis aut tyrannide aut hypocrisis vera paratur auctoritas, *Auctoritas qui bus rebus pare* sed iustitia & charitate: quæ cum inter istos essent præcipua, nihil mirum quod exteri & impuri tur se non auderent iungere concioni tam sanctæ. Faciebat & ad hanc rem non nihil seueram Ananiæ exemplum. Quisque enim verebatur, ne forsan simili interiret supplicio. Porro de miraculis non est

Vmbra Petri. quod plaris agam hic, quando iam satis constat, vel ex tertio huius libri capite, quod omnis virtus miraculorum Dei est, non hominis, per quem secundum dispensationem apud nos agit. Per solem administrat orbi cœlestis pater lumen eximium: at quis tam stolidus, ut huius rei gratia censeat solem esse colendum? Vnus enim Deus colendus est, qui omnia operatur in omnibus, cuius tanta est potentia ac gloria, ut eius vmbra efficacior ac robustior sit omni robore humano. Huc enim pertinet quod de Petri vmbra refertur. Non enim credendum est, quod vmbra hominis tam fuerit efficax, sed quod virtus Dei quæ se secundum dispensationem nobis minutis rebus ita insinuat, egregia ista effecerit. Nam & in Euangelio virtuti Dei absolute tribuitur quod fimbriæ vestis Christi videbatur ascriptum. Palam enim dicit Dominus, Tetigit me aliquis. Nam & ego sensi virtutem ex me exisse. Alij hic de vmbra Petri disputantes mire se torquent, & aiunt illud verbum Domini hic esse completum, quod ad discipulos apud Ioannem dixit, Amen amen dico vobis, qui credit in me, opera quæ ego facio & ipse faciet, & maiora his faciet. Certe nos ex ijs & similibus prodigijs discimus Deum ut omnipotentem, sic mire benignum esse qui & possit & velit omnes & animi & corporis tui morbos curare, modo ipsi fidas, & ipsum inuoces, adores & colas. Huc enim trahunt Apostoli cum doctrina sua tum miraculis. De qua re in 3. cap. dictum est.

Exurgens autem princeps sacerdotum, & omnes qui cum illo erant, quæ est factio Sadducæorum, repleti sunt æmulatione, & iniecerunt manus in Apostolos, & posuerunt eos in custodia publica.

Recte censuit vetustas virtutem comitem habere inuidiam. Videmus enim impijssimos mortaliū Phariseos ac Sadduceos nulla neque sancta constantia neque veritate diuina permoueri, neque prodigijs territari, sed æmulatione adeo superari, ut innoxios iam in publicâ ceu in publico crimine deprehensos ponant custodiam. Atque hæc iam in 3. capite audiuius esse impiorum arma. Sed ô miseram religionem, quæ non potest aliter defendi, quam pessimorum nebulonum armis, & tyrannorum iniuria atque rapina.

Sed angelus Domini per noctem aperuit ianuas carceris, eductisque illis, dixit: Ite, & stantes loquamini in templo populo omnia verba vitæ huius. Illi vero cum hæc audissent, intrauerunt diluculo in templum ac docebant.

Propheta Prouer. 16. Cor hominis (inquit) deliberat de via sua: Dominus vero promouet gressus suos. Impij ergo constituerant vinculis & carcere prædicationem coercere Euangelicam, sed Dominus longe aliud istituera: coruumque deludit hiantem. Nam ut verbum Dei alligari non potest, ita ipse Deus ministros verbi sui non potest non tueri & à periculis eripere. Nemo ergo post hac vincula ac carceres timeat. Si Deo visum sit, eripere poterit: sin minus, attamen saluabit. Impij sanè percipiunt veritatē sileamus, atqui Deus, Ite (inquit) & stantes prædicate omnia verba vitæ huius. Euangelium autem est verbum vite, testimonium præbens de Iesu Christo, qui est via, veritas & vita. Iam sancti malunt præcipienti Domino obedire quam minis tyrannorum obsequi.

Adueniens autem princeps sacerdotum, & qui cum eo erant, conuocauerunt conciliū & vniuersum seniorum ordinem filiorū Israel: miseruntque ad carcerem qui adducerent eos. Cum autem venissent ministri, nec reperissent illos in carcere, reuerſi nunciauerunt, dicentes: Carcerem equidem inuenimus clausum cum omni diligentia, & custodes foris stantes ante ianuas: cum aperuissemus autem, neminem intus reperimus. Ut autē audierunt hos sermones, & sacerdos, & magistratus templi, principesque sacerdotū, ambigebant de illis, quid nam hoc futurum esset. Adueniens autem quidam, nunciauit eis: Ecce, viri quos posueratis in carcere, sunt in templo stantes, ac docentes populum.

Supra modum iucunda est hæc historia, qua ceu in tabula spectandum proponitur quam vana sint hominum aduersus Deum & veritatem eius consilia, quam facete item frustretur ille maximos etiam orbis procerum conatus. Hoc futurum præuidit Propheta, & iccirco cecinit, Ut quid fremunt Gentes: cur vana moliuntur populi? Concurſant reges orbis, & principes in vnum coeunt aduersus Dominum & Christum eius. Rumpamus (inquiunt) vincula eorum, & lora eorum à nobis projiciamus. At qui cœlos habitat Dominus ridet ad ludit eos. In ira ac furore suo conturbat eos.

Quid

*Deus frustrat
consilia impio-
rum.*

Quid autem potuit huic vaticinio quadrantius aptari, quam quod hoc in loco descriptū audimus? Principes videlicet maxima grauitate considerare, consultare, victosq; in medium statuendos vocare: quos interim ē vinculis eduxerat Dominus, itaq; principes deluserat, qui tamen mire anguntur vt pote perplexi (hoc enim potest verbum *intrapus* ambigebant) & inopes consilij, & hoc ipso omnium stolidissimi quod ab incepto non desisteabant, qui contra veritatem nihil auspicate ac feliciter incipiebant. Verum hic est omnium contra veritatem occæcatorum mos. Quo enim minus proficiunt, hoc magis sese in procinctum Martis expediunt. Hic quoq; habes quod illis opponas qui captiosa questione interrogant, quomodo verum corpus Christi ad discipulos clausis peruenire potuerit ianuis? Nā vt iam non dicam nullibi extare quod per clausas perruperit ianuas hoc tamen vicissim ab illis scire cupio, quomodo carcere clauso Apostoli, qui ad vesperam in illum erant positi, nunc ad auroram poruerint in templo concionari? Quid si responderint, Angelum ianuas aperuisse carceris, & eductos in templum statuisse, quid prohibebit quo minus id quoque Christo exhibitum credam, de quo scriptum est, Et angeli accedebant & ministrabant ei? Quid obsecro nodum quærimus in scirpo? An vero cuiquam suadebit pietas, vt contentionis gratia in dubium vertat rediitui corporis Christi veritatem, qua labefactata, necessarium est & corporis nostri labefactatam esse resurrectionem? Quasi vero corpus clarificatum exuta carne & in phantasma versum, ita corpus ianuæ transeat, vt solent radij solares vitrum transperere. Sed redimus.

*Christi corpus
per clausam la-
nuam.*

Tunc abijt magistratus cum ministris, & adduxit illos sine vi: Timebant enim populum, ne lapidarentur. Et cum adduxissent illos, statuerunt in concilio.

Semper enim suos defendit Deus, vt impij non noceant quando volunt, sed quando ipsi visum fuerit. Interim media quædam ordinar per quæ suos seruat. Turpe autem est quod principes plebem plus timent quam Deum, sed impij non credunt Deum, ergo Deum non requirunt, terrenis ac visibilibus tantum mouentur. Sed & ipsa rea conscientia, impietatis sensu transfixa non sinit tantum nocere quantum aliàs cupit impietas. Existit enim ē serena conscientia serenitas & confidentia, ē nubi la vero horror atq; pauor. Nam recte dixit poeta, Timet mali sibi conscia mens.

Et interrogauit eos princeps sacerdotum, dicens: Nōne etiā atq; etiā præcipimus vobis, ne doceretis in nomine isto? Et ecce replestis Hierosolymam doctrina vestra, & vultis inducere super nos sanguinē hominis istius.

Probe refert istorum hominum tumentem grandiloquentiam. Nōne (inquit) præcipiendo præcepimus vobis, id est, acriter, & summa cum seueritate præcepimus vobis vt à prædicandi, id est, tumultuandi functione abstineretis? Tria enim impingunt Apostolis. Primum, quod senatus consultum & scribarum edictum & violarint & contempserint. Secundum, quod prædicatione nominis Christi plebem seduxerint. Tertium, quod tumultum & cedes in senatum deriuare instituerint. Atqui ipsi in sese susceperant omnem Iesu Christi sanguinis vindictam, clamantes, Sanguis eius super nos & super filios nostros: nunc vero id innoxij impingunt, quod ipsimet fecerunt vere omnium mortalium nocentissimi. Hoc ipsum hodie quoq; obijcere solent pijs omnes veritatis Dei hostes. Cum enim obiurgantur peccata eorum & pœna nuntiatur sceleribus debita, protinus clamant. Seditiosum esse, & sanguinis sitientem prædicatorem. Hi videre volunt quod sceleribus suis in sua capita iam olim prouocarint gladium Domini. Non enim is inducit sanguinem innoxium in tyrannos, qui iram ac vindictam Dei tyrannis paratam nuntiat, sed ipsemet tyrannus qui ita agit, vt iustitia Dei in iustitiam impij multam non possit transire. Id cum ita habeat, nec quenquam lateat, nihil ad hanc peculiariter respondet accusationem, sed ad alias duas descendit, in quibus & tertiam videbis inclusam.

*Impiorū grana
diloquentia.*

Respondens autem Petrus & Apostoli, dixerunt: Obedire oportet Deo magis quàm hominibus.

Apologetica est hæc oratio Petri. Primo enim diluit quod obiecerat contemptum senatus consulti, sic autem diluit vt dicat magistratui quidem parendum esse, sed in negotijs ciuilibus & ad vitæ vsum pertinentibus. At in negotijs Dei Deo magis obediendum esse quàm hominibus. Causam autem præsentem esse diuinam, quocirca ipsa religione adactos esse vt diuina plus quam humana spectarint. Inde vero nos discimus quatenus magistratui obediendum & quatenus non sit obediendū. Obediendum quidem quoties ea præcipit quæ cum religione nostra non pugnant. Nam si impia iubeat, nemo parere debet. De qua re pluribus disputat Paulus ad Rom. 13.

De obedientia

Deus patrum nostrorum suscitauit Iesum, quem vos interemistis, suspendentes in ligno. Hunc principem & seruatorem Deus exaltauit dextera sua, ad dandam poenitentiam Israel, remissionemq; peccatorum, ac nos sumus ei testes horum quæ dicimus; insuper autem & Spiritus sanctus, quem dedit Deus obedientibus ipsi.

*Prædicatio
Christi.*

Deinde vero summam prædicationis de Christo exponit, ex qua deinde appareret quod neminem seduxissent, nec in quenquam deriuassent innoxium sanguinem. Poenitentiam enim (inquit) & remissionem peccatorum prædicamus per Christum, non seditiones. Et nihil prorsus hic de religione Christiana dicit, quod non dixerit in superioribus duabus orationibus. Constans enim & semper sui similis est prædicatio veritatis, nisi fortassis hæc videantur annotanda. 1. Palam hoc sermone describitur sacrosanctæ & ineffabilis Trinitatis perfectionum. Nam patris fit mentio, & filij suscitati à patre, & Spiritus sancti donati obedientibus ipsi. 2. Suscitandi verbo denuo ad vaticinium Moysi Deut. 18. allusum esse, De qua re dictum est in cap. 3. Deinde verò Christum principem ex Michæ quinto cap. & saluatorem ex Isaïæ Prophetia vocatum esse. 4. Clarissime hic repeti quod dixerat in Euangelio Dominus, Sic oportebat Christum pati & resurgere à mortuis tertio die, & prædicari in nomine eius poenitentiam ac remissionem peccatorum in omnes Gentes, initio facto ab Hierosolymis. Euangelium enim partim accusat peccata, suadet vitæ immutationem, & innocentiam docet, partim vero consolatur & remissionem peccatorum pollicetur per Christum. Porro ipse Dominus in Euangelio Ioan 15. ita de se testatuus prædixerat spiritum & Apostolos, quemadmodum hoc loco eos testari videmus. Sed & illud non caret mysterio, quod dicit spiritum sanctum datum esse obedientibus ipsi. Nam hoc ipso ferit conscientias optimatum, monens repugnantibus & veritati obstantibus non conferri donum Dei Spiritum sanctum. Id quod & Propheta præuidens dixit, Nisi credideritis, non intelligetis. Interim autem expende mihi, amice lector, quales fuerint Apostolorum conclusiones siue orationes de vera religione habitæ, & quantum dissideant à quorundam magno sese veritantium orationibus, quæ non nisi de diuorum cultu, humanis traditionibus & ceremonijs sunt institutæ. Vnicum Christum prædicabant Apostoli, traditiones istorum nesciebant. Omnis ergo perfectio & plenitudo in Christo Iesu constituta est, quæ ut non potest aliunde disci quam ex prophetica & apostolica doctrina, ita non potest vlla alia re hauriri quam fide in Christum vera ac sana.

Hæc autem cum audissent, dissecabantur, & consultabant ut interficerent illos. Surgens autem quidam in concilio Phariseus, nomine Gamaliel, legis doctor, in precio habitus apud totum populum, iussit ut paulisper recederent foras Apostoli.

Gamaliel.

Diuersa describuntur hominum ingenia. Diuersimode enim ex verbo veritatis afficimur: quæ quidem diuersitas non oritur ex doctrina veritatis, sed ex animorum inæqualitate. Impij ergo hoc loco nihil aliud quam eadem parant, & sanguinem sitiunt innoxium. In causa erat animi peruersitas & crudelitas. Gamaliel pro prudentia sua & animi modestia longe aliud decernit. Illi in templo laniandis pecudibus assueti, de sanguine & laniena disserunt. Hic vero scripturis & lege Dei assuetus à crudelitate retrahit, & sapienter consulit. Habet enim Deus ministros suos vel in impiorum medio, quorum opera ad defendendum suos vtitur. Qualem hoc loco videmus fuisse Gamalielem, cuius quidem autoritas magna fuit non tantum apud externos Iudaicæ religionis cultores, sed apud nostros quoque. Meminerunt enim eius non citra insignem honoris prærogatiuam Doctores ecclesiastici. Nam ipse Paulus in 22. huius libri capite fatetur se ad pedes huius Gamalilis perdidicisse legem. Hinc D. Hieronymus eius mentionem facit in Catalogo scriptorum Ecclesiasticorum. Imò Chrysostomus, & post hunc Beda ex autoritate Clementis Alexandrini aiunt Gamalielem fuisse in fide Apostolorum socium. Minus ergo mirandum est quod tam cordate Apostolorum causam agit. Sequitur enim:

Dixitq; ad illos: Viri Israelitæ, attendite vobis super hominibus istis, quid acturi sitis. Ante hos enim dies extitit Theudas, dicens se esse aliquem, cui ad hæsit numerus virorum circiter quadringentorum, qui occisus est: & omnes qui credebant ei, dissipati sunt, & redacti ad nihilum. Post hunc extitit Iudas Galilæus in diebus professionis, & auertit populum multum post se, & ipse perijt, & omnes quotquot paruerant ei, depressi sunt.

Suaforij

Suasorij generis oratio est, multum habens eruditionis, prudentiæ & lenitatis. Nam ab exemplorum inductione persuadere conatur, ac in hac causa sint præcipites & temere ferantur in Apostolos. Nihil autem magis mouet cum rudium tum prudentium animos quam inductio exemplorum, potissimum si ea quæ proferuntur nupera sint, qualia erant præsentia. Priusquam verò consilij sui statum aperiret mira prudentia exempla præmittit, vt deinceps maiori securitate summam consilij sui subiungere posset, quam si ab initio protinus nudis proposuisset verbis, ac dixisset, Abstinete ab hominibus istis & finite illos, proculdubio parantem dicere non audiuissent. Nunc itaq; dissimulato hoc animi consilio, primum exordio à rei grauitate sumpto attentionem excitat auditorum, dicens, Viri Israëlitz, diligenter quæso expendite quid statuatis de hominibus istis. Deinde vero causam sic auspicatur, vt aliquousq; nescias in quam partem sit inclinaturus. Protinus enim in medium producit Theodæ exemplum. Porro hic Theodas, quem Græci codices vocant Theudam, multos Iudæorum excitauit, vt arreptis facultatibus suis, se sequerentur. Nam cum Magus esset & impostor egregius, Prophetam se Dei magnum iactabat, prodigiosa etiam pollicitans, se quippe mandatum vt Iordanis finderetur fluius, quo facilius esset transitus. Mox itaq; adhæsit illi (vt sit) maxima virorum copia, eorum inquam qui suarum rerum profusi, alienarum vero appetētes, homines erant confelcerati, alieno ære depressi & prorsus conclamati: quos demum Fadus Iudææ præfectus, cohorte equitum immissa, disiecit, & partim quidem cœpit, partim vero trucidauit, duce inter primos seditione capitis multato. Meminit huius Iosephus Antiquitatum lib. 20. cap. 4. Idem in cap. 5 libri eiusdem, item lib. 18. cap. 1. de Iuda Galilæo historiam texens, refert quomodo is ex oppido Gamalas oriundus, & Gaulonites siue Galilæus cognominatus, Saduchum quendam Pharisæum sibi iungens, ingentem inter Iudæos seditionem suscitauit. Negabat enim tributum Cæsari pendendum, & tributum aliud nihil esse dicebat, quam integram seruitutē. Huius ergo rei gratia Cyrenius & Copinius, viri consulares, Roma in Syriam venientes, Iudam quidem extinxerunt, sectatores vero eius oppreserunt, & descriptionem totius prouinciæ instituerunt, cuius & Lucas meminit in priore Euangelicæ historicæ lib. cap. 2. ἀπογραφὴν enim qua voce vitur hoc loco Lucas & descriptionem & professionem significat, diuerso tamē respectu. Proūtentur enim qui dant omnia, sed describunt qui accipiunt & censent. Nam in his & capitum numerus expenditur, & facultates cuiusq; æstimantur. In re militari nomina dare dicuntur milites, dum censentur, siue (vt hodie dicunt) monstrantur. Cæterum hæc Gaulonitica secta supra modum afflixit res Iudaicas. Nam etiam si Iudas seditionis & prauis dogmatis author, extinctus esset, nihilominus serpebat latius malum perniciosum, adeo vt & Christi temporibus verteretur quæstio, An Cæsari iure diuino deberetur census? Denique tiberius Alexander, qui in præfectura Syriæ Cuspio Fado successit, Iacobum atq; Simonem & ipsos Iudæ Galilæi filios, hæc ipsam ob causam, & quod peruersum dogma mordicus tenerent, crucifigi imperauit. Inuenias & hodie eius hæreseos asseclas, qui dicant neq; Decimas, neq; Census, neq; Tributa deberi. Inuenias item alios, qui soluenda esse censeant, sed nullo iure deberi asseuerent, Verum impostores sunt, digni qui & Theodæ & Iudæ & Dosithei & Spartaciluant supplicia. Nos enim didicimus magistratui soluenda esse ea quæ magistratus sunt, Deo item quæ Dei sunt.

Prudens Gamalileis oratio

Theodas.

Iudas.

Et nunc dico vobis, abstinete ab hominibus istis, & finite illos. Quoniam si est ex hominibus consilium aut opus hoc, dissoluetur: Sin ex Deo est, non potestis dissoluere, ne quando & Deo repugnare reperiamini. In huius autem sententiam pedibus itum est à cæteris:

Iam vero totum consilium & exemplorum vim colligit in dilemma validissimum. Hactenus enim ista exempla ita produxit, vt nescieris in quam partem inclinare destinarit: nunc ergo palam animi sui propositum reteggit, & ait: Quocirca cum ita habeant res, viri clarissimi, vt quæq; impietas semetipsam destruat, ego sanè consulo nihil seuerius cum hominibus istis esse tentandum. Atq; hic commodum locum habet dilemma, quod veluti ratio ac causa huius consilij ad hunc modum subiungitur: Aut ex hominibus est quod isti agunt, aut ex Deo. Si ex hominibus est, id est, si ex adfectibus humanis profectum est, iam dubio procul sua sponte dissipabitur. Quorsum ergo nobis opus anxios esse in re non necessariâ? Si verò ex Deo est, iam inuiolabile est. Frustraneum ergo foret etiam si nihil non tentaremus. Quis enim cum superno numine belligerari? Neque enim prudentiæ, sed stoliditatis, temeritatis, item non roboris est, conari quod perficere non possis. Atq; vtinam hoc consilij amplecterentur nostrorum temporum tyranni, qui ferro & flamma Euangelij segetem deuastare conantur. Pollicentur sibi breui nescio quam lucem orituram. Cæterum hoc ipsum suis quoq; pollicebatur olim & blasphemus ille Porphyrius, iam ante mille ducentos annos infelicitè extinctus. Is

inquam pollicebatur Christianam religionem non amplius duraturam quam per trecentos & sexaginta annos. Post hoc enim fore exterminandam. Sed falsus est, & salua huc usque per mansit veritas. Quocirca nihil solidi consequentur & nostri quantumvis clamitent nuperam Euangelij fidem ac decennalem (vt aiunt) religionem breui excindendam. Non enim ex humana traditione, sed ex diuinis oraculis didicimus religionem nostram. Vnde iam certa fide cognouimus quod contra hanc ne portæ quidem inferorum præualebunt. Equidem in mundo veritatis nomine afflictionem patimur: sed viuunt qui mundum viciunt. Porro quod Latinus interpres vertit, In huius autem sententiam pedibus itum est à cæteris, Græcus codex habet *ἵπιδος τῆς αὐτῆς*, id est, paruerunt siue obtemperarunt illi.

& cum aduocassent Apostolos, cæsis præceperunt, ne loquerentur in nomine Iesu, & dimiserunt eos.

Tyrannis.

Vel ita paruerunt consilio Gamalielis, non vt in totum abstinerent ab Apostolis, sed iam quidem à cæde sibi temperarent. Vel istud apud illos senatores vsitatum fuit, quod apud quosdam respublicas vsitatum videmus, vt pauci olygarchæ tyrannide sua perrumpant, quantumvis id communibus aduersetur suffragijs. Hi ergo animi sui explentes libidinem innocentes Christi seruos flagris cædunt, deinde ne posthac Christum prædicent percipiunt. Hoc enim solet impietas. Audi ergo quid contrà conetur pietas.

Et illi quidem ibant gaudentes à conspectu concilij, quod digni habiti essent, vt pro nomine eius contumelia afficerentur. Et quotidie in templo & in singulis domibus non cessabant docere & annunciare Iesum Christum.

Patientia.

Adeo non exanimarunt robusta constantiaq; Apostolorum pectora minæ tyrannorum & dira supplicia, ut magis animarint. Gaudentes enim ibant à conspectu concilij, eo quod digni habiti essent, qui pro nomine Christi contumelia afficerentur. Iam enim salutifera præceptoris in memoriam redibat commonitio, dicentis: Productos in synagogas flagris cædent vos. Beati autem estis, cum in sectati fuerint vos homines propter me. Gaudete & exultate, quoniam merces vestra multa est in cælis. In hac ergo spe sancta pergunt annunciare nomen Domini Iesu, nobis in exemplum, nec vti- quam cõmitteremus, vt tyrannorum minis & iniurijs fracti veritatem desereremus. Annotandum & illud, Apostolos non modo in templo, sed in singulis domibus ita poscente persecutionis procella, docere, ne quis putaret verbum Domini loco alligatum, sed hinc quisq; colligeret administrationem verbi iuxta Ecclesiæ & temporum rationem prorsus liberam esse.

COMMENTARIORVM IN ACTA

APOSTOLORVM LIBER II.

PROEMIUM.



ACTENVS primitiue Ecclesiæ ortum, infantiam, & quibus creuerit auctibus, & arauimus: quæ nunc sequuntur pericula ferme sunt de certis quibusdam maximis, edita viris. Primum enim se offert D. Stephani historia, graphice depingens, quæ intus ille fuerit in asserenda veritate, & quam constanter occubuerit pro nomine Christi. Sequuntur Philippi diaconi gesta: quæ ille magna quidem felicitate in Samaria cepit, & cum Erario Candaces reginæ, & in vrbibus maritimis multo felicissime absoluit. Ab his tractabitur admirabilis Pauli ad Apostolatam conuersio. Postremo exponentur multa Petri præclara facinora, & quæ in vrbibus maritimis, & quæ cum Cornelio Centurione, deniq; in vinculis quoq; Herodianis designauit. Quo loco & Iacobi Apostoli interitus, Vocatio item gentium, Antiochenæ Ecclesiæ ortus & incrementa, necnon & totius orbis fames describetur. Hac enim omnia in vnum librum coniungere placuit, quæ iam pro virili secundum gratiam mihi à Deo datam enarrabo.

CAPVT VI.

IN diebus autem illis crescente numero discipulorum, ortum est murmur Græcorum aduersus Hebræos, eo quod despicerentur in ministerio quodiano viduæ ipsorum.

Duplici

DUPLICI nomine refert creuisse numerum discipulorum. Primo, ut notaret frustaneas esse minas quas aduersum veritatem eiulantur impij. Nam in illis ipsis (inquit) diebus, quibus & atrocissimè minabantur principes: & Apostoli flagra essent experti, creuit credentium numerus, nouis subinde discipulis ad Ecclesiam prouentibus. Secundo, ut multitudini commode attexeret murmur, quod ut proprium omnibus hominum turbis, ita raro inuenias vel credentium cœtum, in quo omnibus pro voto satisfieri potuerit. Nam *φιλονεικία* cupiditas & inuidia, quantumvis bene gesta, vel in suspicionem rapiunt, vel prorsus vitiant. Neque vero causa murmuris aliunde nata erat, quam ex istiusmodi affectibus humanis. Nā cum egenis, id quod in 4. audiuius, de communibus Ecclesie bonis, prout cuique opus erat, distribueretur victus, susceperant quidam hunc indigenis liberalius, suis vero, hoc est, exteris parcius suppeditari. Hinc vero inæqualitatem atque ex fauore manantem accusabant distributionem. Hoc illud murmur, *ῥοιζήματα* murmur non simplex, sed omnino virulentum erat, *das was der vnwill.* Proinde miror quid in re aperius mouerit quosdam, ut hæc exposuerint de ministerio, id est, officio ac seruitio quodam, quod Apostoli Hebræorum mulierculis delegarint, ad seruiendum sibi in rebus ad vitæ usum ac necessitatem spectantibus. Verum imposuit istis fortasse ministerij vox & viduarum significatio. *Διακονία* enim non semper significat ministerium quo alteri seruius, sed & beneficium quo afficimur, itaque suppeditationem, siue subministrationem dicere possumus. Atque ita etiam vertit Latinus interpret in 2. ad Corinth. 9. *ἵνα πῶς γὰρ τῆς διακονίας τῆς ἐκ τῶν ἀγαθῶν,* &c. id est, Cæterum de subministratione quidem, quæ fiat in sanctos, &c. Ita iam sensus huius loci hic erit. Murmurabant Græci quod despicerentur, id est, negligerentur (*das sy übersehen wurden*) in quotidiano subsidio pauperes eorum, nec haberetur horum tam diligens ratio, atque Hebræorum. Nam viduæ in sacris absolute nonnunquam citra sexus significationem ponuntur pro egenis & calamitosi: ut videre est in Prophetis, qui quoties monent viduas & pupillis esse subueniendum, calamitosos, & humano præsidio destitutos quosque intelligunt. Et Dominus in Euangelio dicens: Væ vobis, quia comeditis domos viduarum: non sexum notauit tantum, sed miseræ simplicisq; plebeculæ census ac facultates intellexit, quas illi religionis prætextu in sua colligebant ratiocinaria. Et *χήρα*, unde est *χήρα*, id est vidua, significat orbo, destituo, & bonis quibusuis priuo. Et viduare priuare est. Viduitas vero calamitas quæ bonis priuauit. Hæc ad hunc modum tradunt linguarum magistri. His absolutis explicandus est *Græci.* & ille nodus qui hic de Græcis à quibusdam nectitur, qui nam illi esse potuerint: cum satis constet Græcos, id est, gentes in Ecclesiam Dei hoc tempore nondum fuisse admissas. Atqui non necessarium erat nodum in scirpo querere. Non enim scripsit Lucas, Ortū est murmur *ἰσχυρὸν*: sed *ἰσχυρὸν*, quasi quis dicat factionis Hellenistarum. Intelligit enim Iudæos qui non erant in Iudæa nati, sed apud gentes, ad quas fuerant vel exilio, vel alio casu deportati, iam verò Hierosolymam comigrant, vel certe profelytos. Locus autem hic in speciem sterilis re ipsa mire fecundus est. Hinc enim discimus res Ecclesie nunquam fuisse tam felices & emunctas, ut nihil vitij in ijs reperiis. Vbi ergo *Morbi Ecclesie.* nunc sunt qui protinus atque æneum aliquem in tanta populi multitudine cernunt, mox etiam totam Ecclesiam damnant: Sunt & alia his similia multa quæ hinc colligi possunt.

Cæterum duodecim illi, quum iussissent adesse multitudinem discipulorum, dixerunt: Nō est placitum, ut nos derelicto sermone Dei, ministremus mensis. Circumspicite ergo fratres, viros ex vobis spectate probitatis septē, plenos Spiritu sancto & sapientia, quibus delegabimus hoc negotij. Nos vero deprecationi & administrando sermoni incumbemus.

Turbæ ac querelæ plebis nulla aliâ re melius pacantur componunturque, quam si male facta *Murmuris reu-* melius coniungantur, & inordinata in meliorem redigantur ordinem: aut si rebus olim bene institutis citra focordiam & interruptionem bene vtamur. Cum ergo hic nonnihil ordinis desideraretur in dispensandis opibus ecclesiasticis, quod certi nō essent rebus gerendis præfecti, Apostoli cōsulant certos designatosq; dispensationi esse præficiendos. Id autē non faciunt propria autoritate, sed conuocant totam discipulorum multitudinem, ne sibi Ecclesie dictaturam viderentur vendicare. De inde coram tota Ecclesia initio se excusant, cur non ipsi hoc negotij in se suscepissent: inde vero viam monstrant, qua rebus fessis consuli possit. Excusatio hæc est: *οὐκ ἔστιν*, id est, non est eiusmodi ut nobis placere possit, aut quod suscipere conueniat, ut derelicto neglectōe prædicandi munere, ministremus mensis. Posuit autem *mensas* *κατὰ μακροθυμίαν* pro rebus ad victum pertinentibus. Porro ratio per quam rebus presentibus consuli possit hæc est. Diligenter expendite (inquit) vobisum qui nam sint in Ecclesia viri huic negotio accommodi. Sunt autem accommodi qui spectatæ probitatis, sapientie, prudentieque non vulgaris, ac pie religiosi, hoc est pleni Spiritu sancto sunt. Depre- *ordinatio.*

functio episcoporum,

hensi ergo talibus, septem ex illis deligite præcipuos, qui hoc officij, facultatum videlicet Ecclesiasticarum dispensandi, in se suscipiant. Nos interim non indulgebimus otio, sed ea curabimus quæ & utiliora & magis nostri officij erunt. Orabimur enim pro Ecclesiæ salute & felicitate, dinde & administrando sermone inuigilabimus. Hinc autem videre est quæ sit functio sanæ, peculiaris & præcipua episcoporum. Non præcipitur ut illi nullam gerat pauperum curam, quorum interim Paulum videmus gessisse accuratissimam: sed à dispensatione rerum terrenarum (nisi quantum ad vitæ necessitatem attinet) & administrandi officio submouentur. Melioribus consecrantur. Tamen si enim cuiquam videri poterat utrumque & prædicandi & dispensandi officium ab eodem citra alterius damnum administrari posse, vanum tamen & contemnendum non est quod dixit Petrus: Non conuenit ut derelicto sermone Dei, ministremus mensis. Putauit enim sapientissimus Apostolus verbum Dei vñâ cum hac functione feliciter administrari non posse. Quid nos ergo tam clare veritati ogganni mus? Quin potius audiamus Paulum similia percipientem & dicentem: Incumbe lectioni & doctrinæ. Hæc exerce, in his esto, ut tuus profectus manifestus sit in omnibus. Attende tibi ipsi & doctrinæ, perliste in his. Id si feceris te ipsum seruabis, & eos qui te audierint. Videmus & Prophetam Ieremiâ omnibus se vitæ negotijs animum huc illucque, distrahentibus, extricasse, precibus autem pro populo & verbo Domini prædicando, totum dedisse. Certe si rem sanctam (quid enim sanctius quam inopum gerere curam?) propter rem sanctiorem obire noluerunt Apostoli, quid respondebunt qui agriculturæ, piscationi, ludo, venationibus & mercaturis ita inuoluuntur, ut minimum temporis precibus, & sacrarum studio literarum, & prædicandoque Dei verbo impendant? Nō inepte dicitur à vulgo, Qui duabus simul rebus operâ impendit, neutrum absoluit, & utrumque tandè deperdit. Consultissimū igitur fuerit, ut quisque quam norit & ad quâ vocatus sit, in hac sese exerceat arte. Iâ quod electione diaconorum attinet, plana sunt omnia, maxime si ij conferantur quæ Apostolus de diaconis scripsit in 1. ad Timoth. 3. cap. Breuiter, diaconos conuenit esse *purpureos*, id est, boni testimonij, & spectatæ probitatis viros, quibus nulla possit impingi auaritia, impostura aut rapina. Scribit *Electio et probatio veterum qualis.* E. Lampridius nobilis historicus in vita Alexandri Severi, Christianos hoc moris habuisse, ut si quem ministrum Ecclesiæ ordinare voluissent, eius nomen publice proponerent, si forte in eo esset culpabile quod ab officio indignum repelleret. Conuenit præterea Ecclesiæ ministros plenos esse Spiritu sancto. Nam ex hoc est fides, veritas, misericordia, diligentia, & cura, potissimæ ministrorum dotes. Conuenit & sapientes ac prudentes esse, ne parum exercitati & imperiti rerum, negligant atque deperdant opes ecclesiasticas.

Et placuit hic sermo coram tota multitudine. Et elegerunt Stephanum virum plenum fide ac Spiritu sancto, & Philippum, & Prochorum, & Nicanorem, & Timonem, & Parmenam, & Nicolaum proselytum Antiochenum. Hos statuerunt in conspectu Apostolorum, & quum orassent, imposuerunt eis manus.

Sanis obsequi consilijs, non minima est felicitas. Et hominibus spiritu Dei imbutis obsequi, est ipsi Deo obsequi. Nihil autem temere & citra maximam agunt reuerentiam fideles, sed cum timore & inuocatione numinis, cumque grauitate præcellenti. Hoc enim pertinet manuum impositio, de qua *Eusebius Ecclesiæ hist. lib. 3. cap. 29.* differui in 6. cap. Pauli ad Hebræos. Cæterum sunt qui dicant ex hoc Nicolao postmodum ortam esse hæresim, quæ ex ipso authore Nicolaitarum appellatur. Quod si verum est, nemo est qui non videat, cœtui bonorum semper immixtos fuisse pessimos quosque, quorum tamen consortio boni non sint commulcati. De qua re multis egit Aurel. August. in opere quo Petilianus respondit epistolæ.

Et sermo Dei crescebat, ac multiplicabatur numerus discipulorum Hierosolymis valde, multaque turba sacerdotum obediebat fidei.

Iterum monemur creuisse negotium fidei, adeo ut etiam sacerdotes acerrimi veritatis hostes, si dei iugo colla subderent. Nemo ergo propter peccata sua desperet. Si enim sacerdotibus illis locum penitentiae concessit Dominus, quibus damnatio filij Dei fuit gratissima, quis post hac facile desperauerit? Et coniectura est istos integritate Ecclesiæ Apostolicæ permotos credidisse libentius. Sanctionia ergo ædificatur Ecclesia, non violentia. Quod enim robur humanum erigit, hoc ipsum & robur humanum deijcit. Ex hoc item loco denuo constat, Apostolos non suum, sed Dei sermonem prædicasse. Id quod vehementer pugnat cum illorum impudentia, qui in diuinis humana quærent, neque hoc contenti, quo ferocius blasphemant, hominum traditiones diuinis æquant, atque vtinam non anteferebant etiam.

Porrò

Porro Stephanus plenus gratia ac fortitudine, ædebat prodigia & signa magna in populo.

Descripta iam ordinaria vocatione & institutione diaconorum, auspicatur nunc historiam *Stephanus*, Stephani elegantissimam quidem illam & fructus plenam. Præmittit autem in hac personæ descriptionem. Stephanum fuisse virum veracem, fidelem & firmum, plenum Sancto spiritu, id est, omnibus præclaris & sanctis dotibus ornatum, atque ob hæc plenam gratia, id est, prorsus gratum acceptumque hominibus pijs, at impijs verendum maximè propter inuictum animi robor. Huc accedebat miraculorum virtus, quæ spectabilem alijs multò efficiebat illustriorem.

Exorti sunt autem quidam e synagoga, quæ appellabatur Libertinorum, & Cyrenensium, & Alexandrinorum, & Cilicum, & Asianorum, disputantes cum Stephano, nec poterant resistere sapientiæ & spiritui, qui loquebatur.

Semper enim virtus ad se inuidiam trahit, vt Cæcias nubes. Nec pietatem ferre potest impietas. Coniurant itaque in veritatem collegia Libertinorum, & Cyrenensium, &c. Libertini autem *Collegia Libertinorum*. dicuntur Latinis (& Lucas *Libertini* dixit) qui iusta seruitute manu missi sunt. Hinc verò colligimus Synagogam fuisse Hierosolymis alteram, quæ aduenis instituta esset, vt Cyrenensibus, Alexandrinis, Cilicibus, & Asianis, quam Libertini, hoc est, manumissi, & e peregrinis hisce regionibus Hierosolymam studendi sacras literas gratia profecti, ingressi sunt. Iam verò & alteram fuisse ingenuorum & indigenarum coniectura est. Lyranus glossam interlinearem citans, Libertinos falsò putauit à regione dictos esse, cum id nominis palàm doceat Valla conditionis esse. Videas hodie in nostris illis Academijs, quas Vniuersitates vulgus appellat, diuersa quoque pro diuersitate & hominum, & regionum constituta esse Collegia. Hoc enim nobilibus, illud pauperibus ac plebeis, istud verò Germanis, hoc autem Gallis siue Scotis esse institutum. Coniunctis ergo viribus Libertini consilio communi feruntur in Stephanum, quem tamen iccirco superare non potuerunt, quod Dominus dixisset: Dabo vobis os & sapientiam, cui non poterunt resistere omnes qui aduersantur vobis. Quo autem doctiores & spectabiliores erant aduersarij Stephani, hoc maior & illustrior victoria viri & veritatis.

Tunc subornarunt viros, qui dicerent: Audiuimus eum dicentem verba contumeliosa in Mosem ac Deum.

Quod veritatis præsidio efficere non possunt impij, hoc tentant offutijs & sycophantijs. Hæc *Falsa testimonia*. semper fuit eritque (vt illi aiunt) procedendi via aduersus veritatem Euangelicam & ministros eius: vt quorum synceram doctrinam iustis causis opprimere non possunt, illorum famam liuore denigrent, & quæ sanctè & verè docuerunt mendacijs & sutelis adulterent. Sic enim hodie impingitur nobis quoque blasphemia in Deum, diuorum contemptus, sacramentorum proculcatio, bonorum operum proscriptio, Ecclesiæ sanctæ contemptus, & omnium bonarum rerum odium. Sis illi armati coram misera & plus nimio stulta ac credula plebecula in Euangelicos (vt vocant) inuehuntur, inuidiam & nobis, & causis iustis parantes innoxiosque tradcentes.

Commoueruntque plebem & seniores, & scribas, atque inuadentes corripuerunt eum, & adduxerunt in Concilium, statueruntque falsos testes, qui dicerent: Homo iste non cessat loqui verba contumeliosa aduersus locum sanctum hunc & legem. Audiuimus enim eum dicentem: Iesus Nazarenus iste demolietur locum hunc, & mutabit instituta quæ tradidit nobis Moses.

Huc enim spectant hominum istorum conatus vt commoueant plebem, vtque scruat ignobile vulgus. Cæterum hoc falsorum testium adminiculo impetrant. Et falsorum testium impudentia semper perierunt optimi quique, sed & ipse saluator Christus sub falsis testibus crucifixus est. Solent autem falsi testes, vel prorsus mentiri, & adterere factum esse, quod reuera factum non est: vel nonnihil de suo assuere, vt iam oratio & longè aliud habeat institutum, & multò sit grauior: vel simpliciter dicta pervertere & adulterari. Quæ omnia crediderim in hac Stephani accusatione facta esse. Ille fortassis dixerat Deum non probare ceremonias, sed nec ipsum Mosem lege lata voluisse quod Pharisæi docebant, sed fidem & vitæ innocentiam prædicari cum à lege, tum à Prophetis, quibus nisi crederent, Iesum Christum, qui legem impleisset, & ceremonialia in melius mutasset susciperent, ac mores mutaret, breui excindendos fore propter peccata, nihil obstante vel ipso templo, vel ceremonijs.

Hæc enim summa est religionis, & summa eius prædicationis, quam ipse quoque Dominus Hierosolymorum vrbi annuntiarat. Cum itaq; Stephanus magistrum imitans paria inculcaret, illi simpliciter & bene dicta peruerterunt, dum de suo quædam affingunt, & in plerisq; metiuntur impudentissimè. His adde quæ Jerem. 26. cap. scripta sunt, & lucem clarissimam habebis. Nam vt tunc Jeremiam accusabant propter templi religionem neglectam, ita nunc quoq; Stephanum in ius protrahunt propter templi religionem violatam. Jeremias docuerat, Non proderit templi religio, nõ proderunt hostiæ, non ceremoniæ ullæ: peribitis vnà cum superstitione vestra, nisi prorsus conuertamini, & derelictis hisce stultulis, seruiatis Deo in vera fide, iustitia, iudicio, æquitate, veritate, vitæq; sanctimonia. Hæc potissimum legis in cap. 7. 11. & 15. Hic autem nemo dicebat, Accusat scelera nostra, suadet iustitiam, culpât superstitionem, auariciam quoque sacerdotum, regis & principum tyrannidem prodit. Horum nihil audiebatur. Sed vnanimi voce clamitant, Reus est mortis homo iste, quoniam aduersus urbem istam prophetauit. Itaq; templi religionem & vrbs sacræ prætexunt reuerentiam, nequitiam dissimulant. Et quid obsecro vel hodie aliud quàm Ecclesiam, constitutiones sanctorum patrum, auitos mores, sacrum sacerdotalem ordinem, tot annorũ temporum, tot regnorum consuetudines, tot monachorum ordines nobis obijciunt pontificij? Quasi verò ista omnia omnipotenti & soli sapienti Deo ac veritati eius perpetuè constantissimæq; præiudicare possent. Cur non potius agnoscunt scelera sua, & aiunt? Blasphemi sumus, sacrilegi, scortatores, impij, qui vniuersam religionis faciem vertimus in forum. Id accusant isti hostes nostri Euangelici, qui pœnitentiam nobis & remissionem peccatorum non nisi per Christum prædicant. Sed hæc hætenus.

Et intuentes eum omnes, qui sedebant in Concilio, viderunt faciem eius tanquam faciem Angeli. Dixit autem princeps Sacerdotum: Num hæc ita se habent?

Relucet in ipso vultu mentis innocentia. Verè enim dicunt vultum animi esse speculum. Nulla enim re quantumuis præclara permouetur inuidi mens. Pergit ergo sacerdotum princeps, & ait: Num hæc ita se habent? Non quod cuperet verum experiri, sed quod aliquam saltem iudicij speciem exhiberet, ne vis non ius videretur esse quod cum Stephano agere constituerant. Atque hoc verus hypocrisis prauum est ingenium.

CAP V T VI.

AT ille ait: Viri fratres & patres, audite. Deus gloriæ apparuit patri nostro Abraham, quũ esset in Mesopotamia priusquàm moraretur in Charran, & dixit ad illum: Exi de terra tua & de cognatione tua, & veni in terram quamcunq; monstraui tibi. Tunc exit e terra Chaldæorum, & habitauit in Charran. Et inde postquam mortuus est pater eius transtulit illum in terram hanc, in quam nunc vos habitatis. Et non dedit illi hæreditatem in ea, ne vestigium quidem pedis, & repromisit illi eam se daturum possidendam, & semini eius post ipsum, cum non haberet filium. Loquutus est autem Deus sic, quod futurum esset semen eius inquisitum in terra aliena, quodq; seruituti illud subiecturi essent, & male tractaturi annis quadringentis. Et gentem, cuiuscunq; seruiuerint, iudicabo ego, dixit Deus. Et post hæc exhibunt, & seruient mihi in loco hoc.

Scopus huius orationis.

PLERIQUE hanc Stephani orationem, quantumuis longa sit, inabsolutam tamen credunt, quod Iudæorum tumultu & obstrepentium clamoribus impeditus, ordine non potuerit dicere quæ volebat. At ego prorsus absolutam existimo. Maximè quod Catastrophen ad finem adiectam habet. Post longam enim sacrarum rerum expositionem tandem istis finit, Duri ceruice & incircuncelli corde, &c. Iam quod alij hanc orationem obscuram esse queruntur, id ex eo est, quod ad nullum certum relata scopũ temere vagari ac defluere videatur. Quod si ita haberet, iam vel hoc ipsum satis magno argumento esset, orationem à Stephano non fuisse absolutam. Cæterum ad certum est directa scopum, qui etiam si in ipsis orationis frontispicio clavis verbis more oratorio non exprimitur, ex ipsis tamen accusationis capitibus colligi potest. Iudæi impingebant ipsi blasphemiam Dei, cõ quod & legem cõtempnisset, & templi religionem violasset. Hæc
accusationis

accusationis summa. Ad illa ergo respondēs, expositione historica, sacris exemplis comprobatur, quod fides in Deum & ante legem & in lege, Deo, non ceremoniarum, placuerit: & quod ipse Deus patribus apparuerit, & cum eis commercium habuerit absque templo: quocirca veram religionem non affixam esse neque templo neque ceremonijs, sed fidei in Deum. Quod cum ita habeat, iam satis efficaciter liquere, quod neque in Deum neque in legem eius, neque in locum sanctum quicquam deliquerit. Hæc omnium summa est. Ex qua etiam nos discere possumus quæ sit vera, antiqua & indubitata fides: *Vera & antiqua fides.* mirum ea, quæ vni Deo per Christum nititur, nullis autem ceremonijs, creaturis, aut vllis commendatis fidei humanis. Idem traditur & in II. ad Hebræos cap. quod eiusdem cum hac oratione argumenti est illam verò ipsa scripturæ exempla paucis perstringemus propositoque nostro aptabimus. Exordij locum occupant hæc verba, Viri fratres & patres audite. Quæ quidem Paraphrastes sic exposuit, Viri quotquot adestis vel genere fratres, vel ætate atque autoritate patres, qui patienter audistis calumniantes, audite & veritati patrocinantem. Atque sub hæc protinus ipsam auspicatur causam à nomine Dei, dicens: Deus gloriæ, id est, Deus gloriosus, purus & sanctus, celebris & iustissimus, hoc ipso perstringens aduersarios, qui ipsum blasphemiarum in Deum insinularant. Palam enim hic fatetur Deum, neque alium fatetur quam Deum patrum, neque sine honorifica nominis appellatione. Deinde verò primarij in vera religione viri Abrahamæ, cuius illi se filios esse iactabant, exemplum producit in medium, quomodo is à patris euocatus sedibus migrarit in terram peregrinam, atque in hac mira longanimitate, confusus Dei promissionibus expectarit Deum. Quæ omnia fusius describuntur Genes. 12. 13. & 15. In hoc autem hæc adduxit Stephanus, ut videas Abrahamum virorum iustissimum Deo placuisse seruissimæque & absque templo & sine ceremonijs. Siquidem obedientia eius, fides, spes, constantia ac patientia, longanimitas & rerum terrenarum contemptus, reuerentia quoque numinis in eo probatur laudaturque in scripturis. Veram igitur pietatem in ijs non externis illis quæ miratur caro consistere. Hæc autem ad negotium præsens sufficere videntur. Quæ præterea de terra & fide promissionis dicenda erant, absoluius olim in II. capite ad Hebræos. Quæ autem de Mesopotamia & Charris annotari poterant, præstitit D. Ioachim Vadianus celeberrimæ Sangallensis vrbis Cōsul prudentissimus vir, ut imaginibus pietate & multijuga eruditione clarissimus, ita in rebus ad Cosmographiam spectantibus, nostri æui, omnium etiam doctiorum iudicio, facillè primus. Is enim in gratiam studioforum, ad importunas postulationes nostras, Epiomen locorum, quorum mentio fit in sacris, potissimum autem noui Testamenti libris, summa eruditione, diligentiaque incredibili conscripsit, è qua tu cætera quoque quæ huius professionis sunt haurire poteris. Porro quatenus conueniat Stephano & Mosi in expositione historica de morte patris Abrahamæ, ante vel post emigrationem facta, intricatius & prolixius est, quam conueniat hisce inferi Commentarijs. Certè planiora sunt quæ hic recenset Stephanus. Moses enim Hystorologia vsus esse videtur. Sed copiosissimè de hac re disputarunt præcipui Ecclesiæ doctores, Hieronymus in Traditione super Genesim, & D. Aurelius Augustinus libro de Ciuitate Dei 16. cap. 15.

Abrahamæ pietas.

D. Ioachim Vadianus.

Et dedit illi testamentum Circumcisionis, atque hic genuit Isaac, & circumcidit eum in die octauo, & Isaac genuit Iacob, & Iacob genuit duodecim Patriarchas.

Circumcisio non est ipsum testamentum, sed Sacramentum testamenti. De quo alibi. Pepigit Dominus sempiternum fœdus cum Abrahamo & posteris eius, Gen. 17. At in hoc nulla mentio templi vel ceremoniarum, sed fidei in Deum ac innocentiarum. Ego (inquit Dominus) sum Deus ille Schaddai siue Saturnus, omnium rerum saturitas siue sufficientia. Ambula tu coram me, & esto integer. Proinde in fide & integritate consistit vera pietas. Quod Circumcisio addita est, in hoc factum est, ut sub hanc religionem obligarentur omnes posterij, nec illi vnquam crederent se alia re quam fide in Deum saluos futuros. Id quod Paulus ad Romanos 4. doctissimè tractat, è quo loco plurimum & roboris & perspicuitatis huic accedet, si vtrunque inter se diligenter contuleris. Iam verò ne filij quidem Abrahamæ, patres nostri Isaac & Iacob, secus Deum coluisse quam patris Abrahamæ religione, certum est. Hinc Stephanus nihil de ijs quam circumcisos esse testatur. Per hoc enim constat, quod Deum patris sui Abrahamæ, cultu & religione ita coluerint, ut Circumcisionis significatio præscripsit.

Testamentum.

Et Patriarchæ inuidia moti, Ioseph vendiderunt in Ægyptum. Et erat Deus cum eo, & eripuit eum ex omnibus afflictionibus eius, & dedit ei gratiam & sapientiam coram Pharaone rege Ægyptiorum. Et constituit eum præfectum super Ægyptum, & super totam domum suam. Venit autem famēs in vniuersam terram Ægypti & Chanaan, & afflictio magna, nec in-

ueniebant cibos patres nostri. Cum audisset autem Iacob esse frumenta in Ægypto, misit patres nostros primum. Et cum iterum misisset eos, agnitus est Ioseph à fratribus suis, & innotuit Pharaoni genus Ioseph. Misso autem nuntio Ioseph, accersuit Iacob patrem suum, omnemque cognationem suam in animabus septuagintaquinque. Et descendit Iacob in Ægyptum, defunctusque est ipse & patres nostri,

Stephanus.

Copiosius exponitur hæc historia à Mose in 1. lib. cap. 37. & ab eo usque ad 42. Ex quibus tamen omnibus hoc certo constat Iosephum omnis sapientie, constantie & temperantie exemplum, nullis ceremonijs, nullo in templo, nullisue hostijs demeruisse Deum, sed fide, patientia, castitate, & vitæ integritate. Præclarum enim est quod ad petulcam procacemque heri sui uxorem, castitatem adolescentis sollicitatem, dicebat, Quomodo facerem hoc magnū malum, & peccarem in Deum meum? Proinde verus Dei cultus subsistit in fide, veritate, amoreque recti & iusti. Cæterum quod Lucas ex Stephani sententia septuaginta quinque animas numerat, videtur sequutus esse LXX. interpretes, vel quod esset profelytus, vel quod illa versio Ecclesijs esset vulgata. Fortassis numerarunt Græci & nepotes Ioseph. Nam Hebraica veritas numerat animas septuaginta, Gen. 46. De Lea nempe 33. de Zilpa 16. de Rahele 14. & de Silha 7. hoc est in summa 70. Quod autem eodem loco numerantur tantum 66. videtur vitiosa esse scriptura. Si enim Iosephū his addas cum filiis duobus, colliges tantum animas 69. At si Dinam addas, habebis 70. Verum si in catalogū veniunt & scemine, quo loco numerabimus Sarrah? Aut quid etiam reponemus Er & Onam, qui mortui sunt in terra Chanaan? Et sanè fieri potest, ut librorum incuria nobis multam in numeris obscuritatem pepererit.

& translati sunt in Sychem, & positi sunt in sepulchro, quod emit Abraham pretio argenti à filiis Emor filij Sychem.

Hæc quæ superuacanea videri poterant intertexuit, ut constantiam fidei patrum notaret, qui tametsi ne vestigium quidem pedis in pollicita essent consequuti terra, attamen in ipsa tanquam consequuta sepeliri voluerunt, certi quod hæreditate obuentura esset posteris. Atque hoc erat sperare in ipso etiam funere. Iterum autem hic nectitur nodus indissolubilis. Stephanus enim velut ad alia properans, historiam nonnihil confundit. Constat enim neque Abraham, neque Isaac, neque Iacob ipsum in Sychem, sed in spelunca agri duplicis, qui est iuxta Hebron, & quem Abraham ab Ephron filio Seor Hethæo quadringentis siclis emerat, sepultum esse, teste scriptura Genes. 23. & 49. Sed fieri potuit ut scriptori in mentem venerit ille ager, quem Iacob emit ab Emor patre Sychem, cuius meminit scriptura Gen. 33. Et sanè scriptores Ecclesiastici sensum maluerunt referre quam verba. Neque verò pietati quicquam decedit, etiamsi in proprijs nominibus personarum & locorum nonnulla inueniatur commutatio aut etiam confusio. Diuus Hieronymus in calce libri de Optimo interpretandi genere ad Pammachium, nodum hunc quidem nectit, sed non soluit, Lectoremque suspendit. Iacobus Zieglerus Landauus, vir multis animi dotibus præclarus, existimat Abraham emisisse hunc agrum prope Sychem sepulchrum sibi suisque, dum inter initia vocationis ad terram appulisset Chanaan, sed postea varijs iactatum casibus, reliquisse agrum emptum, quem deinde post annos plus minus centum & decem Iacob à Mesopotamia reuersus, propter memoriam aui Abraham recuperarit, ut nunc idem ager bis emptus intelligatur, martyrumque antiquioris meminerit. Sunt alij qui ex auctoritate D. Hieronymi asserant non ipsum Iacob, sed filios suos Patriarchas in Sychem esse translatos: sed Iosephus 2. libro Antiquitat. cap. 8. in Hebron sepultum fuisse perhibet. Multo ergo verisimiliores sententiæ sunt quas paulò retulimus. Iudicent Lectores.

Cum autem appropinquaret tempus promissionis, de qua iurauerat Deus Abraham, creuit populus, & multiplicatus est in Ægypto, donec exortus est alius rex, qui non nouerat Ioseph. Hic circumueniens genus nostrum, afflixit patres nostros, ut exponerent infantes suos, ne foetus essent vitales.

Crux.

Ista verò nihil peculiariter faciunt ad rem præsentem, sed interponuntur ad integrandam expositionis & historię seriem. Nisi forsan crucis & patientie locos attingere, & illorum tyrannidem occulta collatione voluit protrahere, quorum libini iam subiectus, mortis expectabant sententiam. Nam sicut olim rex Ægyptius veræ pietati contrarius innoxios opprimebat, ita nunc quoque procures populi Iudaici tyrannidem exercebant in innocuos. Cæterum ut Pharaon hac re nihil aliud quam præproperum

properum exitiū in suum sibi caput concitauit, ita istos quoque nihil aliud tyrannide sua effecturos, quam ut otius in se iram Dei prouocent. Locus ē quo hęc mutauit Stephanus, extat Exod. 1.

Eodem tempore natus est Moses, & fuit gratus Deo, qui nutritus est tribus mensibus in domo patris: Expositum autem illum, sustulit filia Pharaonis, & nutriuit eum sibi vice filij. Et eruditus est Moses in omni sapientia Ægyptiorum, & erat potens in factis & in dictis.

Exposita religione Patriarcharum, qui ante legem latam vivere, & Deum sine templo & ceremonijs, fide & vitę puritate coluerunt, transcendit iam ad ipsum legislatorem Mosē, & paucis perstringit, quę fuerit viri pietas, quę legis per eum latę vis, quodue ceremoniarum per ipsum institutarum ingenium. Ceterum ad auctoritatem viri doctrinęq; eius in primis facit, quod diuina prouidentia mirabiliter seruatus est & ē Nilo extractus: mirabilius autem institutus, adeoque in omni Ægyptiorum disciplina institutus, utpote ad gerendas res maximas destinatus. Ergo tum quidem cum iam excessisset ex ephebis potens erat cum in dictis tum in factis. Meminit enim Eusebius singularis doctrinę & eruditionis Mosē, libro de Pręparatione Euang. 8. cap. 2. Porro D. Augustinus de Doctrina Christiana libro 2. cap. 40. ex hoc loco multis ostendit, Christianis licere, ut philosophorū imbuantur doctrinis, ijsq; ad religionem nostram purgatis aptatisq; utantur. Et post multa, Quid enim aliud (inquit) fecerunt multi boni fideles nostri? Nonne aspicimus quanto auro & argento & veste suffarcinatus exierit de Ægypto Cyprianus doctor suauissimus & martyr beatissimus? quanto Lactantius? quanto Victorinus, Optatus, Hilarius, ut de viuis taceam, quanto innumerabiles Gręci? quod prior ipse fidelissimus Dei famulus Mosēs fecerat, de quo scriptum est, quod eruditus fuerit in omniscentia Ægyptiorum. Hęc Augustinus. Plurima huius generis legere est apud diuum Hieronymum in Epistola ad Magnum vrbis Romę oratorem. Historia autem quam hic delibat Stephanus, extat apud Mosē Exodi 2.

Pietas Mosē.

Propheta sua dia.

Vt verò expletum est ei quadraginta annorum tempus, subijt in cor eius, ut inuideret fratres suos filios Israel. Et cum vidisset quendam iniuriā affici, defendit eum, & ultus est vicem eius qui affligebatur, percusso Ægyptio. Existimabat autem intelligere fratres suos, quod Deus per manū ipsius daret salutem illis. At illi non intellexerunt. Et sequenti die conspectus est illis litigantibus, & redegit eos in concordiam, dicens: Viri, fratres estis, cur vos inuicem læditis? Ceterum is qui iniuriā faciebat proximo, repulit eum, dicens: Quis te constituit principem ac iudicem super nos? Nunquid interficere me tu vis, quemadmodum interfecisti heri Ægyptium? Fugit autem Mosēs ad dictum hoc, & factus est aduena in terra Madian, ubi generauit filios duos.

Historia scribitur Exodi secundo cap. Et Paulus ad Hebręos 11. doc ipsum Mosē factum citans clarius hunc locum explanat, hisce verbis, Per fidem Mosēs iam grandis reuinit vocari filius filię Pharaonis, potius elegens simul malis affici cum populo Dei, quam temporarijs peccati commodis frui, maiores arbitratus diuitias probum Christi, quam Ægyptiorum thesauros. Respectum enim habebat remunerationis. Proinde fide, misericordia & charitate, cuius instinctu & scelera puniuit, & oppressos subleuare desiderauit, superno numini etiam absque templo & hostijs seruiuit. Quod autem eadem attinet, ne quis ea offenderetur tanquam crudeli facinore, ipse Stephanus pręoccupans, dicit: Existimabat autem intelligere fratres suos, quod Deus per manū ipsius daret salutem illis. Quasi dicat, Quod Mosēs contra Ægyptium egit, non in hoc egit ut generale exemplum cędendi pręscriberet omnibus, sed ut peculiare quiddam populo suo pręfiguraret, nempe, se eum esse à Deo designatum, per quem Ægyptij tandem essent perimendi, Israelitę verò redimēdi. Prognostica enim ac portenta siue pręiudicia non ut exempla proponuntur imitanda, sed ut futura nuntient, auctoritatemque ijs concilient per quos agenda sunt.

Homicidium Mosē.

Et expletis annis quadraginta, apparuit illi in deserto montis Sina angelus Domini in flammeo incendio rubi, Mosēs autem ut conspexit, admiratus est visum. Porro cum accederet ut attenderet, facta est ad eum vox Domini: Ego sum Deus patrum tuorum, Deus Abraham, Deus Isaac, & Deus

Iacob. Tremefactus autem Moses, non audebat attendere. Dixit autem illi Dominus: Solue calceamentum pedum tuorum. Locus enim in quo stas, terra sancta est. Vidi, vidi inquam, afflictionem populi mei, qui est in Ægypto: & gemitum eorum audiui, & descendi ut eruam eos. Nunc venito, & mittam te in Ægyptum.

Solue calceamentum.

Pertinent hæc ad vocationem Moïse, atq; ad ipsam auctoritatem & viro & doctrinæ parandam. Apparuit autem ipsi Dominus & conuersatus est cum ipso iterum absque templo & ceremonijs. Vocauit item se Deum Abraham, Isaac & Iacob, hoc ipso veterem comprobans religionem, qua patres sancti citra templum & ceremonias, ipsi seruierunt. Idem afflictionem vidit attriti & omnibus modis afflicti populi Israelitici. Vidit inquam nullis istis ceremonijs demonstrantibus, aut ad miserandum demerentibus: sed ipsa misericordia sponte misere. Illud quoque in primis obseruandum traditur, quod Moïse in colloquium Dei non prius admittitur, quam soluisset pedum suorum calceamenta. Non iubetur templum extruat, hostias cædat, ceremonias instituat, sed ut calceamenta pedibus soluat, hoc est, carnalibus exutis affectibus in fide & animi integritate ad Deum accedat. Proinde vera pietas in animi integritate consistit. Porro alij satis diligenter adnotarunt quod mons Sina sanctus, hoc est, augustus propterea sit appellatus, quod in ea sancta Dei lex sit lata. Quod autem rubus ardet nec tamen flamma consumitur, absoluta perfectio & (ut ita dicam) omnisufficientia Dei significatur, quæ non diminuitur quantumuis abunde se nobis impartiat. Significatur & Dei populus, qui in medio afflictionum flammis non perit.

Hunc Moïsem quem negauerunt, dicentes: Quis te constituit principem & iudicem? hunc, inquam, Deus principem & redemptorem miserat per manum angeli, qui apparuerat illi in rubo. Hic eduxit illos, ædens prodigia & signa in Ægypto, & in rubro mari, & in deserto annis quadraginta. Hic est Moïse, qui dixit filiis Israel: Prophetam suscitabit vobis Deus vester e fraatribus vestris, similem mei, illum audietis.

Typi Christi.

Iam verò interserit quædam de Moïse quæ per typum de Christo sunt intelligenda. Sic enim conueniebat, ut etiam Prophetarum typos & testimonia de Christo produceret. Typus est quod Moïse Israelitis obmurmurantibus, à Deo datus est in principem & redemptorem. Nam Christus reuera rex & redemptor missus est ad domum Israel, quæ neglecto ipso clamauit, se nescire regem, agnoscere autem Cæsarem. Sed & miracula Moïse designabant verum Messiam maxima quæq; facturum. Id quod Euangelistæ per Christum ostendunt esse completum, in primis verò Ioannes in 6. & 10, cap. De testimonio Moïse Christo præstito, & ex Deut. 18. petito, diximus Act. 5.

Hic est qui fuit in congregatione in solitudine cum angelo, qui loquebatur ei in monte Sina, & cum patribus nostris, qui accepit sermonem viuum ut daret nobis: cui noluerunt obedire patres nostri, sed repulerunt, & auersi sunt corde suo in Ægyptum, dicentes ad Aaron: Fac nobis deos qui præcedant nos. Moïse enim huic qui eduxit nos de terra Ægypti, nescimus quid acciderit. Et vitulum fecerunt in diebus illis, & obtulerunt hostiam simulachro, & lætabantur super operibus manuum suarum.

Lex tabularum.

Hic propius accedit ad propositum, & refert quomodo lex lata sit. Nihil autem adhuc dicit de ceremoniarum lege, sed de Decalogo siue lege tabularum, in qua nihil reperias quod non habuerint prius Patriarchæ vetusti. Tota enim tradit amorem Dei ac proximi, fidem nempe in Deum, & vitam innocentiam. Rectè ergo vocata est à Stephano verbum vitæ. Virtus enim, vita & perfectio legis est Christus ad iustificationem omni credenti. Priusquam tamen ad ipsos legem detulisset Moïse stolidissimi moræque impatientissimi iam iam peccarant, externum peregrinumque cultum excitantes. De quo diximus ad Romanos 1. Historia porro extat apud Moïsem Exodi 32. cap. Cæterum in hoc iam accusat omnem illum externum cultum, quem Israelitæ subinde comminiscabantur, & magni pendebant, neglecta interim fide & vera animi pietate, quam ipse Deus præscripserat. Ad quam rem vehementius & copiosius exprimendam plurimum faciebat testimonium Amos mutatum ex cap. 5. quod ad hunc modum subiungit:

Conuertis

Conuertit se autem Deus, & tradidit eos, vt colerent militiam cœli: sicut scriptum est in libro prophetarum: Num victimas & hostias obtulistis mihi annis quadraginta in deserto, domus Israel: Et suscepistis tabernaculum Moloch, & sydus Dei vestri Rempham, figuras quas fecistis ad adorandum eas, Et transferam vos vltra Babylonem.

Conuersio Dei non aliter hic vsurpatur, quàm ad Rom. i. cap. Tradidit eos in reprobū sensum, & . Et per Militiam cœli intellexit signa zodiaci, planetas, sydera & omnis generis stellas, quæ omnia Achab & Achaz & Manasse summa coluere reuerentia. Rursus ne Iudæi obijcerent seipso quoque im probare idolis exhibitas hostias, protinus prophético præoccupat testimonio, hoc ipso comprobans à Deo cum aras tum hostias vnâ cum externo & carnali cultu vniuerso prorsus esse proscrip- ta, & damnata. Malle enim illum obedientiam & vitæ pietatem quàm victimas. Ita autem loquitur apud Prophetam Dominus, Odi & proieci festiuitates vestras, & non capiam odorem cœtuum vestrorum. Quod si attuleritis mihi holocaustomata & munera vestra, nō accipiam, & vota pinguium vestrorum non respiciam. Aufer à me tumultum carminū tuorum, & cantica lyre tue non audiam. Quin potius effice vt reueletur quasi aqua iudicium, & iustitia quasi torrens fortis. Num victimas & donarium obtulistis mihi in deserto per annos quadraginta, ô domus Israel: Et portabatis scenam regis vestri, effigiemque simulachrorum vestrorum (nempe) sydus Dei vestri, quæ vobis effecistis. Ego etiam captiuos vos ablegabo vltra Damascum, ait Dominus, qui nomen habet Domini exercituum. Hæc iuxta veritatem Hebraicam translata habentur. Lucas autem paulò diuersius citauit. Græcis enim scribens sententiam Prophetæ recitat fermè ijs verbis, quæ habentur etiamnum in sacris Græcorum libris: cum tamen verisimilius sit martyrem apud Hebræos dicentem, Hebraica veritate fuisse vsum. Porro quod sensum attinet, Minatur Amos Iudæis exitium postremum, nisi mutant vitæ institutum profligatissimum. Dicit autem eos qui calamitatibus in patria non fuerint oppressi, longissimè abducendos fore in captiuitatem, non vtiq; in Damascū, quæ Iudæis in propinquo erat, sed vltèrius. Quod Stephanus augendi causa dicit, Vltra Babylonem. Id quod euertus postea comprobauit, quū abducerentur ad remotissima Mesopotamiæ. Per occupationē verò dicit sacrificia eorum non ereptura ipsos ex impendentibus malis, quippe quæ sint nausæ Domino. Neque enim Deū curare cultū externum, sed animi potius integritatem. Id aut probat ex anteaftis. In deserto (inquit) non petij mihi offerri sacrificia, idque per annos quadraginta. Quinetiā quod plerique citra numinis reuerentiā degentes circumtulistis tabernaculum meum, perinde estimo ac si scenam idolorū circumtulissetis. Proinde in captiuitatem deducam vos. In hoc autem testimonio regem & Deum illorū vocat idola, sicut & Isaias in 8. dicēs: Quum esurierit irascetur, & maledicet regi suo, & Deo suo. Alij putarūt Moloch idolum Ammonitarum intelligendum esse, de quo i. Paralip. 20. Hebræis enim vox est מלככם quam Aquila, authore Hieronymo, vertit מלככם. Significantius autem verterunt Symachus & Theodotio, Regis vestri. Lucas Hebraicam vocem reliquit, sicut & LXX. Item pro לִיִּי LXX. posuerunt לִיִּי, quam vocem & Latina nostra exemplaria reliquerunt. Habent enim, Et sydus Dei vestri Rempham. Aquila & Symachus Hebræa voce vsi sunt in sua interpretatione. Theodotio δὲ τοῦ θεοῦ, id est, ob scuritatē interpretatus est. Hebræorū quidā exponit pro pistorio opere, placent videlicet effigie Dei præferētibus, quas immolauerint, sicut apud Ieremiam in 7. בְּרִיִּיִם quidam stellam sabbati, hoc est, sydus Saturni, quod etiamnum sermone Persarum & Ismaelitarū dicatur בְּרִיִּיִם. Etymon vocabuli aduersionem significat, quod magis conuenit Marti quàm Saturno, si aliquem ex planetis significat. Alij Luciferum intelligunt. De vtroque Plin. in 2. cap. 8.

Locus Prophetæ tractatus.

Ierem. 7.

Tabernaculum testimoniū fuit patribus nostris in deserto, sicut ordinauerat illis, loquens ad Moysen, vt faceret illud secundum formam, quam viderat. Quod & induxerunt, qui successerunt, patres nostri, cum Iesu in possessionem gentium: quas expulit Deus à facie patrum nostrorum, vsq; ad dies Dauid, qui inuenit gratiam coram Deo, & petijt vt inueniret tabernaculum Deo Iacob.

Præoccupatio est. Ne enim illi dicerent: Quid verò in externum cultum ita debaccharis, nōne ipse Deus nobis in deserto & tabernaculum, & externum instituit sacerdotium? Respondet enim: Instituit quidem tabernaculum, sed tabernaculum testimoniū, & ad formam illius quod in monte viderat deformatum. Nam Dominus non in hoc instituerat, vt in ipso tota pietatis summa subsisteret, sed vt tabernaculum testimoniū esset, testimoniū inquam quod ipse futurus esset Deus illorum, ipsi vi-

cissim populus, si modo in fide & integritate coram ipso ambulant, Leuit. 26. 2. Cor. 6. Deinde verò cum ipsa scriptura palàm testetur Exod. 25. hoc visibile tabernaculū ad alterius tabernaculi formam fuisse deformatum in monte, quis tam stupidus vt non videat visibile tabernaculum non aliud esse quàm vmbra verorum bonorum, quæ in cœlis sunt, vbi Christus est, assidens ad dexteram Patris, & semper intercedēs pro nobis? De qua re copiosius ad Heb. 8. ibi enim exponitur hic locus. Rursus, Si summa pietatis in tabernaculo & externo cultu constituta erat, iā religio tabernaculi & institutū eius nequaquam fuerat mutandū. Constat autem mutatū esse. Nam Solomon neglecto tabernaculo, templum ædificauit. Proinde in externis non est sita constans ac certa pietas. Hoc ipsum admonet idem ille Paulus in Heb. cap. 7. Constat & illud ex illa expositione historica, quod verusti sancti patres omnes, Adam, Abel, Enoch, Noe, Abraham, Isaac, Iacob & Ioseph Deum absque tabernaculo coluerunt: item quod Moyses ipse, Aaron, Iosue, Iudices, sancti, denique ipse magnus Dei Propheta Samuel & inclytus Israelitarum rex Dauid Deo gratissimus, Deo placuerunt absq; templo. Nam Solomon primus ædificauit templum. Ex quibus omnibus iam liquebat templi religionem multo esse recentiorem, quàm illi stolidi ceremonialistæ videri volebant.

Solomon autem ædificauit illi domum: sed excelsissimus ille, non in manufactis templis habitat, sicut Propheta dicit: Cœlum mihi sedes est, terra autem scabellum pedum meorum. Quam domum ædificabitis mihi, dicit Dominus: aut quis locus requietionis meæ est? Nōne manus mea fecit hæc omnia?

Templum.

Iam & illud ostendit, ne templum quidem ipsum hoc esse quod illi contendebant. Quin ab ipso Solomone non in aliud erat institutum, quàm vt esset domus orationis, quod planissimis verbis expressum est 3. Reg. 8. At illi summam pietatis in religione templi cōsistere docebant, clamantes, Templum Domini, templum Domini. Eum ergo errorem hic refellit Martyr, euidentissimo Isaïæ testimonio, ex 66. cap. mutuato. Tractat autem eo loci hoc ipsum Isaïas quod Ieremias in 7. Docet enim vterq; Deum non morari templū, hostias, & externa: quin potius contemptis ijs, requirere pietatem, immutationem vitæ. Verba Isaïæ multo clarissima sic habent, Hæc dicit Dominus: Cœlū sedes mea, terra autem scabellum pedum meorum. Vbi statit igitur domus illa quam ædificabitis mihi, & vbi est locus ille in quo quiescere possim? Quum hæc omnia fecerit manus mea, & inter ea quæ facta sunt computetur, ait Dominus. Ad quem autem respiciam? Ad eum qui est humili & fracto spiritu, quiq; contrepiscit ad sermonem meum. Porro qui bouem immolat, quasi qui hominem occidat. Qui mactat pecus, quasi qui canem iugulet. Qui munus offert, quasi suillum sanguinem offerat. Qui autem thuris recordatur, perinde facit ac si scelera collaudet. Hæc omnia isti elegerunt, & anima eorum his vijs & abominationibus delectata est. His iam adde Ieremiæ verba è 7. ca. super quæ D. Hieronymus, Præcepit autem (inquit) & tunc populo Iudæorum, & hodie nobis, qui videmur in Ecclesia constituti, ne fidutiam habeamus in ædificiorum splendore, auratisque laquearibus & vestitis parietibus marmorum crustis, & dicamus: Templum Domini, templum Domini, templum Domini est. Illud enim templum Domini est, in quo habitat vera fides, sancta conuersatio, omniumq; virtutum chorus. Hæc Hieronymus, qui paulo post, Quid enim (ait) prodest audacter ingredi limen domus Dei, erecta stare ceruice, & non solum cor, sed & manus habere pollutos furto, homicidio, adulterio, periuurio, sacrilegio, & cultu deorum quos nescias? &c. Errat ergo turpissimè qui tantas expensas in templorum structuras effundunt, & ex pauperum cruore sudoreq; luxum augent Ecclesiarum, arbitantes se gratificare Deo, cum ipsum magis prouocent ad iram. Non autem damnamus verum & frugalem templorum vsum, sanè accommodatissimum prædicationi verbi Dei, orationibus & Sacramentorum dispensationi: sed Iudaicas templorum superstitiones, imò & gentilitias, qua & ornatui fidere cœpimus, & lapides & ligna ornauimus, non modò improbamus, sed execramur etiam. Consultatur Lactant. Institut. lib. 2. cap. 7. & 27. huius libri caput, in quo plura fortassis de templorum religione dicemus. Ex his aut quæ hætenus proposita sunt, didicimus plurimā per exempla cum piorū, tum impiorum, auitam & veram religionem non in externis, siue templorum cultu, siue ararum extructione, siue oblationibus alijsq; id genus nugis, sed in pectore, in fide & sanctimonia vitæ consistere. Ita enim coluere Dominum sancti omnes quotquot ante legem & in lege vixerunt. Nam quod pauculas quasdam attinebat Ceremonias à Mose traditas, ipsæ quidem ad præscriptum tempus, & vt vmbra essent futurorum bonorum, erant traditæ. Vnde iam constat istos ijs esse abusus sceleratissimè, qui ceremonijs fisci, clamarunt, Templum Domini, templum Domini, interim verò fidem & animi pietatem ipsas inquam res neglexerunt, vmbra coluerunt. Atq; hic iam locus & occasio erat vela colligendi, & inuehendi in impios. Sequitur ergo:

Duri

Duri ceruice, & incircuncisi corde & auribus, vos semper Spiritui sancto resistitis: sicut patres vestri, ita & vos. Quem Prophetarum non sunt persequuti patres vestri? Et occiderunt eos, qui prænuntiabant de aduentu iusti illius, cuius vos nunc proditores & occisores fuistis: qui accepistis legem per dispositiones angelorum, nec seruastis.

Quasi dicat, Sed quid hæc frustra infidelibus ingero? videtis in quibus rebus vera consistat pietas, sed videre non vultis. Viderunt olim hoc ipsum & patres vestri (de impijs autem hoc & stultis ceremonias intelligit per Synecdocham) sed veritati & sanctis Prophetis restiterunt. Hoc ipsum faciatis & vos. Venit enim filius Dei, annuntiavit vobis veritatem, iustitiam & pietatem eo prorsus modo, quo futurum prædixerant Prophetæ, at hunc ferre non potuistis, sed gentibus traditum crudeliter trucidastis. Nunc verò legem, Deum & templum iactatis, cum tamen templi religio vos non sit ereptura ex malis impendentibus. Deum enim contemnitis, & legem eius prorsus conculcatis. Nam perfectionem legis, ipsum Christum Dominum, indies persequimini & blasphematis. Sic autem reuertitur in eos accusationis capita, ad quæ hætenus satis doctè, piè, verè & cordate respondit. Hinc autem conijce, annon absoluta sit oratio. Pulchrè enim finis redijt ad principium, caput ad circulum. Quod autè paulò videatur obscurior, breuitas scriptoris in causa fuit, cui satis erat summa quæq; annotasse responsionis vestigia, quæ si quis ardentius sequeretur, & diligētius scrutaretur, citra negotiū totum orationis inueniret contextum. Illud autem in primis venustum & euident est, quod conceptis & ex scriptura petitis cōiunctis in impios vltima hac Catastrophe inuehitur. Duri ceruices enim & incircuncisos corde & auribus per oppositionem eius loci dixit, qui Deute. 10. sic legitur: Circumcidite præputium cordis vestri, & ceruicem vestram ne induretis amplius. Vt nunc Stephanus aliud nihil dixerit quàm hoc, Gloriamini vos circuncisos esse: iactatis præterea legem Dei, cuius auditores sitis, ad vos enim missos esse Prophetas, sed si mores vitæ vestræ expendantur, reuera incircuncisi estis, & omnino tales, quales pinxit Isaïas 6. Auribus audietis, & non intelligetis, &c. Christus item Matthæi 23. dicens: Vt vobis Scribæ & Pharisei, quia ædificatis sepulchra Prophetarum, &c. Porro Christum Iesum propterea vocat Iustum, quod ipse sit iustitia nostra. Ieremiæ 13. & 1. Cor. 1. Et verbū resistendi (ἀντιστήτης) miram habet elegantiam: Nondū enim institutis sacrificijs sua spōte sacrificabant. Institutis autem sacrificijs secus agebant quàm instituta erant. Iam verò cum morte Christi antiquata essent, illi mordicus sacrificare pergebant. Tales videas vel hodie multorum impiorum animos esse, vt qui olim p̄fessos (quos vocant) confessionem articularem cane peius & angue oderint, Nullas quoq; vota, monachos, indulgentias, atq; totum Romanæ imposturæ forum, contempserint iam ista omnia reuocare, tueri, & proprio (vt aiūt) sanguine asserere velle. Sed verū hic quoque asserere oportuit, quod prouerbio dicitur, Similes habēt labra lactucas. Obserua item amice Lector dicendi libertatem, & seuerius etiam accusandi scelera auctoritatem omnibus viris Ecclesiasticis hoc Stephani exemplo suppeditatam esse. Nam malo nodo malus quærendus est cuneus. Habet tamen obiurgatio Ecclesiastica suam modestiam, & plus grauitatis quàm scurrilitatis aut maledicentiae.

Audientes autem hæc, dissecabantur cordibus suis, & stridebant dentibus suis in eum.

Eiusd. hoc est, effigies & simulachrum proponitur hominum impiorum veritateq; irritatorum. Nam quò fidelius proponitur veritas, hoc impudentius excandescunt impij.

Quum autem esset plenus Spiritu sancto, intentis in cælum oculis, vidit gloriam Dei, & Iesum stantem à dextris Dei. Et ait: Ecce video cælos apertos, & filium hominis stantem à dextris Dei.

Rectè dixit Ioannes Apostolus, fortiorem esse qui est in sanctis, quàm qui in mundo. Non enim terruerunt plenum Spiritu sancto hominem minæ & insipientium sannæ. In primis autem peculiaris raraque consolatio contingit martyri plus nimio in pericula coniecto. Siquidem cælesti visione roboratur. Nam cum in media morte & irruentium turba omnem spem in Deum viuum collocaret, & oculos animi in eum intenderet, è quo omnis salus nostra manat, protinus diducit se cælum, ibiq; maiestas diuinæ gloriæ ipseq; Dei filius, cui iam ferebat testimonium, martyri apparet. Nam etiam si ista corporaliter gesta videri poterant, ipse tamen fidei sensus flagitat, quod talis omnino fuerit visio, qualem Dominus Isaïæ exhibuit, Isa. 6. Sed & ipse locus in quo agebantur causæ, nimirum obseptus & conclusus vndiq; deniq; ipsa fidei virtus, & quod hic nulla est necessitas videndi corpus

Perfidia.

Perversi mores impiorum.

Visio Stephanum roborat.

Christus stat ad dexteram. Domini corporaliter, suadent hanc non esse rem gestam, sed visionem (vt aiunt) mentalē. *Quoniam* non magnopere super hac contenderim. Quod autem videt, hoc præpropere nuntiat. Ecce (inquit) video cælos apertos, & filium hominis stantem à dextris Dei. Quo dicto & iudicium coarguit iniuriam, & omnes eos consolatur, qui vel in fide decedunt, vel veritatis nomine patiuntur. Hi enim omnes audiunt cælorum regiam esse apertam, regnare in ea Dominum Iesum, & ita quoque vt nostri meminerit familiariter. Huc enim pertinet quod dicit eum stare à dextris, quem aliàs scriptura refert sedere. Sedendi enim habitus regnantium est: at standi ad occurrendum & auxilia ferenda ac cinctorum. D. Hieronymus in Epistola (si modo titulus non fallit) qua de ijs differit, quæ Deo in scripturis tribuuntur, Deus (inquit) stare dicitur, cum nos infirmos, id est, suam creaturam ad pœnitentiam ac conuersionem patienter sustinet. Poterat ergo Stephanus videri sic loquutus coram Iudæis, non tam quod Christo ferret testimonium, ipsumque sentiret auxiliatorem fore, quàm quod testaretur Deum paratum esse ad dandam misericordiam ijs qui pœnitentia compuncti ad se conuerterentur.

Exclamantes autem voce magna continuerunt aures suas, & impetum fecerunt vnanimiter in eum.

Impij obturant aures. Impij clamoribus res suas agunt, ad arma protinus prosiliunt. De ijs in hunc modum scripsit Propheta Psalm. 57. Impij in corde concinnant nequitiam, & in terra manus ipsorum ad rapinam extendunt. Alienantur ab vtero, errant à ventre, loquentes mendacium. Furor eorum par est anguium furori, & sicut aspis surda obturant aures suas, quæ non audit vocem incantatorum, quantumcunque doctè incantent.

Et eiecit eum ex ciuitate, lapidabant, ac testes deposuerunt vestimenta ad pedes adolescentis, qui vocabatur Saulus.

Mos lapidandi. Hoc fit ex more gentis Iudaicæ. Lapidandos enim ex vrbe exturbabant, at vbi ad supplicij locum peruentum esset, testes vt ad cædem essent paratiores, exuebantur vestibus, deinde primi primos iaciebant lapides. Sic enim scriptum est Leuit. 24. Educ blasphemum extra castra, & ponant omnes qui audierunt manus super caput eius, & lapidet eum populus vniuersus. Porro mentio Pauli non citra maximam vtilitatem inseritur. Docetur enim pœnitentia, & Dei inenarrabilis misericordia. De quibus paulò post.

Et lapidabant Stephanum inuocantem ac dicentem: Domine Iesu suscipe spiritum meum. Positis autem genibus, clamauit voce magna; Domine, ne statuas illis peccatum hoc.

Constantia Stephani. Hysteronproteron vel Epanaphora est. Redit enim ad id quod iam dixerat Stephanum fuisse lapidatum, & amplissimis verbis modum lapidationis, & quomodo se martyr Dei in periculo mortis gesserit exponit. Principio neq; iurgatur, neque maledicit, sed summa modestia Deum inuocat, huic vnanimam commendat. Deinde in gentia prouolutus orat pro inimicis suis, ne infanientibus hanc cædem imputet. Quibus admodum expressit Domini nostri exemplum. Hic enim in crucem adactus clamat: Pater, remitte illis, quia nesciunt quid faciunt. Deinde, In manus tuas commendo spiritum meum. Discamus ergo magna animi constantia & patientia mortem semel in nos grassaturum infracto perferre animo. Qui in Christum credit, de morte transit ad vitam. Discamus vitam & animam nostram in manus commendare Domini Iesu, qui mortem fregit, vita & resurrectio est omnium sibi fidentium, & se in extrema necessitate inuocantium. Stulti sunt qui Diuos inuocant. Neq; Stephanus vel Zachariam vel Naboth ante se lapidatos inuocabat, sed tantummodo sanctum Domini nomen Iesu.

Et cum hoc dixisset, obdormiuit.

Dormit iuxta idioma scripturarum, qui mortuus est spe resurrectionis futuræ. Omnis enim qui dormit, expergiscitur. Et qui in fide mortuus est, in fide saluatur olim suscitandus. Hoc ipsum testatur & Didymus Alexand. apud Hieronymum ad Minerium & Alexandrum. Hastenus autem de Stephano virtutis perfectissimo exemplari, qui tamen si misero & indigno mortis genere interierit, tamen perpetuo viuit, & gloria eius nequaquam interibit.

Saulus autem consenserat in necem eius.

Saulus & illi. illorum vnus erat quos apprime affecerat, & quibus admodum placuerat supplicium viri. Hæc autem adiiciuntur ceu præparamenta ad consequentem Pauli historiam.

CAPVT VIII.

FActa est autem in illo die persecutio magna aduersus Ecclesiam, quæ erat Hierosolymis, & omnes dispersi sunt per regiones Iudeæ & Samariæ, præter Apostolos.



QVVM semel exarsit populi furor, raro vno aliquo malo sedatur. Iudæi ergo nihil saturati effuso martyris innocenti sanguine, quin latius grassantur. Solet enim impietas crudelitasque, veluti gradibus quibusdam, subinde seipsa animosior, ad summa cōicendere. Videas itaque hoc in loco completum esse quod in Euangelio futurum prædixerat Dominus Ioan. 16. Fuga autem, quam Dominus apud Matth. in 10. permiserat, consulunt sibi multi. Soli Apostoli propterea non cedunt, quod prius oportebat in hac Hierosolymorum vrbe ad miraculum & ad superstitionem vsque prædicari Euangelium, vt ex hoc & misericordia & iustitia Dei toti orbi innotesceret. Misericordia quidem quod Deus supra modum longanimis, miseram plebem satis tempestiuè satisque diligenter vocarit ad poenitentiam. Iustitia verò, quod frustra non punierit immerentes, sed pessima quæque, commeritos, pessimè, & summa cum æquitate perdidit. Hac inquam causa noluit nunc quidem Apostolos excedere, reliquos autē omnes (quod non crediderim carere Synecdocha) dispergi voluit, sed non citra egregiam veritatis ac religionis frugem.

Curauerunt autem vnà Stephanum viri religiosi, feceruntque planctum magnum super eum.

Nemo sanæ mentis damnauerit moderatam & iustam mortuorum curam. Quis enim probat? *iusta mortuis* rit Scythicæ gentis morem, quæ nullas impendit corporibus honores? Humanitatis est cum honore *perfoluere.* corpus demortui sepelire. At superstitionis sacra instituere. Proinde modum adesse volumus, & ne quid superstitiosè fiat, aut fidei contrarium. Quis enim istuc probauerit? Siquidem & Paulus ad Thessalon. Nolo autem (inquit) vos ignorare fratres de his qui obdormierunt, ne doleatis, quemadmodum & cæteri qui spem non habent, &c. & D. Cecilius Cyprianus sermone de Mortal. 4. Nobis quoque, (ait) quoties reuelatum est, quàm frequenter atque manifestè de Dei dignatione præceptum est, vt contestarer assidue & publice prædicarem, fratres nostros non esse lugendos accensione Dominica de seculo liberatos, quum sciam non eos amitti, sed præmitti, recedentes præcedere, vt proficiscentes ac nauigantes desiderari eos debere, non plangi. Nec accipiendas esse hic atras vestes, quando illi ibi indumenta alba iam sumpserint. Occasionem non dandam esse gentibus, vt nos merito ac iure reprehendant, quod quos viuere apud Deum dicimus, vt extinctos & perditos lugeamus, & fidem quam sermonè & voce depromimus, cordis & pectoris testimonio reprobemus. Spei nostræ ac fidei præuaricatores sumus. Simulata, fucata, ficta videntur esse quæ dicimus. Nihil prodest verbis proferre virtutem, & factis destruere veritatem. Hæc Cyprianus. Proinde in hunc locum D. Ioannes Chrysostomus. Nondum illi (inquit) qui plangebant, erant perfecti. Rectius tamen D. Hieronymus super obitu Blefillæ ad Paulam, Planctus ille in Actis (inquit) super Stephano habitus, non in plangentium exanimatione, sed in pompa funeris & exequiarum frequentia intelligendus est. Iam & in Ieremia videmus plerosque funerandi ac exequiarum ritus pertinuisse magis ad viuorum consolationem, quàm ad mortuorum salutem. Dolēbat ergo non immerito plerisque, quod tantum in religione propugnatorem amisissent. Frequentes ergo aderant fideles, & sanctum Dei martyrem nõ transferebant, aut (vt dicunt) canonizabant, sed sepeliebant. Iam ergo frequentem illam turbam plebis, planctum dixit per Metalepsim aut Catachresim. Apparet autem hæc exequias ante profectionem & fugam illam fuisse exequutas. Commiscet enim historiam nonnihil hoc loco Lucas. Aut certè hinc claret non omnes aufugisse, proinde per Tropum esse exponendum, quod dixit omnes esse dispersos præter Apostolos.

Saulus verò deuastabat Ecclesiam, per singulas domos intrās, trahensque viros ac mulieres, tradebat in custodiam.

Iam redit ad hoc quod dixerat, factam esse persecutionem magnam, & adumbrata Pauli tyrannide modum ac rationem, imò simulachrum afflictionis, ceu hypotyposi statuit ob oculos. Saulus *Pauli tyrannide* (inquit) antesignanus erat huius persecutionis. Nam is non modo in deprehensos grassabatur, sed & in ædes illorum irruebat, qui huius religionis essent insimulati. Id quod de sese exponit Paulus, dum causam suam ageret coram rege Agrippa, dicens: Et multos sanctorum ego carceribus inclusi, & dum occiderentur detuli sententiam. Quæ cum luce sint clariora, sanè mirandum est quid I. yra-

num & nonnullos alios adegerit, ut apologiam pro Paulo scribere tentarint, quasi Paulus ceperit quidem plurimos, neminem autem occiderit. Quasi verò obscurum sit quod mox in 9. sequetur: Saulus autem adhuc spirans minas & eadem aduersus discipulos Domini. Ergo qui Dauidem homicidam non reiecit, idem Apostolum Paulum reuocare potuit, ut eum toti orbi exhiberet Euangelicæ gratiæ & exemplar & præconem, 1. Timoth. 1.

Illi igitur dispersi peragrabant, annuntiantes sermonem Dei.

Vide quàm facere fallat Dominus impiorum consilia. Impij in hoc instituerat persequutionem, ut veritatem opprimerent Euangelicam, sed ea ipsa persequutio cedit in maximam Euangelij frugem. Prius enim in paucis certisque urbibus prædicabatur Euangelium, nunc verò quàm latissimè propagatum in multis gloriosum coruscat & urbibus & regionibus. Ad hunc modum videmus subinde amarioribus dulciora misceri à Domino, ne sancti se desertos esse suspicari possint. Nondum autem prædicabatur Gentibus Euangelium. Id quod in 11. cap. clarius explicabitur.

Philippus autem peruenit in ciuitatem Samariæ, ac prædicabat illis Christum.

Philippus diaconus.

Quemadmodum hucusque Stephani historiam peculiariter descripsit, paucis quibusdam de comuni Ecclesiæ statu interiectis: ita nunc quoque pauculis de Petro & Ioanne insertis, Philippi duntaxat gesta ad 9. vsque caput describet. Video autem à multis dubitatum esse, Philippum ne hic Apostolus vnus è numero duodenario, an diaconus fuerit è numero septenario ab Ecclesia electorum. Et Polycrates quidem & Clemens apud Eusebium Ecclesiast. hist. lib. 3. cap. 31. videntur hæc de Apostolo intelligere. Nisi fortassis Apostoli nomen (quod vero similis est) non redegerint in numerum duodenarium. Nam ex consequentibus, & ex 21. cap. clarissimè patebit hunc non fuisse Apostolum è numero duodecim, sed diaconum, qui tamen assumpto Apostolatus munere, & deserta diaconatus functione Apostolus dici cœpit. Atque huius nobiscum sententiæ est D. Hieronymus in dialogo aduersus Luciferianos. Obseruandum autem est, quòd Apostoli ac ministri Christi aliud nihil prædicant quàm CHRISTVM & SERMONEM DEI. Deinde quòd etià Samariæ prædicant, quòd ipse iusserat in discessu suo vltimo, ut liquet Acto. 1.

Intendebant autem turbæ his, quæ à Philippo dicebantur, vnanimiter audientes & videntes signa quæ adibat. Spiritus enim immundi è multis qui ab illis tenebantur, exibant, clamantes voce magna. Multi autem paralytici & claudi sanati sunt. Et factum est gaudium magnum in illa ciuitate.

Miracula.

Hoc ipsum est quod scribitur Marci 16. Illi autem egressi, prædicauerunt ubique, Domino cooperante & sermonem confirmante per signa subsequencia. Non autem faciunt fidem miracula, id quod supra quoque annotauimus. Alias enim credidissent impij quoque Iudæi: sed adhibentur à Domino ut curiosæ carni non nihil respondeant & veritatis verbo viam sternant. Denique ad verbum veritatis clamant demones, contrà verò gaudent & lætantur fideles. Nam Euangelio expellitur expugnaturque huius seculi princeps: peccatores autem spem recipiunt, itaque gaudent. De morborum generibus scripsere Medici, de paralyti verò Cælius Lest. antiq. lib. 3. cap. 22.

Vir autem quidam nomine Simon, qui ante in ea ciuitate artem exercuerat magicam, ac gentem dementauerat Samariæ, dicens se esse quempiam magnum, cui auscultabant illi à minimo vsque ad maximum, dicentes: Iste est virtus Dei, quæ vocatur magna. Auscultabant autem ei, propterea, quòd multo tempore magicis artibus dementasset eos. Cum verò credidissent Philippo Euangelizanti de regno Dei, de quo nomine Iesu Christi, baptizabantur viri simul ac mulieres. Tunc Simon & ipse credidit, & cum baptizatus esset, adhærebat Philippo. Vidensque signa & virtutes fieri, stupens admirabatur.

Aduersaria potestas adeo non frangit veritatem, ut eam magis consolidet. Proinde veritas rarissimè est sine aduersaria virtute. Id quod vel in hoc Simone mago viro Iudæo & impostore egregio apparet, qui virtute Dei victus ipse magiam suam & aspernari & ad tempus deferere cogitur. Faciebat hoc plurimum ad authoritatem Apostolicam cõfirmandam. Potuissent enim homines suspicari quòd & ipsi magicis prestigijs luderent alicubi aut demonum arte instructi id facerent quod faciebat, quæ su-

quæ suspicio Simonis fide penitus sublata est. Nam ambiens virtutem Apostolicam, suam prodidit stultitiam. Exigit autem hic locus paucula quædam annotare ex scriptoribus de magia, ut aliquot scripturæ loci ex hisce illustrentur. Est ergo communis opinio Magiæ & Magum voces esse Persicas, & Magum significare eorum lingua idem quod sacerdotem, philosophum, diuinorumque interpretem & cultorem, Magiam vero omnem philosophiam physicam & mathematicam, sed & religionum vires complecti. Atque in hac sententia fuere Porphyrius, Apuleius, Cælius atque Sabellicus. Idem illi deprehenderunt Magiæ huius species esse duas. Alteram quidem non aliud quam naturalis philosophiæ apicem. Alteram vero infamem ac immundorum spirituum commertijs inauspicatam: quam & non magnopere Magiam sed Goetiam appellarint Græci, incantationibus & carminibus nefariæ (ut ait Cælius) curiositatis arte compositis concinnatam, quam honestiore vocabulo etiam Theurgiam nuncuparint. Illius porro studiosi vulgo vocantur Malefici: horum enim proprie est Goetia, cuius libros improbatæ lectionis appellat iureconsultus Ulpianus, quos & protinus statuit esse comburendos. Alij forsan expeditius bifariam diuiserunt Magiam, in naturalem videlicet & ceremoniam. Naturalem nihil aliud esse putarunt, quam quod supra diximus, totius philosophiæ apicem, quæ naturalium virtutum adminiculo, astrorum, herbarum, gemmarumque, ex mutua earum & opportuna applicatione, opera ædit supra omnem admirationis captum. Et hæc Indi ac Æthiopes maxime vsi traduntur, utpote apud quos herbarum, lapidum, astrologiæ studium, cæterorumque ad id spectantium facultas suppetebat. Cuius quidem generis Magos videtur fuisse eos, qui Christum natum muneribus inuisentes adorauerunt. Siquidem & Euangeliorum interpretes illos exponunt Chaldæorum fuisse philosophos: quales omnino fuere Iarchas apud Brachmanas, Telsion apud Gymnosophistas, Numa Pompilius apud Romanos, & Hermes apud Ægyptios. In hac imbuantur Persarum regum filij. De qua re copiosiora inuenies apud Antonium Sabellicum Enneade 2. lib. 2. Sub naturalem retulerunt & Magiam mathematicam, qua miracula quædam præter naturam fiunt. Qualis fuit Architzæ Tarentini columba lignea, quæ volabat, ut extat apud Plinium & Plutarchum. In ea præmodum excelluit maximi ingenij vir Boetius, de quo Aur. Cassiodorus, Tibi (inquit) ardua cognoscere & miracula monstrare propositum est. Tuzæ artis ingenio metalla mugiunt. Diomedes in ære grauius buccinatur, æneus anguis insibilat, &c. Sub eandem retulere & magiam veneficam, quam alij vocarunt *φάρμακείαν*, quæ poculis, philtreis, varijsque veneficiorum medicamentis constat: cui & metamorphosin Cires artem ascribunt. Huius meminit etiam Augustinus in libris de Ciuitate Dei. Eiusdem quoque generis videtur Ægyptiorum fuisse incantatio, qua baculos vertebant in colubros. At hac quidem parte plurimum inclinatur ad Goetiam. Ceremonialis enim magiæ species sunt Goetia & Theurgia. Goetia autem constat (ut supra diximus) immundorum spirituum familiaritate & auxilio. Huius ministros non modo Maleficos, sed & Necromanticos appellamus. Nam defunctorum inelamant consuluntque animas. Huc pertinent Epodi, qui excantant pueros & in eloquium oraculi eliciunt, & qui dæmones parædros, quos famulantes spiritus vocant, iactitant: quique, ut dicitur, spiritus pascunt in vitro, per quos se prophetare mentiuntur. Et hi omnes bifariam procedunt. Nam alij dæmones malos virtute quadam maxime diuinorum nominum adiuratos aduocare & cogere student. Alij autem omnium nephandissimi se dæmonibus submittent, illis sacrificant, eosque adorant. Ex hac hominum fece profluxerunt nobis characterum & prodigiorum nominum genera, ad quæ mali dæmones sponte comparent, nimirum ut astu suo decipiant, ut adorentur ac venerentur. Iam vero Theurgia maximam ceremoniarum partem continet, & consistit in munditia cum animi tum corporis seruanda, item eorum quæ circum corpus sunt, ut in cute, in uestibus, in habitaculis, in vasis, instrumentis, hostijs & id genus superstitionibus. Dæmon etenim ad decipiendum callidissimus, imposturas suas specie sanctitatis ceu nassa inuoluit, ut imprudentiores capiantur facilius. Neque vero & minima portio huius maledictæ artis est præstigiorum artificium, hoc est illusionum, quæ secundum apparentiam tantum fiunt, quibus Magi phantasmata ædunt, multaque miracula circulatorijs fraudibus ludunt, & somnia immittunt, quod non tam Goeticis incantamentis quam etiam certis fumigiorum vaporibus, luminibus, collirijs, aligationibus & suspensionibus, præterea & annulis, speculis, & alijs id genus magicæ instrumentis fit. Hæc autem omnia ex varijs rerum scriptoribus maxime vero Cornelio Agrippa in vsu studiorum collegimus. Ex quibus omnibus patet non aliud esse Magiam potissimum ceremoniam, quæ complexum idololatriæ, astrologiæ, perfidiæ & superstitionis nephandæ, è qua nobis maximæ & pleræque in Ecclesia Christi blasphemiæ atque hæreses exorta sunt, quemadmodum de hoc ipso Simone Mago in Ecclesiast. hist. exposuit Eusebius, & de Valentinianis sanctus Dei martyr Irenæus. Certe Simon in hac infami magia illustris fuisse videtur, cuius subsidio & miracula patravit, & morbos induxerit corporibus, deinde vero eosdem iterum expulerit. Hoc enim permittit Deus propter infide-

De Magia.

Naturalis Magia.

Ceremonialis Magia.

Magia Theurgica.

Simon Magus.

2. Theff. 1.

Deut. 13.

Aduersus Ma-
giam.

Credulitas.

Aduersus Ca-
tabaptistas.

Auxilia.

Accipere Spi-
ritum sanctū.

litis nostræ crimen scelestissimum. Quin & ipse Paulus de Antichristi prodigijs mentionem faciens, Cuius (inquit) aduentus est secundum operationem satanæ, cum omnipotentia, & signis, & prodigijs mendacibus, & cum omni deceptione inuoluitur, in ijs qui percutiunt, pro eo quod dilectionem veritatis non receperunt in hoc ut salui fierent: & propterea mittet illis Deus efficacem illusionem, ut credant mendacio, qui veritatem repulerunt. Huc pertinet & illud de lege Domini petendum, Si surrexerit in medio tui Prophetes, & dederit tibi signum atque portentum, & euenerit quod loquutus est, dixerit autem, Seruiamus dijs alienis, non audies verbum eius, quia tentat vos Dominus Deus vester, ut palam fiat vtrum toto corde ipsum diligatis. Constat ergo impostores aliquid posse. Nam & Strabo celeberrimus author libro 8. de situ orbis tradit Epidaurij celebre Æsculapij fuisse templum, quod non alia causa peteretur, quam quod tot morbi in eo curarentur. Mira quoque de Apollonio Tyaneo refert Philostratus, & multo mirabilia de varijs miraculis Lactantius Institut. lib. 2. cap. 8. Minus ergo mirandum quod hic in Luca legimus de Simone mago. Nobis autem hoc spectandum est, quod ipse Lucas artes illius nihil aliud ait esse, quam dementiam, imò quod ipse præstigiator Simon arte sua reiecta, virtutem Philippi adeo admiratus est, ut eam auro etiam, si licuisset, comparasset. Proinde reiectis contemptisq; præstigijs illis, audiamus quid præceperit Dominus, dicens. Ne sit inter vos qui ariolos sciscitentur, & obseruet somnia atque auguria, nec sit maleficus, nec incantator, neque qui pythones consulat, nec diuinos, & qui quærat à mortuis. Omnia enim hæc abominatur Dominus, & propter istiusmodi scelera Dominus Deus tuus deleuit Gentes in introitu tuo. Perfectus eris cum Domino Deo tuo. Gentes istæ quarum possidebis terram, augures & diuinos audiunt, tu autem à Domino Deo tuo aliter institutus es. Et alibi, Vir siue mulier in quibus pythonicus, vel diuinationis fuerit spiritus, morte moriantur. Illud porro nimis verum est, quod audimus promiscuum vulgus ad præstigias orandas semper fuisse propensissimum. Quod enim aliud est quod dicit, Auscultabant illi à minimo ad maximum? Videas & hodie multos pro magnis haberi à superstitione credula plebe, qui certe profligatissimi nebulones sunt, & multis digni erant supplicijs. Quod autem scribitur Simonem credidisse, ex communi more loquendi scribitur. Siquidem eos etiam credere dicimus, qui licet verè non credant, attamen se credere simulant. Miror autem quid ad hunc locum respondere possint Catabaptistæ, qui infantibus hoc potissimum nomine baptismum denegant, quod præ rationis infirmitate nondum credant. Nam & Simon non credidit & tamen baptizatus est. Porro si contendunt confessionem oris valere aliquid, quid aliud, quam non credentes baptizandos esse contendunt? Confitentur enim & hypocritæ. Nulla certe erit posthac inter infantium & hypocritarum baptismum differentia. Nam quo iure illi hypocritas baptizant, hoc nos infantes baptizamus: imò longe meliore. Si enim in baptismo spectanda est animi integritas siue sinceritas, quæ fidei summa virtus est, iam certiores sumus de infantium sanctimoniam, quam illi de adultorum confessione. Proinde si non peccauit Philippus baptizando Simonem, ne nos quidem peccauerimus, infantes lustrando aqua sancti baptismatis.

Cum autem audissent Apostoli qui erant Hierosolymis, quod recepisset Samaria sermonem Dei, miserunt ad eos Petrum ac Ioannem;

Mittuntur Apostoli primarij, ut Philippo laboranti ferant suppetias. Quis enim vnus possit omnia? Auxilia igitur in omnibus rebus in primis sunt necessaria. Ita audietur Paulum Apostolum à Barnaba Antiochiam esse vocatum deductumq;. Mittuntur autem ut adiutores, non ut Domini. Par enim potestas omnibus data est. Donorum augmenta alium alio præcellentiore efficiunt. Nul libi vero inuenias Petrum misisse quenquam, at missum ab alijs hoc loco demonstratur. Hic item impleri vides quod dixit Dominus, fore ut & Samariæ prædicetur Euangelium, Act. 1.

qui cum descendissent, orauerunt pro ipsis, ut acciperent Spiritum sanctum. Nondum enim in quenquam illorum illapsus fuerat, sed baptizati tantum erant in nomine Christi Iesu. Tunc imponebant manus super illos, accipiebantq; Spiritum sanctum.

Si ergo Spiritum sanctum nondum acceperant, quomodo credere potuerant? An vero quisquæ vere Deo fidere poterit absque Sancti spiritus illustratione? Aut cui videatur verisimile ante Apostolorum aduentum neminem prorsus in tota Samaria credidisse? Hic non nescio quam hic locus multos torserit, & aniam multis præbuerit asserendi Philippo propterea non tantam fuisse virtutem quantam Apostolis, quod esset diaconus. Verum egq; crediderim totam difficultatis causam tegi orationis amphibologia. Nam Accipere Spiritum sanctum non eodem semper modo in scripturis vsur-

patu

patur. Nam Spiritum sanctum accipiunt aliquoties qui docentur: ita accipere Spiritum sanctum significat doceri. Aliquoties accipiunt Spiritum sanctum, quorum corda sensu celestium bonorum tanguntur: ita accipere Spiritum sanctum, est credere. Aliquoties accipiunt Spiritum sanctum, quorum mentes confirmantur pacanturque: ita accipere Spiritum sanctum, significat tranquilla esse conscientia, ut in Galat. 3. Scire cupio an ex operibus legis spiritum acceperitis, an ex prædicatione fidei? Rursus accipiunt Spiritum sanctum, qui dona linguarum, sanationum ac virtutum suscipiunt: ita hoc loco accipere Spiritum sanctum non significat iam primum credere, aut conscientiam assequi tranquillam, aut erudiri, sed augeri spiritum, & dono linguarum præcellere & virtutes facere. Id autem sic habere principio ex temporis liquet circumstantia. Inter initia adhuc erat, nec diu dõquerat Philippus, alioqui non expers huius virtutis, sed præcesserat Apostolos (& ipse Apostolus, nec iam amplius diaconus) & candidatos nihil adhuc quam initiarat. Hoc enim pollet quod dicit, Baptizati tantum erant sub nomine Christi Iesu. Vnde nos quoque colligere possumus, baptismum non esse aliud, quam initiationem populi Dei, qui tempore in fide & donis Dei grandescit. Non enim perfectorum duntaxat est hoc signum, ut Catabaptistæ contra huius loci genuinum asserunt sensum, sed eorum quoque qui huius religionis alumni sunt futuri. Deinde peculiarem quoque vim habet hæc loquutio, *ἡ ἐπιτιμία*, Erat elapsus siue delapsus. Nam hoc magis innuit exteriorem (qualem in 2. cap. audiimus, & in 10. audiemus) donorum dispensationem, quam animorum immutationem. Alias enim Simon homo prophanus, & omnis interioris expers virtutis, nisi sensu externorum donorum allectus esset, hæudquaquam tanto animi ardore ac pretio summo spiritum licitasset. Crediderunt ergo Samaritæ prædicationi Philippi, adeoque & per Spiritum sanctum crediderunt, quem acceperant, sed secundum mensuram. Non enim in initio aliter fieri potuit. At cum iam descendissent Apostoli, & pietas multorum iam indies confirmaretur, augereturque, orarunt pro eis Apostoli, & manus imposuerunt credentibus, tum vero Spiritum sanctum accepere abundantius, adeo ut & linguarum miraculo & alijs pollerent virtutibus, in quibus tamen hætenus nemo illorum post Philippum quicquam præstiterat. Hicce astipulatur Diuus Ioannes Chrysostomus, dicens: Spiritum remissionis acceperant, spiritum autem signorum non acceperant. Nam non est idem assequi redemptionem & illam virtutem. Atque hic videtur omnium simplicissimus esse sensus. Nam ea quæ hic à nonnullis disputantur de discrimine episcopi & diaconi, non in loco dicuntur. Nam Philippus hic iam non erat diaconus, sed Apostolus: olim Hierosolymis fuerat diaconus, dum præfectus ærario Ecclesiastico non iam prædicaret, sed pauperum gereret curam. Tales enim veteribus dicebantur diaconi. Hos inferiores esse episcopis & presbyteris, recte disputauit ad Euagrium Hieronymus. Iam vero manuum impositio, cuius & in Euangelio & hic fit mentio, non ubique pari ratione est obseruata. Inuenias enim & sanatos & spiritu Dei donatos esse, quibus tamen nullæ manus imponebantur. Aliquoties ergo ceu ceremonia est adhibita, quæ externo signo significaret, huius quod conferebatur beneficii authorem esse non hominem, sed manum, id est, virtutem Dei. Hinc enim iungitur ei & oratio.

Baptismus.

Episcopus Diaconus.

Cum vidisset autem Simon, quod per impositionem manuum Apostolorum daretur Spiritus sanctus, obtulit eis pecunias, dicens: Date & mihi potestatem istam, ut cuiuscunque imposuero manus, accipiat Spiritum sanctum.

Hic tandem prodit se veteratoris malitia, à qua coniectamus quo affectu animique instituto illectus, fidei se simularit assecram. Affectus enim æmulatione gloriæ, cæcatusque lucri gratia, hanc virtutem ambiuit, ut solent qui paruo emunt ut pluris reuendant. Sed damnati sunt iam olim cum à Christo in Euangelio Matthæi 8. tum ab Apostolo Paulo dicente, Seiungere ab ijs qui mente corrupti sunt, quibus adempta est veritas, & qui existimant quæstum esse pietatem. Est autem quæstus satis magnus pietas cum animo sua sorte contento, 1. Tim. 6. Quin potius audiamus Petri super hac re sententiam.

Petrus autem dixit ad eum: Pecunia tua tecum sit in perditionem, quoniam donum Dei existimasti pecunijs parari. Non est tibi pars neque sors in ratione hac: cor enim tuum non est rectum coram Deo. Respice igitur ab ista malitia tua, & roga Deum si forte remittatur tibi cogitatio cordis tui. In felle enim amaritudinis, & colligatione iniquitatis video te esse.

Principio verbis Apostolica autoritate plenis in peccatum eius inuehitur, hoc protrahit & condemnat. Deinde vero hortatur ad pœnitentiam. Quod sane elegantissimum exemplum est diuinæ

ac Apostolicæ cum seueritatis tum lenitatis. Prima autem orationis pars stomachum habet ac per apostolopem videtur elata. Quasi dixerit, Dispereas vnâ cū nummis tuis, adeon' cæcus es, vt credas celestia dona parari posse pecunia terrena? Hinc vero infert, Non est tibi pars, neque fors in negotio Euangelico, alludens ad terræ promissæ hæreditatem, typum æternæ vitæ. Causam addit, Cor enim tuum non est rectum coram Deo, Exigit autem Deus cordis integritatem, hypocrisim auersatur. Secunda porro orationis parte hortatur ad resipiscentiam. Modum quoque indicat per quem ad resipiscentiam possit peruenire, Iusta Dei inuocatione. Et quo magis moueretur iterum causam eius exaggerat, & ait: Video te esse in felle amaritudinis & in vinculis siue colligatione (verstrickt) iniquitatis. Posuit autem amarum illud fel aut bilem atram pro æmulatione & inuidia, qua par esse laborat Apostolis Magus homo, qui prius rerum gestarum magnitudine famam sibi non in celebrè comparasset. Egre enim superiores patiuntur, qui aliquando gradum habuere summum. Hac fellis metaphora vsus est & Moyses Deuter. 29. & Paulus Hebr. 13. Colligatio autem iniquitatis pecuniæ studium habet & avaritiam complectitur. Annotauit & illud Erasmus in 2^a, Si forte, 2^a, fortè inquam. Coniunctionem esse expletiuam, quod referendum duxi, ne quis criminis magnitudini, Dei misericordiam denegatam suspicaretur, aut certe Petrum dubitasse de peccatorum remissa. Quanquam omnino remissio à conditione pendeat veræ videlicet fidei & pœnitentiæ sincera. Habes ergo hic alterum Apostolicæ seueritatis exemplum. In 5. cap. Ananias & Saphyra dederant pœnas simulationis. Hic vero damnatur æmulatio & lucri iniqui studium, quod ex religione capitur aut decerpendum instituitur. Vtrunque in Ecclesia maximorum malorum seminarium est. Vtrunque ergo mira seueritate resecatur. In Simone Petro habent optimi quique episcopi exemplum, quo discunt quid ipsis sit faciendum. Porro in Simone Mago discimus omnes, quid sit vitandum, & ne quis posthac in Euangelio suum quærat compendium. Legimus in historia Regum Giezi Helizei ministrum misere perijisse quod dona Dei vendidisset pro auro. Ab hoc autem Simone sunt qui Simoniam dictam existimant, crimen omnium nocentissimum & pelsimum, quod hodie adeo occupauit Ecclesiam Ecclesiasticosq; proceres, vt hunc Simonem innocuum credere possis ad illos collatum. Constat enim remissionem peccatorum ipsisimum esse largæ Dei misericordiæ munus. Audimus Petrum clamantem: Non potest pecunia parari donum Dei. At illi clamitant, Redimite indulgentias, vota institute, offerte, missas & preces emite, vt remittantur vobis peccata vestra, breuiter, nihil habent tam minutum quod sponte dent, nisi pecuniam numeres. Quid quod sacerdotia & præbendæ (quas vocant) denique omnes Ecclesiastici redditus istorum avaritiæ & libidini sic sunt expositi, vt ijs alimonijs, qui bus labores Apostolici & sudor Euangelicus, necessitas item egenorum sustentari debuissent, iumenta hodie & canes, & seruitia, ne quid aliud dicâ liberius, in otio luxu & voluptate aluntur? Inuenias enim huius generis qui Cræso ditiores & Sardanapalo corruptiores, otiosius & bene curata cute sex aut septem possideant sacerdotia. Interim vero periclitatur doctrina Euangelica, negliguntur studia, & inopes misere affliguntur inopia. Sed faxit Deus vt illi ad mentem redeant & supplicium Dei impendens digna pœnitentia declinent.

Videri poterat
& correctio es
je, Quasi di-
cat, Sed quid
te hortor, cum
desperaueris?

Seuerum ex-
emplum.

Aduersus Simo-
niacos.

Responden-
tibus

Respondens autem Simon, dixit: Precemini vos pro me apud Dominū ne quid eueniat in me horum quæ dixistis.

Ficta est illa pœnitentia qualis & Iudæ proditoris erat. Quin & ipsa verba satis frigida desperationem resipiunt. Nam quod preces Apostolorum ambit, non solida pœnitentia facit, sed metu percussus. Tandem enim subdit, Ne quid horum in me eueniat. Plura de hoc Simone mago lege in Iustino & Irenæo, apud Eusebium Ecclesiast. hist. lib. 2. cap. 13. Sunt qui dicant Simonem & vere credidisse & pœnituisse, sed falluntur hi hominis hypocrisi.

Et illi quidem testificati & loquuti sermonem Dei, reuersi sunt Hierosolymam & multis oppidulis Samaritanorum Euangelizabant.

Paucis quidem abrupit hæc de gestis Apostolorum in Samaria historiam, accingitur ad ea de scribenda, quæ post hæc per Philippum & cum Eunuchis & in nonnullis maritimis acta sunt vrbibus. Testificari autem sermonem Dei, est magna libertate & gravitate annunciare veritatem, quam nisi susceperis, audieris tamen, tibi ipsi in testimonium iustæ damnationis audieris. Sumpta est metaphorâ à testibus & ratione testificandi.

Angelus autem Domini loquutus est ad Philippum, dicens: Surge, & va de meridiem versus, ad viam quæ descendit ab vrbe Hierosolymorum ad civitatem Gazam, hæc est deserta. Et surgens abiit.

Omnia .

Omnia aguntur Dei providentia. Aguntur autem per media quædam. Ita enim eunuchus prædicatione Philippi ad cognitionem veritatis prtingit. At Philloppus mandato Domini eunuchum accedit. Quibus enim bene vult Dominus, ijs mittit doctores veritatis. Quos autem abijcere & supplicij diris mancipare vult, ab ijs tollit veritatis præcones. Proinde sicut Missio in primis necessaria est, ita supra modum salutaris est. Caueamus ergo ne obuiam veritatem repellamus. Porro vocem Deserta, alij non ad Gazam urbem, sed ad regionem referunt. Alij ad urbem ipsam vastatam. Fortasse Lucas viam deserti intellexit.

Præcones verbi.

& ecce vir Æthiops, eunuchus, præfectus Candaces reginæ Æthiopum, quem præfecerat vniuersæ Gazæ suæ, venerat adoraturus Hierosolymam, & reuertebatur sedens super currum suum, legebatque Isaiam Prophetam.

More historico nec sine mysterio describit principis personam à natione, officio, & religione. Nam natione Æthiops erat, hoc ipso specimen præbens fore, ut & Æthiopibus & omnibus alijs gentibus (iuxta Isaiæ vaticinium) prædicaretur salus, quamuis ipse videatur fuisse profelytus. Deinde vero idem ille eunuchus, id est, aulicus, reginæ Æthiopum ærario præfectus erat. Non itaque vllum genus hominum rejicit ab Euangelica salute Dominus, non principem, non ærario præfectum, aut alio quopiam Reipub. præditum officio, modo istud cum manifesta impietate non sit coniunctum. Quod autem Eunuchum pro aulico interpretati sumus, hinc est quod ea vox hoc loco non ferax aut impotentis (ut sic dicam) denotatio est, sed officij. Nam veteribus ministri aulæ per catachresim dicebantur Eunuchi. Catachresis autem nihil aliud est quam vocis abusus: veluti cum piscinam dicimus in qua lauamus, nec pisces insunt. Habet tamen hæc figura allusionem: vnde cum regibus receptissimum esset eunuchos præficere administrationi aulicæ, successu temporis factum est, ut hoc nominis ad omnes aulæ ministros dimanarit. Factus est igitur hic loquendi modus Hebræis vsitatissimis, apud quos ego crediderim כַּוִּינְדִּי indifferenter poni pro כַּוִּי. Est autem כַּוִּי aliud nihil quam princeps aut satrapa. Huius rei certa argumenta comperies Gene. 37. & 40. Item 1. Samuelis 8. & 4. Regum 20. Quin & etymon vocis Græcicæ huc quadrat. ^{κωκυλλος} enim ab asseruandis cubilibus dictus est. Nam ^{κωκυλλος} cubile dicitur, & ^{κωκυλλος} asseruo. Quia ergo hic Gazam, id est, opes (est enim Gazæ, teste Seruio grammatico, vox Persica) thesaurumque asseruabat, per abusionem eunuchus, quasi Gazophylact^{us} est appellatus. Felici^{us} ergo reddiderimus Germanice, *Ein amptman* oder *hoffman*, quam *ein verschnitner*. Iam & hæc nequaquam prætereunda sunt, quæ nunc annotabimus. Prius, ^{κωκυλλος} Græcam vocē & à Latinis vsurpari. Ægyptij enim soliti sunt suum magistratum Dynastiam, præfectos autem vocare Dynastas. Posterius, Candaces Genitium esse à Nominatiuo Candace, quod nominis ita commune omnibus Æthiopum regnis fuisse videtur, ut apud Ægyptios Pharaos & Ptolemæus regibus. Id porro ita habere testatur Plinius in 6. cap. 29. & Strabo libro Geograph. 17. Neque vero incredibile cuiquam videatur quod femina Æthiopibus imperarit. Similia enim his referunt historiæ de Semiramide, Didone, Thomyri, Saba, Penthesilea, alijsque multis. Illud vero viri religionem attinet quod Hierosolymam adoraturus venerat, & Isaiæ Prophetiam legebat. Vnde profelytus videri poterat. Nondum enim vocatio Gentium in hisce terris, intraque gentem Iudaicam cœpta ac vsitata erat, sed à Petro primum cum Cornelio inducebatur. Cæterum si quis contendat Æthiopem prorsus fuisse gentilem, non magnopere recalcitrabo. Causæ enim propter quas videri poterat profelytus fuisse non eæ sunt, quæ contrauertentem reuincere possint. Nam quod Hierosolymam adoraturus ascendit, non ex Iudaica religione, sed Gentium quoque obseruatione ascendit. Tanta enim fuit apud omnes Gentes templi Iudaici gloria & opinio, ut ex remotissimis etiam terris religionis gratia Hierosolymam peregrinatio institueretur. Cuius quidem rei apertissima inuenias testimonia, & in Cicerone alibi, & in Iosephi Antiquitatibus, maxime vero apud Ioannem in 12. Deinde vero tanta semper fuit Æthiopibus cum Iudæis familiaritas, ut aliquando etiam publico nexi fuerint fœdere, id quod Isaias testatur in capite 19. Non itaque mirum si illi sensum habuerint legis Dei & Prophetarum. Quid quod ante ducentos annos rex Ægyptiorum Ptolemæus curauerat legem Iudaicam opera LXX. interpretum transferri in linguam Græcicam, quæ tunc temporis omnibus penè nationibus erat notissima, in primis autem Æthiopibus, ac Ægyptijs maxime ob commercium cum Romanis, atque ante hoc cum Alexandro Macedone. Præterea omnibus penè regnis receptissimum fuit, ut principes & in religione & in honestis disciplinis sanè instituerentur, quin & per omnem vitam lectioni quæ ad religionem & rempublicam promouendam faceret, essent addicti. Testatur hoc Plato in Alcibiade, Plutarchus item in eo libello quo docet in principe requiri doctrinam, & Crinitus libro de honesta disciplina 1. capite secundo. Iterum igitur minus mirandum si is

De Eunuchis.

Hierosolymam venit & Prophetam legit.

Vide boni principis studia.

qui gentilis erat Isaiam legebat. Hinc autem discant principes & magistratus nostri eruditionem amplecti, hoc est alia alijsq; vanitatibus positis, bonos vel sacros authores (cum per publica licet negotia) perlustrare. Neq; pudeat eos huius ceu poenitendæ & minime magistratui dignæ rei, cuius non poenituit neq; Iosue, neq; Dauidem, neq; Ezechiam, addere Alexandrum quidē ipsum, Scipionem-ue aut Iulium Cæsarem, principes, quibus hic orbis nullos habuit vel fortiores, vel feliciores.

Dixit autem spiritus Philippo: Accede & adiunge te ad currum istum. Accurrens autem Philippus, audiuit eum legentem Isaiam Prophetam, & dixit: Intelligis ne quæ legis? At ille ait: Quinam enim possim, nisi aliquis dux viæ mihi fuerit? Rogauitq; Philippum, ut ascenderet, sederetq; secum.

*Humanitatis
exemplum in
signe.*

Hic videt amice Lector, quid sit sacris nauare operam. Hoc medio (humano more loquor) inducitur Æthiops in veram veræ adorationis religionem. Vide autem quam comis sit hic princeps, & quam facilem se præbeat viro ignoto & homini peregrino. Non arroganter (nostrorum more) Apostolum reiecit. Vnde nouus hic hospes: aut quid tu hic? quid tua retulerit, impostor, intelligam an minus? sed insigni humanitate loquentem excipit, & ab eo quod non intelligit perdiscere cupit. Vt nam multos tales habeamus principes, sanè plus felicitatis regnaret, minus miseræque. Quin & in currum sustulit pedibus incendentem, ut omnia perdisceret certissime. Hinc autem doctissime collegit Diuus Hieronymus de scriptura sacra ad Paulinum scribens, scripturam omnino expositione egere. Cæterum Aurelius Augustinus libro de doctrina Christi. l. cap. 36. hanc expositionem ad certas referens regulas, Quisquis (inquit) scripturas diuinas vel quarumlibet earum partem intellexisse sibi videtur, ita ut eo intellectu non ædificet geminam charitatem Dei & proximi, nondum intellexit. Quisquis vero talem inde sententiam dixerit, ut huic ædificandæ charitati sit utilis, nec tamē hoc dixerit quod ille quem legit eo loco sensisse probabitur, non perniciose fallitur, nec omnino mentitur. Quapropter cum quis cognouerit finem præcepti: esse charitatem de corde puro & conscientia bona & fide non ficta, omnem intellectum diuinæ in scripturarum ad ista tria relaturus, ad tractationem sacrorum librorum securus accedat. Hæc Augustinus. Est & alibi de exponendis scripturis dictum copiosius.

*Regula expo-
nendi scriptu-
ras.*

Argumentum autem scripturæ quam legebat, erat hoc: Tanquam ouis ad occisionem ductus est, & sicut agnus coram tondente se mutus, sic non aperuit os suum. In humilitate ipsius, iudicium eius sublatum est. Generationē autem eius quis enarrabit? Quoniam tollitur de terra vita eius. Respondens autem Eunuchus Philippo, dixit: Obsecro te, de quo Propheta dicit hoc, de se, an de alio quopiam? Aperiens autem Philippus os suū, & incipiens à scriptura ista, prædicauit illi Iesum.

*Caput Isaiæ 53.
paraphrasi ex-
positum.
Christus.*

Natiuitas.

Humilitas.

Infirmitas.

Iustus.

Secundum translationem LXX. interpretum citauit Isaiam Lucas, & verisimile est Æthiopem Græco usum esse amplexari. Mirum autem est quod hic locus quo in omnibus Prophetis nullus est de Christo apertior, hic sese obtulerit. De hoc enim verissime dixit Hieronymus, quod Isaias historiam verius recitasse quam vaticinium contexuisse videatur. Sed facit diuina prouidentia omnia ap-positissime. Locus autem apud Prophetam extat in cap. 53. Quem nos iuxta veritatem Hebraicam paraphrasi, quo omnia planiora sint, referemus. Sic habet negotium. Descripserat hætenus Prophe-ta à 40. capite liberationem & beneficia quæ per Christum Ecclesiæ fidelium conferuntur, & quia non immerito fidelis animus mirari potuisset quis vel qualis nam ille futurus esset tantarū rerum & mysteriorum collator in 53. cap. ipsum CHRISTVM per prosopographiam describit, maxime tamen humanitatem, passionem & victoriam, diuinam naturam parcius attingit, & dicit: Nascetur hic de stir-pe Dauidica, & crescet coram Domino tanquam virgultum. Et sicut radix in humo siticulosa, ita hic inuitis omnibus suis hostibus emerget. Interim verò speciem non habebit Messie, neque decus regum. Non enim non habebit regias opes, sed ne tantillum quidem ut caput suum reclinare possit. Breuiter, non erit ei species aut forma, neque vllius eum reputabimus. Apud impios ergo de-spectus & contemptissimus erit hominum: at apud pios in summo pretio habitus. Hi enim norunt, quod in hoc ita tentatus sit, ut fratrum quoque dum affliguntur misereri possit. Illi porro sic affe-ctum nullius reputabunt, adeo ut & vultum sint ab eo absconduri, & dicturi, Recede à nobis, scientiam viarum tuarum nolumus. Cæterum cum ipse virorum iustissimus sit, tanta interim mala pertu-lerit, vere non suos, sed nostros labores tulit, & dolores nostros, nobis propter peccata debitos, por-tauit

tauit. Nos autem id non exactius pensicolantes, existimabamus hunc à Deo merito plagatum. Cum tamen ipse non à suis, sed nostris vulneretur transgressionibus, & propter iniquitates nostras con-^{Pax.} teratur. Castigatio enim quæ nobis debebatur merito, in ipsum incidens, nobis pacem coram Deo conciliauit, itaq; eius liuore sanati sumus. Et vt nemo nescire possit quale fuerit peccatum mundi, propter quod tanta passus est, item quam perditum fuerit omne prorsus genus humanum, sic habet res. NOS OMNES tanquam ouis, pecudum stultissima, errauimus, & quiuis nostrum sua tam exi-^{Peccatum.} mie quæsiuit & suo genio indulgit, vt nulla superfuerit viuendi spes: adeo corrupta erant omnia. Hic ergo quum nos non essemus soluendo, misericors Dominus imposuit ei VNIVERSAS iniquitates^{Satisfactio.} nostras. Harum ergo gratia angustiaabitur Messias & affligetur. Atque hic tantam exhibebit patien-^{Patientia.} tiam, vt oui conferri possit. Nam sicut illa ad lanienam protracta, aut ad refecandum vellus coram tonfore statuta, nihil obblaterat, aut recalcitrat: sic ille coram iudice mendacijs aspersus, & de summa impietate accusatus, non aperiet os suum. Proinde ex angustia & pœna illa eripiet eum Domi-^{Gloria.} nus, & dabit ei nomen quod est super omne nomen: maxime quod aliàs filius Dei sit. Quanquam e-^{Deus.} nim nunc ordo generationis ad virginem referatur, diuina tamen generatione sempiternus est, eius-^{Cru.} dem cum patre substantiæ. Nec obstat quod nunc quidē è viuus est extirpatus. Nam hoc illi (quod iam^{Sepultra.} sæpe monuimus) propter plagam populi sui cōtigit. Iam vt modus quoq; huius afflictionis videatur, sic habet res. Constituit Dominus vt hic filius suus maxime infami mortis genere caderet, nempe vt inter latrones medius cruci suffixus, veluti latronum antesignatus excelleret. Deinde vero voluit vt à cruce demissus in specioso aliquo mausoleo, diuitum instar sepeliretur. Cæterum quod tantus tam misero mortis genere extinctus est, iterum nolim secus accipias, quam quod in ipso nulla iniuria, nullus vnquam dolus sit inuentus. Nunquam ille vel lingua fuerat lapsus: in nobis erat tanti mali causa. Ergo propter nos & ex ineffabili misericordia sua statuit Dominus ita contere illum, ni-^{Hostia.} mirum vt nos eius morte viueremus. Præterea non modo tristitia, sed & læta constituit: nempe vt^{Resurrectio.} post salutiferam pro peccatis mundi semel oblatam hostiam, resuscitetur, cœlos ascendat ad dexte-^{Regnum.} ram patris sedeat: hic autem in terris numerosissimam consequatur posteritatem, in qua per Euân-^{Fides.} gelij prædicationem mira felicitate imperitet. Æquum enim est, vt is magno honore fruatur, qui ad ima deiectus crudeliter est diuexatus. Proinde posthac scientia sua, hoc est sensu Euâgelij ac fide, ipse^{Victoria.} qui orbis est iustitia, omnes iustificabit quotquot iustificabuntur, eos inquam qui mihi seruire, hoc est vni Deo fidere perrexerint. Nam ipsas illorum iniquitates, quæ iustitiæ repagulum obijciunt, ipse in sese suscipiet & diluet. Quod si qui veritati suæ obsistere & regnantem conentur regno depellere,^{Sacerdos.} ipse virtute sua hostium cuneos disijciet, & dæmonis, & impiorum spolia suis diuidet. Semel enim mortuus est, amplius non morietur, semel inter impios reputatus est, non semper impune blasphemabunt impij. In summa, Hic à Deo constitutus est, vt totius multitudinis peccata in se suscipiat & expiet: quod quum faceret, tam faciebat patienter & absolute, vt pro transgressoribus & hostibus suis oraret. Hoc ipso se nobis & sacerdotem statuens sempiternum & exemplar patientiæ^{Sacerdos.} semper imitandum. Hactenus autem Isaïæ verba paraphrasi quam breuissime fieri potuit retulimus. E quibus totam religionis summam decerpere possumus. Quid enim est in omnium Euangelistarum libris vel Apostolorum epistolis de Christo Domino conscriptum, cuius summa hæc non re-^{De baptismo.} censeatur? Hic audimus Christum Iesum verum esse Deum & hominem, iustitiam, hostiam, & satisfactionem vnicā. Nos contra impios & quod vires nostras attinet damnatos. Audimus quid & propter quid per Christum omnia suscepta sint, quæ vera iustificatio, &c. Commodissime ergo potuit Philippus ex hoc loco Christum (Christum inquam, non Romanenses nugas) prædicare Æthiopi: cumq; tanta sit in verbis euidencia, & perspicuitas, facile item potuit diuina fauente gratia ab eo aliquid impetrare. Porro quid ab eo impetrarit iam exponit.

Et dum irent per viam, venerunt ad quandam aquam. Et ait Eunuchus: Ecce aqua, quid verat, quo minus baptizer? Dixit Philippus: Si credis ex toto corde, licet. Et respondens, ait: Credo filium Dei esse Iesum Christum. Et iussit sisti currum, ac descenderunt ambo in aquam, Philippus simul & Eunuchus: & baptizauit eum.

Ergo ex fide est peccatorum remissio, non per baptismum. Fides autem innitur in Iesum Christum quatenus Filius Dei est, Matth. 16. Quia enim filius Dei est, saluare potest; & quia Christus, id est, vnctus ac homo est, nostris infirmitatibus compati potest, habetq; quod pro redemptione nostri offerat. Animaduertendum & illud quod Æthiops non obijcit, Si saluum efficit fides in Christum, quid ergo opus baptismo? Non potest enim fidelis mens contemnere institutionem Domini. Spon-

*Baptismus pec-
catorum remis-
sio.*

te ergo poscit baptismum, sentiens hoc initiari ac conglutinari fideles in vnum corpus, & constringi sub fidem vnius Christi ac vitæ sanctimoniam. Porro nihil hic disceptatur de materia, vñcta an falsa sit aqua. Simpliciter enim è fonte baptizat, quem adhuc ostendi peregrinis iuxta Gazam testatur Hieronymus in epistola quadam ad Marcellam. Sic autem fieri ipsa poscebat necessitas. Quis enim aliàs tam vecors, qui nunc in quouis fonte aut flumine publico quemuis temere baptizet, quum iam certus sit in templo baptismati constitutus locus? Ipse Paulus præcipit vt omnia decenter & secundum ordinem fiant. Necessitati interim nemo præiudicat. Fides autem docet quatenus additi sumus circumstantijs. Interim vero aquam falsam vñctamue, aut characteribus consecratam nolumus, puram vero volumus, significatione & mysterio consecratam, & iam non puram tantum aquam, sed sacramentalem & mysterio sanctam, quam minister cum precibus & summa oblati affundat reuerentia. Nullius enim reputamus momenti mulierum aut obstericum baptisma, propterea quod ex superstitione administretur, & non iusto ordine. Credunt enim aquæ beneficio pueri salutem obuenire. Et Paulus noluit mulieres admittere in ministerium Ecclesiæ. Quamquam planè fatear vxorem Moysi haud temere circumcidisse puerum, sed aliarum rerum aliæ causæ sunt. Verum ita ineptire cogit nos pontificiorum ineptia, qui mirum quam hic se torqueant, & sanctum baptisma coinquinent stultis suis opinionibus & disceptionibus. Literæ sanctæ planæ sunt & de re exposita loquuntur simplicissime. Ne ergo seducamur fratres istorum non necessarijs traditionibus. Veritatis oratio simplex. Sed satis olim & contra Catabaptistas, & in alios sacræ scripturæ libros de baptismo disputatum est. Illud hoc loco adiecerim baptismum & in scripturis & patribus vetustis tribui peccatorum remissionem, cæterum per aliosim sacramentariam, qua signo tribuimus quod reuera signati est: aut per Synekdocham, qua toti negotio aliquid tribuimus, quod tamen alteri partium tribui debebat, vel toti potius mysterio. Sic Marcus scripsit baptismum prædicatum esse in remissionem peccatorum. Et symbolum secundo conditum confitetur, Credo vnum baptisma in remissionem peccatorum. Recte enim docuit Athanasius, Baptisma nostrum non sensibilibus oculis, sed mentalibus considerandum esse. Animus ergo noster in sacro baptismo cernit diuinam gratiam, per quam abluimur à peccatis, & inferimur in populum Dei. Sacramenta enim omnia res habent inuisibiles. Aquâ vero signum visibile videmus oculis corporeis. Sed sacramentum non tantum altera parte constat, sed vitraque. Non ergo pura aqua est, sed & regenerationis lauacrum.

Cum autem ascendissent ex aqua, spiritus Domini rapuit Philippum, nec amplius vidit eum eunuchus. Ibat enim per viam suam gaudens. Philippus autem repertus est Azotî, & pertransiens Euangelizabat ciuitatibus cunctis, donec veniret Cæsaream.

Alio rapitur fidelis doctor veritatis Philippus. Non enim quicquam deerat Æthiopi, qui & Christum cognouerat, & donum Spiritus sancti acceperat: & proinde gaudebat. Verissime enim Ioannes, Non necesse habetis (ait) vt quisquam doceat vos, sed sicut ipsa vñctio docet vos de omnibus & verax est, &c. Notus est enim locus in 1. Ioan 12. capite. Porro Cæsareæ habuit domicilium Philippus, vt in 21. audiemus, Cæsareæ ergo permanfit. Hisce verò gesta Philippi finit, & ad Pauli vocationem describendam accelerat.

CAP V T IX.

Saulus autem adhuc spirans minas ac cædem aduersus discipulos Domini, accessit ad principem sacerdotum, & petijt ab eo epistolas, quas perferret Damascum ad synagogas, vt si quos inuenisset eius viæ seu viros seu mulieres, vinctos duceret Hierosolymam.

Vocatio.



OLET scriptura magnorum aliàs virorum vocationes ad munus vel Propheticum vel Apostolicum diligenter describere. Ita enim legimus Moysi, Samuelis, Isaïæ, Ieremiæ, Petri, Andreæ, & aliorum summa fide descriptam. Ad quem prorsus modum etiam hoc loco Pauli Apostolorum principis describitur vocatio, nimirum ne posthac de doctrina eius dubitarem quicquam. Principio autem mira copia recenset vocationis occasionem, è qua refulget diuinæ misericordiæ splendor clarissimus. Nam dum ferus cædem animo volueret innoxiorum, & ad

& ad hanc rem facilius peragendam epistolas peteret delegatorias (gratias habere) misericors Dominus, in medio cursu, efferum à tanto auertit flagitio, nec auertit modo, sed & in Apostolum nobilissimum deligit. Id quod ipse in 2. ad Timoth. 1. diuinæ ascribens misericordiae gratias agit Deo. In hoc ergo verissime completum quod Dominus dixerat, Nemo venit ad me, nisi pater qui misit me traxerit eum. Falluntur enim qui conuersionem tribuunt viribus nostris & libero arbitrio. Deus etenim est qui operatur in nobis pro bona voluntate sua velle & perficere. Porro discipulos ex more appellauit Christianos. Viam vero posuit pro disciplina & religione, schemate Hebraico. Cæterum ad tyrannidis magnitudinem pertinet quod non contentus ea sæuitia qua in vrbe Hierosolymorum in sanctos fuerat debacchatus, quin & in exteras erumpit. Vnde in Galatis, Supra modum (ait) persequeretur Ecclesiam Dei, &c. Notanda est & mira huius sermonis elegantia, Saulus *iniquissimus* etiamnum spirans minas & cædem aduersus discipulos Domini. Sic enim miro quodam modo ferociam crudelissimi animi pinxit. Siquidem Græci *μίσαντες* dicunt præferoci esse animo. Nam Homerus id ipsum Græcis in pugnam prouentibus tribuit. Iam & consequentia per contextum probe commisit cum superioribus, in quibus nonnulla cœperat de Pauli sæuitia.

Misericordia
Dei.

Et cum iter faceret, contigit vt appropinquaret Damasco. Et subito circumfulgurauit eum lux de cælo, collapsusque in terram, audiuit vocem, dicentem sibi: Saul Saul, quid me persequeris? Dixit autem: Quis es Domine? Dominus autem dixit: Ego sum Iesus, quem tu persequeris. Durum est tibi contra stimulos calcitrare. Is tremens ac stupens dixit: Domine, quid me vis facere? Et Dominus ad eum: Surge & ingredere ciuitatem, & dicetur tibi, quid te oporteat facere.

Hic se prodit misericordia & fortitudo Domini. In gratiam enim recipitur hostis, interim vero maximo robore prostermitur, vt sentiat cum quo sibi hætenus bellum fuerit. Subito enim circumfulgurauit eum lux cælitus ad terrorem incutiendum, & ad maiestatem Dei significandam immissa. Ad hanc non subsistit miser, qui tamen nihil non conabatur, sed labitur ex angustis. Hic mihi vide quid contra Dei negotia possimus mortales. Additur vox & ea quidem horrenda ac vehemens: non enim sonat, Saul Saul cur meos persequeris, sed cur me persequeris? Viuit enim in suis Christus, qui & dixit, Quatenus fecistis vni de hisce minimis meis fratribus, mihi fecistis. Et clarius. Ego (inquit) sum Iesus, quem tu persequeris. O magna Dei mysteria. O magnam eorum miseriam, qui fideles fidei nomen persequuntur. Adijcit elegans paræmia, Durum est tibi contra stimulum calcitrare. Monet enim Erasmus in Chiliadibus Chil. 1. Cent. 3. Adag. 46. paræmiam significare frustra repugnari ijs quos vincere nequeas, aut cum periculo coniunctum esse, si eos prouocemus qui lacessiti nobis noceant. Metaphora ducta à bubus, quos agricolæ lignis præacutis à tergo fodiunt, quibus si recalcitrent, tantum abesse vt stimulo noceant, vt grauius etiam lædantur. Quod si quis consultis historijs sacris hunc locum diligentius exploret, comperiet neminem ex mortalibus feliciter repugnasse numini. Deus enim veluti petra firmissima & murus æthereus, confractis contusisque, aduersarijs omnibus in æternum stabit immobilis. Hic autem vide quid possit correctio Domini. Protinus enim clamat Paulus, Quid vis vt faciam Domine? Præsto enim sum posthac obsequi mandatis tuis. Utinam tam prompti omnes efficeremur ad correptionem Domini. Certe melius habituræ essent res nostræ. Percutit enim Dominus, vt sanet. Quod si non sanamur, id quidem ex nostra est malitia & pertinacia. Cæterum illa est maxima verbi Dei gloria, quod etiam si arcana Dei institutione animus Pauli esset imbutus, nihilominus tamen ad Ananiam reijcitur. Is enim postea exposuit quid faceret. Pari modo audiemus & in 10. angelum Cornelio missum nihil priuatim erudire, sed Petrum indicare doctorem. Non autem pugnant hæc cum ijs quæ dixit in Galatis, Non ego ab hominibus accepi Euangelium neque didici, sed per relevationem Iesu Christi. Magis enim præscribunt, ne exter nam verbi administrationem contemnamus. Diuus Aurelius Augustinus de Correctione Donatistarum ad Bonifacium capite 15. de hac Pauli conuersione scribens, Ipse Dominus (inquit) qui Petrum & alios solo verbo vocauit, Paulum tamen Ecclesiæ suæ vastatorem non solum voce compescuit, verum etiam potestate prostrauit. Si autem illa non erat pœna, quid postea opus vt sanaretur? Vbi ergo est quod isti clamare consueuerunt, Liberum est credere vel non credere. Cui vim Christus intulit, quem coegit? Ecce habent Paulum Apostolum. Agnoscant in eo prius cogentem, deinde docentem, prius ferientem, & postea consolantem. Hic quoque sic coactus plus ceteris laborauit. Cur ergo non cogeret Ecclesia perditos filios vt redirent: cum perdit cogant bonos vt pareant? Hæc Augustinus. Quod si quis præterea acumen ingenij sui acutere velit & disquirere, quomodo Christus

Conuersio
Pauli.

Augustinus de
Correctione.

simul ad dexteram patris sedere, & Paulo potuerit apparere, permittimus quidem. Cæterum non Dexteram longe aliud esse scimus quam ut eiusmodi natiuitas nobis veniant in mentem. De qua re factis in cap. 1. Nā etiam si caro Christi vel clarificata sit finita, loco tamen non ita affixa est, ut nihil aliud quam sedere cogatur in præscripto loco. Nam & sedendi verbum longe aliū habet sensum. At quod hinc colligunt pontificij, Ergo corpus Christi est ubique stultius est quam quod responsum mereatur.

Viri autem illi qui erant ei comites itineris, stabant attoniti, audientes quidem vocem, neminem tamen videntes.

Non potest non attonita stare caro & sanguis ad vocem Dei. Nihil enim diuinum sustinere potest hominis sufficientia sine gratiæ adiutorio. Vnde & ille populi timor natus est, cuius meminit Moyses Exod. 19. Laurentius Valla putat locum qui est in 22. cap. atque huic veluti repugnare videtur esse deprauatum transpositis duabus voculis, ijsque inter se apud Græcos non dissimilibus & 777. A Luca ergo sic scriptum fuisse, Videntes quidem lumen, neminem autem audientes. Cæterum constabit sibi aliās narratio, si Metaphoram verbis inesse intelligamus. Nam eadem vox audiri potest & non audiri. Audiri quidem cum sonus aliquis ad nos deferatur incerta tamen significatione. Et non audiri, cum vox audita non intelligitur. Neque aliud præsentī expositioni repugnat, quod coram Agrippa differens, dixit: Simul omnes delapsi sumus in terram. Non enim hic omnia, habitum inquam ac situm voluit describere rerum. Et fieri potuit ut ad primum (quod Erasmus asserit) paulo rem collapsi mox erexerint sese Paulo adhuc iacente. Simili prorsus modo corruerunt & illi quorum mentio facta est apud Ioannem in 19. sed non pari felicitate surrexerunt. Nam correctione indurantur impij.

Surrexit autem Saulus ē terra, apertisque oculis neminē videbat: sed manu ducentes illum, introduxerunt Damascum. Et erat tribus diebus non videns, ac non comedit, neque bibit.

Talio.

Mira amplificatione ac hypotyposi auget potentiam Dei, ē diuerso miseriam & impotentiam humanam. Occæcatur enim qui sibi videbatur ocularissimus. Ducitur ab alijs, qui optimos quosque venerat ducturus. Sed nec ædit nec bibit qui hætenus fidelibus maximarum ærumnarum maxima causa fuit. Qui vero allegorias in sacris concinnant, Primus (inquiunt) gradus ad virtutem est erigi. Secundus occæcari & carnali renunciare sapientiæ. Tertius autem non humano cibari alimento, sed cœlesti doctrina signari. Nec defunt qui censeant Paulum hoc triduo in tertium delatum cœlum, vidisse quæ in 2. ad Corinth. 12. iactat. Verum quam probe hi coniectarint Christiano Lectori expendendum relinquo. Certe Dominus hoc triduo maximum hominem ad res maximas voluit parare agendas. Non etenim illotis manibus cōpntrectandæ sunt res sacratissimæ. Sanctissimis ergo rebus exercitari appararique oportuit sanctis dicatum hominem.

Erat autem quidam discipulus Damasci, nomine Ananias, & dixit ad illum per visum Dominus: Anania. Et ille ait: Ecce ego Domine. Et Dominus ad eum, Surge, & vade in vicum qui vocatur Rectus, & quare in domo Iudæ Saulum nomine Tarsensem: Ecce enim orat. Et vidit per visum virum Ananiam nomine introeuntem, & imponentem sibi manum ut visum reciperet.

Ananias.

Hætenus descripsit vocationis occasionem & grauē Domini manum, imbecillitatem, cōtra tyrannorum: nunc vero describit ipsam vocationem & restitutionem admirandam, quæ utique illi non contigit per primum Apostolum, sed per virum aliās sanctum ac integrum, certene quid carni aut sanguini ascriberetur. Hinc est quod tanta diligentia & Ananiæ persona describitur, & quo minus dubij superfit locus quoque notatur. Annotauit autem Erasmus, vicum hoc loco non esse pagum aut oppidum, sed vrbis partem. Ciuitatem enim distingui in vicos, hos vero in vias, & hæc in domus. Cæterum id animaduertendum, quod mutua visione vtrumque parauit alteri. Habuit enim visionem Ananias qua docetur adire Paulum: At ipse Paulus visionem habet qua instruitur recipere Ananiā. Pulchre enim sibi constant & se mutuo iuuant quæ Domini instinctu fiunt. Porro in medijs tribulationum procellis orat Paulus, exemplum præbens quid in temptationibus facere cōueniat. Et de visionum ratione non est quod multa disputem. Frequentissimæ fuerunt olim apud Prophetas, quibus Dominus spectro aliquo obiecto aut imaginatione ceu hypotyposi quadam declarabat quid futurum esset. Verum nonnihil de hoc dicemus in cap. 10.

Respon-

Respondit autem Ananias: Domine audiui ex multis de viro hoc quanta mala fecerit sanctis tuis Hierosolymæ. Et hoc loco habet potestatem à principibus sacerdotum, vincendi omnes qui inuocant nomen tuum.

Sæpe inuenias in Prophetis Prophetas ipsos Propheticam detrectasse functionem, vel quod plurimum inuidiæ & periculi habere videretur ea functio, vel quod minus apti ad eam administrandam sibi ipsis viderentur. Periculum caussatur hoc loco Ananias: sed repellitur à Domino, qui præcipit vt excluso omni timore & firma in eum fiducia animi collocata, id faciat quodcumq; ille iusserit. Se enim institutum hoc, quod ipsius cœptum auspicijs, fortunaturum. Sic enim sequitur:

Dixit autem ad eum Dominus: Vade, quoniã organum electum est mihi iste, vt portet nomen meum coram gentibus & regibus ac filijs Israel. Ego enim ostendam illi quanta oporteat eum pro nomine meo pati.

Hæc proprie pertinent ad commendationem nominis Pauli, maxime tamen doctrinæ eius. Tria autem dicit. 1. Organum electum est mihi Paulus, siue vt more Hebraico loquamur, Vas *Laus Pauli.* electionis est mihi Paulus. Innuit autem forma loquendi hominem electissimum & omnibus numeris absolutissimum, *Ein vserwelter mensch/* quo non alius sit vel charior vel nobilior. 2. Nomen meum, id est, gloriam, veritatem, iustitiam, bonitatem, misericordiam, breuiter ipsum Euangelij mei negotium, omnibus prædicabit gentibus, imò ne Iudæorum quidem insidijs aut regum cedit superbiz. Audiemus enim augusta quædam quæ in Iudæa & coram regibus & principibus egerit diuinus hic Apostolus. Allusum autem videtur hisce verbis ad sententiam Ieremiæ quæ recensetur in 1. cap. 3. Hactenus quidem vastauit Ecclesiam & tyrannidem exercuit in miseros, at nunc vicem rependet. Multo enim seueriora perfert volens quam modo parabat vobis. De hoc ipse plura de sese testatus est in 2. ad Corinth. 11. Multa autem salubria dogmata ex hoc loco decerpi possunt, nempe de constantia, de dicendi libertate contra ignauum pauorem, de absoluta veritate nominis Dei prædicanda, & de cruce sponte perferenda, item de certa veritatis victoria. Homines nitimur regibus, moribus vetustis, hominum regiorumque multitudini: sed fortior hisce omnibus est veritas, qua innixus Moyses, Samuel, Helias, Michæas & Christus, Pharaonem, Saulem, Achab & omnium impiorum manum deuicit.

Et abiit Ananias, & introiuit in domum, & imponens ei manus, dixit: Saul frater, Dominus misit me, qui apparuit tibi in via qua veniebas, vt visum recipias, & implearis Spiritu sancto.

Expositio est historica nunc enim describit quomodo prouinciam impositam subierit, ac feliciter miraq; religione præceptum Domini impleuerit. Respiunt autem ipsa Ananiæ verba phrasim Propheticam. Prophetæ enim subinde ingerebant, Dominus misit me, Hæc dicit Dominus. His iungit exteriorem ceremoniam, impositionem videlicet manuum. De qua supra.

Et confestim deciderunt ab oculis eius tanquam squamæ, & visum recepit, & surgens baptizatus est. Cumq; cepisset cibum, corroboratus est.

Iam sine difficultate sanat Dominus quos percusserat. Sanati autem subiiciunt se voluntati eius, quemadmodum hic videmus Apostolum Paulum sese totum dedicare Domino, suscepto sacro baptismi symbolo. Porro de squamis multi multas adferunt allegorias. Atqui video simplicius esse, si dicamus decidisse squamas propterea, ne cæcitas videretur fuisse baptismus. Si vero quippiam significant, iam crassitiem Iudaicam & sapientiæ mundanæ, denique & erroris sordes significant, quæ per Spiritum Dei sanctum expurgantur. Quod autem cibum sumpsit & corroboratus est, docuit ne cessariam & moderatam curam corpori esse impendendam. Nam in 2. ad Coloss. capite clarius tradit istos non esse imitandos qui sese religionis specie emacerant, à cibis abstinere, & nescio quam angelicam vitam simulant.

Fuit autem Saulus cum discipulis qui erant Damasci, per dies aliquot, Et continuo in synagogis prædicabat Christum, quod is esset filius Dei. Stupebant autem omnes qui eum audiebant, ac dicebant: Nonne hic est qui ex pugnabat Hierosolymis eos qui inuocabant nomen istud? Et huc ad hoc venit, vt victos illos duceret ad principes sacerdotum? Saulus autem multo

magis conualefcebat, & confundebat Iudæos qui habitabant Damasci, affirmans quod is esset Christus.

Christus Deus.

Euangelij fundamentum est, quod Iesus Christus sit filius Dei. Hoc subuerso, euacuatum est totum Euangelium. Ab hoc ergo non temere auspicatur Paulus. Si enim Christus Deus non esset, iam salus & obiectum fidei nostræ esse non posset. Proinde qui Christi diuinitatem negant, totum Euangelium subuertunt. Hoc primum erat quod de Christo prædicabat. Secundum illud erat, quod scripturis demonstrabat Iesum esse Christum, id est, verum in lege & Prophetis promissum Messiam, qui venturus erat rex, iustitia, salus, sacerdos, & hostia credentibus. Atque hæc quidem omnia non frigide tractabat, sed ardentissime, adeo ut Iudæi præ inuidia rumpi potuissent. Verbum enim Confundebat non significat hic pudefaciebat, sed commouebat ac perturbabat, *Macht sy gar vnrichtig/ vnd daß sy nit wußtend woran sy wärend.* Alij qui paulò erant æquiores mirabantur de subita mutatione. Et sanè mirandum erat, quod tantus vir tam cordate prædicaret quod tam atrociter hætenus impugnauerat. Neminem ergo posthac pudeat susceptæ veritatis & abnegatæ superstitionis. Iam si sint qui obijciant, inconstantis esse ut quis olim damnata, nunc quidem amplectatur. Didicimus nos hoc præsentis exemplo Pauli, non indecorum esse, si quis intellecto errore ad veritatem declinet, & hanc non minori defendat ardore quam prius superstitionem propugnauit.

Expletis autem diebus compluribus, inierunt inter se Iudæi consilium, ut illum occiderent. Sed intellectæ sunt Saulo insidiæ eorum. Afferuabantque portas die ac nocte, ut eum interficerent. Accipientes autem eum discipuli nocte, per murum dimiserunt, submittentes in sporta.

Fuga.

Non enim habent impij arma alia quibus errores & superstitionem suam propugnent quam minas, carceres, flagra, horrenda & varia mortis genera. Atqui hic non fuerit turpe duci verbi, si se subducat & sese melioribus seruet. Nam Dominus, Si (ait) vos in vna ciuitate persequuti fuerint, fugite in aliam. Nemo itaque vitio vertit Paulo, quod sporta è Damasci mœnibus demissus abierit in Arabiam. Fugiant enim & strenui nonnunquam duces, ut iterum pugnare valeant. Inuenias & apud Gentes maximi nominis viros sæpius commutasse sedes, donec & personæ absentia & temporis diuturnitas hostilem animum lenisset, & obliuionem inuidiæ obduxisset.

Cum autem Saulus venisset Hierosolymam, tentabat se iungere discipulis, & omnes timebant eum, non credentes quod esset discipulus. Barnabas autem apprehensum illum, duxit ad Apostolos, ac narrauit illis, quomodo in via vidisset Dominum, & quod loquutus esset ei, & quomodo in Damasco fortiter egisset in nomine Iesu.

Credulitas.

Lucas hoc loco seriem historiæ continua narratione non texuit, sed ea tantum retulit quæ Christi Euangelio digna sunt visa: Præterita igitur Pauli in Arabiam profectio, cuius in Galatis meminit, protinus subiungit quomodo post reditum ex Arabia Hierosolymam venerit: quod ipsum tamen toto triennio post factum esse ipse testatur in epistola ad Galatas cap. 2. Quod autem fideles ægre se committunt Paulo, monet ne quibuscumque facile credamus quiduis simulantibus. Quod autem Barnabas susceptum adducit ad Apostolos, discimus modum quoque in rebus seruare omnibus, & ne ad credendum nimium simus tardi ac præduri. Quis enim non reciperet vere pœnitentem? Barnabas ergo ex actis virum commendat. Proinde si acta virum nobis commendarint, merito veterum obliuiscimur iniuriarum, si modo tales sint quæ veniam mereantur. Hic autem idem ille Barnabas est cuius mentio habetur in capite quarto, de quo multa ac varia per historiam traduntur. Vir omnino prudens, sanctus, fortis, eruditus & verè pius fuit. Ioannes Chrysostomus existimat hoc citius Pauli familiaritate vsum fuisse Barnabam, quod ipsi olim fuisset amicus. Vtunque vero res habeat, hoc tamen constat Barnabam virum fuisse incomparabilem, doctum, & varia rerum experientia sapientissimum.

Barnabas.

Et erat cum illis versans Hierosolymis, cum fiducia loquens in nomine Domini Iesu. Loquebaturque & disputabat aduersus Græcos: Illi vero quære bant occidere eum. Quod cum cognouissent fratres deduxerunt eum Casaream, & emis(er)unt Tarsum,

Ipsa re,

Ipsa re, & publica Christi confessione comprobabat se Christi esse discipulum. Proinde conuenit ut priusquam credamus ei, qui aliquando turpiter & crudeliter vixit, prius sanctimonie & iustæ resipiscencie certa argumēta habeamus. Quæcumq; autē egit Paulus, summa egit fiducia, hoc est, maxima certitudine, cōstantia & libertate: in primis autem conuicit factionem Hellenistarū, quæ ut Stephanum falsis perdidit testibus, ita Paulo quoq; parabat insidias. Verum prudens fratrum simplicitas nolens maximum virum succumbere impiorum inuidiæ, deductum aliquouſq; emiserunt in patriam Ciliciæ Tarsum, ut & hanc veritatis prædicatione nobilitaret. Pietas enim in patriam maxima virtus vel apud Gentes celebratissima hoc suadebat. Sed & ipsa prudentia suadet, ut nonnunquam furorem imperitiæ plebis declinemus. Iam aliquouſq; suspenditur narratio de gestis Pauli, & quædā inferuntur de Petro acta nobilissima, prius tamen in genere descripto communi statu Ecclesiæ.

Igitur Ecclesiæ quidem per totam Iudæam & Galilæam & Samariam habebant pacem, & ædificabantur versantes in timore Domini, & consolatione Sancti spiritus multiplicabantur.

Verè enim dicitur, Quod caret alterna requie, durabile non est. Pacem igitur concedit Ecclesiæ *De pace exa* suæ nonnunquam Dominus, non ut secunda & iners stertat, sed ut à malis aliquouſque respiciat, & se *terna,* ad ventura pericula parat. Porro ipsa pax non paratur veri abnegatione, inconstantia, hypocrisi, & falsa pusillanimitate: sed timore Dei, amore veri, constantia iusti, & odio mali. Locus autem aduersus eos primum pugnat, qui Ecclesiam cruce explorant, & proinde omnes illas Ecclesias damnant, quæ non publicam persecutionem sustinent. Quos & Augustinus alibi confutauit. Deinde pugnat aduersus eos qui pacem vel proditione veri, vel dissimulatione mali inducere volunt. Tales enim omnium miseriarum authores sunt.

Factum est autem, ut Petrus dū peragraret per omnes, deueniret etiam ad sanctos qui habitabant Lyddæ reperit autem ibi hominem quendam, nomine Æneam, annis iam octo decumbentem in grabbato, qui erat paralyticus. Et ait illi Petrus: Ænea, sanet te Dominus Iesus Christus. Surge & sterna tibi ipsi. Et continuo surrexit, & viderunt eum omnes qui habitabāt Lyddæ & Assarone, qui conuersi sunt ad Dominum.

Miracula quædam virtute Domini, Petri opera in varijs vrbibus patrata, mira describit euidētia. De signis satis disputatum in superioribus. Catastrophe signi subiicitur: Et viderunt hoc habitatores Lyddæ & Assarone, & conuersi sunt ad Dominum: non autem ad Petrum. Fallacia ergo sunt omnia ea signa, quibus discimus non Domino soli, sed creaturis quoq; fidere.

Ioppe autem fuit quædam discipula nomine Tabitha, quæ interpretata dicitur Dorcas. Hæc erat plena operibus bonis, & eleemosynis quas præstabat. Factum est autem in diebus illis, ut infirmata moreretur. Quam cum lauissent, posuerunt in cœnaculo. Cum autem vicina esset Lydda Ioppe, ac discipuli audissent quod Petrus esset in ea, miserunt ad eum, rogantes, ne grauaretur venire vsq; ad se. Exurgens autem Petrus venit cum illis. Et cū aduenisset duxerunt illum in cœnaculum, & circumsteterunt illum omnes viduæ flentes, & ostendentes tunicas vestesq; quas faciebat, quum esset cum ipsis Dorcas.

Eiusdem generis cum superiori est & præsens miraculum, nisi quod in Dorcade laudantur opera misericordiæ, ut eius exemplo etiam nos ad ea præstanda incitemur. Hæc enim verè bona opera esse testatur ipse Dominus Matth. 25. Quidam falso & frustra operam & impensas maximas impendunt lapideis templis & statuis, at viuum Dei simulachrum hominem negligunt, vel quia miserum propter auaritiam non iuuant, vel quia inopem opprimunt iniuria. Sed misericordiā vult Dominus, non sacrificium. De nominis autem ratione disputans Capnion, vir in omni disciplinarum genere peritissimus, existimauit in libro de Verbo mirifico, nō Tabitham, sed Thabiam hoc loco legendum esse, quod ea vox Assyrijs Dōrcadem significet, quod animal Latini Capream vocamus admodum acri oculorum acie præditum. De quō apud Pliniū. Fortassis id nominis propter visus aciem acutissimam animali tributū est. *Dorcas* enim Græcis deriuatur à *δῖρα*, hoc est, video. Iam & Hebræis *רָאָה* significat vidit. Vnde iam abiectis adiectisq; aliquot more Hebræo literis deriuatum videtur *רָאָה*

Quod si Erymon mysterium habet, iam significatum est illam fuisse visus acerrimi, quæ procul à celestibus sedibus hisce in terris agens, nihilominus æterna peruiderit, utpote quæ ille fidelibus ambierit operibus.

Eiectis autem omnibus foras, Petrus positis genibus orauit, & conuersus ad corpus, dixit: Tabitha, surge. At illa apperuit oculos suos, visusq; Petro, resedit. Data autem illi manu, erexit eam, & quum vocasset sanctos ac viduas, exhibuit eam viuam. Id autem innotuit per totam Ioppen, & crediderunt multi in Dominum.

Idq; ad magistri exemplum, de quo simile quippiam legis apud Matthæum in 9. Duo autem hic obseruanda sunt, prius est quod orat, posterius quod Ioppenses Domino credunt.

Factum est autem, ut dies multos maneret Ioppe apud Simonem quendam coriarium.

Supra corium est, *supra* coriarius, siue is sit qui corium apparat, ein gerwer/ siue is qui corium in vsus confuit hominum. Mirandum autem est, quod tantus Apostolus in tam humili (ut videtur) agit hospicio, cum nunc huius vicarium, si dijs placet, vix trium regum palatia sufficiant excipiendo. Cæterum Ioppe mansit propterea quod maximæ frugis maxima spes esset. Duremus ergo, & nosmet rebus seruemus secundis.

CAPVT X.

Vir autem quidam erat Casareæ, nomine Cornelius, centurio ex cohorte quæ dicitur Italica, religiosus ac timens Deum cum tota domo sua, præstans eleemosynas multas plebi, deprecansq; Deum semper.

Gentium vocatio.



GLEBRIS est in omnibus scripturis maximè propheticiis Gentium vocatio: proinde oportuit eam quoque celebri initio auspicari. Hactenus enim nihil peculiariter de ea actum est, neque hactenus palàm Gentibus prædicatum est Euangelium. Samaritæ enim quibus prædicauit Philippus non veniunt in numerum Gentium, & Æthiops erat Proselytus. Paulo modo dictum quod esset prædicaturus Gentibus, quod Arabibus prædicarit non scribitur. Et fortasse hac caussa obtinuit, ut hic tandem maiore cum autoritate & pondere differeret de legitima Gentium vocatione. Et posthac paucula admodum audiemus de Iudaica Ecclesia. Nam omnis gloria veteris Synagogæ & populi Dei defertur iam ad Gentes. Illa ergo neglecta iacet. Hæc porro speciosissimè floret. Nam illa veritatem (quod hactenus audiuius) neglexit, illam proscripsit & edictis propositis opprimere voluit, ministros Dei sanctos & fideles indignissimè tractauit, conuijs proscidit, flagellauit & occidit, multos quoque viros bonos exturbauit in exilium ipsa morte calamitosiorem sortem. Dignissimè ergo & merito reiecta est ne haberet in regno Dei consortium, ipsumque hoc Dei regnum datum est genti facienti fructum eius. Cauemus, ô fratres, caueamus ne & nos simili exemplo propter impietatem & ingratitude nostram excidamus è felicissimo veritatis statu. Itaque descripturus Ecclesiæ Gentium felicissimum statum, à nobili exemplo Cornelij auspicatur, atque vocationem Gentium (quæ apud multos adhuc in dubio stabat) venusta reuelatione demonstrat: quæ omnia si conferantur scripturis propheticiis & ijs quæ de vocatione Gentium ad Romanos scripsit Apostolus, mira sese offeret consonantia, virtus Dei, & operum Dei ratio sapiens ac iustissima. Principio autem præmittit more historico Prosopopœiam. Describit enim Cornelium à maioribus, officio, pietate, qualis is fuerit per quem aut in quo primitus voluerit Dominus initiari ac solenni celebriq; ritu reuelare Gentium vocationem. Cornelius ergo ex maioribus fuit Ethnicus, professione seu officio Centurio, sed religione pius *iuu* ac timens Deum, & talis omnino qualem referant Euangelistæ Christo occurrisse, & de cuius fide ipse Dominus dixerit se parum in toto Israele non reperisse. Ex quibus colligimus Deum verum non modo Iudæorum, sed & Gentium esse Deum, utpote qui velit omnes saluare & ad agnitionem veritatis venire. Colligimus præterea aliquid esse genus militiæ quod non sit omnino impium, utpote in quo militarint summa fide viri religiosi ac timentes Deum. Quales forsitan & Dauid rex plurimos habuit, & Baptista instituere voluit, cum dixit: Ne cui vim inferatis, neque quolibet ob leues causas quenquam opprimatis, sed contenti estote stipendijs vestris. Talis nimirum fuit & Legio apud veteres dicta fulminea, cuius

Cornelius.

De militia.

eius meminit post Tertullianum in Apologetico Clemens apud Eusebium. Sed & ipse Augustinus libro aduersus Faustum Manichæum vicesimosecundo capite 74. ostendit quoddam esse Christianum quoque licitum genus militiæ. Et D. Hieronymus in Epistola ad Saluinam de Viduitate seruanda, huius Cornelij mentionem faciens, dicit: Nihil nocuit militanti paludamentum & baltheus, & apparitorum cateruæ, quia sub habitu alterius alteri militabat. Sicut è contrario alijs nihil prodest vile palliolum, furua tunica, corporis illuuiæ, & simulata paupertas, si nominis dignitatem operibus destruant. Legimus & in Euangelio de alio Centurione Domini testimonium, Nec in Israel tantam fidem inueni. Quibus tamen omnibus nos nullam ansam illis suppeditatam volumus, qui quouis Care viliores, principum sectantur stipendia, nullo belli neq; iure, neq; iniuria cōmoti, sed tantū turpi cupiditate illecti. Ad hos enim pertinet maledictio Domini, Deut. 27. Maledictus qui accipit munera, vt percutiat animam sanguinis innocentis, & dicet omnis populus, Amen. Neque verò militia Romana nostræ par erat. Intelligimus enim cohortem Italicam, hoc est, militum Italicorum globum longo tempore Cæsareæ fuisse. Nam & domus totius, id est, vniuersæ familiæ, cognatorum quoque & amicorum necessariorum Cornelij meminit paulò post in historia Lucas. Iam est notius quàm vt referamus de Romanorum legionibus, quas in limitibus imperij contra hostium Parthorum maximè incurSIONES, & vt in fide retinerentur prouinciæ, aluerunt, distributis oppidatim cohortibus & turmis. Sed & illud vel ex Vegetio notissimum est, plures in eadem legione fuisse cohortes numero impares. De quare in lib. 2. cap. 6. & in eodem lib. cap. 8. Erant etiam (ait) Centuriones, qui singulas centurias curabant, qui nunc Centenarij appellantur. Iam verò si quis miretur quomodo potuerit esse pius, religiosus, ac timens Deum, qui adeo non erat in fide institutus, vt Petrum cogeretur accersere doctorem, reuocet in memoriam verba Pauli, quæ de Gentibus in 1. ad Rom. cap. & 2. scribit. Inde enim intelligit Deum sensum aliquem sui indidisse Gentibus, qui postea per Euangelij prædicationem clarior & euidentior fit. Nam nisi credidisset esse Deum, proculdubio Deum nequaquam precibus inuocare potuisset. Proinde quas conferebat eleemosynas, per fidem conferebat, quæ fides prædicatione postea auctibus ad iustam excreuit mensuram. Præterea fieri potuit, vt quotidiani conuictu Iudaico nonnullum religionis sensum non secus perceperit, atq; multos Gentiliū in captiuitate Babylonica familiaritate Iudæorum percepisse videmus. Breuiter, nulla religio vera, & nullius timor Dei potest esse sine fide. Quin & ipsissima Dei opera oratio & eleemosyna aderant, aderat ergo & fides, etsi imperfectior adhuc. Habet enim fides augmenta sua: sed & illud fidei insignne documētum est, quod totam familiam in vera religione instituebat. Porro ne quem illud lateat, Cæsarea hæc illa erat, quam veteres vocarant Turrim Stratonis. Præterea apud Romanos Cornelij nomen erat celeberrimum, vt nihil mirum sit virum hunc hoc nomine fuisse nuncupatum: sed hoc forsan minutius est, quàm quod annotari conueniat.

Pietas Cornelij.

Is vidit per visum manifestè ferme hora diei nona angelum Dei introeuntem ad se, dicentemq; sibi: Corneli. At ille intuens eum, ac timore correptus, dixit: Quid est Domine?

Quemadmodum mutua visione Paulum Ananiæ, & Ananiam Paulo præparauit Dominus, ita *Vocatio Dei.* hoc loco Cornelium Petro, & Petrum præparat Cornelio. Attemperat autem se Deus nonnihil affectibus nostris, dum quemuis nostrum ijs vocat medijs, quibus facillimè permouemur. Magos quidem nouo vocabat sydere, Iudæos scripturarum auctoritate, Gentes signorum miraculis, Corneliū verò noua angeli specie. Existimabant enim Gentes dijs cum hominibus plurimum esse commercij. Ergo pro reuerentia, Quid vis (ait ad angelum) domine? Sic enim vocat eum quem videbat augustius quippiam esse quàm hominem. Audierat forsan à Iudæorum in religione magistris, Deum angelorum ministerio in ijs rebus vti, quibus agit cum hominibus.

Dixit autem illi: Orationes tuæ & eleemosynæ tuæ ascenderunt in memoria coram Deo. Et nunc mitte viros Ioppen, & accersere Simonem qui cognominatur Petrus. Hic diuersatur apud Simonem quendam coriariū, cui est domus iuxta mare: Hic dicet tibi quid te oporteat facere.

Hoc dicit angelus: Flexus est precibus & munificentia tua in pauperes Dominus, vt tibi magnum aliquod donum impartiri pararit: nunc ergo quibus medijs id assequaris accipe. Est vir quidam Simon cognomine Petrus, nunc quidem Ioppe apud Simonem coriariū degens, eum accerses, is exponet tibi in quo consistat vera felicitas, & quomodo verè beatus esse possis. Igitur quæ Cornelio ad beatè viuendum sufficiebant, ea vtiq; & nobis sufficiunt, etiamsi in vniuersum nesciamus aut negligamus pontificias & humanas traditiones. Abutuntur autē pontificij hoc loco, dū ex eo vel

Aduersus iustitiam operum. iustitiam operum, vel meritum probare volunt. Non enim vident omnia opera Cornelij ex fide facta esse, quæ sanè fides gratuitum Dei donum est. Quin & ipse Beda in hunc locum, Non virtutibus (inquit) ad fidem, sed fide pertingitur ad virtutes, ut beatus Papa Gregorius exponit. Cornelius enim (ait) cuius eleemosynæ ante baptismum, angelo teste, laudatæ sunt, non operibus ad fidem, sed fide venit ad opera, &c. Hæc Beda. Præterea Mileuentana Synodus in hæc verba super hac re censuit, Manifestissimè credendum est, quod Cornelij Centurionis, ad quem angelus Domini missus est, illa tam admirabilis fides non fuerit de natura, sed diuinæ gratiæ largitate donata. Verùm de hac re pluribus disputatum est in superioribus, & in Epistola ad Romanos. Illud verò iterum hoc loco obseruandum, quod etiamsi Dominus citra externæ prædicationis ministerium potuisset instituisse Cornelium, nihilominus tamen id non fecit, sed ad Petrum Euangelij præconem fidelissimum ablegauit. Nemo ergo nostrum dixerit, Reuelationem habeo, ministerio verbi non est opus, &c.

Et quum discessisset angelus qui loquebatur illi, vocauit duos famulos suos, & militem religiosum ex his qui sibi adhærebant. Quibus quum narrasset omnia, misit illos loppem.

*Obedientia
Cornelij.
Legatio.*

Præpropere accingitur, ut diligentissimè illud expediat quod angelus iniunxerat. Merito enim damnantur qui frigido & ignauo pectore stupent, ac tardius ad verbum Domini querendum se mouent. Singularis autem prudentiæ ac pietatis est, quod non quosuis mittit nuncios, sed delectissimos ac spectatæ fidei homines. Nam non parum retulerit quid cui delegemus officij, aut quos mittamus in re quauis nuncios.

Postridie verò facientibus illis iter, & appropinquantibus ciuitati, ascendit Petrus in superiora domus ut oraret, circa horam sextam. Et cum esuriret, voluit gustare cibos. Parantibus autem illis, irruit super eum mentis excessus.

Hora orationis.

Iam verò accingitur historices, ut & aliam exponat visionem, qua petrum Cornelio præparauit Dominus, & ostendit quod etiam Gentes in albo populi Dei sint inscripti, quocirca nihil cunctetur illis Euangelij prædicationem annuntiare. Cæterum ex hoc loco iterum cognoscimus quod temperantia & oratio ad Deum perpetuum sit Christiani hominis exercitium. Quod autem ad sextam precabatur, ex more gentis fiebat. Nam constat, tertiam, sextam, & nonam peculiariter orationi apud Iudæos dicatas fuisse. Christus verò tempus & locum in oratione libera esse voluit, & tamen ordinem in rebus quibusuis commodum, & à superstitione alienum, nunquam damnavit. Quod Petrus in superiora domus conscendebat, propterea fiebat, ne quis orantem inturbaret. Quin & ipsa templa apud nos non tantum ob cætum instituta sunt, sed propter eos etiam, quibus domi ob strepitum familiarem non licet orare quietius. Porro quod ieiunus & in ipsa rapitur oratione, significatur quod orantibus & temperantibus reuelantur mysteria Dei. Saturis enim & oscitantibus stupet mens. Crapulam enim & somnum malunt quam spiritus diuini gratiam.

Et videt cælum apertum, ac descendens ad se vas quoddam velut linteam magnum, quatuor initijs alligatum, submitti è cælo in terram, in quo erant omnia quadrupedia terræ, bestięque & reptilia, & volatilia cæli. Et facta est vox ad eum: Surge Petre, macta & vescere. Ait autem Petrus: Nequaquam Domine, quia nunquam edi quicquam commune & immundum. Et vox rursus iterum ad eum: Quæ Deus purificauit, tu communia ne dixeris. Hoc autem factum est tertio. Et rursus receptum est vas in cælum.

De visionibus.

Diuus Aurelius Augustinus contra Adimantum cap. 28. Multa (inquit) in scripturis inueniuntur visionis genera. Vnum secundum oculos corporis: sicut vidit Abraham tres viros sub ilice Mambræ, & Moses ignem in rubo. Alterum secundum quod imaginantur ea quæ per corpus sentimus. Nam & pars ipsa nostri cum diuinitus assumitur multa reuelantur, non per oculos corporis aut aures aliumue sensum carnalem, sed tamen his similia: sicut vidit Petrus discum illum submitti è cælo cum varijs animalibus. D. porro Hieronymus hanc exponens allegoriam in Epistola ad Rusticum scribit, Iam testum atque solarium cum Petro Apostolo conscendisti, qui esuriens in Iudæis Cornelij saturatur fide, & famem incredulitatis eorum Gentium conuersione restinguit, atque in vase Euangeliorum quadrangulo, quod de cælo descendit ad terram, docetur & discit omnes homines posse saluari. Rursusque quod viderat in specie candidissimi linteaminis in superna transfertur, & credentium

dentium turbam de terris ad cœlum rapit, vt pollicitatio Domini compleatur, Beati mundo corde, quoniam ipsi Deum videbunt. Hæc Hieronymus. Itaq; visio illa allegoriam habet, quæ ipsa rei gestæ historię clarissimè postea exponitur. Cœlum enim apertum significat aditum paratum esse ad cœlestia, nec quibusuis, sed ijs qui intra linteamen sint constituti. Linteamen mundum, Ecclesiam significat Christi sanguine mundatam, quæ cœlitus nascitur, & in cœlum tandem rapitur, quæ & finibus terræ terminatur. Nam quatuor initia significant quatuor plagas mundi. Ergo in hoc sunt omnia animantium genera etiam vetita (Leuit. 11.) & immunda. Nam Ecclesia colligenda erat non ex Iudæis tantum, sed & ex prophanis quoq; Gentibus. Id cū eo tempore à plerisq; imò & ab Apostolo Petro nesciretur, oraculo cœlitus delato clarissimè docetur. Audit enim Petrus, Quæ Deus purificauit, ea nemo prophana dixerit. Hæc de visionis huius mysterio. Eadem potest etiam ad ciborū libertatem referri, quo & D. Augustinus, cuius diligentia in sacris interpretandis etiam Hieronymus commendat, Hom. 45. retulit, palam testatus Christianis liberum esse, vt quibus velint vescantur, dummodo ad satietatem nō ad luxum. Beda contrā miratur quomodo hæc quidē de escis sine delectu vescendis exponant, cum serpentes & alia hic numerentur reptilia quæ vesci non possint. Quasi verò nesciamus plures apud Cosmographos inueniri Ophiophagos, serpentidos, inquam, id est, eiusmodi homines qui vident serpentes; item qui crocodylo immani belua vescantur, rursus qui ostreis passim testudinibus & locustis vtantur in cibo. Quin nemini dubiū est simul & literæ sensum & allegoriæ mysterium in eodem loco scripturæ citra errorem recipi posse. Nam petra percussa & æneus serpens Christum (teste scriptura) significabant; sed nihilominus verum erat & verè cōtigerat quod historia narrabat. Itaq; saluo vocationis Gentium mysterio, hinc etiam colligi potest, quibuslibet indifferenter vescendum esse, maximè cum hoc ipsum cum alijs scripturæ locis prorsus non pugnet; sed & illa generalis sit sententia, Quæ Deus purificauit, ea nemo immunda dixerit. Huc enim si addas Paulinam sententiam, Omnia pura puris, iam habebis quod volebas, liberum esse fidelibus cibum quemlibet, modò cum gratiarum actione vescantur, 1. Timoth. 4.

Delectus ciborum.

Et dum apud sese hæsitaret Petrus, quæ nam esset visio quam vidisset, ecce viri qui missi erant à Cornelio, percontati de domo Simonis, adstiterunt ad ianuam. Et euocato quepiam, interrogabant, an Simon qui cognominaretur Petrus, illic haberet hospitium. Petro verò cogitante de visione, dixit spiritus ei: Ecce viri quærunt te. Surge itaq; & descende, & vade cum eis, nihil hæsitans, propterea quod ego misi illos.

Hæsitant enim & sancti nonnunquam, sed protinus instituuntur à Domino, quemadmodum videmus hoc loco vsu venire Petro. Exponit enim visionem spiritus, & ait, Descende ad viros qui te quærunt, & vade cum illis, nihil hæsitans imparti Gentibus gratiam Euangelij. Ex me enim institutum est quod sustipis. Existimat autem Beda spiritum dicere, quando occulta vi gratiæ, quæ agenda sunt cernimus.

Descendens autem Petrus ad viros, qui missi erant à Cornelio ad ipsum, dixit: Ecce ego sum ille quem quæritis: Quæ causa est propter quam venistis? Qui dixerunt: Cornelius Centurio, vir iustus, ac timens Deum, & testimonium habens ab vniuersa gente Iudæorum, oraculo admonitus est ab angelo sancto, vt accerferet te in domum suam, & audiret verba abs te. Intro vocatos igitur eos, recepit hospitio.

Nihil hic aliud dicitur, quàm quod supra audiuius expositum, nisi quod hic in seriæ narrationis siue historię pingitur mira Petri familiaritas ac hospitalitas, omnibus viris Apostolicis & Ecclesiæ proceribus in exemplum, vt & ipsi humani, comes, benigni, & hospitales sint: non arrogantes, superciliosi, præfracti & plus nimio tenaces. Porro verba posuerunt more Hebraico pro toto commissio negotio.

Familiaritas.

Sequenti verò die Petrus profectus est cum illis, & quidam ex fratribus ab Ioppenfibus comitati sunt eum. Postridie verò introierunt Cæsaream.

Hæc faciunt ad explendam historię seriem. Interim verò monent, ne quid nos pigeat laboris propter Dominum & Ecclesiæ suæ utilitatem suscepti: præterea Ioppenfes singulari quadam Dei providentia in comitatu sunt, vt testes eorum essent quæ gererentur.

Porro Cornelius expectabat illos, conuocatis cognatis suis, ac necessarijs amicis.

Duas huius conuocationis causas assignant. Prior, vt ipsum nobile factum plures haberet testes. Posterior, vt beneficium ad plures diffunderetur. Solet enim mens pia admodum esse anxiosa, vt communis ac supremæ salutis multi, in primis verò necessarii nostri, sint participes. Hunc locum si obseruarent Catabaptistæ, nimirum intelligerent parentes de liberorum salute anxios esse, quando & Cornelius amicorum maximam videtur habuisse rationem. Necessarii autem (Græcus ἀναγκαῖοι φῖλοι: dixit) Latinis dicuntur, qui iure affinitatis & peculiaris amicitie nobis coniuncti sunt. Et necessitudo inde dicta est ipsum ius & officium obseruantie affinitatis. De hoc Gellius pluribus in 13. capite tertio.

Vt autem factum est vt introiret Petrus, obuiam progressus ei Cornelius, ac procidens ad pedes, adorauit eum. Petrus verò erexit eum, dicens: Surge, & ego ipse homo sum.

Reuerentia.

Reuerentia prorsus debetur seruis Dei ac sanctis hominibus, sed humana ac moderata. Modum excedebat Cornelius, & Proinde corripitur à Petro. Procidens enim ad pedes Apostoli hominem adorauit: quod quidem non tantum ad geniculationem & gestum corporis (vt apud Hebræos sæpe) referri potest, quam iam expresserat, cum dixerat, Procidens ad pedes, sed plus quippiam de homine sensit, quam conueniret. Proinde Petrus erigit eum, ac dicit: Surge, nam & ego ipse homo sum, asserens omnem gloriam Deo esse referendam. Facit hic locus plurimum aduersus eos, qui cultum Diuorum propugnant, & Pontificis Romani tuentur tyrannidem. Hic enim cum se Petri iacet Vicarium, non modo Centurionem aliquem non erigit, sed ipsum etiam Romanorum Imperatorem maximum ad pedes deiectum, pedibus (vt aiunt) coronat, denique & pedes (turpe dictum) ad oscula subijcit in omnibus. Quod sanè nullo Apostolorum exemplo didicit, sed pessimorum in orbe hominum ritu. Nam Diocletianus maximus fidei Christianæ persecutor, edicto sanxit, vt omnes prostrati, pedes sibi oscularentur, quibus etiam venerationem quandam (vt ait Vrbinas Polydorus) adhibuit, exornans calceamenta auro, gemmis ac margaritis: quod fecisse antea C. Caligulam totius Reipub. pestem nocentissimam, scribit Seneca.

Pedum osculatio

Et colloquens cum illo, intrauit, & offendit multos qui conuenerant, dixitque ad illos: Vos scitis, non esse fas viro Iudæo coniungi, aut accedere ad alienigenam. Sed mihi ostendit Deus, ne quem communem, aut immundum dicerem hominem, quapropter & incunctanter veni accersitus. Interrogo ergo, quam ob causam accersistis me?

Deut. 7.

Iterum ostendit in Petro quædam humanitatis & familiaritatis indicia. Deinde verò reconset quomodo se expurgarit ab ea labe, qua videri poterat aspersus, quod contra legem Domini commiseretur Gentibus. Nam aderant ex Ioppen sibus viri qui hac re poterant offendi. Rursus, cum ipse Cornelius vnà cū suis tanto tempore iam inter Iudæos esset versatus, nescire non potuit quo animo Iudæi in Gentes essent adfecti. Proinde ne vel illi offenderentur, vel hic parum ei fideret, priusquam ipsam rem aggrediatur illud quod offendere ac labefactare poterat infirmorum mentes, apologia eximit. Hinc verò interrogat cur vocarint: non quod nesciret qua causa vocatus esset, sed vt coram fatentes audiret, & solidi in Deum amoris non fallentia perciperet argumenta: denique vt vndique sibi probè constaret cū reuelationis tum rei gestæ historia. Cæterum si quis indecorum & Deo indignum putat, vt quod olim oderit aut inhibuerit, nunc amet & præcipiat: is expendat quod prius illud de vitando Gentium contubernio præceptum, ad tempus datum est, & quod ad morum vitæque contagionem euitandam magis pertinuit, quam ad externam vitæ conuersationem.

Consortium Gentium.

Et Cornelius ait: Die ab hinc quarto vsque ad hanc horam sedebam ieiunus, & hora nona precabar in domo mea, & ecce vir stetit ante me in veste splendida, & ait: Corneli, exaudita est deprecatio tua, & eleemosynæ tuæ in memoria habitæ sunt coram Deo. Mitte ergo qui eant Ioppen, & accerse Simonem qui cognominatur Petrus, hic diuersatur in ædibus Simonis coriarij iuxta mare, qui simul atque venerit, loquetur tibi. Confestim ergo misi ad te, & tu bene fecisti qui adueneris. Nunc ergo omnes nos, teste Deo, adsumus, vt audiamus omnia quæcunque tibi præcepta sunt à Deo.

Eadem

Eadem dicuntur, quæ iam secundo sunt exposita. Declarant autem quàm probè sibi confet scripturæ sanctæ veritas. Ad finem autem adiecta est illa elegantissima Cornelij & suorum confessio, & prudens gratiarum actio. Agit enim gratias quòd venire ad se dignatus sit. Agnoscens Euangelij prædicationem summum adeoq; incomparabile esse beneficium. Habes enim in hoc Cornelio summas quasq; virtutes, fidem, obedientiam, pietatem, iustitiam, gratitudinem & prudentiam, absolutissimè propositas. Nostro seculo nulla re perinde peccatur, atq; ingratitude & neglectu non modo ministrorum verbi, sed & verbi ipsius. His subiungitur pia confessio. Nunc ergo nos omnes, teste Deo, ad sumus, nulla fraude aut sinistra mente præditi, sed vt simplici & sincero animo omnia ea audiamus, quæ à Domino tibi mandata sunt. Talem animum si hodie ad lectionem sacrarum literarum & conciones Christianos adferremus, iam plus esset fructus Euangelici, & minus hypocriteos ac indignationis. Cæterum quales accedimus, tales & efficimur. Prauo animo accedimus, ergo abari & iniusti non equidem per verbum efficimur, sed malitiam congenitam, & altius insidentem verbo vel defendere, vel lenire, vel obtegere cupimus: & proinde deteriores redimus. Præstiterat enim pura mente ad oracula Dei pura, omnibus positis adfectibus accedere.

Gratitudo.

Audire verbū.

Aperiens autem Petrus os, dixit: Re ipsa comperio, quòd non sit personarum respectus apud Deum, sed in quavis gente qui timeret ipsum, & operatur iustitiam, is acceptus est illi.

Cognita auditorum sinceritate & audiendi ardore, maxima gravitate se ad orandū componit. Oratio autem quam ad illos habet, genus sapit Didacticū. Nam expositione historica ostendit quid per Christum in carne egerit ac donarit nobis Deus, remissionem videlicet peccatorum, & æternæ vitæ hæreditatem, quæ percipiatur solida in Christum fide. Priusquam tamen ipsam Euangelij prædicationem de Christo ordiat, ipsam maceriam & ipsum diruit interstitium, quod hæcenus Gentes diuiserat à Iudæis, & ait: *ὁ δὲ θεὸς κατὰ χάριν ἐξέλεξεν*. In ipsa rei veritate deprehendo quod apud Deū non sit ullus personarum respectus, ita vt Iudæus circumcissus Gentili præputiato præster propter eternam rerum quarundam obseruationem. Video enim pietatem animi, non speciem pietatis placere Deo, adeò vt cuiuscunq; Gentis quis sit Barbarus, Scythæ, Romanus, Græcus vel Iudæus, Deo nihilominus placeat, si modo amplectatur iustitiam, & verè pius sit. Sic enim subleuauit Gentium mentes, ne forsitan se à Deo (iuxta inueteratam Iudæorum opinionem) crederent neglectas. Ex materia autem dicti dirigendus est sermo, ne citra conditionem & rationem cū temporis tum personarum verba intelligens, Christum euacues. Nihil hic disputat de ijs Gentibus, ad quas Euangelij fulgor non peruenit. Illas enim iudicio Dei relinquimus indemnatas. De præsentī statu rerum loquitur, in quo nonnulli negabant Euangelij gratiam ad Gentes pertinere, id quod hoc loco asserit Petrus. Quòd si per opera sine Christo quisquā saluari posset aut vnquam potuisset, iam Christus euacuat esset, nec expiatio totius mundi rectè crederetur. Proinde si qui apud Gentes saluati sunt, vt innumeram turbam saluatam credimus, certè non sine Christo saluati sunt. Omnia enim à condito orbe, à Deo per filium facta sunt: etsi mysterium non omnibus æquè illuxerit, sed alijs clarius, alijs obscurius. Facit huc quoq; quod Isaias, Ieremias, Daniel ac cæteri Prophetæ non minori diligentia Gentibus quàm Iudæis verbum veritatis annuntiarunt, iisdem cū pœnas tum benignitatem Dei proponentes. Proinde si ante Christum & Apostolicam in Gentes prædicationē Gentes quoq; Deo placuerunt, propter iustitiam & pietatem placuerūt: at nulla pietas ac iustitia sine filio Dei perfecta, ex gratia ergo Dei & per meritum Christi placuerūt Deo. Quemadmodum & ex Iudæis & vetustis patribus omnes propter venturum Christum seruati sunt, quem tamen non aliter quàm in ænigmate tunc quidem viderūt. Verum hæc omnia (vt diximus) iusto Dei iudicio indemnata relinquimus: nos de præsentī rerum statu loquimur.

Personam non accipit Deus.

Sermonem quem misit Deus filiis Israel, annuntiāns pacem per Iesum Christum (hic est omnium Dominus) ipsi nostis, de quo sermone fama diuulgatum fuit in tota Iudæa: rumore primum orta à Galilæa, post baptismum quod prædicabat Ioannes, vt Iesum Nazarenum vnixerit Deus Spiritu sancto & virtute, qui obambulauit benefaciendo, & sanando omnes oppressos à diabolo, quoniam Deus erat cū illo. Et nos testes sumus omnium quæ fecit & in regione Iudæorum, & Hierosolymis, quem occiderunt suspensum in ligno. Hunc Deus suscitauit tertio die, & exhibuit eum, vt manifestus fieret nō toti populo, sed testibus prius ad hoc delectis à Deo, nimirum nobis, qui comedimus & bibimus vnā cum illo, posteaquam resurrexit à mortuis.

G

D. Petrus prædicat Christum

Ioannis Baptistæ prædicatio.

Oratio paulò obscurior, propter longius hyperbaton, & membrorum inter se commixtionem. Sic ergo explicari poterit: Scitis negotium quod Deus cœpit cum filiis Israel, nempe quomodo filium misit (qui omnium rerum Dominus est) ut pacem annuntiaret. Scitis inquam vel fama, quæ de illo per vniuersam Iudæam spargebatur, indice, quomodo hic in Galilæa primum cœperit Euangelij prædicationem, præmisso tamen Ioanne, qui illi parauit viam, ac testimonium perhibuit quod sit filius Dei. Id quod ipsemet Dominus protinus vel signis comprobauit. Nam obambulauit, &c. Iam ergo vides bonam huius obscuritatis partem inde oriri, quod Lucas breuitati studens non integram ascripsit Petri prædicationem, sed prædicationis duntaxat prima capita. Solet autem id genus scribendi concisum ac inuolutum esse. Hic ergo textit Euangelicam de Christo historiam, quis sit, cur & quomodo venerit, quid contulerit. Principio autem in genere dicit: Audistis quomodo Deus Iesum Christum omnium rerum Dominum miserit, ut pacem annuntiaret: statim in ipsa orationis initio docens Iesum esse verum Deum & hominem; item quid cōtulerit, pacem. Nam Deus sibi per hunc totum mundum reconciliauit. Hanc summam iam fusius spargit, & diligentius exponit modum, initia & totam rem gestam enarrans. Auspicatur autem à Ioanne Baptista. Hic enim primus & maximus fuit Euangelij Christi præco, quod vel ex 1. Ioan. cap. liquet, & ex eo quod Marcus dixit, Initium Euangelij Iesu Christi filij Dei, sicut scriptum est in Prophetis. Id est, Euangelium de Iesu Christo Dei filio sic cœpit, ut prædictum est à Prophetis, nempe à prædicatione Ioannis. Errant enim fœdissimè qui nescio quid mediationis Ioanni tribuunt, ita tamen ut neq; legem prorsus, neque Euangelium omnino prædicarit. Nam aliud tradidere nobis Euangelistæ sanctissimi: aliud tradit hoc loco Petrus, dicens, Ioanem prædicasse (obserua loquutionis genus) Baptisma, id est, doctrinam de expiatione, & quomodo Iesum Nazarenum vnixerit Deus Spiritu sancto & virtute. Ecce Ioannes prædicauit quomodo apud filium omnium rerum sit potestas. Quid autem hoc aliud est quàm Euangelium prædicare? Legatur caput Ioan. 1. & 3. & clarissimè apparebit quid Ioannes de spiritu, vocatione & virtute Christi testatus sit. Quanquam hæc particula, Ut Iesum Nazarenum vnixerit, &c. videri poterat ad superiora esse referenda, ut intelligamus rumorem de Christo sparsum quomodo ipsum vnixisset Deus. Sed hic sensus paulò post coactor, & à simplicitate remotior. Hæc de Ioannis prædicatione & testimonio: iam historię seriem subtexere pergit, miracula referens, quæ non humana, sed diuina virtute patrauit, id quod sic extulit, Quoniam Deus erat cum eo, ita loquens humano more, cum reuera senserit illa signa diuinæ eius fuisse naturæ: id quod ipse Dominus de sese palam testatur apud Ioannem in 10. Et quo grauius pondus haberet narratio, addit ceu à pronuntiatis testimonia, nempe quod ipse Petrus vnâ cum alijs Apostolis omnium rerum gestarum in Iudæa, Samaria ac Galilæa fuerint spectatores, & proinde certissimi testes. Addit præterea mortem Christi, & à mortuis resurrectionem veram, quâ & multis comprobauit signis, de quibus in Cap. 1. Breuiter, Cornelio & suis nihil aliud prædicauit quàm Euangelium de Iesu Christo crucifixo & resuscitato. Fructum & scopum eius subiungit.

Et præcepit nobis ut prædicaremus populo, & testaremur quod ipse sit ille qui constitutus erat à Deo iudex viuorum ac mortuorum.

Christus Iesus Dei filius omnipotens, iustus & iudex omnium est. Vnice ergo colendus & timendus est. Huc enim pertinent miracula omnia, ne cruce & ignominiosa offendamur morte, sed ipsum nihilominus credamus verum esse Deum. Iudicio enim patet eius diuinitas Ioan. 5. cap. Iam mortis miseræ & humilitatis fructus sequitur.

Huic omnes Prophetę testimonium ferunt, quod remissionem peccatorum accepturus sit per nomen eius quisquis crediderit in eum.

Ex morte Christi emergit nobis vita, redemptio & salus. Neque hoc quisquam vanum putet. Hoc enim docuere omnes quotquot vnquam ab initio vixerunt Prophetę, nempe quod omnis qui in filium Dei credit, remissionem peccatorum & æternam vitam assequatur. Moses non vno loco, clarissimè tamen Exodi 12. Isaïas in 43. & 53. Ieremias in 23. & 37. Ezechiel in 36. Daniel in 9. Hic autem orauerim te Lector, ut hanc Petri prædicationem conferas cum superioribus, & cum ijs quæ de absoluta fide citauimus ex Irenæo & Tertulliano, hincque iudices quæ Apostolica & vetus de fide sit traditio. Solum Christum prædicat, & in hoc omnia. Id si nostri quoque facerent, interissent indulgentiæ, idola, anathemata, Missæ, & id genus humanæ traditiones. Sed de hisce forsan copiosiora dicemus in 15. cap.

Adhuc loquente Petro verba hæc, cecidit Spiritus sanctus super omnes qui audiebant sermonem. Et obstupuerunt hi, qui ex circuncisorum genere cre-

re credebant, quotquot venerant cum Petro, quod & in gentes donum Spiritus sancti effusum esset. Audiebant enim illos loquentes linguis ac magnificantes Deum.

Vt gratiæ suæ largitionem erga Gentes testaretur Deus, spiritum demittit ante baptismum, vt Iudæis declararet quod & Gentes in populi Dei albo sint recensiti, & iustitia Dei nullis acquiratur rebus externis. Nam & ante baptismum & sine circumcisione & ceremonijs donatus est Spiritu sancto Cornelius. Vnde in 15. cap. colligit Petrus iustitiam veram misericordiæ Dei & fidei deberi, non legalibus aut externis. Inde erat quod circumcisi mirarentur. Existimabant enim quod ad solum semen Abraham carnale pertineret Prophetarum promissio. Cum tamen illi satis clarè dixerint Spiritum sanctum super omnes effundendum esse, qui inuocarent nomen Domini. Hic quoque ne quid omnino dubij superesset, non aliter varijs linguis loqui cœperunt, quàm supra in secundo capite cœpissent Iudæi. Sic enim in prima illa & maxima vocatione Gentium oportuit illas quidem citra omne legis præsidium Iudæis æquari, vt certò iam cõstaret iustitiam solius esse gratiæ & electionis diuinæ & nullorum operum.

Baptismus spiritus.

Tunc respondit Petrus: Num quis prohibere potest, quo minus aqua baptizentur hi, qui Spiritum sanctum acceperunt sicut & nos? Et iussit eos baptizari in nomine Domini.

Clarissimo signo euictus Petrus, qui & præter illud, maximam viderat visionem docentem Gentes à societate populi Dei non esse arcendas, subiicit: Nemo omnino posthac prohibere poterit vt Gentes non baptizemus. Quando non secus Spiritu sancto baptizati sint, atq; nos baptizati sumus. Ex quibus verbis nos colligere possumus quid sit baptismus, & quibus debeat. Est enim baptismus initiale Sacramentum populi Dei, quo intra populum Dei ascribimur, & sub veram vnus Dei religionem vitæq; innocentiæ astringimur. Debetur autem ijs qui sunt Dei. Sic enim dicit Petrus, Cur non baptizarem eos qui acceperunt Spiritum sanctum? At accipere Spiritum sanctum quid aliud est quàm externo manifestari signo quod Dei sis qui donum Dei accipis. Nam ipse Petrus postea 15. cap. Spiritum sanctum testimonium appellat. Iam ergo sic colligimus. Quicumq; Dei sunt, baptizandi sunt, pueri Dei sunt, ergo baptizandi sunt. Hanc ratiocinationem nemo Catabaptistarum eludet. Si quidem Maior vt vocant propositio firmatur hisce Petri verbis, quibus planissimè exponit, quibus debeat baptismus. Porro Minor propositio multò est clarissima & Christi & Apostoli verbis confirmata. Nam Christus in Euangelio, Sinite (inquit) pueros venire ad me. Talium enim est regnum cœlorum. Et Paulus ad Corinth. Sanctificatus (ait) est maritus incredulus per uxorem fidelem, & sanctificata est uxor incredula per maritum. Alioqui filij vestri immundi essent, nunc autem sancti sunt. Quæ sanctimonia non est ex carnali natiuitate, sed fide ac gratia Dei, quæ illis impartitur qui nascuntur de fidelibus. Tales enim sunt filij Abraham non secundum carnem, sed secundum spiritum. Carnales enim rebus externis & carnalibus nutritur: Spirituales verò gratiæ. Nō ait, Sancti sunt quia ex carne Abraham sunt, sed sancti sunt, quia ex fidelibus sunt. Sumus autē ex gratia fideles. Cæterum si quis obijciat, Satis certum fuisse Cornelium atq; suos Dei fuisse, eò quod visibili signo confirmati sint: illud autem signum nullibi comparere in infatibus. Respondemus hinc non consequi quod omnes qui Spiritu Dei præditi sunt, protinus & externo signo spiritu manifestetur. Hoc enim in initio factum oportuit, ne quis dubitaret gentes non esse Dei. Iam verò Apostolus in Romanis dicit, Si quis spiritum Christi non habet, hic non est eius. Id si veritas inuenies eos qui Christi sunt, spiritum Christi habere. Astipulatur nobis & Aurelius Augustinus de Præsentia Dei ad Dardanum cap. 12. dicens, Dicimus in baptizatis paruulis, quamuis id nesciāt, habitare Spiritum sanctum. Sic enim eum nesciunt (quamuis sit in eis) quemadmodum & nesciunt mentem suam, cuius in eis ratio, qua vti non dum possunt, velut quædam scintilla sopita est, excitanda ætatis accessu. Hæc Augustinus: sed redimus ad historiam. Petrus ergo iussit illos baptizari in nomen Domini. Vnus enim Dominus est in essentia, trinus in persona. In idem ergo recidit siue in nomen Domini, siue in nomen Patris, Filij & Spiritus sancti baptizemus. Id quod propter illos annotamus, qui Græcos damnantes, nodum in scyrpo quærent superstitiosuli. Et Beda ipse hunc locum de forma (vt aiunt) baptismi disputans ex D. Ambrosij autoritate non aliter tractat, quàm nos tractauimus.

Baptismus patrum.

Tunc rogauerunt eum, vt remaneret aliquot dies.

Humanitatis & gratitudinis argumentum est, deniq; & ardoris in verbum Domini, quo illi ab optimo simul ac fidelissimo veritatis doctore plenius cupiebant erudiri. Iudæi contra Apostolos proscribebant, & à Synagogis eiiciebant ac persequabantur. Nostri quoq; ad primam quamq; prædicam.

Audire verbū.

tionem se absolutos esse, & nullo doctore nullâue institutione posthac egere arbitrantur. Illi Spiritum sanctum acceperant, & tamen orant ut Petrus remaneat, nostri nondum didicerunt an sit Spiritus sanctus, & tamen absolutos se esse credunt. Sed vani sunt qui hac ipsa re suam inficitiam produunt. Verissimè enim de aqua sapientie dixeris illud poetæ:

Quo plus sunt potæ plus sitiuntur aquæ.

CAP V T X I.

A Vdiuerunt autē Apostoli & fratres, qui erant in Iudæa, quod & Gentes receperant sermonem Dei. Cumq; ascendisset Petrus Hierosolymam, disceptabāt aduersus illum, qui erant ex circumcisione, dicentes: Ad viros præputium habentes introisti, & edisti cum illis.

RES noua nouo & admirabili modo verbisque quàm manifestissimis & copiosissimis exponi debebat, ne quid omnino dubij esset de Gentibus, hoc est, ne quis fortassis putaret illas exclusas esse ab Euangelica salute. Proinde ut certò crederemus & has pertinere ad populum Dei, repetuntur eadem quæ iam audiuius. Hactenus enim execrabantur Iudæi Gentiles ceu impuros, prophanos & impios, adeò ut nec congressu dignarentur & templum suum pollui crederent si quis fortè incircuncisus esset ingressus. Atq; adeò hæc inoleuit opinio, ut & Apostoli cum Petro expostularent quod Gentibus fuisset commixtus. Non quod salutem Gentibus inuiderent, sed quod indignos putarent quibus proponerentur cœlestes thesauri.

Petrus autem rem ab initio repetens, exposuit illis ordine, dicens: Ego eram in ciuitate Ioppe orans, & vidi raptus extra me visionem, descendere vas quoddam, ceu linteum magnum quatuor initijs emissum è cœlo, & venit vsque ad me. In quod cum intendissem oculos, animaduerti & vidi quadripedia terræ, & bestias, & reptilia, & volatilia cœli. Audiui autem & vocem dicentem mihi: Surge Petre, macta & vescere. Dicebam autem: Nequa qua Domine, quia nihil commune aut immundum vnquam introiuit in os meum. Respondit autem mihi vox rursus è cœlo: Quæ Deus mundauit, tu ne communia dixeris. Idc̃p accidit tertio, & rursus omnia subducta sunt in cœlum. Et ecce extemplo tres viri præsto aderant in ædibus, in quibus eram, è Casarea missi ad me. Dixerat autem mihi spiritus, ut congregarer cum illis, nihil hæsitans. Porro comitati me sunt & sex fratres hi. Et ingressi sumus in domum viri: isq; retulit nobis, ut vidisset angelum domi suæ, qui adstitisset ac dixisset sibi: Emitte viros Ioppen, & accerse Simonem cognomento Petrum, qui tibi ea dicturus est, per quæ serueris & tu, & vniuersa domus tua. Cum autem exorsus essem sermonem, illapsus est Spiritus sanctus in illos, quemadmodum & in nos fuerat illapsus initio. Veniebat autem in mentem quod dixerat Dominus: Ioannes quidem baptizauit aqua, cæterum vos baptizabimini Spiritu sancto. Proinde si par donum dedit illis Deus, quemadmodum & nobis quū credidissemus in Dominum Iesum Christum, ego porro quis eram, qui possem obistere Deo? His autem auditis obticuerunt, & glorificauerūt Deum, dicentes: Igitur & Gentibus Deus poenitentiam concessit ad vitam.

Idem in hac responsione Petri repetitur quod in decimo capite dictum est, sed mutata orationis figura siue statu. Quod enim superius historica narratione contextum est, hic apologetica expositione proponitur. In summa, Cum Iudæi ad Christianismum conuersi, interim verò nonnihil Iudæizantes, crederent Gentes immundas esse, & ab Euangelica gratia arcendas, quippe cum ipsis earum quoque consortio esset interdictum, Petrus argumento spiritus contrarium asserit, Gentes videlicet sanctifica-

sanctificatas esse, & Christi sanguine mundatas, & proinde à se non repulsas, sed baptizatas. Ceterum miram vehementiam habet quod dicit, Si par donum dedit illis Deus quemadmodum & nobis dum credidissemus, ego porro quis eram qui possem obfistere Deo? In quem locum Paraphrastes, An iam à Domino spiritu baptizatis (inquit) negare debui baptismum aquæ, quæ nihil aliud est quàm signum gratiæ diuinitus conferendæ? Atqui gratia iam præcellerat citra nostram operam. Itaque negare baptismum aquæ quid aliud fuisset quàm improbare quod fecisset Deus? Edocti ergo veritatem à Petro, non remurmurant aut conuitiantur, sed Deum glorificant quod Deus prophanis istis Gentibus aditum aperuisset ad vitam per resipiscentiam in Christo. Nam Euangelium (ut alibi ostendimus) pœnitentiam ac remissionem peccatorum in Christo prædicat.

Et illi quidem qui dispersi fuerant ex afflictione, quæ orta fuerat ob Stephanum, perambulauerunt vsq; ad Phœnicen, & Cyprum, & Antiochiam, nemini loquentes sermonem illum, nisi solis Iudæis.

Ergo quod Petro contigerat ignorabant illi, inde non nisi profelytos ac Iudæos Euangelij communicatione dignati sunt. Porro reliquis quibusdam mysteria sua reuelauit Deus, ut illi Gentibus prædicarent Euangelium, quod sequentibus describitur.

Erant autem quidam ex eis viri Cyprii & Cyrenenses, qui cum introissent Antiochiam, loquebantur ad Græcos, prædicantes Dominum Iesum. Et erat manus Domini cum eis, multusq; numerus credentium conuersus est ad Dominum.

Comprobata vocatione Gentium, posthac pauculis quibusdam per 12. cap. insertis, Gentium *Ecclesia Gentium.* Ecclesiam omnibus virtutibus, & ornamentis persequitur, exactissimè ob oculos illam statuens, ac docens quomodo vocata per verbum obdierit, Christum susceperit, errores reliquerit, & Deum in iustitia coluerit. Principio autem primitias Gentium, Antiochenam Ecclesiam, sanè & sanctissimam & speciosissimam describit. Potissimum autem in illa ornamentum fuit prædicatio Christi Domini pura. Nihil enim aliud dicitur, quàm Prædicantes Dominum Iesum. In hoc enim quum sit omnis plenitudo, non est ut præter illum aut cum illo quicquam aliud prædicetur. Quin & feliciter omnia cedebant, Domino auxilium & gratiam suppeditante, adeò ingens numerus conuerteretur ad Dominum. A Domino enim est conuersio ad veritatem, Ierem. 31.

Peruenit autem rumor ad aures Ecclesiæ, quæ erat Hierosolymis super his, & miserunt Barnabam, ut iret Antiochiam. Qui quum peruenisset & vidisset gratiam Dei, gaudisus est, & hortabatur omnes, ut proposito cordis per seuerarent adherere Domino. Nam erat vir bonus, ac plenus Spiritu sancto & fide. Et addita est multa turba Domino.

Eiusdem generis est cum illo, quod eadem illa Hierosolymorum Ecclesia in Samariam misit Petrum & Ioannem: de quo satis dictum in 8. cap. Commendatur autem hoc loco Lectoribus Barnabas, qui vnus ex maximis & eruditissimis Apostolis fuit, cuius mentio facta est in capite nono. Hic nullum nouum dogma in Antiochenam induxit Ecclesiam, sed rectè & simpliciter in Christo Iesu institutos animat atque confirmat, adhortans ut obfirmato corde pergerent adherere Domino. Unde nos iterum colligimus, quòd omnes virtutes bonæ languescant ac inutiles sunt, nisi absoluantur constantia & indefessa in bono perseverantia. Colligimus item quàm paucis contenti legibus Apostoli, in hoc omnes animi vires intenderint, ut in via Domini constitutos retinerent, & in hac quàm longissimè promouerent. Nisi enim in via qua cœpimus, nihil respicientes, ierimus, frustra perfectionem incœpimus. Siquidem ipse in Euangelio Dominus, Qui (inquit) admota manu sua aratro respexerit, non est in dignus. *Firmo et solido corde.* *Constantia.*

Profectus est autem Barnabas Tarsum, ut quæreret Saulum: quem quum inuenisset, perduxit Antiochiam. Accidit autem ut annum totum consuetudinem agerent cum ea congregatione, docerentq; turbam multam, & discipuli cognominarentur primum Antiochiæ Christiani.

Vide mirabile Dei consilium, Iudæi vas electionis auersantur, at Gentes contrà summa complectuntur obseruantia. Prius audiuius Paulum deductum à nonnullis fratribus abijisse Cæsareâ,

*Christianorum
nomen.*

& ab hac soluisse Tarsum Ciliciæ, hæc cum Antiochiæ ferè vicina esset, vocatur à Barnaba, vocan-
temq; sequitur Paulus. Non enim aspernenda est vocatio, quæ tametsi careat externo miraculo, à
præclaro tamen aliquo verbi Dei fit ministro. Siquidem hæc vocatio felix ac fausta fuit Paulo. Nam
huius & collegarum opera Antiochiæ celeberrima, & toto orbe laudatissima collecta est Ecclesia, in
qua primitus nobile Christianorum nomen inuentum, illisque inditum est, quibus hætenus disci-
pulorum appellatio, ut sæpe iam monuimus, indita fuerat. Porro de hoc nobili nomine nemo post
Eusebium Ecclesiast. hist. libro 1. cap. 1. scripsit copiosius. Certè Christiani dicimur ab auctore Chri-
sto Domino, cui credimus, in quem baptizati sumus, cuius leges colimus, iustitiâ ac redemptionem
veneramur, cuius item spiritu donati, charismateque sancto vncti per ipsum gaudemus. Dolendum
verò quod hoc nobile nomen in tantum venerit contemptum, ut impura nostra vita inquinatum,
multis Gentibus sit materia ridendi. Dolendum magis quod nos quidem ipsi hoc cœlesti titulo ab-
utimur ad hypocrisis, auaritiæ, crudelitatis ac impietatis nostræ prætextum. Nemo non hoc nomi-
ne gaudet, sed quotusquisque nostrum vita ac fide exprimit quod audit? Turpe erat Platonis, aut
Stoicis, aut Epicureis quoq; nescire magistri sui dogmata, illis non superstitiose etiam inhærere, con-
trarias auersari hæreses, sui dogmata magistri propugnare, & ad astra vsque extollere. Solis nobis li-
cet magistrum ignorare Christum, dogmata eius proscribere, diuersa amplecti, imò hoc deserto in a-
liam siue Benedicti, siue Dominici, siue Francisci, siue Bernhardi, aut Brunonis transire sectam. Sed
faxit ille filius Dei omnipotens Christus, ut post hæc & vita, & doctrina Christianorum titulo melius
respondeant.

In his autem diebus superuenerunt ab vrbe Hierosolymorum prophe-
tæ Antiochiam, surgensq; vnus ex eis nomine Agabus, significabat per spi-
ritum, famem magnam futuram in toto terrarū orbe, quæ accidit sub Clau-
dio Cæsare.

*De fame &
causis eius.*

Rarò inuenias Ecclesiæ felicitatem prorsus omniq; parte beatissimam fuisse. Iam enim auspica-
tissima quædam audiuius de felici Antiochenis Ecclesiæ successu: cæterum in hisce sequentibus
multo audiemus miserrima de fame omnium maxima qua supra modum Ecclesiæ fidelium afflige-
batur. Ne ergo tædeat nos laboris & vicissitudinis rerum, ô fratres. Si enim suscepimus bona de ma-
nu Domini, mala cur non sustineamus? Causæ & rerum nostrarum summam non metimur felicitate
aut voluptate, sed fide & malorum tolerantia. In quibus hoc maximè consolatur, quod Dominus
suos nunquam deseruit, imò semper præmonuit, illisq; præ cæteris prospexit. Nam ut Ægyptios vnâ
cum Patriarchis olim vnus Iosephi prudentia ab impendente fame præmonendo præseruauit: ita
hic Ecclesiam suam per Prophetas, id est, eos qui diuinandi valebant peritia, in primis autem per A-
gabum monuit, ut saperent sibi prospicerentq;. Verissimè enim Silius Italicus, Nil (inquit) temerare
piget rabidi ieiunia ventris. Sed vetustas omnis male suadam famem dixit: hinc tam diligenter mo-
nentur sancti. D. Ioan. Chrysost. aliam quoq; huius vaticiniij causam annotat hisce verbis, Necessario
hic famem magnam futuram significat propheta, quæ sanè sicut prædicta est cõtiguit. Ut enim ne pu-
tent quidam propter hoc factam famem quod Christianismus ingressus est, vel quod dæmones deie-
cti fuerint, prædicat Spiritus sanctus, quod euenturū esset, sicut & Christus prædixit multa, & euen-
runt. Non igitur propter hoc, quoniam oportebat ab initio hoc fieri, sed propter mala quæ in Aposto-
los facta, quæ cum & fierent, longanimitè ferebat Deus. Quum autem in peccatis perseverarent, fa-
mes magna facta est, significans Iudeis euentura mala. At dicis. Si propter malos hæc fiebant, oportebat
bonos à malis separari. Quid enim iniuste egerint Græci, ut propter Iudeos malorū fierent par-
ticipes, qui nihil mali fecerant? Quare dic mihi: Nõne prius dixit eis Christus, In mundo tribula-
tionem habebitis? Tu autè hæc dicens, forsan & hæc dices quod neq; flagellari eos oportebat. Hæc
autem omnia ex Græco illo auctore prorsus Ecclesiastico propter eos maximè ascriptimus, qui etiã
hodie bella, fames, pestes, & omnis generis infortunia ad nuperum illud (ut aiunt) Euangelij dogma
referunt, neq; verò vnquam expendunt quod maxima illa mala nobis iustissimo Dei irrogantur iu-
dicio, propter scelera & nephanda flagitia nostra. Sunt enim qui veritatem proscribunt, sanctos in
exilium pellunt, sanctos sanctorum hominum libros cremant, veritatem blasphemant, ministros
verbi indignissimè tractant, excarnificant, iugulant, ius & iustitiam corrumpunt, Ecclesiæ opes lu-
xu concoquunt, partim ære produnt, vsaris, versutij & sutelis pauperes circumueniunt, & delica-
tuli ex sudore pupillorum, viduarum & egenorum viuunt: deniq; & libidine, adulterio, & ebrietate
omnia conspurcant. Propter hæc enim venit ira Domini super nos, non propter Euangelij prædica-
tionem, sed magis propter prædicationis neglectum. Verum inueteratum est istud & iam olim o-
mnium impiorum à seculo protritissimum conuitium, Ex veritatis prædicatione nil boni emerisse
vnquam

*An mala emer-
gant ex Euan-
gelio.*

vnquam. Impingunt istud impij Ieremiæ apud Ierem. in 44. Et Ecclesiastici scriptores ad illud responderunt sepissime. Nam Demetriano hoc ipsum obijcienti doctissime respondit sanctus Dei martyr Cyprianus, & Symacho doctissimus & vigilantissimus Ligurum præsul Ambrosius. Quin & Aur. Augustinus libro de Consen. Euangelistarum primo cap. 33. maxime in eos inuehitur, qui conqueruntur per doctrinam Christianam rerum imminui felicitatem. Clarissime enim docet hanc morum imminui turpitudinem. Quod si quis consulat prophanos rerum scriptores, vel in his deprehendet impijssimam eius sæculi in quo vixere Apostoli vitam in causa fuisse cur Dominus tanta fame excruciarit miseros mortales. Videtur & ipse Lucas hoc notasse cum principis Claudij nomen refert in historiam. Hic enim prophanissimus existens, talibus imperitabat qualis ipse erat. Vere enim Claudianus, Mobile (inquit) mutatur semper cum principe vulgus. Siquidem Claudius imperator ventri (vt ait Sex. Aur. Victor.) vino, libidini sædæ obediens, vecors & prope hebes, ignauus ac pauidus, libertorum & coniugis imperijs subiectus fuit. Quibus subscribens Suetonius, Nunquam temere (ait) triclinio abscelsit, nisi distentus ac madens: toto anno visus fuit Saturnalia celebrare. Hinc Antonia mater portentum eum hominis dictitabat, nec absolutum à natura, sed tantum inchoatum. Ac si quem societatis argueret, stultiorem aiebat filio Claudio. Et Philostratus libro de Apollonio Thyaneo 5. Claudius (scribit) mulierum amore attonitus, non imperij solum, sed vitæ etiam est oblitus: siquidem ab ipsis, vt fertur, interfectus est. Ita vides, amice Lector, principum ac magistratus stultitia & impietate pessum ire respublicas etiam florentissimas, idque bello aliquoties, mox seditionibus, aliquoties fame. Sed de hac ipsa fame non nihil annotauimus & in decimo quinto ad Romanos.

Claudij incontinentia.

Discipuli autem prout cuique suppetebat, proposuerunt in subsidium mittere habitantibus in Iudæa fratribus; quod & fecerunt, mittentes ad seniores per manum Barnabæ ac Sauli.

Hic commendatur nobis misericordia & mutua charitas. De qua satis dictum in superioribus: *Misericordia.* Quod autem dicit: Prout cuique suppetebat, latius exponit Paulus in 2. ad Corinth. 8. dicens: Non sic doceo exercendam esse (paraphrasi reddo) benignitatem, vt ij quos iuuatis opibus, suauiter & in otio viuant, vos autem pereatis inopia: sed vt ex æquabilitate in præsentis tempore vestra copia illorum succurrat inopiæ, &c. Et Paulo ante hæc: Volo vt bona animi promptitudine, iuxta illud quod possidetis, non iuxta id quod non possidetis, aliquid in vsus impendatis pauperum. Cæterum ne illud quidem negligendum, quod istud subsidium per manus, id est, delegationem & curam maximo rum Apostolorum mittitur, & ad seniores mittitur. Hoc enim commendatur nobis ordo & prudens rerum dispensatio, quæ non quibuscumque, sed senioribus deleganda est. Illo autem instituimus, vt diligenter perspiciamus, quid cuique mandemus, imò vt curam pauperum non nisi probatissimis committamus. De qua re dixi in cap. 6.

C A P V T XII.

Eodem autem tempore iniecit Herodes rex manus, vt affligeret quosdam de Ecclesia.

INSERTIO est historica. Suspenderat in vndecimo cap. narrationem de Petro, ad res Antiochenæ Ecclesiæ exponendas venit. Nascitur hic vicissim ad 13. cap. initium vsque differt, ad res Petri gestas & Hierosolymitanæ Ecclesiæ historiam redit, ac hoc 12. cap. exponit pulcherrima exempla de Herodis tyrannide, de sanctorum ac Ecclesiæ constantia ardentibusque votis, de veritatis victoria, & Tyrannorum horribili exitio. Venusta autem sunt omnia, & miram habent cum gratiam tum euidenciam. Initio autem pulchre committit historiam. Est enim connexionis quod dicit, Eodem autem tempore. Nam Salustius id sic extulisset: Dum autem hæc agerentur Antiochiæ Hierosolymis iniecit manus rex Herodes, &c. Hunc vero Herodem alij volunt esse Tetracham, qui decollarat Ioannem, & Christum alba veste indutum ludibrij causa Pilato remiserat. Quod si verum est, necesse est vt ab exilio reuocatus ab Agrippa hoc in regni admissus sit consortium. Alij vero (quorum sententia videtur esse sanior) Agrippam Herodis tetrarchæ, ex fratre Aristobulo nepotem intelligunt, qui Herodes sit cognominatus, sicut Ægyptiorum reges dicebantur Pharaones. Perhibent enim omnes Iudææ reges à magno illo Herode, sub quo Christus nascetur,

Herodes.

postea cognominatos fuisse Herodes. Raphael Volaterranus lib. Geograph. II, negotium hoc intricatissimum aliàs ad hunc fere modum digessit: Herodi magno filij fuere septem, Alexander, Aristobulus, Antipater, Archelaus, Philippus, Herodes dictus Antipas, & Lyfania. Ex his priores tres à parente occisi, reliquis verò tetrarchiè ita diuise sunt, vt à Luca expositum est, Luc. 3. Archelaus, qui patri in regno successit, protinus à Iudæis accusatus quod crudeliter imperitaret, in exilium ab Augusto Viennam Galliæ pellitur, regno eius in prouintiæ formam redacto. Alexander autem, siue, quod alijs placere video, Aristobulus filium hunc Agrippam post se reliquit, qui in diuisione regni nihil fortiebatur. Exactis ergo aliquot annis Herodem Antipam Galilæe principem apud Tiberium accusat, & non modo nihil impetrat, sed & in carcerem conijcitur. Verum mox Tiberio defuncto, à Caio, cuius amicitia causa victus fuerat, statim Iudææ rex factus, additis ei fratris Philippi defuncti & Lyfaniæ tetrarchijs. Hic Herodes Herodiadis pellicis hortatu, Romam & ipse regnum impetraturus venit, sed Caligulæ principis minis & iurgijs territus, in Hispaniam fugit, tetrarchia eius Agrippæ concessa. Vadianus ex Iosepho scribit hunc à Caio propter conspirationis cum Artabano crimen in exilium Lugdunum esse ablegatum. Post hæc Agrippa Claudij etiam principis, cui Romæ adiumento ad imperium fuit, fauore speque erectus, limites regni prorogauit, tantamque sibi auctoritatem ac maiestatem parauit, vt multis terrori esset augustum Agrippæ nomen. Extinctus autem ab angelo anno regni eius septimo, tres filias reliquit, Bernicem, Mariamnen & Drusillam, denique filium Agrippam virum optimum, cuius in 26. huius libri capite fit mentio: Hæc omnia copiosius persequitur Iosephus, & in Epitome sua Vadianus.

Occidit autem Iacobum fratrem Ioannis gladio: videns autem quod gratum esset Iudæis, perrexit comprehendere & Petrum. Erant autem dies azy morum. Quem cum etiam apprehendisset, posuit in carcerem tradens quatuor quaternionibus militum asseruandum: volens post pascha producere eum populo. Et Petrus quidem seruabatur, in carcere.

In gratiam populi aliquid facere.

Tyrannis.

More prudentum tyrannorum detondet maximorum in religione virorum capita, si forsani ignobilis plebecula infelici ductorum casu territa ad superstitionem reuertatur. Maximus enim Evangelij præco erat hic Iacobus Ioannis frater germanus, quem maiorem cognominant, & Compstellam Galitiæ delatum mentiuntur. Discamus ergo constantes esse, & mortem pro iustitia non formidare: neque felicitate veritatem religionis nostræ metiri. Cæterum quod populo gratificatur, & eius stultissimis morem gerit affectibus, imprudentissime facit. Non enim temere Anacharsis Scythia apud Cheroneum Plutarchum clamauit, O rem publicam breui interituram, in qua viri principes consultant, populus autem & imperita rerum plebecula decernat, cui videlicet proprium sit & in minimis maxime formidare, & in maximis minime prospicere. Quod Heracle dictum Anacharsis ita traditum fuit, ex quo Plato philosophi rerum publicarum vir consultissimus, aperte dicebat: Nullo modo iustum imperium vel ciuitatem appellandam, in qua popularis improbitas summa quæque reipublice munerata tractare præsumat. Nec enim de nihilo Charondas (qui leges Cathinensibus condidit) in hunc modum de populo cõcludit, Qui se populo committit, fortunam, non rationem sequitur, qui fortunæ fauet, periculo & aleæ se dedit, qui in alea est ad ruinam & cladem inclinat. Proinde Herodes fortunam suam committebat aleæ cum in gratiam populi quod placebat faceret. In hoc porro maxima erat afflictio Ecclesiæ, quod principum alter decollatus esset, alter vero in vincula coniectus & ipse capitalem expectaret sententiam. Sed temperauit non nihil feruorem furoris interstitium temporis. Aut enim notatione temporis taxauit crudelitatem tyranni, qui ne festi quidem religione flexus à crudelibus abstinuit ausis. Verum ita Iudæi quoque obseruabant festi sanctimoniam, nolentes ingredi prætorium, at nihil verentes interim innocentissimi fundere sanguinem. Aut certe Dei significauit prouidentiam, qua factum est vt minus festinaretur. Tempus enim & festi obstitit religio. Iam vt nihil omitteret quod pertineret ad crudelissimi tyranni descriptionem, Modum quoque & habitum vinculorum depinxit, Non modo (ait) in carcerem coniecit, sed & quatuor militum quaternionibus asseruandum tradidit. Aiunt autem Quaternionem quatuor militibus præfectum esse quibus imperet, sicut Centuriones centum, & Decani decem. Sed simplicius est, si à numero militum quaternionem dictam intelligamus: vt sedecim ordinari qui alternis vicibus catenis implicitum asseruant, ne vel arte, vel populi elaberetur auxilio. Decretum enim apud illum erat quod à festo illum populo producere, & ad supplicium vellet educere. Cæterum illud ad mouendos affectus facit, quod tandem subiungit, Et Petrus quidem seruabatur in carcere. Vnde tu conijcies quæ sit sanctorum patientia, & impiorum ferocia ac felicitas.

Cæter

Cæterum precatio fiebat sine intermissione ab Ecclesia ad Deum pro eo.

Exemplo hæc nobis traduntur, ut etiam nos discamus quid agendum sit in tanto rerum discrimine. Orandum utique. Nam plus potest oratio iusta, quam exquisitissima impiorum armatura. Sed de hoc dictum est in cap. 4.

Quum autem producturus eum esset Herodes, in ipsa nocte dormiebat Petrus inter duos milites, vinctos catenis duabus, & custodes ante ostium custodiebant carcerem. Et ecce angelus Domini adstitit, & lumen refulsit in habitaculo, percussitque latere Petri, excitauit eum, dicens: Surge velociter. Et exciderunt catenæ de manibus eius. Dixit autem angelus ad eum: Percingere & subliga soleas tuas. Et fecit sic. Et dicit illi: Circunda tibi vestimentum tuum, & sequere me. Et exiens sequebatur eum, & nesciebat quod verum esset quod fiebat per angelum, sed putabat se visum videre. Cum autem præterissent primam ac secundam custodiam, venerunt ad portam ferream, quæ ducit in ciuitatem, quæ vltro aperta est eis. Et exuentes processerunt vicum vnum, & continuo discessit angelus ab eo.

Non frustra tanto verborum apparatu describitur custodia. Hoc enim partim (ut iam iam diximus) notatur crudelitas tyranni: partim vero adumbratur imbecillitas tyrannorum huius sæculi, *Imbecillitas impiorum.* qui dum robustissimi & instructissimi sibi videntur prorsus nulli sunt. Habent ergo hæc tacitam quandam antithesim. Nam omnia Herodis anxia sunt & seuera, ampla, prædura, inuincibilia, ærea, ferrea & omni parte munitissima. At in his omnibus nihil anxij videris neque in Petro neque in angelo. Ille enim nihil se ex cruciat, sed quiescit dormit. Hic vero nihil morans portas ferreas, militum quaterniones, catenarum nexus, ingreditur, dormientem excitat, induit, educit, adeoque & per triplicem illam custodiam, per portam ferream illæsum educit. Quid ergo conamini carceribus, catenis, militibus, catapultis, & viribus vestris, o principes sæculi? Non vincitur istis Christus, non pel-
litur ijs veritas. Quid vero ad hanc rem prope exprimendam vel viuidius pingi potuisset? Talis pictura est submersio Pharaonis in alueo maris Erytheri, excidium vrbs Iericho, necnon & Tyri ac Babylonis. Nam nulla est potentia contra Dominum.

Et Petrus ad se reuersus, dixit: Nunc scio vere, quo miserit Dominus animum suum, & eripuerit me e manu Herodis, et ex omni expectatione plebis Iudæorum.

Etenim cum prius visionem habuisset, facilius credidit & hanc visionem esse, qua significaretur ipsum fore liberandum. Videntur præterea multa Dei miracula nobis esse somnia, ob carnis nostræ torporem: cæterum posteaquam fide fuerimus excitati, protinus cum gratiarum actione glorificamus Deum. Hic discite Deum verum illum esse, qui educit e vinculis, non Leonhardum aut Vuolphgaugum aliquem Deum fictitium. Illum verum Deum inuocauit Petrus, illi & gloriam liberationis tribuit. Vide Psalm. 107. *Nebule carnis*

Re autem perpensa venit ad domum Mariæ matris Ioannis, qui cognominatus est Marcus, ubi erant multi congregati & orantes. Cum pulsasset autem Petrus ostium vestibuli, processit puella ut subauscultaret, nomine Rhode. Et ut agnouit vocem Petri præ gaudio non aperuit vestibulum, sed introcurrens renunciauit stare Petrum ante vestibulum. At illi dixerunt ad eam: Insanis. Illa autem affirmabat, sic se habere. At illi dicebant: Angelus eius est. Petrus autem perseverabat pulsans. Cum autem aperuissent, viderunt eum, & obstupuerunt. Cum innuisset autem eis, mota manu ut tacerent: narrauit illis quomodo Dominus eduxisset ipsum de carcere. Dixit autem: Nunciate Iacobo & fratribus hæc. Et egressus abiit in alium locum.

Facilia sunt quæ hic scribuntur, nec multa expositione egent. Hæc autem videbantur obiter esse annotanda. 1. Ecclesia fidelium non frigide orauit, sed ardentissime. Nam noctes duxit insomnes. Vnde Oratio ex vi de nos discimus quanto ardore nobis in die tentationis orandum sit. Quod Petrus dormiebat securi gilia.

tatis erat: nihilominus sancta vigilauit vigilia. 2. Describuntur in hoc Rhode & aliorum credentium affectus, turbe ac motus, vt videamus Christianos quoque homines esse qui & gaudio & tristitia, denique alijs quoque sint obnoxij affectibus. Quod propter eos annotamus, qui de fide nescio quid philosophantur: quasi vero fide exuamus hominem, aut fide Stoica tradatur disciplina, quæ omnes affectus semel tollat. 3. Videtur angelus Petri aut prospectro, genio, siue spiritu (vt aiunt) Petri vsurpari. Nam vulgi more loquuntur. Existimat autem vulgus, spiritus quosdam hominum esse, qui vel mortis sint prænuncij, vel mortuorum genij. Sed refellitur ea opinio ab ipso Domino Lucæ 16. & à Ioanne Chrysostomo in Matthæum Homelia 29. Impossibile enim putat, vt anima à corpore separata, in hisce oberret regionibus. Multa quidem à dæmone fingi spectra, vt imprudentibus imponat: sed nullam reuera animam reuertit: sed quamuis continuo aut daminari aut seruari pro merito. Rursus videri poterat simplicissimam & optimam interpretationem fore, si per agelum Petri, ipsum intelligamus custodem Petro deputatum à Deo. Nam plurimi sunt loci scripturæ, ex quibus constat angelos animabus iam inde à natiuitate pro custodia delegari. Hoc enim significare videtur vrbem Christi Matth. 18. & sententia Pauli ad Hebræos. 1. Certe Diuus Hieronymus in Epitaphio Paulæ angelum testem implorat, qui Paulæ custos ac comes fuerit. Et Propheta in Psalm. Angelis suis (ait) mandauit de te, vt custodiant te in omnibus vijs tuis. 4. Quod liberationem suam nunciari iubet alijs quoque fratribus Iacobo in primis Alphæi, qui tum (vt referunt) Hierosolymorum fuit episcopus, charitatem & vnum totius Ecclesiæ sensum nobis commendat: vt iuxta Pauli verbum, Eodem simus animo, eadem mente & sententia, gaudeamus cum gaudentibus, & lugeamus cum lugentibus. Præterea vult potentiam & beneficentiam Domini multis innotescere, vt & ipsi Deum inuocent in necessitatibus & gratias agant liberatori. 5. Cedit furori impij principis, vt & nos cedamus, postea quam nulla respicientiæ spes superfuerit. Neque verò omnis fuga turpis est, vt in 9. capite ostensum est. Quin & diuersum hic quoque pro ratione consilium Dei audiemus. E prioris captiuitate, proxima in templum ibat Petrus, hic non item, sed prorsus se ex vrbe subducit. Non igitur omni tempore & loco idem faciendum imitandumue.

Angelus Petri.

Fuga.

Actor. 5.

Porro vbi diluxit, erat turbatio non parua inter milites, quid nam accidisset Petro. Herodes autem cum requisisset eum, nec inuenisset examinatis custodibus, iussit eos duci: descendensq; à Iudæa Cæsaream, ibi commoratus est.

Tyrannus custodes damnat.

Parum (inquit Erasmus) liquet an Lucas Romano more dixerit, duci eos qui ducuntur ad supplicium, an abduci à sese in carcerem. Priorem ego sententiam video magis probari Chrysostomo, vt simpliciorem & veriore. Cui forsan & illud congruit quod dicit, *ἀναπύας τῶν φύλακων*. Est enim *ἀναπύας* verbum Atticorum forense, significans reorum causam agere, inquirere adeoq; & damnare. Vnde verisimile est, quod tyrannus custodes capitis damnari supplicio. Est ergo hoc aliud ac nouum tyrannidis exemplum, miseros & nihil tale commeritos perdere. Vt vel hinc intelligamus merito dixisse Apolonium apud Philostratum libro 4. Hanc autem belluam quam Tyrannum vocant plerique, neque quod habeat capita scimus, neque vtrum curuis vnguibus aduncisque sit dentibus nouimus. Et quanquam ciuilis bestia esse dicatur, & in medijs vrbibus habitet, eo tamen perhibetur immanior ijs, quæ in montibus aut paludibus degunt, in quo leones quidem aut pantheræ quandoque si mulceantur mansuescunt, & innatam feritatem exuunt, hæc autem ob attractionem ferocior facta omnia lacerat. Cæterum curiosæ quæstiones sunt quibus inquirimus, An Deus iustus sit, qui vnico homine erepto, multos coniecit in periculum? Cur enim nõ seruauit Iacobum fratrem Ioannis sicut eripuit Petrum? Sic illi visum erat, cuius voluntas & administratio bona est, nec aberrare potest. Quid quod hoc seruorum genus quo vtuntur ad supplicia ac damnatorum custodiam principes, crudele plerunq; & atrox parumq; captiuis propitium est. Vnde iam nullam illis irrogauit iniuriam Deus, si scelera ipsorum visitans, tyrannos tyrannico sustulit furore. Malo enim nodo malus querendus est cuneus. Sed & ipsa poscebat æquitas, vt impij qui Ecclesiam conturbabant, funesto suorum spectaculo conturbarentur. Caueant ergo impij, ne dum lætabundi sanctorum sitiunt sanguinem, suum tandem maxima desperatione effundi cernant. Iustus enim Deus est, & vindex sanguinis seruorum suorum. Quod autem in fine Descensus regis ad Cæsaream, quæ & Turris Stratonis cognominatur, meminit, ad sequentem historiam quæ in ea vrbe contigit, pertinet.

Cur cæsi custodes.

Erat autem Herodes infensus Syrijs & Sidonijs. At illi vno animo venerunt ad eum, & persuaso Blaſto, qui præerat cubiculo regis petebant pacem: eo quod aleretur regio ipsorum annona regia.

Quod

Quod Latinus vertit, Infensus, Græce significantius positum est *ἠνέμας*, quasi quis dicat, Conceperat autem animo bellum Herodes aduersus Tyrios. Cuius quidem instituti nullus, quod sciam, meminit post Lucam historicus: at hic nimirum hoc veluti quarto crudelitatis exemplo insignem voluit regis arrogantissimi describere tyrannidem, qui occasionem ex miseria gentis captans, miserabiliorem efficere gestit, aut certe sub suum compellere iugum. Regio enim Tyriorum ac Sidoniorum admodum angusta, & Galilææ Damascique pressa finibus non tantum habuit agrorum quantum ad tantam hominum multitudinem alendam necessarium erat: sed regia alebatur annona. Quin & maximus prouentus ijs vrribus erat ex vicinorum cōmertijs negotiatorū. Periculosissimū ergo ipsis futurū erat bellum: proinde supplices Blastō accidunt. Quo loco & inconstantiam principis notauit Chrysostomus, dicens, Vide autem illum quomodo à Blastō iterum mitigatur, vtpote homo facile irascens, & iterum conciliabilis, & vbiq; seruus vulgi, nihilq; liberum habens. Porro nos hinc conijcimus tyrannum stultissimum & stulte res suas administrasse, & nihilominus domesticis & exteris infestum, imo funestum, & proinde omnibus inuisum fuisse. Si quidem famulitium suum duci iubet, Iacobum obruncat, Petrum vincit, reliquis eius religionis hominibus minatur: sed & in nobilissimas vrbes bellum apparat: & quis tandem iniuriarū finis? Annō merito ex clamauerit quis, Dij talem terris auertite pestem? Vide hic amice Lector quid Dominus minatus sit, quum dixit, Dabo pueros principes eorum, Isaia 3.

*Aliud tyranni
dis exemplum.*

*Inconstantia
tyrannorum.*

Statuto autem die, Herodes vestitus veste regia, sedit pro tribunali, & cōcionabatur ad eos. Populus autem acclamabat: Vox Dei, & non hominis. Confestim autem percussit eum angelus Domini, eò quòd non dedisset gloriam Deo: & erosus à vermibus, expirauit.

Hactenus descripsit atrocissimi hominis cædes, arrogantiam, potentiam, robur, successum, piorum quoque afflictiones, oppressorum querelas & labores, hoc est Prothesin & Epitasin huius (vt sic dicā) fabulæ. Posthac describet Catastrophē, hoc est prophanissimi hominis interitū, qui hoc tyranno erat funestior & luctuosior quo ad spectacula & theatricam pompam pronior. Minus illi indoluisset si priuatim & non in frequenti turba diuino fuisset perfolius telo. Sed publicam oportebat eius esse pœnam, qui publice publica potestate erat abusus. Interitum ergo hunc horribilem, quem Lucas, vt omnia aliās, breuiter perstringit, Iosephus in 19. capite octauo, hisce fermè verbis copiosius exponit, Igitur cum tertium annum in Iudæa compleisset regno Agrippa, venit in Cæsaream ciuitatem, quæ primitus Turris Stratonis appellabatur, ibique spectaculum ad honorem Cæsaris pro eius salute celebrabat. Ad quam festiuitatem eius prouinciæ multitudo nobilium simul & procerum vnā conuenerat. Secunda vero spectaculorum die, stola vestitus vndique argento contexta, ita vt textus esset valde mirabilis, venit ad theatrum incipiente die, & primis radijs sole oriente demissis argenti claritas repercussa fulgorem reddidit valde perspicuum, & oculis insipientibus formidandum. Mox autem adulescentes voces fauorabiles emittebant, quæ nec illi bonæ pro veritate videbantur, Deum scilicet appellantes eum, atque dicentes, Propitius nobis esto. Quia licet hactenus te velut hominem timuerimus, attamen iam nunc superioris naturæ te esse conspiciamus. Has autem voces rex nequaquam compescuit, nec impia eorum verba comprescit, donec respiciens (iam verba adscribimus vt ab Eusebio Cæsariense citata sunt libro Ecclesiast. 2. cap. 20.) paulo post imminet atq; insistentem capiti suo videret angelum, quem etiam malorum causam intellexit. Mox ergo corde pansionem mortiferam suscipiens, respiciens suos amicos: Ego (inquit) vester iam vitam morte commutare compellor. Repente nanq; increpitus sum, quum mendaces ad me clamarent. Nam qui vocabar immortalis à vobis, ecce iam ducor ad mortem. Hæc ex Iosepho. Ita autem finijt arrogans superbia & intoleranda crudelitas impij. Sic finierunt & olim tyranni Pharaon, Saul, Achab, Senacherib, Zedechias, Iehoiachim, Balthasar, Herodes magnus, Maxentiusq;. Interibunt & hodie omnes qui vel Ecclesiam Dei affligunt, vel gloriam deo debitam sibi rapiunt. Non enim ob tyrannidem modo, sed ob immane illud figitium tam seuerè punitur, quòd adultrices populi voces non compescuisset, & quod homo miserabilis ac mox periturus Deus haberi gauderet. Nam diabolicum est (vt Augustini verbo vtar) Dei honores postulare. Nullus ergo pius sibi vel ambierit vel arrogarit. Dominus enim apud Prophetam clarissime, Gloriam meam (inquit) alteri non dabo. At maxima Dei gloria est adorari, inuocari & coli. Nemo itaque sanctorum illa sibi usurpat. Vbi igitur inuocatio & cultus diuorum? At non intelleximus verbum Domini, Inuoca me in die tribulationis, & eripiam te, & sic glorificabis me. Item, Dominū Deum tuū adorabis, & illi soli seruiēs. Proinde sanctiores sunt diui, quam qui cultum nostrū probare possint. Damnatur hoc eodem Hero

Tyranni interitus.

*Oportuit hanc
puniri in cōspe
ctu principum.*

*Gloriam Deo
subtrahere.*

*psal. 49.
Matth. 4.*

*Superbia.
Adulatio.*

*Pedicularis
morbus.*

dis interitu superbia humana, de qua aliàs scripsere satis copiose Iesus filius Syrach Eccles. 10. & Ezechiel in inuestiua aduersus Tyrum cap. 26. 27. 28. Damnatur & Adulatio, de qua dixit Curtius. Regum opes hæc sæpius quam hostis subuertit. Cæterum talionis erat, vt qui stolido populo cæde & vinculis bonorum gratificatus fuërat, nunc eiusdem assentatione illectus miser caderet. Plurima in Assentationem dixit Plutarchus in eo libello quò ostendit quid ab amico differat adulator. Anaxilas adulatores diuitum dicebat esse *σκώλακες*, hoc est vermes. Et vermibus arrosus dicitur hoc loco Herodes. Græce enim est, *ὁ γνήσιος ὁμιλητὴς ἑαυτοῦ*, quod Erasmus vertit, Et obnoxius factus morbo, quo qui laborant, exeduntur à vermibus. Existimant autem hunc illum ipsum esse morbum quo interijt & Herodes magnus & Antiòchus & Maximianus, cuius descriptionem habes apud Iosephum in 17. cap. 9. & 2. Mach. cap. 9. qui locus admodum huc quadrat. Eusebij Cæsariensis verba de Maximiani tyranni morbo hæc sunt, sicut scribuntur libro Ecclesiast. hist. 8. cap. 18. Authorem sceleris vltio diuina corripuit, ille enim qui lætis ac saginatis carnibus incedebat superbus, inflatis subito visceribus suppuratisq; distenditur. In profundioribus dehinc pectoris partibus obortum vulnus totos intrinsecus viscerum secessus tabo serpente depascitur. Post etiã fistulis quibusdam in superficie purulentis meatibus adapertis, de interioribus putrefactis vulneris venis ebullire vndatim cœpit innumera vermium multitudo. Fœtor vero tam intolerabilis erat, vt nullus omnino ne medicorum quidem propius posset accedere, quod carnes satis lætæ, & in omni luxuria nutritæ, grauiorem ex corruptione nidorem putredinis exhalabãnt. Deniq; medicos quod vim fœtoris tolerare non possent, interfici iubet. Quorum è numero cum quidam iugulandus potius quam medicaturus assisteret, aspiratus à Deo, Cur (inquit) erras imperator, & quod Deus infert ab hominibus putas posse reuocari? Nec humanus est iste morbus, nec à medicis curatur. Sed recordare quanta in seruos Dei egeris, quamque in religionem diuinã impius & prophanus extiteris, & intelliges vnde tibi mala veniant. Vide autem quam probe huc quadræt exquisitissima illa Eusebij descriptio. Porro horribilis hic morbus à medicis Phthiriasis siue pedicularis appellatur, omniũ morborum qui sunt, & qui fuerunt fœdissimus, quo & L. Syllam arrogantem & tyrannicum hominem interijisse scripsit in Vita Syllæ Plutarchus. Mira autem Dei vindicta est, & mira iustitia quod illos peremit omnium fœdissimo & teterrimo morbo, qui vltra communem hominum sortem efferuntur, & ferocia quasuis superant beluas. Hæc ergo fors arrogantium ac tyrannicorum hominum est.

Porrò sermo Domini crescebat, ac multiplicabatur.

Victoria verbi

Quemadmodum enim verum est quod dixit Propheta, Viri sanguinum, dolosi & impij non dimidiabunt dies suas: ita verum esse oportet, quod idem dixit, Omnia pereunt, sed verbum Domini manet in æternum. Dominus supetias fert sanctis suis, cedit tyrannos. Frustra ergo pollicemini vobis, ô vós Pontificij, interitum Euangelij, & restitutionem traditionum humanarum. Citius enim perierit Deus ille vester Romanus, quam gloria & Euangelium crucifixi Domini nostri Iesu Christi. Cui gloria & imperium semper.

COMMENTARIORVM IN ACTA

APOSTOLORVM LIBER III.

PROEMIVM.



ABSOLVIMVS gesta Srephani, Philippi & Petri, varia ac peculiaris quidem illa, Pauli quoq; nonnulla, adeoq; peregrinationem huius primam. Descendimus ergo ad secundam, & ad ea quæ cum Barnabâ communia habet. Prima fuit, quæ à Damasco elapsus abiit in Arabiam, trienio autem exacta redijt Hierosolymam, & ab hac iterum Cæsaream profectus, in Tarsum Cilicie soluit, vnde à Barnabâ reuocatus vs Antiochiæ Christum prædicauit, atq; ab hac rursus vna cum Barnabâ subsidij conferendi gratia Hierosolymam ablegatus Antiochiam tandem redijt. Secunda iam tractabitur. In hac audiemus quomodo Spiritus sancti auspicijs vna cum Barnabâ procul ad Gentes missus: appullerit Cyprum: atq; in hac Sergium Paulum virum primum deniq; cum eo multas & maximas insule vrbes ad fidem Christianam, profligato Elyma, conuerterit. Deinde quomodo in Phamphyliam nauigans, Christum in hac prædicans:

dicans, Antiochiam Pisidia venerit. Hic exponetur quomodo Christum ex Prophetarum predicaric oraculis, inuidia tamen quorundam pulsus fugerit Iconium, deniq; & illa eiectus vrbe, venerit in Lycaoniam. In hac vero Derbē & Lysram vrbes celeberrimas Euangelij fulgore illustrat, claudum quendam erigit, aduersus creaturarum cultum pro vera religione differit. Sed vincente ingraticu. In quorūdam hominum impijsimorum lapidatur. Restituitur tamen virtute Domini: rediensq; per eas quas ad fidem conuerterat vrbes, confirmat fidelium mentes, ne vssiam à cognita deficiant veritate. Tandem re feliciter gesta Antiochiam Syria vnde venerat redit. Caterum cum eo tempore nouum suboriretur Nazaraeorum dogma, operibus legalibus salutem tribuens, Hierosolymam ascendit, haeresim istam impugnat & communibus totius Ecclesiae calculis obrinet fide in Christum non lege iustificari credentes siue Iudai sint siue Gentes. Hac autem ceu in argumentum compacta sequentibus fusius exponemus.

C A P V T XIII.

Barnabas autem & Paulus reuersi sunt Hierosolymam, expleto ministerio, assumpto & Ioanne, cui cognomen erat Marcus.

REDIT ad intermissam historiam in cap. 11. & quos ibi dixerat Hierosolymam ablegatos abijisse, eos hic redijisse commemorat. Nam etiam si omnia exemplaria cōstanter habeant, Reuersi sunt in Ierusalem, tamen ipsa res flagitat illorum hic reditum à Ierusalem esse descriptum. Atq; in eum modum interpretatus est & Erasmus in Paraphrasi dicens, Barnabas autem & Saulus defuncti his quæ receperant à fratribus curanda, traditaq; & per Apostolos distributa pecunia, quæ missa fuerat in subsidium egentium, reliquerunt Hierosolymam ac reperiunt Antiochiam, adiuncto sibi comite Ioanne, cui cognomen erat Marcus. Hæc autem secreui mus à superiori 11. cap. quod veluti sequentis capitis galea viderentur. Sequitur enim,

Erat autem quidam in Ecclesia, quæ erat Antiochiæ, Prophetæ ac doctores, Barnabasq; & Simon, qui vocabatur Niger, & Lucius Cyrenensis, & Manahen, qui erat Herodis Tetrarchæ collectaneus, & Saulus:

Vti cœperat in 11. cap. ita iam pergit Antiochenam describere laudareque Ecclesiam. Laudat autem ipsam à maxima dote, nempe quod diuina benignitate ipsi obuissent Prophetæ ac doctores optimi. Neque enim aliud ornamentum habet Ecclesia nobilius. Adime enim Ecclesie fidos & doctos ministros, quanta quæso reliqua erit Ecclesie portio? A ministris traditur veritas, impugnatur error, suadetur constantia, docetur concordia, denique & scelera corripuntur & omnis generis virtutes ex fide per gratiam plantantur. Hæc autem omnia maxima parte sustuleris, si ministros fidos & doctos sustuleris. Verum hoc differunt à doctoribus hoc loco Prophetæ quod doctores sunt pastores Euangelistæ & Episcopi qui promiscuum pro concionibus publicis erudiunt vulgus. At Prophetæ arcana scripturæ indagant eruunt & eruditioribus priuatis publice tamen institutis lectionibus tradunt, deinde & populo quæ profunt diligenter exponunt. Quamquam ea non semper obseruetur differentia, sed Prophetæ quoque Euangelistæ dicantur. Sed de hisce alibi dictum, & à Paulo copiosius disputatum est in 1. Corinth. 14. cap. Præterea hic claret in eadem vrbe plures fuisse doctores & Prophetas & episcopos, sed tales, quales eo erant tēpore, viri sancti & ab omni fastu alienissimi. Recēsentur illi nominatim, vt viri æterna gloria digni, & vt apparet externis quoq; fortunæ bonis non infelices. Nam de Manahen dicitur, quod olim fuerit *uivq; q; q; q;* id est, collectaneus & simul educatus cum Herode tetrarcha: vnde reuera apparet hunc Manahen virum fuisse non vsquequaq; profligatæ forrunæ. De eorum eruditione nemini dubium est, quin illa fuerit præclarissima. Oremus ô fratres Dominum vt & nobis fideles tribuat doctores.

Ecclesia præcipuum ornamentum doctores.

quum autem illi sacrificarent Domino, ieiunarentq; dixit Spiritus sanctus: Segregate mihi Barnabam & Saulum in opus ad quod accersiui eos, Quumq; ieiunassent & orassent, imposuissentq; eis manus, dimiserunt.

H

De ieiunio.

Talia sunt Mo-
nachorum ieiun-
ia.

Sacrificantes.

Istis describitur altera Pauli vocatio ad munus Apostolicum in Gentes, ne cui de persecutoris fide dubium restaret. Quæcunque autem hic usurpauit Ecclesia in orando, separando (vñz neminem vñz iudicem vt solent qui è turba ad certum euocantur officium) & manuum impositione, in superioribus exposuimus qualia sint. Certè locus monet non nisi vocatos ad Euangelij prædicandi ministerium idoneos esse. De ieiunio autem satis scripsit post Iſaiam in 58. Matthæus in 6. Et D. Hieronymus Iohannis cap. 2. enarrans. Si omne (inquit) ieiunium placeret Deo, nunquam diceret Sanctificate ieiunium: & Non tale ieiunium elegi, dicit Dominus. Ieiunat Manicheus & multi hæretici maximeque Enekratitæ, quorum princeps Tatianus est, sed hoc ieiunium saturitate & ebrietate deterius est. Idem ad Nepotianum de vita clericorum, Pulchre dicitur apud Græcos, & nescio an apud nos æque resonet, Pinguis venter non gignit mentem tenuem. Tantum tibi ieiuniorum modum impone quantum ferre potes. Sint tibi pura, casta, simplicia, moderata & non superstitiosa ieiunia. Quid prodest oleo non vesci, & molestias quasdam difficultatesq; ciborum querere, carycas, piper, nuces, palmarum fructus, similitam, mel, pistacia? Tota hortorum cultura vexatur, vt cibario non vescamur pane, & dum delicias sectamur, à regno cælorum retrahimur. Audio præterea quosdam contra rerum hominumq; naturam, aquam non biberē nec vesci pane, sed forbitiunculas delicatas & contrita olera betarumq; succum, non calice sorbere, sed concha. Proch pudor, non erubescimus istiusmodi ineptijs, nec tædet superstitionis? Insuper etiam famam abstinentiæ in delitijs querimus. Hæc Hieronymus. Quæ si hodie nostrum aliquis scriberet, protinus appellaretur hæreticus, epulo & crapulæ contra Ecclesiasticam abstinentiam patronus. Verum ieiunium vetustis reuera aliud non erat quam temperans vita, abstinentiaq; perpetua ab omnibus ijs quæ animum auocabant à puritate vitæ & mentis sobrietate, vnde & frequenter vigiliam vides ieiunio iunctam esse in literis sanctis. Non ergo damnamus ieiunium sanctum, sed hypocriticum, venale, superstitiosum, meritorium & circumstantijs impexum. Iam quod interpretes nostri ἀντιρρητικῶν vertit Sacrificantibus. Vetus interpretes reddidit Ministrantibus. Quia vero ἀντιρρητικῶν ministerium quidem significat & ἀντιρρητικὸς minister, nec tamen quiuis, sed sacrarum rerum minister: Erasmus id exprimere & significantius reddere volens dixit Sacrificantibus. Id cum Thraſones quidam non vident, nonnihil roboris Missæ suæ ex hoc loco addi credunt, quasi Apostoli Antiochiæ Missam pro sacrificio celebrarint. Sed fallitur (vt diximus) miseri. Et Ioannes Chrysostomus interpretes Græcos & Græce lingue peritissimus, Quid est (inquit) ministrantibus? Prædicantibus. Ecce hic exponit Ministrare siue sacrificare. Sic enim & Paulus usurpauit ad Rom. 15. Quin & ipse interpretes Erasmus in Paraphrasi sua, Porro cum omnes hi (inquit) magno studio seruirent Ecclesiæ commodis, dotes suas ad omnium salutem & Christi gloriam impartientes, quo non est aliud sacrificium Deo gratius, ieiunantes interim, vt puris etiam precibus adiuuarent Ecclesiæ profectum, &c.

Et ipsi quidem emissi à Spiritu sancto, abierunt Seleuciam, & inde nauigauerunt in Cyprum. Et quum essent Salamine, annunciauerunt sermonem Dei in synagogis Iudæorum. Habebat autem & Ioannem ministrum.

Iterum monemur Apostolos non fabulas humanas, sed verbum Dei prædicasse.

Et peragrata insula vsq; ad Paphum, inuenerunt quendam magi pseudopphetam Iudæum, cui nomen erat Bariehu: qui erat cum proconsole Sergio Paulo viro prudente.

Qua ratione
in paucis o-
mnia comple-
xit Lucas.

Non singula describit quæ in illa patrarunt insula. Semper enim veritatis ratio sibi constat, nec mutatur eum tempore. Eadem ergo prædicatio Christi subinde esset scribenda, si singulas conciones percensere vellet, quas in singulis habuit locis. Eundem enim Christum eandem iustitiæ viam pari prorsus ratione, & modo prædicarunt omnibus. Proinde descripta vna aliqua oratione Pauli, qualis illa est quæ paulo post sequetur, illæque fuerunt quas Petrum, Stephanum, & Philippum habuisse relatum est, sensum medulam ac substantiam omnium habemus. Consulto itaque peculiariter duntaxat persequitur, nempe quomodo Sergius eius insulæ proconsul ad fidem sit conuersus, & Magus homo veritatis præsidio sit superatus. De Magia dictum est in cap. 8. Et Magi nomen tunc non infame erat, sed laudatissimum, significans virum philosophum sapientem siue Prophetam. At Lucas hunc vera nomenclatura dignatus, pseudopphetam veluti impostorem ac seductorem vocauit, qui Prophetam mentitus præstigijs sibi auctoritatem pararit. Et de nomine huius impostoris non video conuenire doctis alijs aliud diuinantibus. Sunt qui credant hanc vocem Bariehu corrupte

corruptæ scriptam esse. Sunt alij qui filium Iesu vel saluatoris exponant: in hoc autem se torquent quod hoc nominis exposuerit per Elymas quasi Elymas idem sit quod Bariehu. Hic ergo alij putant Elymas Syris significare Magum ac pseudopropheta. Alij Censum Dei mei: siue mensuram Dei, אֱלִימָס enim significare Deus meus, & סֶמֶךְ censum. Sunt alij qui dicant Bariesus dictum à parentibus, sed Elymas ob vitæ meritum. At Theodorus Bibliander Ecclesiæ nostræ in diuinis scripturis Lector atq; interpres, quo haud scio num aliud hodie festiuus, eruditus & maiori pollens iudicio viuatur ingenium, existimabat Bariesus ascititiū fuisse viri nomen, quasi tu dicas, Filius Iouis, vel filius saluantis, quo nomine sibi homo Iudæus voluerit apud Gentilē pro artis suæ pretio cōciliare nomē. Deinde vero ipso nomine proprio dictum fuisse Elymā magum, Elymā inquam, quasi quis transpositis aliquot literis dicat Eliam aut Elisama. Proinde obseruandum esse, quod historicus non scripserit *ἐπὶ τοῦ γὰρ ἱερωνύμου, sed μετὰ τὴν αὐτοῦ ἐκδοκὴν*. Hoc enim pollere loquutionem. Sic enim alia enunciatione appellatur nomen eius: itaque totius loci difficultatem oriri ex eo quod expositores *μετὰ τὴν αὐτοῦ ἐκδοκὴν* vocem, ad etymologiam superioris vocabuli explicandam magis, quam ad aliud proprium Magi nomen exprimendum, spectare arbitrabantur. Porro de proconsulari potestate scripsit Feneticella de Mag. Rom. capite vndecimo.

Theodorus Bibliander.

Hic accersitis Barnaba & Saulo desiderabat audire sermonem Dei.

Prudentiam suam singularem hoc ipso declarauit quod cognoscere prius vellet doctrinæ genus, *Prudentia.* quam incognitum damnare. Eleganter enim Tertullia. in Apologetico cap. i. Quid iniquus (inquit) quam vt oderint homines quod ignorant, etiam si res meretur odium? Tunc etenim meretur, quum cognoscitur an mereatur. Vacante autem meriti notitia, vnde odij iustitia defenditur: quæ non de euentu, sed de conscientia probanda est. Habes autem in hoc Sergio Paulo viro forti & prudente, *Bonus princeps.* quid nostrum quoque deceat magistratum. Desiderat hic audire sermonem Dei, desideret hoc & illi. Audita veritate, relegat à se impostorem, & in veritatem iuratus abnegat omnem superstitionem. Id si nostri quoq; facerent, minus innocentis sanguinis funderent. Boni principis exemplar gessit Dauid quoq; Iosaphat, Ezechias & Iosias, qui omnes suscepta Dei veritate, falsis Prophetis & superstitionibus vale dixerunt, & regnum suum posthac iuste ac sancte per fidem administrarunt.

Resistebat autem illis Elymas magus: sic enim interpretatur nomen eius quærens auertere proconsulem à fide.

Quemadmodum vnquam non deerunt qui veritatem propter suā commodā ex timore, ne quid *Impietas ex auaritia resistit* compendijs suis decideret, impugnabunt, ita semper illi ipsi à veritate superabuntur. Gerit enim hic *Euangelio.* magus omnium eorum typum, qui hodie ventris gratia non modo plebem, sed & ipsos principes à veritate auertunt, ad persequutiones animant, autamq; nescio quam fidem iactitant, dicentes parentes illorum non fuisse stultos neque infelices, qui tamen hanc fidem ignorarint. Ecclesia enim non modo à tyrannis persequutionem patitur, sed à mendacibus quoque doctoribus, à magis, hæreticis & impostoribus. Sed audi iam masculam Pauli responsionem.

Saulus autem qui idem Paulus, repletus Spiritu sancto, intentis in eum oculis dixit: O plene omni dolo, & omni versutia fili diaboli, inimice omnis iustitiæ, non desinis inuertere vias Domini rectas?

Diuis Hieronymus in epistolam Pauli ad Philomonem scribens, omnino existimat hoc primum Pauli nomen à Sergio Paulo inditum esse Apostolo, qui prius semper sit Saulus vocatus, nunc autem trophei vice Pauli nomen sibi sumpserit, quod virum tantum lucrifecisset Christo. Subscribit illi in suis in nouum testamentum annotatis Valla. Sed Erasmus diuersum quiddam, sed scite obseruatum annotauit super i. cap. epistolæ ad Roman. Priusquam vero Pauli in Elymam inuestituæ summam ascribat, duo notat. Prius, Paulus repletus Spiritu sancto dixit, significans omnem virtutem non hominis, sed Dei esse, cum quo negotium sit omnibus hypocritis, in quos tandem ipse met animaduertat Deus, Paulus intentis in Elymam oculis dixit. Hoc enim significauit historicus quanta animi constantia, quā grauibz moribus, quam denique vultu se uero & verendo causam suam egerit aduersus Magum. Discant ergo hinc ministri verbi Dominici quid se suoque officio dignum faciant. Audiant & verborum pondus, nullo delibutum lenimine, sed graue prorsus ac admirandum. Ex abrupto enim per exclamationem indignatione pro sceleris magnitudine plenissimam exclamat & ait, O plene omni dolo, &c. Accusat autem in eo dolum malum. Quid enim aliud est Magia, quam impostura & dolus ad circumueniendum & imprudentibus nummos extorquendum

Pauli nomen.

Accusatio impietatis Bariesu.

extogitata? Deinde accusat improbitatem hominis. Nam *indusippia*, quod Latinus vertit Versutia, pro pensionem significat ad quoduis facinus patrandum: à *indus* facile *ippia* operor: quales Germanice vocamus *schantliche liederliche Buben/gschwind* durchuben in aller schalckheyt. Cæterum filium diaboli vocat, rationem nominis sui, per Antiphrasin, habens. Quasi dicat: Bariesus dicis veluti altissimi Dei filius, sed reuera ipsissimi diaboli es Filius, qui & ipse veritatem odit, & mendacium colit. Iam nulla iustitia vera est quam quæ ex fide per veritatem est. Igitur cum proconsulem cuperet à fide reuocare, recte dicitur inimicus esse iustitiæ. Quanquam videri poterat verbis inesse enallage, & Omnis iustitiæ dictum esse pro omni eo quod sanctum, æquum & iustum est. Non possunt autem non odisse eiusmodi impostores puritatem & sanctimoniam veram, qui impuritate & rebus prophanis nutriuntur. Postremo per interrogationem vehementer incensa oratione (quâquam alij citra interrogationem legant) accusat illum pessimi sceleris Depravationis videlicet, *ἀναστρέφειν* enim significat res planas inuoluere, & ex rectis facere tortuosas. Nihil autem simplicius, purius & rectius est, veritate Christiana: at hanc peruerimus cum bene dicta male interpretamur, siue aliquid de nostro assuentes, siue aliquid detrahentes, siue inuertentes, siue in suspicionem malam trahentes, & breuiter, quoties de veritate nostri lucri gratia improbe & inhoneste loquimur, aut lucem tenebris nostris data opera obfascamus. Vitium hoc nostro seculo vſitatissimum est. Sunt enim maximi nominis viri, qui de fide nostra pessima quæque prædicant, quæ tamen de suo addunt, in hoc autem illud faciunt, vt à veritate Evangelica auertant plurimos. Quid enim non comminiscuntur in nos? Clamant à nobis sacramenta conculcari, Ecclesias diripi, diuos à nobis nullo in loco gradûe haberi, virtutes proscribi quasque, contra vero plantari omnis generis scelera, denique liberum esse apud nos fidem sancte datam frangere, luxuriari, quoduis impune tentare, tumultuari, & edicta principum sancta aspernari. Quæ tamen omnia nos ita abhorremus, vt summa seueritate vtentes eiusmodi extremis arbitremur dignos esse supplicij. Isti potius Elymæ sui præceptoris non pœnitendi, discipuli, depravatione illa quam nobis impingunt simplices à doctrina nostra, quæ veritatis est, absterrent, vt stupidis, per omnia scelerum genera grassantes, imperitare liberius & viuere possint suauis ac magis securi.

Et nunc ecce manus Domini super te, & eris cæcus, non videns solem vsq; ad tempus. Et confestim cecidit in eum caligo ac tenebræ, & circumiens quærebat, qui se manu ducerent.

Condignas
leri pœna.

Quemadmodum olim Alexander imperator præsignem aliquem nactus impostorem, in foro transitorio ad stipitem ligari præcepit, & fumo apposito, quem è stipulis & lignis humidis fieri iusserat, necauit, præcone dicente: Fumo punitur qui vendidit fumum: ita non alia plaga Dei dignior erat hic tenebrio Elymas, quam vt cæcitate puniretur, qui & errorum nebulas deperibat, & tenebras optimis quibusque offuderat. Demonstrabat autem Proconsuli per hanc pœnam Dominus, quod præstigiola ac cæca esset professio, quam hætenus magno apud imperitos venditarat impostor. Occæcantur etiamnum animis qui terrena malunt quam cœlestia. Nam omni habenti datur, &c. Ad hypotyposim vero facit quæ cæci exprimit gestum, quod videlicet ille alienis ducitur manibus. Historia enim res gestas non tantum narrat, sed etiam ob oculos spectandas proponit.

Tunc proconsul quum vidisset quod acciderat, credidit, admirans super doctrina Domini.

Vt ex victoria Petri atque Philippi à Simone Mago reportata, multum gloriæ negotio Euangelij accessit: ita hoc loco non minor illi contigit, vbi Elymas qui se hætenus blasphemio titulo Filium Dei vocari iussisset, superatus, visum amisit. Est ergo veritas immortalis.

Cum autem à Papho soluisset Paulus, qui cum eo erant, venerunt Per-gen Phamphylie. Ioannes autem digressus ab eis, reuersus est Hierosolymā.

Ioan. Marcus.
Matt. 8. et 10.
Luc. 9.

Defectio Ioannis Marci postea acerrimam peperit inter summos hosce Apostolos contentionem. Parum enim honesta erat defectio. Nam ex pusillanimitate, & fortassis ex patriæ (vt fit) desiderio oborta, & proinde Paulo suspecta fuit. Patriam illius audiuius in duodecimo fuisse Hierosolymam. Cæterum qui credidere hunc illum esse Marcum, qui postea Petrum secutus, Euangelium scripserit, & Alexandriæ prædicauerit, forsan non expenderunt plurimos eius nominis fuisse viros, Quanquam nobis nulla sunt argumenta certa, quibus conuincamus Ioan. Marcum non fuisse eum qui dicitur. Verum illi quoque nihil habent nisi coniecturas. Parum autem compendij siue dispendij attu-

dij attulerit, siue is Euangelij scriptor fuerit, siue non fuerit. Si autem Euangelistes fuit, iam hæc de sectio non plus derogat authoritati nominis eius, quam abnegatio Petri, ipsi Petro derogauit.

Cæterum ipsi peragratis regionibus, à Perga venerunt Antiochiam Pí-
sidia, & ingressi synagogam die sabbatorum, sederunt. Post lectionem autē
legis ac Prophetarum, miserunt principes synagogæ ad eos, dicentes: Viri
fratres, si quis est in vobis sermo exhortationis ad plebem, dicite.

Multa his insunt dogmata egregia. 1. Veritatem non horrere lucem, sed in medium prodire. Hinc enim Paulus & Barnabas in publicam ingrediuntur synagogam. 2. Sabbatum in hoc esse insti-
tutum vt in hoc rebus vacemus diuinis, nempe orationi, lectionibus ac concionibus sacris. De qua *Sabbatum.*
re alias. 3. Modestiam viros decere Apostolicos summam. Proinde Apostoli hoc loco non importune
& impudenter se ingerunt, & more Anabaptistarum clamitant: Audite verbum Domini, Pœnitentiam
agite: sed silentes expectant dicendi occasionem. 4. Legem & Prophetas, hoc est, sacros li-
bros in publicis conuentibus esse tractandos, non nugas aut humanas leges. Transumpsit hoc pri-
mitiua Christi Ecclesia à Iudæorum synagoga, diligenterque obseruauit, vt liquet ex Origenis, Am-
brosij, Augustini monumentis, donec inscitia superante omnis scripturarum publica tractatio re-
digeretur ad inutilem cantum, siue ad horas (vt vocant) canonicas, quæ vtique ab initio à canonicis
scripturis, quæ proculdubio à Prophetis in collegijs ecclesiasticis quotidie tractabantur, nomen a-
deptæ sunt. 5. Prophetiam non esse aspernandam, aliorumque in interpretatione & exponendis
scripturis audiendas esse sententias. Hinc primores synagogæ Paulo & Barnabæ dicendi potesta-
tem faciunt. *Horæ Canonicae.* *1. Cor. 14.*

Surgens autem Paulus, & manu silentium indicto, ait: Viri Israelitæ: &
qui timeris Deum, audite: Deus populi huius delegit patres nostros: & popu-
lum in altum extulit, quum essent incolæ in terra Ægypti: & brachia excel-
so eduxit ex ea, & circiter quadraginta annorum tempus mores eorum su-
stinuit in deserto. Ac deletis gentibus septem in terra Chanaan, sorte distri-
buit eis terram eorum: Et post hæc annis circiter quadringentis quinquaginta,
dedit iudices vsq; ad Samuelem Prophetam. Et exinde postulauerunt
regem: deditq; eius Deus Saul filium Cís, virum de tribu Beniamin, annis
quadraginta. Et amoto illo, suscitauit illis Dauid vt esset rex, cui testimoni-
um reddens dixit: Inueni Dauid filium Iesse, virum secundum cor meum,
qui faciet omnes voluntates meas.

Gen. 47.
Exod. 14.
Iosue 12.
Iosue 13.

1. Reg. 10.

1. Reg. 16.

Hic primus est Pauli sermo, qui memoria proditus sit sanctarum literarum, adeo similis superio-
ribus Apostolorum orationibus, vt non ouum ouo sit similis. In huius autem principio mire capta
uit beneuolentiam, in eo quod Israelitas vocat, & à timore Dei commendat, subindeans eos de ho-
rum numero esse, quorum salus Deo curæ fuerit, & se de illa salute non nouo aliquo Deo aut nupe-
ra fide disserturum. Est autem oratio generis suatorij. Siquidem Iudæis suadet, vt Christum Domi-
num fide suscipiant. Cæterum hoc ipsum altissime repetita expositione orditur, ex antea actis Dei
comprobans veritatem, iustitiam & clementiam, quam tamen nullis in rebus æque demonstrarit,
quam dum filium suum Iesum Christum orbi exhibuit. Hic autem ostendit quis is sit, quomodo præ-
dicatus sit, quid passus, & quam ob causam tam indigna passus sit, quomodo idem resurrexerit, quo-
modo omnia ista scripturis sint prodita confirmataq; quis eorum fructus, item quid eos maneat, qui
prædicatum contemnant. Hæc omnium summa, & hic totius orationis status est. De prima ex sacris
expositione historica non est quod multis agam, nisi fortassis illud moneam, videri posse Paulum
tam alte à rebus vetustis petito principio voluisse significare, Deū hoc ipso quod patres elegit, quod
de Ægypto eduxit, & in terram Chanaan septem deletis gentibus induxit, salutem adumbrasse fide-
lium: cæterum illam nullis meritis nostris deberi, sed electioni & misericordiæ Dei, item salutem il-
lam nullo terreno regno, nulla seculi quiete, ac ne vllis quidem bonis quæ fortunæ dicuntur, futuram
fuisse vocatis, sed spirituale esse quod per corporalia designatum fuerit, nempe regnum cæleste in-
comparabile, incomprehensibile & æternum, quod non ex nobis, nec pro meritis nostris, sed ex im-
mensa sua misericordia daturus sit omnibus ijs qui post completæ legis tempora in Iesum Christum
natum secundum carnem ex semine Dauid, & multis signis testimonijsque comprobatum filium

*Oratio Pauli
docta.*

*Beneficia pa-
tribus exhibi-
ta.*

Dei nihil hæsitantes crederent. Iam loci scripturæ è quibus illa omnia sumpsit Paulus omnibus sunt notissimi. Porro numerum annorum 450. sunt qui referant ad superiora, vt ab altiori principio repetitus videatur, nempe à natiuitate Isaac vsque ad tempus Iosue, & initium possessionis terræ Chanaan. Verum sic non congruunt anni. Nam ipse Moses in Exodo, Habitatio autem (ait) filiorum Israel qua manserunt in Ægypto, fuit quadringentorum triginta annorum. His si addas. 40. annos quos in deserto transegit populus, 470. annos constitues, vt interim aliorum annorum non meminerim. Proinde non congruit computatio. Verisimilius est Paulum deduxisse computationem ab anno exitus Israel ex Ægypto ad Dauidis vsque tempora: quandoquidem non aliud agit, quam vt serie temporum & rerum gestarum indicata, à Mose ad Dauid perueniat, ex cuius semine Christum saluatorem secundum carnem natum esse doceat. At huius alius quadrabit annorum computatio. Nam 3. Reg. 6. ab anno egressione filiorum Israel de terra Ægypti vsque ad quartum annum regni Solomonis colliguntur anni quadringenti octoginta, cui summæ si quadraginta annos detraxeris (tot enim annis imperitauit rex Dauid, vt habetur 2. Reg. 5.) restant anni plus minus à Mose ad Dauid quadringenti quadraginta. Porro annis circiter quadringentis Paulus dixit, vt plus minúsue redderet exactior supputatio. Sic enim loqui solemus vbi de certo & exacto numero nobis non constare innuimus. In hanc autem computatione comprehendimus & annos Samuelis & Saulis, quibus & Eusebius in Chronicis quadraginta tribuit annos. De reliquis vero huius loci videre est historiam sacram.

huius è semine Deus, ita vt promiserat, adduxit Israel seruatorem Iesum, quum antè prædicasset Ioannes ante faciem introitus eius baptismum penitentia Israel. Cum autem impleisset Ioannes cursum, dixit: Quem me arbitramini esse? Non is sum ego, sed ecce venit post me cuius non sum dignus soleam pedum soluere.

*Historia de
Christo.
Psal. 131.*

Hic post longiorem expositionem delabitur ad prædicationem Christi, in cuius principio tradit Christum esse Messiam promissum, verum Deum & hominem è prosapia Dauidis ortum. Idque confirmat testimonio Ioannis Baptiste, qui fortassis apud Antiochenes Prophetæ fidem habebat. Et sane Baptista præcurfor clarissima diuinæ naturæ præterea & totius Euangelici negotij de penitentia & remissione peccatorum testimonia tulit. De quo plurima Ioannes in cap. 1. Iterum autem vides negotium Ioannis Baptiste misceri negotio Euangelico hunc non minimum esse Euangelij præconem. De qua re superius disputatum est.

Viri fratres, filij generis Abraham, & qui inter vos timent Deum, vobis sermo salutis huius missus est.

Pulcherrima veterum historiarum inductione venit ad prædicationem Christi, quam nunc ea parte prorsus absoluit qua per Ioannem præcurforem cœpta est: asserens Iesum illum esse Christum quem promiserint lex & Prophetæ. Iam cum noua hæc prædicatione plurimos offendere potuisset, iterum exordiolo quopiam lenit ac præparat auditorum animos, monens vt in officio audiendi permaneant. Addit stimulos efficacissimos, dum filios Abraham compellat, timentes Deum dicit, & maximam vtilitatem proponit, dicens, Vobis (ad Iudæos enim peculiariter spectabat negotium salutis) sermo salutis huius missus est: proinde qualis sit intelligite.

Qui enim habitabant Hierosolymis, & principes eorum, cui ignorarent illum, & voces Prophetarum quæ per omne sabbatum leguntur, condemnato eo impleuerunt, nullaq; causa mortis inuenta, petierunt à Pilato, vt interficeret illum.

Rursus ne protinus obijcerent, Si Messias erat, qui factum, vt Hierosolymis quæ Messia sacra vrbs est & doctissimorum simul & pijsimorum hominum feracissima, crucifixus sit? Respondet. Quicquid ab illis qui Hierosolymis agunt, factum est, in totum ex ignorantia, deinde vero ex præscientia Dei factum est: qui per Prophetas suos prædixit Christum passurum. Id ergo completum esse, annunciamus vobis. Nec est quod quenquam supplicij genus ceu cōmercium remoretur. Nam nulla causa mortis in eo inuenta est, propter quam merito puniri potuisset. Proinde quicquid passus est, nostri causa passus est, vt morte indebita soluerentur nostra erga Deum debita innumera. Ita aliud interim agens pulchre prædicat ipsis crucem & mortem Christi.

Cumq;

Cumq; consumassent omnia quæ de eo scripta erāt, depositum de ligno posuerunt in monumento. Deus autem suscitauit eum à mortuis, qui visus est per dies multos his, qui simul ascenderant cum eo à Galilæa Hierosolymam, qui sunt testes eius apud plebem.

Iam verò morti addit sepulturam & ex mortuis resurrectionem, vt plenam haberent mysteriorum Christi prædicationem. Iterum autem immiscet auctoritatem scripturæ, quo minus offenderentur ignominia crucis. Deinde eiusdem rei causâ resurrectionē quoq; subiungit, qua & diuinam comprobatur Christi naturam, & vitam in Christo omnibus restitutam. Addit resurrectioni eadem illa argumenta, quæ Petrus in orationibus superioribus.

Et nos vobis annuntiamus, quòd eam repromissionem, quæ ad patres facta est, Deus adimpleuit filijs illorum, nimirum nobis resuscitato Iesu, sicut & in Psalmo primo scriptum est: Filius meus es tu, ego hodie genui te. Quòd autem suscitauit eum à mortuis, iam non amplius reuersurum in corruptionem, ita dixit: Dabo vobis sancta Dauid fidelia. Ideo & aliàs dicit: Non permittes vt sanctus tuus videat corruptionem. Nam Dauid quidem cum suæ ætati inseruisset, consilio Dei, dormiuit: & appositus est ad patres suos, viditq; corruptionem. At is quem Deus suscitauit, non vidit corruptionem.

Hactenus videtur nuda contexta esse historia, nunc adijciuntur testimonia, & fructus historię, *Testimonia historia Christi.* hoc est, rerum Christi indicatur. Fructus hic est quòd in Christo Iesu omnes thesauri rerum cœlestium sunt exhibiti fidelibus, hoc est, quòd quęcunq; Deus per Prophetas promissit, ea per Christum compleuit. Factus est enim hic nobis à Deo sapientia, iustitia, & sanctificatio, & redemptio: via, veritas, & vita: resurrectio, & omnium rerum plenitudo absolutissima. Sub testimonia autem referuntur tres præ citati scripturæ loci. Primus est Psal. 1. (sub 1. enim Psalmum retulit eum, qui nobis est 2. quod etiam ipse Augustinus fecit, aut certè qui nobis primus est, veluti Prologus operi Psalmorum præpositus est) & testimonium fert diuinitati, afflictionibus & regno Christi. Neq; enim verisimile est quòd Apostolus vnicum tantum ex Psalmo citaret versum, sed totum potius Iudæis enarrarit. Lucas ergo indicem rerum potissimarum contexens, versu citato, totum Psalmum monuit esse consulendum. Iam si totum consulas, videbis hoc probari atq; describi Christi diuinitatem, humilitatem, victoriā, ac regnum. Atq; ad hunc statum redige Psalmum totum, & nulla inerit difficultas, maximè cum ius non nihil expositum sit & in cap. 2. Secundus locus pari consilio, ratione ac modo transumptus est ex Isa. cap. 55. In eo enim copiosissimis verbis describitur gratia Dei per Christum nobis exhibita. Ergo Sanctum posuit pro fœdere. Fœdus autem (vel Ieremias teste) pro peccatorum remissione, quæ nobis contingit ex merito Christi, quæ Dauidem vocat Propheta, eò quòd Dauidi promissus sit Christus, & ex eodem natus secundum carnem. Porro tertius locus desumptus est ex Psal. 15. & resurrectioni fert testimonium. Quemadmodum pluribus in cap. 2. indicauit Petrus. Quòd autem hi loci in interpretes non nihil torserunt, factum est, quòd non viderunt illos non vnius duntaxat resurrectionis esse testimonia, sed totius negotij Christi. Meminit sanè resurrectionis, sed per Synecdocham meminit, vt interim alia Christi non excludat opera negotiaq;.

Notum igitur sit vobis viri fratres, quòd per hunc vobis remissio peccatorum annuntiatur & ab omnibus, à quibus non potuistis per legem Moysi iustificari, per hunc omnis qui credit iustificatur.

Posteaquam ergo enauigasset è testimoniorum scopulis, collectis velis ruit in portum, verbisq; apertissimis exponit fructum rerum Christi, & quid per ipsum orbi sit donatum, plenitudo, perfectio, *Fructus rerum Christi.* & plenaria peccatorum remissio: quam hic obiter indicat contingere non merito, operibus aut villo legis præsidio, sed pura Dei per Christum gratia. Quòd idem Paulus in Epistola ad Romanos, Galatas ac Hebræos fusissimè persequitur. Et D. Aurelius Augustinus idem tractans argumentum, De spiritu & litera ad Marcellinum lib. cap. 13. & 14. euidentissimè probat hominem iustificari non lege operum, sed fidei: non litera, sed spiritu: non factorum meritis, sed gratuita gratia. Idem agit & aduersus Pelagianos de Peccato originali, libro 2. cap. 26. Item de Natura & gratia capite 2. & 3. In 4. verò cap. eiusdem. Hæc igitur Christi (inquit) gratia, sine qua nec infantes, nec ætate grandes salui fieri possunt non meritis redditur, sed gratis datur, propter quod & gratia nominatur. Et in 14. capite

Dei nihil hæsitantes crederent. Iam loci scripturæ è quibus illa omnia sumpsit Paulus omnibus sunt notissimi. Porro numerum annorum 450. sunt qui referant ad superiora, vt ab altiori principio repetitus videatur, nempe à natiuitate Isaac vsque ad tempus Iosue, & initium possessionis terræ Chanaan. Verum sic non congruunt anni. Nam ipse Moses in Exodo, Habitatio autem (ait) filiorum Israel qua manserunt in Ægypto, fuit quadringentorum triginta annorum. His si addas. 40. annos quos in deserto transegit populus, 470. annos constitues, vt interim aliorum annorum non meminerim. Proinde non congruit computatio. Verisimilius est Paulum deduxisse computationem ab anno exitus Israel ex Ægypto ad Davidis vsque tempora: quandoquidem non aliud agit, quam vt serie temporum & rerum gestarum indicata, à Mose ad David perueniat, ex cuius semine Christum saluatorem secundum carnem natum esse doceat. At hic melius quadrabit annorum computatio. Nam 3. Reg. 6. ab anno egressionis filiorum Israel de terra Ægypti vsque ad quartum annum regni Solomonis colliguntur anni quadringenti octoginta, cui summæ si quadraginta annos detraxeris (tot enim annis imperitauit rex David, vt habetur 2. Reg. 5.) restant anni plus minus à Mose ad David quadringenti quadraginta. Porro annis circiter quadringentis Paulus dixit, vt plus minúsue redderet exactior supputatio. Sic enim loqui solemus vbi de certo & exacto numero nobis non constare inuimus. In hanc autem computatione comprehendimus & annos Samuelis & Saulis, quibus & Eusebius in Chronicis quadraginta tribuit annos. De reliquis vero huius loci videre est historiam sacram.

huius è semine Deus, ita vt promiserat, adduxit Israel seruatorem Iesum, quum antè prædicasset Ioannes ante faciem introitus eius baptismum pœnitentiæ Israeli. Cum autem impleisset Ioannes cursum, dixit: Quem me arbitramini esse? Non is sum ego, sed ecce venit post me cuius non sum dignus soleam pedum soluere.

*Historia de
Christo.
Psal. 131.*

Hic post longiorem expositionem delabitur ad prædicationem Christi, in cuius principio tradit Christum esse Mesiã promissum, verum Deum & hominem è prosapia Davidis ortum. Idque confirmat testimonio Ioannis Baptiste, qui fortassis apud Antiochenes Prophetæ fidem habebat. Et sane Baptista præcursor clarissima diuinæ naturæ præterea & totius Euangelici negotij de pœnitentia & remissione peccatorum testimonia tulit. De quo plurima Ioannes in cap. 1. Iterum autem vides negotium Ioannis Baptiste misceri negotio Euangelico hunc non minimum esse Euangelij præconem. De qua re superius disputatum est.

Viri fratres, filij generis Abraham, & qui inter vos timent Deum, vobis sermo salutis huius missus est.

Pulcherrima veterum historiarum inductione venit ad prædicationem Christi, quam nunc ea parte prorsus absoluit qua per Ioannem præcursores cœpta est: asserens Iesum illum esse Christum quem promiserint lex & Prophetæ. Iam cum noua hæc prædicatio plurimos offendere potuisset, iterum exordiolo quopiam lenit ac præparat auditorum animos, monens vt in officio audiendi permaneant. Addit stimulos efficacissimos, dum filios Abraham compellat, timentes Deum dicit, & maximam vtilitatem proponit, dicens, Vobis (ad Iudæos enim peculiariter spectabat negotium salutis) sermo salutis huius missus est: proinde qualis sit intelligite.

Qui enim habitabant Hierosolymis, & principes eorum, cui ignorarent illum, & voces Prophetarum quæ per omne sabbatum leguntur, condemnato eo impleuerunt, nullaq; causa mortis inuenta, petierunt à Pilato, vt interficeret illum.

Rursus ne protinus obijcerent, Si Mesiã erat, qui factum, vt Hierosolymis quæ Mesiæ sacra vrbs est & doctissimorum simul & pijsimorum hominum feracissima, crucifixus sit? Respondet, Quicquid ab illis qui Hierosolymis agunt, factum est, in totum ex ignorantia, deinde vero ex præscientia Dei factum est: qui per Prophetas suos prædixit Christum passurum. Id ergo completum esse, annunciamus vobis. Nec est quod quenquam supplicij genus ceu cōmercium remoretur. Nam nulla causa mortis in eo inuenta est, propter quam merito puniri potuisset. Proinde quicquid passus est, nostri causa passus est, vt morte indebita soluerentur nostra erga Deum debita innumera. Ita aliud interim agens pulchre prædicat ipsis crucem & mortem Christi.

Cumq;

Cumq[ue] consumassent omnia quæ de eo scripta erāt, depositum de ligno posuerunt in monumento. Deus autem suscitauit eum à mortuis, qui uisus est per dies multos his, qui simul ascenderant cum eo à Galilæa Hierosolymam, qui sunt testes eius apud plebem.

Iam verò mōti addit sepulturam & ex mortuis resurrectionem, ut plenam haberent mysteriorum Christi prædicationem. Iterum autem immiscet auctoritatem scripturæ, quo minus offenderentur ignominia crucis. Deinde eiusdem rei causa resurrectionē quoq[ue] subiungit, qua & diuinam comprobatur Christi naturam, & vitam in Christo omnibus restitutam. Addit resurrectioni eadem illa argumenta, quæ Petrus in orationibus superioribus.

Et nos vobis annuntiamus, quod eam repromissionem, quæ ad patres facta est, Deus adimpleuit filiis illorum, nimirum nobis resuscitato Iesu, sicut & in Psalmo primo scriptum est: Filius meus es tu, ego hodie genui te. Quod autem suscitauit eum à mortuis, iam non amplius reuersurum in corruptionem, ita dixit: Dabo vobis sancta Dauid fidelia. Ideo & aliàs dicit: Non permittes ut sanctus tuus videat corruptionem. Nam Dauid quidem cum suæ ætati inuenerat, consilio Dei, dormiuit: & appositus est ad patres suos, viditq[ue] corruptionem. At is quem Deus suscitauit, non vidit corruptionem.

Hactenus videtur nuda contexta esse historia, nunc adiunguntur testimonia, & fructus historię, *Testimonia hie hoc est, rerum Christi indicatur. Fructus hic est quod in Christo Iesu omnes thesauri rerum cœlestium sunt exhibiti fidelibus, hoc est, quod quęcunq[ue] Deus per Prophetas promisit, ea per Christum compleuit. Factus est enim hic nobis à Deo sapientia, iustitia, & sanctificatio, & redemptio: via, veritas, & vita: resurrectio, & omnium rerum plenitudo absolutissima. Sub testimonia autem referuntur tres præ citati scripturæ loci. Primus est Psal. 1. (sub 1. enim Psalmum retulit eum, qui nobis est 2. quod etiam ipse Augustinus fecit, aut certè qui nobis primus est, veluti Prologus operi Psalmorum præpositus est) & testimonium fert diuinitati, afflictionibus & regno Christi. Neq[ue] enim verisimile est quod Apostolus vnicum tantum ex Psalmo citaret versum, sed totum potius Iudæis enarrarit. Lucas ergo indicem rerum potissimarum contexens, versu citato, totum Psalmum monuit esse consulendum. Iam si totum consulas, videbis hoc probari atq[ue] describi Christi diuinitatem, humilitatem, victoriā, ac regnum. Atq[ue] ad hunc statum redige Psalmum totum, & nulla inerit difficultas, maxime cum ius non nihil expositum sit & in cap. 2. Secundus locus pari consilio, ratione ac modo transumptus est ex Isa. cap. 55. In eo enim copiosissimis verbis describitur gratia Dei per Christum nobis exhibita. Ergo Sanctum posuit pro fœdere. Fœdus autem (vel Ieremia teste) pro peccatorum remissione, quæ nobis contingit ex merito Christi, quæ Dauidem vocat Propheta, eo quod Dauidi promissus sit Christus, & ex eodem natus secundum carnem. Porro tertius locus desumptus est ex Psal. 15. & resurrectioni fert testimonium. Quemadmodum pluribus in cap. 2. indicauit Petrus. Quod autem hi loci in terpretes non nihil torserunt, factum est, quod non viderunt illos non vnius duntaxat resurrectionis esse testimonia, sed totius negotij Christi. Meminit sanè resurrectionis, sed per Synecdocham meminit, ut interim alia Christi non excludat opera negotiaq[ue].*

Notum igitur sit vobis viri fratres, quod per hunc vobis remissio peccatorum annuntiatur & ab omnibus, à quibus non potuistis per legem Moysi iustificari, per hunc omnis qui credit iustificatur.

Posteaquam ergo enauigasset è testimoniorum scopulis, collectis velis ruit in portum, verbisq[ue] apertissimis exponit fructum rerum Christi, & quid per ipsum orbi sit donatum, plenitudo, perfectio, *Fructus rerum Christi.* & plenaria peccatorum remissio: quam hic obiter indicat contingere non merito, operibus aut vlllo legis præsidio, sed pura Dei per Christum gratia. Quod idem Paulus in Epistola ad Romanos, Galatas ac Hebræos fusissimè persequitur. Et D. Aurelius Augustinus idem tractans argumentum, De spiritu & litera ad Marcellinum lib. cap. 13. & 14. euidentissimè probat hominem iustificari non lege operum, sed fidei: non litera, sed spiritu: non factorum meritis, sed gratuita gratia. Idem agit & aduersus Pelagianos de Peccato originali, libro 2. cap. 26. Item de Natura & gratia capite 2. & 3. In 4. verò cap. eiusdem. Hæc igitur Christi (inquit) gratia, sine qua nec infantes, nec ætate grandes salui fieri possunt non meritis redditur, sed gratis datur, propter quod & gratia nominatur. Et in 14. capite

de spiritu & litera. Cum de lege (ait) dicimus quòd non iustificet, non tantum intelligimus legem ceremoniarum, sed Decalogi quoque tabulas. Vide Rom. 8. 3. 4. Gal. 3. & Ioan. 1.

Videte ergo ne superueniat vobis, quòd dictum est in Prophetis: Videte contemptores, & admiramini, & euanescite, quia opus operor ego in diebus vestris, quòd non credetis, si quis enarrauerit vobis.

*Minæ aduersus
contemptores
Euangelij.*

Suasit Iudæis Christo Domino fidant, hic hortationi iungit minas, quæ quo grauiorēs essent, prophetis verbis recenset. Et quanquam omnes Prophetæ de pœna incredulorum ac perfidorum multa dixerint vbiq; vnicum tamē Abakuk testimonium ex 1. cap. petiit producere voluit, quòd satis atrox ac horribile solum sufficere videretur. Equidem apparet Apostolum ex habitu & gestu auditorum præsensisse multos assidere, qui Euangelij & Christi contemptu intumuerint, quare per motus propheticum suppegit testimonium. Hoc autem suo negotio adaptauit per *ἐκείνους*, quam Cicerò Collationem vertit. Nam hic est sensus Pauli, Videte ne forsitan contemnatis viuificum Dei verbum, quemadmodum olim maiores vestri verba Prophetarum cohortantium ad penitentiam contempserunt, & pereatis miserè, quemadmodum illi quoque perierunt, oppressi iugo regis Babylonici. Nam de captiuitate Babylonica & vrbis excidio per Nabuchodonosorem loquitur Propheta: cui probè tandem respondit vastatio vrbis per Titum. Rebus adhuc saluis nemo credit, quòd tandem, vbi nihil profecerit Dei longanimitas, omnes experiri coguntur. Sed & de re vehementer dicimus, Maius est quàm quòd quisquam credere possit. Iam quòd nos legimus, Et euanescite, Græcè est *ἐν ἀφανισμῷ*. Est autem *ἀφανίζω* non modò euanescō, sed demolior & marcesco: quæ duo cum ipsa re idem polleant cum superiore, vtraque tamen magis huc quadrant quàm illud. Est enim sensus Prophetæ, Cum mala prædicimus futura, vos prorsus contemnitis: adert ergo tempus, quo mala experiemini, nempe dum in Gentes longè abducti admirabimini quòd in tantam potueritis venire calamitatem, ibi ergo obstupescetis, & miserè marcescetis miseria. Hæc de prædicatione Pauli, quæ neglectis omnibus ceremonijs, ritibus, traditionibus & constitutionibus humanis, ad vnum Christum vocat, in illo omnia exhibet, adeò vt extra hunc nulla sit salus, sed calamitas extrema. Confer hæc cum illa fidei absoluta regula, de qua diximus in Capite secundo, cum disputaremus de doctrina Apostolorum.

Egressis autem è cœtu Iudæis, rogabant Gentes, vt sequenti sabbato loquerentur sibi verba. Soluti autem cœtu, sequuti sunt multi Iudæi & religiosi profelyti Paulum ac Barnabam, qui alloquentes suadebāt eis, vt perseuerarent in gratia Dei.

*Reclamatur
veritati.*

Exponit nunc concomitantia prædicationem Euangelij, quàm varie ad illud afficiantur homines. Nam Euangelium alijs odor vitæ est ad vitam, alijs odor mortis ad mortem, 2. Cor. 2. Hinc est quòd alij quidem, qui suæ innitebantur iustitiæ & externa quædam magni pendebant, Euangelium horrent: alij contrà ambiunt ac amplectuntur, Gentes in primis, quæ peccatis graues iam olim senserant reatus, externis ac viribus humanis expiari non posse. Pauci ex Iudæis salutem sitiunt: nam suæ iustitiæ fidunt. Attamen non omne semen Israelis reiectum est: saluabūtur enim reliquiæ, Rom. 11. Has hoc loco monent Apostoli, vt in gratia Christi perseuerent. Vbi iterum videmus quòd perseuerantia pietatis veræ anima est.

Sequenti verò sabbato penè vniuersa ciuitas conuenit ad audiendum sermonem Dei. Videntes autem turbas Iudæi, repleti sunt zelo, & contradicebant his, quæ à Paulo dicebantur, contradicentes ac loquentes blasphemias.

*Inuidia sequitur
veritatem,
crux Euangelij.*

Conueniunt sanè, sed partim rerum nouitate permoti, partim pietate illecti. Illius causam aiūt esse curiositatem, quam ille dicebat Leuitatis esse filiam. Nullam enim in hac inueneris cōstantiam. Huius porro causam rectissimè censent spiritum Dei bonū esse, quòd docti mortales miseri sentiunt peccati grauamina, quæ nulla alia re tolluntur, quàm doctrina Euangelica. Porro Iudæi iterum funguntur officio suo, inuident, æmulatione ringuntur, metuunt ne quid suæ decedat authoritati & quæstui si Apostolis adhæreat ciuitas. Proinde insidiantur, occlamant, conuiuantur & insaniunt. Græca enim vehementissima sunt, *ἀντιλήγουσι καὶ βλασφημοῦσι*, contrastrepentes & conuiantes. Typum autem gerunt omnium impiorum, qui hoc atrociores sunt veritatis hostes, quò religiosiores videri volunt veritatis & iustitiæ esse cultores, imò defensores: defendunt interim suam existimationem & vtilitatem. Pauci ex stulto zelo gloriam Dei quærunt. Eiusmodi & nostra secula plurimos habent,

habent, qui plenis buccis & lateribus firmis proflunt, & voce Stentorea Euangelicæ veritati contra hæreticæ & nuperæ doctrinæ occlament, remurmurant & conuittantur.

Tunc sumpta fiducia Paulus ac Barnabas, dixerunt: Vobis oportebat primum loqui sermonem Dei, sed quoniam repellitis illum, & indignos vos iudicatis æterna vita, ecce conuertimur ad Gentes, sicut enim nobis præcepit Dominus: Posui te in lucem gentium, ut sis salus usque ad extremum terræ.

Oportet ergo episcopum ita doctum esse, ut potens sit contradicentes conuincere, & mentium seductoribus os obturare. Itaque fungitur Paulus boni pastoris officio. Magna enim autoritate con-
Reclamantes abijcit.
 futat Iudaicam perfidiam, Domini iustitiam, veritatem & clementiam ab istorum vindicat calumnijs, atque in ipsos Iudæos omnem damnationis culpam retorquet. Deus (inquit) præstitit quod promisit. Filium & in eo omnem promisit perfectionem, hunc iam misit, & in ipso vobis omnem præstitit plenitudinem, vobis inquam Iudæis filium suum peculiariter misit. Præcepit enim, ut vobis primum hanc salutem nuntiarem. Nuntiauius ergo, & ecce vos repellitis obuiam. Ne ergo post
Vide cui malum & peccatum imputes.
 hac exitij vestri authorem feceritis Deum, ipsi enim indignos vos facitis æterna vita, quandoquidem tenebras quàm lucem mauultis. Nunc ergo vobis in malitia relictis ad Gentes conuertimur, ut illis misericordiam ac regnum Dei annuntiemus. Quod si cui vestrum id videatur impium, is audiat Dominum de Messia per Prophetam Isaiam 49. dicentem, Posui te in lucem Gentium, ut sis salus usque ad extremum terræ. Duo autem monentur hoc vaticinio. Prius, quod Christus lumen annuntiaturus sit etiam prophanis Gentibus. Id quod & Simeon iustus apud Lucam in 2. testatus est. Proinde ne Gentes quidem à veritatis lumine exclusæ sunt. Posterius, quod Christus non tantum Iudæis, sed omnibus etiam Gentibus credentibus in eum, salutaris futurus sit. Quæ cum ita hebeât, Non (inquit) peccamus, quod vobis desertis ad Gentes transimus. Sic ipse Dominus neglectis Pharisæis, dixit, Sinite illos, cæci sunt & duces cæcorum. Nemo enim sanus facile dixerit palam impijs, hypocritis siue blasphemis omnia concedenda, semper cedendum aut dissimulandum esse.

Audientes autem Gentes, gauisæ sunt, & glorificabant sermonem Domini, & crediderunt quotquot erant ordinati ad vitam æternam.

Quoniam admodum peccata animum deiiciunt, ita gratia abiectum surrigit & confirmat. Proinde Gentes peccatis hætenus oppressæ lætantur iam de gratiæ Dei auxilio, non de excæcatione Iudaica.
Fides est ex Deo.
 Rom. 11. Quod autem illos credidisse ait, qui ad vitam fuerint ordinati, notat fidem non esse meriti humani, sed misericordiæ Dei ac electionis. Nam Petro in Euangelio contenti Christum, dicit Dominus, Caro & sanguis non reuelauit tibi, sed pater meus qui in cælis est. Et ad Nicodemum, Nisi quis (inquit) renatus fuerit è supernis, non poterit videre regnum Dei. Item Ioan. 6. idem Dominus, Nemo (ait) venit ad me, nisi pater qui misit me traxerit eum. Hi loci omnes non imputant Deo culpam damnationis impiorum, sed magis conuincunt electionem & gratiam Dei causam esse salutis piorum: ne quis viribus nostris ascribat, quod solius Dei est. Plura de hac, re Paulus in Romanis, & in 1. capite ad Ephesios, item Augustinus in libris de Ordine ad Zenobium. Nam in 7. capite libro 1. non minus venustè quàm verè dixit, Quod mala quamuis ordine (quem Deus diligit) contineantur, consequens tamen non est, ut Deus mala diligit, quæ etiam necessario esse ex Dei iustitia conuincitur. Præterea ordo iustificationis & vitæ sic habet. Deus elegit nos antequam iacerentur fundamenta mundi, sed elegit in Christo, ut in hoc ipso essemus irreprehensibiles. Et hoc quidem salutis negotium multis seculis Gentibus non retexit, in fine autem temporum per Euangelij prædicationem vniuerso orbi aperuit. Proinde qui iam huic prædicationi credunt dicuntur ordinati esse ad vitam æternam. Qui autem non credunt, non sunt ordinati ad vitam. Non quod Deus iam olim abiecerit istos, & Dei culpa & morositate non credant: sed quod ipse Deus in suo illo ordine & consilio delegerit, qui Christo fidunt. Huic autem cum hi nolint fidere, sua culpa sese ex hoc ordine excludunt. Quod enim Deum attinet, iubet hic omnibus Gentibus prædicari Euangelium. In hoc annuntiatur illud Dei consilium quod velit per Christum omnes Gentes saluos facere. Aduocantur ergo ad hanc salutem promiscuè omnes, nec quisquam est cui non aliquid doni impartiat bonus Dominus. Quod ergo quidam credunt, diuinæ vocationis est: quod autem quidam non credunt, non Deo imputandum est, sed humanæ perfidiæ. Vnde & Paulus dixit, Quoniam indignos vos iudicatis æterna vita, &c. Plura de his alibi.

Diuulgebatur autem sermo Domini per vniuersam regionem. Iudæi verò extimulauerunt mulieres religiosas & honestas, & primos ciuitatis, &

excitauerunt persequutionem in Paulum & Barnabam, & eiecerunt eos de finibus suis.

*Consilium de
proscribenda
veritate.*

Inuitis omnibus verbi Dei hostibus propagatur verbi dei gloria. Ceterum nullibi cessat impietas, sed semper sollicita sibi vndiq; corradat subsidia, & ea quæ maximam authoritatem ac adminiculandi vim habere videntur. Ergo Antiochenes Iudæi non imprudenter incitabant aduersus veram pietatem mulieres primarias, quas plurimum posse norant, cum quod religiosæ, hoc est, superstitiosulæ, veram pietatem impotentius odirent, cum quod procerum in vrbe vxores, non modo maritos in persequutionem armare, sed & sanctitatis specie quoslibet in odium veritatis poterant exasperare. Et sæpius muliebri solertia, imò stultitia abusus est satan ad maximas res perficiendas. Notissimum est facinus Euzæ, Dalilæ, Herodiadis, & aliarum multarum. Superstitione ergo & impotentia muliebri, opinione quoq; vulgi, & procerum iniusta potentia, armati, in veritatis ministros feruntur, & efficiunt vt publico edicto interdicatorum ipsis vrbe ac agro. Crediderunt enim Apostoli proscriptis veritatem subsistere non posse. Id quod & nostri sperantes non minus falluntur, quàm illos constat esse delusos. Sequitur enim, Porro discipuli replebantur gaudio & Spiritu sancto. Mira autem est illorum & nostrorum temporum collusio, vt vel hæc vnica hypotyposis nos admodum animaret confirmaretq; si veritati crederemus.

At illi excusso puluere pedum fuorum in eos, venerunt Iconium. Porro discipuli replebantur gaudio & Spiritu sancto.

Matth. 10.

*Excussio vestium
Apostolica.*

Hoc enim tradiderat in Euangelio Dominus, dicens: Quicumque autem non audierint sermones vestros, exeuntes ab eis, excutite puluerem de pedibus vestris. Iam ne quis illud tanquam leuiculū contemneret, addit: Amen dico vobis, tolerabilius erit terræ Sodomorum & Gomorræorum in die iudicii, quàm hominibus illis. Illa verò excussionis vestium *ætiæ* id in primis significari voluit Dominus, quod adeo abhorreant ab eorum consortio, vt etiam puluerem eius terræ, in qua illi inhabitent, nolint: quod adeo non ambiuerint istorum facultates Euangelij prætextu, vt puluerem etiam rem omnium vilissimam nunc excutiant restituantq;: & quod nihil paritum sit labori, omnia quæ ad salutem ipsorum facere videbantur sint tentata, sed frustra, non Dei culpa, sed istorum improbitate, & proinde Deum ac ministros eius vacare omni culpa, in cuius rei testimonium iam excutiant in ipsorum capita omnem culpam ac condemnationem futuram. Atque hanc genuinam esse Excussionis significationem, testatur ipse Apostolus Paulus apud hūc historicum nostrum huius libri capite 18. Ibi enim excussis vestimentis, addit, Sanguis vester super caput vestrum. Mundus ego posthac ad Gentes vadam. Ex quibus omnibus intelligimus quæ sit potestas Clauium, quas tradiderat Apostolis Christus, quid sint, & quomodo Apostoli illas administrarint. Clauis aliud nihil sunt quàm Euangelij annuntiatio. Hæc nuntiat pœnitentiam & peccatorum remissionem, nempe quod quicumque crediderint, salui futuri sint: qui non crediderint, condemnandi sint. Quoties ergo prædicatur verbum Euangelij, clauis proferuntur, quibus aperitur & clauditur. Aperitur enim credentibus vita. Incredulis verò clauditur vita: id quæ non hominis ministri, sed verbi Dei, cuius minister & præco est, virtute. Verum enim est verbum Domini, quod credentes beandi: perfidi autem sint damnandi. Ergo quod hic minatur ac pollicetur in terris, id ratum habet Dominus in cœlis, qui hoc ipsum testatus est, cum adhuc ageret in terris. Tolle ergo à ministro clauis, hoc est, verbum Euangelij, iam non poterit neque ligare neque soluere. Omnis enim virtus verbi Dei est. Proinde nullam ligandi aut soluendi potestatem habent, qui rerum suarum in scripturis sanctis nullam fundamentum habent. Vnde iam facile colligis quare doceamus Pont. Romani Excommunicationis fulmen, nihil aliud esse quàm betaceū telum. Siquidem traditionibus humanis nititur, quæ conscientiam obligare non possunt. Ceterum noua multis videtur esse hæc de Clauibus sententia, ijs maxime qui putant Clauis nescio quam occultam vim esse, quæ sit sacerdotibus interna quadam virtute collata, vt ipsi possint condonare siue retinere peccata. Notissima enim est Scholasticorum contentiosa ac intricata de potestate clauium disputatio. Hi ergo audiant Augustinum nobiscum eadem de Clauibus sentientem & in 1. libro de Doctrina Christiana capite 18. dicentem, Quid liberalius & misericordius facere potuit, qui seipsum nobis vt rediremus substernere voluit, nisi vt omnia peccata conuersis, & grauiter fixa interdicta reclusus nostri, pro nobis crucifixus euelleret? HAS IGITUR CLAVES DEDIT ECCLESIAE SV AE, vt quæ solueret in terra, soluta essent in cœlo. Scilicet vt quisquis in Ecclesia eius dimitti sibi peccata non crederet, non ei dimitterentur. Quisquis autem crederet, seque ab his correctus auerteret, in eiusdem Ecclesiæ gremio constitutus, eadem fide atque correctione sanaretur. Quisquis enim non credit dimitti sibi posse peccata, fit deterior

Clauium potestas.

Pontificia excommunicationis.

Augustinus de clauibus.

terior desperando, quasi nihil illi melius, quam malum esse remaneat, ubi de fructu sue conuersionis infidus est. Hicce subscribit & D. Hieronymus in Matth. 16. sic dicens, Illum locum: Et dabo tibi clau- *Hieronymus.*
 es regni cœlorum, episcopi & presbyteri non intelligentes, aliquot sibi de Phariseorum sumunt
 supercilio, ut vel damnent innocentes, vel soluere se noxios arbitrentur: cum apud Deum non sen-
 tentia sacerdotum, sed reorum vita quærat, &c. Hæc hætenus.

CAPVT XIII.

FActum est autem Iconij vt simul introirent Synagogam Iudæorum, &
 loquerentur sic, vt crederet Iudæorum simul & Græcorū copiosa mul-
 tudo. Qui verò increduli erant Iudæi, concitauerunt, & corruerunt ani-
 mos Gentium aduersus fratres.

HÆC semper facies, idem habitus veritatis apud omnes, idem ergo hic audimus quod *Seditionum au-*
 hætenus audiuius, alios quidem veritati predicatę credidisse, alios infidias struxisse. Vn- *thores.*
 de iam satis clarè liquet qui sint Seditionū authores, non illi qui accusantur veritatis cul-
 tores, sed accusatores horum hypocritarū ac impij. Hi enim simplicium corrumpunt men-
 tes, ac turbas concitant. Corrumpunt autem mendacijs ac calumnijs, quibus veritatem contaminant
 atque suspectam faciunt.

Multo igitur tempore demorati sunt, fortiter agentes præsidio Domini,
 qui testimonium perhibebant sermoni gratiæ suæ, dabatq; vt signa & pro-
 digia fierent per manus eorum.

Intidij & persequutioni vbiq; opponit successum verbi, vt confirmaremur in negotio Domi- *Successus verita-*
 ni. Nam hoc multa experientia certissimum est, cassum ac friuolum esse contra veritatem omne præ- *tatis.*
 sidium humanæ industriæ. Quod enim alij obijciunt cepisse quidem hanc doctrinam sæpius, sed
 tandem sæpius quoq; suppressam esse: verum dicerent si à se inciperet, in nobis finirent. Sæpe enim
 veritatem persequuta est fucata religio, occisis etiam sanctorum multis millibus, sed & libris optimis
 igne concrematis, attamen salua vel hodie permanet permanebitq; veritas immortalis, dum in sem-
 pternum quoq; punientur impij.

Diuisa est autem multitudo ciuitatis, & quidam quidem stabant à Iudæis,
 quidam verò ab apostolis. Quum autem factus esset impetus gentium pari-
 ter ac Iudæorum vnā cum principibus suis; vt vim adferrent ac lapidarent
 eos, re intellecta, confugerunt ad ciuitates Lycaonia, Lystram & Derben, &
 finitimam vndiq; regionem, & ibi prædicabant Euangelium.

Hic vides cur tam studiose monuerit incredulos sollicitasse quorundam simplicium mentes ad *De seditionibus*
 tumultum: certè ne quis Apostolos crederet turbatū esse magistros. Seditione nihil peius. At eadem
 non nisi ex pessimis oboritur rebus, moribus ac vitijs hominum, vtpotè vel ex tyrannide dum con-
 tra phas & ius opprimuntur innocentes, dum proscribitur veritas, & pereunt optima quæq; vel ex
 auaritia principis aut populi, dum nemo facit quod iustitia poscebat: vel ex paucorum nebulonum
 conspiratione, qua connexi aduersus veritatem temere feruntur. Cuius generis præsens fuisse vide-
 tur. Conspirarunt enim idololatrarū aliquot, atque senatu (cui rarius probatur pietas) in partes suas
 pertracto iunctis viribus feruntur in Christianos: qui contra partes suas strenue tutati, effecerunt vt
 post aliquot exactum temporis spacium, tuto Iconij versaretur Paulus. Audiemus enim ipsum non
 semel eo rediisse. Ne ergo nouum sit nobis si veritatis hostes etiam hodie excitent seditiones. Nostrū
 est horum & similium exemplorum meminisse, in confessā veritate & à partibus Apostolorum stare.
 & hanc ad finem vsq; vitæ liberè confiteri. Curandum tamen ne nos yllam turbis iustam suppedi-
 temus ansam. Iustam autem cum dico, Euangelij prædicationem excludo, quæ omnino prædican-
 da est (sed more Apostolico) quicquid tandem inde oboritur crucis ac miseræ: omnia interim suo
 modo, tēpore & loco. Qui verò seditiones horrent & tranquillitatem volūt duraturā, curēt vt sancti
 sint & alieni ab ijs vnde nascitur tumultus: curent præterea vt sanctis precibus & prudenti consilio
 sanctum impetrent magistratum, qui veritatem audiat, ad hanc negotia sua componat, huc studia
 sua dirigat, violentos autem & veri oppressores ac blasphemos ita puniat ne succrescere & impietate
 pietatem possint superare. Verum de hac re forsan plura dicemus in capite. 19. Quod Stephe-
 nus de Urbibus refert de Iconio, admodum huc congruere videtur. Est autem tale, indicat Iconium

nobile esse oppidum prope Taurum montem, ex imagine sic dictum, quod Prometheus & Minerva iussu Iouis hic finxerant, secundum fabulas, post diluuium Deucalionis, ventoque inde inspirate animatum. Nostra ergo lingua illam appellaremus *Görzingen* vel *Bildach*. Vnde apparet ciues eius urbis cum ob religionis vetustatem, tum superstitionis emolumentum, idololatriæ deditissimos, & inde etiam ad tumultum proniores fuisse, ne inuisa veritas auitam illam expelleret religionem. Cæterum ipsa apostolorum fuga prudentiæ non inconstantiae leuitatis aut pauoris erat. Multo enim tempore tam clare erat prædicata veritas, ut nullum esset periculum illam posthac perituram. Si porro ipsi non aufugissent periculum erat, & utilitas ex interitu eorum nulla prorsus. Fuga verò hoc utilitatis habebat, quod impij sublati fidei ductoribus minus iam ferociebant ac tumultuabantur, & quod Derbeis Lystranis ac finitimis vndique regionibus, iam etiam prædicabatur Euangelium.

Fuga apostolorum.

Et quidam vir Lystris debilis pedibus sedebat, claudus ab utero matris suæ, qui nunquam ambulauerat, hic audiuit Paulum loquentem. Qui intuitus eum, & videns quod fidem haberet, fore, ut saluus fieret, dixit magna voce: Surge in pedes tuos rectus. Et exiit, ambulauitque.

Eandem rationem habet hoc miraculum quam illud Petri ac Iohannis quod exposuimus in cap. tertio, nisi quod in hoc manifestissimis verbis commendatur fides illius qui sanatus est. Cuius quidem generis plura exempla habemus in Euangelistis. Ad Epitaphium & commendationem potentiae Dei pertinet, quod tantis verbis miseriam claudi pingit.

Turbæ verò quum vidissent quod fecerat Paulus, sustulerunt vocem suam Lycaonicè, dicentes: Dii in specie hominum descenderunt ad nos. Et vocabant Barnabam Iouem, Paulum verò Mercurium, quod is esset dux sermonis. Sacerdos autem Iouis, qui erat ante ciuitatem illorum, tauros & coronas ad vestibula afferens, cum turbis volebat sacrificare.

Elegans est hic locus, & multum habet in se eruditionis & utilitatis. Primò autem videmus (id quod & in 3. capite monuimus) quo sensu afficiatur mens humana (nondum spiritu Dei imbuta) erga signa. Secus videlicet quam conueniat. Eum enim honorem quem Deo debebamus, creaturis impendimus. Contra quem errorem hic disputabit Paulus. Deinde describit hoc loco gradus, quibus ad supremum usque idololatriæ & impietatis transcenditur. De quibus in 1. cap. ad Rom. copiosius disputauimus. Hic cernis primo loco oboriri ignorantiam, siue obliuionem Dei, et ex hac enasci vanam quandam de Deo opinionem, nempe quod humana specie tectus, & in Iouem, Apollinem, aut Mercurium transformatus ad nos descendat. Quæ sane opinio primitus videtur ex ipsa veritate orta esse. Tradunt enim diuina oracula Deum aliquando hæc venturum in oras tectum carne ex virgine sumpta. Præterea illa ipsa narrant angelos (quos diuinum eloquium *מלאכים*, hoc est, deos vocat) hominum specie à sanctis esse visos, in hac inuuisse & alloquutos fuisse multos: vnde forsitan Gentiles isti Syriæ vicini circumfusi, cum prophani & rerum sacrarum ignari essent, ansam sumpserunt, & de dijs quibusdam vana quædam confinxerunt. D. Erasmus. Ea (inquit) persuasio magis infederat animis Lycaonum ob fabulam de Ioue & Mercurio, quum homines esse viderentur, à Lycaone exceptis hospitio, vnde nomen sortiti videntur Lycaones. Vtunque verò habeant fabulæ, hoc certum est Gentes credidisse Deum per intermedios quospiam administrare omnia: ergo vnum quidem confitentes Deum, nihilominus plures quoque deos esse crediderunt, qui iuxta rerum diuersitatem, quibus præpositi erant, diuersa sint sortiti nomina: imò ipsum Deum in ijs varijs cognominatum appellationibus. Cuius quidem rei ut Ciceronis & Plinij aliorumque, trenseam testimonia, vnius Aristotelis sufficere videtur. Is enim in libro de mundo, Vnus porro Deus (inquit) quum sit, pluribus nominibus appellatus est, ab illis utique suis omnibus effectibus denominatus, quorum specimen ædere ipse solet. Atque eum quidem tum *χρόνος* tum *εὐρύς* vocant, inter se compositis vtentes nominibus, atque à regione collocatis, tanquam duabus his vocibus significare velint per quem viuimus. Is Crono, id est, Saturno, & chrono, id est, tempore, ortus esse dicitur nimirum ab æuo sempiterno ad alterum æuum pertinens. Vocatur & Fulgurator, & Altitonans, Seruator, Assertor, & (ut semel omnia complectar) cœlestis & terrenus, ab omni natura forteque nomē adeptus, utpote qui omnium rerum author sit. Hæc & alia multa in hanc sententiam Aristoteles. Constat ergo Gentes coluisse Deum in dijs, hoc est creaturis suis, quas pro rerum diuersitate diuersis etiam insignierunt appellationibus. Hic Lycaones vocant Barnabam Iouem, Natu enim maior erat, Iouis autem inter deos eximia maiestas erat: proinde ab Homero frequenter deorum atque hominum pater appellatur, quem Marose-

Aristotelis de vnitatem & pluralitate Dei opinio.

Act. 17.

Iuppiter.

quutus

quatus Iouem solenni epitheto iam regem, iamque patrem vocat. Porro Paulum vocat Mecturium. Additur causa admodum hanc opinionem nostram confirmans, quod dux esset verbi. Mercurium *Mercurius.* enim vetustas credidit eloquentiae esse Deum. Ideoque ab Horatio Odarum lib. 1. facundus dicitur: & a Graecis *Ἡρακλῆς*, quod deinde exponens Vergilius, ipsum vocauit diuum interpretem. Iam vero contra opinionem falsa obfirmatisque animis, quibus infederat Iouem & Mercurium appulisse, sacra protinus *Sacrificia.* ijs debita dijs instituunt. Nam sacerdos Iouis qui habitabat in suburbio ciuitatis, tauros & coronas adferebat ad fores aedium, in quibus erat Apostoli, ut sacrificaret illis. Nisi fortassis alluferit historicus noster ad vetustum illum omnium Gentium ritum, quo templa deorum, quibus sanguine & victimis *Templa deorum extra urbem.* litabatur, extra urbem habebant. Neque enim pertinere ad urbis fortunas & dignitatem visum erat, eius numinis templum intra moenia conspici, cui sanguine litant. Huius generis plura ex Horatio Aegypto & Aristotele, nec non rebus Romanis annotauit Grinthus lib. de hon. disc. 5. cap. 5. Porro tauros in victimis gratissimos fuisse Ioui testantur poete. Quod autem ad Coronas attinet, quarum *Coronae.* titissimus quondam in sacris usus fuit, sic scribit Plin. in 16. cap. 4. Antiquitus quidem nulla nisi Deo dabatur. Ob id Homerus caelo tantum eas & praeflo vniuerso tribuit. Viritum vero ne in certamine quidem ulli. Feruntque, primum omnium Liberum patrem imposuisse capiti suo ex edera. Postea deorum honori sacrificantes sumpsere, victimis simul coronatis. Hac de causa ego existimarim Sept. Tertullianum adeo stomachatum esse in Coronas, in opere quod de Corona militis inscripsit. Sed haecenus *Superstitio.* descripsit stultitiam humanam & religionem peruersam, qua per opera quae Deus per creaturas suas seu instrumenta patrat, auocati, sinistro operum Dei sensu, ad creaturarum cultum conuertimur, quas deinde rebus externis, victimis, coronis, auro, argento, ebore, pictura, idque genus nugis alijs colimus. Crediderim autem haec omnia mira Dei dispositione contigisse, nempe ut Lycaonum errore admoniti, posthac ab omnium creaturarum cultu abstereremus. Atque huc etiam pertinet oratio Pauli.

Quod ubi audierunt Apostoli, Barnabas & Paulus, conscissis vestibus suis insilierunt in turbam, clamantes ac dicentes: Viri cur ista facitis? Nos quoque ipsidem, quibus vos obnoxij malis sumus homines, annuntiantes, ut ab istis vanis conuertimini ad Deum viuum.

Duo agunt oratione Apostoli. Primo enim errorem vulgi compescentes, docent vanum esse creaturarum cultum. Deinde vero de cultu & maiestate vnius Dei differunt. Quoniam autem plurimum mouet dicentis habitus & corporis gestus, Apostoli iam non immiscent se turbis, sed veluti dolore & indignatione vrsani in concionem profiliunt, vestem lacerant, ac clamitant, Quid facitis? viri cur ista facitis? Est autem vestis conscissio plagentium habitus singnum vel maximi luctus, vel indignationis maximae ex blasphemia conceptae. Vide ergo, o fidelis anima, quomodo Diuis ipsis tuum probetur sacrificium quod in honorem ipsorum instituiti. Vide an non ipsi manifesto approbent signo, quod Diuis sacrificare & Diuos colere aliud nihil sit quam blasphemare. Quin & ipsis verbis eadem referunt, Viri, cur (inquiunt) ista facitis? quasi dicerent, Quid obsecro rem tam indignam facere paratis? Quid enim indignius quam neglecto ipso creatore creaturis diuinum honorem impendere? Haec ex natura religionis sumpta videntur. Iam ex natura creaturarum, superioribus veluti causam adijcientes, sic argumentantur, Nos quoque, ipsidem quibus vos obnoxij malis sumus homines: quod Graece multo & elegatius, & viuidius sic legitur, *ἡμεῖς ὁμοιοπαθεῖς ὑμῖν ὅντων ἀνθρώπων.* Quasi dicant, Quin & nos ipsi homines sumus, nec alij quam vos estis, ipsidem affectibus, passionibus siue malis adfecti. Monet enim Erasmus *ὁμοιοπαθεῖς* non tantum ad mortem pertinere, sed ad omnia quae possunt homini accidere. Igitur ex miseria humanana & creaturarum fragilitate docent vllam prorsus creaturam quantumuis sanctam esse colendam. Iam quicquid post Deum in orbe est, minus homine est. Nihil ergo maius homine coli potest. Quod si minus colas, stultitiam prodas. Quis enim in eo auxilium aut spem posuerit quod se minus & imbecillus sit? Quod si hominem colas, iam simile tibi colis, quod scilicet mortale & infirmum est. Ceterum si obijcias, Hominem equidem agnosco quem colo, sed hominem sanctum, & qui iam mortalitatem commutarit immortalitate, sublimis in caelesti regia desideat, & nostram miseriam non nesciat. Quis vero Paulus? Quis Barnabas erat? Num sancti, boni, iusti? imò sanctissimi, optimi & iustissimi. Nilominus omnem a se cultum quam longissimè arcant. In 3. cap. audiuius Petrum atque Ioanem dixisse: Non nostra virtute aut pietate efficimus hoc. Proinde non sunt colendi diui propter vitae sanctimoniam, sed imitandi. Neque quicquam sibi persuadere debet ipsorum animas hoc corpore exutas posthac hoc magis sic esse affectas, ut sibi velut merentibus & dignis vllum sibi cultum exhiberi velint. Certum enim est dilectionem diuinæ bonitatis in illis iam de facie ad faciem cernentibus sic auctam esse & absolutam, ut non possit non fieri quin omnem

Creaturarum cultus est blasphemia.

Non hominem sed hominem sanctum colo.

honorem (id quod etiam Augustin. in quæst. vet. & nou. Test. quæst. 27. fatetur) omnem gloriam, omnemq; cultū in hunc dirigi desiderent, ex quo solo sunt quod sunt, & quod possident habent. Vero similis igitur est nimio cultu ad indignationē prouocari (si quæ modo in illis indignatio est) quàm vt credamus placari eos aut ad beneficentiam inuitari. Ergo vt breuib; omnia dicam, Diui natura quidem homines sunt, ergo colendi non sunt. Gratia verò sancti sunt, ergo gratia in illis, non ipsi vt homines, colenda. Serui præterea sunt altissimi: ergo colendi non sunt. Sequitur enim in hac Apostolorum oratione: In hoc venimus vt vobis annuntiemus, vt ab istis vanis conuertamini ad Deum viuū. A quibus obsecro vanis? Vtiq; à creaturarum cultu, quo nihil inuenias vanius. Nam in Rom. cap. 1. Deum quidem (inquit Paulus) cognouerunt, non autem vt Deum glorificauerunt, neq; grati fuerunt, sed vani facti sunt in ratiocinationibus suis, & obtenebratum est insciens cor eorum. Quum se crederent sapientes esse, stulti facti sunt, & mutauerunt gloriam incorruptibilis Dei per assimilationem imaginis corruptibilis hominis. Damnatur ergo omnis creaturarum cultus, siue more Gentilitio per deos, siue more pontificio per Diuos exhibeatur Deo: siue dijs ac diuis ipsis Deo neglecto impendatur. Siquidem sacra eloquia præcipiunt, vt ab his auertamur, & ad Deum conuertamur, in hoc omnem spem nostrā collocemus. Viuus enim est, hoc est, æterna vis, potens, omnia agens, ubiq; præsens est. Viuat ergo in pectore nostro. Hic omnia sine dijs ac diuis creauit: & omnia per se administrat & conseruat. Si quid per ministros suos agit, in gloriam nominis sui, non ministrorum, agit. Quamquam & suus honor debeatur sanctis. De quo dictum est ex Augustini sententia cap. 3.

qui fecit cœlum & terram, & mare, & omnia quæ in eis sunt,

Vnius Dei religio.

Gen. 17.

Ier. 2.

Ioh. 4. 6.

Ex rebus conditis potentia ac sapientia Dei, Deum nunc prædicat. Nam euulsa superstitione in locum eius veram religionem inserit. Vera religio in vnum Deū creatorem cœli & terræ innititur, & piè religiosi huic veluti fidei nodo religantur. Quantus hic sit, quàm sapiens, bonus, potens, misericors & clemens, nimirum docuere hoc loco Apostoli. Docuit & Ierem. in cap. 10. qui locus si hisce addatur commentarij vice erit. Breuiter, Deus fidelibus יי, hoc est, Saturnus & omnisufficiencia & xipac apud hebræos, hoc est, copię cornu est, in quo omnia habent & post quem nihil prorsus desiderare possunt. Nam & Ieremias vocauit eum fontem aquarum viventium: & Dominus Iesu. Qui biberit (ait) ex hac quam ego dabo, non sitiet in æternum. Ruunt ergo hic omnia ea quæ caro de Diuorum cultu & quarumcunq; tandem creaturarum auxilio commenta est. In Deo vno solo & vero omne nostrum est quod sumus, in ipso omne nostrum præsidium, spes, salus & auxilium.

qui in præteritis ætatibus sinebat omnes Gentes ingredi vijs suis. Quam non expertem testimonij seipsum esse sinebat, dum beneficia conferret de cœlo, nobis dans pluuias ac tempora fructifera, implens cibo & lætitia corda nostra.

Felicitas idolo latrarum. Rom. 1.

Rom. 2.

Psal. 103.

Isa 40.

Act. 17.

Fortuna bona ex Deo, non diuis.

Ne obijcerent, Si tanta semper fuit Dei potentia, qui sit vt istam nō citius reuelaret nobis? quā potius maiores nostros nostro more illi seruientes, deos inuocantes ac sacrificantes multis affecit beneficijs, quod non fecisset nisi ipsi placeret deorum cultus. Proinde auertunt Apostoli & dicunt: Errorem vestrum nō nesciuit Deus, qui omnia nouit, neq; verò vel vobis sese vel maioribus vestris subtraxit, quippe qui se indies spectandum proposuit operibus suis. Vos autē manifestantem se vobis recipere nolistis, qui ad creaturas magis conuersi, has plus colistis quàm creatorem ipsum. Quod autem hoc peccatum vestrum non protinus puniuit, non ideo fecit quod superstitione vestra ipsi adhuc besceret, sed vt longanimitate prouocaret ad pœnitentiam. Proinde quæ iam tempora fructifera, pacem, opes, sanitatem, & id genus alia fortunæ bona consequuti estis, non deorum vestrorum Æsculapij, Liberi patris, Cereris & Iunonis beneficio, sed huius Dei creatoris benignitate consequuti estis. Hic enim est per quem omnia subsistunt, viuūt & mouentur, qui omnia in mundo vegetat, pascit & conseruat. Iam ergo adsumus huius Dei Apostoli adhuc satis tempestiuè monentes & obsecrantes, vt deserta idololatria & vano creaturarū cultu, hunc verum, viuū & æternum Deū vnice adoretis in uocetis ac colatis. Principio autem hinc consequitur quod illi nihil probent, qui pro aliqua religione confirmanda, patrū mores & longa proferunt tempora. Nam plus 3000. annis durauerat Gentilitia fides. Adhæserat illi maxima pars orbis. Iactabāt præterea eius cultores nō aspernanda in hac se vfos esse fortuna ac victoria. Hoc enim Augustinus in libris de Ciuitat. Dei subindicauit atq; confutauit. Quantumuis ergo huius generis plurima pro sua fide allegarent, attamē vana & inanis erat. Deinde cōstat ex hoc loco fruges, lætitiā hoc est vinū (vtitur enim Synecdocha) sanitatem, deniq; omnia cū corporis tum fortunæ bona, mortalibus à Deo non à Diuis conferri. Fœdissime ergo errant nostri quū dicunt, das habend wir von Gott/ vnd den lieben heiligen. Nam Ose. 2. ita dicit Dominus: Nesciuit

Nesciuit (populus meus) quod ego dedi ei frumentum & vinum, & oleum, & multiplicauit aurum & argentum eis, quæ tamen impenderunt Baalim. Idcirco reuertar & sumam frumentum meum (ecce vnde nobis sterilitas oboriatur, non ex vnius Dei cultu & creaturarum neglectu, sed ex deorum superstitione) in tempore suo & vinum meum in tempore suo, & exuam eos veste mea, quæ operiebant pudenda sua. Et nunc reuelabo stultitiam eius in oculis amatorum eius, & nemo eruet eam *Ezech. 16.* (iam veluti de putido scorto loquitur) de manu mea, & castare faciam omne gaudium eius, & omnia festa eius, & corrumpam vineam eius & ficum eius, de quibus dixit, merces hæc meæ sunt, quas dederunt mihi (obserua nostrum loquendi morem de beneficijs Diuorum) amatores mei. Ergo visitabo super eam dies Baalim, quibus accendebat incensum & ornabatur mundo suo, & ibat post amatores suos, & mei (hic vide quod deorum statum non possint esse memoracula Dei) obliuiscetur, dicit Dominus. Hæc ex Osea, cui consonant & ea quæ ad imitationem Osee Ezechiel, postea copiosius conscripsit in cap. 16. Tertio autem loco hinc colligimus, quod etiam si Deus aliquoties ad peccata cõnuent, ipsi tamen peccata non placeant. Inuitat enim longanimitate ad pœnitentiam. Et hæcenus de vnitare, potentia, & beneficijs Dei, deq; huius vero cultu. De Christo iam non erat dicendi locus apud eos, qui adhuc in primo fidei articulo erant instituendi. Non credidissent in filium Dei, qui nondum norant verum Deum.

Et hæc dicentes, vix compescuerunt turbas, ne sibi immolarent.

Tantum malum est inolita consuetudo & vana persuasio, quæ semper apud vulgus ignobile plus valuit, quàm ipsa veritas ac ratio. Videas etiam hodie multos tanta induratos esse pertinacia, vt neque his neque alijs perinde claris ac euidetibus exemplis testimonijsque abduci a concepta superstitione possint. *Consuetudinis vis.*

Superuenerunt autem quidam ab Antiochia & Iconio Iudæi, qui cum persuasissent turbis ac Paulum lapidassent, extraxerunt eum ex ciuitate, excitantes illum mortuum esse. Circundantibus autem eum discipulis, surrexit & intrauit ciuitatem.

Monuit Erasmus in Annotationibus hunc locum secus legi in nonnullis Græcorum exemplaribus, nempe ad hunc modum: *Καὶ οἱ Ἰουδαῖοι τῶν αὐτῶν παρῆσαν, ἀνίσταντες τὸν ὄχλον ἀποστόλου ἀντὶ αὐτοῦ, λίθοντες ὅτι εἶπεν ἀνάβημι λίθοντι, ἀλλὰ πάντα φύσονται.* Id est: Et cum illi fortiter disputarent, persuaserunt (qui scilicet ab Antiochia & Iconio venerant Iudæi) turbis vt deciscerent ab eis, dicentes, quod prorsus nihil veri dicerent, sed omnia mentirentur. Hoc ergo cum persuasissent turbis, lapidatum Paulum ceu mortuum ex vrbe extraxerunt. Hæc videlicet sunt rerum humanarum vices. Paulò ante pro Deo habito ante urbem parabantur hostiæ, nunc lapidatus Paulus extra urbem miserè trahitur. Ita legimus in Euangelio, ipsum saluatorem maxima populi acclamatione ingressum Hierosolymorum urbem, hoc ipso vespere Bethaniam rediisse, quod ob pericula impendentia ipsum nemo dignaretur hospitio. Hæc videlicet est plebis constantia, vt non immerito Charondas dixerit, Qui se populo committit fortunam non rationem sequitur. Est & illud obseruandum quod Apostolis multo grauius bellum erat cum Iudæis, quàm cum Gentibus. Hypocritæ enim ac supersticiosuli, hoc magis furiant, quominus tales videri volunt, quales prædicat ipsa veritas. Harum ærumnarum admonent nos nostrorum temporum afflictiones, quæ & ipsæ tetrius habent, quod ab his maximè impugnatur pietas, qui pietatis antesignani videri volunt, qui & ipsi nomen Christianum iactant, & se omnia Christi nomine agere dicunt. Ita enim & Iudæi ynum prædicabant Deum, scripturis credebant, istas laudabant, iustitiam suadebant, & iniustitiam culpabant. Hoc ergo periculosius erat certamen vtriusq; Cæterum semper emicat veritas. Tametsi enim Paulus videretur extinctus, tamen Dei virtute restituitur, & Christianis pro officio circumfusus, redditur: vt verissimè huc quadret quod in 2. ad Cor. 4. cap. scripsit, Habemus autem thesaurum hunc in testaceis vasculis, vt virtutis eminentia sit Dei. Et quæ sequuntur. Nam satis notus est locus.

Paulus semel lapidatus.

Nostrorum temporum sauitia in pietatem.

Ac postero die profectus est cum Barnaba Derben. Cumq; Euangelizassent ciuitati illi, ac docuissent multos, reuersi sunt Lystram, & Iconium, & Antiochiam, denuo confirmantes animas discipulorum, exhortantesq; vt perseverarent in fide: & quod per multas afflictiones oporteat nos intrare regnum Dei.

Vel ex hoc loco claret Paulum diuina virtute ceu à mortuis excitatum, & non fratrum medicamine curatum fuisse. Quis enim vnquam audiuit lapidatum hominem postera ambulare die? *Paulus virtute Dei restitutus.*

ximè eum, quem existimarūt esse mortuum, & quem lapidarunt ij, qui odio in ipsam rabidi, à lapidū telis non abstinuissent, si vllum credidissent vitalem superfuisset spiritum. Quid quod miserabilis illa ex vrbe extractio, nō homini iam semianimi, sed cadaveri verius competeat? Maxima ergo Domini virtus sese in Pauli exeruit infirmitate: vt posthac omnes mortis periculum minus horreremus. Sed illud mirabilius est quod sequitur Paulū nullibi cessasse, nullius piguisse laboris. Quod semel plātarat, id iam summo studio excolit, vt cum magno fructu adolescat. Redit enim per illas vrbes, quas comite Barnaba prius instituerat ac fidei consecrarat, vt has iam nihilo segnus ad perseverantiam ac patientiam animaret. Nam perseverantia colophon est rerum omnium: cæterum perseverantia neruus & vena est patientia. Non enim perseverare potest, qui ob rem cui adhærendum erat, nihil pati potest. In patientia vestra (ait Dominus) possidebitis animas vestras. Mundus veritatem odit, proscrit, persequitur. Pietas veritatem amat, amplectitur & mordicus retinet: ergo patientia retinet. Verissimè ergo dixit Paulus, quod per multas afflictiones pateat aditus in regnum Dei. Non per otium (inquit) luxum molliemue, per carnis & seculi voluptates itur ad astra, sed per scabrosam viam. Id quod poetæ suo describere buio, cuius meminit ex Prodicto Sophista etiam Cicero in i. Officiorum libro. Quin omisiss istis audiamus Christum dicentem, Annitmini intrare per arctam portam, quoniam lata est porta & spaciola via quæ abducit in exitum, multiq; sunt qui ingrediuntur per illam. Angusta verò est porta & stricta via quæ abducit ad vitam, & pauci sunt qui inveniunt illam. Proinde semper convenit meminisse aureæ Archilochi Parij sententiæ, qui (vt ait apud Philostratum Apollonius) tolerantiam in rebus aduersis patientiam nuncupans deorum exitum inuentum ac munus esse dixit, ad omnia mala perferenda, ceu gubernatoris artem, per quam incumbente tempestate venientium fluctuum impetus recipit.

2. Tim. 3.

Silius Italicus
Punicorum 15.
Matth. 7.

Et cum suffragijs creassent illis per singulas Ecclesias presbyteros, precatiq; essent cum ieiunijs, commendauerunt eos Domino, in quem crediderant:

Apostoli ex
presbyteri.

Iterum commendatur nobis ordinaria electio, & cura pro Ecclesijs Apostolica. Alij autem erant ab Apostolis presbyteri, non tamen autoritate minores, sed in officio administrando alij. Apostolus enim incertis vagatur sedibus, nunc his nunc illis Evangelium prædicans. Presbyter autem suus episcopus vnæ cuiusdam præpositus Ecclesiæ, hanc curat, nec Apostolorum more vagatur. Ita videmus eundem Philippum trinominem ex officio & administrandi modo, effectum esse. Nam in 6. dicitur Philippus diaconus. In 8. est Philippus Apostolus. In 21. appellatur Philippus Evangelista Cæsariensis. Cæterum dictio *ἐπιπορευόμενος* ita ponitur, vt vel suffragijs populi delectos esse, vel manuum impositione inauguratos intelligere possimus. Ego vtrunq; factum arbitrauerim. Eligitur enim communibus populi suffragijs, qui optimorum testimonio probatus est. Huic autem imponebantur manus, vt in superioribus indicaui.

peragrataq; Pisidia venerunt in Pamphylia: & cum loquuti essent sermonem Pergæ, descenderunt in urbem Attalia: & inde soluerunt Antiochia, vnde erant traditi gratiæ Dei in opus quod compleuerunt.

Absoluta veritas
doctrina.

En veritatis constantiam & absolutam breuitatem. Semel docuerant & pietatem in Christum certis numeratisque verbis docuerant. His iam nihil addunt. Non enim opus habet pietas numerosis legibus. Ergo semel docta excolunt, repetunt, inculcant. De impostoribus & ceremoniarum doctoribus scriptum est, quod semper discant, ad cognitionem autem veritatis nunquam perueniant, 2. Timoth. 3.

Cum autem venissent & congregassent Ecclesiam, retulerunt quæcunq; fecisset Deus secum, & quod aperuisset Gentibus ostium fidei. Commorati sunt autem illic multum temporis cum discipulis.

Otium apostolorum.

Quandoquidem instinctu Sancti spiritus per Antiochenæ Ecclesiæ missionem ad Gentes profecti Evangelium prædicant, nunc reuersi exponunt Sancti spiritus virtutem, vt à multis pro collata in Gentes gratia, gratiæ dicerentur Deo, & vt mutua fide confirmarentur. Porro Ostium fidei aperire prouerbiali loquutione dixit, pro eo quod est recipere in fidem. Annotauit hanc & huic similes Metaphoras Erasmus in opere eximio Adagiorum, Chil. 1. Cent. 4. Adag. 3. & 4. Quod autem scribuntur Apostoli multum temporis Antiochiæ cum discipulis commorati, innuit istos modum seruasse in omnibus. Hactenus enim non æstimandis laboribus sese hac professione excruciant, vnde vires nimirum defecerant: nunc ergo se honesto recreant otio. Non quod prorsus oriantur,

rentur, sed quòd minore labore & non tanto vitæ periculo, in libera, morigera & Christiana ciuitate prædicarent. Videtur enim Antiochia aylum quopiam fuisse Christianorum, in quod se exules Antiochia asy. & bonis propter fidem paternis exuti receperint. Clemens enim cœlestis pater in media persecu- lum Christiano tionum procella semper aliquorum corda mouet, qui exules suos colligant ac tueantur. Beatissima ram. verò illa ciuitas est, quæ ad hoc à Domino electa est. Maledicta autem quæ hospitalitate neglecta, ve Ifa. 16. ritatis nomine palantes repellit. Aderit enim iudex qui dicat, Discedite à me maledicti in ignem æternum, qui paratus est diabolo & ministris eius, quia hospes eram, & non collegistis me.

CAPVT XV.

ET quidam qui descenderant è Iudæa, docebant fratres, nisi circumciderimini secundum morem Moysi, non potestis esse salui.

REBVS paulò pacatioribus materia maiorum malorum exoritur. Nam sicut malus ille semen suum malum in agrum Domini nunquam non seminat, ita Dominus suos diuersis afflictionibus subinde tentat. Hactenus suos persecutionum varijs exercitauit generibus, nunc varijs probat hæresibus. Persecutione deterior est hæresis. Hac enim affliguntur labefactanturq; hominum mentes. Illa corpora duntaxat diuexantur. Verum ut illam bono Ecclesiæ suæ immittit, ita hanc maximo bono & veritatis & fidelium oriri sinit. Principio enim dixit Paulus, Oportet hæreses esse, quo qui probati sunt probantur. Deinde oportebat hunc errorem superstitibus adhuc Apostolis suboriri, ut horû testimonijs sublati, ipsumq; fidei nostræ dogma primarium, clarissimè expositum & confirmatum, posthac omnibus dubijs & contentionibus imponeretur finis. Primarium enim Christianæ religionis dogma & cui omnia alia innituntur, hoc est, quòd in Christo Iesu sit omnis plenitudo, & proinde omnes qui iustificuntur, vnica in illum fide, & nulla alia re, iustificari. Hæc enim est summa totius Euangelij. Hæc omnium epistolarum Pauli materia est, maximè verò earum quas ad Romanos, Galatas & Hebræos conscripsit. Iam verò exoriebantur pseudochristiani quidam, reuera mali Iudæi, qui aduersus hoc dogma tradebant, non vnicum Christum omnibus omnia esse, sed circumcisionem quoque & omnia legis ad iustificationem requiri: hoc est, quòd salus non tantum in Christi fide, sed in externis quoq; ceremoniarum ac legis obseruationibus, imò & meritis nostris cõsistat. Porro hac traditione adeò obscurabatur doctrina Euangelica, ut Christus prorsus abnegaretur. Si enim ex lege erat iustitia, si meritis nostris & sacrificiorum donis parabatur salus, iam Christus frustra erat incarnatus, & pro peccatis mundi in ara crucis oblatus. Proinde summis viribus impio dogmati repugnabant veri Christi Apostoli Paulus ac Barnabas, defendentes gloriam crucis, cuius illi capitales inimici erant. De his enim scripsit Paulus, Complures autem sunt erronei, de quibus sæpè dixi vobis, nunc autem & flens dico, inimici crucis Christi, quorum finis perditio est, quorum Deus venter & gloria in dedecore ipsorum, qui terrestria curant. Et ad Galatas, Quicumq; volunt iuxta faciem placere in carne, hi cogunt vos circumcidi, tantum ne ob crucem Christi persecutionem patiantur. Nam ne ipsi quidem legem seruant. De hæresibus. Dogma prima Error. Philip. 3. Gal. 6.

Cum orta ergo seditio & disceptatio esset non exigua, Paulo & Barnabæ aduersus illos, statuerunt ut ascenderent Paulus & Barnabas, & quidam alij ex illis, ad Apostolos ac presbyteros Hierosolymam, super hac quæstione.

Oritur seditio non ex veritate, sed doctrina falsa. Siquidem Ecclesia Antiochena agebat in pace, quam turbabant erronei illi qui descenderant à Iudæa, iactantes doctrinæ suæ authores Apostolos Domini primarios, Petrum, Ioannem & Iacobum, quo simul & Pauli eleuabant auctoritatem, hunc negantes esse Apostolum, qui primò persecutus esset Ecclesiam Dei, neq; Christum in carne vidisset vnquam. Proinde deliguntur legati qui Hierosolymam proficiscantur, non utiq; discendi gratia (recta enim se ambulare norant) sed ut ab ipsis Apostolis conuincerentur erronei isti erroris sui. Huc enim pertinet, quod paulò post in epistola Apostolica sequitur, Audiuimus quòd quidam à nobis egressi turbauerunt vos, quibus nihil mandaueramus. Alij præsentem locum aliò contra genuinum sensum trahunt, quasi verò tota totius orbis Ecclesia vnus Romæ cogatur spectare decreta. Consultatur autem super hac professione ipse Paulus in 2. cap. ad Galatas tam clarè & copiosè differens, ut commentarium in hæc videatur texuisse.

Illi ergo deducti ab Ecclesia pertransibant Phœnicen & Samariam narrantes conuersionem Gentium, & adferebant gaudium magnum omnibus fratribus. Cum autem venissent Hierosolymam, suscepti sunt ab Ecclesia, & ab Apostolis ac presbyteris, annuntiaueruntque quaecunque Deus fecisset cum ipsis.

Hospitalitas.

Vbiq; admonet scriptura discipulos, hoc est, Christianos fuisse comes, familiares, hospites, & ut sic dicam, officiosissimos, cum erga omnes, tum erga veritatis doctores, potissimū. Ergo hic quoque memorantur Apostoli à discipulis deducti esse per Phœnicen & Samariam: rursum Hierosolymis esse suscepti nimirum familiarissimè. Nulla enim erat inter Apostolos vel in ipsa Ecclesia similitudo, nisi quam erronei isti mentiebantur, atq; pectoribus simplicium inferere cupiebant.

Surrexerunt autem quidam de factione Phariseorum, qui crediderant, dicentes, quod oporteret circumcidere eos, ac præcipere, ut seruarent legem Moysi:

*Hæresis Nazæ-
eorum.* Hic iam planioribus verbis exponitur quæ illa fuerit pestilens hæresis. Sed & D. Hieronymus in eleganti illa ad Augustinum epistola testatur, Cherinti & Hebionis hæresim, hoc potissimum nomine damnatam, quod legis ceremonias Christi Euangelio misceret, & sic noua confiteretur, ut interim vetera non amitteret. Imò suis adhuc temporibus per totas Orientis synagogas hæresim fuisse, quæ Mineorum dicta sit, & quos vulgo Nazaræos nuncuparint. Hos credere quidem in Iesum Christum Dei filium natum de virgine Maria, passum sub Pontio Pilato, crucifixum, sepultum, iterum resuscitatum, & in eum prorsus credere illos in quem nos credimus, sed non omnia vni tribue-

*In quo disside-
ant Evangelici
& Pontificij.*

1. Cor. 1.
Rom. 5.
Ephes. 2.
Ioa. 8.
Matth. 15. 17.
C. 23.
Heb. 7. & 10.
1. Tim. 2.
Ephes. 5.
Coloss. 1.
Ioa. 14.
Ita & Phari-
sæi vocantur
credentes.

re, atque ita fieri ut dum volunt Iudæi esse & Christiani, nec Iudæi sint nec Christiani. Quod si hodie quoque ad iustam stateram expendas, quid nos qui Euangelium prædicamus, ab ijs separet, qui veteris fidei propugnatores videri volunt, nihil aliud inuenies, quam hoc ipsum quod Antioche- nam conscidit Ecclesiam. Nos enim cum Apostolis Domini vnum & solum Iesum Christum prædicamus, hunc clamitamus vnum & solum totius orbis esse iustitiam, redemptionem, satisfactio- nem, lucem, doctorem, sacerdotem, sacrificium, mediatorem, caput & vitam. Illi porro non vni omnia tribuunt, sed infinita quædam iungunt, quæ ad salutem sint necessaria. Meritis enim, confes- sioni auriculari, absolutioni & indulgentijs tribuunt peccatorum remissionem. Varios sibi coaceruant doctores, plurimos sacerdotes, plurimos intercessores, & Missas, id est, sacrificia innumera: quæ nos omnia prorsus abnegamus, quod filium Dei Iesum Christum solum sufficere, & nullum aliud no- men sub cælo esse credimus, in quo oporteat saluos fieri, nisi nomen IESU CHRISTI. Prædicat sanè & illi nobiscum historiam Euangelij & articulos fidei Christianæ, Vnum esse Deum, hunc mi- sisse filium, qui incarnatus de Spiritu sancto, ex Maria virgine natus, passus & resuscitatus sit, sedeat item ad dexteram Patris iudex venturus. In hac inquam serie verborum nulla dissonantia: at in ipsa virtute Christi, non tam longe abest Oriens ab Occidente, quam illorum doctrina à nostra dissidet. Sed redimus, Nazaræi illi siue Pharisæi non putabant satis esse Gentibus, ad Christianam fidem con- uersis, vnicum Christum, circumcidendos ergo existimabant, ut recipi in populum Dei, & sacrifi- cijs lastrandos ut purgari, & sub legem subiugandos, ut meritis suis bonisque iustificari operibus possent. Iam verò hæc causa eiusmodi erat, ut Apostolis Domini plurimum odij, pseudoapostolis autem plurimum beneuolentiæ & authoritatis conciliaret. Nam hi videbantur esse iustitiæ doctores, bonarum legum defensores & omnis pietatis assertores fidelissimi: contra verò illi iustitiæ, vir- tutibus, sanctis quoque per Moysen institutis, & à patribus obseruatis ritibus temere videbantur re- pugnare. Verum si dogma pestilentissimum dissimulassent, iam procul dubio perierat Euangelij ne- gotium, quod ut bonis moribus operibusque non est inimicum, ita non permittit, ut vllis alijs re- bus tribuatur salus, quam vni Iesu Christo. Rectissimè ergo Diuus Hieronymus in ea Epistola, cu- ius paulò ante meminimus, Ego (inquit) reclamante mundo libera voce pronuntio, ceremonias Iudæorum & perniciosas esse & mortificas Christianis, & quicunque eas obseruauerit siue ex Iu- dæis siue ex Gentibus eum in barathrum diaboli deuolutum. Finis enim legis Christus ad iustitiam omni credenti. Cui sententiæ hoc addidit Aurelius Augustinus, dicens: Quicunque eas obserua- uerit, siue ex Iudæis siue ex Gentibus, nō solum veraciter, verumetiam simulatè, eum in barathrum diaboli (censeo esse) deuolutum. Cæterum quid hodie quorundam ceremoniæ à Iudæis differant, Lectorum esto iudicium.

Vide.

*Lege Annotat.
Erasmi in 12.
cap. Matth.*

Conueneruntque Apostoli ac presbyteri, ut dispicerent de hoc negotio.

Palam

Palam hoc loco admonemur ad Apostolicos viros pertinere rerum ad fidem pertinentium questionem, qui consilio indito (è quo tamen nemo secludatur) de dubijs respondeant & obscura resoluant, fideiq; suæ rationem reddant omni credenti: qui mos à sanctis olim episcopis ad Apostolorum imitationem diligenter custoditus est: sed miris modis aliquot retro seculis neglectus. Illi enim non suo arbitrato, sed ex scripturæ præscripto sic omnia disponebant, vt doctrinæ Dei relinquerent gloriam veritatis, & ab hoc velut Lydia (quod dicitur) regula, ne latum quidem digitum discederent. Hi nostri sic in Consilijs suis deliberarunt, vt Papæ, id est, vni episcopo Romano, auctoritatem tribuerint Consilio, id est, scripturis & Deo maiorem, penes quem esset ius reuocandi priora, si alia quæpiam illi interim in mentem venissent: atq; inde factum est, vt celebrium Consiliorum decreta posteriorum auctoritate abrogata fuerint.

Ad Apostolicos viros pertinere questio de fide.

Nostri Consilii.

Cum autem magna disceptatio fuisset, surgens Petrus, dixit ad eos: Viri fratres, vos scitis quod ab antiquis diebus Deus inter nos elegit, vt per os meum audirent Gentes verbum Euangelij, crederentq;. Et qui nouit corda Deus, testimonium præbuit illis, dans illis Spiritum sanctum sicut & nobis: nihilq; discreuit inter nos & illos cum fide purificauerit corda illorum.

Incaluit disputatio propterea, quod vtraq; pars ambiret victoriam. Qualia autem vtriusque partis argumenta fuerint, non ascripsit historicus, at nos ea nihilominus non ignoramus, qui Epistolas Pauli habemus, super hac re copiosissime & doctissime differentes. Scopi præterea vtrorumque manifesti sunt. Apostoli enim contendebant vnicum Christum Iesum satis esse credentibus, & iccirco Gentes in consortium Dei citra legalia recipiebant. Nazaræi vero asseuerabant non vnum Christum sufficere, sed & legalia ad salutem esse necessaria: ergo Gentes circumcidendas, & iugo legis subiiciendas esse contendebant. Iam ergo cum in hoc certamine partium incanduissent animi, Apostolus Petrus negotium dirempturus magna grauitate assurgit, pulchraque oratione habita, ostendit Paulum & Barnabam rectius sentire, Phariseos autem turpiter errare. Multis autem argumentis comprobatur Gentibus ad fidem conuersis satis esse Christum, neque illas post hunc vllis indigere legalibus ad perfectionem. Atq; hic orationis Petri scopus est. Primum autem argumentum quo hoc approbat, à pronuntiatis est. Nam reuelationi & oraculo Dei innititur, & per expositionem quandam aptatur. Est autem tale. Cum ego aliquando ambigerem Gentes, ne in consortium fidei recipiendæ essent, an non essent recipiendæ, clarescimo ostento monstrauit mihi Deus recipiendas esse. De hoc planius in capite 10. Iam vero cum de recipiendi modo penderem animi, ecce non expectata circumcisione, nec vlla sacrificij lustratione præcedente, ad solam Christi prædicationem illapsus est Spiritus sanctus in Gentes ad quas missus eram, non vt circumciderem, sed vt Christum prædicarem. Proinde quum constet Spiritum sanctum non conferri impijs & prophanis, illi autem qui cum Cornelio erant, non sint purgati vllis externis legalibus, restat quod per fidem in Christum prædicatum sint purgati, & iccirco sufficere Christum Gentibus. Hæc autem est huius partis summa, quæ sanè in multa potuerat findi argumenta, sed breuitati & simplicitati studentes, hæc præterea paucula quidem adiicimus. 1. Elegit me Deus (ait) vt audirent Gentes verbum Euangelij, & crederent. Audirent, inquam, non legalia, sed verbum Euangelij: & crederent, non circumciderentur. Singula enim verba pondus habent. 2. Qui nouit corda Deus, id est, qui non recipit personam, sed vere iudicat, testimonium præbuit illis, quod sibi placeant, qui tamen incircumciserant. Quis ergo dabit eos qui Deum iustificantem habent? Per circumcisionem autem maximum Iudæorum sacramentum, subinde intelligimus omnia legalia. 3. Nihil discreuit inter nos & illos. Nam & Paulus, An Iudæorum (inquit) Deus tantum? An non & Gentium? Certe & Gentium. Quandoquidem vnus Deus qui iustificabit circumcisionem ex fide & præputium per fidem. 4. Fide purificans corda illorum. Non ergo externis purgatur quisquam, non circumcisione, non ipso sacro baptismo, quæ purificationis signa sunt. Purgatio Dei est, ea per fidem acquiritur. Ioannes Chrysostomus in hunc locum scribens, dicit, A SOLA FIDE (inquit) illa assequuti sunt, & nō operibus vel circumcisione. Sed de hac re copiosius ad Rom. 4. disputatum est. 5. Nihil discreuit inter nos & illos. Huic correspondet quod Paulus dixit. Non est distinctio. Omnes peccauerunt ac destituuntur gloria Dei. Iustificantur autem gratis per illius gratiam, &c. Rom. 3.

Oratio Petri.

Heb. 9.

Vide.

Nunc ergo quid tentatis Deum, vt imponatur iugum super ceruices discipulorum, quod neq; patres nostri, neq; nos portare potuimus? Sed per gratiam Domini Iesu Christi credimus nos saluos futuros, quemadmodum & illi.

Illi ergo deducti ab Ecclesia pertransibant Phœnicen & Samariam narrantes conversionem Gentium, & adferebant gaudium magnum omnibus fratribus. Cum autem venissent Hierosolimam, suscepti sunt ab Ecclesia, & ab Apostolis ac presbyteris, annuntiaueruntque quaecunque Deus fecisset cum ipsis.

Hospitalitas.

Vbiq; admonet scriptura discipulos, hoc est, Christianos fuisse comes, familiares, hospites, & vt sic dicam, officiosissimos, cum erga omnes, tum erga veritatis doctores, potissim. ū. Ergo hic quoq; memorantur Apostoli à discipulis deducti esse per Phœnicen & Samariam, rursus Hierosolymis esse suscepti nimirum familiarissime. Nulla enim erat inter Apostolos vel in ipsa Ecclesia simulas, nisi quam, erronei isti mentiebantur, atq; pectoribus simplicium inferere cupiebant.

Surrexerunt autem quidam de factione Phariseorum, qui crediderant, dicentes, quod oporteret circumcidere eos, ac præcipere, vt seruarent legem Moysi:

Hic iam planioribus verbis exponitur quæ illa fuerit pestilens hæresis. Sed & D. Hieronymus in eleganti illa ad Augustinum epistola testatur, Cherinti & Hebionis hæresim, hoc potissimum nomen ne damnatam, quod legis ceremonias Christi Euangelio misceret, & sic noua confiteretur, vt interim vetera non amitteret. Imò suis adhuc temporibus per totas Orientis synagogas hæresim fuisse, quæ Mineorum dicta sit, & quos vulgo Nazareos nuncuparint. Hos credere quidem in Iesum Christum Dei filium natum de virgine Maria, passum sub Pontio Pilato, crucifixum, sepultum, iterum resuscitatum, & in eum prorsus credere illos in quem nos credimus, sed non omnia vni tribuere, atque ita fieri vt dum volunt Iudæi esse & Christiani, nec Iudæi sint nec Christiani. Quod si hodie quoque ad iustam stateram expendas, quid nos qui Euangelium prædicamus, ab ijs separet, qui veteris fidei propugnatores videri volunt, nihil aliud inuenies, quam hoc ipsum quod Antiochenam conscidit Ecclesiam. Nos enim cum Apostolis Domini vnum & solum Iesum Christum prædicamus, hunc clamitamus vnum & solum totius orbis esse iustitiam, redemptionem, satisfactionem, lucem, doctorem, sacerdotem, sacrificium, mediatorem, caput & vitam. Illi porro non vni omnia tribuunt, sed infinita quædam iungunt, quæ ad salutem sint necessaria. Meritis enim, confessioni auriculari, absolutioni & indulgentijs tribuunt peccatorum remissionem. Varios sibi coaceruant doctores, plurimos sacerdotes, plurimos intercessores, & Missas, id est, sacrificia innumera: quæ nos omnia prorsus abnegamus, quod filium Dei Iesum Christum solum sufficere, & nullum aliud nomen sub cælo esse credimus, in quo oporteat saluos fieri, nisi nomen IESU CHRISTI. Prædicat sanè & illi nobiscum historiam Euangelij & articulos fidei Christianæ, Vnum esse Deum, hunc misisse filium, qui incarnatus de Spiritu sancto, ex Maria virgine natus, passus & resuscitatus sit, sedeat item ad dexteram Patris iudex venturus. In hac inquam serie verborum nulla dissonantia: at in ipsa virtute Christi, non tam longe abest Oriens ab Occidente, quam illorum doctrina à nostra dissidet. Sed redimus, Nazaræi illi siue Pharisei non putabant satis esse Gentibus, ad Christianam fidem conuersis, vnicum Christum, circumcidendos ergo existimabant, vt recipi in populum Dei, & sacrificijs lustrandos vt purgari, & sub legem subiugandos, vt meritis suis bonisque iustificari operibus possent. Iam verò hæc causa eiusmodi erat, vt Apostolis Domini plurimum odij, pseudoapostolis autem plurimum beneuolentiæ & authoritatis conciliaret. Nam hi videbantur esse iustitiæ doctores, bonarum legum defensores & omnis pietatis assertores fidelissimi: contra verò illi iustitiæ, virtutibus, sanctis quoque per Moysen institutis, & à patribus obseruatis ritibus temere videbantur repugnare. Verum si dogma pestilentissimum dissimulassent, iam procul dubio perierat Euangelij negotium, quod vt bonis moribus operibusque non est inimicum, ita non permittit, vt vllis alijs rebus tribuatur salus, quam vni Iesu Christo. Rectissime ergo Diuus Hieronymus in ea Epistola, cuius paulò ante meminimus, Ego (inquit) reclamante mundo libera voce pronuntio, ceremonias Iudæorum & perniciosas esse & mortificas Christianis, & quicunque eas obseruauerit siue ex Iudæis siue ex Gentibus eum in barathrum diaboli deuolutum. Finis enim legis Christus ad iustitiam omni credenti. Cui sententiæ hoc addidit Aurelius Augustinus, dicens: Quicunque eas obseruauerit, siue ex Iudæis siue ex Gentibus, nò solum veraciter, verumetiam simulatè, eum in barathrum diaboli (censeo esse) deuolutum. Cæterum quid hodie quorundam ceremoniarum à Iudaicis differant, Lectorum esto iudicium.

In quo disident Evangelici & Pontificij.

1. Cor. 1.
Rom. 5.
Ephes. 2.
Ioa. 8.
Matth. 15. 17.
C. 23.
Heb. 7. & 10.
2. Tim. 2.
Ephes. 5.
Coloss. 1.
Ioa. 14.
Ita & Pharisei vocantur credentes.

Vide.

Lege Annotat. Erasmi in 12. cap. 8. 4th.

Conueneruntque Apostoli ac presbyteri, vt dispicerent de hoc negotio.

Palàm

Palam hoc loco admonemur ad Apostolicos viros pertinere rerum ad fidem pertinentium questionem, qui consilio indito (è quo tamen nemo secludatur) de dubijs respondeant & obscura resoluant, fideiq; suæ rationem reddant omni credenti: qui mos à sanctis olim episcopis ad Apostolorum imitationem diligenter custoditus est: sed miris modis aliquot retro seculis neglectus. Illi enim non suo arbitrato, sed ex scripturæ præscripto sic omnia disponebant, vt doctrinæ Dei relinquerent gloriam veritatis, & ab hoc velut Lydia (quod dicitur) regula, ne latum quidem digitum discederent. Hi nostri sic in Consilijs suis deliberarunt, vt Papæ, id est, vni episcopo Romano, auctoritatem tribuerint Consilio, id est, scripturis & Deo maiorem, penes quem esset ius rescindendi priora, si alia quæpiam illi interim in mentem venissent: atq; inde factum est, vt celebrium Consiliorum decreta posteriorum auctoritate abrogata fuerint.

Ad Apostolicos viros pertinere questionem de fide.

Nostri Consilia.

Cum autem magna disceptatio fuisset, surgens Petrus, dixit ad eos: Viri fratres, vos scitis quod ab antiquis diebus Deus inter nos elegit, vt per os meum audirent Gentes verbum Euangelij, crederentq;. Et qui nouit corda Deus, testimonium præbuit illis, dans illis Spiritum sanctum sicut & nobis: nihilq; discreuit inter nos & illos cum fide purificauerit corda illorum.

Incaluit disputatio propterea, quod vtraq; pars ambiret victoriam. Qualia autem vtriusque partis argumenta fuerint, non ascripsit historicus, at nos ea nihilominus non ignoramus, qui Epistolas Pauli habemus, super hac re copiosissime & doctissime differentes. Scopi præterea vtrorumque manifesti sunt. Apostoli enim contendebant vnicum Christum Iesum satis esse credentibus, & iccirco Gentes in consortium Dei citra legalia recipiebant. Nazaræi vero asseuerabant non vnum Christum sufficere, sed & legalia ad salutem esse necessaria: ergo Gentes circumcidendas, & iugo legis subiiciendas esse contendebant. Iam ergo cum in hoc certamine partium incanduisset animi, Apostolus Petrus negotium dirempturus magna grauitate assurgit, pulchraque oratione habita, ostendit Paulum & Barnabam rectius sentire, Phariseos autem turpiter errare. Multis autem argumentis comprobat Gentibus ad fidem conuersis satis esse Christum, neque illas post hunc vllis indigere legalibus ad perfectionem. Atq; hic orationis Petri scopus est. Primum autem argumentum quo hoc approbat, à pronuntiatis est. Nam reuelationi & oraculo Dei innititur, & per expositionem quandam aptatur. Est autem tale. Cum ego aliquando ambigerem Gentes, ne in consortium fidei recipiendæ essent, an non essent recipiendæ, clarissimo ostento monstrauit mihi Deus recipiendas esse. De hoc planius in capite 10. Iam vero cum de recipiendi modo penderem animi, ecce non expectata circumcisione, nec vlla sacrificij lustratione præcedente, ad solam Christi prædicationem illapsus est Spiritus sanctus in Gentes ad quas missus eram, non vt circumciderem, sed vt Christum prædicarem. Proinde quum constet Spiritum sanctum non conferri impijs & prophanis, illi autem qui cum Cornelio erant, non sint purgati vllis externis legalibusue, restat quod per fidem in Christum prædicatum sint purgati, & iccirco sufficere Christum Gentibus. Hæc autem est huius partis summa, quæ sanè in multa potuerat findi argumenta, sed breuitati & simplicitati studentes, hæc præterea pauca quidem adiungimus. 1. Elegit me Deus (ait) vt audirent Gentes verbum Euangelij, & crederent. Audirent, inquam, non legalia, sed verbum Euangelij & crederent, non circumciderentur. Singula enim verba pondus habent. 2. Qui nouit corda Deus, id est, qui non recipit personam, sed vere iudicat, testimonium præbuit illis, quod sibi placeant, qui tamen incircumcisi erant. Quis ergo dabit eos qui Deum iustificantem habent? Per circumcisionem autem maximum Iudæorum sacramentum, subinde intelligimus omnia legalia. 3. Nihil discreuit inter nos & illos. (Nam & Paulus, An Iudæorum (inquit) Deus tantum? An non & Gentium? Certe & Gentium. Quandoquidem vnus Deus qui iustificabit circumcisionem ex fide & præputium per fidem. 4. Fide purificans corda illorum.) Non ergo externis purgatur quisquam, non circumcisione, non ipso sacro baptismo, quæ purgationis signa sunt. Purgatio Dei est, ea per fidem acquiritur. Ioannes Chrysostomus in hunc locum scribens, dicit, A SOLA FIDE (inquit) illa assequuti sunt, & nō operibus vel circumcisione. Sed de hac re copiosius ad Rom. 4. disputatum est. 5. Nihil discreuit inter nos & illos. Huic correspondet quod Paulus dixit. Non est distinctio. Omnes peccauerunt ac destituuntur gloria Dei. Iustificantur autem gratis per illius gratiam, &c. Rom. 3.

Oratio Petri.

Heb. 9.

Vide.

Nunc ergo quid tentatis Deum, vt imponatur iugum super ceruices discipulorum, quod neq; patres nostri, neq; nos portare potuimus? Sed per gratiam Domini Iesu Christi credimus nos saluos futuros, quemadmodum & illi.

Ad finem inclinat oratio. Argumentatur autem ab inuiti siue impossibili ad hunc modum, Lex non data est vt iustificet, neque lege iustificati sunt patres nostri, ergo ne nos quidem illa iustificabimur. Cæterum hæc longe alia orationis figura effert, vt oratio ad finem inclinans ardeat, & aculeum in animis auditorum relinquat. Nam per interrogationem incendit, & in Nazaræos, veluti inuehitur, sed & memoria patrum aggrauat, & iugi temptationisq; Dei commemoratione omnino exasperat. Tentant autem Deum qui suæ voluntati magis acquiescunt quam reuelationi diuinæ, aut qui alia via ad salutem ingredi volunt, quam constituta: quasi vero Deo sapientiores sint, quem proculdubio hac pertinacia ad indignationem prouocant, aut qui dubitant de veritate, potentia & misericordia Dei. Iugum seruitutis & oppressionis signum est, id quod prouerbio quoque *ἰσοζυγισάδης ἀνθρώπου* notatum est. Illud autem in primis obseruandū est, quod dixit, ne patres quidem vetustos vnamquam potuisse portare legem. Quod sane de circumcissione aut Lege ceremoniali tantum intelligere non potuit, sed & de morali potius. Siquidem ceremonialia facile ferebant, at operibus suis iustificari nunquam potuerunt. De qua re copiosissime scriptum est in epistola ad Romanos & Galatas. Atque hoc quidem longe firmissimum & vetustissimum argumentum est. Quis enim posthac tam fuerit impudens, vt se credat operibus suis aut per legem iustificari posse, qui videat sanctissimos patres non Lege, sed gratia iustificatos esse. Iam sequitur totius negotij illatio, Sed per gratiam Domini Iesu Christi credimus nos saluos futuros quemadmodum & illi. Vnus ergo Christus sufficit omnibus, adeo vt & Iudæis ad salutem nihil conferat lex. Nam gratia, non lege saluantur & ipsi: tantum abest vt Gentibus quisquam ea possit imponere, quæ ne ipsis quidem Iudæis profuere. Cæterum non credo vsquam extare, vt breuiorem ita doctiorem, planiorem & magis piam orationem, vt vere in ipsa ostendarit Petrus ingenium Apostolorum principe dignissimum.

Tentare Deū.

Iugum.

Tacuit autem tota multitudo, & audiebant Barnabam ac Paulum, narrantes quæ Deus ædidisset signa & prodigia inter Gentes per ipsos.

Miracula.

Dicit oratione Petri coercitam esse tumultuosam Phariseorum aduersus Paulum ac Barnabam contentionem. Cristas enim conuulserat Petrus. Iterum ergo prodeunt Paulus ac Barnabas, & exponunt signa & prodigia quæ per ipsos egisset Deus inter Gentes, nimirum ita confirmantes vocationem Gentium & dogma suum de quo erat concertatio. Siquidem iam sæpe monuimus plurimum posse miracula, si accedant ad sanam doctrinam: nihil autem plus posse quam parabolas, si dogma cui iunguntur sit dubium.

Et postquam conticuissent, respondit Iacobus, dicens: Viri fratres, audite me: Simeon narrauit quemadmodum primum Deus visitauerit, vt sumeret ex gentibus populum in nomine suo, & huic consonant verba Prophetarum, sicut scriptum est: Post hæc reuertar, ac rursus ædificabo tabernaculum Dauid, quod collapsum est: & diruta eius instaurabo, & erigam illud, vt requirant qui reliqui sunt homines, Dominum, & omnes gentes super quas inuocatum est nomen meum, dicit Dominus, qui facit hæc omnia. Nota à seculo sunt Deo omnia hæc opera sua.

Oratio Iacobi.

Non citra insignem fructum meminit vicissitudinis, quod scilicet alijs silentibus, alij ad dicendum prodierint. Monet enim ordinem ac disciplinam in eiusmodi seruandam esse collationibus. Vg fanientium enim, non prudentium est, aliorum orationes interrompere, occlamare, iurgari, & conuitijs in arenam altercationis rixarumque prouocare. Cæterum oratio Iacobi (quem Chrysostomus Hierosolymorum facit episcopum) sententiam Petri ac Pauli de absoluta fidei in Christum perfectione, confirmat: confirmat autem testimonijs Prophetarum. Nihil enim dubitauerim Iacobum, vt pote legisperitissimum plurimis Prophetarum testimonijs rem demonstrasse, comprobasseque præsentem: è quibus tamen omnibus Lucas vnicum tantum, quod & clarissimum & euidentissimum videbatur delegit, atque in historiæ suæ monumentum retulit. Hoc enim & ipsa historiæ verba possunt. Sic enim sonant, Et huic consonant verba Prophetarum. Et protinus vnico contentus testimonio, subiungit, Sicut scriptum est, Post hæc reuertar, &c. Alij dicunt verbis inesse numeri enallagen. Locus autem Prophetæ extat Amos capite quinto, in quo Prophetadicit Iudæos propter mores corruptissimos, maxime vero propter insatiabilem auaritiam funditus esse excidendos, deinde vero Gentes in deperditorum locum assumendas. Intellexit enim per Tabernaculum Dauid ipsam Ierusalem, siue (quod alijs visum est) templum. Illud inquam quod collapsum est (inquit) restituiam, non utiq;

non vtrique aliud & ceu nouum quoppiam instituiam, sed diruta eius iustaurabo. Allegorice enim significat quod in repudiorum Iudæorum locum Gentes sit substituturus, vt qui hæcenus populus Dei (vt Osee ait) dictus sit, posthac sit non populus eius, & quæ non dilecta, iam sit dilectissima. Hæc autem confirmant, quod & Gentes ad populum Dei pertineant. Iam quod ad recipiendi modum attingit sequitur, vt requirant qui reliqui sunt homines Dominum, & OMNES Gentes super quas inuocatum est nomen meum, dicit Dominus, qui facit hæc omnia. Non autem meminit circumcisionis aut Legis, per quæ sint recipiendæ, sed fidei & timoris Dei. Per hæc enim fit vt requiramus Deum, & vt eius nomine vocemur Christiani seu populus Dei. Nam idiotismo Hebraico super eos inuocatur nomen Dei, qui nomine & numero populi Dei numerantur: vt liquet Gene. 48. Isaïæ 4. Alij simplicissime nec male intellexerunt, Quicumque inuocauerint nomen meum: vt cum eo congruat testimonio, quod apud Ioel legimus, Futurum est autem vt omnis qui inuocauerit nomen Domini, seruetur. Iam Diuus Hieronymus hunc Amos locum explicans, submonuit vtrunque gentem & Iudaicam & Gentilem sub eandem fidei concludi regulam. Siquidem per reliquos homines intellexisse reliquias gentis Iudaicæ, quæ Apostolorum tempore, opido paucae, fide sint saluatæ. Quod autem in fine Prophetici testimonij appenditur, Dicit Dominus qui facit hæc omnia, miram habet cui dentiam. Paucis enim illi confutantur, qui factum Domini in suspensionem trahere, & calumniari potuerant quod immundam Gentem vocasset. Dicit ergo: Dominus est qui facit hæc omnia, qui omnia quæcunque fecit bene fecit. Hic iam ad expositionem huius, ipse Iacobus de suo addidit: Nota à seculo sunt Deo omnia hæc opera sua. Quasi dicat, Nihil temere hic fit, siue in repudiandis Iudæis; siue asciscendis Gentibus, omnia ab æterno præordinata & prope à Deo pensata sunt: ipse nouit cuius rei gratia quæque operetur, ab ipso rerum principio nihil non prudenter disposuit: vt nunc in hoc quoque à nemine merito culpari possit.

Propter quod ego censeo, non obturbandum esse illis, qui ex gentibus conuertuntur ad Deum: sed scribendum ad eos, vt abstineant se ab inquinamenti simulachrorum, & scortatione, & suffocato, & sanguine. Moses enim ab ætatibus antiquis in singulis ciuitatibus habet qui ipsum prædicent in synagogis, ubi per omne sabbatum legitur.

Ex scripturis iam hoc ipsum colligit quod Petrus iam iam definierat, Non obturbandum esse Gentibus iugum legis, quo ferendo nemo neque veterum, neque recentiorum iustificatus sit. Est autem elegantia in verbo *μη πειρασθῆναι*, quod vetus interpres vertit, Non inquietari. Erasmus vero rectius, Non obturbandum esse, siue non addendam molestiam. Significat enim *πειραζω* fatigo, turbo, & molestia afficio. Et quid oro aliud erat absolutis aliàs imponere legalia; quæ ad perfectionem nihil conferebant, quam præter ius & fas optimos re nihili defatigare? Hinc autem facile coniecturamus Diuum Iacobum in epistola sua, quæ prima numeratur inter canonicas, non ea fuisse sententia quam multi videri volunt. Quomodo enim in illa operibus potuisset tribuisse iustitiam, qui in loco Petro subscribit, qui omnem iustitiam absolutæ tribuerat gratiæ? Aduersus illos itaque disputationem instituit, qui fidem (nostorum quoque more) iactabant, impie interim vivebant. Da qua re satis copiose dilectissimus frater & symmista noster Leo Iudæ in omni eruditione & pietate vir laudatiss. nuper super hac epistola disseruit. Iam vero cum fides prudentiam & charitatem sibi habeat iunctam, Iacobus pro declaratione huius negotij, addit quædam alia, ne nimia breuitas errori apud Gentes subministraret ansam, neque nimia indulgentia Iudæis occasio esset scandali. Duo erant in quibus Gentes semper fuerant infames, idololatria videlicet & scortatio. In idololatria enim educati, & scortationis adeo erant asueti vt nullius reputarent, si quis etiam contaminatissimus hæc spurcitie foret. Cernens ego Iacobus pro fidei prudentia, errori patrocinium aut certe occasionem addi, si non singulari speciali quodam mandato ijs interdiceretur Gentibus: licet non nesciret Evangelica prædicatione ea ipsa prohiberi damnarique censuit peculiariter monendas esse Gentes, vt ab ijs duabus rebus se prorsus abstraherent. Rursus duo erant, quibus Iudæi mordicus adhærebant, abstentio à sanguine, & abstentio à suffocato, non tam quod lege essent præcepta, quàm quod ante legem latam mox à diluuiio fuerant mandata: rationem ergo habens charitatis Iacobus, suadet Gentibus pro tempore, abstinentium esse à suffocato & sanguine, quod minimum hoc Gentibus dispendij, multum autem compendij Iudæorum respectu allaturum videretur. Quod autem duo illa, pro tempore, Iudæorum nomine, ne exigua re prorsus offenderentur, suaserit obseruanda esse Iacobus, indoliquet quod mox sequitur: Moses enim (obserua causalem, & enim) ex more antiquo in singulis ciuitatibus suos habet professores, qui ipsum per singula profitentur sabbata. Quasi dicat, Pro-

D. Iacobi epistolæ.

Leo Iudæ.
1. Ratio explicandi nodum de vetitis à nobis.

2. Ratio expli-
candi nodum
de vetitis & la-
cobo.

Aduersus simi-
lachra.

Constitutio Ce-
sarum de tol-
lendis imagini-
bus.

Scortatio.

Suffocatum &
sanguis

pterea velim hæc obseruari, quod Moses ista vrgeat vehementissime, quæ si penitus negligerentur, ipse prorsus contemni videretur. Erasmus vero hunc locum exponens, Nec est metuendum Iudæis (inquit) ne Moses antiquetur. Habet enim ille iam olim à priscais seculis, qui prædicent ipsum in synagogis, vbi singulo quoque sabbato legitur ex more. Beda quoque aliud videtur lequutus, Chrysostomus vero, Quare (inquit) non eadem Iudæis quoque scribimus? Addit, Moses illis continue loquitur. Sed quid mulus? Iacobus hoc loco non tam religionis quam conciliationis videtur habuisse rationem, nempe quomodo Gentes inter se longe diuersissimæ potuerint redigi in concordiam atque vnam Ecclesiam. Hoc autem fieri non potuit, nisi vtrisque aliquid daretur & adimeretur. Non enim potuerant hætenus istis Apostolorum præsentibus quantumvis doctis & pijs permoueri orationibus. Dolebant subinde Iudæi se vißos esse, ereptam quoque circumcisionis gloriam. Exceabantur quoque Gentes non alio nomine magis quam quod idololatræ & immundi immundis quoque vescerentur quibuslibet. Ergo minus dolerent Iudæi ablata sibi esse legitima sua, censet Iacobus palam pronuntiandum esse & gentibus sua abrogata esse legitima, hoc est auitum idolorum & scortationis vsum. Rursus, Quia Iudæi cesserant Gentibus circumcisione & sacrificijs, cedere debere & Gentes Iudæis in suffocato & sanguine: vt vtrinque aliquid de suo concedentes, à pertinacia & ferocia auocarentur: & vt vtrinque è medio sublati ijs quæ hætenus maximorum dissidiorum causæ fuerant, melius in vnum coalescerent Ecclesiæ corpus. Atque hæc videtur omnium simplicissima in hoc negotio esse sententia: cui iam veluti generalis causâ suppingitur, Moses enim ab ætatibus, &c. Quasi dicat, neque enim omnino nihil dandum Iudæis, quod rerum suarum maximum habeant auctoritatem Mosen. Interim verò non nesciebat Iacobus, spiritum Christi subinde ista magis magisque illustraturum, vt tandem omni Gentilis & Iudaici nominis interstitio sublato, in vera fide coacti, & in vnum corpus redacti, in vera quoque agerent libertate. Restat nunc vt de singulis istis membris peculiaribus quædam paucis subiiciamus. Principio quod hoc loco inquinamentum simulachrorum vocat, id in Epistola vna voce *ἰδωλόθυρα*, id est, simulachro immolatum dicunt, & vnica voce omne id intelligunt, quod cultui simulachrorum connexum est. Ab eo ergo volunt sibi caueant Christiani. Fortassis alludit Apostolus ad illud Deutero. 7. Idolum abominatio est Domini Dei tui. Quasi spiritum detestaberis & velut inquinamentum & sordes abominationis habebis, quia anathema est. Cæterum pluribus aduersus idolothyta scripsit Paulus in 1. ad Corinth. cap. 8. & 10. Plura ad Roman. 1. aduersus ipsa idola. Quibus nos illud addere volumus quod P. Crinitus libro de honesta disciplina nono cap. 9. ex libris Augustalibus, in hæc verba transcripsit, Valens & Theodosius Augusti Imperatores præfecto prætorio ad hunc modum scripsere. Quum sit nobis cura diligens in rebus omnibus superni numinis religionem tueri, signum saluatoris Christi nemini quidem concedimus, coloribus, lapide aliâue materia fingere, inculpere aut pingere, sed quocunque reperitur tolli iubemus, grauissima pœna eos mulctando, qui contrarium decretis nostris & imperio quicquam tentauerint. In quo si quis forte authorem desiderat, is Imperatorum decreta & edicta legat, quæ à viris doctissimis Tribonianus, Basilide, Theophilo Dioscoroque & cæteris per satyram collecta sunt, imperante hoc maxime Augusto Iustiniano. Quod propter eos maxime annotamus, qui de simulachrorum cultu torques conuicti erroris, adhuc ogganniunt nescio quas antiquitates, Consilia, doctos, leges & iura: sed falso. A nostra parte enim stat ipsa veritas verbum Domini, lex diuina, lex Cæsarea, Consilium hoc primum (omnibus alijs præiudicans Consilijs) Apostolicum Hierosolymæ celebratum, sanctorum patrum quoque, Epiphanijs & Athanasij in primis, denique multorum eruditorum hominum testimoninia. Certe Augustinus de consensu Euangelistarum libro 1. capite 31. maxime stomachatur in eos, qui negant Christum alibi præcepisse aut tradidisse vt idola confringantur, quum longe aliud perhibeat Propheta Isaias. Atqui plura forsitan dicuntur & in 17. capite huius libri. Deinde in Scortationis vocabulo velut in genere reliquas illicitæ Veneris species intelligit, quas Paulus passim, vt Roma. 1. Ephes. 4. & 5. sed præcipue in 1. ad Corinthios 6. capite insequitur. De suffocato autem legis Leuitici 19. Non comedetis carnem cum sanguine: quem locum ego de suffocatis intelligo. Nam quæ suffocantur, sanguinem retinent à morte congelatum. De sanguine legimus Leuitici 17. Sanguinem vniuersæ carnis non comedetis, quia anima carnis in sanguine est: & quicunque comederit eum, iterabit. Iam vero cum ipse Dominus testetur illud quod os nostrum ingreditur non coquinare hominem, certum est istis omnibus suffocationem, hoc est oppressionem pauperum, rapinam, & vsuram, deinde & cædes ac parricidia prohibita esse: id quod & Chrysostomus palam testatur. Vt nunc videamus paucissimis istis potissima religionis nostræ capita esse recensita. Primo enim commendatur nobis vnus Dei religio, damnatur idololatria. Secundo demonstratur in Christo solo esse omnem plenitudinem, cuius gratia per fidem iustificemur, non per merita aut externas quasdam obseruationes. Tercio præcipitur vitæ puritas ac innocentia, contra luxum & homicidia. Illud quoque

annotan-

annotandum quod non diu est, quod Christiani suffocato vescimur & morticina carne. Nam Betanus presbyter apud Beatum Rhenanum, & item Rabanus in Pœnitentiario, sed & quotquot de hac re supra 400. annos tradiderunt, certum pœnitentiæ tempus præscribunt, si quis Apostolicam hanc legem fuerit præuicatus. Sed non obseruant illi hoc de sanguine & morticina carne præceptum, in hoc tantum impositum esse, vt Iudæi cum Gentibus in vnum Ecclesiæ corpus facilius coalescerent: quod cum tempore impetratum fuerat, non necessarium erat à cibis abstinere, quos Deus ad sumendum cum gratiarum actione fidelibus creauerat, & quibus nulla infirmis ponebatur offensio. Imò Tertuliani verba in Apologetico aduersus Gent. capite 9. quibus infanticidium à Christianorum sacris repellit, magis ad ipsam præcepti significationem homicidium videlicet respiciunt, quam ad cibum, quanquam & ad cibum quoque referantur. Sic autem habent illius verba. Erubescat error vester Christianos, qui ne animalium quidem sanguinem in epulis esculentis habemus, qui propterea quoque suffocatis & morticinijs abstinemus, ne quo sanguine contaminemur vel intra viscera sepulto. Quale ergo est, vt quos sanguinem pecoris horrere conspiciatis, humano inhiare credatis? Sed hæc hæc tenus.

Vide an verum sanguinem biberint in sacris Christiani.

Tunc placuit Apostolis & senioribus cum tota Ecclesia, vt delectos ex sese viros mitterent Antiochia, cum Paulo & Barnaba, Iudam, cognomen to Barsaban, & Silam, viros primarios inter fratres, missis per manus eorum literis in hanc sententiam.

Quod verum esse cernebant sancti, id comprobant vniuersi. Neq; hic plura loquuntur Ioannes, Andreas siue cæteri (quod & Chrysostomus monuit, neq; indignantur. Nam pura à vana gloria erant illorum animæ: imò viderunt nihil posse dici super hac re quod Petrus, Paulus, Barnabas & Iacobus non dixissent, consulto ergo subscribunt veritati, & hoc ipso modestiam nobis contra inanem iactantiam ac vanam ostentationem commendantes. Porro auctoritatem & fidem dogmatis facit quod testes deligunt viros inter Apostolos primarios, & quod hi, ac ipsum dogma, tibi probantur Ecclesiæ. At cum Ecclesiæ nomen audimus, non conuocatio paucorum intelligitur, sed eruditorum & laicorum quoq; (quos vocant) congregatio. Apostolos enim & presbyteros ceu verbi duces merito primum recenset, at protinus ijs addit TOTAM ECCLESIAM, siue FRATRES, hoc est Christianos, quos Symbolum, quod Apostolorum vocat, sanctos dixit. Nam dum Ecclesiam, quam fate mur, quæ esset, explanare vellet, dixit sanctorum communionem, id est, quæ Ecclesia aliud non est quam cœtus Christi fidelium. Hos enim Paulus sanctos vocauit, 1. Corinth. 6. Hic autem locus Lucas non est de alia quam particulari Hierosolymorum Ecclesia accipiendus.

Ecclesia sanctorum cœmunio.

Apostoli & presbyteri, & fratres, his qui sunt Antiochiæ, & in Syria, & in Cilicia fratribus qui sunt ex gentibus, SALVTEM. Quoniam audiuius, quod quidam ex nobis egressi, turbauerunt vos, verbis labefactantes animas vestras, iubentes vos circumcidi, & seruare legem, quibus non mandaueramus. Visum est nobis vnanimiter congregatis, delectos viros mittere ad vos, cum dilectis nostris Barnaba & Paulo, hominibus qui exposuerunt animas suas pro nomine Domini nostri Iesu Christi. Misimus ergo Iudam & Silam, qui & ipsi vobis verbis referent eadem. Visum est enim Spiritui sancto ac nobis, ne quid amplius imponeremus vobis oneris, quam hæc necessaria: videlicet, vt abstineatis ab his quæ sunt immolata simulachris, & sanguine, & suffocato, & scortatione. A quibus si conseruaueritis vosipfos, benefacietis. VALETE.

Scribuntur etiam tabulæ, ne quid deesset quod ad fidem faciendam & veritatem confirmandam pertineret. Præuidit nimirum Spiritus sanctus tergiversatores quosdam, qui quiduis Apostolico & Spiritus sancti atque Ecclesiæ sanctæ titulo testum, vltro essent propalaturi. Ne ergo ab istis quisquam deciperetur, scribuntur tabulæ quibus & erronei Pauli hostes mendacij conuincerentur, veritati daretur testimoniū, & concordia inter Iudæos ac Gentes conciliaretur. Hic enim est huius epistolæ scopus. Primo enim post solitā subscriptionem ac epistolarem inscriptionem, perstringuntur pseudoapostoli. Subscriptio docet à quibus profecta sit epistola, ab Apostolis, presbyteris ac fratribus.

Epistola confirmans Hierosolymitanam.

bus. Apostoli autem primo loco nominantur honoris & autoritatis gratia. Nam & ipsi erant presbyteri, 1. Petri 5. Presbyteri enim episcopi siue veritatis doctores sunt. Fratres autem Christifideles Hierosolymitani è plebe sunt. Hi omnes literas suas ijs inscribunt, apud quos morbus erat natus. Morbum autem describentes dicunt, Sunt quidam è nobis egressi ceu à nobis missi, iubentes vos circumcidi & seruare legem. De qua re satis disputatum est paulò superius. Iam & doctores huius dogmatis perstringunt ac dicunt, Talibus nihil mandaueramus. Mentiti ergo fuerant quod ab Apostolis authoribus hoc dogma didicissent. Mentiuntur & hodie qui iustificationem multo vilioribus quam legalia fuerant, ascribunt. Augent præterea malum, imò deprimunt istorum institutum dicentes, *ἐταράξαν ὑμᾶς λόγῳ*, id est, conturbarunt (verwilt) vos verbis, id est, offitijs & imposturis, *ἐταράξαν ὑμᾶς τοὺς λόγους ὑμῶν* labefactantes animas vestras, id est, quibus adeo non extricarunt (quod Euangelicæ prædicationis est) animos vestros aut confirmarunt & erexerunt, vt magis deiecerint, intricarint ac excruciarint. Fides enim serenat conscientiam, Lex terreat. Huc videtur alluisse Paulus in principio epistolæ ad Galatas, dicens, Miror quod à Christo qui vos vocauit per gratiam tam cito transferamini in aliud Euangelium, quod non est aliud nisi quod quidam sunt qui turbant vos, & volunt interuere Euangelium Christi. Deinde vt pseudoapostolos perstrinxerant, ita nunc veros Apostolos Paulum & Barnabam (quorum gloriæ erronee derogabant) maxime commendant, imò & à constantia & fidelitate laudant, sicut illos ab inconstantia & mali studio vituperarant. Iunguntur his alij duo Iudas & Silas, ne Paulus & Barnabas soli viderentur victoriæ suæ præcones esse. Est autem hic insignis locus, quo commendatur Pauli Apostoli Apostolatus, cui & illud quoque maximum robur addit, quod Petrus, Ioannes & Iacobus, qui videbantur columnæ, dextras societatis dedere, Paulo, ceu fœdere sese coniungentes, & vnitatem fidei testantes. Tandem vero paucis verbis subiungunt quod voluit, quod nihil illis imponant oneris, nisi illud forsan cuiuspiam videatur onus, quod tamen multis nominibus sit necessarium, non modo propter religionem, sed & propter charitatem & concordiam, vt caueant sibi ab idolis & scortatione, & abstineant à suffocato & sanguine. Diuus Iohannes Chrysostomus, Et quare (ait) addit, Visum est Spiritui sancto & nobis, cum suffecisset dicere, Spiritui sancto? Ne putarent humanum aliquid esse. Ad quem modum & Beda scribit, placuit & nobis, non nostra solum voluntate, sed eiusdem spiritus instinctu.

Illi ergo dimissi venerunt Antiochiam, & congregata multitudo redderunt epistolam. Quam cum legissent, gauisi sunt super consolatione. Iudas autem & Silas cum essent & ipsi Prophetæ, sermone copioso adhortati sunt fratres, confirmaueruntq;. Commorati autem illic aliquantulum temporis, dimissi sunt cum pace à fratribus ad Apostolos. Visum est autem Silas manere ibidem.

Iam vero ne quid penitus deesset, exponit quomodo hæc victoria veritatis inter Gentes exposita multum gaudij ac securitatis pepererit omnibus. Prophetas autem vocauit Iudam & Silam, quod docendi officio essent perfecti. Dicuntur enim Prophetæ non modo illi qui futura prædicunt, sed & illi qui docent & sacrarum periti sunt, 1. Cor. 14. Et dimissi dicuntur, quibus facultas erat redeundi ad suos. Nam paulò post dicit Silam non abiisse. Hactenus vero dogma fidei Christianæ primum omnigenis confirmatum est testimonijs. Hoc autem est illud dogma, quod Christus Iesus Dei & Mariæ filius, solus omnia sit credentibus, & quod fide in eum iustificentur credentes, per gratiam ipsius, non per legem, merita, sacrificia, sacramenta, & externas obseruationes. Audiat hoc mundus & intelligat, CHRISTVS fidelibus OMNIA SOLVS EST. Si quis aliud prædicauerit, anathema, sit, etiam si multis Consilij, doctorum calculis, & diuturno vsu à plerisque obseruatum atque comprobatum sit. Hoc caput Actor. 15. quo tota syncerioris theologiæ summa compræhensa est, omnibus alijs præiudicat doctrinis. Neq; aliud inueniri potest quod firmitus sit. Si enim Consilij generalis temouet autoritas, si vetustas deletat, si Spiritus sancti credis inspirationi, si quid apud te valet Apostolorum dignitas & sacrosanctæ Ecclesiæ fides, si scripturas postulas, reuelationes petis, miracula exigis, sanctitatem, eruditionem, multitudinem, & sanctorum testimonia probas, si quid apud te tabulæ, instrumenta siue literæ valent, nihil horum est quod hic desiderare possis. Congregatur Ecclesia, adest Spiritus sanctus, scripturas habet Iacobus, reuelationem Petrus, miracula & prodigia Paulus, definiunt sancti, eruditi & probi viri, conseribuntur literæ, adduntur testes: breuiter, nihil omittitur, quod fidem veritati addere videbatur. Valeant ergo omnia omnium hominum consilia, scripta, ritus, consuetudines, & quicquid est quod cum huc nostris, hoc est Apostolicis testimonijs non consentit aut compugnat. Veritas est immortalis.

Summa & adhortatio vere religionis.

COMMENTARIORVM IN ACTA

APOSTOLORVM LIBER IIII.

PROOEMIUM.

IAM vero sequentis libri texendum est argumentum. In hoc complexi sumus peregrinationem quam vocant tertiam, hoc est, eam qua ab Antiochia digrediens comise Sila, non modo nobiles Asia & Græciæ vrbes peragrauit, sed & eas omnes reuisit vrbes, quas priore peregrinatione ad fidem conuerterat Christi. His enim perlustratis in Galatiam & Phrygiam se contulit, istis Euangelium prædicauit. Hic vero Ephesum proficisci deliberans, prohibetur ne in hac prædicet, ergo ad Bythinios iter instituit, sed ab his quoque reuelatione auocatus in Græciam secundis soluit ventis, & Neapolim quidem primo appulit, hinc Philippos iuit, sed virgis casus propter eiectionem à puella quadam Pythonis spiritum, Amphipolim deinde Apolloniam, inde vero Thessalonicam venit. Orto autem tumultu demissus est Bertheam, ab hac Athenas, atque hic cum diuersæ factionis disputans philosophis, demonstrauit, quantus ipse cum in diuinis tum prophætis vir fuerit. Ab Attica Corinthum venit, quam Cicero lumen totius Græciæ dixit, ibi rara diligentia Christum prædicat annum vnum & menses sex, tandem inuidia Iudaorum inde pulsus Hierosolymam abnauigat, ubi diem pentecostes peragit. Deinde iterum reuersus Antiochiam ex hac abiit in Galatiam & Phrygiam, tandem vero peragratis omnibus superioris Asia partibus deferretur Ephesum, atque ibi magna quadam patrat, & in maxima coniectus pericula ex insana liberatur seditione, quam & graphice descripsit Lucas. Nunc ad ipsam redimus historiam.

PAULUS vero & Barnabas demorabantur Antiochiæ, docentes, & annuntiantes cum alijs etiam compluribus sermonem Domini. Post aliquot autem dies dixit ad Barnabam Paulus: Reuertentes iam visitemus fratres nostros per omnes ciuitates, in quibus annuntiāuimus sermonem Domini, quomodo se habeant.

VL LIBI cessarunt sancti Apostoli, semper laborarunt in propaganda Dei veritate. Et quanquam alij quoque complures essent qui & ipsi sacros codices explanarent, & sacris cōcionibus inuigilarent, ipsi tamen non oriebantur. Laudatur & Pauli diligentia & omnibus proponitur Episcopis imitanda. Hæc enim sollicitudo decet Apostolicos ut ouium suarum salutem sic quærant, ut non grauentur eos inuisere, salubri doctrina reficere, consolari, errores & scelera, si quæ interim orta fuerint, tollere à medio. Scilicet hoc faciunt Episcopi nostri.

Barnabas autem consulebat, ut assumerent & Ioannem, cognomento Marcum. Paulus autem nolebat, ut is qui defecisset ab ipsis ex Pamphylia, nec isset cum eis in opus, adiungeretur. Tam acris autem fuit inter eos disceptatio, ut alter ab altero seiungeretur, & Barnabas quidē assumpto Marco nauigaret in Cyprium. Paulus vero allecto Sila profectus est, traditus gratiæ Dei à fratribus. Perambulabat autem Syriam ac Ciliciam, confirmās Ecclesias.

Maxima & propè diuina, non humana facta audiuius à Paulo ac Barnaba esse patrata: iam ne quis viros tantos nesciret esse homines, aut plus illis tribueret, quam ipsa religio postulat, finit eos hoc loco Dominus aliquid humani & infirmitatis pati. Infirmitatis enim humanæ erat, quod super re exigua, adeo contendebant, ut nimiam illam animi impotentiam vel gestu corporis, pallore scilicet & tremore proderent. Horrent enim ad paroxysmos corpora febricitantium. Et medico verbo usus est hoc loco Lucas. Id autem sapientissime à Deo dispositum erat, quod non propter doctrinam contendebant, sed propter homuncionem Marcum. Si enim doctrina apud principes Apostolos venisset in dubium, certe imbecillibus hoc maximam ambigendi de doctrina Evangelica suppeditaasset ansam. Contendunt ergo propter Ioannem Marcum, quem Paulus à ministro Evangelico & iner-

Diffensio Barnabæ & Pauli.

Actor. 15.

tem & timidum repellebat, Barnabas vero assumendum, ut non pœnitendę spei iuuenem suadebat. Neuter hic sua sententia cedere voluit: uterq; quod faciebat, pia cura fideq; faciebat. Dum autem qui uis in suo sensu abundat, distrahantur, nec sine maxima Euangelij & Ecclesiarum fruge. Nam dum Paulus allesto Sila in Syriam, Barnabas uero cum Marco suo in Cyprem abiret, latius propagabatur Euangelium. Et D. Ioan. Chrysost. in ea sententia fuit, ut crederet istam separationem diserte factam esse, & quod inter se dixerint, Quoniam ego non volo, nec tui vis, ne pugnemus: distribuamus provincias. Atq; ita quidem noluit Barnabam infringere quod Paulus ratum omnino uolebat: & rursus noluisse Paulum hostilius cum Barnaba confingere: itaq; utrumq; non gladiatorio, sed sui propofiti tenaciori animo discessisse. Addit mox, nostrum nō esse uter melius consuluerit pronunciare. At Beda magis inclinans ad Pauli partes, Quoniam (inquit) in ipsa aciei fronte constitutus Ioan. Marcus, nimis trepide steterat, merito cum Paulus abiicit, ne illius quasi contagione vires corrumperentur aliorum. At Barnabas interim neminem credidit esse abijciendū, de quo modo spes esset melioris frugis. Etenim lapsis deberi veniam tota clamitat scriptura. Et sane Paulus asperior erat, Barnabas multo mitior. Iā & in Prophetis videre est varios mores variasq; sententias. Erat enim Helias austerus, Moses uero mitis. Sed quid multis opus? Dominus ostendere uoluit istos fuisse homines. Deinde quam graui culpa ab illis peccetur, qui dum ad Euangelij munus asciscuntur, & prouinciam subeunt prædicandi uerbi Dei, repente hominum minis aut insidijs ita terrentur, ut vel loco cedant, vel ueritatem, pro hominum arbitrio, tractent. Postremo discimus ex hoc dissidio non protinus ueritatis doctrinam abijciendam esse, quantumuis inter se doctores nonnunquam dissentiant. At sciendum interim, quod in gratiam mutuam inter se iterum redierunt. Vides enim quod Barnabas postea multum à Paulo in Epistolis celebratur.

1. Cor. 9.

CAPUT XVI.

Peruenit autem Derben & Lystram, & ecce discipulus quidam erat ibi, nomine Timotheus, filius mulieris cuiusdam Iudææ fidelis, cæterum patre Græco. Huic testimonium bonum reddebant qui Lystris erant & Iconij fratres. Hunc uoluit Paulus secum proficisci, & assumptū circumcidit eum propter Iudæos qui erant in illis locis. Sciebant enim omnes quod pater eius erat Græcus.

Timotheus.



ELEGANTER Paraphrastes, Paulus (inquit) nihil aliud siticiens, quam per omnem occasionem indies latius proferrri regnum Euangelicum, undique uenabatur huic idoneos negotio, non aliter quam ambitiosi reges in hoc intenti, ut ditionis suę terminos proferrant, nihil magis habent curę, quam ut duces ac præfectos rebus gerendis aptos asciscant. Delectum ergo habet in diligendo. Nam ad hanc rem non quemlibet, sed eum recipiebat qui ab omnibus bonum habebat testimonium. Talem enim oportet esse episcopum, ne quis iure scelera & nephanda possit impingere flagitia, i. Timoth. tertio. Plurima autem extant & Pauli de hoc adulescente testimonia, maxime in secundo ad Philip. capite, & in utraque ad hunc eundem Timotheum epistola. Quod autem hunc circumcidit, & quam ob causam circumciderit, difficilis semper fuit apud eruditos disputatio: sed paucis hanc rem sic accipe, Paulus in Galatis capite quinto, Ecce ego (inquit) Paulus dico uobis, quod si circumcidamini, Christus nihil uobis proderit. Et mox, Quicunque per legem iustificamini, à gratia excidistis. Loquitur autem de ijs qui circumcisioni & legalibus iustitiis tangebant, & hætenus circumcidebantur ut iustificarentur. Itaq; circumcidit hoc loco Timotheum, cæterum hoc pacto, ut in eam nec Paulus confusus sit, nec planè Timotheus, proinde causam subdens Lucas, propter Iudæos eius loci circumcisum esse dicit. Hi enim patrē Timothei Græcum fuisse norant, cuius filium si incircumcisum in opus Euangelij Paulus deduxisset, offendi potuisset Iudæorum infirmitas, quod legalibus spretis palam fauere Paganismo uideretur, & procul dubio Euangelium prædicantē non audissent. Itaq; Iudæis nuper fidei doctrina erudiri cœptis tantisper in re per se innocua complacitū est, quod ad scientia sanæ doctrinę firmiores redderetur. Vnde & planissimis uerbis, Propter Iudæos (inquit) qui erāt in illis locis. Alio enim in loco, nēpe in Syria, Antiochiæ, & Hierosolymis Titum suum circumcidi passus non est. Quod doctrina ueritatis longè lateque iam intonuisset, & quod illi vrgerent circumcisionem ad salutem esse necessariam. Itaque in Tito exemplum perniciosissimi erroris admittere noluit. In Timotheo autem quoniam spes erat fore, ut sanam doctrinam reciperent Iudæi, circumcisionem nihil moratus est. Quo nimirū illud Chrysostom.

Paulus Timotheum circumcidit.

sofomi spectauit, Circumcidit, vt circumcisionem tolleret. Beda ad eundem penè modum exponit. Et Diui Hieronymi atque Augustini super hac re contentio notior est, quam multis sit refrendanda. Cæterum qui hoc exemplo quemuis errorem stabiliunt, aut animi vel pauorem, vel inconstantiam, vel hypocrisim obnubunt, in hoc errant, quod non expendunt quæ sit temporum & exemplorum virtus & charitatis ratio. Plurima fecerunt sancti impune, quæ si tu quoque facere pergas maxime peccaueris.

Cum autem pertransirent ciuitates, tradebant eis seruanda decreta, quæ erant ordinata ab Apostolis & presbyteris qui erant Hierosolymis. Itaq; Ecclesiæ confirmabantur fide, & abundabant numero quotidie.

Iterum commendat nobis quod Ecclesiæ in fide & confirmatæ fuerint & creuerint: vt videamus gratiam Dei ijs non deesse qui in veritate verbi eius ipsum vere requirunt. Quod autem Pontificij ex hoc loco apud imperitam plebem multa de Decretis Apostolicis garrunt, quasi Apostoli multa extra scripturarum decreuerint regulam, incitiam suam produnt, & quod hunc locum nondum recte intellexerunt, quod videlicet historicus de eo loquitur Decreto, quod Apostoli in superiori capite fanciuerunt. Nam Tradebant eis seruanda decreta, dixit pro eo quod est, Instituebant Gentibus secundum rationem eius decreti quod Hierosolymis communibus Ecclesiæ suffragijs conditum erat: nempe quod sola Christi gratia citra legis præsidium conferatur salus, & quod abstinendum sit Gentibus ab idolis, scortatione, suffocato & sanguine. Hoc possunt & Græcanica, quæ sic habent, *Παραδίδου αυτοῖς φυλάσσειν τὰ δόγματα, τὰ μικρὰ καὶ τὰ ἀποστόλων*, id est, tradebant ipsis seruanda dogmata, ipsa inquam iudicata siue decreta Apostolorum. Explicans enim quæ illa dogmata, hoc est, placita Apostolorum fuerint, nimirum quæ Hierosolymis iudicarent atque decreuerant.

Decreta Apostolorum.

Cum peragressent autem Phrygiam & Galaticam regionem, vetitiq; essent à Spiritu sancto loqui sermonem in Asia, profecti in Mysiam, tentabant ire in Bithyniam: & non permisit eos spiritus. Cum autem pertransissent Mysiam, descenderunt Troadem, & visio per noctem Paulo visa est. Vir Macedo quidam erat stans, & deprecans eum, ac dicens: Profectus in Macedoniam, succurre nobis. Vt autem visum vidit, statim quæsiuimus proficisci in Macedoniam, certi facti, quod vocasset nos Dominus ad Euangelizandum eis.

Lucas festinans ad res in Græcia gestas parcius ea delibat quæ in Phrygia & Galatia gessit. Sed quod hisce deest, sarcit epistola Galatis inscripta. In ea enim vniuersam omnis doctrinæ suæ rationem complexus est Paulus, vt Lucas parcius hac causa Galaticas res delibasse videri possit. Constat enim epistolam ad Galatas longo ante tempore æditam esse, quam hæc à Luca componerentur. Quin & eadem subinde ingerenda fuissent, si singulas Pauli quas apud quasvis Gentes habuit conciones ascribere voluisset. Contentus ergo vnam atque alteram recitasse, per reliqua succinctius agit. Iam quod in Asia (Asia autem nomine eam intelligimus quæ circa Ephesum maxime Æolis & Ionia est. Nam aliàs & Phrygia & Galatia in minore erant Asia) vetiti sunt loqui sermonem Dei, non alia causa factum est, quam quod in Græciâ vocandi erant. Alij aliud opinantur. Verum sententiâ nostrâ confirmat quod sequitur, Vt visum vidit Paulus, quæsiuimus proficisci in Macedoniâ certi facti quod vocasset nos Dominus ad Euangelizandum eis: vbi Chrysostomus monet *συμβολίζοντες* significare coniecturantes (quod interpres noster vertit, Certi facti) quasi ex multis argumentis & maxime eo, quod ab Asia, id est, Epheso erant abstracti, & quod in terminis (Troas enim maritima Asiæ ciuitas est, spectans Græciam) constituti, præterea & visione edocti, collegerint quod vocarentur in Macedoniam, causamq; inde intellexerint cur hætenus ab his fuerint abstracti regionibus ne prædicarent. Locus tamen hinc communis ducitur, quod à Deo mittuntur veritatis prædicatores: & quod maxima reuerentia & gratitudine amplectenda est veritas. Nam prædicatores veri carere, non minima est infelicitas. Quod visionem attinet, non est quod multis hic disputemus, cum de hac nonnihil annotauerimus in capite 10. Breuiter, Spiritus Domini qui Apostolos ab Asia prohibuit, is visione exhibita, in Macedoniam proficiscendum esse docuit. Siue iâ spiritus vocabulo occultam vim Dei agentem in pectoribus suorum siue angelum Domini intelligas, perinde est. Nam in 8. capite Lucas eundem spiritum, vocat & angelum. Cæterum in hoc reuelationis genere prudentia maxime requiritur, qua probemus spiritus num ex Deo sint. Certum est enim id genus spectris non mi-

Galatæ.

Vocatio à Deo est.

Reuelatio.

nus illudere mortalibus dæmones, quam alijs miraculis, vt iuxta vtroque falli contingat. Annotandum fortassis & illud quod sancti Dei non propria virtute nobis succurrunt, sed prædicatione veritatis. Veritate ergo sanamur.

Cum soluissemus igitur à Troade, recto cursu venimus Samothracen, & postero die Neapolim, & inde Philippos, quæ est prima partis Macedonia ciuitas, colonia.

Dirigit enim Dominus viam tuam, si ieris qua ille vocarit. Et nauigationis felicitas magno erat argumento, visionem cœlitus esse immissam, & felicissime cessuram. Quæ enim Domini auspicijs incipimus feliciter quoque finimus.

Eramus autem in eadem vrbe diebus aliquot commorantes, & die sabbatorum egressi sumus è ciuitate iuxta flumen vbi solebat esse precatio, et sedentes loquebamur mulieribus quæ conuenerant.

Hic iam describit quædam Philippis gesta, nec omnia, sed peculiaria tantum, nempe quomodo Lydiam conuerterit, spiritum Pythonis expulerit, & virgis cæsus maleque tractatus Amphipolim concesserit. Non ascribit quid prædicarit. Hoc enim iam satis liquet ex superioribus & epistolis suis: occasionem vero prædicandi prudenter quæsitâ innuit cum temporis & loci meminit, nempe quod sabbatorum die è ciuitate egressi in locum, qui erat extra portas, vicinus fluuii, vbi solebat esse precatio, id est, vbi diuis suus persoluebatur honor. Apostolicæ enim sedulitatis est, omnem occasionem arripere prædicandi verbi Dei. Non autem verisimile est Philippis aliam quam Gentilitiam cultam esse religionem. Habuerunt ergo & Gentes suas ferias & dies festiuos, quos hic sabbatorum nomine appellat. Deinde vero ex 14. cap. liquet, quod templa extra urbem habuerunt. Rursum creditum est ab illis, & nemoribus & fluminibus quiddam inesse Dei. Ad flumina igitur purgabantur, iuxta illa oferebant preces suas: in nemora se conferebant religionis gratia, in ijs sacrificabant. Istius clarissima indicia sunt apud Maronem Æneid. 8. Hæc itaq; innuit Lucas fluuij mentionem faciens.

Ad flumen fic-
bant preces.

Et quædam mulier nomine Lydia, purpurarum venditrix ciuitatis Thyatirorum, colens Deum, audiuit, cuius Dominus aperuit cor, vt intenderet his quæ dicebantur à Paulo. Cum autem baptizata esset & domus eius, deprecata est, dicens: Si iudicassit me fidelem Domino esse, introite in domum meam & manete: & adegit nos.

Lydia vocatur
ad fidelem.

Otium & ne-
gotium.

Domus.

Peculiare exemplum est de muliere ad gratiam Euangelicam vocata, vt & illud est quod de Samaritide recensuit Ioannes in 4. ne quis putaret feminas à salute Euangelica exclusas. Porro nomen illi à regione vnde oriunda erat, datum videtur. Et Thyatira in Lydia sunt infra confluentem Pactoli & Hermi clarissimorum amnium sita: à quibus Thyatireni populi dicuntur libro 5. capite 30. Notatur & negotiatio eius, quod fuerit πορφυρέπαις, id est, purpurarum venditrix, à nomine πορφυρά purpura & πωλείν vendere. Negotiatio ergo per se quidem non est mala. Otium & inertia malum est: ceterum imposturam immiscere negotiationi id demum malum est. Non peccant qui mercantur, sed qui mercatura fratres circumueniunt. De purpura pluribus Lazarus Bayfius in 3. ca. Comment. de re vestiaria, scripsit, quo loco & illud ex Budæo affirmat, Purpuræ vsum nobis esse ignotum. Et dubium est cruorem siue colorem ne illa, an lanam tinctam, an vestem vendiderit. Quod autem religiosa fuisse dicitur, perinde intelligendum est, vt de Cornelio disputatum est. Aderat enim veræ religionis sensus, sed modus ignorabatur: protinus ergo atque Paulus prædicationem Euangelij auspicatur, intelligit illa hanc illam ipsam esse religionis rationem quam hætenus desiderauit. Deus ergo qui sui sensum, & scintillam veræ pietatis in pectus abdiderat mulieris, illud ipsum pectus iam aperit, afflatus Sancti spiritus immittit, & maximum veræ fidei incendium in hoc excitat, adeo vt & se & domum suam baptismatis symbolo astringeret Deo. Id enim & veteri religione obseruatum est, vt paternæ religioni consecraretur tota domus. Legimus & Abrahamum & vniuersam domum eius Deo & veræ pietati per circumcisionem esse subditos. Domus autem nomine ipsam intelligimus familiam, in primis vero liberos & nepotes. Ita enim inuitis omnibus Catapultis ipse Paulus domus significationem exponit in 1. ad Timoth. capite quinto. Constat ergo pueros etiam ab Apostolis fuisse baptizatos. Sed de hac re alibi. Postremo collaudat mulierculæ Lydiae gratitudinem &

nem & hospitalitatem, qua illa operibus charitatis & fidei fructibus se fidelem esse testari volebat, atq; rependere quod multo maioribus ditata esset beneficijs. De hoc in 1. ad Cor 9. Quod autem adgit eos, non ita intelligendum est, quod inciuilius aut importunius quicquam cœperit, sed notatur Pauli modestia, qui magnopere curabat, ne cui ob conuictum & domesticas expensas molestus esset, maxime quod nunquam non bonorum virorum sodalities (in quo & Lucam historicum nostrum fuisse credimus) stipatus, non poterat modicis nutriri expensis. Illa igitur quod opulenta esset, adigit ipsos (nōtetur s̄y) hoc est, constantius vrget, vt oblato fruantur hospitio.

Accidit autem euntibus nobis ad præcationem, vt puella quædam habens spiritum Pythonis, occurreret nobis, quæ quæstum magnum præstabat dominis suis diuinando. Hæc sequuta Paulum ac nos, clamabat, dicens: Isti homines serui Dei excelsissimi sunt, qui annuntiant nobis viam salutis. Hoc autem faciebat multos dies. Sed ægreferens Paulus, & conuersus, spiritui dixit: Præcipio tibi per nomen Iesu Christi, vt ex eas ab ea. Et exiit eadem hora.

Quemadmodum in 13. fraudes dæmonis derexit Paulus, ita hoc quoque loco hominibus impotentem expellit. Nam veri doctoris est, non modo veritati ferre testimonium, sed & imposturam & impietatem omnem prodere atque proculcare. Posteaquam ergo aliquandiu pietatem doctrinā veritatis esset professus, nunc etiam dæmonis artes derexit atq; expugnat. Nam spiritus Pythonis aliud non erat quam virtus, hoc est impostura dæmonis. Damnatur hic spiritus in scripturis sanctis Leuit. 20. Deut. 18. 1. Reg. 28. & Isa. 8. Intelligimus autem vaticinium siue veridicum, aut diuinantem spiritum: quales erant qui à veteribus consulti, responsis & oraculis imponebant, interim etiam veracantes. Nomen autem sortitus est ab Apolline Pythio, quod in eius delubris frequentia proderentur oracula, adeo vt nunc Apollinis spiritus, aut κατ' ἀπονομασίαν Pythius, siue Pythonicus spiritus ponatur pro oraculo, aut spiritu diuinante. Cæterum ipse Apollo Pythius dictus est à serpente, quem, vt Græci fabulantur, sagittis confecit. Alij sic cognominatum volunt ἀπὸ τοῦ πυθῶνος à consultatione occultorum: quibus tamē reclamatione Macrobius in 1. Satur. lib. ca. 17. L. Cælius Lect. an. lib. 9. cap. 19. magis superiorem videtur comprobare sententiam, dicit enim, Pytheum dicebatur oraculi locus. Nam Sparthæ Pythios inuenio nuncupatos, qui Delphos ad consultanda oracula mittebantur. Suidas πύθια exponit per ἰγγασίμους. Quales autem illæ mulieres sint, exemplo quodam tradit Cælius in 5. cap. 10. Plura quoque de hoc disputauit Vadianus noster in Epitome sua, vbi describit Phamphyliam. Ceterū hoc diuinandi genus & hic vaticinandi spiritus non modo proscribitur à scriptoribus sacris & canonicis decretis, sed à prophanis quoq; authoribus. Siquidem Plutarchus in commentatione, quæ est, Cur oracula defecerint, Fatuum (iquit) ac omnino puerile censendum est, arbitrari Deum ipsum, perinde ac Engastrimythos olim Eurycleas, nunc vero Pythonas nuncupatos, insinuantem se Prophetarum corporibus, ore illorum eloqui. Et Phauorinus apud Gellium in 14. cap. 1. de terrere volens & depellere adolefcētes ab ijs qui prodigijs artibus futura omnia dicturos pollicentur, nullo pacto adeundos esse consulendosq; huiusmodi argumentis concludebat, Aut aduersa euentura prædicunt, aut prospera. Si dicunt prospera, & fallunt, miser fies frustra expectando. Si aduersa dicunt, & mentiuntur, miser fies frustra timendo. Si vera respondent, eaq; sunt non prospera, iam inde ex animo miser fies, antequam à fato fias. Si felicia promittunt, eaq; euentura sunt tum plane duo erunt incommoda, & expectatio te spei suspensum fatigabit, & futurum gaudij fructum spes tibi iam deflorauerit. Nullo igitur pacto vtendum est istiusmodi hominibus res futuras præfagientibus. Plurima quoque alia huius generis apud eundem legas. Quod autem malus ille & omnis salutis nostræ hostis agerrimus bonum testimonium Apostolis dat. Apostoli verò nequaquam recipiunt, monet ne fucis & phaleratis dæmonum credamus verbis. Transformant illi se in angelos lucis, sed hoc ipso superstitioni suæ robur, atq; latebras quærunt. Dissimulant aliquodsq; prudenter, vt deinceps oblata occasione magis ferociant. Nihil ergo efficiunt qui supersticiosos exorcismos, & id genus præstigias, characteribus, & augustis ac plus quam diuinis nominibus benedictionibusq; compositas, hoc argumento tuentur, quod nihil nisi optimaquæq; verba recitentur. Quasi vero ignoremus maxima detrimenta semper ex optimarū rerū abusu pullulasse. Id vero in primis obseruandum est, quod Paulus laudes commendationemq; illius mali non modo non fert, sed maximo affectus tædio indignanter repellit. Hoc enim instituimur, ne aures adulatoribus, aut malis hominibus, quantumuis suauia canant, accommodemus, imò istorum assentationes maxima indignatione repellamus.

Dæmon expellitur.

De spiritu Pythonis.

Alia est dea Pytho apud Politanum Miscel. cap. 91.

Elegans Phauorini sententia contra veridicos.

Mar. 1.

Videntes autem Domini eius, quod abisset spes quæstus sui, apprehensum Paulum ac Silam, traxerunt in forum ad principes, & offerentes eos magistratibus, dixerunt: Hi homines conturbant civitatem nostram, quum sint Iudæi, & annunciant instituta, quæ non licet nobis suscipere, neque servare quum simus Romani.

*His adde.
1. Timot. 6.*

*Conuitia in ve-
ritatem.*

*Rom. lex de
dijs peregrinis*

*Scripturæ (de
iunt) nullæ es-
sent, nisi confir-
mas-
sent.*

Qui prius dissimularat ingenium suum nunc in ijs exerit, quorum opera Apostolos insequitur, Hos avaritia incitat. Avaritia enim lætalis aculeus est, quo qui punguntur velut infernali æstro perciti, non iam insaniunt, sed furiantur etiam aduersus istos qui quæstui suo videntur aduersari. Id quod vel hodie in omni hominum genere cernas fieri. Sacrifici, nobiles, mercatores, milites, adulteri & monopolæ, hoc tantum nomine Euangelium odiunt, & ministros verbi execrantur, quod suis timent compendijs. Verum aliud prætexunt avaritiæ suæ, religionem videlicet, æquitatem, pacem publicam. Adijciunt præterea doctrinam istam & seditiosam esse, & à nouis quibusdam exegitatem hominibus. Ita & in præsentiarum ministri satanæ aliud avaritiæ suæ prætexunt & clamant: Hi homines conturbant civitatem nostram. Cōtemptim autem efferunt, Hi homines, quasi quis nostrum dicat, *Sie har verlossien Büben vnd Fäßer.* Subijciunt enim Iudæos esse. Horum enim nomen iam tum odiosum esse Romæ cœperat, & fortassis Claudij edicto, de quo in 18. audiemus, vrbe expulsi erant. Iam quod turbarum authores dixissent, hoc comprobant, quod doceant, id est, mores consuetudines siue instituta, quæ cum Romanis pugnent Legibus. Hic verius dixissent, quæ cum avaris nostris pugnant moribus. Sed Leges Romanas malunt, quod has violare, piaculare esset. Tradunt autem historiæ vetus Legum Romanorum fuisse decretum, ne quis Deus ab Imperatore consecraretur, nisi à Senatu probaretur. Cuius rei Tertullianus in Apologet. aduersus Gentes cap. 5. meminit. Ælius quoque Lampridius in vita Alexandri Seueri, tradit Seuerum Christo templum facere voluisse, quod & Adrianus cogitasse fertur, sed prohibitum ab ijs, qui sacra consulentes repperant, omnes Christianos futuros, si id optato euenisset, & reliqua templa deferenda. Sed & Tiberium imperatorem Tertullianus refert veritatem diuinitatis Christi ex Syria Palæstinaque annunciatam, reuelasse, atque ad Senatum cum prærogatiua suffragij sui detulisse, Senatum autem quia non probauerat respuisse. Quod igitur vrbi moris fuit ex lege, hoc sibi Colonia hoc in loco vendicat, quod à populo Romano deducta esset. Nam ea de causa se Romanos esse iactant. Sed ô impia miseraque mortalium consilia, quæ diuinitatem vel à dæmonum responsis, vel ab hominum arbitratu æstimaunt, quibus sanè Deus & religio non placet, nisi prius hominum testimonijs probatus sit. Similia his sunt & illorum consilia, qui hodie indubitatis, hoc est, canonicis scripturis anteposunt quorundam episcoporum placita, & Consiliorum decreta: aut qui ipsam etiam Euangelicæ fidem & sacrosancta Christi & Apostolorum dōgmata vilipenderent, nisi hominum accessisset comprobatio. Sed hæc est carnis nostræ temeritas atque stultitia.

Et cucurrit turba aduersus eos, ac magistratus, scissis vestibus suis, iusserunt eos virgis cedi. Cumque multas plagas eis imposuissent, coniecerunt eos in carcerem, præcipientes custodi carceris, vt diligenter custodiret eos: qui cum tale præceptum accepisset, coniecit eos in interiorem carcerem, & pedes eorum strinxit lingno.

*Ceduntur A-
postoli.*

Sæuit ignobile vulgus, mendacijs impostorum persuasum: & magistratus ipse, cuius erat sæuientes committigare prudentia & veri iustique moderamine regere, vel superstitione cæcatus, vel pauore attonitus tumultuantis populi, innoxios cædit. Cum reuera cccusatores cædendi fuerant, Apostoli vero ob collatum beneficium coronandi. Sed beneficia à mundo pro maleficis puniuntur, maleficia autem coluntur pro beneficijs. Est enim mundi iudicium plane præposterum. Id quod & Christus prædixerat Matthæi 23. & Ioan. 15. & 16. Quod autem tanta exaggeratione vincula extulit, propter liberationis gloriam tyrannidisque imbecillitatem deformandam, fecit. Sequitur enim mirabilis & inexpectata liberatio.

Media autem nocte Paulus & Silas orantes, laudabant Deum. Exaudiebant autem eos qui vincti erant. Subito verò terræmotus factus est magnus, ita vt concuterentur fundamēta carceris. Et statim aperta sunt omnia ostia, & omnium vincula soluta sunt.

Orant

Orant Apostoli in medijs tentationum fluctibus. Audit autem orantes Dominus, qui se suis nunquam defuturum fore sanctè promiserat. Igitur tyrannorum infringens potentiam mirabiliter suos liberat, nō iam per angelum secreto illos educens, sed veluti iratus, fundamenta carceris concutiens. Ita enim declarabat se terræ potentem, & omnium rerum esse Dominum. Ita & carceris custodem ad fidem sanam, velut materia ampliora cogitandi proposita, vocabat. Siquidem terræ motus hic & Apostolorum salus & salutis carcerarij quædam erat occasio. Beda ex hoc loco colligit maximam esse iustæ orationis virtutem. De quo dictum est in capite 4. Chrysostomus verò noctes nostras ad illam conferens Apostolicam, mire inuehitur in inertiam ac somnolentiam nostram. In his enim (inquit) nihil nisi conuiuia, ebrietates & libidines. In his & vigilæ somno molestiores. Vigilant enim alij, sed auri cura excitati, inuidia & vindictæ cupiditate expergefati. Non ergo nō orant, sed vigilantes pessima quæq; meditantur.

*Auxilium Dei
presensissimū.*

Inertia nostra.

Experrectus autem custos carceris, quū videret ianuas apertas carceris euaginato gladio erat seipsum interfector, existimans aufugisse vincos. Clamauit autem Paulus voce magna, dicens: Ne quid feceris tibi ipsi mali, vniuersi enim hic sumus.

Parabat sibi necem carcerarius. Maluit enim ipse sibi necem semel consciscere, quā post multa tormenta per carnificem occidi. At Euangelij præco Paulus à crudeli instituto reuocat miserum. Euangelium enim vitam & gaudium nuntiat, miseria & desperatione liberat. Qui ergo Euangelium nesciunt, ad desperationem proniores & miseriæ multo magis obnoxij sunt, quantaui interim prudentia carnis polleant.

Cōsolatio euangelij.

Postulatoq; lumine, irrupit, ac tremefactus accidit Paulo & Silæ ad pedes, & productis illis foras, ait: Domini, quid me oportet facere, vt saluus siam? At illi dixerunt: Crede in dominū Iesum, & saluus eris tu & domus tua. Et loquuti sunt ei sermonem domini, & omnibus qui erant in domo eius.

Hinc colligimus omnia opera Domini plena esse sapientiæ beneficentiæq;. Vnico enim terræ motu & Apostolos liberauit, & sensum aliquem religionis pectori indidit carcerarij, vt de vera iustificatione quæstionem moueret. Sentiens enim diuinum virtutem adesse illis, qui doctrinam salutis pollicebantur, de salute sciscitatur & ait, Domini quid me oportet facere, vt saluus siam? Hic nihil aliud respondent Apostoli, quā, Crede in Dominum Iesum, & saluus eris tu & domus tua. Vera ergo religio & ratio consequendi salutem certissima, non subsistit in creaturarū cultu, ceremoniarum obseruatione & traditionibus humanis, sed vera in Christum fide. Hoc ipsum testis est ipse Dominus apud Ioan. in 14. cap. & Ioan. in 1. Canic. cap. 5. Petrus quoq; Acto. 2. cap. Item Propheta Dauid in Psalm. 14. & Paulus ad Heb. 11. & ad Rom. 3. cap. Seducunt argo mundum qui per alia quā per fidem in Christum salutem pollicentur hominibus. Iam quod præterea loquuti referuntur verbum Domini, innuit quod copiosiori sermone negotiū Christi exposuerint Gentilibus, sed non alio modo aliāue ratione quā supra in 10. 13. & 14. cap. est expositum.

Via salutis certissima.

Et assumptis illis in illa hora noctis, abluit plagas, & baptizatus est ipse & omnes domestici illius continuo. Quumq; perduxisset eos in domum suam, apposuit eis mensam, & exultauit, quod cum vniuersa domo sua credidisset Deo.

Ex fide iustitia est, non ex operibus, quæ vtrò tamen illa profert, vbi vera sinceraq; esse cœperit, & quāuis proferat, non tamē ostentat, sed oculatior est in illa quæ defunt, quā quæ adsunt, ideo quæ fidelis Christo suis velut neglectis, & pro nihilo æstimatis, sese confidenter in sinum ingerit misericordiæ & beneficentiæ Dei. Sed de operibus vt sponte proueniant hic exemplum habes. Vbi enim carceris custos credidit, baptismum non contempsit, plagas & vibices vapulantium, id est, percussorum seruorum Dei absterfit, in domum suam illos perduxit, mensam apposuit, atq; hæc omnia exultans peregit. Iterum autem meminit scriptura domus, hoc est, familiæ. De quo dictum in superioribus. Porro quod nostra lectio habet, Et exultauit quod cum vniuersa domo sua credidisset Deo. Græcè sic habet, *ἔχρησεν τῷ οἴκῳ αὐτοῦ ἡ πίστις τοῦ θεοῦ*. Quod vetus interpres magis propriè videtur exposuisse, nempe, Et exultauit cum omni domo sua, credens Deo. Eam interpretationem imitatus est & Germanus interpres. Est qui putat commodius esse, vt *αὐτοῖς* referatur ad participium proxime sequens *πιστεύοντες*. Cæterum magis probatur mihi vetus interpretatio, quæ *αὐτοῖς* retulit ad verbū præcedens. Est autem *αὐτοῖς* congregandi aduerbiū, quod non possumus unico verbo exprimere. Nam

*Bona opéra
ex fide.*

καταστὰς ἀνὰ πύλιν dicuntur, qui funditus pereunt, nullo prorsus ex omnibus relicto. Dicitur ergo hic carcerarius latus esse *καταστὰς*, id est, cum omni domo sua nemine prorsus excepto. Causa subditur, Cre- dens Deo, id est, quod Deo credidisset, & iam cum omni domo sua recenseretur numero populi Dei.

Et cum dies ortus esset, miserunt magistratus viatores, dicētes: Dimitte homines illos. Nunciauit autē custos carceris sermones hos Paulo: miserūt magistratus vt dimittamini. Nunc igitur exeuntes, ite in pace. Paulus autē dixit eis: Casos nos publicē, indicta causa, quū simus Romani, coniecerunt in carcerem, & nunc occultē nos eijciunt. Non profecto, sed veniant ipsi, ac nos educant. Nunciauerunt autē magistratibus viatores verba hæc: timue- rūtq; audito quod Romani essent, & veniētes deprecāti sunt eos: & educōs rogabant, vt egrederentur ē ciuitate. Egressi autem ē carcere, introierunt ad Lydiā, & viliis fratribus, consolati sunt eos, & profecti sunt.

Patientia iuncta prudentia.

Paulus ciuis Romanus.

Privilegium ciuium Roma.

Nulla hic malitia peccant Apostoli, neq; patientiæ virtutis summæ laudem impatientia deper- dunt, sed suæ authoritati volebant consultum. Metuentes enim ne flagra & vincula recenter conuer- sos offenderent, neue sermo Dei despectui foret, veluti falsa essent & digna flagris quæ Paulus do- cuisset, munus temporarium, nempe ciuitatis Romanæ, per occasionem conuertunt ad gloriam & defensionem verbi Dei. Neque id sanè temere, coram his præsertim qui contra leges, furientis po- puli clamoribus obsecuri, Romanum ciuem secus tractarant, quàm æquitas permitteret. Quin & malitia, siue versutia huic inerat lenitati Senatoriæ. Sui enim consulentes authoritati, & Apostolicæ grauantes innocentiam, postulant vt quasi sibi male cōscij Apostoli & ē carcere elapsi, sese protinus subducant clanculo. Proinde magna grauitate subdit, Non ita fieri sed veniant ipsi, & iure iubeant a- bire ē carcere quos iniuria in carcerem coniecerunt. Nam Erasmus in Annotationibus, Paulō ante (ait) occultē nos eijciunt, erat *ἐκβαλλουσιν*, hic diuersum est verbum *ἐκπαγλίσουσιν*, id est, educant. Nam il- lud conueniebat clam extrudendis, hoc conuenit palām educendis non sine satisfactione. Vnde nos conijcere possumus errare illos turpissimè, qui ita loquuntur de Patientia Christiana, quasi illa quid uis perferat citraque prudentiam omnia dissimulet, suscipiat & permittat. Sed de hac copiosius for- san disputabimus in Cap. 23. Nunc quod Paulus se Romanum vocat, qui ē Tarso Ciliciæ oriundus erat, intelligimus Tarsenses ciuitati donatos fuisse. Hoc siquidem beneficiæ genere in exteris v- tebantur Romani, si qui ob fortia facta aut alia beneficia digni ciuitati iudicati essent. Iam verò Fu- blius Valerius Publicola vir optimus, legem Romæ tulit, vt nulli magistratui liceret corpus Romani ciuis, indicta causā condemnare, liceretque damnatis ad populum prouocare. Meminit huius Le- gis libro 2. ab vrbe condita T. Liuius, & in libello suo de Legibus Pomponius Letus. Multo igitur minus in vrbe colonia, quæ legibus institutisq; Romanis viueret, Romanum ciuem indicta causā virgis cædi licebat. Nam M. Cicero Aëtionum in Verrem lib. 7. Orat. 10. Retineri enim putatis (ait) oportere iura libertatis non modo hic, vbi Tribuni plebis sunt, vbi cæteri magistratus, vbi plenum forum iudiciorum, vbi Senatus authoritas, vbi existimatio populi Romani, & frequentia, sed vbi- cunque terrarum & gentium violatum ius ciuium Romanorum sit, statutis id pertinere ad com- munem causam libertatis & dignitatis. Et paulò post exaggerans crudelia Verris iudicia, Cernices in carcere (inquit) frangebantur indignissimè ciuium Romanorum, vt etiam illa vox & illa implo- ratio, Ciuis Romanus sum, quæ sæpe multis, in vltimis terris, opem inter Barbaros & salutem tulit, ea mortem illis acerbiorē & supplicium maturius ferrer. Hinc audimus Magistratum quoque Phi- lippensē ad hanc vocem, Romani sumus, maximè expauisse, deprecatosque fuisse, vt ignoscerent Apostoli quod per populi tumultum præter ius & phas factum esset: imò honoris gratia deducētes eos ē carcere rogabant, vt ob tumultum populi vitandum, secederent ex vrbe Philippen- si. His au- tem precibus, quia iam satisfactum esset authoritati Apostolicæ, & fidei iacta fundamenta, obtem- perant Apostoli, salutataque Lydia & reliquis fratribus in fide confirmatis, Amphipolim contē- dunt. Porro *ἰασηδίνους*, quod interpretes noster viatores vertit, lictores vocauit, qui ita à virgis gestandis sunt cognominati. Solent enim magistratus ministri, per quos quid velint denuntiant, virgas gestare. De quibus plura Lo. Cælius lect. Antiq. libro 4. capite. 29.

CAPVT XVII.

CUm autem iter fecissent per Amphipolim & Apolloniam, venerunt Thessalonicā, vbi erat synagoga Iudeorum. Secundum consuetudinē autem suam Paulus introiuit ad eos, & per sabbata tria differebat eis ēscripturis, adaperiens & allegans, quod Christum oportuisset pati, & resurgere a mortuis; & quod hic esset Christus Iesus, quē ego, inquit, annuncio vobis.

MINORES ciuitates transeunt, ad maiores festinant, vnde quasi ex fontibus quibusdam in vicinas deriuaretur sermo. Thessalonica autem metropolis erat Macedonię, vbi & propter hominum frequentiam erat Synagoga Iudeorum. In hanc pro more suo (quo Iudeis primo prędicabat Christū) ingressus, negotium pietatis diligenter tractauit. Fons autem disputationis Paulinę erat scriptura. Materia dicendi Christus. Scripturas ergo illustrabat collato lumine Christo. Ex iisdem comprobabat quę de Christo prędicabat. Loci autē disputationis hi erant. Quod Iesus quem ipse iam prędicaret, verus esset Messias, Quod Christum prędixerint Prophetę passurum & resuscitandum. Hic ergo demonstrabat quomodo Iesus Christus passus esset, & quomodo a mortuis resurrexisset. Proinde eundem Christum, & eodem modo prędicauit Thessalonicen. Paulus, quomodo prędicatum audiuius Antiochenis in cap. 13. Verē enim dixit Chrysostomus, Summam dixit sermonum, alienus ab omni superfluitate, non vbiq; conciones totas dicendo.

*Disputationes
Pauli quales.*

Et quidam ex eis crediderunt, & adiuncti sunt Paulo & Silę, & religio-
rum Gręcorum multitudo magna, mulieresq; primarię non paucę. Ze-
lo autem commoti Iudęi increduli, & assumptis quibusdam circumforaneis
viris malis, ac turba coacta, concitauerunt ciuitatem, & urgentes domum
Iasonis, quærebant eos producere ad populum.

Id quod supra sæpe audiuius, iterum hoc loco ingeritur. Euangelium alijs suauem odorem vi-
tę ad vitam esse, alijs factorem mortis ad mortem. Et in Catalogo fidelium recensentur viri religiosi
atq; mulieres primarię, ne quis subinde obijceret, Euangelio nullos nisi novos quosdam ignotos &
nullius dignitatis vel ordinis homines, adhærere, quod in Euangelio Ioannis in calumniam rapiunt
Pharisęi. Cæterum in Catalogo persequentium primas tenent hypocritę, proximas circumforanei
homines. Iudęi autem erant illi hypocritę. Nam zelo nō bono, sed supersticioso mouebantur ad tu-
multū. Siquidem ad Rom. 10. cap. duplicis zeli meminit Apostolus. Paria de tumultibus a Iudęis ex-
citatis audiuius in cap. 13. & 14. Porro ne quis illud ignoret, Circumforaneos Latini appellant, ho-
mines in foro oberrantes, & tempus inaniter conterentes, imō empirios nebulones, viles ac circu-
latores. *Müssiggångig / schlüנגginen vnd seil öd buben.* Nam Gręcę est *ἀγοραῖος*. Oportebat au-
tem & hic vetus compleri proverbium, Semper similem Deus ducit ad similem. Et sanē non habet
Euangelium maiores hostes, quā illos quibus vel impietas vel hypocrisis cordi est, vel quibus ani-
ma obolo venalis est, quicq; inertia & inhonesto otio ad inopiam redacti, nunc quidem optimorum
hominum inbiant facultatibus. Tales enim ad seditiones excitandas, & veritatem opprimendam
sunt apostitissimi. Tales hic quoque in Iasonis viri optimi ædes irruere vides, sed non assequi quod
volebant.

*Non abiectos
tantum hærere
Christo.*

Et cum non inuenissent eos, trahebant Iasonem, & quosdam fratres ad
principes ciuitatis, clamantes: Hi qui terrarum orbem conturbauerunt, huc
quoq; venerunt, quos clanculum excepit Iason: & hi omnes contra decreta
Cæsaris faciunt, regem aliū dicentes esse Iesum. Concitauerunt autem tur-
bam, & magistratus ciuitatis, audientes hæc. Et accepta satisfaciēne ab Iaso-
ne, & a cæteris, dimiserunt eos.

Cum (inquit) non inuenissent Apostolos, ne nihil egisse viderentur, hospitem Apostolorum &
alios viros bonos contra fas & ius comprehendunt & ad principes ciuitatis protrahunt, veterem ca-
nentes cantilenam, Apostolos communem rerum statum conturbare, nouum dogma docere. Cum
reuera illi ipsi seditionū essent authores, non Apostoli, sed & peregrini dogmatis assertores. Et calum-
nia erat quod de nouo rege inducebant. Abutebantur enim regis & regni nomine. Nam Euange-

lium non tollit magistratum. Sed ne ipse quidem Christus rex terrenus est, sed cœlestis est. De quo apud Ioannem in 18. Duo autem in primis ex hoc loco discenda sunt. Primum, qui sint seditionum authores. Secundum, quod hostes veritatis ipsam veritatem ab initio humanis impugnarunt decretis. Cæterum tantum potuerunt apud Senatum & plebem calumnijs, vt prorsus commouerentur omnes. At vbi Iason, cæteri que fratres satis idoneam attulissent excusationem, dimissi sunt à magistratibus. Quamquam per Satisfactionem sufficientem cautionem & velut vadimonium magis significare videtur, quàm apologiam. Vades enim Latinis dicti sunt, qui pro alio alijsue spondebant, vt si in ius vocarentur sese sisterent. Atque in hanc sententiam exposuit & Budæus in Comment. Linguae Græcæ, dicens: Actuum Apostolorum cap. 17. *ἰκανὸν λαμβάνειν* dicitur fidei iussores in eam spon-
sionem exigere & accipere, Latınorum vtique more dictum, qui satis accipere dicunt. *καὶ λαβόντες τὸ ἰκανὸν παρὰ τοῦ Ἰάσονος καὶ τῶν λοιπῶν, ἀπέλυσαν αὐτούς.* Et cum satis accepissent ab Iasone & ab alijs iudicio sistendi spon-
sionis, ipsos abire iusserunt, &c. Liberavit ergo illos ex omnibus periculis Dominus, sed non citra periculum & animi dolorem.

Obscura in-
terpretatio.

Fratres verò confestim per noctem emisunt Paulum simul & Silam in Berrhœam. Qui cum aduenissent, abierunt in synagogam Iudæorum. Hi autem erant summo genere nati inter eos qui erant Thessalonicæ, qui receperant sermonem cum omni animi promptitudine, quotidie scrutantes scripturas, an hæc ita se haberent. Et multi quidem crediderunt ex eis, & Græcæ mulieres honestæ, & viri non pauci.

Fuga Pauli.

Non metu villo fugit iterum Paulus aut vitæ amore, sed propter ministerij fructum vberiore, ad quem his modis seruauit Apostolos Deus, qui omnia pro sua voluntate optimè disponit. At cum peruenissent Berrhœam, pro more ingreditur Synagogam, vt in ea sic prædicet Christum vt apud Thessalonicenses prædicarat. Atque hic laudat historicus Berrhœensium diligentiam & animi ad fidem suscipiendam promptitudinem. Hos enim ingenuiores (ait) fuisse Thessalonicensibus. Probabat enim Berrhœenses quod à Paulo prædicabatur: at Thessalonicenses non modò non probare, sed ne audire quidem dignabantur. Neque ignoro hunc locum secus intellectum esse hætenus. Plerique enim existimant nobiliores Thessalonicenses, qui verbum Dei prompto susceperant animo, à discessu Pauli, doctrinam traditam adhibuisse scripturis, atque sic probasse quatenus vel conueniret vel discreparet. Cæterum videtur esse collatio quædam. Sic enim sonant Græca, *οὗτοι δὲ ἥσαν ἰσχυροὶ τῶν ἐν Θεσσαλονικίᾳ*, id est, Hi verò (nempe Berrhœenses) erant generosiores ijs qui erant in Thessalonica. Deinde causam subiungit, Siquidem illi qui receperunt sermonem cum omni promptitudine animi, quotidie scrutabantur scripturas, num hæc ita se haberent, vt ille dixerat habere. Atque hunc sensum amplexus est & Paraphrastes, dicens: Hi verò generosiores erant Thessalonicensibus. Nam sermonem Euangelicum receperunt summa cum animi promptitudine, quotidie vacantes scrutandis diuinis voluminibus, vt cognoscerent quemadmodum ea quæ didicerant ex Apostolorum narratione, conuenirent cum oraculis Prophetarum ac figuris Legis. Diuus Ioannes Chrysostomus monet non simpliciter dictum esse Berrhœenses legisse, sed omni diligentia scrutasse scripturas. Hoc enim significare *ἀνακρίνοντες*. Locus autem elegantissimus est, quo nos discimus, nihil temere suscipiendum, sed omnia, iuxta Pauli verbum, probanda esse, optima verò tenenda deligendaque. Probanda autem scripturis, non spiritu superbiæ, contentionis, contumaciæ aut despectionis. Id si hodie fieret, minus turbarum esset. Verum malumus non modo incognita damnare, sed nostri commodi gratia, apertissimas scripturas proscribere. Id quod potentissimus & iustissimus omnisque mali vindex Deus propediem summa cum grauitate requirit.

Probanda doctrina quæuis.

Cum autem cognouissent Thessalonicenses Iudæi, quod & Berrhœæ annunciatuſ esset à Paulo sermo Dei, venerunt, & illic quoque commouebant turbas. Statimque tunc Paulum emisunt fratres, vt iret velut ad mare. Silas autem & Timotheus remanserunt ibi. Porro qui prosequabantur Paulum, deduxerunt eum Athenas vsque: accepto mandato ad Silam ac Timotheum, vt quàm celerrimè venirent ad se, profecti sunt.

Iudæorum impietas.

Iterum indicat qui sint seditionum authores, non præcones verbi, sed hostes verbi Dei. Hi ad opprimendam veritatem non minus seduli atque acres, quàm vehementes ad eam erigendam Apostolici sunt. Veniunt ergo à Thessalonica, & Berrhœam iam pacatâ & in bona pace agentem conturbant homi-

bant homines nephandissimi. De quibus in 1. ad Thessalonic. cap. 2. ita scripsit Apostolus. Hi sunt qui ut Dominum occiderunt Iesum & proprios Prophetas, ita & nos persequuntur, & Deo non placent, & omnibus hominibus aduersantur, ut expleat peccata sua semper, perueniatq; in illos ira in finem. Cæterum Paulus iterum fide fratrum adiutus fuga sibi consulit, nobis (ut diximus) in exemplum. *Fuga.* Quin ut omnia tutiora essent, à fratribus deducitur, atq; ab ijs per eam quidem viam ducitur, quæ ad maritimam tendere videbatur, ut si ab nauigaturum putarent Iudæi, minus persequerentur, cum tamen illi flexo itinere Athenas proficisceretur. Hic verò præstolans collegas ac symmistas suos Silam ac Timotheon qui Berrhœa, utpote minus Iudæorū degraui inuidia, permanserant, ut fratres confirmarent, præcipit ijs qui se conduxerant, ut istos quàm celerim ad se venire iuberent. Videbat enim Athenis plurima opus esse diligentia atq; indefessa opera.

Paulus autem cum Athenis eos expectaret, incandescerebat spiritus eius in ipso, cum videret simulachrorum cultui deditam ciuitatem. Disputabat igitur in synagoga cum Iudæis & religiosis, & in foro quotidie cum his qui ipsum forte adissent.

De Atheniensibus redditum quandoq; oraculum legimus, tanto cæteris eos fore excellentiores, quantum aues alias præcellat in nubibus aquila. Multa ergo eorum laus est apud auctores cum Græcos tum Latinos, in primis verò apud M. Tullium Ciceronem in oratio. pro L. Valerio Flacco. Sunt quædam & apud Cœlium in 25. cap. lib. 10. Certe sapientiæ fama & literarum claritate perlustres fuere, à quibus in cæteras Gentes quasi corruata traditur humanitas. Proinde Athenas spiritus Dei delatus Paulus ibidem admiranda quædam patrat. Nam summis commissus philosophis, nulli eorum cedit, & tam erudite inter eruditissimos de Deo, de religione & cultu Dei, de Christo & mortuorū resurrectione, item de futuro iudicio disserit, ut non falso de hoc Apostolo dixerit D. Hieronymus, Quotiescunq; hunc lego, videor mihi non verba audire, sed tonitrua. Videntur quidem verba eius esse simplicia, & quasi innocentis hominis ac rusticani, & qui nec facere nec declinare nouerit insidias: sed quocunq; respexeris fulmina sunt. Hæret in causâ, capit omne quod tetigerit, tergum vertit ut superet, fugâ simulat ut occidat. Destinatio ergo Dei consilio Athenas venit tantus veritatis doctor, ut celestis sapientia nō iam in obscuro aliquo Ciliciæ loco aut inter Barbaras gētes, sed in ipsa quoq; studiorum matre, inter mundi sapientissimos Athenienses annuntiaretur atq; vinceret. Quemadmodum verò nullum aliud flagitium Deus perinde execratur atq; idololatriam, ita non inuenias sanctissimos Dei homines ob aliud scelus incanduisse feruentius, quā ob idololatriæ crimen. *De Atheniensibus.* Testis est Moses qui ob hanc tabulas digito Dei scriptas collisit. Testis est & Helias qui propter illam multas trucidauit sacrificiorū centurias. Testis est Iosias quoq; & ex nostris Epiphanius Salaminæ Cypri Episcopus, cuius verba in 1. cap. ad Rom. annotauimus, imò de Paulo nostro scriptū hic legimus, *Ἐπαφρόδιτος τὸ πνεῦμα, αὐτὸν ἐκείνην*, id est, animus eius in ipso incanduit siue irritabatur, siue ut Germanicè reddamus, *Sin herz entbran vnd ergrimmet vnd erzitteret in ihm.* Vnde & Chrysostomus, Exacerbabat (ait) pro eo quod dicimus Excitabatur. Procul enim est ab ira & indignatione donum spiritus. Non ergo furebat, sed mordebatur: quod videlicet videret urbem in omni eruditione & religione laudatissimam, *κατείδωτο*, id est, simulachris supra modum esse obnoxiam. Cæterum idolorum nomine omne id cōplectitur quod ad idolorum cultum pertinet. Equidem mirandū est nobilissimā & omnis (ut aiunt) humanitatis parentem ciuitatem simulachra tantū coluisse, cum legamus Barbaras & incultas deniq; & cultiores gentes semper ista exhoruisse. Nam Crinitus lib. de hon. disc. 12. ca. 8. de Germanis ex vetustis scribens authoribus, Deorum (inquit) imagines minimè ad humanā formam faciunt, quod illā celestis maiestas supra humanitatē sit. Apud Seres quoq; populos (teste Eusebio) etiam lege cautum erat, ne simulachra venerarentur. In Romanorum quoq; templis, apud Clementem & Plutarchum, ex decreto Numæ annis CLX. ab urbe condita, nulla imaginem neq; fictam neq; pictā esse legimus. Augustinus quoq; idem testatur, authore Varrone, cuius (inquit) verba clarissimè testantur nullum fuisse in urbe simulachrum deorum per annos CLX. factumq; deinceps ut ex imaginum & statuarum multitudine religionis cultus negligere atq; contemptui haberetur. Persæ etiam (testibus Herodoto & Strabone) statuas non extruebant, Ægyptiorū duntaxat stultitia inuenta idola, exinde in omnes penè Gentes deriuata sunt. Cæterum illud erat mirandū quod Atheniensis populus, aliàs sapientissimus, rem vsq; adeo stultam non modicè quidē, sed ad superstitionem vsq; erat amplexus. Hinc enim paulò post illos dicit superstitioniores. Hinc in præsentiarum simulachrorum cultui dicuntur esse dediti. Et Pausanias in Atticæ descriptione testatur Athenienses in deo *Superstitio Atheniensium.* rū cultu reliquos Græcos anteisse. Nam Protagoras Sophista (quod Cic. lib. de Nat. deorū 1. retulit) uum in libri sui principio posuisset, De dijs neq; ut sint, neq; ut nō sint, habeo dicere, Atheniensium

De Atheniensibus.

Pauli eruditio

*Aduersus simula-
chrorum cultum.*

*Germani,
Seres.
Romani.*

Persæ.

*Superstitio A-
theniensium.*

iussu vrbe atq; agro est exterminatus. Paulus itaq; ab istis sordibus nobilem urbem repurgare cupiens, priusquam ipsas aggrediretur Gentes, prius honoris & promissionis gratia Iudæos affatur, ijs prædicat Christum: nimirum eo modo quo Thessalonicensibus. Deinde verò & cum Gentium philosophis manus conferit. Sequitur enim:

Quidam autem Epicuræi & Stoici philosophi conflictabantur cum eo,

Lyranus hoc loco, nescio quàm bene, locos & velut capita controuersiarum Pauli ac Philosophorum indicat, quorum tamen Lucas non meminit, nisi quod innuit Paulum Christum prædicasse, & in hoc vitam & carnis resurrectionem, item coram idololatriis, non plures sed vnum esse Deum quem nulla imago reddere possit, docuisse. Tametsi palàm est Stoicorum placita, & Epicureorum deliramenta multis modis Christianæ doctrinæ aduersari. Stoici enim vitiosum esse dicebant condolare amicitias aduersa patientibus: & egenis commiserescere desipientis esse dicebant. Quandoquidem misericordiam, utcunque notam ipsis, inter ægritudines animi & species doloris ac perturbationum referebant: velut in Zenonis vita Laertius tradit lib. 7. Atqui nemo Christianus fuerit qui idem non sit & misericors. Præterea in virtute summum bonum statuebant. Quæ sententia quanquam in speciem commendabilis est, tamen non aliud intendit, quàm suæ felicitatis quemuis mortalem artificem esse posse, & suis viribus saluari, modo velit. Id quod Pelagius Brito noxius hæreticus contendit. Postremò in deorum peruestigatione & natura mirè variarunt, plures etiam deos admittentes, quòd palàm testatur libro de Natura deorum 1. M. Cicero. Longè autem rudius & peruersius Epicurei, qui vt 3. Tusculana Cicero scripsit, eum beatum esse dicebant, qui præsentibus voluptatibus frueretur. Proinde Seneca libro de Beneficijs 4. voluptuariam Epicureorum turbam delicatam & umbraticam vocat, apud quos virtus voluptatis ministra esset. Mortem nihil ad se pertinere aiebant: nò quòd inde meliora sperarèt, sed quòd omnia finiri & dissolui morte affirmarèt. Deos esse permittebant, ceterum negabant illos curare mortalia, & administrationem demebant. Nam quod beatum est; (dixit Epicurus) neq; ipsum negotia habet, neq; alij præbet. Itaq; neq; ira quidem neque gratia tangitur: quippe huiusmodi omnia infirmitatis indicia sunt. Hùc sequutus impugnator ille pietatis Lucretius libro de Natura 1. sic refert,

Stoicorum
hæresis.

Epicuræorū
hæresis.

Lucretij impia
aduersus prouidentiam sententia.

*Omnis enim per se diuum natura necesse est
Immortali æuo summa cum pace fruatur
Semota à rebus nostris seiunctaq; longè
Nam priuata dolore animi priuata periculis
Ipsa suis pollens opibus nil indiga nostri,
Nec bene pro meritis capitur nec tangitur ira.*

Philosophi hæreticorum patriarchæ.

Proinde cum vniuersa Philosophorum temeritas nihil habeat cum Christiana pietate admodum commune, vt verè hæreticorum patriarchas ipsos esse philosophos Tertullianus dixerit, tamen plus negotij Paulo cum Epicureis & Stoicis fuisse conijci potest, quàm cum Academicis & Peripateticis. Certum enim est Platonem etiam Augustino arridere, què ex Mose & Hebræis profecisse Eusebius quoq; tradit lib. Euang. præparat. 11. Ceterum absolutam aduersus philosophos disputationem instituit Lactantius in ijs potissimum libris quos de falsa sapientia & de Iustitia scripsit.

& quidam dicebant: Quid vult spermologus hic dicere? Alij verò, nouorum, inquebant, dæmoniorum videtur annunciator esse, quòd Iesum & resurrectionem annuntiaret eis.

Conuitia in, mi
nistros Verbi.

Quum autem Paulus illis exposuisset philosophiam Euangelicam, ab omnibus Philosophorum placitis longè lateq; dissidentem, quidam ludibrij causâ dixerunt, Quid dicit spermologus iste? Est enim Euangelium (teste Paulo 1. Cor. 1.) Iudæis quidè offensio, at Gentibus stultitia. Budæus autem edisserens quis dicatur spermologus, Σπέρμολογος (ait) significat nugor & verba loquaciter fundo & de blatero. Et Σπέρμολογος nugator, loquax, vaniloquus, blaterator, & vt Plautus loqui solet, qui libens verba funditat. Ad quem modum & Erasmus ex Hesychij autoritate spermologum eum esse dicit, qui nugatur & nouos rumores spargit in vulgus, & qui ad quæstum quiduis garrit. Germanicè redderemus, Ein mährtrager/lugensäyer/ein freyheit vnd spächler. Breuiter vocabulum est contumeliosum, utcunq; reddamus, & planè dignum supercilio philosophico. Hodie mores & conuitia philosophica probè referunt Theologi quidam Scholastici, qui purioris synceriorisq; theologiæ professores ac Evangelici negotij prædicatores, hæreticos & nescio quibus alijs atrocibus nominibus appellat. Alij verò dicebant, ξένος δαίμωνιον, hoc est, peregrinorum dæmonum videtur annunciator esse. Monuit autem

Dæmones.

autem Erasmus, Athenienses ex Platonis doctrina dæmones appellasse deorum filios, quibus tribuebant quidem corpora, sed immortalia. Quò & illud spectare videtur quod sequitur, Quòd Iesum & resurrectione annuntiaret eis. Plura verò de dæmonibus eaq; lectu iucundissima & eruditissima scripsit Cælius lib. lect. antiq. 1. cap. 25. 24. & ab ijs ad 33. vsq;.

Et apprehensum eum ad Martium vicum duxerunt, dicentes: Possumus ne scire quæ sit noua ista quæ à te refertur doctrina? Noua enim quædam ingeris auribus nostris. Volumus ergo scire, quid nam velint hæc esse.

Ioannes Ludouicus Viues in D. Augustini lib. de Ciuitate Dei 18. scribens, & quid sit Martius vicus edisserens, ex Srephani de Urbibus sententia, dicit, *αρειος πάγος* promontorium fuisse Athenis, in quo iudicia & quæstiones rerum potissimum criminalium factæq; necis exercerentur. Athenis enim duo fuerunt consilia, vt scribit Libanius sophista. Vnum perpetuum, quod de cædibus iudicauit & huiusmodi rebus eo loco qui Areopagus dicebatur. Alterum quotannis mutabile, quod Rempublicam constituerebat, & Quingentenarium vocabatur. De priore loquutus Suidas, *Εκλήθη δὲ (ait) ἀρειος πάγος, ὅτι ἐν τῷ πάγῳ ἔστι, καὶ ἐν ᾧ εἴς τὸ δικάζειν. Ἀρειος δὲ ἔπει τὰ φανοικὰ δικάζει, ὃ δὲ ἀρεὴ ἐστὶ τῶν φόνων.* Id est, Vocatus est Areopagus quod in saxo & loco æditiore est forū. Arius verò quod de cædibus iudicatur, quibus præest Mars. Et Pausanias Areopagum dictum scribit, quia primum Mars ibi iudicium subiit cum occidisset Alirrhotion, qui fuit Neptuni filius, quòd vim intulisset Alcippæ Martis ipsius ex Agraulo Cecropis filiz. Deinde iudicatum ibi Orestem matricidam ait, & iudicio liberatum, templum ibi extruxisse Mineræ Areæ, quasi Martiæ. Errarunt ergo qui Martis pagum exposuerunt, ceu pagus aliquis fuerit extra urbem, quales rustici, qui pagi vocantur, quasi eodem vtentes fonte, qui non *αρειος*, sed *αρει* dicitur. D. Hieronymus Areopagum in epistola illa ad Magnum oratorem Romanum, Martis curiam, nimirum ex 9. Iuuenal. Sat. vocauit. L. Apuleius lib. de Asino aureo 10. Martium iudiciū pro se uero vsurpauit: & Val. Max. lib. 2. sanctissimum consilium appellauit: quin & Plinius Areopagi meminit in 7. lib. Sed omnium copiosissime de Areopago & moribus Areopagitarum in Pandectas annotauit Budæus. Paulus ergo vt iudicandus de noxio dogmate Areopagum abducitur, atq; hic illi impropèratur doctrina noua inauspicata siue absurda, & velut i contra urbis edicta in medium proposita. Rectè enim monuit Erasmus *ἐν τῷ* vt peregrinum sonet, ita declaret & nouum & inauditum, nonnunquam absurdum. Hodie nihil aliud obijcere possunt, quàm dogma Euangelij esse nouum: sed nò minus falluntur quàm Athenienses Philosophi falsi sunt.

Martius pagus
quid.

αρειος, modò eminentem locū
modò saxum
significat.

Athenienses autem omnes, & qui illuc versabantur hospites, ad nihil aliud vacabant, nisi ad dicendum aut audiendum aliquid noui.

Inconstantiam notauit Atheniensium, & vanitatem, quo vitio etiam Alexandrini fuere infames. Imò frequentissimum est, vt vrbes quæ eloquentiæ studio sunt deditæ, atq; huius gratia à peregrinis nouisq; inhabitantur hominibus, huic vitio maximè sint obnoxie. Apud has autem non magni penditur veritas. Quanquam enim non rarò oblectet nouitas, fit tamen vt offendant etiam & ægre admittatur. Ea de causa scite mihi à Plinio dictum videtur, Rem arduam esse nouis auctoritatem dare.

Atheniensium
lenitas.

Nouitas.

Stans autem Paulus in medio Marciij vici, ait: Viri Athenienses, per omnia ferè supersticiosiores vos video. Præteriens enim & contēplans culturas vestras, inueni & aram, in qua inscriptum erat, Ignoto Deo. Quem ergo ignorantes colitis, hunc ego annuncio vobis.

Oratio Pauli breuis est, sed erudita. Nam ipsa breuitate copiosissima est: vnde & veteres illam omnes rhetoricissimam dixere. Apud Philosophos enim in theatro doctissimorum hominum diserebat. Nihil autem vniuersa traditur philosophia quod in hac nò perstringatur. Beda summam eius non infeliciter colligens, Apostolus (inquit) ostendit Deum amplexandum esse, non solùm propter munera lucis & vitæ, verum etiā propter cognitionē quandam generis. Deinde opinionē illam, quæ est de idolis aperta ratione deuincit, quod totius mundi conditor & Dominus templis non possit includi saxeis: quod omnis beneficij largitor sanguine non egeat victimarum: quod hominum deniq; creator & gubernator omnium non possit hominis manu creari: quod postremo Deus, ad cuius homo factus est imaginem, non debeat metallis æstimari: similiter erroris remedium docens esse studium pœnitendi. Breuiter, oratio est generis demonstratiui. Vnitatem enim, potentiam, prouidentiam ac virtute Dei, ostendit vanum esse externum cultum, vanum quoq; simulachrorum religionē. Deum

Summa oratio
nis Pauli.

Scopus orationis
nis Pauli.

fide & sanctimonia esse colendum: id quod ipse Deus filio suo in carnem misso annuntiarit orbi, per quem & orbem liberarit, & tandem omnes homines per eundem iudicaturus sit. Porro eadem non nihil ad suadendi & ad refutandi inclinat genus. Nam non modò id agit vt ostendat illis vnum esse Deum, sed & hoc cupit assequi, vt deserta superstitione, quam maximis oppugnat viribus, credant per filium incarnatum (hoc enim viri nomine complexus est) gratiam & salutem annuntiatam esse, & potestatem ei datam iudicij super viuos & mortuos. Trahit autem exordium à re præsentī, mira arte se auditorum animis insinuans. Est enim artificiosum dicendi genus, cum ab ijs quæ nobis ab auditore permittuntur, ad ea descendimus, quæ nostra sunt quæq; maximè persuasa cupimus. Ignorantem Deum colebant Athenienses. Ignoro extruxerant aram. Iam verò Paulo impingebant quod novorum deorum assertor esset. Hinc ergo ex re videlicet præsentī occasionem sumens, Non equidem (inquit) novos ego atq; peregrinos deos prædico, sed cognitissimum & à vobis quoq; aliqua ratione susceptum. Extat enim apud vos ara Ignoto Deo consecrata: vt vos potius videamini novorum deorum cultores esse, si quis modo hoc nomine notandus erat. Et sanè, vt liberè quod sentio dicam, video vos qui in omni disciplinarū genere laudatissimi estis, in ijs tamen quæ ad religionem pertinent plus satis superstitiosulos & incircumspectos esse. Nam dum τὸ εἰδόμενα vestra lustrarem, istam aram Deo incognito consecratam reperi, testem utique superstitionis vestræ. Nunc ergo si me audieritis, qui non novorum deorum, sed vnius illius Dei veri assertor sum, fiet, vt posthac verè & religiose colatis cognitum, quem hæcenus superstitiosius coluistis incognitum. Et hoc est huius orationis exordium, hic status. Sunt autem multa hic præterea annotanda, principio quod & Erasmus monuit εἰδόμενα quod idem culturas vertit, complecti omnia quæ veneramur, nempe aras, delubra, statuas, monumenta, à verbo εἰδόμενα, quod proprie ad religionem pertinet. Deinde gratius est quod dicit, Video vos ferè superstitiosiores, quàm si dixisset, Video vos omnino superstitiosos, imò idololatras esse. Mitigavit ergo dicti odium, primum adverbio &, deinde comparatiue, ne prorsus resiliunt statim in principio. Facit autem hoc ipsum ipse etiam Petrus in cap. 3. vt auditorū animos retineret in officio. Porro superstitiosi vocantur apud Lactant. in 4. cap. 28. non qui filios suos superstites optant, omnes enim optamus: sed aut ij, qui superstitem memoriam defunctorum colunt, aut qui parentibus suis superstitibus, colebant eorum imagines domi tanquam deos penates. Nam qui novos sibi ritus assumebant, vt in deorum vicem mortuos honorarent, quos ex hominibus in cælum receptos putabant, hos superstitiosos vocabant vetusti. Eos verò qui publicos & antiquos deos colerent, religiosos nominabant. Vnde Vergilius,

Vana superstitio, veterumque ignara deorum.

Religiosi qui dicantur.

Sed cum veteres quoq; deos inueniamus eodem modo consecratos esse post obitum: superstitiosi ergo qui multos ac falsos deos colunt. Nos autem religiosi, qui vni & vero Deo supplicamus. Religionis enim nomen à vinculo pietatis deducitur, quod hominem sibi Deus religarit, & pietate constrinxerit. Quia nos seruire ei vt Domino, & obsequi vt patri necesse est. Iam vero quod arā ignoto Deo dicatam attinet, monuit Erasmus ex autoritate Hieronymi, Paulum pia quadam hic vsum esse varicie, quod nonnihil mutarit in titulo, non pauca omiserit, quo commodius detorqueret ad exordium prædicandi Christum. Titulum enim reuera sic habuisse, Dijs Asiæ & Europæ, & Africæ, Dijs ignotis & peregrinis. Iam ergo illum ex ignotis dijs Deum fecisse ignotum, & mentionem cæterorum omisisse. Et Cælius lect. ant. lib. 12. cap. 2. Ignotis etiam dijs (inquit) fuisse Athenis erectas aras Philostratus scribit. Meminit eius Laertius quoq; in Epimenide, vt Pausaniam interim taceam. Cæterum idem ille D. Hieronymus clarius & melius hanc rem exposuisse videtur, dum in 16. Ezech. cap. scribens, Signum (inquit) Dominicæ sanctificationis nomen est omnipotentis Dei, quod quatuor literis Hebraicis scribitur, & apud eos vocatur ineffabile, dum nomen eius non potest dici: cuius maiestatem etiam Gentilitas non ignorat, & Atheniensium testatur ara, Ignoto Deo. Vnde & Apostolus, Quem vos (inquit) ignorum colitis, hunc nos annuntiamus vobis. Atq; hæc quidem cum ijs quoq; congruunt, quæ ex Aristotele in cap. 4. annotauimus.

Deus qui fecit mundum, & omnia quæ in eo sunt.

Deus conditor mundi.

Græcè est ὁ θεός, quasi tu dicas: Hic ille Deus est, qui mundum & omnia in eo condidit. Nunc enim orditur ipsum de Deo negotium, demonstrans quæ sit ineffabilis illa virtus. Demonstrat autem per res creatas, dum ipsum omnium creatorem vocat. Aristoteles quidem perpetuum mundum ingentiumq; esse censuit, nepharièq; impietatis eos insimulandos esse existimauit, qui his cōtraria disseruere. Habuit autem in hac opinione qui ipsum ex philosophis sequuti, idem mordicus defendere: quos omnes hoc loco perstrinxit Apostolus, ex Mose omnium vetustissimo & probatissimo vate sua depromens, quem & Plato (authore Eusebio Euangel. Præparat. 10. cap. 9.) in Timæo suo & Legibus imi-

bus imitatus, vnus Dei meminit, qui omnia potentia sua condiderit. Nec verò solus Plato mūdum creatum sentit, quin & Pythagoras ipse & Stoici genitum à Deo mundum, & suæ naturæ respectu corruptioni obiectum esse tradiderunt, sicuti Plutarchus nobilissimus scriptor refert de Placitis Philosophorum lib. 2. cap. 4. Sunt & Orphei de Deo perelegata carmina, quæ lib. 13. de Præpar. Euang. citauit Eusebius, ea in hunc modum vertit. G. Trapezuntius, *Orphei de Deo sententia.*

*Vnus perfectus Deus est, qui cuncta creauit,
Cuncta fouens atq; ipse ferens super omnia sese,
Qui capitur mente tantum, qui mente videtur.*

Vnde verò Gentes hæc Deū creatorem cognoscere potuerint, exposuit Paulus ad Rom. 1. In summa, hæc est mens in præsentiarum Apostoli, Vnus est Deus, qui vnitatem ac potentiam suam rebus conditis declarauit: Vana ergo est multorum religio deorum. Plura apud Ier. in 10. & huius lib. cap. 14.

hic cœli & terræ quum sit dominus, non in manufactis templis habitat.

Quemadmodum multorum deorum religionem confutauit, ita iam ostendit vanam quoq; esse templorum religionem. Veterum aliqui mundum ipsum templum Dei esse dixerunt, cuius spiritus secundum Stoicorum sententiam, per vniuersum mundum pertinet. Quod sanè & ab Orpheo proditum Euseb. asserit. Vnde illud est Lucani Pharsal. 7. *Vanam esse templorum religionem.*

Iuppiter est quodcumq; vides quocumq; moueris.

Et illud Arati,

Iouis omnia plena,

Quem reticere nephas.

Longè autem ante Pauli tempora Xerxes rex à Magis Persarum persuasus Græciæ templa eò propensius inflammasse dicitur, quod parietibus includerent deos, quibus omnia patere & libera esse deberent, quorumq; hic mundus omnium templum esset & domus. Id quod Cicero 2. de Legibus testatur: idem Actio. in Ver. 3. & Strabo de Situ orbis lib. 15. authores sunt Persas nullam erigere statuas. Cuius quidem rei & Atheniensium Philosophi meminisse potuerunt. Iam & Zeno Citicus nobilis philosophus, cuius meminit Petrus Crinitus libro de Honestâ disciplina 14. cap. 12. in hæc verba de Templorum religione philosophatus est, Sacella ac templa construere nihil quidem necesse est. Nihil enim sacrum iure existimandum, neq; pro sancto habendum, quod ipsi homines construxerint. Docent ergo cum sacri tum prophani scriptores pleriq; humanam naturâ ipsosq; homines, sed puros & piè religiosos, Deo acceptissima esse templa, quemadmodum Corinthiis scribens Paulus Apostolus ait: Vos estis templum Dei. Vnde & Origenes contra Celsum multis ostendit rationibus, Templa ad verum Dei cultum veramq; religionem nihil conuenire. Et Firmianus Lactant. verustus author ait, Non templa Deo congestis in altitudinem saxi struenda sunt, in suo cuiq; consecrandus est pectore, in quod se conferat quum adorat Deum. Vnde illud,

Non habitat templis manuum molimine factis

Omnipotens, ades aurea verus homo.

Ceterum Apostolus Paulus hoc in loco maximè allusit testimonium Isaiæ quod extat in cap. 66. & de quo nonnihil annotatum est in huius historię cap. 7.

nec manibus humanis colitur, indigens aliquo, cum ipse det omnibus vitam & halitum per omnia.

Hiscæ asserit Dei absolutam perfectionem & beatitudinem, quæ ipsum omnium bonorum fontem esse confitemur, nullius opera aut auxilio indigentem. Iisdem autem refutantur omnia externa quæ Deo offeruntur sacrificia. Et Græcè significantius est *ὅτι οὐκ ἐξαρτῶν ἀνθρώπων δὴ δαρίσματα*, quasi quis dicat, Neq; verò eget, vt illi humana aliqua inferuiatur suppeditatione. Germanicè forsan reddiderimus felicius, *Im wirr nit pflägen mit menschlicher handreichung*. Causa. Adeo nullius rei indiget, vt nobis potius omnia impartiat, maximè verò *ζωὴν καὶ σπνῆν*, id est, vitam & halitum. Posteriori enim veluti exponit quid priore intellexerit. Præterea adiecit, *κατὰ πάντα*, per omnia, innuens nihil extra hunc Deum subsistere, sed per hunc omnia agi, esse ac conseruari. Et Stoici quidem apud Plutarchum de Placitis Philo. lib. 1. cap. 7. communiter censent Deum esse spiritum per vniuersum quidè mundum pertinentem, appellationes autem identidem mutantem per vniuersam quam peruadit naturam confinia. Atq; hoc ipsum dogma redolent hi Maroniani versus,

*Principiò cælum ac terras, camposq; liquentes
Lucentemq; globum Lunæ, Titaniamq; astra
Spiritus intus alit, totamq; infusa per artus
Mens agitat molem, & magno se corpore miscet.
Inde hominum pecudumq; genus vitæq; volantum,*

Vergilius Aeneidos 6.

*Et quæ marmoreo fert monstra sub aquore pontus
Igneus est collis vigor & caelestis origo
Seminibus, &c.*

Quin & Aristoteles in libro de Mûdo, Vetus (inquit) sermo est à maioribusq; proditus inter omnes homines, vniuersa tum ex Deo, tum per Deum cõstituta fuisse atq; coagmentata, nullamq; naturam satis instructam ad salutem esse posse, quæ citra Dei præsidium suæ ipsa demum tutelæ permilla sit. Quocirca veterum nonnulli eò prouecti sunt, vt hæc omnia dicitarent deorum esse plena hauririq; eorum spectra ab hominibus, oculis & auribus reliquisq; sensibus. Hactenus Stragrites ille. Quæ sane cum ita habeant, nemo est qui non videat stultos esse qui omnium bonorû datori munera ferunt corruptibilia, quû ipse sit ab omni corruptione alienus. Verum plura de hac re Propheta in Psal. 49. & Lactant. de Vero cultu cap. 1. & 2.

fecitq; ex vno sanguine omne genus hominum, vt inhabitaret super vniuersam faciem terræ: præfixitq; præstituta tempora, præfixitq; terminos habitationis eorum.

Homo.

Dixerat per Deum omnia spirare & esse, idem ergo consequentibus latius exponit, hominis, vt pote nobilissimæ & omnibus dominantis creaturæ, origine & regimine positus in medium. Quibus simul & Epicureorum profligauit sententiam. Negabant enim illi diuinam prouidentiam, vt supra ostensum est Lucretij carmine. Omnia insuper per se fieri dicebant & ex atomis constituta esse. Diuersum ergo hoc loco asserit Paulus, dicens: Vniuersum animantium genus à Deo (hisce enim elucidauit ista Paraphrastes) conditum est, ac per illum viuunt, suum quæque genus propagantia. Sed his omnibus dominaturum ex vno homine condidit vniuersum genus hominum, vt incolerent per omnes terræ regiones, præscriptis vnicuique vitæ spacijs, quæ nemo sibi posset prorogare, ac distributis terræ portionibus, quam quæq; incolet natio. Proinde per vnum sanguinem vnum intellexit hominem, ipsum inquam Adam.

vt quærerent Deum, si fortè palpent eum & inueniant,

Cur conditus
homo.

Anaxagoras philosophus cum ab eo quæreretur cuius rei causa natus esset, respondit, Solis ac cœli videndi gratia. Sed aberrasse illum conuincit hoc loco Apostolus. In hoc enim conditus est homo, vt Deum agnoscat, & cognitum religiosè colat. Sic enim pulchrè ab assertionem Dei transit ad cultum Dei. Ioan. Chrysostomus locum hunc explicans, ita scribit, Non solum dedit vitam ac spiritum & omnia, sed etiam quod est summa omnium, duxit ad sui notitiam, dando hæc per quæ possemus illum inuenire ac comprehendere: sed nolumus quærerere, quamuis ante pedes esset. Hactenus Chrysostomus. Quibus congruunt & ea quæ Paraphrastes dilucidissimè & elegantissimè in hunc eundem locum conscripsit, ad hunc modum, Quoniam autem iuxta suam naturam incomprehensibilis est (Deus) ingenijs humanis corporum mole grauatis, constituti homines ratione præditos, vt aliud ex alio possint colligere, ex visibilibus inuisibilia, ex singularibus vniuersalia, ex temporarijs æterna, ex his quæ sensibus percipiuntur, ea quæ non nisi intellectu comprehenduntur, in medio rerû omnium theatro, vt ex rebus conditis, quæ perspicerent oculis, contrectarent manibus, sentirent vtilitate, vestigarent ac scrutarentur conditorem: & quemadmodum cæcutientes, palpendo tandem reperiunt id quod videri non potest, ita illi ex consideratione rerum admirabiliter conditarum peruenirent ad aliquam Dei cognitionem. Similia porro his legas ad Ro. 1. Et quod religionis causa conditus sit homo, multis exposuit Lactantius lib. de Falsa sapientia cap. 9. & 10.

quamuis non longè absit ab vnoquoq; nostrum: Per ipsum enim viuimus, & mouemur, & sumus, sicut & quidam vestratium poetarum dixerunt: Nā huius progenies etiam sumus:

Deus incircū
scriptibilis.

Correctionis species est. Quasi dicat: Istis autem nolim quisquam intelligat, Deum iccirco circumscriptibilem esse, aut in cœlo duntaxat residentem, obiectis ob oculos nostros syderibus & rebus conditis: quin potius omnia implet. Sic enim dicit apud Ierem. in 23. Num ego Deus sum qui propinquius admota tantummodo videam, dicit Dominus, & longius remota minus? Num abscondet se quisquam in latebras, vt eum videre nequeam, dicit Dominus? Num non cœlû & terram ego impleo, ait Dominus? Præterea ita se homini insinuauit Deus, vt in nulla alia re creata virtus Dei magis quàm in homine elucescat. Exposuit hoc Lactantius copiosissimè in libro de Opificio Dei cõscripto. Rectè ergo dicit Deum non longè ab vno quouis nostrum abesse, quippe qui per nos operatur, velut

velut opifex per organam ab ipso conditum. Hac enim pertinet illa sententia, Per ipsum enim viuimus, mouemur & sumus. Nam Dei beneficiū est quod inspiramus, illico morituri si ille nos destitueret: *Deus in homine suo more.* nec alij debemus quod viuunt corporis membra suo quæq; officio funguntur, vt oculi prospiciant, pedes ambulent, manus operantur. Est ergo in vnoquoq; nostrum Deus, vt non in alijs magis, quàm in nobis ipsi cognosci possit. Bedæ presbytero præsens locus obscurus visus est: at mihi tanè clarus & apertus videtur. Nihil enim ab eo dissonat quod in Rom. cap. 12. sic extulit, Quoniam ex illo, & per illum, & in illum omnia. Atque hac quidem ratione quod Deus in nobis, quod mentem indidit vegetam, quod in nobis viuunt, dicimur progenies Dei. Id ne illis videretur absurdum, comprobatur Arati testimonio dicentis: *τὸ πᾶν ἐξ ἡμῶν ἐκέρχεται.* Nam huius progenies etiam sumus. Monet autè Erasmus Hermilichium esse Heroicum ex Phenomenis Arati desumptum, ac mirè à Ioue ad Deum verum esse detortum. Cæterum videtur & illa sententia, Per ipsum viuimus, mouemur & sumus, ex Arati monumentis esse desumpta. Eius enim versus aliquot in hanc sententiam citauit Eusebius lib. 13. Præparationis Euang. cap. 7.

*Ab Ioue principium Musæ, Iouis omnia plena,
Quem reticere nephas, Ioue cuncta vtuntur, ab ipso
Nos sumus, ille fouet, cunctis viresq; ministrat.*

Quamquam & Heliodus, & Homerus, & apud Latinos Vergilius & Horatius Iouem patrem hominum & deorum appellitant. Fuit autem Aratus, teste Strabone libro 14. Cilix, patria Solensis, Chryssippi Stoici & Pauli Apostoli conterraneus, & apud Antigonum Macedonum regem in honore habitus. Scripsit inter multa præclarum opus de Syderum positura & imaginibus, carmine Heroico, aliquando à Cicerone, demum à Germanico Cætare translatus. Porro quomodo homo progenies Dei sit, exposuit Moses Propheta Dei magnus, Genes. 2. cap. & post hunc Philo Iudæus, in libro suo de Mundo conscripto, præterea Ecclesiastici multi. Diuus Hieronymus autem non ineptè ex hoc loco & similibus collegit licere Christianis scriptoribus atque doctoribus vti testimonijs prophætorum authorum, sed moderatè. Pluribus ille hanc rem argumentis probabilem fecit, ad Magnum oratorem Romanum.

Aratus poeta.

Genus ergo quum simus Dei: non debemus existimare auro & argento aut lapidi arte sculpto, & inuento hominis, numen esse simile.

Ex præcitatæ pulchrè iam colligit vanum esse idolorum cultum, siue quis spectat materiam ex qua fiunt simulachra, siue formam quam referunt. Homo enim simulachrum Dei est, ad imaginem Dei creatus, non vtique, secundum carnem aut corpus, nisi in Anthropomorphitarum hæresim inclinare velimus, sed secundum spiritum & mentem. Deus enim spiritus est. Proinde nulla re corporea effigiari potest. Scripsit autem accommoda huic loco Firmianus Lactant. lib. Instit. 2. cap. 18. & 19. dicens: Quicumq; ergo sacramentum hominis tueri rationemq; naturæ suæ nititur obtrinare, ipse se ab humo suscitetur, & erecta mente oculos suos tendat in cælum, non sub pedibus quærat Deum, nec à vestigijs suis eruat quod adoret. Quia quicquid homini subiaceret infra hominem sit necesse est: sed quærat in sublimi, quærat in summo. Quia nihil potest homine maius esse, nisi quod fuerit supra hominem. Deus autem maior est homine, supra ergo non infra est: nec in ima potius, sed in summa regione quærendus est. Quare non est dubium quin religio nulla sit vbicunq; simulachrum est. Nam si religio ex diuinis rebus est. Diuini autem nihil est, nisi in cælestibus rebus: carent ergo religione simulachra. Quia nihil potest esse cælesti in ea re quæ fit ex terra. Plura Moses Exodi 20. Deuter. 4. Isaias, quoq; in 40. & Paulus ad Romanos 1. Et hæc quidem omnia ita sunt dicta aduersus Athenienses, vt in nos quoq; competant, qui cultu simulachrorum quasuis etiam Gentes superauimus. Nam quod alij obijciunt ex Gregorio simulachra non ad cultum apud nos prostitui, sed ad repræsentationem rerum inuisibilium & absentium, adhuc non intelligunt (vt interim id non referam quod palàm ad cultum apud nos proposita sunt) quod inuisibilem Deum nulla potest referre visibilis forma vel materia. Id quod non modo hoc in loco Paulus, sed & ad Roma. 1. clarissimis verbis testatus est. Impius ergo est ille colendi modus qui à Nicæna Synodo (non illa quæ sub Constantino magno, sed sub Hirene Græca Imperatrice, Anno Domini D. CCXC. celebrata) præscriptus, & postea in duo illa carmina ex Græco in Latinum translatus est,

Vanum esse idolorum cultū.

Simulachra ad repræsentandum Deum nō idonea.

*Nam Deus est quod imago docet, sed non Deus ipsa,
Hanc videas, sed mente colas, quod cernis in ipsa.*

Quomodo enim Deus id esse potest, quod imago docet? Aut quid vides in hac præter materiam & formam? Atqui neutrum horum exprimit Deum. Nihil ergo Dei habet imago, & proinde nihil nisi

impietatem & vanitatem docet imago. Impius ergo est imaginum usus sine ad cultum, siue ad memorandum adhibeatur. Sole enim clariora sunt verba Pauli, Non debemus existimare, quod ipsum numen, ipse inquam Deus auro, aut argento, aut lapidi exsculpro, aut villo hominis inuencio, uanilis sit: sed redimus.

Et tempora quidem huius ignorantiae cum haecenus dissimularit Deus: nunc annunciat hominibus, ut omnes ubique resipiscant: eo quod statuit diem, in quo iudicaturus est orbem terrarum cum iustitia, per eum virum, per quem decreuerat, fide praestita omnibus, quum excitaret illum ex mortuis.

Christus praedicatur.

Haec velut altera pars est orationis Pauli, qua temperato iam & communibus testimonijs demulso auditori, penitiora fidei mysteria proponit. Nam per Christum hortatur ad poenitentiam, ut scilicet resipiscant a paganismo & vanis philosophorum opinionibus verè se pietati dedant, Christum recipiant, quem hic propter humanam naturam virum vocauit, sicut & Petrus Actuum 2. Errant enim turpissimè, imò & impietatem suam produnt qui ex hoc loco & similibus oppidò paucis scripturae testimonijs argumenta decerpunt, quibus diuinam Christi impugnant naturam. Neque enim per pauciora plura scripturae loca, sed pauca per plura sunt exponenda. Præterea Iudicij horrore inuitat ad poenitentiam, quemadmodum & Petrus Acto. 3. Dicit item Christum illum esse, per quem Deus statuerit innouare ac restituere mundum. Proinde cum miserit illum, praestitisse fidem, id est, satisfecisse promissis. Porro quod hic ille magnus Dei legatus sit, liquere ex Resurrectione, quæ diuinitatis Christi maximum & verissimum argumentum est. Verum cum hæc omnia accisa ac breuiata sint, iterum claret Lucam vestigia tantum adumbrasse orationis Paulinae, qua nimirum is copiosissime totum negotium Christi exposuit. Illud autem notandum quod prædicationem Christi cum Occupatione cæpit. Ne enim obijcerent, Si ita habet religionis ratio, quid factum est, ut hæc ad huc modum non citius fuit exposita nobis? Id enim præuenit, & ait: Errastis sanè & poena digni eratis, sed errorem dissimulauit Deus, nò quod illi placeret, sed quod aliquando ad resipiscantiam vocare veller. Id verò tempus iam adesse annuntio. Filium enim misit Deus, lumen omnium Gentium, &c. Iam ne illud quenuquam remoretur, quod dixit, Ut omnes ubique resipiscant, sciendum est eiusmodi loquutiones resipere Synecdocham, & de electis ac credentibus intelligi, nempe quod omnes qui saluantur per Christum saluantur. Præterea clarissimis verbis testatur Christum iudicem à Deo esse constitutum, sed & carnem nostram in vltima die de terra resurrecturam, id quod Gentibus videbatur absurdissimum. Atqui mirum erat id illis posse incredibile videri, quod tam apertis verbis ea testabantur oracula quæ apud ipsas quoque fidem habebant. Siquidem Sybilla, ni fallor, Cuma, de iudicio & mortuorum resurrectione ferens testimonium apud Eusebium ait,

Christus est lumen mundi.

Ἦξει δὲ ἐρανόθεν βασιλεὺς αἰῶσιν ὁ μέλλων,
Σάρκα πατρῶν κρῖναι πᾶσαν, καὶ κόσμον ἅπαντα,
Οφονται δὲ θεὸν μέγας πῖσι καὶ ἄνθρωποι.

Epilogus.

Iam si summam rerum colligamus quæ nobili & erudita hac oratione didicimus, iam nihil aliud videmus præceptum, quàm vnum esse Deum, huc verò solum esse colendum, colendum autem rebus spiritualibus, hoc est, fide & resipiscencia, quæ ille misso filio orbi annuntiarit, &c. Hicce porro de nouo ruunt omnia quæ falsa religio tradidit de cultu Diuorum simulachrorum & id genus stultitijs alijs.

Cum audissent autem resurrectionem mortuorum, alij quidem irridebant, alij verò dixerunt: Audiemus te de hoc iterum. Sic Paulus exiuit e medio eorum. Quidam verò viri adhærentes ei, crediderunt, in quibus & Dionysius Areopagita, & mulier nomine Damaris, alijque cum eis.

Dionysius Areopagita.

Quod sæpe iam in hoc libro audiuius iterum ingeritur, alios quidem credere alios minus. Multi enim vocati sunt, pauci verò electi. Irrident ergo Philosophi mundana tumentes sapientia verbum veritatis: sed & dubio responso relinquunt Paulum, cum dicunt, Audiemus te de hoc iterum, quod cum ironia quadam ac contemptu mihi dictum videtur. Alij in meliorē partem interpretantur. Tertullianus in opere de Resurrectione carnis, hunc locū citans, Athenienses (inquit) irriserunt Paulum, nò irrifuri omnino, si animæ solius restitutionem ab eo audissent. Susceperant enim vernaculæ suæ philosophiæ frequentiore præsumptionem. Iam quæ de Dionysio hoc à doctis viris in vtranque partem disputata sunt, alijs contententibus hunc illum ipsum esse cuius libri exstant de Diuinis nominibus & Cœlesti hierarchia conscripti, alijs prorsus abnegantibus, non video quid com-

quid commodare aut incommodare possint pietati. Proinde otiosioribus decernendi relinqto sententiam: ego ad historiam sacram redeo. Porro Areopagitæ iudices erant Athenienses senerissimi. Vnde postea natum prouerbium, Areopagita. De quo Erasmus Chil. 1. cent. 9. Adag. 41. & Budæus in Pandect.

CAPVT XVIII.

Post hæc Paulus digressus Athenis venit Corinthum, & nactus quendam Iudæum nomine Aquilam, Ponticum genere, qui ituper venerat ab Italia, & Priscillam vxorem eius, eo quod præcepisset Claudius, omnes Iudæos Roma decedere: accessit ad eos, & quia eiusdem erat artificij, manebat apud eos & operabatur. Erat autem ars illorum texere tabernacula.

POST res Athenis gestas venit ad astra Corinthi celeberrima Achaia: vrbe patrata. Fuit Corinthus celeberrimum, totius Græciæ emporium, quod Cicero vocauit Græciæ lumen: opulentum quidem, sed luxu, libidine & fastu longe corruptissimum. Id quod vel ex illo liquet prouerbio, Non cuius homini contingit adire Corinthum. Nec temere notauit Lucas hospitem Aquilam. Nam Dominus iussit habere rationem eorum, apud quos viuas, aut ad quos diuerfas. Cæterum duos Aquilas historiæ memorant, vtrumque Ponticum genere, id est, in Ponto natum. Et alterum quidem profelytum, qui vetus instrumentum post LXX. interpretes conuertit in Græcam linguam: quemadmodum & Symachus, & Ephesus Theodotio, quorum in Ecclesiast. histo. meminit Eusebius lib. 5. cap. 8. Alterum Iudæum genere, cuius hic Lucas meminit & Paulus ipse ad Romanos. 16. At edicti huius cuius hoc loco mentionem facit Lucas, meminit & Orosius historiæ lib. 7. Suetonium (opinor) imitatus, qui in Claudio sic scribit, Iudæos impulsore Christo, assidue tumultuantes, Roma expulsi. Quod quidem vtrum contra Christum (vt Beda scribit) tumultuantes, coerceri & comprimi iusserit, an etiam Christianos simul, seu incognitæ religionis homines voluerit expelli, non satis constat. Certe C. Caligula ante Claudij tempora persecutionem in Iudæos satis acerbam mouit, cuius ex Philone Eusebius meminit Ecclesiast. histo. lib. 2. cap. 5. Porro οἱ κτιστοὶ οὖν verterunt tabernaculorum siue tentoriorum textores siue artifices, loquentes de sagis coreaceis, lineis, laneis siue cilicinis, vt nunc Germanice recte vocaueris, Sârgen/tapeten/oder zâltenmacher. De Scenis autem plura Cælius in 5. cap. 8. Verum hoc Pauli exemplo discimus laborem ornare virum bonum, otium dehonestare. Vnde Heraclides Lycius, vt scribit Philostratus in vita Sophistarum, vnum librum laudibus laboris dedicauit, sine quo dicebat nihil in rebus humanis frugiferum geri posse, adeoque probari, vt cassus etiam labor (modo non vitiosus) sit otio ac delitijs antefereendus. Et Soc. ates, Opus conferre dictitabat ad hominis bonitatem, otium vero vitium. Pythagoræ quoque sententia fuit, legendam esse ab initio vitam optimam ac laboribus quam maxime exercitaram, quam consuetudo paulatim ex aspera dulcem redderet. Laborem namque voluptatem quoquo modo semper comitari. Si bona sit voluptas, ille præcedit: si autem mala, labor subsequitur. Euripides ποινὴς (ait) οἷς λίγαν αὐτοκλείας πατὴρ, Labor vt dicitur gloriæ pater. Nam alibi clarius, Nullo modo (dicit) quis citra laborem felix esse, neque gloriam assequi vllam nihil agendo potest. Refert ex M. Catone A. Gellius in 4. cap. 12. non sine pœna fuisse, si quis apud Romanos agrum suum aut arborem aut vineam passus fuerat sordescere derelictuique habuerat. Valerius quoque Maximus de institutis lib. 2. cap. 1. Mafsiliensium mores referens, Omnibus (inquit) qui per aliquam religionis simulationem alimenta inertie quærunt, clausas portas habet Mafsilia. Non ergo quenquam in ciuium numerum censebant, qui nihil artificij noscet quo victum pararet. Quin & Corinthus ciuitas ceteris corruptior, legem habuit sumptuariam, otium damnantem quod raro est sine luxu, & commendantem laborem. Eam apud Athenæum lib. 6. Diphilus, interprete Erasmo, refert hisce versibus,

*Hoc lege cautum est hic apud Corinthios,
Si quempiam obsonare semper splendide
Videmus, hunc rogamus, vnde viuatur,
Quid faciat operis? Si facultates habet
Vt redditus harum solvere expensas queat,*

Lex sumptuaria Corinthiorum.

*Perpetimur illum perfrui bonis suis.
 Sin forte sumptus superat ea quæ possidet,
 Prohibemus huic ne faciat hoc in posterum.
 Ni pariat, iam plectitur multa graui.
 Sin sumptuose viuit, is qui nihil habet,
 Tradunt eum tortoribus. Proh Hercules.
 Nec enim licet vitam absq; malo villo degere
 Talem scias, sed est necesse aut noctibus
 Abigere prædam, aut fodere muros adium,
 Aut hac patrantum iungier commercio,
 Aut in foro agere sycophantam, aut perfidum
 Præbere testem. Nos hoc mortaliū
 Eijcimus hac ex vrbe, velut purgamina.*

De otio.

Paulus itaque ne cui oneri esset, aut cuiquam calumniandi accusandique (cum Euangelij prædicatione aliàs satis haberet odij) suppeteret, manibus laborauit: vt ipse de sese testatus est in 2. ad Corinth, 11. cap. Ad Thessalonicenses vero scribens in 2. cap. 3. damnat otiosos. At cum de Otio loquimur, de in honesto & illiberali loquimur. Est enim literarium otium præmodum honestum, & quod plus negotij habet quam otij. Qui ergo diligenter incumbunt literis, Verbi Dei ministri, non otiantur, & de Euangelio viuere possunt, id quod ipse Paulus tradidit in 1. ad Corinth. 9. cap. Non enim hoc Pauli factum omnes verbi ministros (vt ex verbis Petri Act. 6. ostensum) deuincit ad mechanicas & sellularias artes: quod ipsum & ipse Apostolus palàm testatus est in 2. ad Thess. 3. cap. sed nonnihil tum erat & tempori & legibus & hominum moribus dandum. Cato autem dicebat viro nobili quemadmodum negotij sic & otij rationem extare oportere. Hoc item Seneca in Epistolis amplectendum suadet honesto & prudenti viro. Et alibi, Crede mihi (ait) plus agunt qui nihil agere videntur. Vnde fortassis Bernhardus mutuas videtur hanc sententiam, Otium est vacare Deo, imò negotium negotiorum, vbi nullum admittitur otium. At de vtroq; cum labore cum Otio plurima commentatus est Solomon in Prouerbijs, & Cælius in 6. cap. 23. Quin & Seneca lib. Epist. 11. Epistola 83. De sacrificiis vero & monachis Papisticis istud quis Horatii dictum esse intelligere possit:

*Nos numerus sumus, fruges consumere nati,
 Sponsi Penelopes, nebulones, Alcinoi;
 In tute curanda plus æquo operata iuuentus:
 Cui pulchrum fuit in medios dormire dies: &
 Ad strepitum citharæ cessatum ducere curam.*

Dignissime ergo in hunc locum de labore Pauli annotans Erasmus exclamat, O verè Pontificem, verè suisq; dotibus maximum. Non satellitio, copijs, censu, minis, magni videri volumus.

Disputabat autem in synagoga per omne sabbatum, suadebatq; Iudæis pariter & Græcis. Cum venissent autem e Macedonia Silas & Timotheus, coartabatur spiritu Paulus, testificans Iudæis, Christum esse Iesum. Contradicientibus autem eis, ac blasphema loquentibus, excussis vestimentis, dixit ad eos: Sanguis vester super caput vestrum. Mundus ego posthac ad gentes vadam.

Idem dicitur quod iam sæpe dictum est, quocirca nulla copiosiore egent expositione, nisi hoc fortassis annotandum sit quod suadebatq; ^{inrebat} posuit pro persuadere cupiebat: qui ardor aduentu e Berrhoea Timothei & Sile magis exarsit, nimirum quod hi felicem Euangelij successum apud Macedonas nuntiarent, quo per motus cupiebat & in Achaia multos Christo lucrifacere. Alij intelligunt inuitum illum & animo reluctante id fecisse, ceu præsentiret se lusurum operam. De excussione vestium dictum est in capite 12. Cæterum præsentia Pauli verba, Sanguis vester super caput vestrum, & ex 3. Ezech. ca. desumpta sunt, & Hebraïsmum resipiunt, quo significatur sua culpa mori & perire illum, qui perit & moritur. Sic enim dixit Dauid 2. Reg. 1. Sanguis tuus super caput tuum, id est, tua culpa peris, quod Christum Domni interfeceris.

Sanguis vester
super caput vestrum.

Et migrans inde, intrauit in domum cuiusdam, nomine Iusti, colentis Deum, cuius domus erat contigua synagoga. Crispus autem archisynagogus cre-

gus credidit Domino cum tota domo sua, multiq; Corinthiorum audientes credebant ac baptizabantur.

Non sine fructu Euangelium prædicauit. Nam magnatem Crispum, virum autoritatis eximie, Iustum quoque & Corinthiorum plurimos ad fidem veram pertraxit. Huius Crispi meminit aliàs Paulus in 1. ad Corinth. 1. cap.

Dixit autem Dominus nocte per visionem Paulo: Noli timere, sed loquere, & ne taceas, propterea quod ego sum tecum: & nemo adorietur te, vt affligat te: quoniam populus est mihi multus in hac ciuitate. Sedit autē ibi annum & sex menses, docens eos sermonem Dei.

Non deserit suos Dominus, sed in medijs adest tribulationibus. Intelligimus enim Paulum non nihil cogitasse de relinquenda Corintho. Proinde ne abiret & quo alacrius ministerium suum contra Iudæorum insultationem exequeretur, confortatur à Domino. Caro enim timet, pericula declinat, & mortem horret, neq; quicquam molestiæ propter Dominum sustinere potest. Proinde gratia Dei nobis opus est, qua etiam sumus quod sumus. Deus autem qui iuuenes à flamma fornacis ardentis seruauit, idem potens est nominis sui confessores ex impiorum manibus eripere. Huc cōfer ea quæ Dominus consolationis vice Apostolis dixit Matthæi decimo, & Ieremiæ, apud Ieremiam in primo. Discant autem & ministri verbi timore posito, & omni spe in vnum Deum collocata, constanti animo veritatem loqui, & nihil prorsus dissimulare. Non deerit Dominus negotio suo, qui & si pro voluntatis suæ dispensatione mortis terror subeundus sit, suorum animos ita confortare potest, vt mortem intrepide oppetant. Aduerte item Electionis ac prædestinationis euidentiam in eo quod ait, Quoniam populus est mihi multus in ciuitate hac. Iam quod integrum annum & menses sex Corinthi prædicauit, potentiam Dei commendat, quod tanto tempore inter infanientium & insidiantium furias securus agere potuit. Interim ipse de sese testatur in 1. ad Corinthios secundo capite, quod maximo inter ipsos tremore sit versatus, Vbi & omnem successum, victoriam & virtutem vni Deo tribuit.

Cæterum cum Gallio ageret proconsulem Achaïæ, insurrexerunt vno animo Iudæi in Paulum, & adduxerunt eum ad tribunal, dicentes: Contra legem hic suadet hominibus colere Deum.

Nequit concepta quiescere inuidia. Proinde epicat aliquando & dira in eum fundit venena quem odio prosequitur. Nequeunt ergo & Corinthiorum quiescere Iudæi, sed in hac quoque turbarum authores Paulum inuadunt, capiunt, iudici offerunt & accusant. Quod autem cæteri Iudæi hætenus Paulo impeerunt idem & hi impingunt, Legis Dei & veræ religionis esse aduersarium. Quod inde videtur enatum quod Christum prædicaret, & in hoc omnem iustitiam: quo dogmate illi credebant legem & omne id in quo veram constituebant religionem esse reiectum. Proinde accusatione, Secus (inquiunt) suadet hominibus colere Deum, quam lex Mosis tradiderit. Hæc enim ceremonias præcipit, quæ ille contemnit, vnicò contentus Christo. Vide autem quomodo promissiones Dei non prorsus eximant cruce. Promiserat ille, Nemo affliget te: nihilominus affligitur, quemadmodum & Ieremias Ieremiæ 20. qui tamen audierat, Ego facio te ciuitatem munitam. Quanquam ergo promittat nobis Deus securitatem, ea tamen non sine afflictione contingit: interim vero ex omnibus malis eripit, quoniam verax est & mentiri non potest. Id quod & Paulo in præsentiarum præstitit.

Cum autem Paulus iam pararet aperire os, dixit Gallio ad Iudæos, Si qua iniuria esset, aut facinus malum, ô Iudæi, merito vos sustinerem: si vero quæstio est de sermone ac nominibus & lege vestrate, vos ipsi videritis. Iudex enim ego horum nolo esse. Et abegit eos à tribunali.

D. Chrysostomus existimat Gallionem hunc defendisse Paulum. Sed si omnia propius expendimus, videbimus Gallionem fuisse virum prorsus prophanum, qui vt Pauli dogma de Christo contempsit, iam Iudaicam superstitionem, propter rixandi libidinem, his veluti cognatam, prorsus odio habuit. A quo ergo responso, quo suæ autoritati suoq; satisfecisse videretur officio, tumultuantes à se reiecit, & ait, Si actio esset fori mei, aut iniuriarum, aut capitis, audirem utiq; accusationem vestrā: cæterum cum tota quæstio versetur in disceptatione de lege vestra meum non est videre de superis.

Protectio Dei
non sine cruce.

Gallio prophanus.

stitutione vestra. Contemptim autem omnia illa pronuntianda sunt, sed & Catalogus quo ille capita Iudaicæ superstitionis aut accusationis etiam, recenser, maximum contemptum sapit. *ἀντιπαρ*, enim, hoc est, sermones siue verba non tantum factis opposuit, sed fabulas magis intellexit. *ὀνόματα* vero, hoc est, nomina ipsas vocauit Iudaicas genealogias, & *ῥήματα* legem ipsas ceremonias. Cæterum in hoc ille non peccabat quod contentioni istæ se immiscere, aut de incognitis temere pronuntiare, aut Iudæis in condemnando Paulo gratificari noller, sed in eo quod incuria quadam neglectuque iustitæ virum bonum eorum permittebat libidini, quorum mens & iudicium ipsi erant suspecta. Verum inuenias & hodie Galliones inter procères plurimos, qui vel odio aut contemptu religionis, vel animi leuitate, vel prophanarum rerum studio, religionis causas omnino audire nolunt. Inuenias alios hoc Gallione stultiores, qui Diplomatis & Mandatis eorum superstitionem fulciunt, quos certum est impios esse, & sanæ doctrinæ proprii commodi studio aduersari. Vtinam tum quoque auarorum à se pharizæorum querelas rejicerent, sicut vident Gallionem Iudæorum inuidam à se repperisse querimoniam.

Apprehensum autem omnes Græci Sosthenem principem synagogæ, percutiebant ante tribunal, neque quicquam eorum Gallioni curæ erat.

Profectio Dei
eximis.

Quamquam arbitrio eorum permisisset Paulum, tamen in illum nihil audebant crudelius. Maxime quod Dominus pollicitus fuisset, Nemo adoriatur te ut adfligat te. Proinde conatus istorum virtute sua reprimebat Dominus. Quin olim quoque aduersus Christum nihil audebant Hierosolymis, licet Pilatus dixisset, Accipite eum vos & secundum legem vestram iudicate eum. Cæterum cum non ignorarent Sosthenem synagogæ principem, cuius mentio fit in 1. ad Corinth. 1. cap. Pauli promouisse consilia, artibus quibusdam concitarunt Gentium manus in caput Sosthenis, quasi omne malum ab hoc promanaret. Persuaserant enim sibi ipsi Paulum nihil acturum fuisse Corinthi, nisi huius fauore fultum. Cæditur ergo vir optimus. Neque vero iniuriam coercet proconsul, qui semel decreuerat religionis negotia, aut ex religione deriuata, prorsus in forum suum non intrmittere. Ioannes Chrysostomus in ea videtur fuisse sententia, quod Sosthenes hic fuerit Iudæus, princeps eorum qui causam aduersus Paulum egerint. Dicit enim, O confusionem qua confusi sunt. Quali Græci indignitate rei, & quod viderent Gallionem res Iudaicas floccifacere, permoti, ceu victis insultarint. Sed prior sententia, si omnes expendantur circumstantiæ magis quadrabit.

Paulus vero deinde commoratus dies multos, vale dicto fratribus, abnauigauit in Syriam, comitantibus eum Priscilla & Aquila, posteaquam raserat caput in Cenchreis: habebat enim votum.

Votum Pauli.

Non sic accipiendum est, velut recta in Syriam nauigauerit ex Cenchreis Paulus, cum Ephesum prius appullerit, vbi Priscillam & Aquilam reliquit, ne quis obiter intelligat illos Paulum in Syriam comitatos fuisse. Proinde more Hebraico summam hætenus propositam, mox per partes digerit & exponit. De voto Pauli, cuius hic meminit Lucas, nemo melius scripsit Paraphraste, cuius verba hæc sunt: Quoniam autem Paulus intellexit Iudæos ob hoc potissimum tumultuari, quod videretur negligere ritus legis homo natus in Iudaismo, priusquam solueret Cenchreis (is est Corinthi portus) torondit sibi caput, suscepto voto, iuxta morem Iudaicum. Erat hæc non fraudulenta simulatio, sed obsequium charitatis. Cupiebat enim omnes adiungi Euangelio: & ideo semet omnium adfectibus quoad licuit attemperauit, ut omnes Christo lucrificeret, Iudæis factus Iudæus, incircumcisis incircumcisis. Datum est hoc ad tempus inuincibili quorundam superstitioni, donec se clarius proferret Euangelica veritas. Neque enim tondere caput ex voto per se malum est, sed huiusmodi Iudaicis ceremonijs fidere malum est. Quemadmodum nec circumcisio lædit fidentem in Christo, nec præputium, in quibus nonnuquam obsequi charitatis est, sed ad tempus, sed vbicunque datur opportunitas reclamando. In alijs quæ per se mala sunt, non oportet obsequi cuiusquam imbecillitati. Neque enim in scortationibus aut in cultu simulachrorum Paulus vnquam obsequutus est Gentibus: in commertio, in negligendo ciborum delectu, in citandis illorum poetis, nonnunquam est obsequutus. Hætenus ille. Locus autem de votis Iudaicis extat Num. 6. in quem cætera quæ anno tanta videbantur, annotauit vir doctissimus & piissimus Chonradus Pellicanus Ecclesiæ nostræ Hebraicarum literarum Lector fidelissimus in suis illis Bibriorum Commentarijs. Sed de votis Christianorum alibi fortassis offerret se dicendi occasio commodior. Beda presbyter codicem se vidisse tradit, qui pluratuo numero habuerit, Totonderunt caput, & habebant votum, ut ad Aquilam & Priscillam referretur. Quin & Erasmus, Ex ipso (inquit) sermone Græco non liquet vter sibi raserit ca-

Chonradus Pel
licanus.

seris ca-

ferit, caput, Paulus an Aquila. Ego sane libentius retulerim ad Aquilam, utpote proxime præcedentem, & quod participium præteriti temporis *χειράμηνος τῷ κεφαλῇ*, id est, raso capite, nescio quid huius referre videtur. Quamquam priori sententiæ magis adminiculetur quod Aquila Ephesi relictus est, & Paulus Hierosolymam abnauigauit. Cæterum nulla causa crediderim hoc itineris instituisse Paulum, quam quod inuiseret fratres, atq; Ecclesias iam olim sua prædicatione ad Christum conuersas, confirmaret. Monuimus enim cum diligentia, tum prudentia esse parta tueri. Nostri episcopi non raro ita adhærent sedibus, ut spongas esse credere possis, suis annexas rupibus: nec abeunt longius, nisi aut venatio inuiter, aut lentum alliciat otium.

Visitatio episcopalis.

Deuenitq; Ephesum, & illos ibi reliquit. Ipse vero ingressus synagogam, disputabat cum Iudæis. Rogantibus autem eis, ut tempore ampliori maneret apud se: non annuit, sed vale dixit illis, dicens: Oportet omnino me festum quod instat agere Hierosolymis, sed iterum reuertar ad vos, Deo volente.

Vbique describitur Pauli diligentia, feruor & ad benefaciendum promptitudo: in hoc ut & animi nostri excitentur ad rerum optimarum studium. Quod autem rogatus Ephesi manere, non annuit, sed in Syriam festinat, satis magno argumento est, Paulo Hierosolymis & Antiochiæ magnum aliquod fuisse negotium, ad quod expediendum tanto animi feruore properauit. Interim vero ne & Ephesij pietatem veritatemque sitientibus deesset, Aquilam ibi relinquit, & reditum pollicetur, si Domino visum sit. Nam cum conditione de rebus futuris loquendum esse docuit & Iacobus, Iacobi quarto capite.

Et soluit Epheso, cumq; peruenisset Cæsaream, ascendissetq; & salutasset Ecclesiam, descendit Antiochiam. Et commoratus illic aliquantum temporis, profectus est, perambulans ex ordine Galaticam regionem ac Phrygiam, confirmans omnes discipulos.

Lucas hoc loco eleganti & dilucida breuitate vsus, indicare tantum loca illa voluit, ad quæ profectus est Paulus, velut vestigans ad earum rerum descriptionem, quæ Ephesi post reditum Pauli contigerunt. Itaq; Epheso soluentem recta Cæsaream Palaestinae, non Capadociæ (quod Beda existimat) venisse tradit, mox Hierosolymam ascendisse urbem, editiori loco sitam (Iudæa enim ad Syriam Cœlem & maritima loca collata, sublimior est) deinde profectum esse Antiochiam, & Galatica regione Phrygiaq; peragrata Ephesum rediisse. Nil autem in omnibus illis regionibus, & urbibus egit, quâ ut Ecclesias confirmaret, quemadmodum superius quoq; in cap. 15. & 16. factum audiuius.

Iudæus autem quidam Apollos nomine Alexandrinus genere, vir eloquens, deuenit Ephesum, potens in scripturis. Hic erat institutus in via Domini, & feruens spiritu loquebatur, & docebat diligenter ea quæ sunt Domini, sciens tantum baptisma Ioannis. Et hic cœpit libere loqui in synagoga. Quem quum audissent Priscilla & Aquila, assumpserunt eum atq; exactius exposuerunt ei viam Dei.

Intertextit aliam quandam de Appollo historiam, quod hæc nonnihil faceret ad res Ephesias, *Apollo lano.* & Euangelij commendationem, quod tantos habuit ministros. Laudat autem hunc à summis quibusque donis, nempe ab eloquentia, scripturarum non vulgari peritia, à feruente spiritu, insigni diligentia, loquendi libertate, & à tractabilitate. Humanitatis enim erat quod vir tantus & tantis pollens virtutibus multo inferiorum cum gratulatione institutionem suscipiebat. Discamus ergo exemplo viri tanti, à quibusuis, quales quales sint, ea quæ ad salutem faciunt, discere. Videmus enim non omnia vni Deum dedisse, sed cognitionem veritatis gradibus quibusdam assurgere. Existimabat Apollos se probe in Euangelico institutum esse negotio, sed deerant ipsi plurima. Hinc Lucas, Sciens (inquit) tantum baptisma Ioannis. Arbitrabatur enim se scire doctrinam Ioannis, cum reuera nondum sciret quemadmodum scire conueniebat. Hastenus enim non vno testimonio probauimus eandem esse doctrinam Christi & Ioannis. Proinde si recte Ioannis doctrina imbutus fuisset, proculdubio ipsi neq; Christianæ doctrinæ quicquam defuisset. Neque enim hæc verba *ἰσὺς δυνάμει μόνον τῷ βάπτισματι*, id est, sciens tantum baptisma Ioannis, de baptismo aquæ, sed de baptismo doctrinæ sunt intelligenda. Quis enim sanæ mentis dixerit: Sciens tantum aquam, aut de aquæ baptismo Ioannis? Doctri-

Ecce hic nulla
fit baptis-
mi, sed doctrinæ
mentio, ergo
baptismus po-
nitur pro do-
ctrina.

nam ergo intellexit, in qua Apollos non sane aut plene erat institutus. Atque hanc sententiam in-
uant, & præcedentia & consequentia. Præcedentia, Hic erat *κατηχημένος*, id est, catechumenus, id est, ro-
dimenta edoctus, viæ, hoc est moris & negotij Domini. Consequentia, Aquila & Priscilla assumpse-
runt eum, *καταβαλόντες*, id est, acuratus siue exactius instituerunt eum in via Domini. Non aliud tra-
dunt aut in alia instituunt via, sed in eadem, sed exactius. Quod ergo deerat illi non doctrinæ culpa
fuerat, sed Appollo, qui nondum ita plene negotium Christi intellexerat. Ita paulò post in 19. capite
audiemus & Ephesios illos duodecim viros, nimirum huius Appollo institutione in religione do-
ctos, respondere se Ioannis baptismo tinctos esse, id est, Ioannis doctrina imbutos, cum reuera non
secius docti essent, quam quod cogerentur à Paulo primum certius discere quæ esset Ioannis de
Christo sententia. Faciunt autem hæc plurimum ad robur eius expositionis, quod baptismus in cap.
10. accipiat pro doctrina. Porro hic est ille Apollos, cuius ipse Paul. meminit in 1. ad Cor. 1. & 3. cap.
honorificā eius mentionē faciens, dum eum inter Evangelij ministros potissimos recenset. Et certe
vir erat immortalitate & æterna gloria dignissim⁹. Cuius exemplo discimus quæ sint viri optimi do-
res optimæ, nō utiq; opes terrenæ, sed eruditio, eloquētia, pietas, ardorq; agendi. Sed ne illud quis i-
gnoret, & Apollos putet in tertia Latinorum inflexione declinandum, Apollo, Apollinis, Apollini,
Apollos in quarta Græcorum inclinatione, quæ Atticorum vocatur, sic flectitur. In recto, Apollos,
Genitiuo Apollo, Datiuo Apollo, &c. Itaque in 1. ad Corinth. 1. Cap. Ego quidem sum Pauli, ego ve-
ro Apollo, ego vero Cephæ. Apollo Genitiuus est Atticus. Verum hæc minutula sunt & puerilia, in-
terim tamen propter rudiores annotanda.

Quum autem vellet ire Achaia, exhortati fratres scripserunt discipu-
lis, ut susciperent eum. Qui quum venisset, contulit multum his qui credide-
runt per gratiam. Vehementer enim Iudæos reuincebat publice, ostendens
per scripturas, quod Iesus esset Christus.

Commendatio
fratrum.

Pertinent & hæc ad laudem Appollo. At nos interim ex ijsdem discimus, quod viros spectatæ
probitatis & qui frangi sunt Ecclesiæ, Ecclesijs possimus commendare. Neque vero commodum es-
se, ut quousvis citra optimorum commendationem recipiamus. Plurimum autem ille potuit quod pi-
us esset, & pietati iunxisset eloquentiam cum eruditione: quæ quidem per se laudatissima, nocentis-
sima fiunt, si incident in hominem impium. Elegans est contra futilem loquacitatem caput Gellij in
Atticis nostr. lib. 1. cap. 15. Monuit autem Erasmus particulam *ἀκούσαντες*, id est, Per gratiam, adiectā
esse, ut intelligeremus muneris esse diuini quod conduceret Christianis: vel quod credidissent. Sum-
ma autem doctrinæ Appollo erat, quod Iesus esset Christus, id est, verus Messias & saluator. Atque
hic omnium orationum & epistolarum Apostolicarum scopus est.

CAPVT XIX.

Factum est autem, cum Apollos esset Corinthi, ut Paulus peragratis supe-
rioribus partibus, veniret Ephesum, & repertis quibusdam discipulis, di-
xit ad eos: Num Spiritum sanctum accepistis postea quam credidistis? At il-
li dixerunt ad eum: Imò neq; sit ne Spiritus sanctus, audiuius. Et ait ad il-
los: In quid ergo baptizati estis? At illi dixerunt: In Ioannis baptisma. Dixit
autem Paulus: Ioannes quidem baptizauit baptismum pœnitentiæ, populo
loquens de eo qui venturus esset post ipsum, ut crederent, hoc est, de Christo
Iesu. His auditis baptizati sunt in nomine Domini Iesu. Et quum imposuis-
set illis manus Paulus, venit Spiritus sanctus super eos, & loquebantur lin-
guis, & prophetabant. Erant autem omnes viri ferè duodecim.

Veteri senten-
tia de baptismo
Christi et Io-
annis.



AXIMAS hic locus turbas semper cum apud veteres, tum apud nostræ ætatis homi-
nes excitauit. D. Cæc. Cyprian. ad Iubaianum de hæreticis baptizandis, huius loci præsi-
dio, contendit, semel baptizatos ab hæreticis, denuo baptizandos esse à Catholicis, quod
hoc loco dicantur ij Christi baptismo esse secundo tincti, qui prius fuerint Ioannis ba-
ptismo baptizati. Diuus quoque Hieronymus aduersus Luciferianos in principio fere opusculi, Io-
annet

Iannes Chrysostomus & Beda in hunc Lucæ locum commentantes, existimant & ipsi, duodecim hosce viros, secundo aqua à Paulo fuisse Baptizatos. Separant enim Ioannis baptismum à Christi baptismo, hac ex causa, quod illius inefficax pœnitentiæ duntaxat baptismus: huius vero efficacæ & baptismus remissionis peccatorum fuerit, adeo vt nunc Ioannis baptismo baptizati, animo nō sint baptizati, sed denuo in Christi baptismo rebaptizandi. Iam & nostrorum temporum Catabaptistæ ex hoc loco suum dogma de Catabaptismo aduersus infantium baptismum fulcientes, neminem baptizandum esse contendunt, nisi prius crediderit. Hinc enim Paulus (inquiunt) Ephesios secundo baptizauit, quod ad baptismum primum susceptum, non vere crediderunt. Proinde quum infantes ad primum baptismum non crediderunt, adulti iam retingendi sunt. Cæterum vt veterum opinio (pace ipsorum dixerim) incircumspectior est, ita Catabaptistarum prorsus sibi non constans vanissima est. Siquidem certo constat ne Apostolorum quidem aquæ baptismum efficacem esse, nisi signo cooperetur fides & electio Dei, quæ quidem non ab homine, sed solo Deo confertur. Nihil ergo hic disputamus de interiori spiritus baptismo, quo solus Christus baptizat, sed de externo loquimur baptismi sacramento, quod quidem vnicum esse sæpe iam probauimus. Non enim alius à Christi baptismo (de externo aquæ loquimur) est baptismus Ioannis. Illi aiunt Ioannis baptismum pœnitentiæ esse baptismum, & non remissionis peccatorum. Christi autem baptismum remissionis esse baptismum. In hoc paralogizantes quod illud aquæ tribuunt, quod reuera spiritus est. Nam & Apostolorum, qui Christi quoque dicitur baptismus, peccatum non expiatur, nisi fides & electio præeant. Philippus enim Apostolus Simonem baptizauit, qui tamen à peccatis minime purgatus est. Significat ergo Christi baptismus peccatorum remissionem conferri per Christum, in quem consignatur baptizatus, vt in hoc vitam querat, & per fidem vitam suam mutet in melius. Ita enim loquuntur de baptismo sacri scriptores, in primis Mattheus in vigesimo octauo, & Paulus ad Roman. sexto. Ita vero si & in Ioannis baptismo significari deprehenderimus, quid prohibebit quo minus eundem dicamus esse baptismum Ioannis qui & Christi est? Audiamus ergo Euangelistarum testimonia, Mattheus de Ioanne testatur, quod dixerit se aqua tantum consignare, & illic hac tessera obstringere qui post se venturus esset & igni spirituque baptizaturus, id est, peccatorum remissionem exhibiturus. Lucas vero multas pœnitentiæ, hoc est melioris vitæ formulas, & Ioanne præscriptas, & baptismo additas, exponit. Marcus autem in paucis omnia (vt cætera quoque) complexus, dixit: Baptizabat Ioannes in deserto, prædicans baptismum pœnitentiæ in remissionem peccatorum. Vbi ergo nunc est quod illi aiunt Ioannis baptismum non fuisse remissionis peccatorum baptismum, sed pœnitentiæ duntaxat? Hic enim audimus quod vt Christi siue Apostolorum, ita Ioannis quoque significarit pœnitentiam & remissionem peccatorum. Iam vero cum idem vtrorumque sit baptismus, quod eternam sacramenti administrationem attinet, consequitur Paulum Ephesios non aquæ baptismo retinxisse. Propterea quod iam secundo baptismo, nihil plus contulisset, quam illud ipsum, quod iam antea in primo (si baptizati fuissent) collatum erat. Proinde ipsa res clamat Baptismi nomen hic variare, & aliud quippiam innuere. De quo postea. Nunc quod Catabaptistæ ogganiunt, Neminis nisi credenti baptismum debere conferri, iam olim explosum est in capite 8. & 10. historię huius. Nam si illi per credentem eum intelligunt, qui vere & ex corde credit, quis ministro Ecclesiæ dicet, quando quis credat aut non credat? Si istud ex fructibus & externa confessione colligere volunt, falli poterunt, quemadmodum & Philippus in Simone mago falsus est, neque aliud hoc dogmate efficient, quam quod nemo possit tuto baptizari. Si vero ad externam confessionem omnia dirigunt, quid aliud quam incredulos quoque & hypocritas ad baptismum admittunt? id quod cum maiore iunctum fuerit impietate, quam si infantes, mortuos quidem originali peccato, sed Christi sanguine viuificatos ad sacrum admitterent baptismum. Proinde cum alienum à pietate & communi sensu sit dogma illorum, nihil roboris ipsi ex præsentī loco accedit. Aliud enim describit hoc loco Lucas. Nam nunc dicemus de genuino huius loci sensu. Audiuimus in cap. 18. (quod ibi ad res Ephesiās pertinere monuimus) Apollon fidelem aliās & magnum in Domino virum, non rite in vera Christi religione imbutum docuisse Ephesi, nimirum quod ipse hætenus doctus erat. Cæterum cum magistro plurima defunt, nihil mirum, si & discipulos plurima fugiant. Iam vero ex omnibus circumstantiis liquet hosce viros duodecim Appollo fuisse auditores. Descripturus ergo historicus res nobiles Ephesi per Paulum gestas, ab eo auspicatur, quomodo imperfectum in quibusdam Christianismum correxerit. Et modum quidem per quem illis medicatus sit describit. Igitur cum illi se discipulos Domini, id est, Christianos esse existimarent, qui recta ambularent in via Domini, vt pote Appollo tanti videlicet doctoris discipuli, Paulus vti erat harum rerum expertissimus & diligentissimus explorator, probaturus num sani essent in fide, certissimam admonet probandi regulam, ipsum videlicet spiritus donum, hoc est fidei maximam vim, quæ ex spiritu est, conscientię securi-

Catabaptistæ.

Veterū excussa sententia.

Christi et Ioannis baptismus vnus.

Catabaptistarum excussa sententia.

Expositio huius loci.

*Metonymia.
Galat. 3.*

*Baptismus do-
ctrina est.*

*Qualis fuerit
doctrina Ioan-
nis.*

*Huldrychus
Zuinglius.*

*Vide Rom. 9.
et 11. ad p.*

tatem. Nam ad Romanos quinto, Iustificari (ait) ex fide pacem habemus erga Deum per Dominum nostrum, &c. Hanc ergo animi securitatem indagans quæ non nisi ex vera fide est, interrogat, Num Spiritum sanctum accepistis, posteaquam credidistis? Ecce nihil de baptismo aquæ, sed de fide & doctrina interrogat. Non enim dicit: Posteaquam baptizati estis aqua. Hic iam illi produnt ignorantiam suam, & quod in vera religione Christiana adhuc rudes essent, Tantū (inquiunt) abest ut securi & cordibus simus illuminati spiritus flamine, ut hætenus nescierimus num sit aliquis spiritus. Volens ergo extorquere erroris causas & obstruere fontem unde ille effluebat, præterea interrogavit, *in quid ergo baptizati estis?* Obserua autem laqueationis vim. Non inquit, In quo baptizati estis, sed in quod doctrinæ genus inducti estis? Sic superius in 18. capite audiuimus Apollon duntaxat, sciuisse baptismum Ioannis, id est, in doctrina Ioannis fuisse institutum. Hi ergo ad doctoris morem & ipsi Ioannis baptismum, id est, doctrinam iactant. Dicunt enim, *In baptismo Ioannis baptizati sumus.* Sed ut ille erraret & Aquilæ institutione exactius didicerat quæ esset doctrina Ioannis: ita & hi accuratius instituuntur à Paulo. Non enim hic abiicit aut contemnendam docet doctrinam Ioannis, ut inefficacem aut imperfectam, sed clarius exponit qualis sit, ostendens illos nondum intellexisse Ioannis doctrinam. Obseruabis autem quod nihil hic de elemento aquæ, disputabar, sed de doctrina: ut ex hoc velut consequenti colligere possim⁹ superiora quoque de baptismo doctrinæ esse intelligenda. Porro istis exponit qualis fuerit doctrina Ioannis. Ioannes (inquit) baptizauit baptismum pœnitentiæ. En tibi iterum non dicit, Baptizauit in baptismo pœnitentiæ, sed *in baptismo pœnitentiæ.* Et quid hæc loquutio polleat sequentibus exponit, Loquens populo ut crederent in futurum. Duo ergo sunt quæ docuit Ioannes, Pœnitentiam & fidem in Christum, siue Remissionem peccatorum: at cum eadem tradantur doctrina Christi siue Apostolorum, ut testatur ipse Dominus Lucæ 24. quis est qui iam non videat Ephesios istos duodecim viros non recte institutos fuisse in via Domini, quanquam se recte institutos esse arbitrantur? Hic ergo cernentes veræ religionis speciem, sentientesque Christum esse pacem & iustitiam nostram, nunc quidem in illa aquæ baptismo, quo hætenus tincti non erant, consignantur. Ergo protinus etiam ut primitiæ Ephesiorum externo quoque Spiritus sancti baptismo baptizantur, donati linguarum & prophetico munere. De quo dictum est in cap. 2. & 10. Hætenus autem male instituti melius instituuntur, & baptismo aquæ suscipiuntur in numerum populi Dei. Hunc vero nodum ad hunc fere modum prius soluit felices memoriæ clarissimus vir Zuinglius, qui de hoc loco multa plura & in Commentario ad Galliarum regem, & in opere de baptismo, contra Catapaptismum, pro puerorum baptismo, conscripsit: è quibus tu si quæ his deesse videris petere poteris. Quod autem Catapaptistæ hic obijciunt, Ergo baptismum præcedit doctrina: nemo negat, sed in adultis, & apud eos apud quos nondum increbuit nomen Christi. At apud quos semel auditum est, vicissim nemo negare potest, parentes de liberorum salute anxios, holce ad sacrum offerre baptismum, quod audiant Deum etiam infantium esse Deum. At baptismum ipsum aliud nihil esse quam signum populi Dei. Verum de hæc re satis iam disceptatum est. Hæc autem sunt initia rerum à Paulo gestarum in Epheso.

Introgressus autem synagogam, libere loquebatur ad tres menses, disputans & suadens de regno Dei. Cum autem quidam indurarentur nec crederent, male loquentes de via domini coram multitudine, digressus ab illis, segregauit discipulos, quotidie disputans in schola Tyranni cuiusdam. Hoc autem factum est per biennium, ita ut omnes qui habitabant in Asia, audirent sermonem domini Iesu, Iudæi simul & Græci.

Pergit reliqua quæ in Epheso gesta sunt describere, & paucis quidem omnia, quod eiusdem generis complura iam sæpius audita sint in superioribus. Libere loquebatur de regno Dei, nihil dissimulans aut tegens propter Iudæorum metum. Hi cum carnale Christi somniarent regnum, Paulus spirituale asserit fore. De quo nonnihil dictum in cap. 1. Quemadmodum vero in Antiochia, Pisidiæ, Iconio, Thessalonica & Corintho nulla potuerunt frangi diligentia & institutione, ita hic quoque indurati, omnem cœlestem contemplere sapientiam. Ut vero ibi excusis vestibus damnationem in ipsorum deriuauit capita, ita hic quoque, deserit illos: tum ne qui illorum malitia conuiuijs & artibus (parum enim fermenti totam massam fermentat) corrumperentur, tum ne illorum quoque inuidiam magis inflammaret, tum ne impotentioribus rixis ad nihilum profuturis suppeteret ansam. Vnde nos iterum discimus quid cum illis sit agendum, qui veritatem aspernantur. Cæterum scholam Tyranni cuiusdam ad sacras conciones delegit: atque in hac summa diligentia per biennium prædicauit Christum, nec sine maximo fructu. Maxima enim multitudo cum ex Iudeis tum Gentibus maxi-

me, Chri-

me Christo credidit. De Tyranni autem schola nihil certi adferre possumus, vnde nomini origo, aut cur locus sic dictus sit. Fuit quidem Corinthi Dionysij tyranni schola, cuius in 3. Tuscul. meminit M. Cicero, sed nō constat pariter docuisse vllū Tyrannum Ephesi. Attamen hoc satis certum est Lucam locum quendam Ephesi ad docendum accommodum tyranni scholam dixisse. Erasmus in annotat in suis. no. Suspicio (inquit) fuisse secessum magnatis alicuius, in quo solitus sit otari. Quando quidem schola Græcis sonat otium.

Virtutesq; non vulgares ædebat Deus per manus Pauli, ita vt etiam super infirmos deferrentur à corpore eius sudaria & semicincta, & recederent ab eis morbi, & spiritus mali egrederentur.

Verbo iunguntur miracula admirabilia, vt Gentium Iudæorumq; animi frangantur & libenter hæreant prædicati veritati de salute. Verisimile enim erat istos esse salutis præcones, qui omnes morbos isto nomine quod prædicabant, depellebant. Quod autem de vmbra Petri dictum est in cap. 5. idem huc quoque ad sudariola & semicincta Pauli congruit. Semicincta autem succinctoria Grammatici vocant, quæ medium vestiunt hominem. *Miracula.*

Tentauerunt autem quidam circumueuntibus Iudæis exorcistis inuocare super eos, qui habebant spiritus malos, nomen Domini Iesu, dicentes: Adiuramus vos per Iesum quem Paulus prædicat. Erant autem quidam filij Sceuæ Iudæi principis sacerdotum septem, qui hoc faciebant. Respondens autem spiritus malus, dixit: Iesum noui, & Paulum scio, vos autem qui estis? Et insiliens in eos homo in quo erat dæmonium malum, & dominatus eis, inualuit contra eos, ita vt nudi & vulnerati effugerent de domo illa. Hoc autem innotuit omnibus Iudæis simul & Græcis, qui habitabant Ephesi: & incidit timor super omnes illos, & magnificabatur nomen Domini Iesu.

Vt apud Philipenses dæmonis artes detectas, oportuit magnam veritati conciliare gloriam: ita hoc loco Deo visum erat misero Exorcistarum exemplo, fraudes dæmonis, & malarum siue curiosarum artium imposturam detegere, & vanam in hæce res fidutiam destruere, atque cor & pectus hominis sibi soli & veritatis studio consecrare. Quod enim Ephesij Exorcistarum multa moniti territiq; curiosæ artis libros exurunt, & Deo sese totos consecrant, huius fabulæ est Catastrophe. Porro *ἱεραὶ* Græcis significat adiuro, & *ἱεραὶ* adiurator. Iosephus autem libro Antiquitatum 8. capite 2. tradit Deum hoc Solomoni tribuisse, vt artem hanc adiurandi aduersus dæmonas ad hominum vtilitatem institueret: qua Eleazarum quendam Iudæum præfente Vespasiano Imperatore vsum se vidisse ait. Cæterum quid ei narrationi quam ille de Solomone instituit, tribuendum sit, iudicio Lectorum permitto. Hoc ex præfenti loco constat Adiurationis rationem à filiis Sceuæ usurpatam prorsus non fuisse diuinā. Nam explosa est: sed & libri de hisce rebus tractantes postea exusti sunt. Præterea eiusmodi exorcismi & exorcistæ ab omnibus pene Ecclesiasticis superstitionis titulo accensiti sunt. Ioannes Chrysostomus, Dignum est hic admiratione (ait) quomodo dæmon ille non cooperatus est errori illorum, sed refutauit eos, & omnem dolum eorum manifesta uit. Mihi videtur valde succensuisse, quemadmodum si quis extreme periclitetur à miserabili & ærumnoso quodam refutetur & omnem in illum remittere velit furorem, &c. Exorcistæ itaq; illi impostores ac magi fuerunt, ex eorum numero, qui circumueunt, & ad quæstum certis ritibus ac verbis conceptis eijciunt noxios spiritus, quales nobis nonnullos nostro seculo profudit collegium, quod Lussense vocant. Et maligni isti spiritus iecirco istorum parent præceptionibus, vt plurimos decipiant, & in errore retineant. Mentiebantur illi se hanc artem à Solomone prædidicisse. Si enim quipiam huius tradidisset, nimirum nihil tale tradidisset. Ergo cum magna esset Solomonici nominis autoritas, in hoc illum suæ artis fingebant authorem, vt maiorem ex ea caperent vtilitatem. Iam ve Verborum Dei ro quamuis iisdem vterentur verbis, quibus utebantur Apostoli, nihil tamen efficiebant. Nam deerat *usus ad res prophanas.* fides, prauum aderat institutum, præterea & institutum Domini peruerterant. Nam quæstus gratia sancta verba aliò torquebant, quam instituta essent. Iecirco falluntur & hodie quotquot conceptis & sanctis (vt aiunt) verbis quicquam se effecturos credunt. In hisce enim rebus necessarium est, vt clarum adsit Domini præceptum, nihilq; in eo sit vel mutatum vel sinistrius usurpatum aut intellectum, deniq; vt mens nostra non aliò quam fides docet, spectet, ne deprauata sit: utq; fidei lucerna vbique

præluceat: aliàs nihil effeceris verbis quantumvis sanctis ac efficacibus. Sed de hac re diximus in capite 16. Præterea huc quoque illud facit, quod dæmon clamat, Iesum noui, & Paulum scio, vos autem qui estis? Quod Chrysostomus exponens, Vos (inquit) non creditis, sed abutentes hoc nomine, talia dicitis. Hæc dicens simul in impios inflijit, & pœnam de ipsis condignam sumpsit. Iam sequitur Catastrophe, Ea res innotuit omnia cum Iudæis tum Gentibus Ephesum habitantibus, & incidit timor super omnes, ac magnificabant nomen Domini Iesu, quod omnes aduersarias vinceret, & quod nullius quæstui aut gloriæ seruire vellet.

Multiq; credentium veniebant confitentes & annunciantes facta sua. Multi autem ex eis, qui curiosas artes exercuerant, comportatos libros exusserunt coram omnibus, & supputatis precijs illorum, reppererunt pecuniæ quinquaginta millia. Ita fortiter crescebat sermo Dei, & confirmabatur.

Confessio peccatorum.

Hunc locum alij sic exponunt, Credentes venerunt & confessi sunt, id est, cum gaudio annuntiarent, quid per ipsos patrasset Deus. Ergo per τὰς πρᾶξεις, facta, intelligunt miracula. Per Confiteri, cum laude proferre. Hoc enim posse quod sequitur ἐκ τῶν βιβλίων, id est, & annunciantes. Cæterum videri poterant & de scelerum agnitione exponenda esse, vt intelligamus Ephesios spiritu Dei compunctos, palam indoluisse quod errarint tantopere & tam impie: præterea ingenue confessos, errasse se, & quibus errarint modis quàmque temere vanissimis artibus fidem præbuerint stulti, & id genus alia facta sua, exposuisse. Fieri enim nequit, quin grauiter doleant, & libenter fateantur errasse se & peccasse, qui per exhibitam lucem gratiæ Dei veritatem assequuntur: imò non cessant sese damnare, qui sic resipuerunt. Iustus enim primum accusat sese, vt inquit Propheta Prouerbiorum 18. Quod ad occultorum confessionem, quam auricularem nuncupant, pertinet, nihil moror eos qui grandia quædam de hac iactantes, ipsi sese non intelligunt. Certum enim est istam neque Scripturis neque Vetustati notam fuisse, sed nuperum quorundam hominum esse inuentum. Nam vt multa interim transeam infallibilia huius rei argumenta, vnicum Ioannis Chrysost. proferam testimonium, qui in 11. ad Hebræos capite scribens, non dicit (ait) vt te prodas in publicum, neq; vt te apud alios accuses, sed obedire te volo Prophetæ dicenti, Psalm. 36. Reuela Domino viam tuam: ante Deum ergo confitere peccata tua, apud verum iudicem cum oratione delicta pronuncia, non lingua, sed conscientiæ memoria, & tunc demum crede te misericordiam posse consequi, si habueris in mente peccata tua continue, &c. Sic de occultis peccatis sentit Chrysostomus, è cuius testimonio facile quis deprehenderit, quod nulla fuerit apud eos talis, qualem Pontifici volunt confessio. Et posteriore hunc sensum iuuant ea quæ iam sequuntur, Multi autem ex eis qui exercuerant τὰς πρᾶξεις, id est, curiosas artes, comportatos libros exusserunt coram omnibus. Hic enim fructus est eius facinoris quod Dominus cum Sceux (vt & supra monui) filijs patrauit. Constat autem ex hoc loco Ephesios curiosis artibus fuisse deditissimos. Vnde forsan prouerbio locus est datus, Ephesiorum literæ, de quo Erasmus. Beda ait per curiosas artes intelligi Magicas, incantationum, diuinationum, curationum, & adiurationum superstitiosarum delirij confertas: quibus Genethliacorum interrogatiunculæ & coniecturæ addiuinantes accedunt, quas miræ persequitur August. in lib. quæst. veteris & noui testam. Idem quæst. 27. vet. & noui testa. & quæst. 6. ad Dulcicium Samuelis exultationem vocat sathanæ præstigium. Equidem 1. Reg. 28. historia narratur rei illicitæ ac lege prohibitæ. Deut. 18. Sed de magia satis dictum est in cap. 8. plura etiam apud Plinium li. 30. cap. 1. & 2. & alibi: mire enim hic Magos ac magicen insequitur. Iam quod pretium attinet librorum, Erasmus monet in annotat. Græce scriptum esse ἐξ ὑπερ ἀργυρίου μυριάδας αὐτῶν. Id est, Et inuenerunt quinquagies mille nummum. At Budæus lib. de Asse & Parr. eius quinto, ista ad verbum ita legi dicit, Et inuenerunt argenti myriadas, quinque, quod interpretes (vt ait) recte transtulit quinquaginta millia denarium, non vt Plutarchi interpretes in Antonio & Pompeio, millia nummum, pro denariorum millibus, vertens, qua ratione quadruplo minor fit summa. Hæc summa quinq; millia aureorum nostrorum (Coronatos intelligit) valet, ne temere putemus librorum summam à Luca Apostolorum scriba commemoratam. Id enim omnino admiratione dignum tanti libros adiurationū comparatos. Hætenus Budæus, cui & Erasmus in Paraphrasi postea accessit, reddens denariorum quinquaginta millia. Ex hoc autem loco intelligimus quod veram pœnitentiā non piget vllarum rerum aduersus Deum inuentarum facere iacturam. Nam & Ezechias & Iosias principes optimi aras statuas & ornamenta deorum peregrina inæstimandis constructa impensis, neglecto pretio, cōfregerunt atq; igne concremarunt. Iam & libri hi Ephesij idololatriam respiciebant, proinde digni erant qui exurerentur. Nemo enim negat impios & malos libros esse exurendos. Cæterum bonorum incendium librorum iam olim damna-

Samuelis exultatio.

Idolorum et superstitionum incendium.

damnatum est in temerario Iehoiachim facinore. Hic enim præter ius & fas, vt apud Ieremiam extat in cap. 36. Ieremiæ veras & prias orationes concidit & concremauit: hoc ipso significans nunquã defuturos homines improbos, qui optimos essent combusturi libros. Id si quis hodie non videt compleri, nihil videt. Adeo enim scuit quorundam dira in veritatem rabies, vt ne à Bibliorum quidem abstineant proscriptioe & incendio. Sed propediem aderit ultor, ille qui inextinguibili igne incendiarios istos perpetuum torrebit. Sublatis autem rebus superstitionis & impijs sermo Domini & crescebat & confirmabatur. Si ergo in vera animi pietate è medio tulerimus quod Deo & legi eius aduerlatur, non deerit suis Dominus, crescetq; verbum eius.

His autem expletis, proposuit Paulus in spiritu, transita Macedonia & Achaia, ire Hierosolymam, dicens: Postquam fuero ibi, oportet me & Romam videre. Missis autem in Macedoniam duobus ex his qui ministrabant sibi, videlicet Timotheo & Erasto, ipse remansit ad tempus in Asia

His per biennium (inquit) feliciter gestis in spiritu, id est, secum deliberans, apud sese statuit Hierosolymam redire & deinde Romam petere. Aut certe in spiritu dixit, quo alligatus erat, de quo audiemus in cap. 20. Præmisit autem ministros suos Timotheum & Erastum, fortassis illum Corinthiorum quæstorem, cuius mentio fit ad Roman. cap. 16. nimirum & vt elemosynarum (quod & Beda monuit) aliquid illic colligerent, subleuandis pauperibus qui erant Hierosolymis, & animas illorum in aduentum Pauli præpararent. Postremo audimus in præsentiarum Asiam vsurpari pro ipso Epheso ac Ionia in sacris, vt supra quoque annotauimus.

Ortus est autem illo tempore tumultus non exiguus de illa via. Nam quidam nomine Demetrius, faber argentarius, qui faciebat delubra argentea Dianæ, præstabat artificibus non exiguum quæstum: quibus conuocatis, & his qui similibus rerum erant opifices, dixit: Viri, scitis quod ex hoc opificio quæstus nobis est, & videtis & auditis, quod non solum Ephesijs, sed penè toti Asiæ Paulus hic persuasit, & auertit multam turbam, dicens, quod non sint dii qui manibus fiant. Non solum autem hæc pars nobis in periculum venit, ne reprobetur, verum etiam ne magnæ deæ Dianæ templum pro nihilo habeatur: futurumq; sit, vt etiam destruaturs maiestas eius, quam tota Asia & orbis colit.

Miram hoc loco & spectatu iucundam pingit Lucas tragœdiam, in qua ceu in tabula spectandum proponit crucem ex veritate emergentem, idololatrarum quoque artes & furorem, conuitia & turbas, cur tumultuentur idololatræ, quid prætexant, quid quærant: breuiter, pugnam religionis & superstitionis, vtriusq; etiam arma & ingenium, potissimum tamen superstitionis tam probe suis pingit coloribus, vt non frustra dictus sit pictor Ecclesiasticus. Quas enim res pictores, perinde vt si nunc primum gerantur, penicillo exprimunt atq; demonstrant, eas ipsas historia descriptionibus atque orationibus suis factas iam narrat atque describit. Vnde & Simonides apud Plutarchum picturam poema quoque tacens, & poema loquentem appellat picturam. Id cum stupidi isti monachi ne sciant ex Luca medico professione, pictorem fecerunt, cum reuera propter genium historiæ pictor à nonnullis sit cognominatus. Proprijsime ergo hunc tumultum descripsit, & primo quidem in genere dixit, Ortus est illo tempore, dum videlicet Paulus Euangelium profiteretur & abitum pararet, tumultus non exiguus, de illa via, id est, propter religionem Christianam Euangelicamque prædicationem. Nam supra monuimus Viam in sacris sæpe vsurpari pro religione & instituto. Deinde causas tumultus adeoque authorem ipsum atq; ipsam orationem describit, qua ille aliorum mentes ad tumultuandum concitauit. Postremo vero miris modis ipsam pingit seditionem. Porro iam sæpe monuimus Apostolos & veritatis ministros non esse (sicuti accusantur) seditionum magistros, sed ipsos impios & idololatræ. Idem hoc quoque loco traditur. Nam Demetrius *ἀργυροκόπος*, id est, argentarius, hoc nominis ab elaborando argento nactus, huius seditionis extitit author, non alia causa ad hanc rem tam periculosam inductus quam avaritia. Cum enim delubra faceret argentea Dianæ, vera autem religio externum condemnaret cultum, non mediocriter quæstui suo timebat. Consilium ergo ex recepit, quo veritatem gliscentem opprimeret. De hoc consilio pluribus in consequentibus. Nunc vero paucula quædam annotabimus ex authoribus quæ ad hunc locum conducere vi-

Lucas pictor dictus.

Seditionum authores.

Delubra. dentur intelligendum. Delubra proprie repositoria sunt statuarum, atq; etiam templa deorum. Erasmus hunc locum exponens ^{vnde} quidem templa significare ait, sed Lucam hic intellexisse ædículas seu thecas effigie templi, in quibus reponi solerent statuae. Vnde & Chrysostomus author Græcus, Quomodo (inquit) possibile erat delubra fieri argentea? Fortassis intellexit ædículas, & cooperacula quæ ciboria vocant. Et M. Varro libro 8. rerum diuinarum, apud Macrobius libro Satur. 3. cap. 4. Sicut locū (inquit) in quo figerent candelam, candelabrū appellatur: ita in quo Deum ponerent, nominarunt delabrū. Ego vero existimaui Templi aut Delubri nomine id omne comprehēdum esse, quod pertinet ad instrumenta ornamentaque templorum: cuius generis apud nos sunt *Cæstrensis* / *Sârch* / *Monstrâgen* / & id genus nugæ. De Diana autem hac ita scripsit Paraphrastes, Erat (vt diximus) Ephesiorum ciuitas magnopere dedita curiosis artibus: & Diana credita est apud Gentes in beneficijs habere numen aliquod: vnde & triformis ab illis dicitur, quemadmodum Hæcate: eoque summa religione colebatur apud Ephesios. Lo. vero Cælius lib. 10. cap. 6. eiusdem mentionem faciens, Quia vero triplicem (inquit) visitationem faciat Luna cum surgit in cornua, & falcata dicitur, cumq; diuidua est & cum orbe circumacta, hinc propagatum autumant poeticū commentum de triformi Diana. Vnde fit & Maraonis illud decantatum Grammaticis, diuersq; pro ingeniorum captu expositum.

Tergeminamq; Hæcaten, tria virginis ora Dianæ.

Vide Macrob. de sole siue Aëpolline. Porro Hieronymus in Præfatione in epistolam Pauli ad Ephesios scribit hanc Dianam non esse venatricem illam, quæ arcum tenet atque succincta est, sed illam multimamiam quā Græci *πολυμᾶν* vocant, quamque ipsa effigie volebant omnium bestiarum & animantium esse nutricem. De qua copiosiora Pelitianus in Miscella. capite 51. vbi & Festum huius deæ ex sententia Xenophontis Ephesij describit. Diana itaque hæc apud illos pro ea culta est, quæ omnia viuificaret atque aleret: vnde

De templo Dianæ Ephesiæ.

Istud biennio diruit Paulus Euangelij præsidio, maxima ergo vis erglo-ria est euangelij

Consilium Demetrii.

Aduersus imaginum vsum.

& huic solæ vrbis suæ tutelam locarunt Ephesij. Hæc de dea, nunc de eius Templo, de quo Democritus quidam, vt refert Diogenes, integrum librum conscripsit. Iulius Solinus cap. 53. Epheso (inquit) decus templum Dianæ est, Amazonum fabrica, adeo magnificum, vt Xerxes cum omnia Asia, tica templa igni daret, huic vni pepercerit. Et Plinius hoc plenius describens libro 36. cap. 14. Magnificentia (inquit) vera admiratio extat templum Ephesiæ Dianæ, ducentis viginti annis factum à tota Asia. In solo id palustri fecere, ne terræ motus sentiret, aut hiatus timeret. Rursus ne in lubrico aut instabili fundamenta tantæ molis locarentur, ante calcatis ea substrauere carbonibus, dein velleribus lanæ. Vniuerso templo longitudo est CCCXXV. pedum: latitudo ducentorum viginti. Columnarum centum viginti septem à singulis regibus factæ, sexaginta pedum altitudine. Ex ijs XXXVI. cælatæ, vna à Scopæ, &c. Hæc de magnificentia templi Dianæ Ephesiæ. Redimus iam ad cōsiliū Demetrii. Is cum sentiret frigere cultum deæ, ac templi opinionem vilesce-re, conuocat omnes eos qui alebantur templi luxu atque superstitioso deæ cultu, cuiusmodi sunt pictores, & qui acu & qui penicillo pingunt, fusores, plattæ, cermatistæ, idolotechni siue statuarij, & similibus rerum nugipolæ, & apud hos seditiosam habuit orationem. Vbi illud quoque annotauit Chrysostomus malignitate permotum istæc cœpisse. Abundans enim (inquit) erat: vnde ipsi quidem non tantum potuit nocere religio, quantum illis quos non nisi pauperrimos conuocauit, vt tales facilius ad arma permoueret. Nā tales quotidiano templi istius opificio victitabant. Vfus est autem apud illos oratione vehementi. Nam suasoria est & ab Vtili ac Honesto locis efficacissimis ducta. Præfert autem Vtilitatem, quod hac hominum animi plus permoueantur quam honestate: sed non negligit interim honestatem, ne quid lucri duntaxat gratia dixisse videatur, & vt tota causa maiorem habeat gratiam & auctoritatem. Cæterum argumentum primum tale est. Illud omnino nobis ferendum non est, quod quæstum & victum imminuit. Imminuit autem ea religio quæ à Paulo isto (contemptim legatur) homine nouo traditur. Non itaque ferendum nobis noxiū dogma. Hic vero Assumptionem paulò copiosius exponit, quasi dicat: Quæstus ac victus noster paratur idolorum cultu, pictura, & id genus artibus. Cæterum Paulus ille & ipsos deos & ipsa deorū simulachra, imò quicquid in horum instituitur honorem, contemnit & inutilia deoque ingrata esse docet: quæstum ergo ac victum à nobis tollit. Aduersatur autem hic quoque locus imaginum vsui. Nam quis tam vecors est, vt statuas ab hominibus fufas aut sculptas pro ipsis dijs Demetrium habuisse existimet? Sciebat enim & ipse æreas esse illas, aut metallicas, aut cedrinās, aut vitigineas, aut tiliaceas. Cæterum pro diuinis habebat venerabundus, ideoque propter eos quos significabant, & propter miracula cum plura tum etiam ingentia, quæ dæmonum arte ex illis aut iuxta illas ædebantur, item quod simulachrum illud quod in eo colebatur Templo, è cælo lapsum fama esset. Hæc præterea nostrorum quoque hominum & aduersariorum verbi mores & consilia describunt. Videmus enim monachorum & sacerdotum concursare collegia, clamitare, Si sic perrexerit vt cœpit Euangelica fides, iam Missa vna cum diuorum cultu perijt:

perijt: cessarunt & oblationes, sacrificia, vota, peregrinationes, & omnis generis anathemata. Vnde ergo posthac equos, canes, scorta, famulitium, Sybariticas mensas, bombicinas vestes, ædes amplas, & Adonidis parabimus hortos? Hic ergo omnis generis homines, omnes gradus, breuiter omnes omnium animos in Euangelij concitant odium. Principibus, opulentioribus, & tenuioris fortunæ hominibus, singulis inquam exponunt quæ in re ipsius Euangelica doctrina incommodare possit: atque hac in re plusquam rhetores præstant & plus nimium officiosi sunt. Iam & ad honesti locum accedimus. Hunc autem superiori pulchra transitionis formula sic attexit. Non solum autem hæc pars (inquit) in periculum nobis venit, ne reprobemur, verum etiam ne magnæ Dianæ templum pro nihilo reputetur. Sic enim utili, specie honesti nectit. Nam quid honestius, quid decetius videri queat, quàm publicam pietatem tueri, quàm patrij nominis maiestatem defendere? Hanc speciem pietatis mirè quàm callidè ac versutè, prætexere auaritiæ suæ hodie solent episcopi quidam & prælati, dum sacrosanctæ Ecclesiæ auctoritatem iactitant. Magnam Deiparam virginem, templum, simulachrum, ac cultum eius instructissimum deuotissimumque irrideri atque conculcari clamitant. Equidem omnia Demetrii verba eius, iam non templum aut simpliciter cultum eius nominat, sed maiestatem eius appellat, & à totius Asiæ reuerentia, quod scilicet ad hanc ex tota Asia confluere innumera hominum turba, commendat. Quasi dicat, Neque, verisimile est tot hominum millia aberrare, neque ferendum ut tam diuturna, sancta, & communi omnium regnorum comprobata religio, ita abrogetur. Quid verò nostri aliud queritantur? Nihil discriminis in istorum & nostrorum inuenias querelis. Colligimus autem ex hoc loco apud omnes penè Gentes & in religione quauis superstitionis institutas fuisse ad deos peregrinationes. Nam ut Epidaurum, Delphos & innumera alia transeam loca, certè Asiatici repetebant Ephesum, Israelitæ verò Bethel, reuera Bethauen, Berseba ac Gilgal. Vnde & apud Prophetam legimus, *Querite me & viuetis*. Et nolite querere Bethel, ad Gilgal nolite intrare, & ad Berseba ne transieritis, Amos 5 cap. Hic enim Propheta cum Osea miris modis inlectantur istud idololatriæ genus. Atqui neglectis istis omnibus videas hodie apud istos qui maximè Christiano gaudent nomine, pro vna Diana decem coli Marias, neque verò vulgari more aut incelebri fama, sed ædificiorum splendore, simulachrorum nobilitate, signorum miraculis, & peccatorum condonationibus, item & locorum delectu ac sanctimonia illustrissimas. Et ut olim vna Diana iam Agrotæra, mox Corypheæ, deinde Laphyra, item Corythallia, Ephesia quoque, Auidensis & Pergea dicebatur: ita apud nostros varia Mariæ indita sunt nomina. Alia enim Lauretana, alia Heremitana, alia Aqueensis, alia Ripensis, alia Campensis, alia Rosacea, alia Liliaca à vanissimis hominibus propter stultas opiniones superstitionesque est nuncupata. Et ut de Diana variæ erant fabulæ, cuius generis & illud est quod Ephesiæ simulachrum cælo delapsum dicebatur: ita de Diuæ virginis idolo & facellis eius varia traduntur. Hoc enim aiunt ab ipsis angelis ex Orientis partibus in extimas Occidentis delatum oras: illud verò ab angelis vel fabricatum, vel consecratum, vel auctum, vel ab hostium incursione defensum. Præterea hoc simulachrum virginis à Luca pictum, aliud à sancto quopiam sculptum, & aliud ab angelis inuentum & reuelatum, item aliud sua sponte, sed miraculosè enatum, iam & multa cælo delata esse mentiuntur. Quædam item alia Christi, Virginis & Diuorum idola sinxerunt esse immobilia, quædam lachrymas profundentia, quædam verò quæ vel pingi vel in alia loca poni renuerint, vel translata redierint in locum pristinum, quale ego quondam celebre hisce manibus meis, pio Dei zelo commotus, in gloriam Christi confregi. Quid quod quædam sinxerunt vel animaduertisse in hostes, quædam reddidisse de se fulgorem, quædam manasse cruorem, quædam item sudasse stillas aquæ prægrandes, tremuisse quoque alia? Quis verò omnes omnium nugas recitet? Vana sunt ista omnia, sed propter quæstum nobis sacrosancta, at reuera & huius loci robore prorsus proscripta & à Deo damnata. Erasmus huic orationi Demetriæ Epilogum, à Luca breuitatis gratia omissum, attexens, sic scribit, Itaque si prudentiam esse iudicatis consulere quæstui vestro, si piū esse iudicatis ab iniuria vindicare patrios deos, hic præstate vos fortes viros, & venienti malo occurrere.

His auditis, repleti sunt ira, & exclamauerunt, dicentes: Magna Diana Ephesiorum. Et impleta est ciuitas tota confusione, et impetum fecerunt vno animo in theatrum, correpto Caio & Aristarcho Macedonibus, comitibus Pauli.

Hic demum graphicè ipsam pingit seditionem, quæ ab vno atque altero nebulone incipit, deinde totam urbem inuadit. Tum verò furiant miseri cum de Diana audiunt & de lucri iactura. Tales enim sunt populi mores, qui facile terreri & incitari solet. Populus enim belua est multorum

Peregrinationes ad Diuos.

Bethel domus Dei, Bethauen domus vanitatis.

Theatrum.

capitum & ad omnia facile afficitur. Exclamationē autem & inuocationem cōplectitur & vlciscendi consilium indicat. Idcirco & Gaium & Aristarchum Pauli comites corripunt, vt de ipsis tanquam diuum contemptoribus supplicium sumant. Idem enim his vsu venit, quod Iasoni apud Thessalonicenses. Huius rei gratia & in theatrum protrahunt. Porro theatrum locus erat amplus, sic accommodus ludis spectandis, vt & multi eminus etiam cernere possent. Grāmatici enim Theatrum (inquit) hemicycli specie constructū erat, ἀπὸ τοῦ θέαμα, quod est video appellatum. Latine dici spectaculum potest. In genere verò pro quouis amplo & patenti loco in quo conciones siue comitia celebrantur, dicitur.

Paulo autem volente intrare ad populum, non permiserunt discipuli. Quidam autem & ex Asiæ primoribus, qui erant amici eius, miserunt ad eum, rogantes, ne se daret in theatrum.

*Cur Paulus se
seditioni miscere
voluerit.*

Hoc facto commendatur nobis constantia, fidelitas ac sapientia Pauli. Nam in hoc in cœtum prodire voluit, vt comitibus opitaretur, & populo veram exponeret religionem. Quin & in illis legibus Solonis antiquissimis quæ Athenis axibus ligneis incisæ sunt, quasque latas ab eo Athenienses vt sempiternæ manerent, pœnis & religionibus sanxerunt, legem esse Aristoteles refert scriptam, ad hanc sententiam: Si ob discordiam seditio populi in duas partes fieret, tum qui in eo tempore in eoque casu ciuilis discordiæ non alterutra parte sese adunxerit, sed solitarius separatusque à communi malo ciuitatis secesserit, is domo, patria, fortunisque omnibus careto, exul extorrisque esto. Voluit ergo pro sapientia & animi sui constantia in globum furientium irruere, si forsitan præsidio veræ religionis tumultuantes posset componere atque sedare. Sed aliud visum est Christianis & quibusdam Asiæ primoribus, quibus Asiatici mores erant perspectiores. Is autem Apostolus obsecundabat, qui nullibi in rebus externis sui sensus tenacior aut plus æquo præfractior fuisse legitur. Expendebat hic secum furienti populo neminem vlla ratione aut expurgatione quantumuis luculenta posse satisfacere, denique periculum in re tam ancipiti susceptum Euangelico negotio parum commodare, at incommodare plurimum posse. Prudenter ergo sua discedens sententia aliorum obsecutus est consilijs. De lege autem Solonis, qui plura eaque lectu vtilia & iucunda velit, legat Gellij noſt. Attic. lib. 2. cap. 12.

*Paulus aliorum
consilij obsecutus.*

Alij quidem igitur aliud clamabant. Erat enim concio confusa, & plerique nesciebant qua ex causa conuenissent.

*Quantum maius
seditionis
discordia.*

Veluti hypotyposis est dissensionis. In hac enim istud in primis culpandum est, quod excusa omni ratione, omni consilio omni que prudentia, affectus quorumlibet dominantur, imò tumultuantur, dum quisque sui animi consilium omnibus obtrudere contendit. Nihil ergo in quauis vrbe calamitosius, nihil in vlla gente pestilentius est, quàm ciuilis & intestina seditio, quam & Arbiter Petronius eleganti hoc carmine ad hunc modum depinxit,

*Intremuere turbæ ac scisso Discordia crine
Extulit ad superos stygium caput, huius in ore
Concretus sanguis contusaq; lumina flebant.
Stabant irati scabra rubigine dentes.
Tabo lingua fluens, obessa draconibus ora.
Atq; inter toto laceratam pectore vestem.
Sanguinea tremulam quatiebat lampada dextra.*

Ex quibus omnibus constare potest, quam sit diligenter & assidue laborandum, vt istiusmodi seditiones atque discordias effugere possimus, quoniam id à Catone ciuitatis venenum verissimè est appellatum, sicuti & M. Agrippa asserit, qui multum se debere Salustianæ sententiæ, professus est, quo loco egregiè ac prudenter inquit, Concordia paruæ res crescunt, discordia maximæ dilabuntur.

De turba autem protraxerunt Alexandrum, propellentibus eum Iudeis. Alexander autem manu silentio postulato, volebat rationem reddere populo. Quem vt cognouerunt Iudæum esse, vox orta est vna omnium, ferme ad horas duas clamantium, Magna Diana Ephesiorum.

Consent alij Alexandrum hunc instructum fuisse à Iudæis ad dicendum pro Paulo & suis. Alij volunt ab hostibus Pauli fuisse institutum, vt contra Paulum diceret, sed tumultum ita incruduisse, vt iam ne ipsi quidem seditionis auctores quicquam in tanta (vt fit) potuerint frequentia. Vtuncq; verò

verò res habeat, hoc certum est, ne Iudæos quidem Dianam coluisse: ea de re parantem dicere noluerunt audire, & in priore perstiterunt exclamatione.

Quum autem sedasset scriba turbam, dixit: Viri Ephesij, Quis enim est hominum, qui nesciat Ephesiorum ciuitatem cultricem esse magnæ deæ Dianæ, & à Ioue delapsi simulachri? Cum igitur his nemo contradicat, oportet vos sedatos esse, & nihil præcipitater agere. Adduxistis enim homines istos neque sacrilegos, neque contumeliosos in deam vestram. Quod si Demetrius, & qui cum eo sunt artifices, habent aduersus aliquem causam, cõuentus forenses aguntur, & proconsules sunt, accusent inuicem. Si quid autem de rebus alijs quæritis, in legitima concione dirimetur. Nam periculum est, ne seditionis hodiernæ rei fiamus, cum nulla subsit causa, vnde poterimus reddere rationem concursus istius. Et quum hæc dixisset, dimisit concionem.

Dominus qui leonum commirgat ferociam & tumultuantes maris componit procellas, idem *Sedatur sedatio* & ferocientem componit concionem, ne illa vel in multorum innoxiorum, vel Apostolorum ac Apostolicorum vergeret detrimentum. Facit autem illud opera scribæ Ephesij, boni, vt apparet, viri: quamuis sint qui scribam impetrasse credant silentium, porro Alexandrum perorasse. Oratio autem qua ille siue scriba vrbis, siue Alexander Iudæus fuit vsus, elegans est, & ad persuadendum, imò sedandum tumultum aptissima. Nam principio quo citius tranquillaret multitudinem, Dianæ nomine infanientem, mox à cõmendatione pietatis Ephesiorum exorsus, indicat neminem esse qui ignoret Ephesios esse cultores magnæ Dianæ, & simulachri non cuiusuis, sed à Ioue delapsi. Quasi dicat, Quorsum verò pertinet hæc vociferatio, cum nemo neget Dianam esse magnam, aut simulachrum eius cœlitus esse delapsum? Duo aut in primis obseruanda annotauit hoc loco, Erasmus. Prius, Græcè legi *ἱεροπόρ*, vbi nos legimus cultricem. Illam autem vocem compositam esse ex *ἱερός*, quod Attice sonat templum, & *πόρ* purgo siue verro, authoribus Hesychio Etymologico & Suida. Solere autem qui impensus deditæ sint alicui Diuæ, aram illius varijs ornamentorum generibus cohonestare, quemadmodum facit apud Apuleium Psyche. Posterius, *Διογενὲς* non ad Dianam referri, sed ad *ἄλγος*, id est, statum Dianæ quæ hic intelligatur. *Διογενὲς* autem Græcis dici, quod à Ioue delapsum sit ac è cœlo venerit. Opifices enim simulachrorum, quo maior esset superstitio vulgi, sinxisse ea cœlitus esse delapsa. Cuius generis infinita confinxit mendax monachorum colluies, quibusdam etiam in monumenta relatis. Numa idem de Ancylibus persuasit Romanis. His autem ad hunc modum præmissis mox ipsum orationis suæ statum, & quid ab eis impetratum cupiat, subiungit, & ait: Cum his igitur nemo contradicat, oportet vos sedatos esse, & nihil præcipitanter agere. Rursus ne ob captiuos tumultuarentur, purgat eos, ac dicit, Nec est quod propter istos (ceu iusta ex causa) concurratis, vt de ipsis tanquam deæ contemptoribus sumatis pœnam. Neque enim sacrilegi neque blasphemi sunt aduersus Dianæ numen. Est autem sacrilegium furtum rerum dijs consecratarum. Et quamquam nihil sacrilegij admisissent Apostoli, nisi forsan dixeris sacrilegium, quod Diuis docerent nihil prorsus esse *Sacrilegium et sacrilegi*. dedicandum aut offerendum, tamen à blasphemia (vt interim blasphemiam vocemus) in fictos Gentium deos non erant alieni: dicuntur ergo hæc ad sedandum furientis populi turbam. Hodie nihil perinde impingitur Euangelij studiosis ac illud quod blasphemi sint in Diuos, & sacrilegi in Diuorum ædes seu peculatores facultatum Ecclesiasticarum. Cum reuera hi non sint sacrilegi, quæ tradunt simulachra, quæ oculos habent & non vident, nares & non odorant, ora & non comedunt, membra & non frigent, minimè honoranda esse vel lumine, vel thure, cibo, veste aut alio quopiam munere, quin potius viuus Dei simulachris pauperibus talia esse offerenda. Illi ergo digniores sunt hoc cognomine, qui Ecclesiasticis opibus ad luxum abutuntur, & pauperes interim inedia perire sinunt. Sed de hac re aliàs. Hinc verò tacitè carpit Demetrium & reliquos conspiracyonis socios, quod rem quam sine tumultu coram iudicibus agi oportuisset tam seditiosè & præcipitanter egerint. Hoc autem agit dum suadet petendos esse forenses conuentus, & ad Proconsules prouocandum. Id quod & honesti speciem habet. Postremo deterret etiam ab instituto, tandem ceu epilogo colligens, Cum ergo nulla causa iusta sit, ob quam tam furiosè concurratis, profecto periculum est, omnes nos hodie, si sic furere perrexerimus, seditionis reos fieri, & ideo dignos quoque qui secundum leges puniamur ab Imperatore. Hac oratione adeo furientis populi animos flexit atque sedauit, vt quisque eo vnde venerat rediret, delusa interim spe Demetrii. Hinc autem liquet quanta sit iustæ eloquentiæ laus, de qua Cicero egregia quædam conscripsit de Oratore libro I. quæ & mirificè huc quadrant.

COMMENTARIORVM IN ACTA

APOSTOLORVM LIBER V.

PROOEMIUM.

HOC in libro explicabimus quartam illam Pauli peregrinationem, qua in Macedonia et Achaia ecclesias reuifit, iterumq; in Asiam soluit, Troadem delatus, in qua Eurychū qui inter concionandum ē tertio ceciderat cōnaculo, restituit, postea verò aliquot vrbibus emensis Miletum venit, in qua mire eleganti ac pia, nec minus vtili oratione presbyteros Ephesiorum & circumiacentis agri instituit. A quibus tandem auulsus, & per varias mediterranei maris insulas Casaream delatus, postremò Ierosolymam deuenit. Hic porrò audiemus quomodo fratrum precibus euictus votum suscepit, templum ingressus, ibi à Iudæis, tumultu excitato, captus, & iamiam ab ipsis interficiendus, à Tribuno Lysia, ē manibus eorum ereptus sit. Rursus quomodo permittente Lysia apologiam apud Iudæos frustra parauit: deinde verò ad Ananiam productus vapularit, interim ipsis inter sese Phariseis ac Sadducæis hostiliter digladiantibus. Audiemus præterea quomodo structas sibi insidias declinavit, & armata militum manu cinctus Antipatridaq; deductus, tandem Casaream venerit ad præsidem Iudææ Felicem, coram quo & causam suam accusante ipsum Tertullo oratore graui, egerit, adeoq; & euicerit, sed in gratiam Iudæorum nihilominus in vinculis sit dententus.

CAPVT XX.

Postquam autem cessauit tumultus vocatis ad se Paulus discipulis, complexusq; illos profectus est, vt iret in Macedoniam. Cum autem perambulasset partes illas & exhortatus eos fuisset multo sermone, venit in Græciam: & ibi peractis mensibus tribus, cum essent illi structæ insidiæ à Iudæis soluturo in Syriam, habebat in animo, vt reuerteretur per Macedoniam. Comitatus est autem eum vsq; ad Asiam Sopater Berrhœensis, Thessalonicensium verò Aristarchus, & Secundus, & Gaius Derbeus, ac Timotheus: Asiatici verò Tychicus & Trophimus. Hi cum præcessissent, expectarunt nos Troade: nos verò ab nauigauimus post dies azymorum à Philippis, & venimus ad eos Troadem intra dies quinque, vbi demorati sumus diebus septem.

HETS translatio habet, Exhortatusq; illos valedixit, nimirum quod maxima affinitas sit inter παρακαλεσάμενος & αποκαλεσάμενος. Hoc autem significat complexus est, illud verò exhortatus est. Vnum ergo in alterum mutari librorum incuria potuit. Sanè vetus interpretatio probatur & Chrysostomo dicenti, Ab hoc tumultu multa consolatione opus erat. Hoc sanè & facit. Erasmus in Paraphrasi vtrunque exponens ait, Exhortatus est eos, vt constanter pergerent in his quæ cœpissent, & complexus illos, ac vale dicto profectus est, vt iret in Macedoniam. Neque in hac aliud agere, quàm fratres voluit confirmare. Idem & in Græcia, hoc est, Achaia fecit: verum insidias declinans in Macedoniam redit, vt inde soluat in Asiam. Quod autem Pauli comites non citra eximiam laudem nominatim recitantur, indicat quanta sit Euangelij gloria & quanta Pauli autoritas, cui tot eruditi ac pij viri adhæserint: quorum ille vicissim magnam habuit rationem, longa experientia edoctus, quantum bonum sit, doctum & pium reperisse, aut ad manum habere virum, quoties id Ecclesiarum postularit necessitas. Hi autem præcedentes procurarunt ea in Asia, quæ videbantur necessaria: expectantes Paulum vnà cum reliquis, in quorum numero & Lucas fuisse videtur, Troade, quò & non multis post diebus Paulus secundis deuenit ventis.

Vno autem die sabbatorum cum conuenissent discipuli ad frangendum panem

panem Paulus differebat eis, profecturus postridie, protraxitq[ue] sermonem usq[ue] in mediam noctem. Erant autem lucernæ multæ in cœnaculo, vbi eramus congregati. Sedens autem quidam adolescens nomine Eutychus in fenestra, quum degrauretur somno profundo, disserente diu Paulo, magis depressus somno, decidit ex tertio cœnaculo deorsum, & sublatus est mortuus. Cum descendisset autem Paulus incubuit super eum, & complexus dixit Nolite turbari, anima enim eius in ipso est. Cum ascendisset autem, fregissetq[ue] panem, ac degustasset, diu colloquutus usq[ue] ad diluculum, ita demum profectus est. Adduxerunt autem puerum viuentem, & refocillati sint non mediocriter.

Obiter & in transcurso describit hoc in loco & disciplinam Ecclesiasticam, & miraculum quodpiam non vulgare. Ad disciplinam Ecclesiasticam pertinet, quod sabbatorum die conueniunt, quod prædicationem audiunt, & panem frangunt. Videntur autem hæc Dominica die esse gesta, & Vna sabbatorum (vt & in Euangelica historia & 1. Cor. 16.) positum esse pro prima. Video enim & Hieronymo aduersus Vigilantium placere, Vna die positum esse pro Dominica die. Per Fractionem autem panis aliud nihil intellexit, quàm ipsa (quod & Beda sentit) Christianorum mysteria, distributionem corporis & sanguinis Christi mystici, quæ distributio sine oratione & diuini verbi prædicatione esse nõ potest. Siquidem Dominus instituit, vt frangentes panem, in memoriam mortis suæ frangamus. Et Paulus, Quotiescunque (ait) comederitis de hoc pane & poculo hoc biberitis, mortem Domini annuntiabitis. Verbo itaque docenda est mors & redemptio Christi, qua & excitetur gratiarum actio, peccatorum agnitio, & fides in Christum. Nulla porro mentio hic fit vllius aræ, cantus, Missæ, sed prædicationis & Eucharistiæ. Sed de hac re dictum est in cap. Actorum 2. Quanquam hic locus superiorem confirmet, quod tanto iam elapso tempore detrictoq[ue] in Euangelica prædicatione Paulus nihil noui assuit ritui veteri. Videbat enim id longè absolutissimum esse quod ipsa Dei sapientia Christus discipulis suis tradiderat. Atque vtinam & hodie sacrosanctum illud Christianorum mysterium, auctioribus & additamentis non ita locupletassent quidam, imò deprauassent. Non piguit Paulum prædicationi totam insumere noctem: at isti infinitas etiam suarum Missarum myriades celebrantes, ne semel quidem mysteria Christi vera & Euangelica prædicatione rudi populo exponunt. Tota ergo religio ipsumq[ue] sacrum mysterium apud illos ad circulatoriam, gestulationesq[ue] corporis, ac ceremonias inanes, denique ad infrugiferam conceptorum verborum recitationem redactam, nihil commodi adfert spectatoribus, nisi quis ornatu, quo apud istos omnia admirabilia sunt, afficiatur. Illud quoque annotandum Fractionem panis & verbi Dei prædicationem nec loco nec tempore alligatam esse. Hoc enim noctu fecit Paulus, quod nos die solemus. Præterea nõ in templo, sed in cœnaculo domus forte oblata, Christum suis & prædicauit & dedit. Hoc non dixerim quod putem morem nostrum malum esse, sed vt indicem liberum esse Ecclesijs, de tempore & loco discernere. Id quod ipse etiam Augustinus in Epistola ad Ianuarium, quæ ordine 118. est, liberum esse voluit. Porro nemo audiens hic lucernarum mentionem fieri arbitrabitur istas religionis gratia fuisse accensas. Nam ipse quoque Hieronymus Vigilantio respondens, negat cereos alia causa accendi in Ecclesijs, quàm ad solatium nocturnæ caliginis. Et Lactantius libro Institut. de Vero cultu 6. cap. 1. Num igitur (inquit) mentis suæ compos putandus est, qui auctori & datori luminis candelarum ac cerearum lumen offert pro munere? Aliud verò exigit à nobis lumen, & quidem non fumidum, sed (vt ait poeta) liquidum atque clarum, mentis scilicet. Et quæ sequuntur. Cæterum ad miraculum pertinet restitutio Eutychis, quem Latine vocare posses Fortunatum, in quo nonnulla nobis traditur socordiae increpatio ac poena. Beda, Inter verba (inquit) prædicationis occurrit occasio sanationis, vt dulcedine miraculi, & doctrinæ sermo firmetur, & vigiliarum labor arceatur, & memoria magistri iam discessuri penitus infigatur. Vbi ergo ille decidisset, accursus est (vt fit) à cæteris, sed repertus est mortuus, ac sublatus in domum. Id vbi cognouit Paulus, descendit, & nihil arrogantius iactans, sed cum humilitate accedens, ad Helizæ Prophetæ exemplum, incuruato corpore incubuit super eum, veluti complexu suo fouens exanimem. Atque hic diuina virtute restitutus sibi Fortunatus, respirare cœpit. Quare mœrentes consolatus Apostolus, rursus ascendit cœnaculum, ac tum primum distribuit sacrosanctum symbolum, ipseq[ue] sumpsit cum cæteris. Deinde verò interruptum redintegrans sermonem, hunc usq[ue] ad diluculum protraxit: ita demum profectus est. Pudeat ergo nos nostræ inertiz, qui ne in die quidem verbum Domini audimus, imò si aliquoties audire contingat, vix horâ aut dimidiatâ patienter audimus. Omnis mora in concionibus nobis

Dominica

Fractio panis.

De lucernis in
æde sacra.Socordie in
crepatio.Sermo salutis
non debebat
esse occasio
mortis.

molestissima, at in conuiujs aut spectaculis ludicris nulla satis longa est. Nemo in his dormit, nemo frigus aut æstus causatur ut in concionibus sacris. Adeo increuit malitia nostra.

Nos autem conscensa naui soluimus Asson, inde excepturi Paulum. Sic enim ordinauerat ipse per terram iter facturus. Cum autem conuenissemus Asson, recepto eo venimus in Mitylenen. Et inde nauigantes, sequenti die venimus contra Chium. Postridie verò appukimus Samum, & commorati Trogillij proximo die venimus in Miletum: proposuerat enim Paulus præternauigare Ephesum, ne tempus tereret in Asia. Festinabat enim, si possibile sibi esset, ut diem Pentecostes ageret Hierosolymis.

Labor Pauli.

Nullibi comperias Paulum fuisse delicatulum: ergo hoc loco pedes iter instituit, prorsus episcopis nostris dissimilis, qui nisi equis selectissimis aut vehiculis Persico luxu instructis vehantur maiestatem prælaticā violari atque dehonestari credunt. Reliqua petantur ex Epitome. Porro Hierosolymam propterea contendebat ad Pentecostes peruenire diem, quod tunc, ex more, frequentior esset ex omnibus Iudææ partibus concio. At qui priusquam solueret, Asiaticis episcopis Ecclesias ita commendare voluit, ut omnes posteri in hoc exemplum ac institutionem haberent, quid sequi deceat. Lucas ergo rem nobilissimam mira describit diligentia.

A Mileto autem missis Ephesum nuntijs, accersuit presbyteros Ecclesiæ: qui cum peruenissent ad ipsum, dixit eis: Vos scitis à primo die quo ingressus sum Asiam, quomodo vobiscum per omne tempus fuerim, seruans Domino cum omni humilitate: cumque multis lachrymis & tentationibus, quæ mihi acciderunt ex insidijs Iudæorum, ut nihil suffugerim eorum quæ essent in rem vestram, quin annuntiarem vobis, & docerem vos publicè ac per singulos domos, testificans Iudæis simul & Græcis, eam quæ erga Deum est, poenitentiam ac fidem, quæ est erga Dominum nostrum Iesum.

Episcoporum institutio.

Oratio ergo Pauli quam hoc loco descripsit Lucas, supra modum elegans est nec minus utilis, in primis (ut diximus) ijs, qui præfecti Ecclesijs satis periculose sustinent provinciam, qui si sapiunt & sibi consultum volunt hanc Pauli orationem noctes atque dies animo voluent. Cæterum expositoria est, plurimum ubique habens exhortationis & consilij immixtum. Huc tamen referuntur omnia, ut in sana veritatis doctrina permaneant, hanc Ecclesijs fideliter dispensent, labores non horreant, sua non quærant, & ab hæreticis caueant, sed & omni parte bene aduigilent. Vbiq; autem (pro more suo) immiscet causas, & stimulos, ut persuadeant. Tota verò paternum quendam & amore maximaque cura flagrantem respicit animum. Quemadmodum ergo diximus, tota hac oratione sua Paulus aliud non docet, quam quales esse debeant episcopi, hoc est, ministri Euangelij, quibus animarum salus credita est. Cuius rei ut exemplum habeant, seipsum imitandum proponit. Res itaque suas breui enumeratione exponit, ut quid ipsos deceret in promptu haberent, quos successores in labore verbi Dei relinquebat. Principio autem citra omne lenimen aut exordij blanditias auspicans ab ipsa re, coram illis, quibus veritas charior esse debebat, quam ut pluribus essent oratione instructa permouendi, dicit, Non est necesse, fratres, ut multis fidelitatem Asiaticis Ecclesijs in ministerio verbi exhibitam vobis commendem. Ipsi enim nostis quomodo seruierim Domino, quid passus sim, & quanta diligentia & sedulitate egerim omnia. Seruiui enim illi *per totam Asiam a principio quousque* cum omni inquam animi modestia, nihil altius de me sentiens, sed ad exemplum præceptoris Christi humilis & omnibus inseruiens, multa etiam ab aduersarijs verbi patiens, quorum tamen duritia plures excussit lachrymas, quam execrationes. Et quanquam multorum vrgerent insidiæ, nihil tamen veritatis subtraxi vobis, aut territus afflictionibus, quicquam vel periculi vel laboris detrectavi, sed quæcunque ad salutem videbantur necessaria priuatim & publicè tradidi, ut cunque se ferebat occasio. Iam verò ut summam quoque Euangelicæ prædicationis collectam attexeret, subdit, Testificans Iudæis simul ac Græcis eam quæ ad Deum est poenitentiam siue reuersionem, & fidem quæ est in Dominum Iesum. Duo ergo sunt quæ Euangelio traduntur, Poenitentia, quæ animi & vitæ est resipiscencia: & Fides, quæ est firma in Christum Iesum mortuum & exuscitatum fiducia. Quæ quidem non Iudæis modò, sed omnibus Gentibus prædicanda sunt. Sed de istis omnibus copiosius dictum in epistola ad Romanos.

Modestia Pauli.

Summa Euangelij.

Romanos. Loci autem qui hinc colliguntur hi sunt. Quod Apostoli omnem nobis veritatem exposuerunt. Quod nihil aliud quàm vitæ innocentiam & fidem docuerunt. Quod qui piè in Christo vivere volunt persecutionem patiantur. Nihil veri à viro pio ac forti mortis metu detrectari. Humilitatem animi Deo placere, 1. Pet. 5.

Et nunc ecce ego alligatus spiritu, proficiscor Hierosolymam, quæ in ea obuentura sint mihi ignerans, nisi quod spiritus sanctus per singulas ciuitates testificatur dicens, quod vincula & afflictiones me manent. Verum nihil me mouet: neque vita mea chara est mihi ipsi, vt consummem cursum meum cum gaudio, & ministerium quod accepi à domino Iesu ad testificandum euangelium gratiæ Dei.

Quorū verò hæc tam altè repetita pertinent? Huc nimirū, quod iam discessurus sum, amplius non rediturus. Volui ergo prius commendare vobis Ecclesias. Cæterum alligatum se dicit spiritu, qui ductu spiritus voluntati Domini obtemperabat, atque volens hunc monitorem ductoremque sequebatur. Idem spiritus per ora sanctorum hominum in singulis vrbibus, per quas proficiscebatur, palàm testabatur Paulum Hierosolymis in vincula esse coniiciendum. Iam verò ne nimium tristarentur consolationis vice subiungit, Nihil autem cuto vincula, aut ipsam etiam mortem. Nam ipsa vita mea temporalis, non est mihi charior Christo ac veritate, in quo æternum viuam, si in finem vsque non deero functioni mihi impositæ. Neque verò aliud mihi cordi est, quàm vt fideliter exequar munus mihi impositum, vt gratiam inquam Dei per Christum orbi exhibitam summæ propagem sedulitate & animi promptitudine. Hæc obsecro legant Episcopi, qui metu mortis adeo patient, vt ab omni prorsus veritate resiliant. Mors equidem amara est, & carni plus quàm dici possit horribilis, sed confortanda mens cœlestibus bonis, quæ procul dubio consequuntur qui terrestria contempserint. Si vel moriendo fuerit, vel prodenda veritas ac viuendum, mortem potius quàm vitam eligere debes. Nam salus tua tibi vita charior erit, si sapis. Itaque & Paulo ministerium suum vita sua sibi erat charius. Malebat hanc periclitari, quàm illud non exequi strenue. Obserua autem admirabile Dei consilium, quò fit, vt Apostolus qui hætenus toties fugerat, & discipulorum precibus obtemperans sese subduxerat, nunc omnium preces surda aure transeat, & virtute Dei intus rapiente, ad supplicij locum properet. Id ceu per nebulam viderat, qui dixit, Fata volentem ducunt, nolentem trahunt.

Metus mortis.

Et nunc ecce ego scio, quod posthac non videbitis faciem meam vos omnes, per quos transiui, prædicans regnum Dei. Quapropter contestor vos hodierno die, quod mundus ego sum à sanguine omnium. Non enim subterfugi, quò minus annunciarim omne consilium Dei vobis.

Redit & absoluit quod prius cœperat, nam hic demum absoluitur sensus, qui hætenus suspensus fuit. Hoc autem dicit, tam altè perito principio iccirco vsus sum, quod Spiritus sancti instinctu certo edoctus noui quod faciem meam, id est, me ipsum, posthac amplius non sitis visuri. Volui ergo istis protestari prius, quod quicquid ad veram absolutamque pertinet pietatem plenè tradiderim, vt nunc omni culpa caream si quis vestrū aliud doctrinæ genus sequens perit: sua enim culpa, non mea perit. Ego enim ab omnium sanguine purus sum. Vsurpauit autem Sanguinem sicuti in 18. cap. audiui, sed & allusit ad 3. cap. Ezech. Prophetæ. Miror autem quid ad hæc vsq; adeo aperta respondere possint, qui garrunt Apostolos non omnia omnibus tradidisse: iccirco multa plurimos post annos à Consilijs & patribus esse adiecta, quæ & ipsa sint ad salutem necessaria: quæ tamen si ijs conferantur quæ Apostolorum literis & gestis prodita sunt, ex diametro, vt aiunt, dissident.

Omnia tradiderunt Apostoli.

Attendite igitur vobis & cuncto gregi, in quo vos Spiritus Sanctus posuit episcopos ad regendum Ecclesiam Dei, quam acquisiuit sanguine suo.

Postquam ergo exposuisset, quod posthac ipsum nō essent visuri amplius, & quod omnia ea tradidisset, quæ ad salutem consequendam pertinerent, nunc nudato pectore & verbis apertissimis hortatur, vt in suscepta & confessa veritate ipsi persistant, & in hoc toti sint aduigilentque vt in eadem & ipsorum perseuerent Ecclesiæ. Primum enim est, vt quisque sibi ipsi persuaserit quod alijs persuasum cupit. Porro fideles gregis cognominat vocabulo, idque per allegoriam ex Prophetis & verbis

Episcoporum officium.

Domini petitam. Notissima enim sunt quæ Ezechiel de hac re scripsit cap. 24. & quæ ipse Dominus apud Ioannem dixit in capite 10. atque 21. Plurima autem simul miscet, quæ ad vigilantiam ipsos excitent. Huius generis est, quod dicit, Attendite gregi, cui præfecit vos spiritus sanctus, ipse inquam Deus. Quasi dicat. Maximus & potentissimus, imò & oculatissimus est princeps, cui seruitis, accuratius ergo seruite, memores eius cuius serui estis. His palàm iungit nomen rei, dicens, In quo vos posuit Episcopos. Nunc enim Episcopos vocat quos paulò ante vocarat presbyteros. Est autem *ἐπίσκοπος*, id est, Episcopus, speculator & obseruator & cultos & præfectus. Cicero enim ad Atticum libro 7. Vult enim me (ait) Pompeius esse quæ tota hæc Campania & maritima ora habeat *ἐπίσκοπος*, ad quem delectus & negotij summa referatur. Athenienses quos ad stipendiarias subditasque ciuitates mitterent, vt quid in quaque ageretur diligenter inspicerent obseruarentque, Episcopos dixere & *φύλακας*. Præfectus annonæ iureconsultus Archadius Episcopos nominauit. Sunt qui in eo nomine redundare arbitrentur, de quorum numero est Eustathius Homeri interpretes, & *ἐπισκοπῶν*, & *ἐπισκοπῶν* idem esse: at reuera deriuatur ab *ἐπισκοπῶν* considero, vel *ἐπισκοπῶν* visitare. Inde iam est Episcopus, *ἐπίσκοπος* (vt ait Suidas) *ἀμμοσῶν ἐλέγοντο*, id est, quos Lacones vocant Armostas. Ad expositionem quoque huius pertinet quod sequitur in Luca, *ποιμαίνειν*, quod plerique verterunt regere siue ad regendum Ecclesiam Dei: verum id verbi superciliosius est quàm quod huc pertineat, maximè nostris temporibus, in quibus Episcopi nostri Episcopatum aliud non esse putant, quàm dominandi libidinem. *ποιμαίνειν* ergo est pastorum more gubernare & curare, siue pascere, id est, verbo veritatis reficere. Sumpta Metaphora à pastoribus, idque ad præscriptum (vt diximus) Prophetarum & verborum Christi, quæ postea Petrus clarius expresit in prioris sua Epistola cap. 5. Quin hic quoque adijcitur, Ad pascendum Ecclesiam Dei. Iam ergo Ecclesiam vocat, quam superius gregis nomine adumbrarat, Ecclesiam autem Dei. Ecclesia enim Dei est, nò hominis pastoris. Pastor alienarum ouium pastor est, non suarum. Oues Dei sunt, cuius ille (ni mercenarius & prædo sit) imperijs subest, & Ecclesiæ ministri, non dominus est, qui pabulo verbi Domini gregem reficere debet. Dominus enim Iesus pro Ecclesia mortuus est, & hanc proprio sanguine purgauit, ipsamque sibi in coniugem copulauit, vt ipse in Ephesijs quinto capite docuit. Non est igitur committendum, vt merx tam care emptæ Deo, pastorum pereat negligentia. Hæc porro Episcopis Pontificijs ita laruam detrahunt, vt nisi iam olim illorum animi in superstitione, mendacio, avaritia & luxu obriguissent, sortis suæ plus quàm pingeret puderetque.

Ego enim noui hoc, quòd ingressuri sint post discessum meum lupi graues in vos non parcentes gregi. Et ex vobis ipsi exorientur viri, loquentes peruerfa, vt abducant discipulos post se, propter quod vigilate, memores quod per triennium nocte ac die non cessauerim cum lachrymis monere vnumquemque.

Aduersus pseudoprophetas.

1. Ioan. 2.

Hereticus quis

Causam subiungit, cur tam anxie hortetur ad vigilantiam, quod scilicet certo norit impostores plurimos fore exorituros. Imò quo magis istorum, imò omnium nostrum mentes exciter, periculum ipsum maximè auget, & Metaphora ex verbis Christi petita, extollit, dum istos lupos appellat, nec quosuis, sed graues, id est, rapaces, quos Germani vocamus, *wärdölff*. Christus enim Matt. 7. Attendite (inquit) vobis à falsis Prophetis, qui veniunt ad vos in pellibus ouillis, intrinsecus autem sunt lupi rapaces. Lupis autem peculiaris est voracitas. Notat ergo scriptura inexplabilem pseudoprophetarum ingluuiem & avaritiam, vtpote quibus ipse Dominus Iesus & vita æterna (huius enim se venditores iactitant) obolo venalis sit. Imò ne quis allegoriam minus intelligeret, eius expositionem subiungit & ait, Ex vobis ipsis, id est, ex ijs qui se Christi discipulos & Ecclesiæ membra iactant, exorientur viri (ecce hi sunt isti lupi) docentes *δις τρεμίστα*, id est, distorta & obliqua, hoc est minime simplicia minimeque sincera. Talia enim sunt hæreticorum dogmata, vt si scripturis conferantur, aut dissideant ex diametro, aut à simplicitate plurimum varient, & ad humanas affectiones inclinent, adeoque & lectorum conscientias intricent. Idcirco autem in pura simplicitate Euangelica nò persistant, quod aut sua quærunt, aut alij videri volunt, quàm sint. Propterea enim discipulos post se abducunt, vt apud hos sint in pretio. Pulchrè ergo D. Augustinus cap. 1. ad Honoratum de Utilitate credendi, Hæreticus (inquit) mea sententia, qui alicuius temporalis commodi & maximè gloriæ principatusque sui causa falsas ac nouas opiniones vel gignit vel sequitur. Ad quæ omnia si adhibeas atque probes qui nunc ex ijs qui hodie dicuntur hæretici, hæretici sint, comperies opinor minus hæreticos esse qui dicuntur. Consulantur præterea loci de pseudoprophetis apud Isaiam in 56. cap. apud Ieremiam in 23. apud Ezechielem verò in 13. apud Micheam quoque in 3. item apud Paulum ad Rom. 16. ad Philip. 3. in 1. Timoth. 4. & in 2. ad Timoth. 3. & 4. cap. item apud Petrum in 2. cap. & 3. Postremo illatio.

mò illationem infert, Proinde vigilate: iterum addens stimulum, Memores quod triennio iam hoc ipsum noctes atque dies, nec citra lachrymas subinde ingesserim, nec in genere tantum, sed singulis quoq; peculiariter inculcarim. Vigilare ergo fratres, vigilare inquam: quo enim plus periculi imminet, hoc attentius vigilate. Quid obsecro dici vel scribi potuit ardentius? Vtinam autem ista in pectore pastorum tam ardeant, quàm vehementer in auribus sonant. Atqui rationem aliquando reddemus, ô fratres, pastorum principi Christo. Væ autem nobis si illos nostra inertia aut pusillanimitate perdidimus, pro quibus Christus fuerat mortuus. Vigilemus ergo, ô fratres, & eum timeamus qui & corpus & animam præcipitat in tartara.

Et nunc commendo vos fratres Deo, & sermoni gratiæ ipsius, qui potēs est superstruere & dare vobis hæreditatem inter sanctificatos omnes.

Iam verò dolorem illum in quem de periculis differens, coniecerat, commitigans addit, Certe, rum non est quod timeatis vos in hac pugna succubituros, Deus enim potens & misericors est, qui Ecclesiam non destituet, neq; ministris verbi sui deerit. Commendo igitur vos Deo, utpote ei, qui fundamento Christo poterit superstruere firmum & elegans Ecclesiæ ædificium: præterea cōmendō vos sermoni, qui est de gratia per Christū collata orbi, è quo si quid deerit, petatis. Lucerna enim pedibus nostris verbum eius & lumen semitis nostris. Duo itaq; sunt quæ in hac lucta certantes contra hæreticorum diaboli & mundi incursiones solantur, Potentia ac præsentia Dei, & verbum veritatis. Age ergo, ô fratres, fidamus omnipotenti Deo, inuocemus illius auxilium, innitamur verbo eius, & procul dubio vincemus. Porro nisi domum asseruet Dominus, frustra vigilat, qui custodit eam.

Arma pastoralia gratia & verbum Dei.
1. Cor. 3.
Eph. 2.

Argentum & aurum, aut vestem nullius concupiui, imò ipsi scitis, quod necessitatibus meis, & his qui mecum sunt suppeditauerunt manus hæ. Omnia ostendi vobis, quod sic laborantes oportet suscipere infirmos, ac meminisse verborum domini Iesu, quoniam ipse dixit: Beatū est dare potius quam accipere.

Ex auaritia procerum Ecclesiæ maxima oriuntur mala, sicuti in Iuda comprobatum est. Et auaritia, teste Paulo, omnium malorum radix est. Hinc in calce huius orationis ut penitus figeret aculeum aduersus auaritiam disserit, & quod alibi vno verbo dixit Episcopum turpis lucri non debere auidum esse, id hic mira copia miraq; euidentia explicat, iterum sese exemplum proponens imitandum. Paria his prorsus legimus & de Samuele 1. Samuelis lib. cap. 12. Tantum abest (inquit Paulus) ut à quoquam quicquam extorserim, ut ne concupiuerim quidem vnquam vllius facultates: imò dum necessitas vrgeret, & ipsum Domini verbum dicens, Operarium dignum esse mercede sua, non obstarer, attamen manibus hisce (σκητιῶν) parauī mihi meisque sodalibus ea quæ erant necessaria: ut hoc ipso vobis exemplum præberem, infirmos sumptibus (si sic ferat occasio) grauandos non esse, ne illis occasio detur desciscendi à fide. Monuit enim Erasmus *ὀφθαλμοὺς ἀνδρῶν* propriè esse porrecta manu retinere lapsurum alioqui aut abiturum. Iam ut omnia maiorem apud istos haberent auctoritatem, sententiam Domini Iesu adijcit, Beatius est dare, quàm accipere, quæ tametsi conceptis verbis nullibi descripta legatur, tamen apud Lucam in capite decimoquarto eleganti de inuitandis parabola, beneficia ita conferri vult, ut omnis absit meliora aut paria consequendi spes. Apud eundem in 6. cap. Mutuum (inquit Christus) date, nihil inde sperantes. Sed ô Deum immortalem quantum absunt nostri præsidēs à Pauli innocentia. Hodie non nisi magnarum accessione opum æstīmantur Episcopatus, nec auctoritas adest nec dignitas, nisi amplæ respondeant facultates, adeoque nec virtuti amplius nec eruditioni suus est honor, sed fortunæ & pompæ mundanæ tribuuntur omnia: vnde & verissimum est quod vulgo dictum est, Religio peperit diuitias, & filia deuorauit matrem. Copiosiora autem de functione Episcoporum qui velit, legat vtranq; Pauli ad Timotheum, & vnā ad Titum Epistolā, hac de re potissimum conscriptas. Hoc saltem adiecerim, Mendicantium monachorum sectas, hac Christi sententia, Beatius est dare, quàm accipere, prorsus esse ceu sacro fulminis telo transfixas.

Aduersus auaritiam & luxum episcoporum.

Monachi.

Et cum hæc dixisset, positis genibus suis, orauit cū omnibus illis. Magnus autē fletus coortus est omnium: & ruentes in collum Pauli, osculabantur eum dolentes: maxime ob sermonem quem dixerat, quod amplius faciem eius non essent visuri. Et deducebant eum ad nauem.

Nihil citra orationis præsidium cœpit aut peregit Paulus vnquam. Siquidem sine Dei auxilio *Preces Pauli.*

nihil possumus. Cæterum is orari vult. Proinde vbique nobis commendatur sanctorum oratio, vt discamus etiam nos indefessis perpetuisque inuigilare precibus. Quod autem præterea narratur de Christianorum dolore ex interitu Pauli concepto, de lachrymis, osculis & conductu, humanitatem nobis commendant, quam nisi quis fratribus præstiterit, haudquaquam Christiano nomine dignus erit. Illi sanctissimum Apostolum, oculis etiam quoad licuit prosequuti sunt nauigantem. Sic inquam in hisce agentes terris auellimur tandem à charissimis quoque. Nulla ergo certa infallibilis & æterna post Deum in orbe restat spes. Ab hoc vno in æternum si vel semel illi arctius hæserimus non separabimur.

CAPVT XXI.

Cum autem factum esset, vt soluissimus, auulsi ab eis, recto cursu venimus Coum, & sequenti die Rhodum, & inde Pataram. Et nausti nauem, quæ traiceret in Phœnicen, ea conscensa soluimus. Cum autem cœpisset nobis apparere Cyprus, relicta ea ad sinistram nauigauimus in Syriâ, ac venimus Tyrum; nam huc nauis exponebat onus. Repertisq; discipulis, mansimus ibidem diebus septem. Qui Paulo dicebant per spiritum, ne ascenderet Hierosolymam. Et expletis diebus, profecti ibamus deducentibus nos omnibus vnâ cum vxoribus & filiis, donec exissemus ciuitatem, & positis genibus in littore precati sumus. Et consalutatis nobis inuicem, conscendimus nauim; illi autem redierunt ad sua.

Dulcissimus fidelium affectus erga doctorem.

Dierum computationatio.



ITERVM remittimus ad Epitomê, vt ex ea petas, quæ Chorographiæ sunt. Beda hoc in loco annotauit, nullam vnquam ciuitatem maiori dulcedine Apostolum suscepisse, tenuisse, dimisisse, quàm Tyrum. Denique hodie etiam (ait) monstratur in arena locus vbi pariter orauerint. Equidem indicauit locus hic quàm viuax distionis spiritus in crescentis Ecclesiæ fratribus sororibusq; fuerit, quantumq; per omnia officij & synceritatis. Nos qui hodie non minus Domini Apostolos Paulum & reliquos, viuâ utique ipsorum scripta atque colloquia habemus, prorsus frigide erga tantum afficimur thesaurum, propterea quod parum Christiani amoris rerumque honestarum studio flagramus. Porro D. Ioannes Chrysostomus, dies quorum hic subinde fit mentio, computans, sic scribit, Post Azyma in Troadem venerunt diebus quinque, deinde ibi fuerunt dies septem, & habes dies duodecim: deinde in Assum in Mitylenen, contra Chium in Trogyllium, in Samum, in Miletum, & erunt decem & octo dies: postea in Choum, in Rhodum, in Pataram, en viginti & vnum dies: deinde illinc per dies quinque in Tyrum, vt sint dies viginti sex: mox illic morantur dies septem, colligunturque triginta & tres dies: postea in Ptolemaidem vnâ die pertingunt, & fiunt triginta & quatuor dies: deinde Cæsareæ manet pluribus alijs diebus, & tunc abit Hierosolymam, & sic complentur dies Pentecostes & ibi illa facit, sicuti illam superius in 20. cap. facere instituerat. Hæc propter curiosulos annotauimus, ne credant dierum numerum frustra esse à Luca recensitum.

Nos verò nauigatione explicita à Tyro, descendimus Ptolemaidem: & salutatis fratribus, mansimus diem vnum cum illis. Postridie verò nos qui eramus cum Paulo, venimus Cæsaream. Et ingressi domum Philippi euangelistæ, qui erat vnus è septem, mansimus apud eum. Huic autem erant quatuor filia virgines prophetantes.

Sancti episcopi exemplum.

Vbiq; charitatis officia exhibent fratribus atq; mutuo suscipiunt. Nam Dominus in Euangelio dixerat, In hoc cognoscent vos quod mei sitis discipuli, si charitatem inter vos mutuam habueritis. Porro Philippus hic idem ille est, cuius mentio facta est in huius operis Cap. 8. atque 6. Hic domicilium apud Cæsarienses habuit, nimirum Ecclesiastes eius Ecclesiæ. Quod ergo de episcopis scripsit Paulus in 1. ad Timoth. 3. Oportet Episcopum irreprehensibilem esse, vnus vxoris maritem, modestum, hospitalem, alienum ab avaritia, qui suæ domui bene præsit, qui liberos habeat in subiectione sum omni reuerentia: id totum in hoc Philippo cæu viuo exemplari videmus. Nam irreprehensibilis est

bilis est, hospitalis est: excipit enim Paulum cum illo nobili & satis numerofo sodalizio: vnde ipsum & ædes & opes poffediffe verifimile est: item filias habet prophetantes, liberos inquam probè institutos. Non autem intelligimus istas prophetasse, id est, docuisse, id enim Pauli, imò Domini præcepto vetitum est, vt liquet 1. Corinth. 14. & 1. Timoth. 2. Prophetissæ ergo dicuntur, quæ prophetiæ, id est, verbo Domini prorsus deditæ se in vera pietate exercuerint. Ita & Anna filia Phanuel apud Lucam prophetissa dicitur, *Εὐχόμενη νεκρῶν τῶν τοῦ Θεοῦ*, quæ dicitur *τοῦ Θεοῦ στυγνὴ ἀνιήντι*. Quin & in 1. ad Corin. 11. cap. palàm prophetandi verbo vtitur Paulus pro prophetiam audiendi. Cæterum in filiarum mentione, nimirum illud inclusum est, quod Philippus vnus fuerit vxoris maritus. Poffunt ergo ministri verbi vnus vxoris esse mariti. Scortationis ergo patroni sunt Pontificij, cum presbyteris coniugio interdiciunt, interim verò ad scortationem eorum longe impudentissimam conuiuent. Quod autem dicunt apostolos repudiassè aut reliquissè vxores posteaquam verbi Dei ministri facti sint, palàm mentiuntur. Id autem probamus hisce Pauli verbis, quæ leguntur in 1. ad Corin. 9. cap. An non habemus potestatem *ἀδελφῶν κυρίων*, id est Christianam coniugè circumducendi, quem ad modum & cæteri apostoli, & fratres domini, & Cephas? Item, Propter scortationem vitandam *ἡμῶν τῶν ἀδελφῶν κυρίων*, quisq; suam sibi vxorem habeat. Item, Melius est nubere quàm vri. Item oportet episcopum vnus vxoris esse maritum. Aut si illos humana plus mouent, audiât vetustissimū illum Clementem apud Eusebium Ecclesiast. hist. lib. 2. cap. 31. aduersus eos qui nuptias spernunt, inter cætera ita scribentē, An verò & apostolos improbât? Petrus etenim ac Philippus, & vxores habuerunt, & filias etiam nuptū viris dederunt: sed & Paulum non tædet Apostolū in quadā epistola sua (ad Phil. 4.) mentionem vel salutationem facere comparis suæ, quam se ideo negat circumducere, vt ad prædicationem Euangelij expeditior sit. Hic Clemens vixit sub Commodo Imperatore, anno Domini CXC VII. Porro si obijciant illi, nuptias quidem presbyteris in primitiua Ecclesia licitas fuisse, aliud autem interim Patribus & Consilij visum atq; decretum esse: suam produunt stultitiam, imò impietatem. Paulus enim in 2. ad Corin. 10. capite non aliam sibi sumit potestatem in Ecclesia, quàm quæ ad ædificationem data sit, & non ad destructionem. Idem in 1. ad Corin. 7. nemini hac in re laqueum vult inijcere. Cur ergo id isti audent, aut cur istis licuit, quod Apostolis non licuit? An verò illi sanctiores sunt Apostolis? An nostrum seculum primitiua Ecclesia purius est? An verò coniugium quicquam impuritatis habet? Vide amice Lector, quò bestix istæ ferantur. Paulus palàm dixit, Honorabile est coniugium apud omnes, & cubile impollutum. Scortatores autem & adulteros iudicabit Deus. Illi verò coniugium prohibent, & ad scortationem conuiuent. Ex instinctu ergo satanæ (id quod & Paulus clarissimis verbis in 1. ad Timotheum quarto capite edicit) profecta est lex contra coniugium ministrorum verbi lata. Quod si quid post legem Dei valere debet Consiliorum aut Patrum autoritas, nos pro nostra parte solidiora, clariora & firmitiora habemus testimonia, nempe, vt reliqua omnia transeam, Nicenæ Synodi canonem. De hac Sozomenus apud Euphanium in Tripartita historia libro 2. cap. 14. in hanc scripsit sententiam. Synodus autem corrigere volens hominum vitam, & in ecclesijs commorantium posuit leges, quas Canones appellamus, in quorū tractatu videbatur aliquibus introducere legem, vt episcopi, & presbyteri, & diaconi, & subdiaconi, cum coniugibus quas ante consecrationem duxerant, non dormirent: surgens autem in medio Paphnutius confessor contradixit, honorabiles confessus nuptias: & castitatem esse dicens concubitū cum propria coniuge: suamq; Consilio, ne talem ponerent legem, grauem asserens esse causam, quæ aut ipsis aut eorum iugalibus occasio fornicationis existeret. Et hæc quidem Paphnutius licet nuptiarum esset in expertus, exposuit, Synodusque laudauit sententiam eius, & nihil ex hac parte sanciuir, sed hoc in vniuscuiusq; voluntate, non in necessitate dimisit. Hæc hæc tenus.

Et cum permaneremus dies complures, aduenit quidam à Iudæa propheta, nomine Agabus. Is cum venisset ad nos, tulit cingulum Pauli, & alligans sibi pedes ac manus, dixit: Hæc dixit spiritus sanctus: Virum cuius est cingulum hoc, sic alligabunt Hierosolymæ Iudæi, tradentq; in manus gentium. Cum autem audissemus hæc, rogabamus & nos, & ceteri qui loci illius erant, ne ascenderet Hierosolymam. Tunc respondit Paulus, ac dixit: Quid facitis flentes & affligentes cor meum? Ego verò non solum vinciri, sed & mori paratus sum Hierosolymis pro nomine domini Iesu.

Dominus suis tormenta & crucem prænuntiat, non vt terreat, sed vt confirmet, atque aduersus imminentia pericula præparet. Hoc consilio & hac causâ venit Agabus ille, qui superioribus annis & Antiochiæ famem prædixerat venturam, atque vaticinatur Paulum Hierosolymis in vincula fo-

Prophetantes
Philippi filie.

Coniugium sacerdotum.

Vetustas vocatur eos fratres & sorores, quos nos Christianos dicimus

Ecclesiastica potestas.

Heb. 13.

Canon Synodi Nicenæ de coniugio sacerdotum.

Cur dominus imminet pericula præ-

re coniiciendum à Iudæis quidem, sed à Romanis variè diuexandum. Idque non verbis tantum, sed ex veterum Prophetarum more, eandem rem visibili quoque symbolo statuit ob oculos, cingulo videlicet Pauli sibi ipsi pedes atque manus vinciens, & mixta hac *xp̄ia* significat Paulum fore capiendum. Huius generis plura inuenias apud Ieremiam, qui iam catena, mox amphora, iugo nonnumquam in medium prolato, significabat impios breui fore vastandos, atque sub iugum mittendos. Cæterum fideles & ipsi commiserationis & amoris affectu erga tantum doctorem veritatis ebrii, deborabantur, non secus atque Petrus olim non mala mente à cruce dehortabatur Christum. Quocirca Paulus exponens ipsis Domini consilium & fatum immutabile, dicit, Plus me excruciant vestræ lachrymæ, quàm ipsum quod impendit periculum. Oro inanibus lachrymis cor meum affligere desinite. Stat animo semel Hierosolymā petere. Hoc etenim ipse poscit Dei spiritus, qui nouit quid hisce meis vinculis velit, nimirum quàm latissimè Euangelij gloriam propagare. Non ergo horreo vincula, qui lucrum æstimo esse pro nomine Christi mortem fortiter oppetere. Vinciatur ergo Paulus, imò occidatur, modo quàm latissimè propagetur gloria nominis Iesu. Hæc obsecro præfigant sibi Episcopi, qui periculorum metu familiariumque lachrymis euiecti, multa detrectant, quæ ad gloriam nominis Dei facere videbantur, & discant Dei gloriam, posthabitis amicis ac necessarijs, vita denique ipsa contempta, & charissimis quibusuis neglectis, intrepida mente alacriq̃, vultu, per ignem & per enses, fortiter promouere. Aderit autem Deus fideliter laborantibus.

Constantia Episcopi.

Cum verò illi non persuaderetur, acquieuiimus dicentes: Domini voluntas fiat.

Hæc vox verè Christianorum est. Oportet enim post conflictationem illam, quæ consilij carnis aduersus consilium spiritus esse solet, reiectis illis, hoc sequi, & voluntati Dei captiuam carnis infirmitatem subijcere: quemadmodum & Christum fecisse videmus, qui dixit, Verum non mea, sed tua voluntas fiat.

Post dies autem istos sublati sarcinis, conscendebamus Hierosolymam. Venerunt autem vnà quidam ex discipulis à Cæsarea nobiscum, adducentes secum, apud quem hospitaremur Mnasonem quendam Cyprium, antiquum discipulum. Et cum venissemus Hierosolymam, libenter exceperunt nos fratres.

Hospitalitas.

Laudatur hic Mnason Cyprius à fide & quod in hac iam diu perstitisset, & quod per hanc hospitalis esset. Fides enim sine operibus mortua est, eademque nisi sana sit, quantumvis interim vetusta sit, laudem meretur nullam. Itaque sodalitis sancto Hierosolymam appulit Paulus apud sanctum hospitaturus hospitem. Quin & Hierosolymitæ venientes alacriter exceperunt, vbique & in omnibus charitatis præstantes officia.

Postero autem die introibat Paulus nobiscum ad Iacobum, omnesq̃ cōuenerunt presbyteri. Quos cum salutasset, narrabat per singula quæ Deus fecisset inter gentes per ministerium ipsius. At illi cum audissent, glorificabant dominum.

Iacobus frater Domini.

Describit iam quid Hierosolymis gestum sit cum Paulo, & quomodo in vincula coniectus varia perpessus sit pericula. Fuit autem hic Iacobus cuius meminit Lucas, qui & Iustus & minor & frater Domini cognominatus est, frater (vt 1. Cap. monuimus) Iudæ Apostoli, & Hierosolymitanæ Ecclesiæ 30. annis antistes: vir tantæ sanctitatis & celebritatis in populo, vt propter eius necem creditum sit subuersam esse Hierosolymam, quemadmodum ipse quoque Iosephus Antiq. lib. vlt. cap. 20. aperitis verbit prodidit. Septimo enim Neronis anno (sic referente Beda) cum Iudæi indies magis magisque furerent in Christi ministros, & Paulus, cuius sanguinem mirifice sitierant, ex eorum manibus iam olim elapsus esset, omnem furorem suum in vnum effundunt Iacobum virum optimum, eumq̃ de pinna templi præcipitatum, lapidabant, clamantem ac inuocantem, Rogo Domine Deus pater, remitte eis peccatum, nesciunt enim quid faciunt. Meminit enim eius rei ad hunc modum Eusebius ex Egesippo nobili & vetusto historico lib. Eccles. hist. 2. cap. 23. Porro quod refert omnes conuenisse Hierosolymorum presbyteros ad laudem ac dignitatem facit Apostoli Pauli. Indicat enim non grauati cōuenisse illos, audito quod venisset Paulus, vt exciperent eum. Et rursum ipsius officium prodit, qui cum pro more presbyteros salutasset, narrare eis cœpit Euangelij profectum ac ministerium suum.

suum. Vtrinque autem eximia quædam relucet cura & sollicitudo super incremento fidei ac veritatibus, quæ sanè vel maxime ad presbyteros pertinet. Nam ut hic exultans narrauit sic illos magno cum gaudio accepisse intelligimus, atque adeo glorificasse Dominum, non Paulum. Huius enim ministerium erat, illius incrementum, quemadmodum ipse de se testatur in 1. ad Cor. 3. Denique Chrysostomus, Non (inquit) Paulum extulerunt neque admirati sunt, sed Deum glorificauerunt, quin & ipse quicquid meruit Deo acceptum retulit.

Dixeruntque ei: Vides frater, quot millia sunt Iudæorum qui crediderunt, & omnes studiosi sectatores sunt legis. Audierunt autem de te, quod defectionem doceas à Mose, omnes qui inter gentes sunt Iudæos, dicens: non debere eos circumcidere filios, neque secundum instituta vivere. Quid est ergo? omnino oportet conuenire multitudinem: audiunt enim te venisse. Hoc ergo fac quod tibi dicimus. Sunt nobis viri quatuor, votum habentes super se. His assumptis, purifica te cum illis, & impende super illis, ut radant capita, & scient omnes, quod quæ de te audierunt nihil sunt, sed ambulas & ipse custodiens legem. De his autem qui crediderunt ex gentibus nos scripsimus, decernentes, ne quid huiusmodi obseruent, nisi ut caueant & ab his quæ sunt immolata simulachris, & à sanguine, & suffocato, & scortatione.

Intelligimus in hæc verba pro sua & aliorum sententia Iacobum dixisse. D. Aur. Augustinus in *Augustini sententia de consensu* erudita illa epistola qua D. Hieronymo de legalium obseruatione respondit, sic locum hunc exponit. Non (ut opinor) obscurum est (inquit) & Iacobum hoc ideo monuisse, ut scirent falsa esse quæ de illo audierant, hi qui cum in Christum ex Iudæis credidissent, tamen æmulatores erant legis, non per doctrinam Christi velut sacrilega nec Deo mandante conscripta, damnari putarentur quæ per Moysen patribus fuerant ministrata. Hoc enim de Paulo iactauerant non illi qui intelligebant quo animo à Iudæis fidelibus obseruari ista deberent, propter commendandam videlicet auctoritatem diuinam & sacramentorum illorum Prophetiam sanctitatem, non propter adipiscendam salutem quæ iam in Christo reuelabatur & per baptismi sacramentum ministrabatur: sed illi hoc de Paulo sperarant, qui sic ea volebant obseruari, tanquam sine his in Euangelio salus credentibus esse non posset. Ipsum enim (Paulum) senserant vehementissimum gratiæ prædicatorem & intentioni eorum maxime aduersum, docentem non per illam hominem iustificari, sed per gratiam Iesu Christi, cuius pronuntiandæ causâ illæ umbræ in lege mandatæ sunt. Et ideo illi inuidiam & persecutionem molientes concitare tanquam inimicum legis mandatorum diuinorum criminabantur. Cuius falsæ criminationis inuidiam congruentius deuitare non posset, quam ut ea ipsa celebraret, quæ damnare tanquam sacrilega putabatur, atque ita ostenderet, nec Iudæos tunc ab eis tanquam nepharijs prohibendos, nec Gentiles ad ea tanquam necessaria compellendos. Hæc tamen Augustinus, quem in ea sententia esse videmus ut existimet Iudæos qui credidissent sanè nec libertatis ignorantia, nec conscientie infirmitate legalia custodisse, sed magis ut hoc facto suo testarentur ceremonias legis damnandas non esse velut nociuas, si quis in eas nihil fideret, & post fidem Christi aliquousque seruari posse arbitraretur. Nam paulò post, Legalia (inquit) sicut defunctorum corpora, necessariorum officijs deducenda erant quodammodo ad sepulturam, non autem deferenda continuo vel inimicorum obtreptionibus tanquam canum morsibus proijcienda. Iam ne quis contenderet eadem & nobis esse obseruanda, in eadem hærens similitudine subdit, Proinde nunc quisquis Christianorum, quamuis sit ex Iudæis, similiter ea celebrare voluerit, tanquam sopitos cineres eruens, non erit pius deductor, vel baiulus corporis, sed impius sepulture violator. Hæc de Augustini non prorsus inepta expositio ne. Cæterum simplicior sensus esse videtur, quod & Iacobus & Paulus plus nimiam infirmorum fratrum habuerint rationem. Plura enim charitatis oratio siue cohortatio Iacobi tota in hoc est, ut persuadeat Paulum, tantum se infirmis impendat fratribus, ipsisque omnibus in hoc vno gratificetur, ut votum in se suscipiat, & eatenus approbet se non esse legis contemptorem. Nam hic huius consilij finis est, non quod crederent externo legis sacrificio expiari hominem. Sic enim paulò post sequitur, Et scient omnes quod quæ de te audierunt, nihil sunt, sed ambulas & ipse custodiens legem. Iam vero expende quam probè huc omnia Iacobi referantur argumenta. Principio, Vides ipse (inquit) frater quot millia hic sint Iudæorum qui crediderunt, sed ita interim ut non nihil adhuc legi hæreant. Nam *ἡ νόμος* sunt legis, & impotentius adeoque & supersticiosius & animi

Plura huius generis indicata in 16. et 18. ca.

Consilium Iacobi.

Supra cap. 15.

quodam morbi huic hærent. Deinde atexit quod hanc sententiam absoluit, Atqui hic audierunt de te, quod non modo à lege prohibeas Gentes, quin & Iudæos in lege natos à Mose, hoc est ab ipsa lege seu sacrilego dogmate & noxio auertas. Id autem supra modum offendit eos. Iam redi ad superiora. Horum autem tot sunt millia, ut non facile contemni possint. Siquidem quantam Christianus curam fratri debeat, Christus ipse docuit, cum per similitudinem doceret nonagintanovem oues à fido pastore relinqui, vnam vero erraticam summa diligentia inquiri. Si ergo vnius hominis tanta est habenda ratio, quanto maior multorum millium? Nunc pergit: Quid ergo in hac re commodissimum fieri potest? dissimulatione aut silentio nihil proficiemus. Nam posteaquam te aduenisse audierint, omnes turmatim aduolabunt, ut tecum expostulent. Nullum ergo præsentius consilium est, & quo vno ac semel omnibus satis facere possis, quam hoc, ut votum in te suscipias. Aque huc iam trahit occasionem ut facilius persuadeat. Ad manum enim esse viros quatuor qui votum habeant. Rursus ne Gentium nomine tergiuerfaretur Paulus atque obijceret hoc sine voto suo offendi Gentes, aut ex hoc facto suo colligi posse Gentibus quoque ad expiationem necessaria esse, Iudaica sacrificia, mox præoccupat & ait, De his autem qui crediderunt ex Gentibus, &c. Ex quo facile liquet hoc consilium pro tempore, & infirmorum ex circumcisione fratrum gratia, esse natum vsurpatumque, non purificandi causa. Nam etiamsi dicat Iacobus, Purifica te cum eis, attamen communi genere dicendi vsus est. Siquidem & scriptura eas ceremonias eosque ritus purificationem vocat, quibus deuoti purgabantur. Sic ipsa virgo Maria vna cum foetu suo Christo dicitur purgata, quæ tamen nihil immundi ex conceptione sancta contraxerat.

Tunc Paulus assumptis viris, postero die purificatus cum illis intrauit in templum, annuncians expletionem dierum purificationis, donec offerretur pro vnoquoque eorum oblatio.

Paulus sacrificium pro se fieri permittit.

Hisce fratrum precibus euicta mens Pauli, quæ aliàs ad omnia ut multos Christo lucrificeret erat promptissima, votum in se nec tamen sine difficultate recipit. Grauius enim quippiam in se suscipit, quam pro superioribus diebus in Petro (ut extat ad Galatas 2,) culpauit. Sed fratrum, ut diximus, precibus euictus & inter saxum & sacrum constitutus, noluit fratrum spem fallere, totque Iudæorum millia vnius voti gratia (siquidem per illud illis medicari posse videbatur) periclitari, qui aliquando dixerat, Veritatem dico in Christo, non mentior, attestante mihi simul conscientia mea; per Spiritum sanctum, quod dolor mihi sit magnus & assiduus cruciatus cordi meo. Optarim enim ego ipse anathema esse à Christo pro fratribus meis. Igitur spe ampliora melioraque consequendi & Euangelij negotium quam latissime promouendi studio, rem nouam & inexpectatam facit, præterea quod plus nimio amaret gentem suam. Et sane nouum est quod tantus vir se in tantum demittit errorem. Errorem enim & ipse Augustinus appellat, sed tollerabilem propter charitatem & veritatis confessionem. Porro de purificandi ratione plura inuenies, quod & supra annotaui, Numeri sexto. Ex istis autem liquet, quam imprudentes sint qui hac Iacobi & Pauli indulgentia ad defensionem abutuntur errorum suorum: quasi vero ipsi Missare, idola collere, & alia nescio quæ impune possint facere, propterea quod Paulus Iacobi consilio semel & iterum in se votum suscepit. Cum interim ipse videas Pauli factum longe aliud esse quam quod ita vsurpari posset.

Dum autem septem dies iam penè essent expleti, hi qui ab Asia erant Iudæi, cum vidissent eum in templo, conturbant totum populum, & iniiciunt ei manus, clamantes: Viri Israelitæ, succurrite. Hic est ille homo qui aduersus populum & legem, & locum hunc omnes vbique docet: insuper & Græcos induxit in templum, & prophanauit sanctum locum hunc. Viderunt enim Trophimū Ephesium in ciuitate cum ipso, quem existimauerunt quod in templum introduxisset Paulus. Commotaque est ciuitas tota, & factus est concursus populi. Et apprehensum Paulum, protrahebant, è templo, statimque clausæ sunt fores.

Seditio.

Quod Prophetæ iam diu futurum prædixerant, in hoc loco Lucas Paulo accidisse scribit. Mirus autem est in descriptione tumultus huius, tam proprie & perspicue exponit, imò oculis proponit singula. Principio ipsos pingit seditionis auctores Iudæos Asiaticos. Deinde vero adumbrat accusationis capita, quæ non sunt alia, quam quæ hætenus Paulo & Stephano impegnerant Iudæi.

Calumnijs

Calumnijs ergo in vulgus disseminatis, turbas mouent. Atque hic modum quoque ob oculos statuit, quo illi Paulum tractarunt indignissime. Apprehensum enim, ait, è templo in furibundam protrahebant turbam, clausique templi foribus vel ne effugij pateret locus, vel ne templum noxio fœdarent cruore, iam iam ad necem miseri parantur. Hæc enim est egregia illa hominum religio qua exterior poculi patinæque pars purgatur, interioris autem nulla ratio habetur. Ergo sacrum templi pavementum sanguine nolebant aspergere, interim vero nullam eius rationem habebant, quod sese & animas innoxio commacularent cruore. Præterea verisimile est istos credidisse Deuteronomij 23. Gentibus templo interdictum fuisse, vnde & ansam tumultuandi acceperunt liberio rem. Quod ergo Paulus Trophimum in templum non induxit, non propterea fecit, quod se ista re peccaturum crederet, sed quod calumniam Iudæorum declinare vellet.

Matth. 23.

Quærentibus autem illis eum occidere, nunciatum est tribuno cohortis, quod tota conturbata esset Hierosolyma. Qui statim assumptis militibus ac centurionibus decucurrit ad illos. At illi quum vidissent tribunum ac milites, cessauerunt percutere Paulum. Tunc accedens tribunus, apprehendit eum, & iussit alligari catenis duabus, & interrogabat quis nam esset, & quid fecisset. Alij autem aliud clamabant in turba. Et cum non posset certum cognoscere præ tumultu, iussit duci eum in castra. Et cum venisset ad gradus, contigit vt portaretur à militibus propter violentiam turbæ. Sequebatur enim multitudo populi clamans, Tolle eum.

Magistratus in hoc à Deo ordinatus est, vt tumultuantes ferocientesque compescat, sedatos vero ac probos homines ab illorum vi afferat. Proinde Dominus non raro huius præsidio suos ex impiorum eripit manibus, quemadmodum nunc Paulum Romanis tuetur ac seruat armis, & olim Ieremiam per Nabuzardan liberauit. Magna autem fuit Tribunorum militiæ autoritas. Nam & consulari potestate creabantur, & ius dabant militibus. De qua re videre est Fenestellam de Mag. Rom. capite 16. & Petrum Crinitum de honesta discip. lib. II. cap. 2. iucunda lectu & vtilia quædam ex Aurelij Imperatoris sententia annotantem. Præterea annotauimus in 10. huius historiæ caput, Romanorum legiones in Syria alitas fuisse, partim contra Parthorum incursiones, partim vero vt in fide retinerentur prouinciæ, & Iudæorum seditiosa impatientia coaceretur. Hac de causa & Hierosolymis impositam fuisse cohortem, ex hoc loco apparuit. E quo item intelligimus quanta pro nomine Dei patiantur sancti. Paulus enim per aduentum tribuni in spem erectus, iam ab hoc duabus vincitur catenis, ceu maleficus aliquis latro aut patriæ proditor. Præterea declaratur quanta sit furientis & semel concitati in tumultum populi insania. Vasanum enim & horrendum quippiam clamat, vt nemo certi quicquam possit intelligere, tantum furit, ingruit, vrget, & cæde omniumque rerum proclatatione gaudet. Hic enim ad gradus vsque castrorum (castra enim in excelsiori loco ad excubias erant collocata) prosequuntur vinctum, & clamant, Tolle hominem pestiferum, occide hæreticum, lania impostorem. Proinde maxime nobis (quantumque fieri potest) cauendum à seditionibus quæ raro feliciter sinierunt. Sed de hac re dictum est in cap. 19.

Magistratus
est defendere
contra iniuriã.
Tribunus.

Crux sanctorum

Et cum cœpisset induci in castra Paulus, dicit tribuno: Licet ne mihi loqui ad te? Qui dixit: Græce nostis? Nonne tu es ille Aegyptius, qui ante hos dies tumultum concitasti, & eduxisti in desertum quatuor millia virorum Sicariorum? Dixit autem Paulus: Ego sum homo quidem Iudæus Tarsensis non obscuræ Cilicum ciuitatis ciuis. Rogo autem te, permitte mihi loqui ad populum. Et cum ille permisisset, Paulus stans in gradibus, annuit manu ad plebem, & magno silentio facto, alloquutus est lingua Hebræa, dicens:

Vide mi Lector, quantum in hoc homine gentis suæ, licet erga se ingratisimæ, fuerit studium, quantæ causæ confidentia, quantus denique veritatem propagandi ardor. In medijs afflictionum procellis, in catenis, in infanientium clamoribus, interque satellitum arma, adhuc de satisfactione & Iudæorum salute cogitans, dicendi postulat facultatem, si vel aliquos oratione luculenta & vera posset lucrificare. Ergo ad Tribunum conuersus cum reuerentia debita dicendi facultatem suppliciter poscit. Hic Tribunus rerum quæ gerebantur, vt pote homo prophanus, plane ignarus, aliud suspicatur, vt sit in istiusmodi casibus, Paulum fortassis illum esse Aegyptium, de quo Iosephus in 2.

Pietas Pauli in
patriam.

De Aegypto. de bello Iudaico, capite 12. ad hunc fermè modum scripsit, Aegyptius quidam falsus Propheta, cum venisset ad Iudæam, homo magus, fidem sibi Prophetæ magica arte conferuit, & continuo ad triginta millia virorum congregans & ductans eos per desertum, peruenit cum ipsis ad montem Oliueti, paratus inde irruere Hierosolymam, & vi ac potestate urbem tenere, simulque Romanorum præsidia ac plebem tyrannidi suæ subiugare, fretus per omnia his quos secum duxerat militibus. Sed conatuum eius præuenit Felix, confestimque ei cum armatis obuiam pergens, secum etiam plebe reliqua conspirante, congressus cum Aegypto, hunc cum paucis in fugam vertit: peremptis vero alijs, alijs etiam captis, temere cæpta facile restinxit. Nec pugnat Lucæ narrationi, Iosephi historia. Potuit enim fieri ut primo cum paucis hisque clam seditionem mouentibus adueniens, plures sibi postea publicata fraude coniunxerit. Cui id adminiculatur, quod idem ille Iosephus refert etiam fuisse Aegyptij copijs crebra ubique exercita fuisse latrocinia. Porro Sicarij grassatores & latrones sunt dicti à sicà, quæ vox breuem gladium siue pugionem significat, quo illi incautos lauciabant. Tarsum verò quàm hic non incelebrem (ὡς ἀστυ πύργος) Ciliciæ ciuitatem nominat. Stephanus in urbi-
Sycarij.
Tarj. us.
Mirum Pauli ingenium.
 bus *ἱεροπόλιν*, id est, primariam atque præter cæteras insignem appellat. Igitur posteaquam audisset hunc non esse illum quem putauerat, facultatem dicendi permittit. Quo & æquitas & humanitas nobis prohani hominis probatur. Atque hic serarum & admirandum offert spectaculum. Si quidem Paulus iam iam in templo probe contusus, & insipientium turbis sibi ipsi destitutus, præterea & catenis degrauatus, pone iudicem, & inter terrificam militum arma coramque ipsis astans hostibus suum impense sanguinem sitientibus, tam terse, prudenter & scite disserit, ut animi probe sibi constantis, multarumque dierum videri possit apologia. Est autem illa apologia quam ad ipsos Hebraica dicebat lingua.

CAP V T XXII.

Viri fratres & patres, audite meam, qua nunc apud vos vtor, excusationem. Cum audissent autem, quod Hebræa lingua sibi loqueretur, magis præstitērunt silentium. Et dicit: Ego quidem sum vir Iudæus, natus in Tarso Ciliciæ, cæterum educatus in hac ciuitate ad pedes Gamalielis, institutus accurate in patria lege, sectator Dei, sicut & vos omnes estis hodie, qui hanc viam persequutus sum usque ad mortem, alligans ac tradens in carceres viros pariter ac mulieres, sicut & princeps sacerdotum mihi testis est, & totus seniorum ordo, à quibus etiam epistolis ad fratres acceptis, Damascum pergebam, adducturus & illos qui illic essent vinctos Hierosolymam, ut punirentur. Accidit autem mihi iter facienti & appropinquanti Damasco circiter meridiem, ut subito de cælo circumfulguraret me lux multa, cecidiq; in solum, & audiui vocem dicentem mihi: Saul, Saul, quid me persequeris? Ego vero respondi: Quis es Domine? Dixitq; ad me: Ego sum Iesus Nazareus, quem tu persequeris. Et qui mecum erant lumen quidem viderunt, & exterriti sunt, vocem autem non audierunt eius qui loquebatur mecum. Dicebam autem: Quid faciam Domine? Dominus autem dixit mihi: Surge ac vade Damascum, & ibi tibi dicetur de omnibus quæ ordinata sunt tibi ut facias. Et cum non viderem præ gloria luminis illius, per manum deductus à comitibus qui erant mecum, veni Damascum.

Scopus huius
apologiae.



QVONIAM accusatus erat Paulus quod aduersus populum & legem & locum hunc, id est, Hierosolymam templumque omnes ubique doceret, ut paulò ante Lucas prodidit, sic obiectas sibi calumnias præsentī oratione diluit, ut indicet primum se virum esse Iudæum in celebri loco natum, ut inde intelligatur se gentem & stirpem suam odire non posse sed pro Iudæorum ingenio amare. Deinde subindicat se ad pedes Gamalielis educatum fuisse, idque Hierosolymis, ut verisimile esse non possit Paulum aduersus eum locum dicere aut docere potuisse, in quo tam liberaliter educatus tamque accurate institutus fuerit. Secundum patriam enim
 his locis

his locis potissimum fauere solemus, in quibus aut educati aut instituti sumus. Postremo, quia aduersarium legis Asiaticum Iudæi ipsum esse dixerant, id abunde hoc vno purgat, quod ait se non modo accurate institutum in lege patria, verumetiam persecutorem fuisse iustissimum eorum qui legi videbantur aduersari. Atque hic mira quadam ratione ad expositionem conuersionis suæ delabitur. Hac enim approbat se non leui aliqua causa, velut paratus ad apostasiam, sed mirabili facto ad professionem nominis Iesu & fidei quæ in eum est peruenisse. Neque dubium est quin plura de religione Christiana attenuisset, si per tumultum licuisset. Nam exclamantes tumultuantesque strepitu barbaro orationem interturbant. Cætera petantur ex capite 9. In eo enim capite eandem hanc historiam pari sensu narrauit Lucas, licet alijs interdum verbis. Verum nulla est in sensu diuersitas, quod tamen illi causantur, quibus adeo dolet scripturas tam frequentes vulgatasque esse factas.

*Odiosa nobis
apostasias teme-
re facta.*

Ananias autem quidam vir pius, secundum legem testimonio probatus omnium illic habitantium Iudeorum, veniens ad me, & adstans, dixit mihi: Saul frater, recipe visum: & ego eadem hora recepto visu vidi illum. At ille dixit: Deus patrum nostrorum præparauit te, ut cognosceres voluntatem suam, & videres id quod iustum est, & audires vocem ex ore eius, quia eris testis illi apud omnes homines, eorum quæ vidisti & audiisti. Et nunc quid contaris? Exurge & baptizare, & ablue peccata tua, inuocato nomine Domini.

Hæc paulo copiosius exponuntur quam in 9. cap. sint exposita. Principio autem laudatur pietas & probitas Ananias, ne Iudæi hunc per quem Paulus erat baptizatus, seu leuem & nihili hominem aspernarentur, Paulumque ipsum dicerent fuisse stolidum, qui homini nulla auctoritate præditi consilio fuisset obsequutus. Dicit ergo, *Ananias δὲ τις ἀπὸ τῶν Ἰουδαίων κατὰ τὴν νόμον, μαρτυρούμενος ὑπὸ πάντων τῶν κατὰ τὴν νόμον Ἰουδαίων*, id est, Ananias autem quidam vir pius, secundum legem, bonum habens testimonium ab omnibus illic habitantibus Iudæis. Potest enim particula Secundum legem, vel ad superiora referri, sic: Ananias fuit vir pius in lege: vel ad inferiora sic, Ananias probatus fuit in lege omnium etiam Iudeorum testimonio. Atque hoc plurimum faciebat ad expurgationem Pauli, & ad probationem quod lex & Euangelium sibi non aduersarentur. Siquidem doctus in lege (inquit) suasit ut Euangelium amplecterer. Huc pertinet quod is ait, Deus patrum nostrorum, quo titulo nihil erat Iudæis auribus suauius. Is inquam præparauit te. Non ergo apostasie aut humane erat industrie quod conuerteretur Paulus. Iam vero sequitur ad quid præparauit, non utique ut aduersarius Dei & legis eius esset, sed ut cognosceret voluntatem eius. Quid hoc? Ut videres τὸ δίκαιον, id est, iustitiam, vel id quod iustum est, vel iustum illum videlicet Christum Dominum. Vnde vero hoc discitur? Ex voce oris Dei. Nam ad Rom. 1. testatur Euangelium prædictum esse per Prophetas in scripturis sanctis. Præterea ad Galatas 1. indicauit se Euangelium non ab hominibus, neque per hominem, sed reuelatione Iesu Christi didicisse. Porro quod de peccatorum ablutione per baptismum scribitur in 8. cap. expositum est. Non enim aqua abluit peccatum, sed gratia quæ significatur per aquam. Imo aquæ siue signo per allæosum sacramentariam tribuitur quod reuera rei hoc est gratiæ & electionis est. Atque huc pertinet quod mox sequetur, Inuocato nomine Iesu. Inuocatione enim, id est, fide (nam pro fide accipi ostendit Paulus ad Rom. 10) abluitur.

Laus Ananias.

Factum est autem, cum essem reuersus Hierosolymam, & orarem in templo, ut raperer extra me, & viderem eum dicentem mihi, Festina & exi velociter Hierosolymis, quoniam non recipient testimonium tuum de me. Et ego dixi: Domine, ipsi sciunt quod ego pertrahebam in carcerem, & cadebam in singulis synagogis eos qui credebant in te. Et cum funderetur sanguis Stephani testis tui, ego quoque adstebam & assentiebar morti illius, & custodiebam vestimenta interficientium illum. Et dixit ad me: Vade, quoniam ego ad Gentes procui mittam te.

Monui in capite nono professionem in Arabiam, cuius meminit in Galatis, hanc reuelationem præcessisse. Dubium autem est sit ne hic is ille raptus, cuius meminit in 2. ad Corinth. 12. capite. Sed nihil attinet nosse fuerit ne an minus, cum non sit dubium electionis vas Paulum non semel fuisse raptum. Cæterum in hoc denuo studium in gentem suam exponit, quod alio vocanti Domino, *Studium Pauli in gentem suam*, veluti responfarit & Hierosolymis manere maluerit, propterea quod bona spe detineretur, fore ut plurimum apud eos proficeret, propterea quod omnes nossent quanto zelo pro lege contra Christia-

nos exarserat, & quid pro legis defensione fecerat. Itaq; quum hæc non ignorarent, sperasse illos quæque facile perspecturos non temere mutatum esse, multosque futuros qui suum exemplum imitantes, Messiam amplecterentur. Atqui id quidem noluisse Dominum, qui ad Gentes procul ipsum ablegarit: quo iam abierit, non odio (quod interim illis videbatur) aut contemptu Gentis suæ, sed Domini imperio, qui omnes gentes voluerit ad cognitionem veritatis venire.

Audiebant autem eum vsque ad hoc verbum. Atque sublati vocibus dicebant: Tolle de terra hominem istiusmodi; non enim fas est eum viuere. Vociferantibus autem eis, & proijcientibus vestimenta, & puluerem iactantibus in aerem, iussit tribunus induci eum in castra, & imperauit eum flagris examinari, vt sciret propter quam causam sic acclamarent ei.

Odiolum enim erat Iudæis Gentium nomen, adeo vt essent qui ne Christum quidem prædicari permitterent nisi ad Iudaismum venientibus. Proinde mire illos commouit Paulus, cum innuere se à Iudæorum consuetudine auocatum ad gentes ablegatum fuisse. Id enim contumeliosum videbatur ipsis, quasi ipsi indigni essent veritate, immundæ autem Gentes promissionum hæredes. Inde iam erant illa indignationis plena verba. Tolle de terra hominem istum, nec enim fas est talem viuere: item quod vestimenta & puluerem iactarent in aera summa incandescentiæ signa. Quibus & tribunus permotus, nescio quid flagitij commissum existimans, iubet Paulum induci in castra, ne hostilius quidpiam molirentur furiosi, & vt satellites flagris ex eo verum extunderent. Suspiciabatur enim hunc hominem aliquid magni alere monstri, Quo & temeritatis siue imprudentia iudicis, & sanctorum afflictio ac patientia notatur. Fuit autem moris apud illos, sicuti & apud nos esse videmus, vt verum tormentis extorquerent dissimulantibus.

Et cum astrinxisset eum loris, dixit adstanti sibi centurioni Paulus: Num hominem Romanum & indemnatum licet vobis flagellare? Quo audito, centurio accessit ad tribunum & nunciauit ei, dicens: Quid factururus es: hic enim homo Romanus est. Accedens autem tribunus, dixit illi: Dic mihi: num tu Rumanus es? At ille dixit: Etiam. Et respondit tribunus: Ego multa summa ciuitatem istam comparaui. At Paulus ait: Ego vero & natus sum. Protinus ergo discesserunt ab illo qui eum fuerant examinaturi. Tribunus quoque timuit postquam rescivit quod Romanus esset, & quod vinxisset eum.

Hunc locum exposuimus in capite huius operis decimosexto, vt non sit necesse eadem semper oberrare chorda.

Postero autem die volens scire certum, qua ex causa excusaretur à Iudæis, soluit eum à vinculis, & iussit principes sacerdotum conuenire, totumque concilium, ac deductum Paulum sistebat coram illis.

C A P V T XXIII.

Intentis autem oculis in concilium Paulus ait, Viri fratres, ego omni conscientia bona conuersatus sum coram Deo vsque in hodiernum diem. Princeps autem sacerdotum Ananias præcepit astantibus sibi, vt percuterent os eius.



ISCE vero pingit iniquum iudicium & iudices tyrannicos, atque iniqua istorum facinora, vt simul & innocentia Pauli, & Iudæorum malitia reluceret, quæ & quamuis superat ethnicam tyrannidem. Tribunus enim ethnicus vir iustitiæ & æquitatis studiosus, producit Paulum in confessum religiosorum ac eruditorum, sperans nihil hic aliud agendum fore, quam quod iustitia & æquitas postularet: cæterum maximam apud illos iniquitatem dominari, rursus insignem constantiam & innocentiam Pauli cum ex dictis tum factis eius deprehendit. Dam

dit. Dum enim hic in tam frequentem & religione verendum productus esses confessum, & iam iam in tantorum consisteret corona virorum, non modo cordata oratione sese expurgare incipit, quin & toto corporis habitu innocentiam suam prodit. Hinc enim Lucas, Intentis autem (ait) oculis in consilium Paulus. Siquidem oculi animi speculum sunt, Vnde illud poeta,

Heu quàm difficile est crimen non prodere vului.

Totus autem in hoc est, vt innocentiae suae praedicatione aduersariorum sese opponat calumnijs, idq; nec ambitiose nec cum fastu, sed pro gloria veritatis. Nec seipsum laudat Paulus, sed vt res habet confitetur, quod sane fieri oportere etiã Rhetores permittunt, vbi de capite agitur. Et haecenus de constantia & innocentia Pauli: nunc de tyrannide & malitia Pontificis Ananiae. Est hic Ananias quem lib. antiq. 20. Iosephus Ananum vocat, eius Anani pater, sub quo Iacobus frater Domini Hierosolymis è pinnaculo templi praecipitatus est, velut indicat ex Clemente D. Hierony. in Catalogo scriptorum illustrium. Hic ergo carnifex verius quam pontifex, quia sibi de hypocrisis & errore esset conscius, tum quod non vehementer doleret tam masculum, solidae nimirum orationis, exordium, & quod nihil honoris praefatus esset ipsi, praecipit altantibus vt percuterent dicentis os, vel in vindictam eius quod contempnisset pontificem, vel vt dicentem perturbarent, ne illi cogessentur (quod timebant) turpiter in hac palestra referre pedem. Hunc Ananiam hodie referunt, qui ad tribunal productos Euangelij confessores, prius damnant quam audiant, imò vero quàm sint qui accusent. Non enim nunc referam quod multi sunt, qui palam in confessorum expuunt faciem, hoc tantum nomine, quod aduersus impias hominum constitutiones scripturarum testimonia producant.

Tunc Paulus dixit ad eum: Percussurus est te Deus, paries dealbate. Et tu sedes iudicans me secundum legem, & contra legem iubes me percuti?

Ad hanc contumeliam, quae nec in Ethnicorum iudicijs fieri solet excandescens Apostolus, dicit, *τίνα νυν ἐμὸς ὁ θεὸς τοῦδε καὶ καταμαρτυρεῖ*, id est, percutiet te Deus paries dealbate. Prouerbiali autem figura Paries dealbatus dicitur ille, qui aliud simulat & aliud est, vt si quis à facie & habitu iustitiam quandam ostentet, intus autem spurcus sit & impius, quales hypocritae apud Matthaeum in 23. cap. erant, quos sepulchris dealbatis assimulat Dominus. Ad expositionem huius pertinet quod sequitur: Tu sedes iudicans me secundum legem. Haec est albedo illa, hic candor ille quod iudicis sustines speciem. Legitimus debebas esse iudex, qui secundum leges, non secundum faciem, iudicare debebas: sed hoc neglecto, contra legem iubes me percuti, atq; ita iam factus es paries dealbatus. Dealbati enim parietes caduci esse solent, ceterum ne tales videantur esse quales sunt, dealbantur fidelia. Huc ergo alludit Apostolus qui hisce tam asperis hypocritae larvam detrahit. Iam magna semper fuit apud veteres de hoc loco disputatio. Chrysostomus putat haec verba Percutiet te Dominus paries dealbate, magis esse libere loquentis, quam iracundi: quem postea imitatus Beda, Percutiet te Deus, non dixit Percutiat. Indicatio vtique modo hoc futurum significans, non Optatio maledicens. Non enim perturbatione animi motus haec dixit, sed vtq; prophetando loquutus, quia significabat hypocrisim & Iudaicum destruendum esse sacerdotium. Quod & Aug. ad Marcillinum asseuerauit. D. autem Hieron. adducens hunc locum in Dialo. contra Pelag. excusat quidem Paulum, attamen palam fatetur eum non praestitisse eam mansuetudinem quam Christus praestitit. At Aur. August. hunc locum omnium (vt apparet) simplicissime exponens lib. aduer. Faustum 22. cap. 79. dicit, Virtus patientiae quam docet Dominus Iesus, dicens, Si quis te percusserit in maxillam tuam dextram, praebe illi & sinistram, potest esse in praeparatione cordis, etiamsi non exhibeatur gestu corporis & expressione verborum. Quandoquidem Apostolus palma percussus potius Deum rogauit, vt iniurioso homini in futuro seculo parceretur, in praesenti autem illa iniuria non relinqueretur inulta, quam vel praebuit ferienti alteram partem, aut vt iterum feriret admonuit. Tenebat certe interius dilectionis affectum, & exterius requirebat correctionis exemplum. Haecenus Augustinus. Ergo Paulus vere maledixit impio pontifici, sed non hoc animo quo vulgus irritatus solet, sed Apostolico spiritu. Neque patientiae interim gloria excidit. Non enim omnis tolerantia protinus Christiana dicitur patientia: quemadmodum nec illa statim iustitia vel constantia vel fortitudo vera est, quae dicitur. Notissimum enim est vel illud tritum sermone Prouerbum, Summum ius summa iniuria. Et pertinacia quidem Constantia dici affectat, sed quia desinitur prudentia, vitium est non virtus. Duritia quoque à fortitudine natura distat, fallit similitudine. Ita & *μαλακοί*, quos Latine vocamus molles, hoc est, effeminatos, pusillanimes, teneros, & minime constantis & virilis ingenij homines, patientes videri volunt, sed quia deest animi fortitudo, patientia istorum animi vitium ac morbus est. Duritia quoque cataplastica patientiae titulo sese venditat, sed cum ex opinione falsa emergat, nihil distat vel à Ze-

Constantia et innocentia Pauli.

Tyrannis pontificis.

Paries dealbatus.

An pontifici maledixerit Paulus.

De vera patientia.

Valerius lib. 3. cap. 3.

nonica, vel Indica. Nobilissimus quoque historiæ Scriptor Salustius, de Lucio Catilina prodit, quod patiens inedia, vigilæ, aliorum supra quam cuiquam credibile est fuerit, quodque hæc sibi apud nos magnam fortitudinis & patientiæ famam parauerit: cæterum cum idem mox subiungat, Animus illi inerat audax, subdolis, variis, cuiuslibet rei simulator & dissimulator, alieni appetens, sui profusus, ardens in cupiditatibus: quis tam cæcus qui ex his non intelligat Catilinæ patientiam nihil minus quam virtutem extitisse? Ut enim quædam inter se virtutum connexio est, sic & suis cuique virtuti modus inest. Id quod & sacri & prophani scriptores monumentis prodidit. Nam Flaccus, Virtus est (inquit) medium vitiorum vtrinque redactum. Quin & omnium philosophorum sententia semper fuit, *μερότης ἀρετῆς, ὑπερβολὴς κακίας εἶναι*, moderatas inquam esse virtutes, excedentes modum atque mensuram inter vitia deputari. Vnde & vnus est sapientum numero, *μὴδὲν ἄγαν*, id est, Ne quid (ait) nimis: quod etiam tam celebre factum est, ut Comico quoque versu expressum sit. Ioannes Chrysostomus in præsentiarum de natura patientiæ non infeliciter differens, Sunt (inquit) vitia cognata virtutibus, & iuxta dicendi libertatem pullulat temeritas, & iuxta *ἐπιεικείας* æquitatem, molities. Et probe considerandum ne quis putet se virtutem possidere, qui vitia apprehendit, quemadmodum si quis opinatur se iungi dominæ, & iungitur ancillæ. Patientia itaque veluti media inter sapientiam & fortitudinem, ijs quasi limitibus quibusdam concluditur. Sapientia autem cauet, ne patientiæ subrepat duritia aut superstitio aut alia quæpiam opinio falsa. Fortitudo autem non admittit ut quicquam indecori per pusillanimitatem aut molliem designetur, sed facit ut solida iusta & vera sit patientia. Nam ea iure vocatur fortitudo qua vnusquisque seipsum vincit, iram continet, nullis illecebris emollitur aut inflectitur, non aduersis perturbatur, non extollitur secundis, sed mentem quietam & ab affectibus puram tranquillamque, conseruat. Sic enim & Ambr. In his (inquit) consistit animi robor, ut primum fide & vera exercitatus sapientia quisque modo corde quod verum & honestum est videat. Deinde nullis cupiditatibus fluctuet, sed in iusto perseueret. Postremo si quid acciderit auersi idque graue & acerbum putetur, ita ut ferat nihil insperati accidisse existimet. Ex istis autem si iam emaneat patientia istisque ceu marginibus ducatur, nemo est qui iam non videat hanc non esse carnalem vel affectatam tolerantiam, vel ignauam abiecti animi desperationem, sed virtutem quæ ex fide quidem existat, sapienti autem & forti robore animi quæque aduersa superet atque confringat. Hæc in transcurso aduersus eos maxime dicta sint, qui quamuis tolerantiam, patientiam esse putant, simulque ita loquuntur de patientia ut semel omnem tum iustitiam, tum fidem, tum fortitudinem tollant. Quod si ea esset quam illi putant patientiam, iam nemo prorsus virtutis nomine dignaretur, quippe quæ & oppressionis iustitiæ, & proscriptionis veri omnisque mali occasio foret. Non talem præstiterunt sancti Dei Prophetæ & patriarchæ patientiam, quin potius prudentiam & constantiam sic coniunxerunt patientiæ, ut nullibi verum aut iustum prodiderint, sed vbiq; malo malisque intrepide resistentes nullum periculum detrectauerint. Quæ cum infinitis comprobari possint testimonijs, vnicum tamen præfens Pauli exemplum pro cunctis satis fuerit. Redimus ergo ad historiam.

Modus in virtutibus.

Patientia inter sapientiam & fortitudinem media.

Patientia quid

Simile extat Act. 16.

Et qui adstabant, dixerunt: Summo sacerdoti Dei maledicis? Dixit autem Paulus: Nesciebam fratres, quod pontifex esset. Scriptum est enim: Principi populi tui non maledices.

Ironia vehementem incrementum habet.

Quomodo magistratui non liceat maledicere.

Sed & hunc locum varie exponunt. Alij enim censent Paulum vere nesciuisse Ananiam esse Pontificem. Sed quomodo nescire potuit, qui ipsum propter pontificatum & functionem, parietem dealbatum vocauit? Ironice ergo assentatoribus respondit, Nesciebam illum esse pontificem. Quasi dicat: Pontificem summum summa decebat æquitas & iustitia, cum ergo summam ille mihi irrogaret iniuriam, non putabam illum esse summum pontificem. Iam quæ sequitur sententia, Scriptum est enim: Principi populi tui non maledices: non Pauli est, sed Lucæ historici, qui pro more historico exponere voluit, cur astantes tam confidenter obiecerint, Et qui audes summo sacerdoti maledicere? Nam in lege (inquit) Iudeorum Deuteronomij 22. præceptum erat ne quis principibus populi malediceret. Atqui ea lege (ut & alijs scripturæ locis) abutebantur. Siquidem aduersus maledicos & impios rabulas, qui & bonis quibusque viris, & omni honestati reluctantes obmurmurant, lata erat, pro autoritate iusta boni magistratus asserenda, non aduersus viros pios pro impiorum tyrannide confirmanda, quasi illis huius legis prætextu tuto quidlibet liceret. Videmus enim sanctissimos Dei Prophetas legis Dei obseruantissimos nemini pepercisse, in primis vero reges & sacerdotum primores pessimis etiam proscidisse conuiitijs, sed Prophetica maiestate & illorum quoque malitia dignis. Lucas ergo de suo hanc adiecit sententiam, quemadmodum & paulò post exponet quæ fuerint Sadducæorum placita.

Sciens autem Paulus, quod vna pars esset Sadducæorum, & altera phariseorum, exclamauit in concilio: Viri fratres, ego pharisæus sum, filius pharisei, de spe & resurrectione mortuorum ego iudicor. Et cum hoc dixisset, facta est dissensio inter phariseos ac Sadducæos, & dissecta est multitudo. Nam Sadducæi quidem dicunt, non esse resurrectionem, neque angelum neque spiritum: pharisei autem vtraque consentunt. Factus est autem clamor magnus: & cum surrexissent scribæ de factione phariseorum, depugnabant, dicentes: Nihil mali inuenimus in homine isto. Quod si spiritus loquutus est ei aut angelus, ne repugnemus Deo. Et cum magna seditio coorta esset, veritus tribunus, ne discerperetur Paulus ab ipsis, iussit milites descendere & rapere eum de medio eorum, ac deducere eum in castra.

Sicut vnitas bonorum bonis semper utilis est, sic malorum vnitas semper bona fuit noxia. Cum ergo Paulus desperaret de æquitate apud illos, qui in malum & veritatis excidium certo iam coniurauerant, humana arte dirimit eos, vt saltem à se auerteret, inter se mutuo autem sibiipsis committeret. Qua in re non nihil humani passus est, sed tamen citra dolum malum. Tale enim hoc Pauli factum esse videtur, quale illud est, quod de Iacob legimus Genesios 30. decorticante virgas atque proponente gregi in canalibus potatorijs aquarum, non vt Laban deciperet, sed vt perfidiam Laban æquitate temperaret adeoque & mutaret. Et perfidia & conspiratio erat quicquid agebat Hierosolymorum magistratus. Proinde non admodum peccauit Paulus, quod ipsos sibiipsis committeret. Consilium autem quo illud potuit, tale erat: Sciebat Phariseos ac Sadducæos (quantumvis iam concordasse Iosephus in 18. antiquitatum libro capite 2.) spiritum & angelos esse prorsum negabant. Quæ interim omnia confitebantur pharisei. Hic igitur non nihil declinans ad phariseorum placita Paulus, vt pote Christianæ fidei magis consentanea, id palam confitetur, in quo illi dissidebant, resurrectionem mortuorum. Porro in superiori apologia meminerat reuelationis cœlitus factæ. Quibus omnibus ita exasperabantur Sadducæi, vt iam præ iræ impatientia rumpi potuissent. Pharisei contra non minus cōtentionis æstro perciti, sua iam dogmata aduersus Sadducæos mordicus tueri satagebant: ita fiebat, vt ipsi inter se commissi, Paulum deferrent, interim ita inter se mutuo digladiarentur, vt Tribunus viralius æquus & iustus è medio abduceret Paulum, quod videret omnia in istorum consilijs non rationibus agi, sed vi ac clamoribus. Proinde noluit istis rixatoribus salutem Romani ciuis committere. Itaque euasit Paulus manus eorum, ipsi vero admodum confusi sunt. Vide autem quid possit in præiudicijs huius aut illius esse factionis. Quod aliàs dissimulabant pharisei, hic factionis Sadducæicæ odio palam consentunt dicentes, Nihil mali inuenimus in homine isto. Hæc est potentia Dei & imprudentia humana. Sic eludit dissolutque Deus humana consilia.

Vasfrices Pan
li.

Plura Act. 4.
cap.

Sequenti autem nocte adstans ei Dominus, ait: Bono animo esto Paule. Vt enim testificatus es de me Hierosolymis, sic te oportet & Romæ testificari.

Paulus 2. ad Corinth. 1. capite. Sicut (inquit) abundant afflictiones Christi nobis, ita per Christum abundat & consolatio nostra. Id quod ipsa re hoc loco impleri videmus. Dum enim Paulus maximis periculorum fluctibus adobrutus mœreret, vt pote homo, à quo nihil humani alienum, statim adest Dominus, qui aliquando dixerat, Ero vobiscum vsque ad consummationem seculi, & suo alloquio siue per visionem, siue per angelum, siue per spiritum reficit lassum, ac dicit, *Θάρσει Παύλε*, Confidenter Paule. Quod verbi cōsolantium est etiam apud nos, *Bist mannlich vnd dapffer* o Paule: Significanter ergo transtulit interpretes, Bono animo sis Paule. Sic in 18. dicebat, Ne timeas. Videmus præterea efficacissimam dispositionem Dei in omni opere mortalium eo quod ait, Vt Hierosolymis testificatus es, sic oportebit te & Romæ testificari, vt necesse fuerit Paulum Romam venire, etiamsi fortasse id cuique videatur contingens. Sed omnia geruntur prudenti consilio prouidentiaque Dei. Hac ipsa factum est vt contra validissimas Iudæorum conspirationes, principum quoque consilia, per varia maris pericula, multo post tempore, attigerit Romam. Vnde iterum conijcimus prouisionem ac defensionem Dei nos non eximere omnibus periculis sed in omnibus periculis iuxta suam voluntatem seruare. Hoc enim est quod alibi Paulo dictum est, Sufficit tibi gratia mea. Nam virtus mea per infirmitatem perficitur.

Consolatio san
ctorum.

Prouidentia
Dei.

Facto autem die, collegerunt se quidam ex Iudæis, & deuouerunt se, dicentes, neque esuros se, neque bibituros, donec occiderent Paulum. Erant autem plures quam quadraginta viri qui hanc coniurationem fecerant. Qui accesserunt ad principes sacerdotum ac seniores, & dixerunt: Deuotione deuouimus nos ipsos, nihil gustaturos, donec occidamus Paulum. Nunc ergo vos significate tribuno & concilio, ut cras producat illum ad vos, tanquam aliquid certius cognituros de eo. Nos vero priusquam appropinquet, parati sumus interficere illum.

Ioannes Hufius.
Coniuratio aduersus pietatē.
Iam vero maxima pericula enarrare incipit, è quibus tamen omnibus liberauit eum Dominus. Ex quibus nos patientiam & spem discimus, videntes quam æquo & constanti animo omnia ferat Paulus, quam item friuolus sit hominis aduersus veritatem conatus, quem tamen Deus pro sua gloria permittit & disponit, videlicet vasis perditionis vtens ad declarationem suæ iustitiæ, ut palam fiat frustra fremere Gentes, & inania populos meditari, vbi aliud decreuit voluntas Dei: rursus vt appareat falsam esse religionem quæ non nisi proditiōibus, coniurationibus, latrocinij & omnium mendaciorum genere omni que iniustitia nititur. Annotauit Ioannes Chrysostomus Iudeos tales fuisse vt qui in rebus bonis ægre & rarissime consenserint, in malo tamen facile coaluerint. Vide autem ardorem illorum in malo, Deuouerunt se diris plus quam quadraginta viri, & deuouerunt quidem se neque esuros neque bibituros, nisi prius occiderint Paulum. Iam ne hoc quidem publice moliantur, sed clanculo, prætexentes latrocinio suo æquitatis speciem. Postulant enim à primoribus suæ inuidiæ complicitibus vt Paulum in iudicium siue publicam disputationem prouocent, se enim istum aduenientem gladijs excepturos, atque hanc litem pugione dirempturos. Vide amice Lector quid non audeat impietas. Altera enim manu ius obtendit, iniuriam vero librat altera. Atque hæc iniquitas & simulatio, defensoribus atque cultoribus falsæ religionis veluti congenita, multis viris bonis exitio fuit. Nam vt è multis hoc exempli vice referam, Pollicebatur olim Cardinalium ac Prælatorum chorus complurima sancto martyri Dei Io. Hufio, sed venientem & multa pro Christiana fide dicere parantem, crudelissimo mortis genere interceptum. Nemo ergo istorum hominum pollicitis facile credat. Simulant vt occidant. Neque enim veritati, iustitiæ & æquitati fidere possunt, qui istas sibi habent aduersissimas. Iniuriæ ac neci fidunt, ijs vincunt, istas vt exerceant, in ius prouocant: atqui vbi veneris illorum ius iniuria est. Porro deuotione deuouimus nos, conduplicatio est Hebraica, amplificatio nem in se continens & auxesim, hoc est, intentionem eius, quod dicitur, innuebant enim conspiratores illi, se maxime & certissime deuouisse. Est autem deuouere execrari sese & libera malorum imprecatione animum ad certam aliquam rem peragendam addicere. Cæterum non probat huiusmodi vota temeraria ac impia Chrysostomus. Dicit enim, Tales sunt vanandi artes diabolo, qui prætextu pietatis laqueos tegit: Ecce enim ieiunium illorum homicidij mater est, Sicut & Herodes etiam iuramento sibi ipsi necessitatem induxerat, ita & hi. Proinde ex hoc loco colligimus non omnem vouendi rationem placere Deo. Atqui vt hoc loco non nihil digrediamur & breuem de votis sententiam inferamus, Ego quidem votum nihil aliud esse video, quam liberam earum rerum, quas possumus & quas Deo acceptas esse scimus, pollicitationem. Neque enim negamus votum in re pia & honesta fieri posse: neque iubemus pium & æquum votum rescindere. Vbi illud interim ceu præscitum & indubitatum præsumpsi, nemini nisi vni Deo licere vota nuncupari. Nam si vnus Deus duntaxat colendus est atque in rebus omnibus spectandus, utpote cum ex illo & per illum & in illis sint omnia, certe vni tantum vota nuncupanda sunt. Quod autem dixi votum pollicitationem esse liberam, propterea dixi, quod de Christianorum votis loquor, apud quos fidei libertas prohibet ita sese elementicis obstringere rebus, vt inde non possimus citra salutis emergere periculum. Vt nunc vouere nobis liceat abstinentiam, sed libere, hoc est, vt retractare liceat, cum libet, iusta de causa, retractatamque non putemus nephas iustæ damnationis esse causam. Exemplo sit ea Pauli indulgentia quæ extat 1. Cor. 7. de coniugum abstinentia. Hanc enim si mutuus adsit consensus, suscipere licet, ac se Deo ceu voto quodam obstringere, sed ita vt ne quid nimis: vt inquit ad tempus fiat, rursusque conueniamus in vnum, ne tentet nos sathanas. Quo exemplo summa certe libertas proponitur, sed iusta, ob causam iustam, & in causa iusta. Dicis autem id quidem votum non esse, sed liberum animi propositum, adeoque & perpetuum Domini mandatum, vt scilicet ab omni abstineamus scortatione & immunditia. Atqui hoc ipsum istis demonstratum volui, votum videlicet nobis non esse perpetuum quoddam fatum & inuitabilem necessitatem, sed liberam & extemporalem animi deliberationem, ad nutum Dei compositam, atque ita compositam, vt is qui nouit, semper possit melioribus

Temeraria vota.

Votum quid.

Votum sit liberum.

melioribus occurrantibus & rebus ipsis subinde aliud suadentibus, votum mutare in melius. Quid quod prius vanum atque stultum est vouere, quod non est in potestate nostra, aut quod præterea & illicitum est? Vouebat Iacob patriarcha se Deo decimas exhibiturum: sed eorum quæ daturus erat Deus. Quid porro habemus quod Deus non dederit? Nisi ergo Deus opes dedisset, nihil vouisset Iacob. Proinde ea vouit, quæ per Deum potuit. Iam vero quemadmodum stulta sunt vota, quibus ea vouemus quæ non habemus, ita ea impia sunt quibus ea Deo vouemus quæ Deo aut ingrata aut contraria sunt. Gratum autem est quicquid ad præscriptum verbi sui exigitur, & quicquid fit ex fide. Nam quicquid non est ex fide peccatum est: quemadmodum & illud Deo contrarium est, quod à scripturis (quæ voluntas Dei est) alienum est. Et cum voues nosti Deo votum tuum aut acceptum esse aut non esse. Si nosti Deo acceptum esse, certe causam quoque nosti cur illi sit acceptum. Habes igitur verbum Domini. Quod si verbum Domini non habes super voto tuo certum, reuera non nosti votum tuum Deo acceptum esse. Nisi diuinarum rerum cognitio à nobis, & non tantum à spiritu Dei proficiatur, quod tamen ut omnis scriptura asserit, ita illud Paulus 1. ad Corinthios 2. capite prorsus pernegat. Si autem non nosti votum tuum Deo gratum esse, proculdubio stultum est: utpote quod ipsum rationem sui imò ipsum sese nescit. Omnia ergo quæ vouentur aut ex Deo sunt, aut ex Deo non sunt. Si ex Deo sunt, ex fide utique & libera sunt. Si ex Deo non sunt, impia sunt. Iam quis tam stultus qui impietatem Deo placere credat? Itaque vota Christianorum eiusmodi quidem sunt, hoc est, libera, Deo dedicata soli, ex fide profecta, item eorum quæ possumus, Deoq; grata esse nouimus, & nulla necessitate perpetua, sed per causas iustas versibilia. Hinc vero colligimus vota Pontificia, veluti ea sunt quæ diuis nuncupantur, & Monastica dicuntur, idq; genus alia, prorsus à Christiana religione esse aliena. Nam ea quæ diuis fiunt, contra religionem Christianam veniunt. Religio enim Christiana docet vni Deo per Christum esse adhærendum, vni supplicandum & fidei oratione ac iustitia litandum: ab hoc esse cum corporis tum animæ salutem. At qui diuis voto paciscitur, non citra impiam stipulationem paciscitur, nempe si seuent, aut imperium, aut amplas facultates prouehant, aut si iuuisset credantur. Hac enim ex causa anathemata siue munera eorum templis & vrbibus (eò enim vrsaniæ ventum est, ut regna priuataq; vrbes sese dijs consecrauerint tutelaribus) non citra modicum & facultatum & vitæ dispendium inferuntur. Hic enim ad Galitiam sese recipit Iacobum salutaturus. Alius Hierosolymam procurrit seditia saluatoris vestigia adoraturus. Hic vero Romam inuisit supplicaturus Apostolorum primatibus. Huc vero sese voto suo diuis nuncupato per omnia constringi sacra credit. At cum solius Dei sit seruare, alere, curare, & per omnia conseruare, isq; fide non pedibus accedatur, spiritu quoq; non externo cultu colatur: consequitur vota diuis, nuncupata prorsus esse impia. Nam etsi in potestate tua sit vel eximium munus stipulari, idemq; præstare, item Romam aut Compustellam transire, displicet tamen Deo creaturarum cultus. Quo fit ut votum esse nequeat, quod cum voluntate Dei pugnat. Ad Monastica venimus, quæ etiam si voueantur Deo, nō tamen soli, sed aut Benedicto, aut Dominico, aut Francisco alioue uouentur, præterea libera non sunt, neq; in potestate nostra constituta. Nam quo pacto vocaueris ea libera, in quæ iureiurando iuratur, & sic iuratur, ut nisi districtim per omnem vitam & citra omnem retractationem seruentur, perijsse videatur is qui vouit? non enim nunc referam quod votis nostris salus tribui cœpta est, quæ summa est impietas. De castitate clamat ipse Dominus Iesus, non omnium esse donum. Testatur Paulus bonum commodum esse mulierem non tangere, sed si quis carnis tentigine non vexetur. Si enim quis ista vexetur, satius esse vxorem ducere quam vri. Quod si in potestate nostra non est castitas, sanè sub votum cadere non potest. Consequitur ergo castitatis votum aut stultitiam esse, si nescias quid voueas, aut impietatem, si non ignores carnis tuæ impotentiam, nihilominus tamen voueas. Quid enim hoc aliud est, quam Deo vouere perpetuam scortationem & perseverantissimam immunditiam? Et de paupertate ea quid dicam, quæ totius penè orbis opes & redditus suis inscripsit rationarijs? Iam vbi inuenias otium suauius, instructiores aut lautiores mensas, commodiorem, molliorem ac mundiorem vestem, quam apud istos qui verbis paupertatem vouent, re ipsa Creso ditiores sunt? Quasi vero ipse Deus falli possit, aut homines communi careant sensu. Vbi vero Deus talem paupertatem præcepit vnquam? Aut cui Deo post Mammona placere possit? Votum ergo de paupertate monachicum non est votum, sed luxus, otij & imposturæ tegumentum. Quod si obijcias obedientiam rem esse sanctam & piam, non negauerim, modo iusta sit, & in re iusta, à Deo nobis iniuncta & non à nobis ipsis electa. Verum hic te relegamus ad diuinam historiam 1. Regum 15. & Matthæi decimoquinto, cui si contuleris obedientiam monasticam, deprehendes ipsam maxima ex parte aliud non esse quam perfidiam & inobedientiæ prætextum. Nec ignoro quid hic responderi possit, Etsi reuera votum non sit quod diuis nuncupauit aut monastico ritu voui, interim tamen uoui, quin & iureiurando me obstrinxi,

*Vouere quod sit in potestate nostra
Vouere quod non sit contra Deum.*

Summa.

Vota diuis nuncupata.

Vota monastica.

Votum castitatis.

Votum paupertatis.

Votum obedientie.

Argumenta pro votis.

vt nunc capitis periculo vitæque æternæ dispendio luiturus sim, nisi semel promissum sincere præstem, maxime cum scriptum sit. *Quod semel egressum est de labijs tuis obseruabis & facies, sicut promissisti Domino Deo tuo Deuteronom. 25. Cui & illud correspondet quod Numeri 30. extat: & Psalmo 75. dicitur, Vouete & reddite: rursus quod Paulus dicit, Iudicium siue damnationem habent qui primam fidem fregerunt, 1. Timoth. quinto. Quibus omnibus nos ad hunc modum respondemus. Principio cum voueres proculdubio sciebas votum tuum in tua esse potestate vel non esse.*

An omnia vota præstanda. Deo præterea gratum esse aut non esse. Iam vero quod hostiam alicui promissisti diuo, aut castitatem vouisti Deo, tum quidem in tua id potestate fuisse positum & Deo non ingratum esse, cogitare potes, at nunc asserere non potes: nisi religioni fideique clare & experientijs varijs occlamare libeat. In de porro sequitur vouisse quidem te, sed quid voueres ignorasse. Iam ergo posteaquam recepisti oculos, & vides qua in parte erraueris, quid obsecro candidius fuerit, quam vt errorem fatearis, confesum depreceris, auerferisque deprecaturum, conuersus ad voluntatem & infallibile verbum Domini. Sic enim refarcieris infirmitatē tuam: contrā vero peccatum peccato cumulaueris, si simplici errori adijcias malitiosam pertinaciam. Vidisti enim votum tuum diuis nuncupatum prorsus repugnare scripturis sanctis, sentisti præterea infirmitatem carnis tuæ, quodque castitatis dono cares, si iam nihilominus pergas diuis offerre, aut Veneri seruire, propterea abhorres à sacro coniugio, quod voueris cœlibatum, quem tamen propter congenitam immunditiam non seruas: quid obsecro malitiosa pertinacia est, si hæc non est? Herodes huius negotij proprijsimū fuerit exemplū, qui si pollicitationem suam stultam & incogitatam aut mero inscripsisset aut remisisset posteaquā viderat quo votū suum vergeret, minus peccasset & venia dignus erat: nunc vero cum imprudens votum, opere, iam non melius quid age, et (sciebat enim Ioan. virum esse sanctum & iustū) crudeliter perficit, stultitiæ iungit scelus. Herodem hunc imitantur, qui aduersus Euangelium Christi coniurant, sicut & quadraginta istos Iudæos coniurare videmus, qui tamen eam sibi labem abluissent, si pristinam retractassent sententiam. Huiusmodi enim vota prorsus impia sunt. Nam qui meliora docti in coniuratione perseuerant, & pertinaciam suam temerario iuramento tuentur, iam non simpliciter peccant, sed agnitæ veritati repugnant, hocque impudentius, quo vehementius iuramentum obdunt, quod sanè citra insignem hypocrisim & gloriationem in malo fieri non potest. Deinde verum esse fateor id omnino opere complendum esse, quod ore semel voueris. Hoc enim suadet veritatis honestas & decus, mendacij item & inconstantia infamia: sed si interim votum eiusmodi sit, vt opere perfectum in nefas non abeat, aut maiorem inurat infamiam. Quod si aut infamat aut scelus est, præstat quidem verbis peccasse tantum, quam male sanis verbis pessima iungere facta. Neque enim frustra in lege dicitur, Si quidpiam voueris DOMINO DEO TVO. Atqui Deus impijs & illegitimis rebus non delectatur, ergo lege Dei non astringeris voto, si cum errore aut scelere coniunctum sit. Tale proculdubio erat & votum Iephtæ, qui parricidium Deo vouerat, atque constanter ad verba legis respiciens dicebat: Aperui os meum ad Dominum, & aliud facere non potero. Atqui minus peccasset si de stulta promissione pœnitens filiam nō iugulasset. Nam & Iosephus testatur votū Iephtæ neque legitimum neque Deo gratum fuisse. Verba eius si quis requirat hæc sunt, Iephtæ Deum pro victoria deprecatus & sacrificiū promittens, vt si viuis reuerteretur, quicquid ei primo occurreret immolaret. Congressus longe vicit: reuersus autē calamitatē incurrit nullo modo prisce felicitatis æqualem. Nam ei filia vnigenita & virgo occurrit, quam sibi obuiam venisse ingemiscens culpabat, quā sacrificandam Deo deuouerat. Et ipsam quidē aliquo tempore transeunte, pater immolauit, nec legitimum faciens holocaustum, nec Deo charum, non utiq; deliberans apud animū suum qualis apud cæteros huius facti causa videretur. Cui & Hieron. in lib. Aduersus Iouinianum astipulatur. Melius ergo feceris, o frater, si ab impio facto abstinueris, quam si stulta verba & vota periculosa constanter perfeceris. Iam quod Prophetæ locum attinet in Psal. 75. non loquitur de istorum votis stultis, sed de muneribus Deo offerendis. Sic enim habent Prophetæ verba, Vouete & reddite Domino Deo vestro, omnes qui in circuitu eius sunt afferte munera. En posterior sententia explicat quid priore voluerit. Imò in plerisq; veteris instrumenti libris vouendi ratio non erat sine externo sacrificio, quin potius ipsum votū erat sacrificium. Tota ergo illa vouendi ratio abrogata est. Nam omnes legis victimæ, hostiæ & oblationes in Christo Iesu abrogatæ sunt. Christiani propria corpora nostra Deo offerimus, mundas preces, gratiarum actionē ac eleemosynas synceras. Hæc in quā sunt vota nostra.

Locus Pauli de violata fide 1. Timoth. 5. Porro locus Apostoli 1. Timoth. 5. pro nobis, nihil contra nos facit. Præcipit enim Timotheo suo Apostolus, ne temere aut cito eas suscipiat quas adigit stultitia, vt simulent adeoq; & spondeat castitatem. Scire enim se quod multa mendaciter polliceantur, vnde cum paulo post ex necessitate immutare cogantur vitæ suæ statum, enascatur iudiciū siue dominatio (ein nachher vnd fürzug) quod primæ isti nō steterint promissioni. Proinde illas priusquā in iudicium incidant, à stulto voto arceant eas esse

das esse tradit. Iudicium ergo siue condemnatio eo loci non accipitur pro morte & interitu animæ, sed pro macula infamiæ. Legatur autem ex integro locus Pauli, & apparebit quibus suffragetur. Hæc de votis paucula quidem & ante annos aliquot scripta ad D. Vuernherum Steynerum virum piū & amicum nostrum singularem, huc pro re nata inferere libuit, non ut ijs tibi prorsus hæc in causâ satisfacerem. Scio enim quā prolixam hæc postulent disputationem, sed ut ampliora cogitandi supererem ansam. Redimus nunc ad historiam.

Cum autem audisset filius sororis Pauli insidias, venit & intrauit in castra, nuntiavitq; Paulo. Accersito autem Paulus ad se vno ex centurionibus ait: Adolescentem hunc adduc ad Tribunal: habet enim quod renuntiet illi. Et ille quidem assumens eum, duxit ad Tribunal, & ait: Vincit Paulus accersitum me rogauit, ut hunc adolescentem perducerem ad te, habentem aliquid quod loquatur tibi. Apprehensa autem Tribunal manu illius, secessit cum eo seorsum, & percontatus est illum: Quid est quod habes significandum mihi? Ille autem dixit: Iudæi conspirarunt ut rogarent te, uti crastino die educeres Paulum in Concilium, quasi aliquid certius inquisituri sint de illo: tu verò ne morem gesseris illis. Insidiantur enim ei ex eis viri plures quadraginta, qui seipsos deuouerunt, ne vel edant, vel bibant, donec interficiant eum, & nunc parati sunt expectantes, ut promittas.

Destruit impiorum consilia Dominus, non utiq; cum negotio, sed citra negotium, leui aliquo commento: ut videamus quā langueāt vires nostræ aduersus veritatem verbi eius. Per adolescentulum ergo nepotem Pauli (habuit enim sororem maritatum Apostolus) hoc loco destruit omnes Iudæorum conatus. Ita olim vnus mulierculæ viribus fortissima Assyriorum castra attriuit. Atque hic miris modis commendatur à Luca Centurionis & Tribuni humanitas atq; facilitas. Haud enim grauiatim ille Paulo obsequitur, hic verò adolescentem libentissimè audit. Huc enim pertinet, quod refert Tribunal quā familiarissimè adolescentis apprehendisse manum (hoc enim gestu significamus nos optimè ei velle cuius manum apprehendimus) secessisse ac rogasse, Quid haberet sibi significandum? Et cum iam omnem rem ut à Paulo commissæ erat, & ut ipse à coniuratoribus intellexerat, retulisset, nihil mali (quod tamen mirum) suspicatus Tribunal, quasi hæc narratio captiuæ artibus contexta esset, statim narrationi credidit: quod aliàs quoq; profunda huius gentis malitia sibi perspectissima esset, vel ex hesternâ proteruita atq; iniuria. Huius ergo Tribuni exemplo discant nostri principes prudentiæ humanitatem ac facilitatem iungere. Inuenias enim qui neminem nisi præsigni autoritate præditum amicè excipiant aut audiant, præterea omnibus ex æquo grauiatim credant, quantumuis hoc quod dicitur multis cum coniecturis tum testimonijs approbetur. At multis hæc difficultas exitio fuit. Vituperanda quidem est nimia credulitas, sed interim nō laudanda ista quorundam supina negligentia. Notissimum enim est vulgatum prouerbium, Amyclas perijsse tacendo. Contra verò, Qui cito credit (dicit Sapiens) levis est corde, & delinquit in animam suam. Rectè ergo Flaccus dicit, Virtus est medium vitiorum utrinq; redactum. Iam & Pauli prudentia diligenter est obseruanda. Tametsi enim Deo fideret, & patientia illi seruiendum esse sciret, tamen admonitionem fidelem opportunitatemq; non negligit. Hoc ipsum & Chrysostomus annotauit, dicens: Et dignum fuerit cum stupore admirari Paulum ad hanc adolescentis admonitionem, non turbatum fuisse, aut dixisse, Quid hoc est? nunquid decepit Christus, qui dixit, Oportebit te & Romæ testificari? Sed nihil tale cogitauit aut accidit ei, sed solum credidit. Iam etsi credidit, somniculo... sed tamen non fuit, sed quæ per humanam sapientiam contueri poterat, protulit. Hæc Chrysost. Vi- deas & sanctos Dei Prophetas principum amicitiam, auxilia & consilia non aspernari. Vbi ergo nūc sunt qui clamant, Quid Euangelij prædicatoribus cum magistratu? Quid credenti opus stipendiarijs? Si Deo & Euangelio credit, prodeat in medium hostium, & percussus in alteram maxillam, præbeat & alteram. Hæc enim vanorum hominum verba sunt. Cur enim hic non prodijt Paulus in coniuratorum cuneum? Cur hoc negotium ad Tribunal retulit per Centurionem? Si ergo Paulo licuit prophano uti magistratu pro gloria Euangelij asserenda, suæque salute tuenda, cur idem non postularem ab ijs, qui Christiano nomine gloriantur, imò qui & Christo nomina sua in baptismi symbolo dederunt? Cæterum hanc rem tractauit diligentissimè Aurelius Augustinus multis in locis aduersus hæreticos eadem ijsdem penè verbis objicientes, maximè tamen in libris aduersus Donatistas scriptis, & in 2. libro quo Petiliani respondet Epistolæ. Illum autem hoc libentius cito, quod *Paulus armis Romanorum bene vititur.*

Principes humani sint.

Paulus armis Romanorum bene vititur.

usus armorum in rebus ecclesiasticis.

omnia huius negotij scripturis & rationibus sanis à fide & charitate nihil discrepantibus videatur tractare. Quod si quis Augustini opera non habet, aut omnia illa euoluere non potest, hanc huius negotij summam accipiat, quam idem ille contexit in libro de Correctione Donatistarum ad Bonifacium cap. 13. in hæc verba, Quod enim dicunt qui contra suas impietates leges iustas institui nolunt, Non petijisse à regibus terræ Apostolos talia, Non considerant aliud fuisse tunc tempus, & omnia suis temporibus à. gi. Quis enim tunc in Christum crediderat Imperator, qui ei pro pietate contra impietatem leges ferendo seruiret? Quando adhuc illud propheticum complebatur, Quare fremuerunt Gentes, & populi meditati sunt inania. Astiterunt reges terræ, & principes conuenerunt in vnum aduersus Dominum & aduersus Christum eius? Nondum autem agebatur quod paulò post in eodem Psalmo dicitur, Et nunc reges intelligite, erudimini qui iudicatis terram. Seruite Domino in timore, & exultate ei cum tremore. Quomodo ergo reges Domino seruiunt in timore, nisi ea quæ contra Domini iussa fiunt religiosa seueritate fiunt prohibendo atque plectendo? Aliter enim seruit quia homo est, aliter quia rex est. Quia homo est, ei seruit viuendo fideliter. Quia verò etiam rex est, seruit leges iusta præcipientes, & contraria prohibentes conuenienti vigore laniando. Sicut serui-

- uit Ezechias lucos & templa idolorum & illa excelsa, quæ contra præceptum Dei fuerant constructa destruendo. Sicut seruauit Iosias talia & ipse faciendo. Sicut seruauit rex Niniuitarum vniuersam ciuitatem ad placandum Deum compellendo. Sicut seruauit Darius idolum frangendum in manus Danielis dando, & inimicos eius leonibus ingerendo. Sicut seruauit Nabuchodonosor omnes in regno suo positos à blasphemando Deo lege terribili prohibendo. In hoc ergo seruiunt Domino reges in quantum reges sunt, quum ea faciunt ad seruendum illi quæ non possunt facere nisi reges. Cum itaque nondum reges Domino seruirent temporibus Apostolorum, sed adhuc meditentur inania aduersus eum, & aduersus Christum eius, vt Prophetarum prædicta omnia complerentur, non vtique tunc poterant impietates legibus prohiberi, sed potius exerceri. Sic enim ordo temporum volebatur, vt & Iudæi occiderent prædicatores Christi, putantes se officium Deo facere, sicut prædixerat Christus, & Gentes fremuerunt aduersus Christianos, vt omnis patientia martyrum vinceret. Postea verò quàm cœpit impleri quod scriptum est, Et adorabunt eum omnes reges terræ, omnes gentes seruiant illi. Quis mente sobrius regibus dicat? Nolite curare in regno vestro, à quo tueatur vel oppugnetur Ecclesia Domini vestri. Non ad vos pertineat in regno vestro, quis velit esse sue religiosus siue sacrilegus, quibus dici non potest, Non ad vos pertineat in regno vestro quis velit pudicus esse, quis impudicus? Et quæ sequuntur. Huc enim pertinet quod in 9. capite huius libri de violenta Pauli conuersione citauimus.

Tribunus igitur dimisit adolescentem, præcepitque ei, ne cui effutias, inquiens, quod hæc indicaueris mihi. Et accersitis duobus quibusdam centurionibus, dixit: Parate milites ducentos, vt eant Cæsaream, & equites septuaginta, & lancearios ducentos à tertia hora noctis, & iumenta præbete, vt impositum Paulum, saluum perducant ad Felicem præsidem, scriptis literis in hanc formam:

*Occultanda
consilia.*

Iterum laudatur Tribuni prudentia, qui in hoc taciturnitatem ab adolescente postulat, ne Iudæi vel consilium mutarent, vel ex re manifestata æstimarent Tribuni consilium, quale futurum foret. Maxima autem semper fuit in occultandis consilijs cura vetustis. Vnde Metellus pius in Hispania interrogatus, quid postera die facturus esset? Tunicam meam si id eloqui posset (inquit) comburerem. Auctor Julius Frontinus lib. 1. Stratag. cap. 1. Tribunus ergo vt Romanum ciuem iniquorum eriperet manibus, milites designat 470. hoc est, equites 70. pedites 400. qui ipsum saluum ad Felicem perducant. Rursus ne conductus ille maioris existeret causa tumultus, illum sub noctem, Iudæis nihil tale suspicantibus instituit. Multum enim refert quo tempore quæque faciamus. Porro Lucas per *παραιετας*, quos interpret noster vertit milites, eos intellexit, quos nos vocamus pedites. At per *δυσκοβόλους*, quos lancearios vertit, ferè sagittarios intellexit. Missilibus enim utebatur vetustas. Et *δυσκοβόλος* dixit quod dextra mitterent missilia siue hastilia. Statim autem post illa verba, Vt saluum perducant ad Felicem, sequitur in vulgatis exemplaribus, Timuit enim ne forte raperent eum Iudæi & occiderent, & ipse postea calumniam sustineret tanquam accepturus pecuniam. Sed cum nō extent in Græcis exemplaribus & è margine videantur irrepsisse, ab interprete nostro omissa sunt.

Claudius Lysias potentissimo præsidi Felici salutem. Virum hunc comprehensum à Iudæis, cum iam esset interficiendus ab eis, superueniens cum exercitu,

exercitu, eripui, cognito quod Romanus esset. Volensq; scire causam, ob quam accusarent illum, deduxi eum in Concilium eorum. Quem comperi accusari de quaestionibus legis ipsorum, nullum dignum morte aut vinculis habentem crimen. Et cum indicatum esset mihi de insidijs quas parauerant illi Iudaei, protinus misi eum ad te, praeepto dato etiam accusatoribus, ut quae habent aduersus eum dicant apud te. Vale.

Nihil est non obuium & facile in hac Epistola. Expositoris enim est, breui ac castrensi stilo conscripta. Breuib; enim exponit quis Paulus sit, & quam ob causam in vincula deuenierit. Ceterum cum in ea palam dixisset nullum in eo crimen inuentum esse morte aut vinculis dignum, ac Felix obijcere potuisset, Cur ergo non dimisisti innoxium? praue nit & ait, Insidiae Iudaeorum id non per miserunt, publicaeq; pacis periculum. Quocirca misi eum ad te, accusatoribus etiam eius praeepto dato, ut & ipsi proficiscantur ad te, causamq; istam coram te absoluant.

*Noluit & Gal
lio iudex esse
Iudaicarum qua
stionum.*

Milites vero iuxta quod sibi intinctum erat, receptum Paulum duxerunt per noctem Antipatridem. Postero autem die dimissis equitibus, ut cum eo irent, reuersi sunt in castra. Qui cum venissent Caesaream, ac tradidissent epistolam Praesidi, statuerunt coram eo & Paulum. Cum legisset autem Praeses, & interrogasset ex qua prouincia esset, & cognouisset quod ex Cilicia: Audiam te, inquit, cum accusatores quoq; tui aduenerint. Iussitq; in praetorio Herodis custodiri eum.

Omnia diligenter describuntur a Luca, ut videamus quomodo Deus sanctos suos exerceat, & omni periculo liberet. Cum autem res iam extra periculum esset soli equites ab Antipatrida Paulum Caesaream deducunt, eam inquam quae quondam dicebatur Turris Stratonis. Hac & Felix Iudaeae Praeses insigne aequitatis exhibet specimen, dum ait, Audiam te cum accusatores quoque tui venerint. Publicus enim omnium sensus clamat, & alteram partem esse audiendam. Vide autem quod ubiq; Gentes Iudaeis meliores sunt, quanquam id quidem esset diuinæ gratiae, qua Paulum ad vberiore Evangelicæ doctrinae frugem voluit conferuare. Quocirca & Felix hunc in praetorio Herodis, quod videlicet ab Herode constructum erat, asseruari iubet. Praetorium autem illi vocarunt, quod Germani appellamus, das radt oder richthaus.

*Audienda etiã
altera pars.*

C A P V T XXIIII.

Post quinque autem dies descendit princeps sacerdotum Ananias cum senio ribus & Tertullo quodam oratore, qui adierunt Praesidem contra Paulum. Et citato Paulo, coepit accusare Tertullus, dicens: Cum in multa pace agamus per te, & multa recte gerantur in populo hoc per tuam prouidentiam, & semper & ubiq; comprobamus, prestantissime Felix, cum omni gratiarum actione. Sed ne diutius te detineam, oro te ut audias nos paucis pro tua humanitate. Nacti enim sumus virum hunc pestiferum, & concitantem seditionem omnibus Iudaeis in vniuerso orbe, & authorem sectae Nazarenorum, qui etiam templum prophanare conatus est, quem & apprehensum voluimus secundum legem nostram iudicare. Sed superueniens Tribunus Lyfias, cum magna vi eripuit eum e manibus nostris, iubens accusatores ad te venire, ex quo poteris ipse, inquisitione facta, de omnibus istis cognoscere de quibus nos accusamus eum. Adiecerunt autem & Iudaei, dicentes haec ita se habere.



L I A M nunc pugnam describit, in qua electionis vas Paulus virtute Christi, mendacio. *Victoria vera,* rum & calumniarum nebulas discutitis, longè vicerit. Sed ut gloriosior esset veritatis *ritatis.* storia, magna verborum euidencia aduersarios Pauli pingit, ac fori seueram aliquam oculis proponit imaginem: his omnibus obijcit Paulum, eumq; solum omniq; praesidio hu-

Oratio Tertul-
li satis frigida.

Accusationis
capita.

Testimonia.

mano destitutum, adeoque & vinctum, interim tamen multa libertate utentem. Tanta est veritatis confidentia. Oratio autem Tertulli in iudicali genere adhibita, admodum est rhetorica, sed propter ineptam causam satis mendax, & frigida. Exordium quo sibi præsidis favorem eblandiri cupit, tractum est ab encomio beneficiorum Felicis, habetque adulationis & artis plurimum. Dum enim à servandæ pacis cura Felicem commendat, simul & Pauli causam reddit odiosissimam, quam non alio crimine magis vrget, quam tumultus & seditionis. Hoc autem dicit, Quod in tam prospera agimus pace, multaque officia accipit populus Iudaicus, id vni tibi tuque acceptum ferimus prudentiæ, adeoque & gratias agimus immortales, simul & illud sperantes te & in hac causa, quam nunc deferimus nostræ gentis tranquillitati consulturum. His protinus adijcit, Sed ne diutius te detineam, oro ut pro humanitate tua nos paucis audias. Quæ sanè transitio est, à brevitæ gratiam querens, & simul fiduciam quandam complectens bonitatis causæ, tanquam multis non sit opus præfari aduersum hominem seditiosum, coram illo qui publicæ tranquillitati adeo faueret. Ab his mox narrationem ipsam init, summam complectens rem gestam, cum criminatione adiecta (*ἀπομνήσκει*, id est, pestem vocavit hominem vehementer pestiferum) & iuda earum rerum enumeratione, de quibus Iudæi Paulum sperabant iudicandum. Tria autem potissimum illi impingunt. Primum, Seditionem, quam & illo amplificat, quod hæc non ipsis tantum, sed omnibus etiam Iudæis in vniuerso orbe excitaret. Secundum, Nouum & impium dogma. Paulum enim appellant *ὁ ποσειδωνος τῷ Ναζαρενὸν ἀπίστου*, id est, præfectum, primarium, ducem atque antesignanum sectæ Nazæzorū. Nam ipsum Christianorum vulgus probroso vocabulo Nazæros, at ipsum dogma Evangelicum Hæresim nuncupabant Nazarenicam. Tertium, Prophanationem templi. Id quod propter Trophium Ephesium (vt in 21. Cap. auditum est) impeggerunt. Istis addunt testimonia coniecturalia, ipsa inquam vincula, quæ illi in templo nequaquam iniiecissent, nisi in tantis fuisset deprehensus flagitijs. Sed & Tribunū Lyfiam testem statuunt. Postremo quotquot astabant adiecerunt ita habere omnia, sicut enumerat Tertullus. Iam enim simul & accusatores & testes facti erant, æqui, si dijs placer, viri, hoc ipso prodentes impudentiam & iniustitiam illam suam maximam. Indicat autem hoc loco Beda vulgatam ædificationem noui Testamenti, quæ sua ætate fuerit recepta, sic habuisse hunc locum, Quem & apprehendimus, à quo poteris ipse iudicans de omnibus cognoscere: vt ablatius quo, referatur ad Paulum velut non negaturum quod illi obtridissent. Idem mox aliam lectionem ex Græcis afferens exemplaribus, eandem substituit quam in præsentiarum recensuit Erasmus, qui tamen & ipse fatetur istam multis Græcorum exemplaribus non haberi.

Respondit autem Paulus, cum annuisset ipse Præses, vt diceret. Æquiore animo pro me ipso causam dico, cum sciam te multis iam annis iudicem fuisse genti huic, qui possis cognoscere, quod non plures sunt mihi dies quam duodecim, ex quo ascendi adoraturus Hierosolymam: & neque in templo compererunt me cum aliquo disputantem, aut concursum facientem turbæ, neque in Synagogis, neque in ciuitate, neque probare possunt ea de quibus me accusant.

2. Todestis
Pauli.

Seditionis cri-
men à se amo-
litur.

Qui ergo Tertullum hætenus strenue accusantem audistis, nunc oro ab istis asperginibus repurgantem sese Paulum patienter audite: cuius modestia nobis statim à principio commendatur, quod ad tantas calumnias nihil asperius respondens, facultatem dicendi sibi à iudice factâ, expectarit. At cum illi iam facta esset, vide quam mature, quam prudenter & constanter ad omnia, imò singulas ordine respondet, idque ex tempore. Initio beneuolentiam capiat, sed parcius & circa omnem adulationis suspicionem. Ducit enim exordium partim ab aduersariorum dictis, partim à iudicis persona. Quasi dicat: Gratulantur equidem aduersarij mei sibi eum obuénisse iudicem, qui vt publicæ tranquillitatis acerrimus sit assertor, ita seditiosorum seuerissimus ultor: at ego mihi ipsi gratulor, quod is mihi obtigit iudex, qui & longa rerum experientia didicit, qui nam publicæ tranquillitatis turbatores sint maximi, illi nimirum qui quod ipsi sunt alijs impingunt: gratulor inquam mihi, quod is mihi obtigit iudex, qui facile quid verum aut quid falsum sit deprehendere potest. Atque hic protinus à tempore argumentum trahens primam diluit calumniam, dicens, Illi sanè seditionis me insimulant maximæ: ceterum cum non plures sint mihi quam dies duodecim, ex quo ascendi Hierosolymam, ex breuissimo temporis spacio facile cognoscere potes, an ego rem tantam adornare ac facere poterim. Deinde verò & à causarum loco argumentans, addit: Neque tumultuaturus, sed adoraturus ascendi. Rursus à loco per partitionem suæ causæ fulcra admolens, Neque in templo (ait) neque in Synagoga, neque in ciuitate repererunt me cum quoquam disputantem, aut vllum populi concursum facientem.

facientem. Demum verò veluti mendaciorum pertesus paucis omnia dicit & ait: Sed quid pluribus opus? Mentiuntur, nec ullis idoneis argumentis probare possunt ea, de quibus me impudentissimè accularunt, siue ut Græce significantius scriptum est, *ὅτι ἀπασι τοῖς κατὰ ἡμᾶς*, id est, nec exhibere me possunt. Exhibere enim dixit pro vincere. Id quod Germanicè sic efferimus, *„Sy werdend es nimmermer mögen auff mich bringen.* Hæc ad accusationem primam respondit. Nam quod præterea & pestem vocarat, ceu surda aure transt, nolens conuitium rependere conuitio: ad ea quæ necessaria videbantur respondet.

Confiteor autem hoc tibi, quòd iuxta viam quam vocant hæresim, sic collo patrum deum, credens omnibus quæ in lege & prophetis scripta sunt, spem habens in Deum, fore, quam & hi ipsi expectant, resurrectionem mortuorum iustorum simul & iniustorum. Quin in hoc & ipse studio sine offendiculo conscientiam habere erga Deum, & erga homines semper.

Istis respondet posteriori accusationi expurgans se de nouo & impio dogmate, simul & claram synceramq; liberè confitens veritatem. Non autem nego (inquit) quod Christianū mihi dogma obijciunt, hoc autè non agnosco, quod illud mihi tanquam errorem, aut certè impiū religionis morè obijciunt. Non enim nouum aliquem Deum aut agnosco aut prædico, sed Deum patrum: nec alio modo aliāue ratione, quàm ea quam Lex & Prophetæ præscripserunt. Maximè quod in Christo Iesu futura sit mortuorum resurrectio & vita æterna: quam & expecto & eius rei gratia innocentiae studio cum erga Deum tum erga proximos. Hæc summa est eorum, quæ opposuit criminationi de nouo & impio dogmate. Poterat autem videri Paulus hæreseos vocabulum mitigare voluisse, cum dixit, *κατὰ τὴν διδασκαλίαν ἡμῶν*, iuxta viam quam dicunt hæresim, nisi Erasmus monuisset Hæresis vocabulum apud veteres non fuisse tam odiosum, quàm hodie apud nos sit, hac ergo Paulum ceu notā vulgo voce exposuisse, quod magis ad Hebraicum idonea accedens dixerat viam. Quin & paulò post in Capite 26. Hæresis vocabulum in bonam partem dum se dixit Pharisaicæ fuisse sectæ, vsurpat: quem admodum & Cicero apud nos in præmio Paradox. de Catone loquens, In ea est (inquit) hæresi quæ nullum sequitur florem orationis. Est & Sectæ vocabulum Latinis medium. Hæresis autem dicitur confirmata de aliquo dogmate opinio. Ex hoc autem loco clarissimè liquet quinam hæresim doceant hodie, aut qui demum nouum & impium dogma in orbem disseminent. Certè Paulus sanctæ doctrinæ potissima recensens capita, scopum veræ religionis ostendit esse Deum, nec quemlibet (sunt enim dii plurimi & idola innumera) sed patrum, id est, veterem illum omnium rerum conditorem, quem Abraham, Isaac & Iacob, denique omnes sancti patres coluerunt. Sed & modus colendi Deum ex scripturis à Paulo sumitur & scripturis probatur. Non enim placet Deo quicquid ipsum colendi ritus, sed quem ipse nobis præscripsit. Vnde iam consequitur illos tradere nouam fidem, qui nuper natos Diuos colere docent, modumque colendi iuxta humanarum legum instituta præscribunt. Iam & paulò rectioribus verbis & Christi profiteretur mysterium, cum resurrectionis & bonæ conscientiae meminit. Nam extra Christum nulla est resurrectio aut bona conscientia. Discimus ergo in solo Christo sperandam esse resurrectionem & vitam: denique iustitiæ & innocentiae studium, verum Dei esse cultum. Id quod iterum nostrorum temporum dogmatis repugnat ex diametro, quod ea habeant plurima alia quibus vitam & salutem tribuunt. Iudicent ergo Lectores, qui nuperam tueantur fidem atque doctrinam.

Expurgat se de nouo & impio dogmate.

Hæresis noua & vetus doctrina.

Post annos autem plures accessi, eleemosynas exhibiturus in gentem meam, & oblationes, in quibus compererunt me purificatū in templo, haud cum turba, neque cum tumultu. Quidam autem ex Asia Iudæi, quos oportebat præsto esse & accusare, si quid haberent aduersum me: aut hi ipsi dicant, si quid deprehenderunt in me iniquitatis, cum stem in Concilio: nisi de vna hac voce, qua clamaui inter eos stans: De resurrectione mortuorum ego iudicor hodie à vobis.

Ad tertiam hisce respondet calumniam, qua illi intenterant immane illud flagitium, quod prophanassem templum, atque orationem sic attemperat, ut simul & tumultus culpam omnem in Iudæos retorqueat authores. Summa autem eorum quæ dicit hæc est, Si beneficia in populum conferre pestilentem esse, si iuxta Legem purificari, oblationes, id est, sacrificia offerre, & tranquille in templo agere, est templum prophanare, aut seditionis authorem esse, iam planè fateor vera esse, quæ illi mihi impegerunt. Si verò illi templum prophanant, qui istiusmodi deditum inturbant, iam Iudæi

Quod Paulus nullam turbam excitauit aut templum prophanauit.

tales sunt, qualem me esse vellent. Ego enim ne quid turbę nasceretur, raso capite & voto suscepto intraui templum: ut nunc in ipsa oblatione (proh facinus) me adorti sint. Porro Asiatici Iudei (ne quis me de presentibus loquutum intelligat) totius turbę huius omnisq; iniurię mihi irrogatę auctoritate fuere, qui si quid iustę in me haberent causę, procul dubio, ut mei sanguinis sitientissimi sunt, adessent, nunc autem cum iudicium hoc declinarunt, apertissime de sese prodiderunt, quod causę diffidentes, nihil habent quo me iure accusent. Imo ne hi quidem qui coram astant habent quod obijciant. Si enim quippiam habent, non deprecor, proferant quicquid facinoris de me norunt: sed nihil (scio) norunt, nisi illud forsan volent calumniari (ecce quā prudenter peroccupat quod ab illis obijci poterat) quod iam pridem in consilium illorum adductus, clamaui, me quidem Phariseum esse, id est, ea parte accedere placitis Phariseorum, qua illi cum Christiana religione tuentur mortuorum resurrectionem, quam dum Sadducei negant, dissensio inter illos orta est non modica. Id sanę seditionis agnosco ex libera mea veri confessione ortū esse, si modo ea mihi impingenda est dissensio, quam ex confessione mea non iam primum concepere, sed iam olim longa & auita consuetudine aluere. Sanę (ut cunque res cesserit) nihil aliud quā quod verum erat, & quod ipsi Pharisei credunt, confessus sum. Cur ergo mihi id cum Phariseis consenti, verteretur vitio, quod illis impune confiteri licet quoties libet? De elemosyna siue collectis sæpius iam dictum est. Porro harum in hac re mentione videtur id maxime significasse, quod ij demum verum Domini templum sanctificent, qui beneficijs iuuant inopes. Illi enim sunt veri Dei templum. Notatur præterea & ingratitude humana, quę & Christo pro beneficijs rependebat crucem. Annotauit & Erasmus illam sententiam, Quidam autem ex Asia Iudæi, quos oportebat præsto esse, inabsolutam, & proinde subaudiendum esse, Illi tumultum excitarunt, non ego. Cætera verò satis exposita sunt. Hactenus enim de Apologia Pauli, qua ut nihil inuenias elegantius, ita nihil constantius: ut vel ex hac una liqueat quę sit veritas confidentia & libertas.

Auditis autem his, Felix distulit eos, certo sciens quę ad eam viam attinebant, dicēs: Cum tribunus Lysias descenderit, pernoſcam causam vestrā, iussitq; centurioni ut custodiret Paulum, sineretq; eum relaxari, & ne quem ex illius familiaribus vetaret ministrare ei, aut adire eum.

Distulit illos Felix, id est, in aliud tempus causam istam differre voluit, duabus ex causis. Principio quod probē ipsi cogniti essent Iudæorum mores, perspecta quoq; dogmata Iudaica, unde potuit coniectare Pauli causam non tam malam esse quā hostes ipsius, inuidum genus hominum, vndique corraſis coniecturis & frigidis argumentis exaggerabant. Deinde quod omne testimonij præsidium in vno collocassent Lysia Tribuno: à quo ipse interim Felix omnem rei gestę seriem se perſcrutaturam promittit: hac utiq; ceu commoda declinatione accusatores à sese repellens. Nam Paulum ipsum custodiri quidem iubet, sed mitiore custodia adeoque & libera. *an* enim, id est, relaxationem, ne scilicet durius aut arctius haberetur, illi dari iubet, neque familiarium quenquam, aut qui ipsi aliquid beneficij conferre vellet, arceri præcipit: hoc ipso innocentię Pauli certum ferens argumentum. Cæterum discimus nos iterum quā benignus sit Dominus, qui nullibi sanctos suos deserit, sed vbique, maxime verò in periculorum procellis dexter adest. Iterum enim infecta re discedunt Iudæi. Paulus contra ceu victor exultat, interim tamen in custodia, sed libera. Præterea videmus prophanas gentes iudicesq; barbaros verbi ministris olim multò fuisse mitiores, quā nunc quidam sint qui nomen Christianum adeoque religionum profitentur, re ipsa hypocritę & crudeles bestię sunt.

Post aliquot autem dies, cum aduenisset Felix cum Drusilla vxore sua quę erat Iudæa, accersiuit Paulum & audiuit ab eo fidem, quę est in Christum. Disputante autem illo de iustitia, & temperantia, & de iudicio futuro, tremefactus Felix respondit: In præsentia abi, cæterum opportunitatem nactus accersam te, simul & illud sperans, fore, ut pecunia sibi daretur à Paulo, ut solueret ipsum, propter quod & frequenter accersens eum, loquebatur cum eo.

De Felice & vxore eius.

De Felice hoc viro aliās satis prudente complura scripsit Iosephus. Sex. Aurelius Victor in vita Claudij parum ipsi tribuit laudis. Nam liberti (inquit) eius (Claudij videlicet, aut Messalinę potius, apud quam erat summa rerum administratio) potestatem summam adepti stupris exilio cæde proſcriptionibus omnia fœdabant: ex quibus Felicem legionibus Iudæę præfecit. Quibus & illud stipularur

pulatur quod hic à Luca refertur Drusillam fuisse Felicis vxorem. Fuit autem Drusilla hæc regis Herodis quem in Cæsarea percussit angelus, filia, religione Iudæa, soror regis Agrippæ, de quo paulò post audiemus. Hic Aziazo regi Amasorum (vt recenset Iosephus antiquitatum lib. 19. cap. 9.) volenti se circumcidere, Drusillam hanc dedit vxorem. Epiphanes enim Antiochi regis filius, cui viuente adhuc patre desponsata erat, nolens Iudæorum sequi morem, nuptias eius refutauit. Nuptiæ ergo inter Aziazum regem & Drusillam celebratæ, mox huiusmodi causa solutæ sunt. Dum Felix in Iudæam venisset administrator, videns hanc cunctas mulieres pulchritudine præcellentem eius speciem concupuit, & quendam Iudæum Simonem nomine, amicum suum, Cyprium genere, hominem magum mittens ad eam, suadebat vt derelicto, rege Amasorum marito suo, nuberet ei felicissimam illam fore promittens, si eius thorum non despiceret. Illa vero eius flexa promissis, priore marito deserto, Felici nupsit. Ex quibus iam claret verissimum esse quod de Felice prodidit Aurelius Victor. Quem deinde imitatus Eutropius lib. de Gestis Roman. 8. iisdem verbis eadem de Felice testatus est. Felix ergo cum aliquotq; aliò comigrasset, iamq; redisset, Paulum euocat in colloquium, & præsentem vxorem suam Drusillam, cupit à Paulo plenius edoceri de secta quam proficetur atur, non utiq; quod veritatis teneretur desiderio, sed quod curiositate & muliebri stultitia, quæ semper rebus delectatur nouis, impulsus, negotium Christi, de quo multa ferebantur mirabilia, audire cuperet. Paulus ergo nihil moratus qualis esset aut quo animo sciscitaretur, haud suauius aut delicatula, noua & admirabilia, sed illud potius quod verum erat, & quod illis maxime necessariū videbatur, magna autoritate & grauitate edicit adeo vt toti ad prædicationem eius consternerentur. Nam de iustitia, temperantia & iudicio disserit. Lucas autem non nisi capita orationis (pro more suo) ascribit: at nos interim ex rebus præsentibus tum alijs à Paulo scriptis, facile coniecturare possumus quid aut quomodo de hisce disseruerit. De iustitia enim aliud dicere non potuit, quam quod ad Romanos scripsit, iustum ex fide viuere, & veram iustitiam aliud non esse, quam fidem in Iesum Christum. Cæterum cum Felix præterea & iudex & totius regionis præfectus esset, procul dubio & de ea latius disputauit iustitia, quæ unicuique suum tribuit. Rursus apud intemperantes & omnis lux infamia commaculatos nihil potuit quadrantius dici quam temperantiam decere homines in conspicuo loco constitutos, quales sunt qui rerum summæ præfecti alijs omnibus iustitia & honestate præluce debent. Et procul dubio grauissimè hoc loco accusauit scortationem, stupra & violatam coniugum fidem, adeo vt Felix & Drusilla facile intelligerent sibi hæc omnia dici, & istæc in se proprie competere. Videmus enim & Ioannem Baptistam ad Herodem palam dixisse, Rem te, ô Herodes, indignam & prorsus illicitam facis. Imò tota scriptura sacra nihil perinde persequitur atque intemperantiam. Iam vero cum nulli arietes humanum pectus concutiant vehementius quam spes & metus, tandè & de tremendo Dei iudicio disserit, vt metu posset & spe bonorum vitæ futuræ, ad penitentiam pertraheret. Sed frustra. Territus quidem dicitur Felix ad prædicationem Pauli, sed non ad penitentiam terrore conuersus. Atqui terror nihil prodest nisi adigat ad penitentiam. Imò quam in sincera mente audierit verbum Domini consequentia declarant. Nunc enim de Christo & iustitia plura disserere volentem, ablegat. Non enim talem disputationem expectarat: nec Christum, nec iustitiam eius, nec temperantiam magni æstimabat, qui nihil aliud quam mundum norat. Deinde eundem sæpius reuocat Paulum, & plurima commentatur cum eo, sed denuo non ea mente quod veritatem amaret, sed quod munera ambiret. Cum enim & Cæsarium legibus damnatum esset iudicium ære redemptum, Felix nihil audens postulare impudentius, saltem colloquio occasionem offerendæ pecuniæ voluit suppeditare, nimirum vt contracta familiaritas perspectaq; præsidis facilitas excuteret pudorem, quem suspicabatur obstare, quo minus aueret Paulus offerre pecuniam: sed prorsus fallebatur. Damnantur autem hoc tam fœdo exemplo Felicis largitiones, corrupta iudicia, & auaritia. Verissime autem in Romanorum auaritiam apud Iustinum dixit rex Mithridates, Non temere iactare Romanos conditores suos lupæ vberibus alitos. Omnes enim Romanos luporum animos habere, inexplēbiles sanguinis atq; imperij, diuitiarumq; illos audos esse & ieiunos. Dominus ergo apud Moysen Exod. 18. Elige (inquit) tibi ex omni plebe viros fortes, timentes Deum, in quibus sit veritas, & qui oderint auaritiam, & ex his magistratum constitue. Et Exodi 23. Non accipies (ait) munera, quia munera excæcant prudentes, & subuertunt verba iustorum. De hoc ipso est & prouerbiū in Chiliadibus, Munerum corruptela.

Biennio autem expleto, accepit successorem Felix Portium Festum. Vò

lens autem gratiam præstare Iudæis Felix, reliquit Paulum vinctum

Beda biennium intelligit ab initio captiuitatis Pauli supputatum, non autem ad tempus præscriptum. Cui & illud accedit, quod paulò ante Paulus confessus est Felicem multis annis genti huic iudicem fuisse. Eusebius in Chronicis auctor est Claudium imperatorem in Iudæam vxorem dedit;

Oratio Pauli
coram Felice.

Adhuc modū
multi hodie E-
uangelium au-
diunt.

Largitiones.

Forte tum pri-
mū totius pro-
uincia procu-
ratorem dedit;

misisse Felicem anno regni sui vndecimo. Idem testatur Felicem I I. Neronis anno reuocatum, successorum accepisse Festum. Omnes ergo anni Felicis quibus Iudææ præfuit colliguntur plus minus sex. Porro Iosephus multo plures annos computauit. Nam in 19. lib. cap. 9. palam meminit decem annorum. Magis ergo placet Bedæ sententia, qui historias citans, Felicem ait eo tempore Hierosolymam esse missum, quo Agrippa, Herodis Agrippæ, quem angelus Cæsareæ percussit, filius, regno fuerit inauguratus. Id autem factum meminit Eusebius quarto Claudij anno: vnde nunc plus minus duodecim anni præfecturæ Felicis colliguntur. Illud porro corrupti & prophani animi indicium est, quod in gratiam profligatissimorum nebulonum (nebulonum enim collegium erat, qui Paulum accusarant) innocentem & sanctum virum vinctum relinquit. Ita audiuius & in 12. capite Iacobum in gratiam Iudæorum fuisse cæsum, & Petrum in carcerem coniectum. Sancti enim perpetuo impijs malignatibus ludendi sibiq; mutuo gratificandi materia fuerunt, at ijdem illis quoq; argumentum aliquando certissimæ damnationis erunt.

COMMENTARIORVM IN ACTA

APOSTOLORVM LIBER VI.

PROOEMIUM.

EX TREMO hoc libro absoluetur huius (vt sic dicam) fabulæ catastrophe. Posteaquam enim coram Portio Festo & rege Agrippa disertè causam suam egisset, & Cæsarem appellasset, Iulio centurioni traditus, per varia maris Mediterræici pericula, primum in nauis Adrumyttina, mox in Alexandrina Romam abducitur. Ceterum in Adriatico mari naufragium perpetitur, sed saluus vnà cum reliquis (sibi à Deo donatis) quos ea nauis vexerat in insulam Meliten euadit. In hac viperam è manu pendentem excutit in focum, & Publij patrem febribus & dysenteria grauiter laborantem restituit. Deinde post tres menses iterum nauis impositus, Puteolos appulit, inde verò pedes Romam deuenit, in hac verò biennium in libera custodia exegit, prædicans regnum Dei, nemine prohibente.

CAPVT XXV.

FESTUS ergo suscepta prouincia, post triduum ascendit Hierosolymam ab vrbe Cæsarea. Significaruntq; illi princeps sacerdotum ac primores Iudæorum de Paulo, & rogabant eum, postulantes fauorem aduersus eum, vt accerferet eum Hierosolymam, insidias tendentes, vt interficerent eum in via. Festus autem respondit, vt seruaretur quidem Paulus Cæsareæ, se verò breui illò profecturum. Qui ergo inter vos, inquit, potentes sunt, vnà nobiscum descendant, & si quod est in hoc viro crimen, accusent eum.

Fiducia impiorum
aduersus
sanctos.



ACCINGVNTVR aduersarij ad nouum certamen, in quo tamen non minore succumbunt confusione, quam in superioribus succubuerant. Graphice autem hoc loco describit Lucas quibus rebus confisi sint, & quibus armis se aduersus Paulum instruxerint. Dum (inquit) Portius Festus à Claudio Nerone in Iudæam pro Felice missus, prouinciā suscepisset gubernandam, & iam Hierosolymam quoq; (pro more) ascendisset, sacerdotum grex iniquitatis iudicis confusus, fauorem Festi ambit, nempe vt hætenus ipsis faueret, vt Paulum Hierosolymam reduceret. Siquidem coniurati pro prisce consilij ratione proficiscentem intercipere volebant. Proinde nihil causæ fidebant, sed omnem spem ponebant in fauore iudicis & parricidarum insidijs. Hæc est spes & virtus impiorum aduersus veritatem & ministros eius. Et fauore ac odio iudicum

Fauor & odiū

vel hodie multi boni viri pereunt, non pauci insidiarum technis. Cæterum fauor siue gratia domini
quæ

quæ hominum efficacior est, Paulum tutata est. Nam diuina sic volente prouidentia, Festus nulla istorum ratione habita, dicit se Paulum Cæsare seruaturum, ibique illum, si quid aduersus eum habeant ipsi exhibiturum. Quod autem paulò post mutatus & sui dissimilis Paulum interrogat, Vis Hierosolymam descendere? prodit se istæc omnia non ex sese vel amore æqui vel iustitiæ fauore agere, sed ex virtute Domini, quæ in prophano homine pro sancto suo efficax fuit. Neq; alia causa videtur Achaiz Proconsul Gallio Paulum simul cum Iudæis negligere, quàm quod Deus hoc velut indubitato testimonio comprobare voluit, se citra hominis præsidium, sua duntaxat gratia, quos velit seruare.

Demoratus autem inter eos diebus amplius quàm decem, descendit Cæsaream, & postero die sedit pro tribunali, iussitq; Paulum adduci. Qui cum perductus esset, circumsteterunt eum qui ab Hierosolyma descenderant Iudæi, multa & grauius crimina intendentes aduersus Paulum, quæ non poterant probare, Paulo pro se respondere, quod neq; in legem Iudæorum, neq; in templum, neq; in Cæsarem quicquam peccasset.

Tertio iam producit Paulus, & Iudæorum calumnijs veluti telis quibuscumq; exponitur perendus. Primum quidem Hierosolymis à Cl. Lyfia Tribuno. Deinde Cæsare à Felice accusante eum Tertullo. Postremo producit hic à Festo. Lucas autem hic omnia breuissimis perstringit, quod eandem rem iam in 24. exposuisset. Eadem enim hic accusationis capita, quæ ibi recensita sunt: eadem quoq; Apologia Pauli: nisi id fortassis videatur nouum, quod Cæsaris fit mentio. Verum in hoc putarunt Paulum peccasse in Cæsarem, quod Hierosolymis excitasset tumultum: aut quod aliud prædicaret regem Iesum. De qua calumnia dictum est in Cap. 17. Non enim Apostoli sic prædicabant Iesum esse regem siue Messiam, vt Cæsarem reiicerent. Nam & ipse Dominus dixerat, Date Cæsari, quæ Cæsaris sunt, & Deo quæ Dei sunt. De templo præterea & Lege satis alibi disputatum. Iudæi enim nihil noui asserunt, sed inueteratam canunt cantilenam.

Festus autem volens gratificari Iudæis, respondens Paulo, dixit: Vis Hierosolymam ascendere, & ibi de his iudicari apud me? Dixit autem Paulus, Ad tribunal Cæsaris sto, vbi me oportet iudicari: Iudæis nullam iniuriam feci, sicut & tu melius nosti. Si enim nocui, aut dignum morte aliquid feci, non recuso mori. Si verò nihil est eorum de quibus hi accusant me, nemo potest me illis donare. Cæsarem appello. Tunc Festus cum consilio colloquutus, respondit: Cæsarem appellasti? ad Cæsarem ibis.

Clarissimo dilemmate increpat Festi improbitatem. Si (inquit) nocui, & quicquam capitis supplicio dignum commerui, mori non recuso. Neque necesse est vt aliò me abducas. Nam etiam hic ad tribunal Cæsaris sto, vbi iustitia, non fauor, damnare aut absolueri debet. Si verò nemini, nedum Iudæis his feci iniuriam, nemo me illis, cum quibus nihil mihi negotij, donare potest, nedum tu, o Feste, qui melius nosti me Iudæis nullam irrogasse iniuriam: sed quoniam illud forsitan vis nescire, iam nunc ad Cæsarem appello. Nolo enim te pluribus detinere. Locus hic iterum commendat nobis constantiam & fortitudinem. De quibus satis dictum est in cap. 23. Nec verò Festus prouocantem ad Cæsarem frustra, sed proposita causa consilio suo & collatis sententijs, tandem non citra nasum ac supercilium respondit, Ad Cæsarem appellasti, ad Cæsarem ibis. Hoc verò Dei dispositione factum est. Paulum enim oportuit & Romæ testificari de Christo. Qui ergo hunc locum ad contentiones fori rapiunt rabulæ, quasi huius præsidio impunè altercari liceat, non expendunt quis sit huius historię scopus & vsus.

*Libertas dicitur
cendi.*

Et cum dies aliquot transacti essent, Agrippa rex & Bernice descendunt Cæsaream salutaturi Festum. Et cum dies complures ibi commorarentur, Festus regi retulit causam Pauli, dicens: Vir quidam est relictus à Felice victus, de quo, cum venissem Hierosolymam, significarunt mihi principes sacerdotum & seniores Iudæorum, postulantes aduersus illum cognitionem. Quibus respondi: Non est Romanis consuetudo ob gratiam donare aliquem hominem, vt pereat priusquam is qui accusatur, præsentem habeat accusatores, locumq; defendendi accipiat de crimine. Cumq; ergo huc con-

uenissent, sine ulla dilatione, sequenti die sedens pro tribunali, iussi adduci virum. De quo cum steterent accusatores, nullum crimen intendebant super hisce rebus, de quibus ego suspicabar, sed quæstiones quasdam de sua superstitione habebant aduersus eum, & de quodam Iesu defuncto, quem affirmabat Paulus viuere. Hæsitans autem ego de huiusmodi quæstione, dicebam, num vellet ire Hierosolymam, & ibi iudicari super istis. Paulus autem cum appellasset, ut seruaretur Augusti cognitioni, iussi seruari eum, donec mitterem eum ad Cæsarem.

Agrippa rex.

Bernice.

Ridebant & Athenienses resurrectionem.
Acto. 17.

Alia se hic offert occasio qua gloria verbi Dominici propagetur latius. Et ingens est gloria quæ Pauli, qui nomē Domini etiam coram illustrissimis portauit principibus. Agrippa enim hic Herodis Agrippæ quem Cæsareæ extinxerat angelus ex Bernice filius, gloria & magnificentia fuit inclytus, vir bonus & ad bene dicendum instructissimus. Bernicem verò hanc Chrysostomus Agrippæ exorem fuisse censet. Alij matrem: alij verò filiam: alij crediderunt fuisse sororem. De qua pluribus Iosephus libro Antiq. 20. cap. 9. Cæterum pro more descenderunt salutarum Festum. Nam ipse rex Agrippa Imperatorem agnoscebat Romanū. Huius enim auspicijs regno fuerat inauguratus. Totā autem narratio, quæ hic à Festo textitur, iam in superioribus exposita est: nisi hoc forsitan videatur annotandum, Postulantes aduersus illum cognitionem, dictum esse pro eo quod est, Postulantes ut contra illum pronuntiarent capitalem sententiam. Nam *ἡ δίκη* ius & pœnam intellexit. Deinde quod Romanam consuetudinem attinet, dictum est in Capite huius lib. 16. dum mentionem faceremus legis latæ per Valerium Publicolam. Hinc verò cum maximo contemptu legendum est quod de superstitionibus Iudaicis & Resurrectione Christi Festus recenset. Christus enim Gentibus stultitia est, Iudæis offendiculum. Dicit autem, Equidem suspicabar illos de rebus alijs Paulum accusaturos, quàm de hisce nugis. Habet autem hæc Festi expositio plurimum tumoris & iactantiæ. Referunt hodie Festum hunc, qui sibi ipsi plus nimio placentes, & nescio quam sibi arrogantes prudentiam, celsam sapientiam verbum Euangelij prorsus contemptui habent, & de hoc ceu vanissima quapiam fabula ineptissima quæq; garriunt.

Agrippa autem dixit ad Festum: Volebam & ipse hominem audire: Cras, inquit, audies eum. Postero autem die cum venisset Agrippa & Bernice cum multo apparatu, & introissent in auditorium cum tribunis & viris principalibus ciuitatis, iubente Festo adductus est Paulus.

Audire verbū Domini.

Festus vite.

Non verò & sincero corde quæsiuit Dominū Agrippa, aliās inuenisset: sed quemadmodum Herodes Tetrarcha, cuius hic Agrippa ex fratre pronepos extitit, ex curiositate quadam gaudebat Christum ad se duci, eò quod (ut Lucas ait) multo iam tempore videndi illum desiderio detineretur: ita & Agrippa non veritatis perdiscendæ gratia, sed noui quippiam audiendi desiderio detinetur. Nam etiam si non malus princeps, vanus tamen erat, ut ferè solet principum vulgus. Quò & illud pertinere crediderim, quod Lucas apparatus regium, & quod *μὴ ἀπονεύειν* *παύλου*, id est, cum multa ostentatione & pompa in auditorium prodierint, descripsit. Haud enim magni apud illos penditur Christus, qui omnem voluptatem in pompa constituere mundana. Vide autem mirabilem Dei prouidentiam. Principes prophani auro redemiti & pretiosa induti veste, sed & bene curata cute, in præcelsis confidentes tribunalibus, vel ad spectaculum instructi, Paulum seruum Dei expectant. Hic verò vir tantus & Deo tam charus multis exhaustus periculis, & carceris situ squalidus, catenisque ferreis vinctus atque degrauatus ingreditur, lætus tamen & alacer, & pro nomine Christi grauissima quæque perpeti paratus. O grande & rarum spectaculum: verum ita visum est Domino sanctos suos per varia rerum discrimina ducere ad astra. Patienter ergo feramus, ô fratres, si extreme afflicti, depressi & proculcati videamus prophanum quenque feliciore fortuna vti. Aderit aliquando vicissitudo rerum.

Etdixit Festus: Agrippa rex, & omnes qui simul adestis nobiscum viri, videtis hunc hominem, de quo omnis multitudo Iudæorum interpellauit me, & Hierosolymis & hic: acclamantes non oportere eum viuere amplius. Ego verò comperi nihil dignum morte eum admisisse. Cæterum cum his ipse appellasset Augustum, statui mittere eum. De quo quid certum scribam domino, non habeo. Quapropter produxi eum ad vos, & maxime ad te

ad rex Agrippa, vt examinatione facta, habeam quod scribam. Iniquum enim mihi videtur mittere vinctum, & crimina de quibus accusatur, non significare.

Idem dicitur quod superius dictum est. Sed illud interim notandum, quod Paulus regibus & principibus spectaculum factus nihil à solita cedit dicendi agendiq; libertate. Deinde quod innocentiae suae & Iudaicae perfidiae vel à prophano principe testimonium est latum. Festus enim palam dicit, De quo quid certum scribam, non habeo, &c. Quo cum & suam prodidit iniquitatem, quod eum non absoluit, quem innocentem esse non nesciuit. Cæterum ita Dei voluntate comparatum erat, vt & veritatis sinceritas & ministri eius innocentia copiosioribus & maioribus adhuc illustraretur testimonijs. Inde est quod rex Agrippa Paulo pro se dicendi potestatem facit, sicut sequentibus exponit Lucas.

C A P V T XXVI.

Agrippa vero ad Paulum ait: Permittitur tibi loqui pro temetipso. Tunc Paulus extenta manu pro se dicebat: Super omnibus de quibus accusor à Iudæis, rex Agrippa, existimo me beatum, qui causam dicturus sim apud te hodie: cum tu maxime sis gnarus earum, quæ apud Iudæos sunt & consuetudinum, & quaestionum. Quapropter obsecro te, vt patienter me audias.



ACTA sibi à rege potestate dicendi, mira claritate, euidencia & breuitate causam suam agit, nihil siue pronunciationis siue gestuum corporis omittens, quod ad insignem oratorem spectare videbatur. Atqui nihil cum fuco aut affectatione, sed omnia cum decore vere simpliciter & synceriter. Cæterum oratio ipsa sub genus referenda est didacticum. Tota enim

*Oratio Pauli
coram Agrippa.*

expositio est argumentosa, quæ qualis esse debeat, aut quomodo enarrari queat indicauit pluribus in comparabilis eruditionis vir Rodolphus Agricola de Inuentione dial. lib. 2. ca. 16. Nihil enim moror nugones quosdam, qui si quid rerum dialecticarum sacris misceatur protinus clamitant blasphemiam esse designatam. Nihil inquam moror præposterum perplexorum hominum iudicium. Constat enim dialecticam aliud non esse quam differendi rationem & communis orationis filium, quo differentes ne naturali ordine excidant, aut aliorum scripta legentes scopo non aberrant, ducuntur. Cum ergo naturali dicendi ordine dixerint scripserintq; Apostoli, quid prohiberet istorum monumenta non ipsidem explicare rationibus quibus scripta esse videmus? Conferatur autem hæc præfens Pauli oratio ad illa quæ iam ex Agricola citauimus præcepta, quæ interim aliud non sunt quam naturalis quædam orationis obseruatio, & nisi præclarum huic ex ijs affulserit lumen, vana sint quæ dixi. Expositione ergo argumentosa, hoc est ea quæ rei gestæ ubiq; causas, coniecturas, signa & omnis generis circumstantias immiscet, comprobat se non excogitasse vllum (id quod Iudæi intendebant) dogmatis genus nouum, impium, aut scripturis sacris aduersum: nihil se temere cepisse, nullam seditionem excitasse, nulla in re Iudæos offendisse, aut quicquam in legem eorum peccasse, qui semper fuerit eius studiosissimus, imò cuius præsidio etiam hodie posteaquã diuina vocatione in aliud viuendi genus à Mose ad Christum transierit, omnia Christianæ religionis placita comprobare velit. Et hæc quidem summa & hic scopus est narrationis præsentis. Exordium porro fauorabile est & à persona regis & ipsa re siue causa petitum confidentiæ & constantiæ habens plurimum. Qui enim in re aliqua male sibi sunt conscij, prorsus obstupescunt, cum apud eos de ea re dicendum est, qui rem probe cognouerunt. At Paulus gratulatur quod is sibi contigisset iudex, qui earum rerum erat gnarus, de quibus vertebatur quaestio. Agrippa enim ex maioribus suis (teste Iosepho) profelytus erat: vnde non potuit nescire quæ de Christo, de resurrectione, de lege, de vmbra legis, deq; alijs id genus dogmatis apud Iudæos tradebantur. Commodissime ergo subdit, Proinde obsecro te vt me patienter audias.

Dicendi artificium.

Exordium.

Itaque vitam quidem meam, quam egĩ ab adolescentia, quæ ab initio fuit in gente mea Hierosolymis, nouerunt omnes Iudæi, qui prius nouerant me ab initio, si velint testimonium ferre, quod secundum exquisitissimam sectam nostræ religionis, vixerim pharisæus.

Narrationem ipsam iam ab ipsis init incunabulis. Multum enim refert quo in viuendi genere quis educatus sit. Et ex infantia, adolescentia atque educatione pleriq; vt ex vngue leo, æstimari solent. Quin & M. Cicero in oratione pro M. Cælio, Fieri enim non potest (inquit) vt animus libidini deditus, amore, desiderio, cupiditate, sæpe nimia copia, inopia etiam nonnunquam impeditus, hoc, quic-

*Adolescentia
Pauli.*

quid est, quod nos facimus in dicendo, non modo agendo, verum etiam cogitando, possit sustinere. Ita in presentiarum Paulus ipsa educatione, adolescentia & studio suo Agrippæ voluit approbare, haud verisimile esse taliter talibusque institutum studiis facile potuisse quicquam aduersus legem agere, aut ad seditiones concitandas procliuem esse. Huc iam pertinet quod sectam, id est, vitæ institutum, non citra laudem, vocat exquisitissimam, id est, approbatissimam. Item quod per permissionem quandam huius rei ipsos etiam Iudæos statuit testes. De secta Phariseorum plura scripsit Iosephus in 18. cap. 2. Alij porro פרושאי exposuerunt interpretes, quasi quis dicat legis expostores. Alij verò separatos, quasi quis dicat monachos. Certe monachis nostris haud adeo dissimiles fuerunt Pharisei.

Et nunc fretus spe repromissionis, quæ ad patres nostros facta est à Deo, sto iudicio subiectus, ad quam duodecim tribus nostræ instanter nocte & die colentes Deum, sperant se peruenturas. De qua spe accusor rex Agrippa à Iudæis: Cur incredibile iudicatur apud vos, si Deus mortuos suscitatur?

*Resurrectio
mortuorum.*

*Numerus duodecim
tribuum
auget.*

Naturali quadam dispositione à vitæ instituto delabitur ad dogma de Resurrectione, propter quod à Sadducæis resurrectionem negantibus maxima concertatio aduersus phariseos, auspice, ut videbatur, Paulo, Hierosolymis, præsentē tribuno Lysia, suscepta est. In hac ipsa idem Paulus totam salutis summam constare docuit in 1. ad Corinth. 15. cap. Vnde etiam hic eandem omnibus alijs dogmatis præteritis, protulit in medium, atque ita, ut simul & illam veram esse comprobaret, & Iudæorum maximam in se iniquitatem demonstraret. Res enim indignissima erat quod eius rei gratia Paulum in vincula coniecerant, & nunc eundem ceu capitis supplicio dignum incusabant, cuius & ipsi confessores erant, imò ipsi Deo dies atque noctes supplicabant, ut futuræ resurrectionis mererentur fieri consortes. Hinc non immerito maxima indignatione, quæ tamen ad commiserationem commouere poterat, ingerit, De qua spe accusor rex Agrippa à Iudæis. De spe inquam illorum accusor ab illis qui ipsi resurrectionem credunt, neque maiorem hac spem habent. Germanus adijceret, 38. daß nitern arme sach? Ad confirmationem resurrectionis illud pertinet quod per confessionem adijcit, Cur incredibile apud vos iudicatur si Deus mortuos suscitatur? qui scilicet ex nihilo condidit omnia: qui hanc patribus promisit: qui eandem varijs argumentis comprobauit. Ex istis autem facile potuit & Festus intelligere concertationem quæ erat Paulo contra Sadducæos, non esse de Afini (quod aiunt) vmbra, & ut Festus dicebat de Iesu quodam defuncto, sed de spe Israelis. Potuit & Agrippa videre accusationes à Iudæis in Paulum adornatas meras esse calumnias. Non enim nunc referam quod totus orbis ex his æstimare potest dogma de Resurrectione proditum, non esse vanum aut nuperum, sed certum, & longa temporum successione ab omnibus sanctis patribus vere creditum.

Conuersio Pauli.

Et ego quidem existimabam me aduersus nomen Iesu Nazareni multa repugnando facturum: quod & feci Hierosolymis. Et multos sanctorum ego carceribus inclusi, à principibus sacerdotum potestate accepta: & cum occiderentur, detuli sententiam. Et per omnes synagogas frequenter puniens eos, compellebam blasphemare: & amplius infaniens in eos, persequabar etiam in exterarum usque ciuitates. Quarum rerum studio cum irem Damascum, cum auctoritate & permissu principum sacerdotum: die medio, rex, in via vidi è cælo supra splendorem solis, circumfulsisse me lumen, & eos qui mecum faciebant iter. Cum autem omnes nos decidissemus in terram, audiui vocem loquentem ad me, ac dicentem Hebraica lingua: Saul Saul: quid me persequeris? Durum est tibi contra stimulos calcitrare. Ego autem dixi, Quis es Domine? At ille dixit, Ego sum Iesus quem tu persequeris. Sed exurge & sta super pedes tuos. Ad hoc enim apparui tibi, ut constituam te ministrum ac testem, & eorum quæ vidisti, & eorum in quibus apparebo tibi, eripiens te à populo & gentibus in quas nunc te mitto, ut aperias oculos eorum, ut conuertantur à tenebris ad lucem, & à potestate satanæ ad Deum, ut accipiant remissionem peccatorum, & sortem inter eos qui sanctificati sunt per fidem quæ est erga me.

Cum obijci ei potuisset, quod aliter speraret quam pharisei, nimirum per Iesum, quem ipse crederet

deret esse Christum, ad quem & ante annis aliquot turpiter defecisset. Primum igitur Paulus indicat Agrippæ quàm infestus super omnes Iudæos Christianis per initia fuerit, & persecutionis subnectit argumenta. In hoc autem illud est venustum, quod ait, Et ego quidem existimabam me aduersus Iesu Christi nomen multa repugnando facturum. Nam in transcurso & aliud interim agens inuinit conatus istorum aduersus doctrinam Christianam esse vanos, non minus quàm suos, qui tamen neque labori pepercerit neque crudelitatis quicquam intermiserit. Iam enim gradibus & per incrementum quodpiam exponit quomodo persequutus sit fideles. Multos (inquit) sanctorum inclusi carceribus: & dum occiderentur *καπνίζοντες*, id est, detuli sententiam. Incertum autem est (vt inquit Erasmus) an sentiat illum adduxisse decretum à synagoga factum, an ipsum quoque suo suffragio damnassee Christianos. Beda ait se in quadam ædificatione legisse in hæc verba, Occidendi quæ eis detuli sententiam: quod sic exponit, Qualiter occiderentur ipse sententiam dedi. Budæus in commentarijs linguæ Græcæ *χειροτονία* (ait) plebiscitum & *ῥήσιμα*, à manuum sublatione dictum. Et *ῥήσιμα* non modo calculus est *τῶν λογισµῶν*, sed etiam suffragia ferentium in comitijs. *ῥήσιμα* & etiam dicuntur iudices sententiam ferentes. Plura apud illum. Ad incrementum superius pertinet, quod ait se Christianos adegisse ad blasphemiam, id est, ad palinodiam, quæ tormentis & morte perniciosior est. Illa enim perit anima, hac duntaxat corpus. Est & illud crudelitatis postremæ argumentum, quod Christianos in exteris quoque ciuitates transiens, inquit & persequitur. Deinde ne leui aliqua causa commotum existimarent, vt Iesum quem hætenus persequutus fuerat, iam Christum esse crederet & prædicaret, ostendit se admirabili ad fidem vocatione perductum fuisse. De qua expositione dictum est in capite 9. Sermonem tamen Christi ad se factum hic vberius & alijs etiam quàm su præfecit verbis enarrat, sed non temere. Plurimum enim id præsentī conducebat expurgationi nosse quibus verbis & quo consilio à deo esset vocatus. Erat autem illud huiusmodi. Ad hoc apparui tibi, vt constituerem te ministrum negotij mei quod partim nunc vidisti & intellexisti, partim vero posthac intelliges. Nec est quod metuas quenquam, ego enim timebor te, & nunc ad Iudæos ac Gentiles mitto te, vt oculos eorum aperias, id est, vt verbo Euangelij errorum nebulas discutias, & scelerum fuliginem abstergas animisquæ eximas, vt à seruitio diaboli liberati deo in timore & iustitia seruiant, per quæ fidem in eum sanctificentur, itaque sortem accipiant æternæ ac cœlestis hæreditatis. Porro scripturæ loci qui hunc illustrare possint, legantur Ioan. 3. & 9. Ephesios 2. & 2. Timoth. 1. capite rursus 2. Corinth. 4. cap.

Paulus persequitur Christi
nos.

Vocatio Pauli
qualis.

Vult et rei nobilitate et vilitate flectere.

Vnde rex Agrippa, non fui inobediens cœlesti visioni: sed his qui sunt Damasci primum, & Hierosolymis, & per omnem regionem Iudææ: deinde & gentibus annuntiabam, vt pœnitentiam agerent, & conuerterentur ad deum, opera facientes digna his qui resipuissent.

Ad certum scopum iam dirigit quæ hætenus exposuit. Quasi dicat, Exijs autem omnibus intelligere potes rex clementissime, nulla me leui causa à pristino vitæ instituto desciscuisse ad nuperum quodpiam & impium vitæ doctrinæquæ genus. Diuinæ enim vocationi obtemperans nihil aliud quàm pietatem docui hætenus. Atque vt magis gratiæ haberet responsio, & Agrippa videret Paulum à præcepto domini nihil discessisse aut variasse, summatim euangelicæ prædicationis capita perstringit. Huc (inquit) doctrina mea tota spectauit, non vt hominum mores corrumperem, sed melius instituerem, lucer namquæ iustitiæ præferrem, nempe vt omnes ubique resipiscerent, ab idolis, superstitione & vana fiducia conuerterentur ad deum verum, viuum & æternum, in cuius timore per seuerantes facerent digna (vt vulgata habet æditio) pœnitentiæ opera. Vbi Erasmus annotauit, Si digna sumis absolute, bene habet oratio: sin minus, opera digna pœnitentia seu pœnitentiæ sunt quorum iure pœniteat. Cæterum ex hisce omnibus iterum colligimus euangelicæ doctrinæ partes esse pœnitentiam & fidem in deum. Verum dei cultum constare innocentia & fide. Fidem in Christum iustificare. Præterea hac vna & nullis alijs rebus externis sanctificari animam. Lumen rationis & commenta humana omnia tenebras esse: ergo & salutem solius esse gratiæ ac misericordiæ diuinæ.

Hac ex causa Iudæi me in templo comprehensum tentauerunt interficere.

Atque hæc (inquit) est illa causa, qua industi illi ex Asia venientes Iudæi in templo istum quem mihi impingunt excitant tumultum, quæ an iusta aut eiusmodi sit propter quam tanta turba fuerit commouenda, quisque secum expendat. Certe cum nihil aliud fecerim, quàm quod deus præcepit: neque aliud docuerim, quàm quod ipsi consentiunt: præterea vero læserim neminem, causam tumultuandi in me nullam repererunt. Quo fit vt illi ipsi seditionis huius authores sint, cuius culpam in caput Pauli deriuabant.

Capulum rei
petit.

Auxilium igitur nactus dei, vsque in hodiernum diem sto, testificans tum paruo tum magno: nihil aliud dicen- quàm ea quæ prophetæ prædixerant futura esse, & Moses: an passurus fuerit Christus, an primus ex resurrectione mortuorum lumen annuntiaturus sit populo & gentibus.

Pauli prædicatione & scripturis petita et firmata. Paulò liberius, posteaquam ad singula accusationis capita respondisset, Christum Iesum prædicat principibus, testificans Christianum dogma, non nouum esse, sed illud ipsum quod olim diuinitus inspirati prophetæ tradiderint. Committit tamen hæc ipsa superioribus ad hunc modum, Iudei me propter veritatem euangelij dare neci voluere: sed noluit dominus me ante tempus oppetere, atque in hoc tutatus est vt veritati diuinæ ferrem testimonium. Seruatus itaque illius gratia & præsidio, libere quod verum esse scio profiteor, omnibusq; citra personarum respectum prædico, nempe quod deus generis humani, quod iam in peccatis & erroribus mortuū erat, misertus, filiū misit propitiationē pro peccatis, & vt lumen atque doctor esset totius mundi: hinc enim mortuus est, hinc resurrexit, cælos ascendit, & legatos huius rei testes, non ad Iudæos modo, sed ad omnes Gentes misit. Incredibile autem quibusdam videbatur (vt liquet Ioannis 7.) Christum fore passibilem, aut veritatis lumen Gentibus fore communicandum. Dicit itaque Paulus, Ex prophetarum & horum principis Mosi oraculis cōfirmamus quæcunq; euangelica doctrina de Christo, de morte & resurrectione eius, deq; Gentium vocatione tradimus. Miram enim euidentiam habet quod dicit, *ἰουδαίων ἀποστόλοις*. Nihil præter aut extra illud dicens, quæ prophetæ futura prædixerant. Nam & ad Romanos primo testatur Euangelium prædictum esse in scripturis sanctis. Vbi ergo nunc sunt, qui dicūt non omnia Euangelij mysteria quæ ad salutem sint necessaria, scripturis esse prodita sanctis? Et tria hæc quæ hoc loco assignauit capita in se totum comprehendunt Euangelij mysterium. Proinde si sapimus, iam in religionis negotio nihil fuscipimus, quàm quod literæ nobis prodiderunt sacræ, in his enim omnia ea quæ ad salutem necessaria satis diligenter sunt prodita, 2. Timoth. 3.

Isaie 53.

1 Corinth. 15.

Isaie 49.

Lucæ 2.

Hæc autem cum pro se diceret, Festus magna voce ait: Insanis Paule. Multæ te literæ ad insaniam conuertunt.

*Paulus arreptus
tūm indicatus.*

Alij hæc verba Festo in malam partem exponunt, quasi Paulum ceu stolidum quempiam blatteronem increpitarit, cælestemq; contempserit sapientiam. Verum hanc sententiam refellunt verba consequentia, Multæ literæ ad insaniam te conuertunt. Ioannes Chrysostomus, Quoniam ad regem (inquit) loquebatur, non auertens se ab aspectu eius, quasi passus sit quidpiam, dicit, Insanis Paule. Cæterum in bonam partem & simpliciter id à Festo dictum accipi potest: veluti cum nos eum fure re dicimus, qui veluti extra se raptus, non humana, sed diuina prorsus dicere videtur. Sic enim comotus fuerat docta oratione Festus, vt istud ex admiratione viro doctissimo oratoriq; clarissimo acclamaret. Præterea tradunt rerum medicarum periti, mania laborantes (Festus enim dixit, *μάνια*) admiranda stupendaq; imaginare, eaq; protinus pro veris iactare. Cum ergo Festus rerum ludæicarum imperitus esset, interim vero multa audiret Paulum de visione cælesti, de Iesu quodam, deq; resurrectione mortuorum disserere, forsan suspicabatur illum laborare mania, in quam (vt fit) immodico literarum studio abreptus fuisset. De insaniz speciebus plurima L. Cælius lectione antiquæ capitæ vigesimo sexto & vigesimo septimo.

Et Paulus: non insanio, inquit, optime Feste, sed veritatis & sobrietatis verba eloquor. Scit enim de his rex, apud quem & libere loquor. Latere enim cum nihil horum arbitror. Neque enim hoc in angulo gestum est. Credis rex Agrippa prophetis? Scio quòd credis. Agrippa autem ad Paulum ait: Modica ex parte persuades mihi vt fiam Christianus. Et Paulus ait: Operarim à Deo, non solum modica ex parte, verum etiam magna: non te modo, sed omnes etiam qui me audiunt hodie, esse tales qualis ego sum, exceptis vinculis his.

*Certissima est
euangelica narratio.*

Non (inquit) insanio, sed negotium certum refero, non ex mente corrupta, sed animo sibi vndique constante. Licet enim Feste hoc ignores, vt qui nunc primum huc veneris, scit tamen rex Agrippa quid illud sit de quo dissero. Hoc enim & liberius apud ipsum loquor, quod duplici nomine ipsum nihil istorum nescire scio. Principio enim ea quæ de Christo morte eius & resurrectione retuli, Hierosolymis non obscura Iudææ vrbe gesta, hinc & per totam Iudæam rumore verissimo dispersa sunt: nec minus clara est & cōuersio mea, quæ clara luce ad clarissimam Damascenorū urbem, presentibus itineris mei comitibus, facta est. Deinde cum ipsum dogma euangelicum scripturis nitetur pro

rum prophetis, Prophetas autem non nesciat Agrippa, intelligit sane quod nihil haftenus dixerim, quam quod constans, verum ac certum sit. Hæc ad Festum, mox ad regem Agrippam conuersus, maxima libertate interrogat per permissionem, Credis rex Agrippa Prophetis? & protinus per subiectionem siue correctionem subiicit, Sed quid rogo an credas, cum certo sciam quod credas. Hic iam addidisset, Si vero Prophetis credis, nullum erit negotium aut difficultas vlla eadem opera & Christo fidere. Nam de hoc scripserunt Prophetæ: quod ipsum & Christus Iudæis aliquando obiecerat, Ioan. 5. nisi orationem interrupisset Agrippa, qui & ipse eruditissima Pauli oratione veluti extra se raptus palam fatetur, Parum abest, quin persuadeas me fieri Christianum. Fuit hæc vox non vere credentis, sed eatenus verbo assentientis, quatenus vox aures feriens suauitate & euidencia animum sibi ipsi rapiebat. Nam quam primum ea cessauerat, rursus redibat ad ingenium. De qua re ipse saluator Christus Dominus iucunda lectu prodidit apud Matthæum in 13. proposita seminantis parabola. Cæterum tametsi Paulus videret operam & impensam apud huius mundi principes perijisse, attamen nobile feruentis charitate animi, qui nihil nisi hominum salutem stitabat, ædedit specimen, dicens, Equidem optarim à Deo, vt non solum, &c. Proinde non fuerit satis, si aliqua aut modica ex parte credas. Vere enim recte plene & ex toto corde credendum est, nisi lampades oleo anteferre vo- Matth. 25. lueris. Præferunt enim lampades oleo, qui speciem fidei non ipsam fidem habent. At his aliquando dicit Dominus, Nescio vos. Clamemus ergo cum discipulis, Adauge nobis fidem Domine.

Et hæc eo loquuto, surrexit rex ac præses, & Bernice, & qui assidebant eis. Et cum secessissent loquebatur inter se, dicentes: Nihil morte aut vinculis dignum fecit homo iste. Agrippa autem Festo dixit: Dimitti poterat homo hic, si non appellasset Cæsarem.

Hicse commendatur & nobis innocentia Pauli, in quo nihil damnabile inuenerunt. Commendatur & providentia Dei, qua fiebat, vt & Romæ hunc testificari oporteret, qui haftenus nomen Domini alacriter, & ad miraculum vsque portauerat coram regibus, principibus, Gentibus & filiis Israel.

CAPVT XXVII.

Postquam autem decretum est, vt nos nauigaremus in Italiam, tradiderunt & Paulum, & quosdam alios victos centurioni, nomine Iulio, cohortis Augustæ. Conscensa autem naue Adramyttina, nauigaturi iuxta loca Asiæ, soluimus, perseverante nobiscum Aristarcho Macedone Thessalonicensi. Sequenti autem die appulimus Sidonem. Et Iulius humaniter tractato Paulo, permisit vt ad amicos profectus, ab illis curaretur. Et inde cum soluissemus, subnauigauimus iuxta Cyprum, propterea quod essent venti contrarij. Et pelagus quod est contra Ciliciam & Pamphylia, emensi, peruenimus Myram, quæ est Lyciæ, & ibi nactus centurio nauem Alexandrinam nauigantem in Italiam, imposuit nos in eam. Et cum multis diebus tarde nauigaremus, vixq̃ deuenissemus contra Gnidum, prohibente nos vento, adnauigauimus Cretæ iuxta Salmonem. Et vix præterlegentes illam, peruenimus in locum quendam, qui vocatur Pulchri portus, cui vicina erat ciuitas Lasæa.

HAC historia comprobabitur quam vere dixerit Propheta, Militia est vita hominis super terram. Siquidem Paulus toties iam è manibus impiorum ereptus, hic tandem barbaro obijcitur elemento. Haud enim temere dicebat nauim maritimam ingressus Anacharsis, Hei me miserum atque stolidum hominem, qui vitam meam barbaro crediderim elemento. Multa autem eaque asperrima, mulo etiam tempore Paulus hac nauigatione expertus, didicit Dominum suis semper adesse præsentissimum. Principio enim istam sodalitia leuat suauissimo. Aristarchus enim & Lucas Pauli in hac nauigatione comites lassum non parum refocillant. Deinde & ipse Iulius centurio per omnia comem & faciem, diuina sic disponente clementia, se præ-

*Sanctorum vi
ta militia.*

*Cohors Augu-
sta.*

bet Apostolo. Nam olim quoque Iosepho adolescenti & Ieremiæ Prophetæ in vincula coniecti, homines quosdam, qui ipsis benefecerent, destinavit. Porro cohortem Augustam primariam vocavit. Nam & Vegetius de re militari libro 2. tradit in legione cohortes fuisse decem, quarum prima reliquas & militum numero & dignitate antecesserit. Arbitror autem Augustam dictam esse à principe. Hoc enim felix erat faustumque Imperatorum nomen, quod Ovidius Fasto. 4. ab auctu derivat hisce verbis,

*Sancta vocant Augusta patres, Augusta vocans
Templa sacerdoti rite dicata manu
Huius & augurium dependet origine verbi,
Et quodcunque sua Iuppiter augeat ope.*

*Descriptionis
evidentia.*

Cæterum mirus est hoc in loco Lucas. Sic enim hanc navigationem denique totum periculum & naufragium lectori ob oculos statuit, ut omnia se coram contueri credat. Atqui potuit hoc quidem facillime, ut qui ipse magna quoque huius tragædiæ pars fuit. Denique multo etiam vividiora amœnioraque ista fient, si ad geographicas conferantur tabulas. Circumfertur autem quædam doctissimi viri D. Petri Apiani non inelegans charta de Peregrinatione Pauli inscripta, in qua hæc coram contueri possunt, quibus Ptolomæi tabulæ defunt. Quin & ipse Vadianus noster tam est felix in describendis regionibus, ut non scribere sed pingere videatur. Ad huius ergo Epitomen remittimus, ut ex ea petat Lector quod in hisce Commentarijs nostris de locorum nominibus & situ desiderat. Adrumetina autem navis siue Adramyttina, sicut & Alexandrina, nomina (ne quis illud forsitan nesciat) ab urbibus habent: ut si quis apud nos dicat Veneta navis. Adramittium enim celebre erat Æolidis oppidum.

Multo autem tempore peracto, & cum esset iam periculosa navigatio, ob id quoque quod iam ultra tempus sustinuissem inedia, admonebat eos Paulus, dicens eis: Viri, video quod cum iniuria multoque damno, non solum oneris & navis, sed etiam animarum nostrarum futura sit navigatio. Centurio autem gubernatori & nauclero magis credebat, quam his quæ à Paulo dicebantur. Et quum aptus portus non esset ad hybernandum, complures ceperunt consilium soluendi illinc, si quo modo possent peruecti Phœnicen illic hybernare. Is est portus Cretæ, spectans ad Africum & ad Corum.

*Satis tempestive
monet Domi-
nus.*

Neque enim integro anno vis atque acerbitas maris patitur navigantes, sicut tradit lib. quarto cap. 39. Vegetius: sed quidam menses aptissimi sunt, quidam dubij, reliqui clasisibus intractabiles. Intelligimus autem ex hoc loco dubijs mensibus, & hyberno etiam tempore navigasse Paulum. Vnde & periculosam ait fore navigationem, & propter iniuriam cæli, & quod inedia laboraretur, & alimonia atque comœatu naui satis provisum non esset. Nam quod Ioannes Chrysostomus de ieiunio annotavit Iudaico, satis confutatum est in Annotationibus ab Erasmo. Cæterum animarum nostrarum dixit pro vitæ nostræ, ad morem linguæ Hebrææ. Ita & paulo post dicit, iactura animæ nulla erit, pro eo quod est, Nemo nostrum peribit. Præterea indicat hic locus Dominum satis tempestive & fideliter monere, sed nos humana potius quam diuina amplecti consilia. Proinde in maxima quæque pericula delabimur non Dei morositate aut negligentia, sed nostra inertia ac stupiditate. Centurio hoc loco admonetur à Paulo, homine non imperito rei nauticæ, utpote qui præter id quod divinitus esset inspiratus, multa quoque experientia didicerat quis esset pelagi genius. Nam alibi dicit, Non estes atque dies in profundo egi, ter naufragium feci: sed contemnebat ille Pauli consilium (tantum malum est consilia ex personarum æstimare respectu) magisque naucleri fidebat iactantantiæ, imo confidentiæ. Atqui confidentes & iactabundi raro in periculis constantes atque fortes sunt. Hybernare autem seu hyemare naues dicimus, cum in quieti littoris portu manent. Aptiores autem sunt ad hybernandum portus qui penitus sese littoribus insinuant & aditus sunt angustioribus. Fit enim hoc naturæ præsidio, ut nulla ventorum vis aut procellarum impetus naues quatere aut collidere possit. De ventis autem quorum hoc loco meminit Lucas satis copiose scripsit in Epitome Vadianus. Porro vel ex hoc vno capite intelligimus quam necessarium sit sacras literas cum iudicio & fructu legere volenti, honestas antea disciplinas & artes vere liberales delibasse, & iusto tempore et imbibisse.

*Studium artium
liberalium.*

Aspirante autem Austro ratisse propositi compotes, cum soluissem Aſſo, præterlegebant Cretam. Verum haud multo post coortus est contra ipsam
ventus

ventus Typhonicus, qui vocatur Euroaquo. Cumq; correpta esset nauis, nec posset obniti vento, data naue flatibus, ferebamur.

Sentit historicus illos prosperis Austri flatibus allestos cum pelago se credidissent panis velis subito factum ut contraria cœli parte Euroaquo exortus nauim in Meridiem & Africam propulerit tanto impetu, ut obniti vento non potuerint, sed cesserint necessitati. De Typhone autem, quē Typhon. Lucas Euroaquilonem, hoc est tempestuosum, Vadianus Cœciam, Plinius præcipuam nauigantium pestem, ut qui non antemnas modo, verum etiam ipsa nauigia contorta frangat, appellat, Aristoteles copiose scripsit in libro de Mundo, quem Gualelmus Budæus Galliarum decus nuper mira dexteritate donauit Latinitati. Idem Meteororum 3. tradit Typhonem Græcis ventum dici turbidum & gyrauentem sese. Et Plinius in secundo de repentinis flatibus capite 48. de hoc felicissime & clarissime scripsit.

In insulam autem quandam deuēcti, quæ vocatur Claudia vix potuimus optinere scapham. Qua sublata, adiutorijs utebantur, subcingentes nauem, timentes ne in Syrtim inciderent, demisso vase, sic ferebantur.

Scaphæ dicuntur nauiculæ piscatoriæ, atq; illæ etiam quæ nauibus onerarijs vsui sunt in littore Schapha. petendo quoties vadosis locis prohibita maiores naues appellere nequeunt: quod genus apud nos sunt lintres è solido trunco cauata, & ad celerrimam traiectionem accommodæ. Sentit autem Lucas scapham vix obtentam, sublata fuisse in nauim, ne auulsam procellæ raperent, ac protinus vas demissum quod ipsis ad firmandam nauim vsui fuerit. Intelligimus autem per illud vas adiutoria ac pondera quantacunq; funibus demissa, quæ ancorarum grauitatem in nauem retinenda iuuerint, hoc est quæ nauis impetum retardarint, atq; Syrtes cauerint. Et Beda hoc loco tradit nautas in Britannico Oceano coercere solere naues molaribus faxis in profundum à fune demissis. Ne ergo in Syrtes impingeret etiam hic tale quippiam fecerunt. Syrtes autem in Africo littore duas esse scripsit Sallustius in bello Iugurthino, & Plinius in quinto earundem meminit. Dictæ sunt ἀπὸ τῆς σαρπτός, id est, traho. Ventus enim arenarum cumulos incertis sedibus condit, quibus qui impingunt, certo etiam pereunt. Exstant Maronis aliquot carmina quæ mire huc congruunt: sunt autem huiusmodi,

*Tres (naues) Euris ab alto
In breuia & Syrtes agit (miserabile visu)
Illiditq; vadis atq; aggere cingit arena.*

Plura de Syrtibus scribit Strabo libro Geographiæ ultimo.

Cum autem vehementi tempestate iactaremur, sequenti die iactum fecerunt, ac tertio die nostris manibus armamenta nauis proiecimur.

Iactum facere est nauim alleuiare, quod fit dum eiectis mercibus eam exoneramus, ne vado hæ iactum facere. reat, aut, cōfragoris illidatur. Armenta vero sunt instrumenta nautica. Nā Græce est σκευή. Et Seruius Grammaticus i. Æneidos enarrans omnium artium instrumenta arma vocari tradit. Et Syponitus, Armamenta (inquit) dicuntur quæ ad instruendum aliquid pertinent, ut in nauibus armamenta sunt non solum arma, sed remi, vela, antennæ, rudentes, clauus & alia huiusmodi. Ceterum quod ait, ἀντὶ χειρὸς τῶν σκευῶν τῶν πλοίων ἐπιφέμειν, proprijs manibus nostris proiecimur arma naualia indicat periculi magnitudinem, quod ubi ad summum peruenit, nemo non anxie annititur & laborat.

Porro neque sole, neque syderibus apparentibus ad complures dies, & tempestate non exigua imminente, iam ablata erat spes omnis salutis nostræ.

Auget & hoc periculi magnitudinem, & in hoc tam acurate pinguntur, ut videamus in quæ re. Descriptio tempestatis. rum discrimina suos conijciat Deus. Elegans est & apud Maronem similis tempestatis descriptio, quæ mire huc quadrat, vnde opere pretium putavi versus illius recitare,

*Ac venti (ait) velut agmine facto
Qua data porta ruunt, & terras turbine perflant.
Incubere mari, totumq; à sedibus imis
Vna Eurææ Notusq; ruunt creberq; procellis*

*Africus, & vastos voluunt ad littora fluctus
Insequitur clamorq; virum stridorq; rudentum,
Eripiunt subito nubes cælumq; diemq;
Teucrorum ex oculis, ponto nox incubat atra,
Intonuere poli & crebris micat ignibus æther,
Præsentemq; viris intentant omnia mortem.*

Cum autem multa iam esset inedia, tunc stans Paulus in medio eorum, dixit: Oportebat quidem o viri audito me non soluere sã Creta, nec accersere nobis iniuriam hanc & iacturam. Et nunc hortor, vt bono animo sitis. Iactura enim animæ nulla erit ex vobis, sed tantum nauis. Astitit enim mihi hac nocte angelus Dei, cuius sum ego, quem & colo, dicens: Ne timeas Paulè, Cæsari te oportet sisti. Et ecce donauit tibi Deus omnes qui nauigant tecum. Propter quod bono animo estote viri. Credo enim Deo, quod sic erit, quemadmodum dictum est mihi. In insulam autem quandam oportet nos eijci.

*Alacritas &
fortitudo Pau-
li.*

*Oratio Pauli
ad periclitantes
in mari.*

*Hierony. de in-
tercessione di-
uorum sententia
excutitur.*

In hisce periculis omnium conciderunt animi, vnus Paulus summi Dei minister, mœrentes solatur. Ex quo facile liquet quid sit Deo seruire, quantaq; erga Deum confidentia pollicant sancti, quantæue ille vicissim erga fideles suos vtatur benignitate ac diligentia. Oratio autem Pauli qua illos consolatur supra modum alacris & prudens est. Prudentiæ enim erat, quod hanc ab increpatione auspicabatur, ita tamen vt paucissimis increparet, statim vero ad consolationis locos descendere. Prudentes enim viri est minime ad errores conuiuere, & sicubi offertur occasio istos incusare. Cæterum imprudentis est in medijs calamitatibus satis aliàs afflictis, plus nimio erroris, negligentia veterumq; iniuriarum meminisse. Paulus ergo illorum stultitiam quæ in ista pertraxerat pericula ita increpat vt ne quid nimis. Dicit enim, Potuissetis, o viri, incommodum hoc & rerum iacturam euitasse, si nostro obedissetis consilio, quod in Creta cum adhuc omnia in tuto erant, dabam. Videtis ergo quid sit bonis non obsequi cõsilijs: sed quoniam factum insectũ esse nequit, misis istis, superest vt vel sero sapiatis. Hic vero protinus breuib; quidem verbis, sed consolatione plenis totum salutis negotium exponit & ait, Ne desperaueritis de salute, & incolumitate vestra. Causa, Nullus ex vobis peribit: tantum nauis erit iactura. Istud porrò confirmat argumento à pronuntiationis petito, quo minus esset mœroris & plus spei. Nam Deus meus (ait) quem ego colo, & cuius minister sum, angelum suum (vt cultoribus suis deditissimus est) misit, qui referret, absq; pauore esse, me hic minime periturum, sed Romam fore abducendum: quin & vos omnes vnà mecum euasuros. Ecce enim (inquit) donauit tibi Deus omnes qui nauigant tecum. Iterum ergo infert, Propter quod bono animo estote viri. Porro huic illationi aliud quoque Epicherema coniungit, à veritate & constantia Dei petitem. Nihil dubito quin id sic futurum sit, quemadmodum fore promissit. Deus enim & verax est & potens, qui quæ pollicetur præstare potest. Magna autem est sanæ ac firmæ fidei virtus. Iam vt omnia adhuc certiora essent, modum quoque per quem seruandi sint describit, dicens, In insulam quandam deferemur, in qua fracta naui diuina virtute seruabimur. Hæc de consolatione Pauli. Sunt autem qui hunc locum trahant ad patrocinium intercessionis diuorum, & quorum numero est & Diuus Hieronymus. Atque mirandum quidem tantum virum hoc quicquid est dogmatis de diuorum intercessione tam infirmis imposuisse epicherematis. Quis enim sanæ mentis dixerit, Eadem in cælis facere sanctos quæ aliquando fecerunt in terris? Atqui nihil aliud dicit Hieronymus, neque alijs argumentis Diuorum intercessionem probat. Si (inquit) orauerunt in terris, quanto magis post coronas victorias & triumphos? Quid quod exempla & facta sanctorũ omnia referenda sunt ad dogmata? Dogmata vero expressis & certis fulta debent esse scripturæ testimonijs, quale illud est, Vnum esse Deũ, hunc solum largiri mortalibus omnia, vnde & soli fidendum soli; per Christũ sit supplicandũ. Porro quicquid dogmati alicui solido, vero & plano aduersum est, licet speciem veritatis habere videatur, reuera tamen falsum est. Quod si scripturæ locos qui ad hoc falsum dubiumq; dogma confirmandum detorti sunt, diligenter expendas, aliud dogma agnoscunt. Iam vero si diuorum intercessionem componas cum eo dogmate quod iam iam ex scripturis assignauimus de vnus Dei essentia, potentia & cultu, protinus inter se pugnare videas. Cæterum cum illud certum & expressum sit, necessarium est hoc flaccidum & inane esse, & proinde locos de Paulo & Stephano productos ad aliud quodpiam dogma referri debere: nimirum ad illud, Quod misericors Do-

cors dominus per gratiam suam sepius etiam malos conseruat salutemq; illam suam ad sanctos suos refert, vt hos in hisce terris ad hoc glorificet, vt verbis eorum habeatur fides. Atq; istud quidem consentit cum primo illo dogmate, imò parum aut nihil ab eo distat. Quod si iam addas, Iltis ergo sup- *Hic vertitur*
plicandum esse propter beneficium dei: de tuo id addis etiam contra sanctorum sententiam, qui omni *reuerdo.*
vita sua nihil tam accurate docuerunt quàm vni deo fidere. Deinde non expendis longe aliud esse si fatearis deum aliquid hisce in terris agentibus sanctis suis donare: aliud vero si in cœlo degentibus eadem donare credamus. Nam quæ hic donauit propter gloriam verbi sui donauit. Dono ergo fidem in se excitare voluit. Iam si in cœlis secum recumbentibus idem donaret, iam fidei istud incommodaret. Deficerent enim hominum animi ad ipsos Diuos. Quod ergo multis propter Abraham Loth, Mo- sen, Samuelem & Paulum in hisce terris agentibus pepercit, propterea pepercit, vt videremus illorum cultum Deo acceptum & doctrinam eorum veram esse: crederemus itaq; & ipsi, & ita Deo seruiremus sicut illi seruierunt. Atqui hi solum Deum inuocarunt, soli seruierunt: qui ergo *Nullum diuum*
sapiunt, idem faciunt. Porro qui istud non faciunt, nullis Diuorum intercessionibus saluari possunt *nauticum inuo-*
Nam & Isaias in cap. 63. Abraham (inquit) nesciuit nos, & Israel ignorauit nos. Tu Domine pater no- *cavit Paulus.*
ster, redemptor noster, à seculo nomen tuum. Et dominus apud Ezech. in 14. Si fuerint (inquit) tres viri in medio eius Noe, Daniel & Iob, ipsi iustitia sua liberabunt animas suas. Et apud Ierem in 15. cap. Si steterint Moyses & Samuel coram me, non est anima mea ad populum istum. Conditionalis autem ista, Si steterint, vehementer impugnat istorum intercessionem. Quin & ipse Hieronymus scribens in hunc Ezechielis locum multo syncerius in Commentarijs quam in contentione aduersus Vigilantium, de hoc negotio loquens: Iustitia (inquit) iusti erit super eum, & iniquitas iniqui in ipso commorabitur. Vnusquisq; peccato proprio morietur & iustitia sua saluabitur. Frustraque dicunt Iudæi Abraham pater noster, cum opera Abraham non habeant. Quod si in aliquo fiducia est, in SOLO DOMINO confidamus. Maledictus enim omnis homo qui spem habet in homine, QVAMVIS SANCTI sint, quamuis prophetæ. Legimus: Nolite confidere in hominibus. Et iterum, Bonum est confidere in domino quam confidere in principibus. Non in principibus tantum seculi, sed & in principibus ecclesiarum, qui suas tantum animas si iusti fuerint liberabunt. Hactenus Hieronymus.

Sed posteaquam quartadecima nox superuenit, nauigantibus nobis in Adria circa medium noctis, suspicabantur nauæ apparere sibi aliquam regionem. Qui & demissa bolide, repperunt passus viginti, ac pusillum inde digressi, rursumque demissa bolide, repperunt passus quindecim. Timentesque, ne in aspera loca inciderent, de puppi iactis ancoris quatuor, optabant diem oriri.

Bolis dicitur à *bolis* quod est mittere. Id est, pondus (vt inquit Erasmus) funiculo affixum, quo *Bolis.*
deiecto nauæ explorant altitudinem maris. Lucas vnico verbo complexus est, quod interpretes duobus reddidit. Dixit enim *βολισαντες*. Porro cum prius viginti passus mensi essent, mox quindecim deprehenderent, indicium erat approximantis littoris. Ea de re ne fideret nauis, iactæ sunt ancoræ, donec dies exoriretur. De ancora plura Chylidibus Erasmus.

Nautis vero quærentibus fugere è nauî, cum demississent scapham in mare, sub prætextu velut è prora ancoras extensuri, dixit Paulus centurioni & militibus: Nisi hi in nauî manserint, vos salui fieri non potestis. Tunc absciderunt milites funes scaphæ, & passi sunt eam excidere.

Quamquam pollicitationi diuinæ crederet Apostolus, nihil tamen rerum externarum, quæ ad *Fides humana*
salutem spectare videbantur, negligit: imò palàm dicit, nisi hi in nauî manserint, vos salui fieri non *presidia non*
potestis. Sciebat enim nautas maris esse gnaros gubernandæq; nauis peritos. Proinde commoda in *prorsus tollit.*
rebus quibusuis media à fidei non negliguntur aut aspernantur. Contemptores & prophani clamitant, Si saluum me vult Dominus non est quod de modo quicquā cogitem. Secus egit Paulus etiam tum cum (vt in superioribus audiuius) adolescentem cum mandatis ad Tribunal mitteret. Apud Matthæum in sexto non vult Dominus suos esse de victu sollicitos, interim tamen laborem ubique præcipit. Quod autem milites centurionis imperio funes scaphæ insciderunt, magno argumento est centurionem Pauli consilijs diligenter obsequutum ab ore eius pependisse totum. Obserua & temerarium hominum inconstantiam. Nam qui paulo ante inuito Paulo nauigare, illi ipsi nunc turpiter nauî subterfugere volebant. Sed retinentur prudenti consilio Pauli. Fuit enim hic multa

exercitatione harum rerum calentissimus: vir in omnibus rebus excellentissimus.

Et cum dies inciperet apparere, hortabatur Paulus omnes sumere cibum, dicens: Dies hic decimusquartus est, quod expectantes ieiuni permetis, nihil accipientes, propter quod hortor vos, ut sumatis cibum: hoc enim ad salutem vestram pertinet, quia nullius vestrum capillus de capite cadet. Et quum hæc dixisset, sumpto pane, gratias egit Deo in conspectu omnium: & cum fregisset, cepit edere. Porro animis iam recreatis dñium, sumperunt & ipsi cibum. Eramus vero vniuersæ animæ in nauí ducentæ septuaginta sex. Et satiati cibo, alleuabant nauem, eijcientes triticum in mare.

*Etiam naturæ
sua iura per
soluenda sunt.*

Iterum consolatur mœrentes consternatosque erigit, primum oratione familiari, deinde & alio exemplo. Fieri autem nequit lege naturæ ut in ediam quatuordecim dierum homo sustineat. Verbis igitur subest hyperocha: aut certe ipsa verba sic accipienda sunt, ut sentiat Paulus tempestate, labore & ærumna vexatis non vacasse ut vlllo tempore satiarentur pro more: sed grauem famem per seipsos iam primum datam occasionem edendi. Iam ut cibum alacriores sumerent certam pollicetur salutem. Huc enim pertinet illa sententia, Nullius vestrum capillus de capite cadet. Quo loquutionis genere ipse etiam Dominus vsus est apud Matthæum in decimo, cum significaret discipulos tutissime habituros. His & exemplum iungit. Nam primus quod suasit alijs ipse suscipit, sed non citra religionem. Gratijs enim actis (ita magistri exemplum referens) in conspectu omnium, edit, Quod & alij eius exemplo commoti, fecerunt. Iam ad miraculi magnitudinem facit, quod numerus hominum recensetur. De iactura diximus paulò ante.

Cum autem dies esset, terram non agnoscebant: sinum vero quendam animaduenerunt, habentem littus, in quod cogitabant, si possent impingere nauem. Et cum ancoras sustulissent: committebant se mari, simul laxatis iuncturis gubernaculorum, & sublato artemone ad auræ flatum, tendebant ad littus.

Vide amice Lector quomodo Deus suos etiam in medijs promissionibus exerceat. Posteaquam enim iam terram exoptatissimam aspicerent, tamen quo nam terrarum delati essent ignorabant. Parabant ergo nauem ut ipsam protinus in littus subducerent. Mira autem *in dñna* istud describit, ubi interim illud annotauit Erasmus, esse qui pro artemone antemonem malint scribi. Cæterum artemonem positum esse pro genere veli. Nomen enim illi à suspendendo siue assuendo inditum: quod imis velis soleat affigi pars aliqua, quo plus ventri concipiant. Illud autem notius est quam annotandum sit gubernacula poni pro remis. His enim solet & promoueri & gubernari nauis.

Et cum incidissent in locum bimarem, impegerunt nauem. Ac prora quidem infixamanebat immobilis: puppis verò soluebatur à vi vndarum. Militum autem consilium erat, ut vinctos occiderent, ne quis cum enataisset effugeret. At Centurio volens seruare Paulum, compescuit eos à consilio, iussitque, ut qui possent natate, abijcerent se primos, & in terram euaderent, cæteri quæ partim in tabulis, partim in quibusdam nauis fragmentis. Et sic factum est, ut omnes incolumes euaderent in terram.

Veritas Dei.

Εἰς τόπον διβήλον, id est, in locum bimarem. Latini autem vocant bimarem locum angustum, qui hinc & illinc mari alluitur. Iam enim ipsum describit naufragium, sed paucissimis. Notatur præterea militum ingratitude & insignis cæcitas, qui rebus tantis hætenus per Paulum gestis non amplius fuerant commoti quam ut iam in summo periculo de parricidio consultarent. Verum illud est munus ingenium, quod non iam primus sese exerit, sed prophetarum quoque temporibus quàm impudentissimè ostentauit. Atqui eiusmodi consilia ex instinctu satanæ sunt, qui sanctorum vitæ insidiatur, insensissimè: sed promiserat Deus Paulo salutem. Seruat igitur per centurionem, qui hætenus per Paulum erat seruatus. Cæterum quod tanta diligentia ad finem capitis appenditur: Et factum est ut omnes incolumes euaderent in terram, diuinam nobis veritatem commendat, qua tandem factum est ut post multas afflictiones iuxta verbum Domini seruati sint omnes. Nemo ergo post hæc desperat.

desperauerit in tentationibus. Mundus hic mare quodpiam malorum est. Vita autem nostra nauis si-
milis est quæ varijs agitur procellis. Sed subducet hanc quoque aliquando in portum Dominus, si
modo solida fide in vero semper perseuerauerimus.

*Vita nostra ne
ui simili fluiti
bus expira.*

C A P V T XXVIII.

ET cum euasissent, tunc cognouerunt quod Melite insula vocaretur. Bar-
bari verò præstabant non vulgarem humanitatem nobis. Accensa e-
nim pyra, recipiebant nos omnes propter hymbrem qui imminabat, & pro-
pter frigus.



VI Græci aut Latini non essent, à Romanis Barbari dicti sunt. Melitenses verò licet no-
mine Barbari essent, re tamen ipsa fuere humanissimi: adeo ut Lucas humanitatem eo-
rum non possit satis dignè laudibus euehere. Certè Paulus in decimotertio ad Hebræos
capite hospitalitatem maximè commendat fidelibus. Hanc & Cicero Officiorum secun-
do libro impensissimè laudat. Et Chrysostomus in hunc locum scribens, Ruborem (inquit) nobis
afferant Barbari. Nesciebant enim qui nam essent illi, sed ob calamitatem iam miserantur quod ho-
mines essent.

Barbari.

Hospitalitas.

Cum congregasset autem Paulus sarmentorum multitudinem, & impo-
sisset in ignem, vipera è calore prorepens inuasit manum eius. Ut verò vi-
derunt Barbari pendentē bestiam de manu eius, inter sese dicebant: Omni-
no homicida est homo hic, quem seruatum è mari vltio non sinit viuere. Et
ille quidem excussa vipera in ignem, mali nihil passus est. At illi existima-
bant futurum, ut incenderetur, aut concideret repentē mortuus. Diu autem
illis expectantibus, & intuentibus nihil mali illi accidere, mutata mente di-
bant eum esse Deum.

Offert se ingens miraculi occasio, nimirum ut insigne aliquod facinus patratum, Paulo apud
Barbaros auctoritatem pararet, quo & commodius apud eos agere, & veritatem valeat prædicare.
Multa autem hisce in speciem quidem minutis egregia insunt documenta. Principio enim videmus
Paulum laborare, & suis ipsius manibus contrahere sarmenta, quæ Latini vocant vitium purga-
menta. Nam sarpere (authore Sexto Pompeio) antiqui pro purgare ponebant: vnde & generali vo-
ce pro quibusuis superfluis & abscessis purgaminibus ac proiectitijs virgultis vsurpari cœptum, cu-
ius generis apud nos sunt, Spân vnd râspen. Illud autem vehementer damnat otium & ignauiam,
maximè quod tantum virum non pudet sarmenta colligere. Deinde ut nuspian temerè miracula
fecit, ita ægre hic quippiam corpisset, nisi ipsa necessitas & Dei prouidentia ad miraculum patran-
dum compulisset: imò nihil ipse designat, sed Deum in se agentem vnà cum spectatoribus collau-
dat. Dei ergo omnis gloria est, qui interim seruis suis ad hunc modum auctoritatem voluit parare.
Nam in Euangelio Marci dixerat, Serpentes tollent, & si quid lætale biberint non nocebit eis. Pro-
inde excutit viperam in focum Paulus, quam Dominus in hoc illi immiserat, ut omnium animos
in ipsum conuerteret. Porro *ἡ ὄφis*, quam interpres vertit viperam, dicta est *ὡς περὶ τὸ ἔχον ἐν ταύτῃ τῇ γυναικὶ*
ἡ ὄφis Σαρπτόν, id est, ab eo quod fœrum intus contineat ad interitum vsque. Quod sanè cum ijs con-
gruit, quæ de vipera scribuntur à Plinio libro Naturalis historiæ decimo, capite 62. Quæ ergo tor-
puerat frigore hæctenus, calore ignis & excitata & in furorem concitata mordicus manum Pauli ar-
ripuit. Nam Plinius libro 11. capite 37. Viperæ dentes (inquit) gingiuis conduntur. Hæc eadem præ-
gnans veneno impresso dentium repulso virus fundit in morsus. Præsentissimum autem est huius
bestiæ venenum. Hinc Lucas, Barbari (inquit) existimabant futurum ut incenderetur intumescen-
tisque repente concideret mortuus, veneni vi ad cor irrupente. Illud verò in primis obseruandum
est, quod Barbari omnes clamitant, Omnino homicida est homo hic, quem seruatum è mari *ἀνα*, hoc
est, vltio non sinit viuere. Inde enim nos intelligimus, quod homicidium vel apud ferissimas natio-
nes & gentes Barbarissimas inter profligatissima & extrema reputatum est flagitia. Id quod illi ho-
die parum expendunt, qui stipendijs principum conducti tot Christiani fundunt sanguinis. Sed stat
verbū Domini, Sanguis fratris tui clamat ad me de terra. Reperiet ergo Deus nocetem. Nam virum

*Labor & ala-
critas Pauli.*

*Nuspian temè
re miracula fa-
ciunt sancti.
Homicidium.*

improbum (vt fertur prouerbio) vel vnus mordeat. Et ^{alix} quidem, quam interpres vltionem vertit etiam dea est iudiciorum, quæ lites dirimit. De hac Hesiodus, ^{ἡ δὲ ὑπερίστανος ἑστὶ δὴν, ὅστις ἰ, νύκτα.} Virgo Vltio est prognata Ioue. Fortassis ergo senserunt Barbari, quod vltrix malorum dea tandem in hoc tam nephario homine commissum nephas punire voluerit. Hanc alij Nemesis Adrastiam insolentia & arrogantia vindicem appellant, quæque spes immoderatas & vetet & punit. ^{ἡ δὲ ὑπερίστανος ἑστὶ δὴν, ὅστις ἰ, νύκτα.} Hæc dicta ἀπὸ τοῦ ἀντιπαρὸντος ὅστις ἰ, νύκτα, quod nemo nocens meritam pœnam vsquam effugerit etiam si quando serius assequitur. Ausonius de statua huius elegans ex Græco epigramma in hæc verba traduxit,

Me lapidem quondam Persæ aduexere trophæum

Vt fierem bello, nunc ego sum Nemesis:

At sic vt Græcis victoribus asto trophæum,

Punio sic Persas vaniloquos Nemesis.

Iam quod ex miraculo Melitenfes Paulum deum esse existimant, ex leuitate gentili & falsa de dijs persuasione enatum est. De qua re dictum est in Capite 14.

In locis autem illis erant prædia primati insulæ, nomine Publio, qui nos exceptos, triduo benigne tractauit hospitio. Contigit autem patrem Publij febribus, ac dysenteria vexatum decumbere. Ad quem Paulus intrauit, & cum orasset, imposuissetq; ei manus, sanauit eum. Hoc igitur facto, cæteri quoque qui habebant infirmitates in insula, accedebant & sanabantur, qui etiam multis honoribus nos honorauerunt, & soluentibus imposuerunt quæ necessaria erant.

*Hospitalitas
præmiū habet.*

1. Cor. 9.

1. Tim. 5.

Titum 3.

Impositio manuum.

Aliud autem miraculum describit, quod verius beneficium vocaueris. Aliud enim hospitalitatis exemplum in Publio proponitur. Quemadmodum ergo Sunamitis olim ab Helizeo ingenti beneficio propter hospitalitatem affecta est: ita hoc loco Publius pristinae sanitati restituitur, nimirum quod miseris tam humaniter excepisset. Voluit ergo istis denuo declarare Dominus, quod hospitalitas laudem & præmium apud Deum & homines habeat. Cæterum hoc Dei beneficio Pauli opera Publio præstito reliqui insulani homines permoti ægrotos suos adferebant, & per virtutem nominis Christi sanabantur: quæ sanè non aspernenda coniectura est, Melitenfes fidem Christianam suscepisse. Quod & illud spectare videtur, quod paulò post sequitur, Qui etiam multis honoribus nos honorauerunt, & soluentibus imposuerunt quæ erant necessaria. Hi enim sunt fructus fidei, de quibus diximus in Capite 16. Et de impositione manuum sæpius iam dictum est, Germani dicimus, *Die hand bieten*. Manum porrigere, pro auxiliari. Ergo manuum impositio symbolum est futuri auxilij diuini. De prædijs copiose scripsit Valla ex Vlpiano libro sexto Elegantiarum capite 41. Dysenteria verò, vt tradit Archigenes, vlcera arteriarum ac viscerum perseverans: ex causis extrinsecus, videlicet frigoris, caloris, potitionis cibi que minimè concocti ac acuti. Habet similitudinem cum Tinesmo, qui voluntas est inefficax excreandi, sanguinis tantum aliquid emittens. Hunc morbum Celsus dicit Tormina à Latinis appellari. Hæc ex Volater. Philol. lib. 24.

Post menses autem tres nauigauimus in naui Alexandrina, quæ in insula hyemauerat, cui erat insigne Castor & Pollux. Et cum venissemus Syracusas, mansimus triduo. Inde circumlegentes deuenimus Rhegium, & post vnum diem afflante austro, postridie venimus Puteolos, vbi repertis fratribus, rogati sumus manere apud eos dies septem, & sic venimus Romam. Et inde cum audissent fratres de nobis, prodierunt in occursum nobis vsq; ad Appij forū ac tres tabernas. Quos cum vidisset Paulus, gratijs actis Deo, sumpsit fidutiam.

*Dioscori insigne
nauis.*

Hic te ad Epitomen remittimus. Beda, Castorem & Pullucem ob id (ait) gentiles in deos inuocant, quia in prodigijs nautarū, si solitaria stellæ in naui vel antennis apparuerint, periculosi, si verò geminae prosperi cursus sunt nuntia. At postrema illa mutuatus est ex trigesimo septimo capite, secundi libri Plinij. Quæ autem præterea de Dioscuris fabulantur poetæ, longum esset hic recensere. Lucas certè mentione istorum superstitionem taxauit gentilitiam: id quod & Chrysostomus annotauit. Turpissimè enim errant, qui istos ad idolorum cultum defendendum producunt. Nolim au-

tem te hic impingere vbi Lucas refert Paulum recta Puteolis venisse Romam, deinde verò enumerat Appij forum & tres Tabernas. Non enim hi loci in vrbe sunt, sed Lucas Hysterologia vsus est. Principio enim in genere dixit Romam venimus: deinde iterum redit ac describit quo loco salutatum à fratribus egressis excepti, & quomodo ingressi sint urbem. Habuit enim Roma plurimos in fide Christi optimè institutos, qui Pauli erant studiosissimi, vnde & obuiam ei proficiscentes (rumor enim Romam ad fratres pertulerat Paulum Puteolos venisse) non parum Pauli animum retocillarent. Gaudebat enim multos Romæ esse, qui sincero pectore fauerent Euangelio, hinc & maiorem animi concepit fidutiam. *Confirmantur sancti fide mutua.*

Cum autem venissemus Romam, Centurio tradidit vinctos principi exercitus. Permissum est autem Paulo, vt maneret solus cum custodiente se milite.

Paucis nunc ea quoque delineat quæ Romæ fecit Paulus. Multis (inquit) laboribus exantlatis tandem attingit Romam, ita vt promiserat Dominus. Quemadmodum verò vbique diuino stipatus auxilio propitios sibi habuit Romanos, ita hic quoque permissum illi, vt in libera ageret custodia. Neque dubium quin Centurionis illius qui illum à Syria adduxerat, multamque prudentiam, constantiam & sanctimoniam in hoc viderat, opera commendatus, melius per omnia habuerit. Dat autem suis gratiam Dominus (vt perhibet Scriptura) in conspectu principum.

Post tertium autem diem conuocauit Paulus Iudæorum primores. Cumque venissent, dicebat eis: Ego, viri fratres, cum nihil fecerim aduersus plebem aut instituta maiorum, vinctus ab Hierosolymis, traditus sum in manus Romanorum: qui cum examinassent, voluerunt me dimittere, eò quod nulla esset causa mortis in me. Sed contradicentibus Iudæis, coactus sum appellare Cæsarem, nō quasi habeam de quo gentem meam accusem. Propter hanc igitur causam aduocaui vos, vt viderem & alloquerer. Propter spem enim Israelis catena hac circumdatus sum.

Describit quid egerit cum Iudæis, quomodo his prædicauerit Christum, & quomodo hi vicissim erga Paulum sese gesserint. Igitur Apostolus velut præuenturus sinistram Iudæorum de se suspicionem, vocatis illis, exponit cur vinctus Romam venerit, & quod nihil mali in legem aut maiorum instituta aut in ipsum populū Iudaicū mali piaculūve cōmiserit. Quod verò appellarit, in causa fuisse nimiam Iudæorum in Syria agentium morositate. Nihil autem asperius nunc in illos dicit: sed sum totius negotij magis colligens mira euidentia ad calcem orationis suæ adpendit, Propter spem Israelis catena hac circumdatus sum. Spes verò Israelis erat Christus Dominus, qui & vita & resurrectio est fidelium. Nihil autem hic dicitur, quod non sit dictum prius. *Quid Romæ cum Iudæis egerit Paulus. nos est in verbis & habitu.*

At illi dixerunt ad eum: Nos neque literas accepimus de te à Iudæa, neque adueniens aliquis fratrum nuntiavit, aut loquutus est aliquid de te mali. Voluimus autem ex te audire quæ sentias. Nam de secta ista notum est nobis, quod ubique ei contradicitur.

Hæc iterum testantur quàm illibata fuerit Pauli innocentia, rursus quàm iniqua summi Pontificis Ananiæ & complicum inuidia. Quod ergo Paulus ab istis hætenus erat perpeffus nullius maleficiij, sed veritatis tantum gratia perpeffus erat. Cui Dominus amplissimam hic ansam suppeditat iustitiam in Christo prædicandi Iudæis. Hi enim sententiam Pauli de secta Nazarenorum sponte sibi exponi postulant. Vbi tamen sectæ vocabulo nō in malam partem, interim verò non citra Iudaicum supercilium vsi sunt. Vide præterea quàm ingrata sit orbi veritas. De secta ista id (inquiūt) nobis cognitum, quod ubique ei contradicitur. Causam exponit Christus Ioan. 15. *1. Pet. 4. Sup. cap. 24.*

Cum constituissent autem illi diem, venerunt ad eum in hospitium complures, quibus exponebat, testificans regnum Dei, suadensque eis de Iesu ex lege Mosi & Prophetis, à mane vsque ad vesperam: & quidam credebant his quæ dicebantur, quidam verò non credebant.

Christum prædicat hic quoq; Paulus ut vbiq;

Lucas pro veteri suo more non nisi capita disputationis Pauli assignat. De quibus cum iam toties dictum sit, molestissima foret eadem toties repetere. Et quemadmodum vbiq; audiuius alios quidem pro electionis gratia humanique ingenij varietate credidisse, alios minus, ita idem hic quoq; indicatur. Illud porro diligentiae & ardoris est, quod à mane ad vespèram vsq; Christum prædicat.

Cumq; inter se non essent concordēs, discedebant, vbi dixisset Paulus vnum verbum; Bene Spiritus sanctus loquutus est per Isaiam Prophetam ad patres nostros, dicens: Vade ad populum istum, & dic: Auribus audietis & non intelligetis; & videntes videbitis, & non perspicietis. Incrassatum est enim cor populi huius, & auribus grauiter audierunt, & oculos suos compresserunt, ne quando videant oculis, & auribus audiant, & corde intelligant, & conuertantur, & sanem eos. Notum ergo sit vobis, quod Gentibus missum est hoc salutare Dei, & ipsi audient. Et cum hæc dixisset, exierunt ab eo Iudæi, multam habentes inter se disputationem.

Iudaica exccæcatio.

Paulo obscurior est hæc oratio à principio. Est qui sic explicet, Cum inter se non essent concordēs, cæperunt abire, Paulo prolixæ orationi vnum adhuc verbum adijciente. Cæterum videtur per Epanaphoram sic posse exponi, Cum non essent inter se concordēs, & obmurmurarent veritati, protinus id verbi illis ingessit, quod apud Isaiam in sexto capite de Iudaica cæcitate legitur, quosimul ita exasperati sunt ut è vestigio sese ex auditorio proriperent. Hic autem illud interim intelligendum est quod data opera redierit Lucas, & copiosius illud ipsum explicarit, quod iam parcius delibarat. Neque enim temere ad finem huius operis tam copiose meminit Iudaicæ exccæcationis. Si quidem istud prudenti consilio fecit, quasi dixerit, Quod autem adeo veritati Euangelicæ repugnauit Deo dilectus quondam populus scripturarumq; peritus, neminem offendere debet, quasi Euangelica doctrina propterea sit de errore suspectior. Vera enim & iusta hæc adeoq; ipsa veritatis lux est, sed Iudæorum oculi ad hanc caligant. Quod non ipsi primum in Iudæorum dicimus inuidiam, sed idem prædixit ante nos Isaias Propheta. Hæc de consilio Lucæ. Interim verò Paulus non minus Iudæos hoc testimonio, ut aliàs sæpe reuincit, comprobans Euangelicam doctrinam esse iustam & veram, Deumq; ipsum populo suo obtulisse salutem, sed illum hanc propria malitia aspernari: ipsum ergo sua culpa periturum, & regnum Dei ad Gentes fore transferendum. Quæ sententia iam quidem præsens negotium pulchrè claudit. Hætenus enim floruit Gentium Ecclesia, Iudæorum Synagoga miserè proculcata. Quæ autem hoc loco de Prædestinatione Dei, de exccæcatione impiorum, & electione sanctorum dici poterant, diligentius ab ipso Paulo expōita sunt in Romanis capite 9. 10. & 11. Neque hic à Paulo alia aduersus Iudæos dicuntur, quàm quæ in fine 13. huius operis Capite audiuius.

Manſit autē Paulus biennio toto in suo conducto, & suscipiebat omnes qui ingrediebantur ad ipsum, prædicans regnum Dei, ac docens quæ sunt de Domino Iesu cum omni fidutiā, nemine prohibente.

Cæterum Pauli gesta breuibus hisce perstringit. Manſit (Inquit) toto biennio in conducto suo, id est, in ædibus quas conduxerat, humaniter excipiens omnes cum Iudæos tum Gentes, qui ipsum fortè adijissent perdiscendæ veritatis gratia. Illis autem summa diligentia exposuit negotium fidei Christianæ, idq; libere, nemine prohibente. Quod bifariam accipi posse tradit Erasmus, à nemine inquam vetitum esse, aut tali animo præditum fuisse, ut à nemine posset impediri. Verum prior sensus simplicior est. Ex Epistola ad Philippenses liquet, quod Romæ plurimos sibi etiam ex Cæsaria familia habuerit amicos, quodq; apud plerosq; in magno fuerit habitus pretio.

Interitus Pauli 2. Tim. 4.

Cur Lucas non continuauit historiam.

Hucusque verò persequutus est Lucas Actuum Apostolorum Pauli potissimum historiam. Cætera scriptores (referente Erasmo) nō indiligentes, ex varijs coniecturis videntur addidisse: videlicet Paulum primum apud Neronem dicta causa fuisse absolutum, ac libere vbi vellet Euangelium prædicasse annos decem. Tandem vbi Neronis sæuitia iam processisset in rabiem, reuocatum esse ad eius tribunal & capite truncatum. Cæterum quod ipse Lucas historiam non longius prosequutus est, non modo ea videtur esse causa, quæ à plerisque creditur, quod morte interceptus, plura non potuerit: sed quod eatenus illam persequi voluit, quatenus religioni Christianæ conduceret ac necessarium videret: id ergo cum hætenus satis fideliter præstitisset, non erat quod Lectorem copiosi-

fiori one.

iori oneraret historia. Iam etsi Hispanias & Gallias deniq; ipsam Italiam peragrasset Apostolus, ipse
 que Lucas & hanc profectioem hisce adiecisset, quid obsecro post locorum, vrbium & miraculo-
 rum diuersitatem ab ijs quæ dicta sunt noua aut diuersa dixisset? maximè cum videamus in superio-
 ri historia eandem rem decies esse repetitam. Christus enim heri & hodie idem in secula. Quorsum *Hebr. 13.*
 ergo opus erat multa Lectorum molestia eadem subinde oberrare chorda? Sanè prudentiæ ascripse-
 rim quod hætenus duntaxat historiam scripserit.

Cæterum quæ nos hætenus sex hisce Commentariorum libris differuimus, iudicio Ecclesiæ
 fideli submittimus, quando apud hanc Paulo, imò ipsi Deo placuit esse iudicium: interim oro vt *1. Cor. 14.*
 quisque fidei charitatis regula singula expendat, bonique hæc nostra consulat, quæ ad promouenda
 piorum studia ædita sunt. Ego sanè in religionis summa me nullibi aberrasse confido, in tradendi
 autem modo indicandiq; de locis perplexioribus felicitate, fateor plures esse qui hoc ipsum felicius
 & breuius absoluerè queant: sed in rem tuam prelixior fui. Nec inuideo si alius meliora eruditioraq;
 tradat. Nec moror Lectorum applausum. Christi gloriam quæro, ad Christum te hoc
 labore nostro manu duco, proinde si eius suauitatem expertus
 vni adhæseris, gaudeo.

F I N I S.

SERIES ET DIGESTIO TEMPORVM ET RERVM

descriptarum à Beato Luca in Actis
Apostolorum, authore Henry-
cho Bullingero.

*CONTINENTVR ergo in hoc opusculo, primum quidem admi-
bratio Ecclesiæ & doctrinæ Apostolicæ, deinde non Hercules, sed electissi-
mi organi Dei D. Pauli, magni illius florentissimorum Asiæ & Europæ
regnorum doctoris celeberrimi labores & ærumnæ. Postremo omnium
Regum Herodianorum, omnium Præsidum Iudæorum, & omnium Cæ-
sarum Romanorum, qui Apostolorum sæculo, Pauli maxime, vixerunt,
series & historia brevis.*



I E S V S.

Hic est Filius meus dilectus: in quo placata est animæ
mea. Ipsum audite. Matth. 17.

FIDELISS. CHRISTI ET ECCLESIAE

MINISTRO D. RODOLPHO GVALTHERO,
Heinrychus Bullingerus gratiam & pacem
optat à Domino.



ADUMBRAVI ante annos aliquot continuam Temporum annorumq̃ seriem una cum breuissima expositione historica potissimarum rerum ab origine mundi ad natiuitatem vsque Christi in lege & Prophetis, in libris inquam Testamenti veteris, traditarum. Ea lucubratione cum te vehementer delectatū intellexerim, fili charissime me idemq̃, compater & symmista fidelissime, adieci animum ad ea quoque tempora scribere & facta in compendium ordinem & seriem componenda, quæ beatissimus & doctissimus Euangelista Lucas luculentissima historia tradidit de rebus Ecclesiæ Christi, Apostolorum, & Pauli præsertim in Actis Apostolorum. Laboravi in negotio impexo & laborioso satis, ad vtilitatem fratrum, pro meo talento accepto à Domino. Si alius simpliciora & planiora protulerit, non inuidebo. Nihil ego sine auctore, sine ratione, aut sine verisimili alioqui coniectura attuli. Iudicium relinquo Lectori candido, cui non oracula, quod meam quidem commentationem attinet, sed expendendas sententias propono, ut quod optimum & simplicissimum quisque esse putauerit, amplectatur, cetera relinquat. Tibi autem maximè, fili dilecte, nuncupo & dedico hoc opusculum, quem in Christo valde diligo, ac modis omnibus hortor, ut quod modo facis, facias perpetuo, ut pergas inquam in sacris literis cum Prophetis tum Apostolicis euoluendis perlustrandis & excutiendis esse assiduus, quo luculentiore cum perspicuitate vi atque fructu ecclesiam illam sanctissimam tua fidei commendatam, Deo auxiliante, erudire & in veritate Christiana conseruare possis. Tu oranti ut elegantem & perutilem multis Orationem de officio ministrorum ecclesiæ habitam ederes, morem gessisti. Ego tibi vicissim roganti ut hunc meum librum vulgarem, obtemperavi. Videbantur vtraque argumenta pulchre sibi congruere, & mutuo sese veluti iuuare. Ut enim liber meus in Paulo absolutissimum exemplum ministri Ecclesiastici exhibet, ita tua Oratio disputat de eo qualis esse debeat οἰκὸς sine seruus ecclesiasticus. Vale Tiguri mense Ianuario.

TABVLA

TABVLA SERIEI ET DI-

GESTIONIS TEMPORVM ET RERV

descriptarum à Beato Luca in Actis

Apostolorum.

Anni Cēsarum Romanorum.	Anni Præsidū Iudæorum.	Anni Hero- dianorum.	Anni Christi nati.	Anni S. Pauli Apostoli.
TIBERIVS.	PILATVS.	HERODES.	CHRISTVS.	PAVLVS.
18	5	27	33	
<i>Hoc anno patitur CHRISTVS, resurgit ex mortuis, ascendit in cælos, inde mittit Spiritum Sanctum in Apostolos. Apostoli colligunt ecclesiam Christo Domino, & in persecutione perdurant. Lapidatur Scephanus.</i>				
19	6	28	34	1
<i>Conuertitur ad Christum Paulus apud Damascum: deinde abit in Arabiam prædicatum Euangelium. Samaria quoque recipit Christum.</i>				
20	7	29	35	2
<i>Prædicatur vrbibus maritimis Euangelium per Philippum, qui etiam conuertit principem Æthiopicum.</i>				
21	8	30	36	3
<i>Syrie & Phœnicia prædicatur euangelium ab illis qui dispersi profugerant ex vrbe Hierosolymorum.</i>				
22	9	31	37	4
<i>Redit ex Arabia S. Paulus, venit Hierosolymam, inde abit in Ciliciam.</i>				
23	MARCELLVS.	32	38	5
<i>S. Petrus venit Lyddam, deinde vocatur Cæsaream ad Cornelium, quem & baptizat. Hinc Hierosolymis causam sui facti reddit expostulantibus.</i>				
CAIVS.	PETRONIVS.	33	39	6
<i>Antiochia in Syria conuertitur ad Christum. Apostoli mittunt eò Barnabam.</i>				
2	2	34	40	7
<i>Petrus Antiochiæ à Paulo increpatur. Barnabas enim ex Tarso Paulum adduxerat Antiochiam. Venit illic Agabus, prædicit famem. Paulus & Barnabas ferunt subsidium Hierosolymam.</i>				
3	3	35	41	8
<i>Iubente S. Sancto mittuntur Paulus & Barnabas ad Gentes prædicatum ab Antiochia.</i>				
4	4	36	42	9
CLAVDIVS.	AGRIPPA.	Omnia huius	43	10
2	2	Regis dantur	44	11
3	3	Agrippe quoq.	45	12
<i>Hoc anno decollatur ab Agrippa rege Iacobus maior in vincula conijcitur Petrus ab eodem rege. Liberatur ab angelo. Interit rex.</i>				
4	FADVS.	Fames.	46	13
<i>Redeunt expleta prædicatione Antiochiam Paulus ac Barnabas ac in ecclesia manent diebus multis.</i>				

His annis conuertuntur Cyprus, Pamphilia, Pisidia, Lycaonia.

Anni Cæsarum Romanorum.	Anni Præsidū Iudæorum.	Anni Regu- lorum.	Anni Christi nati.	Anni S. Pauli Apostoli.
5	2	FELIX circa	47	14
6	3	hoc tempus ve nit in Syriam.	48	15
Circa principium huius anni profecti sunt Paulus & Barnabas per Phœniciam & Samariam in Synodum Hierosolymas. Deinde redeunt Antiochiam. Paulus abit in Ci- liciam & Lycaoniam.				
7	TIB. ALEX.		49	16
8	2		50	17
His annis conuersa est Phrygia, Galatia, Mysia. A Troiade nauigauit in Mace- doniam, ac conuertit Philppos, Apolloniam, Amphipolim, Thessalonicam, Athenas.				
9	3		51	18
10	CV MANVS.	AGRIPPA IUN.	52	19
Nauigat Paulus Hierosolymam, inde redit Antiochiam, inde inuist Galatiam & Phrygiam olim constitutas ecclesias.				
11	FELIX.	2	53	20
12	2	3	54	21
13	3	4	55	22
14	4	5	56	23
Transfretat in Græciam. Inde circa pascha 22. anni nauigat in Syriam. venit circa Pentecosten Hierosolymam. Ibi capitur à Iudæis. Liberatur mox à Cl. Lysia tribuno, ac mittitur Felici Casaream. Sub Felici custodia exegit biennium				
NERO.	PORT. FESTO.	6	57	24
Venit in Iudæam Festus circa Maium. Agit causam suam Paulus coram Festo, de- inde coram Festo & Agrippa rege. Mittitur Romam in Italiam.				
2	2	7	58	25
3	3	8	59	26
4	ALBINVS.	9	60	27
5	2	10	61	28
6	3	11	62	29
7	4	12	63	30
8	5	13	64	31
9	FLORVS.	14	65	32
10	2	15	66	33
11	3	16	67	34
12	4	17	68	35
13	5	18	69	36
14	VESPASIANVS	19	70	37
	Dux.			
S. Paulus ultimo Neronis anno Roma gladio obruncatur, cum prædicasset Euan- gelium Christi in Oriente & Occidente annos circiter triginta septem.				

Venit Corin-
thum.

Venit Ephe-
sum.

Paulus 2. Nero-
nis anno Romā
venit. Biennio
egit in libera
custodia.

Occidenti præ-
dicat Paulus.

Initium perse-
cutionis Chri-
stianorum.

SERIES ET DIGESTIO

TEMPORVM ET RERVM DESCRIP-

PTARVM A BEATO LVCA IN ACTIS APOSTO-

LICIS, AVTHORE HEINRYCHO

BVLLINGERO.

C A P V T I.

De temporibus prædicationis & passionis Domini nostri Iesu Christi.



IEATVS Lucas doctissimus diligentissimusque historiarum euangelicarum scriptor, tradit Euangelij prædicationem XV. Tiberij Cæsaris anno per ministerium sanctissimi Ioannis Baptistæ, in Iudæa, feliciter esse coeptum, ac eodem anno, qui ætatis Christi ab eodem Luca XXX. numeratur, baptisatum Christum: qui cum Hierosolymam, ex more & religiose quidem, ascendens, per tria continua paschata (Ioanne teste) & ipse prædicauerit euangelium, deinde demum occisus sit: consequens est Christum Dominum XV III. Tiberij Cæsaris anno, feriis paschæ, in crucem esse suffixum, anno ætatis suæ XXXIII.

Initium prædicationis euangelicæ.

Nam XV. Tiberij Cæsaris anno, qui ætatis Christi XXX. est, coepit quidem concionari Ioannes, sed ipse interim Dominus anno eodem varijs modis tum etiam prædicatione euangelica inclaruit: ac tum demum commemorat Ioannes in cap. 2. euangelicæ suæ historiarum primum pascha, quo Dominus primum vendentes & ementes eiecit ex templo. Erat is annus imperij Tiberij XVI. ætatis Christi XXXI. In 6. cap. commemorat Ioannes pascham secundam, quod datur Tiberij anno XVII. ætatis Christi XXXII. Scio ab alijs secundum pascha peti ex 5. cap. Ioannis. Verum malo cum veteribus sacrarum literarum interpretibus tria duntaxat paschata quam IIII. Domino tribuere: maxime cum pro quarto paschate nulla usque adeo certa & firma proferantur argumenta quin dilui possint. D. Chrysostomus non temere per festum diem, cuius meminit in 5. cap. Ioannes, Pentecosten intellexit. Nec infringitur eius sententia per illud quod 4. cap. ad discipulos dixisse legitur Dominus, Nonne vos dicitis, Adhuc quatuor menses sunt & mecum veniet? Ecce dico vobis attollite oculos vestros, & videte regiones, quoniam iam sunt albæ ad messem, &c. Nam primis verbis suis Dominus non tempus definit & mensem designat, uti istis quibusdam visum est, Nouembrem, sed quid ferè tempore quouis ab hominibus fieri soleat dicit, & hoc ipsum trahit ad institutum suum. Quasi dicat, Nonne vos diligenter & cum desiderio quodam supputatis dies messis, quare ergo ipse quoque non obseruarem quam diligentissime occasionem metendi? Præterea posteriora & insequentia mox verba. Paraphrastes ita enarrat, ut pro nobis nihil contra nos faciant. Dicit enim, Quemadmodum autem ipsa seges iam flauescens falcem & messorum operam iam quasi flagitat: ita si sustuleritis oculos vestros & obseruaueritis humanarum mentium segetem etiam apud Samaritanos & Ethnicos properantem ad euangelicam doctrinam, intelligetis regiones vndique velut albescere ad messem euangelicam. Postremum & tertium pascha illud est, cuius Ioannes meminit in cap. II. & in quo Dominus semetipsum obtulit pro peccatis totius mundi. Erat is annus Tiberij XVIII. ætatis Domini XXXIII.

Supputatio temporum prædicationis Domini.

Dominus non prædicauit per quatuor paschata.

Video tamen in tempore mortis Christi constituendo aut designando non per omnia conuenire nostris scriptoribus. Epiphanius Salaminæ Cypri episcopus in libro suo contra omnes hæreses disputans, contra illos præsertim qui negant euangelion S. Ioannis, In medio Consulatu eo, inquit, qui post Rubellionis Consulatum successit, Vinnicij & Longini Cæsij appellatus, patitur saluator, in die ante XIII. Calend. April. XXXIII. anno aduentus incarnationis suæ. Porro scriptor vetustissimus Tertull. in libro suo contra Iudæos, Passio Christi perfecta est, inquit, sub Tiberio Cæsare Coss. Rubellio Geminus & Ruffio Geminus, mense Martio, temporibus paschæ die VIII. Calendarum Aprilium, die prima Azymorum. Quod si quis consulat historias Romanas, quibus hac in re non parumtribuendum esse censeo, easque contulerit cum euangelio secundum Lucam, deprehendet Christum passum esse sub Consulatu Furij Camilli Aruntij

De tempore mortis Christi.

SERIES TEMP. ET RER.

Scriboniani & C. Domitij Ænobarbi, Id quo fiat clarius non pigebit huc ex Corn. Tacito probatiss. Romanæ historiæ & annalium scriptore seriem Consulum per censere.		Moritur Octavius Augustus, Suetonio auctore, Coss. Sextis Pompeio & Apuleio XIII.	
Consulium Romanorum series sub imperio Tiberij Cæsaris.	Calend. Septemb. Succedunt in Consulatu.		
	I.	Drusus Cæsar.	IX. C. Asinius.
		C. Norbanus Flaccus.	C. Antistius.
	II.	Sisenna Statilius Taurus.	X. Corn. Cethegus.
		L. Scribonius Libo.	Vissellius Varro.
	III.	C. Cælius.	XI. Corn. Cossus.
		L. Pomponius.	Asinius Agrippa.
	IIII.	Tiberius Cæs. III.	XII. Lentulus Getulicus.
		Germanicus Cæs. II.	C. Calpurnius.
	V.	M. Syllanus.	XIII. M. Licinius Crassus.
		L. Norbanus Balbus.	L. Calphurnius Piso.
	VI.	M. Valerius Messala.	XIIII. Iulius Sillanus.
		C. Aurelius.	Silius Nerva.
	VII.	Tiberius Cæs. IIII.	XV. C. Rubellius Geminus.
		Drusus Cæs. II.	C. Fusius Geminus.
	VIII.	C. Sulpitius.	
		D. Hatterius.	

Atque hic iam interruptitur ordo & series Consulum apud Cornelium Tacitum : ac videntur circa initium lib. 5. non pauca desiderari in impressis exemplaribus. Cæterum Aurel. Cæsi-dorus & Gregorius Haloander non infeliciter restituunt, mea quidem sententia, quæ per iniuriam temporis, quod scilicet Consulum ordinem attinet, interierunt & desiderantur. Subiunguntur enim Geminis Coss.

XVI.	M. Vinnicius.	XVII.	Tiberius Cæs. V.
	C. Cæsius Longinus.		Sianus collega.

Meminit sanè Tacitus Vinnicij & Longini, quibus locavit neptes suas Tiberius : idemque mox Tiberio assignat annos imperij XXIII. Sic enim scribit, XVI. Calend. Aprilis interclusa anima creditus est mortalitatem expleuisse, LXXVIII. ætatis anno, cum regnum tenuisset annis ferme XXIII. Cum his Taciti verbis cõgruunt per omnia Suetonij hæc, Obijt Tiberius in villa Lucullana LXXVIII. ætatis anno, imperij XXIII. Calend. April. XVII. Cn. Acerronius Proculo & Portio Nigro Coss. Nisi vero inferas duos illos quos supra memoravimus Consulatus, non pertinges ad XXIII. sed duntaxat ad XXI. Tiberij annos. Et Suetonius planè meminit V. Consulatus Tiberij dicens, Collegam sibi assumpsit in V. Consulatu Seianum, &c. Quæ omnia clare satis euincunt in Tacito desiderari duos illos Consulatus, ac iccirco necessario inferendos esse quo XXIII. anni compleantur. Nam in Tacito sequuntur hi Coss.

XVIII.	C. Domitius Ænobarbus.	XXI.	C. Cestius.
	Camillus Scrib.		M. Seruilius.
XX.	Sergius Galba.	XXII.	Q. Plancius.
	L. Sylla.		Sex. Papinius.
XX.	Paulus Fabius.	XXIII.	Cn. Acerronius.
	L. Vitellius.		C. Portius.

Ita demum plene complentur anni Consulatum qui fuerunt sub Imperio Tiberij Cæsaris.

Dies passionis Domini nostri Iesu Christi. Quod diem attinet Passionis, quo Dominus noster crucifixus est, subscribit Cæsi-dorus Tertulliano, subscribunt & alij non vulgares. Iuxta horum supputationem excessisset Dominus noster è vivis XXV. die Martij, resurrexisset XXVII. die eiusdem mensis. Quoniam vero Luca auctore post XL. dies ascendit in cælum, ac die Pentecostes misit Spiritum Sanctum, nimirum ascendit V. Maij, & Spiritum Sanctum donavit eiusdem mensis XV. discipulis. Aliam vero supputationem in eas oportet si sequi libeat sententiam Epiphaniij. Alijs præterea visum est aliud.

CAPVT II.

De Primitiua Ecclesia Hierosolymis, in Samaria, & apud maritimas vrbes operā Apostolorum constituta.

EODEM anno post missum Spiritum sanctum, hoc est XVIII. Tiberij Cæsaris, cum protinus ab ascensionis die paulò ante Pentecosten Apostoli S. Matthiam coaptassent in numerum duodecim, ex quo sua culpa & impietate exciderat Iudas Ischariotes, cœperunt Apostoli palàm Hierosolymis prædicare Euangelium Christi, simul etiam baptizare atque ita congregare Ecclesiam siue Cœtum sanctum Domino. Et processit quidem auspiciatissime negotium sacrosanctum. Mox enim & in initio rerum coierunt in Ecclesiam Christianam aliquot Iudæorum millia. Exercebatur & perseverabat primitiua illa Ecclesia (quæ nondum erat onerata legibus innumeris & vitiosa humanis traditionibus) in Doctrina Apostolorum, in precatione iugi, in participatione mensæ Dominiæ, & in communicatione fraternaque charitate, quam factis præstabat, non ore tantum prædicabat, innocentie vitæ, pietati sinceræ & vere bonis operibus studens per omnia & in omnibus. Præterea separabat se Ecclesia à consortio cum in pœnitentium seu impiorum hominum, tum etiam à superstitione & cultu illegitimo. Dominus interea virtutem præstabat Apostolis, vt stupenda pararent miracula, testimonia videlicet viua & efficacia veritatis Christianæ & religionis planè diuinæ.

Apostoli colligunt Christo Ecclesiam.

Exercitia Ecclesie in religione.

Quemadmodum vero Dominus, dum viueret, prædixerat crucem seu persecutionem protinus exercituram vexaturamq; sanctam Christi Ecclesiam: ita re ipsa euenit. Vocantur enim in senatum Hierosolymitanum Apostoli, iubentur tanquam nocentes & seditiosi hæretici atq; schismatici rationem, si possint reddere, cur Christum prædicent crucifixum, cur congregent cœtū, & in cuius nomine faciant quæ faciebant. Sicut autem idem Dominus dixerat, Cum tradiderint vos, ne sitis solliciti quid aut quomodo loquamini. Nam ipse dabo vobis os & sapientiam, cui non poterunt resistere omnes qui aduersabuntur vobis. Ita dicentibus in senatu pro se Apostolis, admirati sunt senatores, neq; aliud potuerunt quàm tyrannicis legibus liberam Euangelij prædicationem circumscribere & coercere. Sed non parebant impijs edictis Apostoli, nihil metuentes carceres & vincula. Ecclesia enim sedulo orabat libertatem dicendi & agendi concederet Dominus Apostolis. Quod sanè fecit. Cumque concluderentur in carcerem Apostoli, liberauit eos Dominus per angelum suum, vt aduersarijs plane ostenderet conatus ipsorum fore irritos. Imò cum virgis caderentur Apostoli tantū non ab instituto absterrebantur, vt magis & sibi gratularentur & Deo agerent gratias, quod digni essent habiti qui pro nomine Christi contumelia afficerentur.

Crux & persecutio Ecclesie.

Precationes Ecclesie.

Interea feruebat in Ecclesia charitatis officia. Vt enim ministri verbi constanter pergebant & diligentissime ea exequabantur quæ ipsis imposuerat Dominus, ita auditores ipsorum alacriter & animo promptissimo præstabant operē, quod didicerant præstandum doctrina Apostolica. Conferebant ergo liberaliter quibus suppeteabant opes, donaria ad conseruationē ministrorum verbi, & ad subleuationem inopiæ pauperum. Et quoniam hac in re homines ferè suam gloriam quærunt, neq; sincero animo agunt, ideo factū est iustissimo Dei iudicio, vt propter hypocrisis & animum hac in re parum integrum, horribili exemplo, subitanea morte, Petro iudicium & decretum Dei pronunciantem, interierint Ananias & Saphyra. Ac coercuit hoc exemplū plurimos, metumq; illis iniecit, qui fortassis simili impuritate illuissent Domino, & sanctæ eius Ecclesiæ.

Beneficentia Ecclesie Christi.

Exemplum Ananias & Saphiræ.

Porro crescente iam Ecclesia, & crescentibus etiam opibus, ideoq; & negotijs Ecclesiæ, exortum est, vt ferè sit in frequenti turba, murmur, propter dispensationem opū Ecclesiasticarum. Nam aliquid humani patiebantur qui murmurabant contra Apostolos. Ne itaq; latius serperet malum, & erumperet in aliquando detrimentū & manifestam Ecclesiæ conscissionē, delecti sunt communibus suffragijs Ecclesiæ diaconi siue æconomi bonorum Ecclesiasticorum septem, inter quos præcipuus erat plenus fide & Spiritu sancto Stephanus.

Dispensatio opum Ecclesiasticarum.

Stephanus vero cum non tantum corpora sanctorum perituro cibo & rebus alioqui necessarijs corpori, alere & instruere satagaret, sed cibum illum æternum verbum veritatis pluribus proponere, & ab aduersariorum calumnijs vindicare pergeret, incidit illi lis & contentio super negotio Christi & Euangelij eius, cum alumnis synagogæ seu scholæ, quæ appellabatur Libertinorum, Cilicum & Asianorum. Agebant hi contra Stephanum dolo malo, conquirentes sibi vndique falsos testes, quos cum nacti essent pertrahebant ipsum in forum & consilium Hierosolymitanum, accusantes de infandis quibusdā criminibus. A quibus se quidem expurgauit oratione

Stephani martyris Christi historia.

SERIES TEMP. ET RER.

pijsissima & instructissima: sed non multo cum fructu. Coram ijs enim causam suam agebat, qui non vtramque partem audire, & iustum iusto iudicio exequi cogitabant, sed accusatum protinus ad supplicium ducere statuerant. Eijcitur ergo ex vrbe Stephanus, & lapidatur crudeliter. Hec omnia quæ copiosissime exponuntur à S. Luca in Actis Apostolorum à cap. i. vsque ad cap. 8. videntur perfecta esse illo ipso anno, quo Christus assumptus est in cælum, hoc est X V III. Tiberij Cæsaris anno.

Gravis eccle-
siae afflictio &
dispersio.

Philippus.
Simon Magus.

Princeps Aethiopicus.

Syria conuer-
sa ad Christum

Ex Stephani cæde oborta & consequuta est grauisissima persecutio contra vniuersam Hierosolymorum ecclesiam. Disiecit illa ecclesiam in regiones varias, sed multo cum fructu regni Christi. Fideles enim discedentes Hierosolyma, dispersiq; per Samariam, per vrbes maritimas, & per Syriam, propagarunt prædicatione Euangelij regnum Christi quam latissime. Philippus enim Samaritis primum prædicaui Christum. Venerunt in Samariam suppetias laturo S. Philippo Petrus & Ioannes: atque hi ex Syria pepulere insignem impostorem & hominem impurissimum Simonem Magum, deinde redierunt Hierosolymam. Philippus vero digressus & ipse Samaria, Gazam descendens, reuocatur ab angelo ad principem Candaces reginæ Aethiopum conuertendum. Quod cum feliciter perfecisset, Asetum deuenit, perq; maritimas vrbes Christum prædicaui, donec attingeret Cæsaream prius appellatam Turris Stratonis. Dubium autem est quoto anno venerit Cæsaream Philippus Euangelista. Certe si eodem tempore, quo Petrus Cæsaream deuenit, vocatus ad Cornelium, Cæsareæ fuit Philippus, nihil mirum cur Cornelius Deo iubente Philippum non vocarit, cum iam ante Philippo in Samaria docente, nihilominus submissi ab Ecclesia descenderint docturi etiam Petrus & Ioannes. Si vero eo tempore quo Petrus ad Cornelium venit, Philippus Cæsareæ nondum erat, minus mirandum est quare ad Philippum doctorem non fuerit relegatus Cornelius. Certè Cæsareæ inuentus est Philippus tum, cum vltima professione S. Paulus ascenderet Hierosolymam, sicuti Lucas testatur in cap. 21. Actor. Apostolicorum. Idem fusius exponit in cap. 8. quæ paucis modo perstrinximus de Conuersa Samaria & de maritimis vrbibus Euangelio illustratis. Porro de Syria & vicinis circum Syriam regionibus ad eadem conuersis opera dispersonum per persecutionis procellam fideliū, ita testatur Lucas in Actis cap. 11. Et illi quidem qui dispersi fuerant ex afflictione, quæ orta fuerat ob Stephanum, perambulauerunt vsque ad Phœnicem & Cyprum & Antiochiam, nemini loquentes sermonem Dei, nisi solis Iudæis. Cœperunt ergo ista omnia fieri mox à morte Stephani, sed perfecta videntur intra tres vel quatuor proxime Stephani mortem insequentes annos.

C A P V T III.

De Conuersione S. Pauli eiusq; peregrinatione ad Arabes, quomodo redierit Hierosolymam, inde profectus sit in Ciliciam, vnde à Barnaba reuocatus, peruenit Antiochiam: quid interea fecerit Petrus, & quomodo Gentes receperint fidem.

Pauli conuer-
sio.



N persecutione eâ cuius modo meminimus, præ alijs se gessit impigre & strenue Saulus qui idem appellatur Paulus. Fuit is eo tempore Luca in 7. cap. Actorum docente admodum iuuenis. Patria ei Tarsus clarissima Ciliciæ vrbs. Vfus est præceptore & magistro famigeratissimo virò Gamaliele, apud quem Hierosolymis haud dubie in synagoga Cilicum, educatus est. Hic inquam Saulus magno, sed peruerso Iudaicæ religionis zelo, succensus, Christianæ religionis cultores implacabiliter & plus quam ferociter persequabatur. Nam Damascum vsque, ad exteras etiam gentes, insatiabili sanguinis hauriendi cupiditate, excurrit. Cum vero ea in professione esset ac Damascenæ vrbi appropinquasset, cœlitus, diuina potentia, solo illisus, per Dominum nostrum Iesum Christum, sensit quàm sit difficile contra stimulum recalcitrare. Deductus est inde per manus comitum ac ministrorum in ipsam urbem: vbi mox à clarissimo viro Anania baptisatus, & de voluntate Domini Christi, ad quid ipsum vocasset, diligentissime edoctus est. Triduo vero exacto & cum iam nonnihil viribus suis esset restitutus, progressus in publicum, in publica synagoga Damisci, disputare cœpit de Euangelio, imò demonstraui euidentissime Iesum, quem hæctenus fuerat persequutus, esse Christum, verum inquam Messiam pontificem & regem summum. Id quidem factum omnes nostræ religionis scriptores consentunt proximo anno ab ipsa Domini nostri passione, qui erat natiuitatis eius XXXIII. Tiberij Cæsaris XIX. Authores si quis vel aliquos & receptos quidem requirat, habet Eusebium Cæsariens. S. Hieronym. & Paulum Orosium. Sed & ipsa series atq; connexio annorum in tabula propositorum id ipsum confirmat.

Quando con-
uersus Paulus.

Ex vrbe

Ex vrbe Damascena non redijt protinus Hierosolymam ad eos qui ante ipsum fuerant Apostolos, sed abiit in Arabiam, & ex hac redijt Damascum. At Aretas Arabum rex custodia circum portarum collocata, Paulū capere, & propter res in regno suo nouatas in ipsum animaduertere cogitauit. Quod cum fratres intellexissent, per spoliā ē mēis demissam Paulum in tatem statuerunt: ipse vero Hierosolymam reuersus dicitur. Hæc enim huc transtulimus partim ex 9. cap. Actuum Apostolorum, partim ex ipsis Pauli verbis Gal. 1. & 2. Cor. 12. Hierosolymis tentabat se discipulis coniungere: sed nemo illi fidebat propter exercitiam non ita pridem scuitiam in fide les. Barnabas ergo, qui rectius noscebat Paulum, manu præhensum deduxit ad Apostolos, exponens his quomodo vidisset in itinere Dominum & quod synceriter Damasci docuisset Euangelium. Porro Apostolorum alij non erant Hierosolymis eo tempore nisi Iacobus frater Domini & Petrus: apud quem mansit per dies XV. Hæc ipse de se Paulus scribit ad Gal. 1. cap. Meminit horum item Lucas in Actis cap. 9.

Paulus in Arabiam.

Paulus redit Hierosolymam.

Disputauit Paulus Hierosolymis sedulo & diligenter contra Hellinistas, qui cum argumentis sua non possent tueri, cæde compensare voluere infertiam. Orante ergo Paulo in templo, audit sibi acclamantē Dominum, Festinato exi vrbe: non recipient illi tuum testimonium: quocirca procul ad Gentes te mittā. Ideoq; fratres deductum Cæsaream vsq; dimiserunt ipsum in patriā Tarsum Ciliciæ. Et hac quidem occasione & hoc modo peruenit Paulus in partes Ciliciæ & Syriæ: vti ipse rursus exponit ad Gal. cap. 1. id ipsum & Luca testante in Actis cap. 9.

Ex vrbe Hierosolymorum mittitur Paulus ad Gentes.

Isaie 2.

Interea vero dum in istis regionibus prædicaret Christum Paulus, Petrus peragravit vicinas Iudææ vrbes, & maritimas maxime. Nā & Lyddam peruenit: vbi Æneum paralyticum restituit. Ioppem quoq; vocatus à discipulis, Tabitham ex mortuis excitauit. Ex Ioppe vocabatur, Cæsaream ad Cornelium centurionem. Visum ergo Ioppe vidit, quod multis describit Lucas in Actis cap. 10. Eo viso erudiebatur gratiam Dei etiam ad Gentes pertinere, & ideo hanc per Euangelium prædicandam esse Gentibus. Abiit ergo ad Cornelium, prædicat ei Christum. Simul autem Dominus testimonium cœlitus confert Gentibus, de missio Spiritu sancto, quod & ipsorum sit regnum Dei. Vnde mox baptisantur à S. Petro.

Peregrinatio & prædicatio Petri.

Petrus vero non ita post multos dies ascendit rursus Hierosolymam ad fratres. Hi protinus magno stomacho expostulantes cum ipso, indignantur quod dona Dei communicasset incircuncisis. At Petrus his iusta apologia satisfacit per omnia, demonstrans se auctore Deo, & ex causis iustissimis adisse Gentes, & prædicasse ipsis Dei gratiam. Fufius exponuntur hæc à S. Luca in Actis cap. 9. 10. & 11.

Vocatio Gentium.

Porro viri quidam insignes Cyprij & Cyrenens. rabie persecutionis dispersi, vna cum alijs sanctis Syria peragrata perueniunt Antiochiam, atq; in hac libere prædicant Christum Gentibus. Et Gentes quidem alacri mente & fide sincera receperunt Christum. Hoc cum peruenisset ad aures Ecclesiæ Hierosolymitanæ, misit ea Barnabam confortatum fideles in cœpta & recepta religione. Id quod Barnabas Antiochiam veniens diligentissime exequabatur, omnes promiscue adhortans firmiter adherere Domino. Videbat interim ad conseruandam Ecclesiam Antiochenam maxime opus esse doctōribus fidei, pijs & doctis. Profectus ergo in Ciliciam Paulum apud Tarsenses quæsiuit, inuentumq; secū perduxit Antiochiam. Eo tempore qui hætenus appellati fuerant discipuli, quasi quis dicat auditores & discipulos, Antiochiæ primum nuncupati sunt CHRISTIANI, nimirum à Christo Domino cui credunt & adherent, & propter vocationem Spiritus sancti quo imbuuntur fideles. Et hæserunt quidem duo hi viri & sanctissimi & doctissimi Antiochiæ per annum integrum ædificantes & confirmantes in vera fide Ecclesiam.

Antiochia conuersa ad fidem Christi.

Paulus à Barnaba deducitur Antiochiam.

Eodem tempore descendit ex vrbe Hierosolymorum Antiochiā clarus ille propheta Agabus, qui per Spiritum sanctū prædicebat grauissimam famem per totum orbem terræ scuituram. Id quod simul cū omnibus hucusq; de Antiochena Ecclesia proditis, tradidit S. Lucas in cap. Actuum Apostolorum 11. Ibidem scribit & subsidium missum esse ab Antiochia, Ecclesiæ Hierosolymitanæ, idq; per ministerium Pauli ac Barnabæ. Quamquam enim famis eo tempore quo prædicebatur futura non cū affligeret homines, tamen adeo non ambigebat de veritate prophetiæ fideles, vt iam ante famem submisso subsidio esurituros veluti præmunirent. Nam profectos Hierosolymam Apostolos ante profectiōem in Cyprum & Pamphiliam, inde colligi potest, quod in reditu ad Antiochenā Ecclesiam, secum duxerunt Ioannem Marcū ciuem Hierosolymitanum. Is enim cum peruenisset Apostoli in Pamphiliā defecit ab eis, & reuersus est Hierosolym. Alioquin constat ex historijs famem illam III. demum Claudij anno, ita vt prædictum erat, scuitisse.

Fames prædicta per Agabam.

Eodem hoc anno, quo Paulus à Barnaba Tarso Antiochiam deductus est, videtur Petrus à Paulo obiurgatus, ita, vt ipse hisce verbis in 2. cap. epistolæ ad Galat. testatur. Cum autē venisset

SERIES TEMP. ET RER.

Petrus à Pau- lo obiurgatus Antiochie. Petrus Antiochiam, palàm illi restitit, eò quòd reprehensibilis esset. Nam antequam venissent quidam à Iacobo, vnà cum Gentibus sumebat cibum, cum autem venissent, subduxit & separauit se ab illis, metuens eos qui erant ex circumcisione: ac simulabant vnà cum illo ceteri quoque Iudæi, adeò, vt Barnabas simul abduceretur in illorum simulationem. Et reliqua.

Euangeliū secundū Matth. editum. Eusebius Cæsariensis, tradit in Chronicis suis III. Caij Cæs. anno S. Mattheū Apostolum & Euangelistam & scripsisse & edidisse historiam illam suam Euangelicam. Quod si verum est: primo loco erit collocandus inter scriptores Noui Testamenti Matthæus. Eratis annus à natiuitate Domini XLI. à passione VIII.

C A P V T IIII.

De professione Pauli secunda, qua comite Barnaba Cyprum, Pamphiliā, Pisidiam & Lycaoniam conuertit ad Christum.

Paulus ab Antiochia mittitur Apostolus ad Gentes. Cyprus conuertitur.



AE T E R V M cum Antiochena Ecclesia abunde satis instructa esset prophetis & doctoribus excellentissimis, præcipit Spiritus sanctus Ecclesie Antiochenæ vt Paulum & Barnabam Apostolos nobilissimos ableget procul ad Gentes, prædicatum his Euangelium. Id quod facit religiosissimè. Apostoli quoque alacriter obtemperantes vocationi diuinæ Seleuciam petunt. A Seleucia vero soluunt in Cyprum, Christumque Dominum vniuersæ prædicant insulæ. Nam à Salamina Paphum vsque perueniunt: vbi clariss. virū Sergium Paulum totius Cypri Proconsulem, à Romanis missum conuertunt, & impostorem versutissimum Bariehu insula pellentes cæcitate percipiunt. S. Hieronymus existimat Paulum appellatum prius Saulum, Pauli vero cognomen ceu trophæum vsurpasse à Sergio Paulo Proconsule quem Christo lucrificet.

Pamphiliæ & Pisidiæ prædicatur Christus. Doctrina Pauli omnis vnius generis.

A Papho deportantur Apostoli nauigio Pergen, quæ primaria est Pamphiliæ vrbs. Peragunt autem illam regionem Euangelij prædicatione complentes omnia, demum vero Antiochiam Pisidiæ perueniunt. In hac diligentissime prædicant Christum. Nec vspiam legitur S. Lucas maiore diligentia vllum Pauli sermonem descripsisse quàm illum ipsum quem habuit ad Antiochenos. Compendium id esse videtur doctrinæ Pauli. Semel enim plenè consignata Apostoli doctrina, quæ vno in loco vsus est, habemus quid vbiq; locorum docuerit. Præsertim cum constet Paulum idem doctrinæ genus tradidisse vbiq; & publice & priuatim. Habemus certè Pauli epistolas 14. scriptas: sed omnes illæ vnius & eiudem sunt generis & argumenti. Verum optimum verbi Dei semen decidit in aruum planè sterilem. Quanquam enim bona pars ciuium reciperet Christum, maior tamen insurgens contra Apostolos Antiochia expulit, idque instinctu & opera religiosarum quarundam aut superstiosarum potius mulierum.

Lycaoniibus prædicatur Christus. Iconium.

Antiochia eiectione transeunt in Lycaoniam nobilissimam regionem, ac initio præclarissimam ingrediuntur urbem Iconium, ex imagine sic dictum, quod Prometheus & Minerva iussu Iouis hic finisse dicebantur, idque iuxta fabulas, post diluuium Deucalionis, ventoque inde inspirante animatum. Vrbs ergo hæc præ alijs immersa hærebat luto idolomanie. In ea tamen docuerunt Apostoli multò cum fructu populum, adeo vt Græcorum, id est Ethnicorum & Iudæorum ingens turba adhereret Domino. Et multo quidem tempore demorati sunt ibidem: tandem vero per tumultum & ex Iconio pulsi sunt. Confugierunt ergo ad ciuitates alias Lycaoniæ, Lystram & Derben, finitimamque vndique regionem fulgore euangelij illustrarunt. Lystris restituit inuocatione nominis Christi Paulus claudum ab utero matris suæ: offerentesque eam ob rem honores diuinos repressit constantissimè, demonstrans omnem gloriam & cultum omnem soli Deo debere. Quod si diligenter hodie obseruaretur à quibusdam plus satis rixosis, non tanta pertinacia cõtenderent de cultu & inuocatione Diuorum. Mox inuersa fortuna Lystrani eum quem modo ceu Deum colere voluerant, nunc tanquam pestem patriæ perniciosissimam lapidat. Restituitur tamen diuina potentia vitæ Apostolus, & confugit vnà cum Barnaba Derben. Inde regrediuntur, & peragunt rursus Lystram, Iconium & Antiochiam, creant & imponunt singulis Ecclesijs episcopos, qui regnum Dei non tantum conseruent contra demonis artes & vim, sed latius etiam propagent. Nam qui volunt ecclesiam & conseruatam & propagatam latius, in deligendis, sancte educandis, & legitime ordinandis Ecclesie ministris idoneis & sanctis præcipuam curam habere oportet.

Lystra. Derba.

Lapidatur Paulus.

Perga, Attalia

Pisidia perlustrata descendunt in Phamphiliam, cuius vrbes clarissimam Pergen & Attaliam, & hanc quidem maritimam celeberrimamque, Christo Domino per prædicationem Euangelij conse-

consecrant, consecrataſque confirmant. Poſtremo rurfum nauigio tranſferant in Syriam, rede- *Antiochiam re-*
untque Antiochiam, multis Eccleſiæ, à qua ſpiritu ſancto dictante ablegati fuerant, exponentes, *dit Apoſtolus.*
non quæ ipſe feciſſent, ſed quæ Deus feciſſet per miniſterium ipſorum. Ita enim hic & vbique
ſumma diligentia curant, ne quid ſibi, omnem autem gloriam ſoli Deo tribuant. Id quod ma-
gna cum gratulatione & gratiarum actione ab Eccleſia auditum eſt. Videtur autem hæc peregrini-
natio duorum Apoſtolorum perfectæ eſſe, vt minimum, intra quadrienniū aut quinquennium.
Porro teſtatur Lucas abſoluta perfectione hac multum temporis Apoſtolos Antiochiæ demo-
ratos cum fidelibus, certe non minus quàm biennium.

Hæc autem quæ hucusque geſtorum Pauli, ſic vt apparet, & hætenus conſignatum eſt, in an- *Demonſtratio*
nos diſtinximus, & partiti ſumus, his de cauſis ſic digeſimus. Principio, quod ipſe rerum con- *ſupputationis.*
textus in Actis Apoſtolorum à capite 9. ad. 15. vſque cap. huiusmodi ſeriem quaſi ſagitat. Deinde
quod ipſe Paulus annos peregrinationis ſuæ functioni Euangelicæ ante Synodū illam celebrem
Hierofolymitanam inſumptæ ſupputans, numerat annos X I I I. In quibus tres illos, quos Ara-
biæ paragranda impendit, comprehendere oportet. Id quod ſeries rerū temporumque conſigna-
ta in Tabula palam euincit. Alioqui enim ſi ſeparatim ſupputes annos illos III. (ſicuti & ego alia
quando cum alijs perperam ſupputauimus) colliges in vniuerſum annos XVIII. At ea ratione non ſu-
pererunt à Synodo Hierofolymytana anni integri IIII. ad vincula vſque Pauli in quæ fuit inſectus
Hierofolymis. Neque cuiquam verifiſimile videatur intra hoc tempus anguſtiſſimum ea potuiſſe
ab Apoſtolo perfici, quæ tamen Lucas intra Synodum Hierofolymitanam & vincula Pauli perfe-
cta eſſe teſtatur: ſemel & iterum aſignato annorum numero, qui nullatenus permittit ſeparari
trium annorum ſupputationem.

Proinde totam hiftoriam Pauli à conuerſione eius ad XV. vſque annum prædicationis ſuæ ita *Distributio an-*
in annos diſtribuiſimus. Tres annos tribuimus perfectioni eius à Damasco in Arabiam reuerſio- *norum XIII.*
niq; in urbem Damascenam. Poſt III. annos redijt Hierofolymam, & manſit apud S. Petrum dies
XV. Inde digreſſus peruenit in Ciliciam & partes Syriæ, in quibus exegit annos tres. Reuocatus
à Barnaba Antiochiam manet in ea Eccleſia per annum, vt ait Lucas, integrum. Deinde ablega-
ti ad gentes peregrinationem abſoluerunt intra annos V. Reſtant ergo anni duo quibus Antio-
chiæ prædicarunt Chriſtum. Eo modo colliguntur anni prædicationis Pauli X III.

C A P V T V.

*De Herode magno & ſucceſſoribus eius in regno Herodiano, de interitu item S. Ia-
cobi & vinculis S. Petri.*

NON pergam in rebus & temporibus S. Pauli perſeuerandis, niſi obiter & de S. Iacobi,
fratris Ioannis Euangeliftæ, interitu, deque vinculis S. Petri dicam. Cæterum ea res ex
acte intelligi non poterit, niſi prius Herodum regum hiftoria & ſucceſſio delineetur.
Et opere præteritum quidem videtur iſta, quod in ſcriptis Noui teſtamenti frequen-
tiſſima ipſorum habeatur mentio, in tranſcurſu attingere.

Herodes ille magnus Antipatris Idumæi extitit filius. Antipater pater eius toti Idumææ præ *Herodes man-*
feſtus fuerat ab Alexandro rege & pontifice Iudeorum. Qua ex re multas ſibi conquiſiuit opes *gnus.*
potentiamque non aſpernandam, adeo vt per hæc in amicitiam perueniret Romanorum: quorum
opera Herodes filius primum tetrarcha, deinde rex Iudææ designatus eſt, M. Antonio præſer-
tim adiuvante. Aduerſabatur tum temporis Herodi Antigonus: ſed hoc deuictus Iudæam & Ga-
lilæam prorsus in ſuam redegit poteſtatem. Multos ex diuerſis vxoribus liberos ſuſcepit, quo-
rum tres ipſe necauit, Alexandrum, Ariſtobulum & Antipatrem: reliquit rurfum tres, Herodem
cognomento Antipam, Archelaum & Philippum. De alijs eius liberis nulla mihi cura.

Mortuo patre oborta eſt inter filios lis & concertatio de regno: quam ob rem Cæſar tetrar- *Diuiſum ve-*
chias ſeu toparchias inſtituit. Ceſſit autem Archelao Iudæa, Idumæa & Samaria. Herodi Antipæ *gnus Herodis*
data eſt Galilæa. Philippus accepit Bathaneam, Trachonitidem & Auranitidem, &c. Ex his Ar- *in Tetrarchi-*
chelaus Iudæis & Samaritis talem ſe regem vel toparcham præſtitit, vt à Cæſare poſt annū præ *as.*
feſturæ aut toparchiæ nonum deportari iuberetur in exilium. Toparchia vero ordinante Cyre *Archelaus.*
nio, viro conſulari & legato Romano, aſſignata eſt Copinio primo Iudææ rectori & præfecto à
Romanis impoſito. De quo aliàs dicemus.

Herodes interim Antipa fruebatur ſua Galilæa, regnauitque in ea à diuiſo per Auguſtū regnō *Herodes Anti-*
annis circiter XXXVI. E regno autem hac occasione eiectus eſt. Herodis Antipæ frater à patre *Pa.*

S E R I E S T E M P . E T R E R .

Agrippa Herodes.

Agrippa regis interitus.

Agrippa iunior.

occisus Alexander (alij Aristobulum pro Alexandro reponunt) reliquerat filium Agrippam. Is cum Romæ in Cæsaris familia aleretur, grauatus Tiberij Cæsaris odio, quod Caio videretur immodice fauere, in vincula coniectus est. Igitur mortuo Tiberio, & Caio Cæs. in imperium euecto, eruitur ex carcere Agrippa. Imponit item Agrippæ diadema regium Caius, & donat ipsi tetrarchias Philippi & Lyfaniæ nuper defunctorum. Quod cum intellexisset Herodes Antipa, festinat & ipse Romam à Caio regnum & nouum & auctius postulaturus. Id adeo non impetrat, vt & ipse sicuti frater Archelaus in exilium eiectus, Agrippam in tetrarchia Galilææ haberet successorum. Eidem Agrippæ, defuncto Caio Cæs. Iudæam & Samariam donat Claudius Cæs. ita vt vniuersum ferè aui sui Herodis magni regnum obtineret liberalitate principum Romanorum. Verum non fuit regnum eius diuturnum propter tyrannidem & crudelitatem. Hic enim Agrippa illè ipse Herodes est, cuius Lucas in Actis 12. cap. meminit: Agrippa videlicet appellatus nomine, cognomine Herodes. Herodis enim vocabulum regulis ex Herodis prosapia descendens, attribui cœpit, sicuti Cæsaris & Augusti datum est omnibus Iulium Cæsarem & Octauium Augustum insequentibus Romanis principibus. Hic Herodes circa finem regni sui, cum non ita post multos dies Cæsaream Hierosolyma descendens, superbe concionaretur & percuteretur ab angelo Domini, Iacobum Apostolum gladio truncari præcepit, & Petrum Apostolum in vincula coniecit, vt eundem peractis paschæ ferijs feriret gladio. Verum liberatus est à Deo opera angeli ex cruentis tyranni manibus Petrus, & interijt condigna factis suis morte crudelis tyrannus.

Hinc clarum est toto cælo ab alijs errari, quibus visum est S. Iacobum XXI. Tiberij Cæsaris anno gladio Herodis percussum occubuisse. Hierosolymis enim cæsus est Iacobus. At Galilææ præerat Herodes Antipa. Iudæam eo tempore regebat Pontius Pilatus. Eodem tempore Herodes Agrippa Romæ vivebat priuatus, imò paulo ante mortem Tiberij ab ipso conijciebatur in vincula: deinde demum emergebat in regnum sub Caio.

Porro Herodes ille Agrippa interijt Cæsareæ anno ætatis suæ LIII. & regni quidem Iudaici III. à Galilæa indepta & patruo suo Antipa relegato in exilium IIII. & ab acceptis tetrarchijs Philippi & Lyfaniæ V II. Reliquit filias tres Bernicem, Mariam & Drusillam, ac filium & ipsum Agrippam vocatum. Quo tamen aliquod esset inter Agrippas illos discrimen, pater appellatur Agrippa Priscus, filius Agrippa iunior. Hic X. Claudij Cæsaris anno in parte regni patrij, permissione & liberalitate Claudij regnare cœpit: adiecit Nero Galilæam regno Agrippæ, regnavitque vsque ad bellum quod Galilææ à Vespasiano illatum est, annos circiter XX. Hic idem ille rex Agrippa est apud quem S. Paulus causam suam agit & grauissime perorat stans in catenis Cæsareæ præsidente Romanorum Portio Festo præside: sicuti copiose narratur à Luca in Actis cap. 26. His ad hunc modum obiter consignatis, redimus iam ad intermissam sancti Pauli peregrinationem continuandam.

C A P V T V I .

*De professione Pauli tertia, qua per Phœniciam & Samariam ascendit Hierosolymam in Synodum. Inde redijt Antiochiam: perambulauit Syriam Ciliciam & Lycaoni-
am: præterea conuertit Galatiam Phrygiam & Mysiam.*

Paulus proficiscitur Hierosolymam in Synodum.



ANNO Conuersionis Pauli XV. ascendit Paulus vnà cum Barnaba & Tito per Phœniciam & Samariam, apud quos interim & obiter prædicarunt Euangelium, Hierosolymam. Professionis huius hæc erat causa. Cum apostolus Antiochiæ multis diebus demoraretur ac pro fide & diligentia sua acriter & sedulo inculcaret per gratiam Domini nostri Iesu Christi in fide iustificari credentes: non per legem, non per opera aut merita hominum vlla: reperti sunt Antiochiæ, qui à pharisaismo Iudaismoq; ad fidem Christi conuersi, & à Beato Hieronymo Nazarei appellantur vel Minæi, fatebantur & ipsi Iesum esse Messiam Dei & hominis filium, saluatorem mundi, passum, resuscitatum, sublatumque in cælos, sedere ad dextram patris. Ea omnia cum Paulo habebant communia. Verum contendebant interim Christum aut gratiam Christi fide à nobis receptam non sufficere ad plenam iustificationem. Asserebant itaque fideles in Christum non posse iustificari fide sola per gratiam Christi, nisi simul circunciderentur & seruarent legem, obseruationeq; præceptorum pararent sibi plenam iustitiam.

Dissidium Apostoli cum Nazareis.

Contra horum assertionem modis omnibus prædicabat & defendebat cum Barnaba Paulus sola

lus sola Christi gratia per fidem plene iustificari credentes, adeoq; legem aut circumcisione non iustificare. Habebant vtrāq; partes, vt sit, suos asseclas & fautores. Et Pauli quidem doctrina premebatur suspitione leuitatis ac petulantia, quasi doctrina sua licentiam & ansam peccandi hominibus carnalibus pæbere videretur. Cōtra Pharisei sententia apud hypocritas plus habebat auctoritatis & gratia, quod videretur iustitiam & sanctimoniam & tradere & tueri. Præterea qui legis obseruationem negabant, gloriabantur se in sua sententia habere Apostolos Domini, adeoq; & Ecclesiam Hierosolymitanam. Criminabantur Paulum nō esse Apostolum, neq; doctrinam eius per omnia cum Apostolorum doctrina congruere.

Hæc de causa maxime, iubente etiam, vt in Galatis ipse Paulus testatur, Spiritu sancto, Hierosolymam ascendunt vtrarumq; partium coryphei dogmata illa sua explicaturi in Hierosolymitana Ecclesia coram Apostolis & senioribus, vt vel sic colliqueret vtra partium haberet consentientem Hierosolymitanam Ecclesiam & Apostolos.

Ergo vbi peruentum esset in urbem & in ipsam coronam presbyterorum, inque conspectum totius Ecclesiæ, explicant suas sententias vtrinque, & disputatione feruentissima quæque partium pro sua sententia dicit. Tandem beatus Petrus interposita sua sententia Paulinam pulcherrimis euidentissimisque argumentis approbat, exornat atq; confirmat, aduersariorum reijcit, confutat, auctoresque ipsos obiurgat. Producit in primis ipsius Dei factum, & modum exponit quomodo Deus iustificarit peccatores. Cornelius Centurio peccator fuit. Hunc iustificauit Deus. Iustificandi modus hic erat, iussit me (inquit Petrus) prædicare Cornelio Euangelium. Prædicaui. Credididit. Protinus ergo testimonium cœlitus, dimisso Spiritu sancto specie visibili, perhibuit quod Cornelius fide in Christum purgatus sit. Super impium enim non requiescit spiritus Domini. Et qui nouit corda hominum spiritum demisit, vt non sit dubium, quin plene purgatus & iustificatus sit. Et hæc tamē omnia sine circumcisione & adminiculo legis perfecta sunt, neq; iussus est Cornelius se circumcisioni & legalibus subijcere: vnde consequens est fide homines absq; lege plene iustificari. Proponit deinde modum & rationem qua non Apostoli modo sed omnes sancti patres iustificati sunt. Tantum, inquit Petrus, abest vt lege iustificemur, vt neq; nos neq; patres nostri ferendo fuerimus. Vnde ergo & quō modo iustificati sunt? Per gratiam Domini Iesu Christi credimus nos saluos futuros quemadmodum & illi. Gratia ergo iustificatur omnes credentes, non per legem. Interea aduersarios Pauli obiurgans & his magnam iniquitatem impingens ait, Quid tentatis Deum vt imponatur iugum super ceruices discipulorum? Nam nō leue scelus est tentare & prouocare Dominum: item colla libera feruili iugo implicare. Hæc de sententia Petri hætenus.

Hoc tacente narrant Paulus & Barnabas ingentia miracula, quæ Deus passim inter Gentes circumcisos per ipsos fecisset: vt vel ex Dei operibus & beneficijs præstitis Gentilibus, fide non lege purgatis, colligerent sancti quod fides seu gratia Christi sine lege absolute sanctificat.

Iacobus quoque Alphei, Apostolus Christi, cuius illa est epistola quæ inter Catholicas prima ponitur. Petri verba approbans, locum scripturæ proferit ex Amos propheta de salute Gentilium. Dicit propheta Iudeos propter peccata excindendos esse, in locum autem ipsorum Gentes surrogandas. Nam Tabernaculum Dauidis est Ecclesia Christiana. Neque alium modum receptionis in Ecclesiam & in locum reiecti populi Iudaici commemorat, quā fidem. Fide enim requirimus Deum. Censet itaque & Iacobus, doctrina euius prophetica, iugum ceruicibus fidelium non esse obturbandum. Porro ne conuersæ Gentes abuterentur sua libertate contra Iudeos & contra disciplinam, suadet Iacobus pauca quædam singulariter Gentibus conuersis iniungenda esse, quo & charitas constaret & ex libertate non fieret licentia. Charitas iubebat abstinere ad tempus à suffocato & sanguine: disciplina etiam Christiana dictabat abstinendum esse ab idolothytis & à scortatione: de quibus apud Gentes leuius & clementius iudicabatur, quā decebat.

Iam etiam his omnibus accedunt primum quidē Consensus totius Ecclesiæ. Deinde Legatio, quæ mittenda decernitur, & ea quidem singularis. Deliguntur viri præstantissimi primi q; in Ecclesia nominis, Iudas & Silas, quibus coniunguntur Paulus & Barnabas, vt vel hinc cōstaret hos solida potitos victoria, iam veluti triumphare, imò veritatem per ipsos propositam, ab aduersarijs autem impetitam, triumphare. Postremo scribuntur & tabulæ publicæ ad æternam rei memoriam, omnibus temporibus & sæculis in omnibus Ecclesijs retinendam.

Comprehendunt autem Tabulæ publicæ seu Synodalis epistola tria potissimum. Principio enim perstringuntur aduersarijs Pauli & confutantur imò redarguuntur mendacij. Dixerant enim se descendisse ab Apostolis prædicatum Gentibus, quod has oporteat & circuncidi & ser-

Sola Christi gratia per fidem iustificari credentes.

Occasio plerumq; epistolarum Pauli.

S. Petrus probat & confirmat doctrinam S. Pauli.

Modus iustificandi quo Deus iustificat.

Modus quo propheta & Apostoli omnes iustificati sunt.

Miracula probant fidem iustificare.

Iacobus in negotio iustificationis consensit Petro & Paulo.

Consensus totius Ecclesiæ & Legatio.

Publicū instrumentum, et Synodalis epistola scribitur.

SERIES TEMP. ET RER.

uare legem, siquidem vere iustificari velint. At Apostoli & Hierosolymorum Ecclesia fatetur illos quid em egressos Hierosolyma, sed illud non accepisse in mandatis quod inculcabant Ecclesijs. Vbi simul ostendunt qualis sit eorum doctrina, perniciofa. Turbat enim, inquit Apostoli, inuoluit & labefactat imò subuertit animas fidelium. Deinde ornat Synodalis epistola delectos Legatos, præsertim vero Paulum & Barnabam, vt inde omnes intelligerent omnibus Apostolis & presbyteris Hierosolymitanis optime in omnibus conuenire cum Paulo. Sicut & ipse Paulus ad Galatas testatur, quod dextras socias coniunxerint. Postremo decreti Synodalis compendium & summam commemorant. Nolunt post prædicationem Euangelij quam oneris imponere Ecclesijs fidelium, nisi vt sibi caueant ab idolothytis, à scortatione, à suffocato & sanguine.

*Robur septem-
plices testimo-
nij.*

Proponitur in hac Synodali sacrosancta Actione aut sessione robur septemplicis testimonij pro fide in nostra Christiana orthodoxa & Catholica, (Gratia videlicet Christi per fidem iustificari credentes, non per legem aut vlla vel opera vel sacramenta) asserenda & confirmanda: nempe & in primis quidem ipsius æterni Dei factum quo iustificauit Cornelium. Deinde exemplum & iustificatio omnium sanctorum patrum, etiam Apostolorum Christi. Hinc miraculorum virtus. Inde scripturarum testimonium. Rursus omnium sanctorum & totius Consilij consensus. Præterea Legatio clarissima: non à latere Pont. Romani, sed ex Vniuersali Consilio Apostolorum, & ex visceribus verissimæ & sanctiss. Ecclesiæ Iesu Christi. Postremo Tabulæ vellent. Synodales. Si quis plura aut alia præter hæc requirit, cum ratione insanit, imò contra rationem petulanter & impie agit. Exposuimus hæc Acta Synodi paulò copiosius non sine utilitate, opinor, lectorum, neque contra consilium & institutum huius operis, in quo Pauli temporis & res perstringimus & disponimus. At inter res Pauli gestas hac vna nulla est illustrior, & quam editis literis copiosius, diligentius, firmitus & sedulo magis tractarit atque repetens inculcauerit nedum hominibus priuatis, sed publice omnibus per orbem Ecclesijs, quam gratia Christi per fidem iustificari credentes absque lege, &c. Ergo si hodie aut vllò alio tempore in Consilium coeat etiam vniuersus mundus, & diuersum ab hac definitione determet, vtique iuxta Pauli regulam anathema dicitur à nobis & omnibus vere Christianis Galat. 1. cap. Finita controuersia & Synodo, reuertitur Paulus comitantibus se Barnaba Iuda & Sila clarissimis & pijsimis viris Antiochiam. Exponunt autem Ecclesiæ omnia quæ facta fuerant in Synodo Hierosolymitana: proponunt etiam epistolam Synodalem, & confirmant animos fidelium in veritate fidei Euangelicæ.

*Apostoli rede-
unt Antiochia.*

*Pauli & Bar-
nabæ disidium*

*Repetit Paulus
Ciliciam, Ly-
caoniam, &c.
Timotheum.*

*Conuertitur
Galatia, Phry-
gia, Mysia.*

*Supputatio
temporum.*

Porro post dies aliquot communicat Paulus Barnabæ suum consilium de reuiscendis Ecclesijs superiore adeoq; secunda professione constitutis. Ac consensisset planè Barnabas, ni humanum aliquid passi Apostoli sanctissimi propter Ioannem Marcum, qui ab eis in Pamphilia defecerat, & Hierosolymam redierat, in grauissimam contentionem incidissent. Ex ea enim diuulsi, Barnabas quidem Ioan. Marcum sibi iunxit, & in Cyprum nauigauit, Paulus vero allecto Sila, animi & propositi sui consilium exequens, profectus est per Syriam in Ciliciam, ex ea transijt in Lycaoniam. In ea coniunxit sibi ex vrbe Lystra Timotheum singularem & celebrem Euangelij Christi præconem, ad quem duas scripsit epistolas, quem & genuinum appellat filium, utpote cum alibi scribat neminem se habere qui res Ecclesiæ fidelius procuret, quam hunc ipsum Timotheum. Quo autem maior & vberior esset huius discipuli apud & inter Iudæos vsus, circumcidit ipsum, quod omnes nossent patre gentili esse genitum.

At postquam omnes illarum regionum Ecclesias confirmassent satis, transferunt in Phrygiam, inde in Galatiam, postremo etiam in Mysiam, quas regiones omnes fulgore Euangelij illustrarunt, & ex tyrannide satanæ pertraxerunt in regnum Christi. Considerunt tandem Troade.

Ista vero omnia videntur intra biennium esse absoluta, hoc est anno conuersionis Pauli XV. & XVI. protinus à Synodo Hierosolymitana supputatis. Nec vero dissimile est intra breue hoc tempus potuisse Phrygiam, Galatiam, & Mysiam conuerti. Vicinæ enim gentes Lycaones & Liciæ nonnullæ, iam olim fuerant conuersæ ad Christum, sparserantq; haud dubie & famam & prædicationem Euangelij Christi in vicinas gentes quam fidelissime remotissimeq; vt iam minore opera ad Christum adduci potuerint quam Barbaræ & rudes Christi prorsus regiones, quales fuerant Pisidia, Pamphilia, & Lycaonia præcipue, apud quas testatur Apostolus 2. Timoth. 3. multum se laborasse, multaq; perpersum fuisse.

Et quæ hætenus per hoc caput tractauimus, ex beato Luca mutuauimus, qui in 15. & 16. capite hæc ad huncmodum tradit. Idem ibidem author est Paulum ab Asia & Bythinia, quo minus his prædicaret regionibus, fuisse abstractum, nimirum quod Dominus statuisset tantum Apostolum mittere

mittere in Græciam, quæ hætenus præ omnibus regnis mundi rebus in mundo præstantissimis claruerat, ac etiamnum excellebat.

C A P V T VII.

De profectione Pauli in Macedoniam & Græciam, & de utraque eius ad Thessalonicenses epistola.

TROADE ergo visionem diuinitus obiectam habuit Paulus, quæ ipsum vocabatur in Macedoniam. Videt enim Macedonem occurrentem implorantemque auxilium, atque dicentem, Profectus in Macedoniam succurre nobis. Ea ex re certò intelligebat se vocari in Græciam ad prædicandum ipsis Christum, per quem solum hominibus obuenit vera salus, & salutare auxilium. Relicta ergo regione Troiana, & nauim ingressus nauigat per mare Ægeum, attingitque felicissimo curiu Neapolim, vnde migrat Philippus Macedoniarum urbem. In ea conflictatur cum satana, qui se semper optimis & salutaribus Dei consilijs obijcit, & qui modo per Pythonicam quandam puellam sese exerebat, ac Paulo blanditijs imponere satagebat: verum nihil effecit. Paulus enim eiecto satana, plures ad fidem Christi conuertit: inter quos primum locum tenet Lydia illa purpuraria, quæ in Macedoniam profecta ex Thyatirorum Asiæ oppido, mercaturam exercebat. Quanquam vero è Pythonica eiectus esset satanas, non quieuit tamen. Domini enim vaticinia videntes sibi perijsse quæstum longe vberissimum, idque Pauli opera, quasi in furorem versi, Paulum inuadunt ceu hominem peccatulentissimum, ac commotis turbis tantum efficiunt insanis clamoribus; ut Paulus vnà cum comite Sila, vterque, inquam, cederetur virgis, deinde concluderetur in carcerem publicum. Quæ res celsit optime custodi carceris. Ea enim occasione ad fidem Christi pertractus, & cum vniuersa domo sua numero insertus est filiorum Dei. Id quod Lucas fuscè & eleganter narrat Actorum cap. 16. Postmodum ex postulante Paulo cum magistratu de contumelia & iniuria accepta, non sine honore dimittitur.

Vocatur S. Paulus visione celesti in Græciam.

Philippi.

Peragrans ergo Amphipolim & Apolloniam, perueniunt Thessalonicam totius Macedoniæ metropolim. Hospitantur apud Ialonem. Introitus in hanc urbem, quemadmodum ipse in epistola ad Thessalonicenses testatur, fuit admodum periculis obnoxius; & ærumnosus, ideoque docte, diligenter & prudenter in synagoga diserebat de Christo Domino. Nec carebat fructu insigni fidelis Apostoli diligentia. Complures enim conuertebantur ad Christum. Quæ res impijs occasionem dedit tumultuandi. Sed fideles rebus Pauli & Silæ consulentes, eos mature emiserunt Berrhœam. Hic cum summa fide & diligentia ex scripturis prædicaret Christum; & auditores prædicatâ conferrent cum scripturis; inuenirentque Pauli prædicationem congruere per omnia cum scripturis sanctis, ac ideo multi fidem Christianam reciperent, ad sunt denuo hostes iurati veritatis Iudæi, ac turbas commouent. Paulus ergo opera fidelium ereptus ex seditione, à fratribus Athenas vsq; deducitur in Atticam vel Græciam. Manent interea apud Berrhœens. Silas & Timotheus.

Thessalonicæ.

Berrhœæ.

Fuerunt autem Athenæ celebres opinione sapientiæ. Erant Athenis omnis generis philosophorum sectæ vel hæreses, ac cum præcipuis disputabat Apostolus, nempe cum Stoicis & Epicureis. Dolebat pijsimo ardentissimoque pectori, urbem vsque adeo celebrem & sapientiæ opinionem famigeratam deditam esse simulachrorum cultui, rei stultissimæ & per omnia absurdissimæ. Nam quis nostrum æquo animo ferat se appellari idolum: at insania hominum dicit idolum specie referre Deum. Proh pudor! Pertractus in vicum Marcium, doctissime concionatur, ut vsquam vnquam. Orationem eius eruditissimam & selectissimam describit Lucas in Actis Apostolicis capite 17. vbi etiam reliqua quæ diximus de gestis Thessalonicæ & Berrhœæ fusius tradita legas.

Athenæ.

Nuspian autem minore cum fructu quàm Athenis docuit. Nec mirum, cum ibidem fuerit ceu lustrum & latibulum quoddam philosophorum, qui semper extitere præsentissima veritatis pestis. Sed & Paulus alicubi meminit ex Thessalonica & Corintho per omnem Macedoniam & Græciam propagatum esse Euangelium. Athenarum nuspian meminit, tametsi Atticæ seu Græciæ esset caput atque metropolis. Athenis operitur Silam & Timotheum, quos sine mora per eos ad se venire præcipit, qui ipsum Athenas deduxerant Berrhœenses, iam vero domum reuertebantur.

Nuspian Paulus minore cum fructu docuit quàm Athenæ.

Porro ex Athenarum vrbe, dum in ea Silas & Timotheum expectat, arbitrantur plerique

*Due ad Thess.
epistolæ.*

scriptam vtrunque Pauli ad Thessalonicenses epistolam. Quid si credamus scriptas è Corintho? Sunt enim coniecturæ quæ huius aliquid innuunt. Ipse enim Paulus testatur in 2. & 3. cap. prioris ad Thessalonicenses epistolæ se semel & iterum voluisse venire ad Thessalonicenses, sed obstasse satanam: cum autem ferre desiderium amplius non potuerit, Athenis se resedisse solum, ac Timotheum misisse Thessalonicam, vt confirmaret Ecclesiam. Apparet ergo Silam & Timotheum ita vti præceperat Apostolus, sine mora à Berrhœa soluisse, & Athenas peruenisse ad Paulum: licet id non exprimat in Actis Apostolorum. In his cap. 18. reditus Silæ & Timothei ex Macedonia mentio fit, hisce verbis, Cum venissent autem è Macedonia (Paulo apud Corinth. agent.) Silas & Timotheus, coartabatur spiritu Paulus, &c. At hic reditus posterior erat. Nam eius etiam meminit in 3. cap. prioris ad Thessal. dicens, Nuper autem cum venisset Timotheus ad nos à vobis, & annunciasset nobis fidem & dilectionem vestram, &c. Ideoq; apparet eam epistolam scriptam ex Corintho. Nec obstat quicquam quod Lucas meminit reditus & Silæ & Timothei, Paulus Timothei tantum. Cum enim vterq; venisset ad Paulum Athenas, videtur remisisse Silam Berrhœam, & Timotheum Thessalonicam, ipse quoque profectus Corinthum. Dum vero ex Thessalonica rediret Timotheus, ex itinere haud dubie secum adduxit Silam, ita vt vterque Corinthum perueniret ad Paulum. Nihil præscribo: volo vt quisque quo veritati maxime consentaneum videatur sequendum deligat. Certe Athenis Paulum conuenisse Timotheum indubitarum est. Siquidem hunc Thessalonicam misit ex Athenis. Certum est breue tempus esse quo Athenis hæsit Apostolus. Certum est Corinthi ad Paulum venisse denuo Timotheum. Iam vero & illud certum est, prima ad Thessal. epistolam scriptam esse post secundum Timothei ad Paulum reditum. Certe in capite epistolæ & Silæ meminit & Timothei. Delige iam quod maxime videatur veritati esse consentaneum.

*Que tractentur
potissimum
in duabus ad
Thess. epistolis*

Ex argumento autem posterioris epistolæ ad Thessalonicenses apparet, & ipsam non ita longo intervallo scriptam post priorem, atque ideo & ipsam à Corintho esse missam. Alij volunt ex Athenis scriptam. Vtunque vero id habeat, certum tamen est has epistolas inter Paulinas lucubrationes primum & ante omnes alias esse editas. Tradiderat Apostolus voce viuæ, & quantum erat satis mysterium fidei & Christi iustificantis, ideoque contentus erat id pauculis hisce verbis artingere. Alij de vobis narrant quomodo conuersi fueritis ad Deum à simulachris, vt seruiretis Deo viuenti & veraci, & expectaretis filium eius de cælis, quem excitauit à mortuis Iesum, qui liberat nos ab ira ventura. Proinde ad alia tractanda conuertitur, ad ea maxime quæ pertinebant ad confirmationem in fide semel recepta. Perficit in primis tribus cap. Tradit deinde inter alia salutaria illarum epistolarum dogmata doctrinam longe pulcherrimam, & in primis Græcis aut Ethnicis necessariam, de abstinentia & temperantia, deque casto & sobrio totius corporis omniumque membrorum usu, ne ipsa polluamus libidine, crapula, luxuria. Præcipit de iustitia vera contra omnem iniustitiam, contra imposturas & otium iners, ne hoc vel computrescamus, vel alijs onerosi simus, vel artibus veterarijs proximos circumscribamus. Clarissime differit de vera corporum ex mortuis resurrectione, de spe fidelium & vita æterna, denique de die & iudicio extremo, de præmio pijs, & pœna supplicioq; æterno impijs constituto. Exhibet præterea toti mundo Antichristum, & hunc quidem sic distinctum suis coloribus, vt hodie nemo nisi cæcus illum agnoscere possit. Is enim est qui ex iam dudum diuiso & dilapso Romano imperio ortus, iam nunc in sede illa confidens sese venditat pro rege, pastore, iudice & pontifice summo, pro capite totius Ecclesiæ, pro Christi in terris vicario, qui clauis potestatem ue teneat vitæ & mortis, cæli & inferorum, &c. Hunc vero reuelatum & confectum hodie in omnium penè fidelium cordibus propediem vincet dei jciat & abolebit ipse verus rex, pastor, iudex & pontifex noster vnicus Iesus Christus glorioso suo aduentu in iudicium. Cui soli sit honor & gloria. Porro doctrina hæc necessaria est, quam norint omnes, nesciant nulli, ideoque descripta primum ab Apostolo Paulo prima inter omnia alia sua argumenta, merebatur vt paulò copiosius de ea quoque commentaremur.

*Subputatio
temporū.*

Porro Macedoniam & Athenas videtur perlustrasse, fidei fundamenta passim per Ecclesias iecisse intra menses X. Tres menses reliquos, qui supersunt de anno Claudij VII. qui erat Conuersionis Pauli X V J I. tribuere oportet tempori quo Corinthijs prædicauit: quemadmodum ipse temporum & rerum contextus mox euincet.

C A P V T V I I I .

*Paulus venit Corinthum, prædicat Corinthijs Euangelium, deinde soluens Corin-
tho, Ephe-*

ibo, Ephesum desertur, inde transfretat in Syriam, deuenitq; Hierosolymam. Et de temporum supputatione.

DIGRESSVS Athenis Paulus Corinthum peruenit. Appellauit hanc Cicero lumen Græciæ. Opulentissima, & ideo luxui quoque prorsus addicta & immerita erat. In ea tamen vrbe testatur ipse Dominus per visionē Paulo apparens, quod populū habeat multū. Vbi in primis immensam Dei misericordiam inspicere & admirari licet. Diligentissimē docuit Corinthi Apostolus: & primum quidā prædicauit Iudæis in Synagoga Christum, quem demonstrabat verum & expectatum esse Messiam, vnicum mundi saluatorem. Conuictijs autem non rationibus & argumentis agentibus & pugnantibus contra Paulum Iudæis, vestibus suis in illos excussis, diuertit ad Gentes. Interea lucrificet Domino Crispum archisynagogum virum clarissimum: deinde conuertit ad fidem Christianam Corinthiorum ingentem multitudinem. Quare excitati inuidi Iudæi, apprehensum Paulum pertraxerunt ad tribunal Gallionis Romani apud Corinthios Proconsulis. Sed spe sua frustrati, coacti sunt videre Paulum & liberum quidem omnibus Euangelium prædicare & prædicandū quam laetissime regnum Christi propagare. Sosthenes archisynagogus Pauli accuator & Iudæorum corypheus, pugnis abunde satis coram tribunali Proconsulis contundeatur, ne verbo quidem minimo auctoritatem suam interponente Proconsule. Docuit autem Corinthi annum integrum & menses VI.

Corinthus.

Deinde circa Pascha, aut paulō post Pascha, soluit ē portu Cenchreenſi, ac comitante ipsum Aquila & Priscilla delatus est nauigatione prospera Ephesum, vbi fideles vt apud se maneret & prædicaret postularunt, sed non impetrarūt. Nam ibidem reliquit comites, ipse vero profectus, festum Pentecostes celebravit Hierosolymis.

Desertur Paulus Ephesum.

Reliquum est vt iam incamus supputationem anni & mensium sex, quibus Corinthi mansit Apostolus. Sume itaque ex Claudij Cæsaris anno octauo menses tres: deinde numerā integrum annum Claudij nonum, rursus autem sumito ex decimo Claudij anno menses tres, vt videlicet ferijs Paschæ profectus sit Paulus Ephesum: reliquas septimanas ad diem vsquē Pentecostes tribue nauigationi in Syriam vsq; iuvat & confirmat hanc nostram supputationem non nihil id quod Actorum 18. in hæc verba legimus: Diuertit autem Paulus ad Iudæum quendam Aquilam, qui nuper venerat ab Italia: eo quod præcepisset Claudius omnes Iudæos Roma decedere. Nec obstat supputationi quicquam quod Eusebius ex Iosepho scribit, Iudæos 1 X. Claudij anno vrbe esse pulſos. Fieri enim potuit vt Aquila decretum quod præsciuit, præuerterit, & ita Apostolo hospitium Corinthi circa finem octauī anni Claudij aperuerit. Præterea non infrequens est ea quæ in fine præcedentis anni fiunt: referre ad principium mox sequentis anni. Vt iam non commemorem Eutropium libro Romanarum rerum 8. testari Iudæos Roma pulſos VIII. Claudij anno. Vtunque vero id habeat, series & contextus totius historiæ Paulinæ hanc supputationem nostram permultum approbat.

Supputatio temporum.

Iudæi Romæ pulſi.

C A P V T IX.

De professione Pauli quarta, qua Hierosolyma Antiochiam redijt, Galatiam & Phrygiam perlustraui, Ephesum peruenit, quid ibidem egerit. De epistola item Pauli 1. ad Timotheum. & 1. ad Corinthios.

EST O peracto, & salutata Ecclesia, digressus rursus Hierosolyma Paulus, descendit Antiochiam, vbi postquam aliquantum temporis demoratus fuisset, reuſit & ordine rursus peragrat Galatiæ & Phrygiæ Ecclesias, superioribus annis fundatas. Ea professione attigit etiam Laodiceam. Est autem Laodicea insignis vrbs posita in confinio Galatiæ & Phrygiæ Pacatianæ, vt eadem & Galatiæ & Phrygiæ tribui possit: id quod non raro fit circa vrbes in terminis regionum collocatas. In hac autem vrbe videtur Apostolus scripsisse priorem ad Timotheum epistolam. Nam inscriptiones eius epistolæ sic habent, Missa fuit ex Laodicea, quæ est metropolis Phrygiæ Pacatianæ. Est alia quoque Laodicea Lyco anni imposita, quam & ipsam posuerunt quidā in Phrygia, quidam vero in Caria, sicuti & Hierapolim Laodiceæ vicinam. Ab ijs non procul Colossæ iacent. Cæterum Paulus 2. ad Colossenses capite testatur se nunquam vel Colossarum urbem vel Laodiceam vidisse: vnde conijcere licet epistolam eius ad Timotheum ex ea vrbe non esse scriptam, in quam nunquam peruenit. De vtraque tamen Laodicea, denique de epistola prima ad Timotheum & de epistola ad Colossenses, hunc lo-

Laodicea Galatiæ & Phrygiæ.

1. Ad Timotheum epistola.

eum Pauli ad Colossenses multi scriptores ecclesiastici intelligunt. Et cum recitata fuerit à vobis epistola, facite vt & in Laodicensi Ecclesia legatur: & eam quæ scripta est ex Laodicea, vos quoque legatis. Iubet Apostolus vt Colossensi suam epistolam communicent Laodicensi Ecclesie, & rursus Laodicensi communicent eam epistolam Colossensi quam Paulus quondam scripserat ex Laodicea. Id quod exponunt de epistola ad Timotheum. Quanquam sint, vt nihil dissimulem, qui putent ex Laodicea ad Paulum scriptam esse epistolam, quam remiserit ex Roma, iussu ritque recitari in Ecclesia Colossensi. Alij arbitrantur Paulum nunquam peruenisse in Laodiceam Galaticam, atque ideo intelligendam in præsentem Caricam Colossis vicinam. Si vero non fallit coniectura & inscriptio epistolæ, apparet Paulum ex Macedonia in Asiam & deinde in Syriam superiore peregrinatione nauigantem vnà cum Aquila & Priscilla reliquisse Timotheum Ephesi, & nunc ex itinere cum Laodiceam attingisset Timotheo scribere, ad quem mox ipse quoque venturus esset.

Atqui cum his plane non congruunt quæ ipse Paulus in principio epistolæ his verbis prodit, Quemadmodum rogaui te vt remaneres Ephesi cum proficiscerer in Macedoniam. Vnde sunt quibus videtur primam ad Timotheum ex Macedonia esse missam. Sed non possum horum recipere sententiam. Nam cum Lucas non meminerit nisi duarum profectionum Pauli in Macedoniam, prioris quidem cum à Troade Philippos nauigaret, & posterioris qua ab Epheso in Macedoniam traiecit: ac in prima profectione constet Timotheum Pauli fuisse comitem, utpote quem Athenis expectauit & Thessalonicam remisit: in secunda vero profectione certum sit Timotheum vnà cum Erasto in Macedoniam præmissum, & ex Macedonia iterum in Asiam Paulum fuisse comitatum: relinquitur certe in dubio vnde & quo tempore prior ad Timotheum epistola Pauli scripta & missa sit nisi forte librariorū errore commissum videatur vt in principio epistolæ ad Timotheum prioris *eis mandauit* scriptum sit pro *in mandauit*, Cum proficiscerer ex Macedonia, rogaui vt remaneres Ephesi. Sed iudicium esto apud sedentes.

Ephesum venit Paulus.

Peragratia autem Asiæ minoris partibus illustrioribus, Ephesum tandem declinauit Apostolus. Ephesi docens Euangelium multa designauit miracula. Curabatur enim virtute Christi, quem prædicabat Paulus, omnis generis morbi, eiiciebantur spiritus immundi: ac conuertebantur ad Christianam religionem Iudæorum non pauci, Gentilium autem plurimi. Nam Lucas inter alia, Docuit Paulus, inquit, per biennium, ita vt omnes qui habitabant in Asia audirent sermonem Domini, Iudæi simul & Græci. Maxime vero insignia, quæ Ephesi facta referuntur à Luca, sunt hæc. Spiritus immundus adiutus per Exorcistas quosdam qui sacris precaminibus & nomine Iesu quem Paulus prædicabat utebantur, conuersus in Exorcistas, in contumeliam & condemnationem artis impiæ, artifices impios fugauit & lacerauit miserabiliter. Ea re permoti, qui mathematicam, magiam, pythonicam, & incantationis curiosas inquam artes exercuerant hucusque, comportarunt libros illos suos magicos & mathematicos, ac palam coram omnibus igni concremarunt, supputatoque precio librorum, inuenerunt argenti myriades quinque. Ea summa quinque millia coronatorum, Budeo supputatore, valet.

Virtus satanica comminuta est Ephesi prædicatione Apostoli.

Paulus idololatriam profugauit & sustulit bona ex parte.

Præterea fuit templum Ephesi inter memorabilia seu miracula orbis famigeratissimum præstantissimumque. De eo scripsit Plinius in hæc verba, Magnificentia vera admiratio extat templum Ephesiæ Dianæ, ducentis viginti annis factum à tota Asia. In solo id palustri fecere, ne tremotus sentiret, aut hiatus timeret. Rursus ne in lubrico aut instabili fundamenta tantæ molis locarentur, ante calcatis ea substrauere carbonibus, deinde velleribus lanæ. Vniuerso templo longitudo est CCCCXXV. pedum, latitudo CCXX. Columnæ CXXXVII. à regibus factæ, sexaginta pedum altitudine. Ex ijs XXXVI. cælatæ, vnà à scopis. Et quæ sequuntur libro 36. capite 14. Ea vero maiestas, quam annis multis tota coluit Asia, intra biennium prædicatione Euangelica sic est conuulsa, & in cœnum proculcata, vt Demetrius argentarius quereretur planè & de artificio & de maiestate cultus deæ & templi esse actum. Ideoque idem ille vt labenti religioni, & iam agenti in extremis medicaretur, tumultum excitauit ingentem & memorabilem. Verum ne sic quidem quicquam subsidij allatum est religioni, aut superstitioni verius impijssimæ. Coactus est quidem Apostolus solum vertere: sed permanfit impermotus Euangelij veritas. Narrantur purius & melius hæc omnia quæ hoc capite ferè perstrinximus à D. Luca in Actis cap. 19. & 18. Ostendunt autem magnum apud Ephesios Euangelij profectum, quippe cum ex eis certò colligamus regnum satanæ destructum & conuulsum prorsus, Christi contra regnum illustrissime excitatum & confirmatum fuisse. Faxit Christus rex & liberator noster, vt per eandem Pauli doctrinam hodie quoque regnum Antichristi potentissimum disijciatur, colligatur autem sancta Christi Ecclesia, viuat, & in veritate & pietate floreat. Amen Amen.

Tumultus Ephesinus propter superstitionem repentinam inflatus.

Iam vt nonnihil etiam dicamus de temporum ratione, videtur Apostolus iter illud suum absoluisse, ab Antiochia videlicet per Galatiam & Phrygiam Ephesum vique, intra menses plus minus V. vt in Octobre Ephesum peruenisse vero simile sit. Maasit autem Ephesi per biennium. nempe in autumnum vsque anni Claudij XII. qui erat conuersionis Pauli XXXI.

Constituit autem Apostolus ante seditionem per Demetrium excitatam reuifere ecclesias Macedonicas & Græcas, vnde Timotheum & Erastum præmisit paratum iter subsequenti. Sic enim Lucas tradit Acto. 19. cap. Circa hoc ipsum tempus scripsit Corinthiorum ecclesiæ eam epistolam quæ prima dicitur ad Corinthios. Ipse enim Paulus in 16. cap. prioris ad Corinth. V. ad Corinth. nam, inquit, ad vos cum Macedonia transiero. Macedonia enim pertransiturus sum. Apud vos autem fortassis permanebo, aut etiam hybernabo, vt vos me deducatis quocunque proficiscar. Nolo enim vos nunc in transcurso videre, sed spero tempus aliquantum mansurum me apud vos, si Dominus permiserit. Commorabor autem Ephesi vsq; ad diem quinquagesimum. Nam ostium mihi apertum est magnum & efficac, & aduersarij multi. Et reliqua. Hæc videlicet omnia confirmant nostram sententiam quod missa & scripta sit prior ad Corinthios ex Epheso. Alij enim tradunt scriptam è Philippis. Atqui ita in Macedonia existens eam scripsisset, cum tamen ipse Paulus modo ita sit loquutus, vt appareat planè editam extra Macedonia, Veniam, inquit, ad vos cum Macedonia transiero. Quod autem sæpe iam inculcaui, id repeto hic iterum, abundet in his quilibet suo sensu.

C A P V T X.

De secunda Pauli professione in Macedonia & Græciam. Et de epistolis eius ad Titum, ad Corinthios 2. & ad Romanos.

BIENNIO expleto, in Autumno Epheso soluit Paulus, & traiecit in Macedonia. In hac confirmat olim constitutas ecclesias. Quia enim longe maioris industriæ & diligentia est parta seruire quàm de nouo facultates parare, ideo toties repetit Lucas Paulum ecclesias iam pridè institutas visitasse, & in cognita veritate œconomiaq; ecclesiastica confirmasse: nimirum omnibus verbi ministris ad exemplum, quod & ipsi pari diligentia annitantur imitari. Ex Macedonia transit in Græciam, id est Atticam & Achaïam, in qua non aliud facit quàm quod in Macedonia fecerat. Annòtat autem Lucas Paulum in Græcia menses consumpsisse tres, Acto. 20. cap. Quod si totidem menses tribuas peragratae Macedoniae, itineri autem conficiendo quasi mensem supputes, peruenies planè ad diem Paschæ; quem Apostolus cum suis celebrauit Philippis. Lucas enim, Nos, ait, nauigauimus post dies azymorum à Philippis, & venimus Troadem intra dies quinque. Erat hic annus Claudij Cæs. XII. conuersionis autem Pauli XXXI.

Intra breue hoc tempus dicuntur scriptæ & missæ tres epistolæ S. Pauli, eæ videlicet quæ ad Titum extat, secunda item ad Corinth. & singularis famigerataq; illa ad Romanos. Epistola enim ad Titum dicitur scripta ex Nicopoli, nimirum Actiaca illa seu Epiri in extimo ferè flexu sinus Ambracij sita. Sunt enim plures Nicopoles. Atqui nullibi scribitur Paulum peruenisse in Epirum. Scribit quidem ad Titum, Da operam vt venias ad me Nicopolim. Nam illic decreui hybernare. Verum hinc nõ consequitur Paulum eo tempore quo epistolam scripsit fuisse Nicopoli. Certum est eam epistolam tum missam esse ab apostolo cum in Creta episcopum ageret Titus. Dubium vero an ante hæc tempora in Creta fuerit Paulus, & quando in Creta reliquerit Titum: an eo tempore quo è portu Cenchireensi solueret in Syriam, an eo tempore quo è Syria Ephesum redijt. Nam de his nihil tradidit Lucas. Certum tamè est epistolam ad Titum non antea esse scriptam, quàm Paulus redijt Ephesum. In fine enim epistolæ Apollo meminit, quem constat paulò antequam Ephesum rediret Apostolus syncerius, & plenius institutù ab Aquila & Priscilla abijisse in Græciam. Coniectura itaq; est epistolam ad Titum ab Epheso esse scriptam, & eo quidem tempore quo Achaïam inuisere constituerat, perq; Achaïam transire in Macedonia. Ita enim ex itinere cogitabat in extimas Epiri partes deflectere, Macedoniae & Achaïæ conterminas. Quod tamè consilium, postea mutasse rerum euentus docet. Tum fortassis Tito quoq; per internuncios significauit Troadem veniret, ex qua in Macedonia transire statuisset. Nam ex 2. ad Corinthios cap. 3. constat Paulum sperasse quod Titum eo loci inueniret. Interea Græciam ingressus Titus Corinthum peruenerat deflecturus Nicopolim. At cum intelligeret Paulum ex Troade nauigare in Macedonia, ascendit ipse ad Paulum, iam agentem

SERIES TEMP. ET RER.

in Macedonia. Id quod perspicacius mox apparebit. Certe secunda hac profectioe epistolam ad Titum scribere nō potuit. Nam toto ferē tempore quo Paulus in Macedonia ac Græcia fuit, Titi vsus est ministerio; tantum abest vt epistolam ex Græcia in Cræta iam agenti scripserit.

Secunda ad Corinthios. epistola.

Secundam ad Corinthios arbitrantur nonnulli scriptam à Troade. Verum erroris sui pos. sunt reuinci ex tertio capite eiusdē epistolæ, & ex ijs quæ in septimo capite sequuntur de Tito. In 3. enim cap. dicit quod Troadē veniens Titum, vti sperauerat, non inuenerit, & iccirco trans. fretarit in Macedoniam. In septimo capite prædicat quomodo vehementer acceperit consola. tionem ex aduentu Titi. Vnde consequens est Titum peruenisse ad Paulum in Macedonia, & ex Macedonia scriptā esse posteriorem ad Corinth. Vnde meo videre rectius illi sentiunt, quibus videtur à Philippis illam & scriptam & missam esse per Titum. Philippus enim ad Paulum ex Corintho, vbi ecclesiās confirmarat, ascendens Titus & Paulum quærens, venit, fidemque, cha. ritem & humanitatem Corinthiorum Paulo prædicauit: sicut ipse Apostolus commemorat eius epistolæ septimo capite. Et quoniam Apostolus iam statuerat, vti & priore epistola fuerat pollicitus, proficisci Corinthum, præmittit Titum cum alijs quibusdam excellentibus viris & fratribus collectum contributionem egenis erogandam Hierosolymis, ne vel nihil collatum ef. fet in Achaia ecclesijs, vel tum demum collecta fieret, cum iam Paulus adueniret. In nono enim capite dicit, Noui promptitudinem animi vestri quā de vobis iacto apud Macedones. Quo. niam Achaia parata est ab anno superiore, & vestrum exemplum prouocauit quā plures. Mihi tamen hōs fratres, ne gloria nostra qua gloriōr de vobis, inanis fiat in hac parte, vt quemadmo. dum dicebam, parati sitis, ne quo pacto fiat, vt si mecum venerint Macedones & offenderint vos imparatos; nos pudore suffundamur. Interea vero dum sic hæreret in Macedonia Paulus, neque ex Asia per portum Cenchreensem ingressus fuerat Corinthum, vti promiserat, sed à Troade Philippus delatus peruenerat, calumniabantur nonnulli pseudoapostoli Paulum, impingentes ipsi leuitatem & mendacium. Ideoque in eadem epistola capite primo, Et hac fi. ducia, inquit, volebam ad vos peruenire prius vt geminam apud vos inire gratiam, & per vos transire in Macedoniam, & rursus à Macedonia venire ad vos, ac à vobis deduci in Iudæam. Hoc igitur cum in animo versarer, num aliqua leuitate sum vsus? Et quæ sequuntur. Itaque præ. missi illi cum Tito fratres Corinthum abeunt, ac Paulo præparant mox sequenti omnia. Se. quens erim is paucis post diebus, per tres menses, sicut modo dixi, versatus est in Græcia, Co. rinthi maxime. Nam in fine epistolæ dicit, Hic tertius erit aduentus meus ad vos, In ore duo. rum testium & trium constituetur omne verbum. Prædixi & prædico, vt præsens cum essem iterum, ita & absens nunc scribo. Et cætera. Id enim perinde est ac si scripisset, Videor æmulis meis vana quædam tonare verba cum me ad vos venturum minitor, forsitan quod negotia Chri. sti impediuerunt quod semel & iterum, vti profueram non aduenerim. Quando vero lex Dei id ratum esse, certumque iubet quod duorum aut trium testimonio confirmatum est, & ego iam tertium polliceor me venturum, profecto iam adero, & hæc meas alteras literas mox in. quar. Quod autem secundo aduentu meo, id est, cum in priore epistola secundo me in Achaia venturum promisi (cap. 4.) id absens modo repeto, præsens autem mox exequar. Cum virga enim veniam ad vos. Reliqua si libet lege & excute.

Cum vero tribus mēsis in Græcia & Corinthi versatus fuisset Apostolus, & iam statuis. set è portu Cenchreensi soluere, inq; Iudæam nauigare, deprehendit insidias sibi strui à Iudæis, mutato itaque consilio, per Macedoniam Philippus redijt; id quod Lucas recenset Acto. 20.

Epistola Pauli ad Romanos.

Iam vero Epistolam ad Romanos ex Corintho scripsit per Phœben, cuius ipse Paulus me. minit in ultimo cap. ad Rom. Et sunt quidem argumenta seu indicia clara, quibus ostendi potest epistolam ad Rom. scriptam esse è Corintho, & hoc quidem tempore, quo Apostolus statuerat ex Græcia nauigare in Syriam. Nam in 15. cap. ad Rom. manifeste scribit Euangelij Christi præ. dicatione omnia esse impleta à Hierusalem vsque ad Illyricum. Quod quidem in prima Pauli in Græciam profectioe nondum fuerat factum. Deinde in eodem cap. Nunc, inquit, proficiscor Hierosolymam ministrans sanctis. Visum est enim Macedonia & Achaia communicationem aliquam facere in pauperes sanctos qui sunt Hierosolymis. Adhuc in salutationibus eorum fa. cit mentionem quos certo satis constat Corinthios fuisse, Salutat vos inquit, Caius ho.

spes meus & ecclesiæ totius. Salutat vos Erastus quæstor ærarius ci. uitatis: nimirum Corinthiæ.

CAPVT XII.

Paulus emenso mari Aegeo, Icario, Myrthoo, Carpathio, Lycio, & Syriaco Hierosolymam venit.

Troade siue Alexandriae, binominis enim erat ea ciuitas, apud Troianos siue Dardanos mansit Apostolus dies septem. Cum his vno die sabbatorum, id est, prima die in hebdomada, quae à Ioanne Apostolo in Apocalypsi appellatur Dominica dies fregit nam Dominum panem, hoc est celebravit mensam seu Cœnam Dominicam. Vetustas enim & ecclesia Apostolica, Luca teste, officium sacrum & mysticum appellauit Fractionem panis. Ea sic erat tradita à Domino, Confluebant in cœtum ecclesiasticum fideles, his prædicabatur Euangelium, precabantur vnâ omnes, & inuocabant nomen Domini. Deinde vero his rite absolutis proferebatur panis & vinum, sic instituta à Domino, vt frangentes panem in memoriam fracti corporis Christi, bibentesque è poculo in memoriam effusi sanguinis Christi, gratias agerent pro omnibus Dei beneficijs, maxime pro liberatione nostra per mortem Christi parata aut præstita, & vt in unitatem consortiumque vnicum & cum Christo, & cum sanctis omnibus coniungerentur. Ita enim ante annum ferè ad Corinthios in 10. & 11. cap. de hoc sacro mystico scripserat Apostolus; & nunc etiam cum numeraretur annus conuersionis eiusdem XXII. Troade vel Alexandria non aliter celebrat Cœnam Domini quàm ab ipso Domino celebrandum acceperat, & Corinthios quoque, sicuti & omnes alias ecclesias, docuerat. Id quod propter illos paulè copiosius annoto, qui omnibus populis & gentibus Missam Romanam volunt obtrudere, veluti ab Apostolis, ita vt ipsi peragunt, celebratam. Cum tamen constet Apostolos Christi post ascensionem Domini anno XXII. Euangelio traditum ritum simplicissimum tenuisse, & alijs tenendum aut obseruandum tradidisse. Sed hæc per digressionem diximus hactenus.

Paulus in hac ecclesia multum operæ diligentiaque impendit prædicationi euangelicæ: eo enim vespere & nocte insequente, qua postridie profecturus erat in multam noctem extraxit sermonem, imò vsq; ad diluculum colloquutus est cum fratribus. Evenit autem eo loci & tempore quod vniuersam ecclesiam erudit, quantum sit malum si conciones sacrae à sedentibus segniter excipiantur. Eutychus enim adolescens quidam male fortunatus, in fenestra Cœnaculi in quo Paulus prædicabat, sedens, & sermonem Pauli segnius audiens, somno depressus, decidit in plateam ex tertia contignatione, & ab accursantibus sublatus est mortuus, relatusque in eedes. Hunc vero Paulus inuocato Christi auxilio vitæ restituit & gratulantibus reddidit incolumem, vt hinc inclaresceret euangelium nō mortis sed vitæ esse præconium. Post hæc soluens Troade Paulus emensoque mari Aegeo, Icario, & bona parte maris Myrthoi per insulas celebres Lesbion (in qua Mitylenen ingressus dicitur) Chium & Samum, venit, præterita Asia siue Epheso, Miletum. Mileti conuocata Synodo magna episcoporum & presbyterorum Asiae, concionatus est diligentissime coram eis. Commendauit autem in primis omnibus ecclesiae ministris ecclesias & ecclesiarum salutem, quam ostendit consistere in sinceritate doctrinae euangelicæ, ad quam pure seruandam custodiendamque; adhortatur sanctissime; præmonēs interim irrupturos graues lupos in ecclesiam: monet ergo aduigilent, orent & lupos illos abigant, denique modis omnibus sese impendant incolumitati ecclesiae conseruandæ. Hæc omnia eleganter contexuit Lucas in Actis cap. 20.

Ea re perfecta dimissisque presbyteris nauim conscendit, emensoque pelago Carpathio & Lycio, primum quidem Coum, deinde Rhodum nobilissimam insulam attingit. Inde Pataram Lyciae urbem clarissimam contendit. Ex ea per mare Syriacum Cipro insula illustrissima ad sinistram relicta, delatus est Tyrum in Phœniciam. Excepit Apostolū Christi Paulum Tyrus maximè cum applausu, quam is reliquit multo maiore cum affectu. Lucas enim in cap. 21. Actorum, Et expletis, inquit, diebus septem, profecti ibamus deducantibus nobis omnibus vnâ cum vxoribus & filijs. A Tyro descendit Ptolemaidem, inde vero peruenit Cæsaream in Palæstinam.

Cæsareæ ingressi sunt, quicunque erant in sodalitiis & comitatu Pauli, domum Philippi euangelistæ, cuius superius in cap. 2. meminimus. Erant autem in comitatu Pauli à Macedonia in Asiam & in Syriam vsque viri pietate, autoritate, virtutibus & eruditione multi, quique experientia clarissimi Sopater Berrhœensis, Aristarchus & Secundus Thessalonicen. Causac Timotheus Derbæi, Tychicus Ephesus, & Lucas Antiochenus. Asianum vero Trophimum, in itinere reliquit Mileti, languentem. Et horum quidem ministerio utebatur Apostolus in propaganda prædicatione euangelij. Videtur & in sodalitiis illustrissimo planè maiestas quædam

S E R I E S T E M P . E T R E R .

Philippus Cæ- apostolica in Paulo, quem tot & tanti viri suspexerunt, perq; terras & maria mille per pericula
fareæ Palesti- sunt consequuti. Hos autem excepit Philippus, Apostolos Apostolos, iam vero Cæsarien. eccle-
ne Episcopus. siæ euangelista, pastor, episcopus siue ecclesiasta. Erat hic hospitalis, nec egens & mendicus
prorsus, qualem ferè requirunt hodie Anabaptistæ, habebat ædes haud dubie satis instructas,
intra quas excipiebat cum sodalitis sanctissimo Apostolum: non viciatim mendicabat stipem &
hospitium. Erat castus & sanctus, continens & purus, licet esset maritus filiasq; haberet pro-
phetissas. Ac ad talem quidem hospitem diuertit Apostolus, qui in epistolis ad Timotheum &
Titum huiusmodi describit, adeoq; & requirit episcopos ecclesiarum qualis erat hic Philippus.

Vincula præ-
dicuntur Pau-
lo.

Cæsareæ vidit & audiuit Paulus Agabum singularis doni prophetam, vaticinantem & præ-
dicentem omnia quæ euenerunt ipsi Hierosolymis. Fratres quidem ea audientes hortati sunt
ne Hierosolymam ascenderet, nimirum vt bono publico sese seruaret, non vincendum trade-
ret. Sed habuit suam vocationem Apostolus, iccirco nulla admisit hominum consilia. Quod au-
tem diuinus spiritus ipsius vincula prædicebat, intelligebat id in hunc fieri finem, vt sese præ-
muniret aduersus imminentem tempestatem. Sublatis ergo sarcinis aut impedimentis, Hiero-
solymam ascendit diuertitq; ad Cyprium quendam Mnatonem veterem Christi discipulum.
Quæ omnia Lucas in Actis cap. 21. copiose describit. Hoc vero iter & hanc nauigationem perfe-
cit Apostolus toto hoc tempore quod medium intercedit diem seu festum Paschæ & Penteco-
stes. Nam Pentecosten celebrauit Hierosolymis.

C A P V T X I I .

*Paulus capitur Hierosolymis à Iudæis, liberatur à Cl. Lyfias à manibus Iu-
dæorum, mox Cæsaream mittitur ad Felicem.*

Purificat se A-
postolus in tem-
plo Hierosoly-
mitano.

Hierosolymis autem templum ingressus Apostolus purificat se, ex consilio fratrum,
cum quibusdam Iudæis, suum persoluentibus votum: id quod non in alium finem
fecit, quam vt Iudæi ipso hoc Apostoli facto placati, qui aliàs ipsi erant insensibilissimi,
intelligerent Paulum non esse hostem populi Iudaici & legis Mosaicæ. Habebatur
enim à Iudæis ferè omnibus pro hoste populi Dei & Moſis. At non bene celsit, quod consilio
presbyterorum erat obsequutus. Etenim in ipso templo & quasi in ipsa actione sacròrum per-
ingentem tumultum capitur à Iudæis, pugnis acriter contunditur, extra templum protrahitur
vt extra templum & clausis templi foribus trucidaretur. Cæterum Cl. Lyfias tribunus militum
præfidiariorum Romanorum, qui tum castra habebant Hierosolymis, tumultus concursu exci-
tatus, procurrensq; cum militum cohorte è castris, S. Paulum iamiam periclitantem de vita,
eripit ex manibus cruentis Iudæorum, ac subducit in castra. Cum autem ad gradus castrorum
peruenisset, atque à Tribuno rogaretur num esset Ægyptius pseudopropheta ille, qui ante pau-
cos dies magnam in Iudæa seditionem excitarat, Paulus id quidem negauit, & dicendi pro se
copiam postulauit: qua concessa, conuertit se ad populum Iudæorum ponè insequentem & cla-
mantem Indignum esse qui viuat, multis coram populo causam reddit suæ conuersionis, & mo-
dum ostendit, vt vel inde colligerent Paulum non leuibus aut prauis ex causis, sed ex volunta-
te & potentia diuina mutasse religionem. Quandoquidem vero tumultuantes Iudæi Pauli ser-
monem seditiosis clamoribus interrompebant, deducitur à militibus in castra, ne viuus à fu-
rente turba discerperetur.

Quid cum Pau-
lo actum in ca-
stris Romano-
rum, & in se-
natu Hieroso-
lymitis.

In castris iubetur flagris examinari. Sed cum intelligerent Paulum ciuem esse Romanum,
(quippe qui oriundus esset ex Tarſo, quæ ciuitate ob fortia facta à Romanis fuerat donata) re-
laxant ei vincula omnia. Interim vt Tribunus ipsas causas ob quas Paulo ita truculenter occu-
rabant Iudæi, perdisceret, producit Paulum in Consilium summi Pontificis & senatus Hiero-
solymitani. In eo res tam importune acta est, vt Tribunus Paulum rursus ereptum ex manibus
insanientium reduceret in castra. Hic apparet ipsi Dominus noctu, & subtristem consolatur &
animat ad maiora, prædicens Paulum & Romanis prædicaturum.

Coniuratio in
Paulum.

Interea coniuratione facta deuouent se XL. viri ex Iudæis neque efuros neque bibituros
ni prius trucidarint Paulum: & quo commodius id perficerent, postulant à Tribuno, Paulum
producat in disputationem publicam. Nam in itinere, dum videlicet à Tribuno in constitutum
locum deduceretur, statuerant ipsum intercipere sicis. Ea res cum innotuisset, Deo sic dispo-
nente, apostolo, per nepotem ex sorore Pauli, Tribunum instruxit ne inscius prodicionis & la-
trocinij destinati conceptiq; iugulandum produceret in publicum. Tribunus vero re cognita,
deligit

deligit opera Centurionum equites LXX. pedites CCC. & ab hora noctis tertiâ Paulum equo impositum, literisq; quibus causa captiuitatis ipsius continebatur, instructum mittit Caesarem ad Felicem praesidem Iudaeae. Et milites quidem pedestres Paulum Antipatridem usque comitantur, inde Hierosolymam redeunt, equitum pars Caesarem usque deducit. Felix lectis literis, & audito Paulo, iussit ipsum custodiri in praetorio Herodis, donec accusatores eius Hierosolyma descendentes suam proponerent accusationem. Venerunt autem accusatores Pauli post dies quinque ab eo videlicet quo Paulus Caesarem fuerat perductus.

Totum autem hoc tempus ipse Apostolus diligenter supputans in defensione sua coram Felice in vniuersum numerat dies XII. vt certum sit ea quae hoc capite exposuimus perfecta temporis, intra dies V. Historiam ipsam plenius prosequutus est Lucas in Act. cap. 21. 22. & 23.

CAPUT XIII.

De Praesidibus Iudaeae missis à Romanorum Imperatoribus.



Peræ pretium videtur in praesenti recensere aut perstringere potius omnes Iudaeae Praesides Iudaeae praesides à Copinio, qui primus praesidisse creditur ad hunc nostrum usque Antonium Felicem. Nam sine cognitione historiae & successione Praesidium multa noui Testamenti loca, nedum haec nostra tractatio, quasi caeca fuerint.

Primus ergo Iudaeae rector vel praeses viuente & imperante adhuc Octauio Augusto Caesare, ordinanteq; Syriae praeside Cyrenio, fuit Copinius. Mortuo autem Augusto, & succedente in regno Tiberio Caesare, rogatus est Copinio Marcus quidam. Marco substitutus est Annius Rufus. Post Rufum missus est praeses Valer. Gratus, hunc sequutus est Pontius Pilatus, quem sub finem anni XIII. Caes. Tyberij in Iudaeam venisse ex ratione temporum colligitur. Pilatus hic Pontius, vt ceteri praesides omnes, fuit superbus, crudelis, auarus, rapax, impius. Et Iudaei quidem tyrannidem turpissimi hominis ferre non valentes, accusant ipsum apud Vitellium, qui tum gubernabat Syriam. Vitellius ergo vnum ex amicis suis qui Pilati vices subiret ad tempus constituit, Marcellus is appellabatur, Pilatum vero Romam pergere compulsi, vt se in iudicio Caesaris expurgaret de criminibus sibi obiectis. Sed priusquam venisset Romam Caesar Tiberius è viuis excefferat. Ista omnia huc transtuli ex Iosephi Antiquitatum lib. 18. cap. 3. 4. & 7. Ceterum in toparchia Archelai filij Herodis magni, quae post exilium Archelai Syriae dispensationi coniungebatur, & in prouinciâ vel praefecturam redigebatur, praesuerunt praesides isti omnes. Interea reguli alij Herodiani, fratres Archelai regnabât adhuc in Toparchijs aut tetrarchijs suis.

Tyberio Caesari succedit in imperio Romano Caius Caes., qui protinus à regni sui initio è Syria reuocat Vitellium, & pro Marcelllo praesidem Iudaeae dat Publium Petronium. Idem Caius mortuo Philippo tetrarchia, tetrarchiam concedit Agrippae Prisco: sicuti superius in cap. 5. commemoravi: mox & Herodis Antipae toparchiam eidem Agrippae donat. Mortuo deinde Caio Caesare, & in regnum exaltato Claudio, praefectura Iudaeae in vniuersum tollitur à Caesare. Claudius enim Agrippam regem confirmauit in tetrarchijs patruorum, insuper donauit eidem Iudaeam & Samariam, reuocato Romam Petronio, & substituto Syriae rectore Marso. Haec omnia Iosephus copiosius exponit.

Idem lib. 2. de bello Iudaico cap. 10. Post mortem, inquit, Agrippae (qui regnum Iudaicum tenuit annis circiter tribus) Claudius regnum eius in prouinciâ redegit: in cuius procuratorium missus est Cuspius Fadus. Itaque praefectura Iudaeae suum rursus locum & ordinem recepit. Fado in praefectura succedit Tiberius Alexander. Alexandro successor venit Ventidius Cumanus, qui tamen loco mox amotus est. Nam Numidius Quadratus Syriae praeses Cumanum misit Romam, coram Imperatore causam eorum redditum, quae in prouincia sua designasset. Post Cumanum Iudaeae praeficiebatur Felix hic noster. Quae omnia ex Iosephi historia mutauimus ex libro Antiquitatum 20. cap. 5. & 8. item 9. deniq; lib. de bello Iudaico 2. cap. 11.

Ceterum circa supputationem annorum praefecturae Felicis videntur authores non per omnia & ad amussim congruere. Eusebius enim in Chronicis, & Iosephus in Antiquitatibus tradunt Felicem missum in Iudaeam anno Claudij XI. Atqui ea ratione omnes anni Praefecturae Felicis numerarentur IIII. duntaxat, nimirum ad primū usq; Neronis annum. Paulus vero causam suam coram hoc Felice agens, Equiore, inquit, animo pro me ipso causam dico, cum scia te multis iam annis iudicē fuisse genti huic. Quis vero dicat multis annis praefuisse eum, qui annis tantū IIII. aut V. praefuit? Corn. ergo Tacitus numerat annos plures. Lib. enim 12. describens ea quae sub cōsulatione Fausti Syllae & Siluij Othonis euenere, inter alia scribit, At nō frater Pallantis,

Paulus per mē.
lucum manus
defendatur.

Supputatio
temporis.

Copinius.

Marcus

Annius Rufus.

Val. Gratus.

Pont. Pilatus.

Marcellus.

Pub. Petronius

Tollitur praefectura Iudaeae.

Restituitur

praefectura Iudaeae.

Cuspius Fadus.

Tib. Alexander.

Cumanus.

Felix.

De Felicis praefectura

tentia copiosa

sua.

S E R I E S T E M P . E T R E R .

cognomento Felix, pari moderatione agebat, iam pridem Iudææ impositus, & cuncta malefacta sibi impune ratus, tanta potentia subnixo. Iam pridem dicit Antonium Felicem Iudææ impositum. Incidit autem Syllæ & Siluij consulatus in 10. & 11. annum Claudij Cæsaris. Multo ergo longius prorogat potentiam & præfecturam Felicis Tacitus, quam Eusebius & Iosephus.

Verum videor mihi modum cernere, quo dissidentes queant componi. Videtur enim Felix cum Fado, aut non multo post Fadum tempore, missus in Iudæam, & Fadum quidem suscepisse regendam Iudæam. Felicem vero tetrarchias Philippi & Lyfaniæ: aut certe hunc legionibus esse impositum. Dum vero Fadus & Alexander munere suo defuncti essent, contendit modis omnibus Felix, ut ipse solus rerum potiretur, sed cum ea in re æmulum haberet Ventidium Cumanum, nihil impetrauit, donec Cumanus prorsus esset exauthoratus. Tunc enim Iudæa, Samaria, & Galilæa, plenè potitus est Felix, id quod constat factum circa X 1. Cladij annum: quo tempore idem Claudius Agrippæ iuniori concessit tetrarchias Philippi & Lyfaniæ. Ita vero clarum & planum fit quomodo idem Felix diu præfuerit genti Iudaicæ aut illis partibus, & quo modo X 1. demum anno Claudij præses datus sit Iudææ.

Subiungemus iam testimonia ex quibus hanc nostram sententiam ceu ex fontibus derivauimus. Corn. Tacitus libro Annalium 21. Claudius, inquit, defunctis regibus, aut ad modicum redactis, Iudæam prouinciam equitibus Romanis aut Libertis permisit: è quibus Anto. Felix per omnem sæuitiam & libidinem ius regum seruili ingenio exercuit. Hæc Tacitus. Certum est autem Agrippam Priscum defunctum Romanis reliquisse Iudæam disponendam atque regendam. Idem Tacitus lib. 12. Felix interim, ait, intempestiuus remedijs delicta accendebat, æmulo ad deterrima Ventidio Cumano, cui pars prouinciæ habebatur, ita diuisis, ut huic Galilæorum natio, Felici Samaritæ parerent, discordes olim & tum contemptu regentium, minus coercitis odijs. Et reliqua. Porro Sueton. in Claudio, Libertorum, ait, præcipuè suspexit Posidem Spadonem: nec minus Felicem, quem cohortibus & alis prouinciæ quæ Iudææ præposuit, trium reginarum maritum. Suetonio subscribens Sextus Aurel. Victor in Claudio, Liberti eius, inquit, potestatem summam adepti, stupris, exilio, cæde, proscriptionibus omnia fœdabant. Ex quibus Felicem legionibus Iudææ præfecit. Iam vero Iosephus lib. de Bello Iudaico 2. cap. 2. Post eiectum Cumanum, Felicem Pallantis fratrem, inquit, destinauit ad Iudæos, qui & eorum prouinciam cum Samaria & Galilæa curaret. Agrippæ vero prouinciam tradidit quæ Felicis fuisset. Erat autem ista Trachonitis & Bathanea & Gaulonitis. Et reliqua. Ab his non multum dissentiant quæ tradit Beda in cap. 24. Acto. Apostolorum. Hæc de præsidibus Iudæorum hæctenus diximus. Redimus iam ad intermissam seriem temporum & rerum plene contexendam.

C A P V T X I I I .

Quæ Cæsareæ acta sint cum Paulo sub Felice præside, & sub Portio Festo, denique sub rege Agrippa.

Paulus accusatur coram Felice, & defendit se.



UM Paulus Cæsareæ custodiretur in Prætorio Herodiano, adueniunt ex vrbe seniores Iudæorum, ac Paulum per excellentem oratorem Tertullum accusant coram Felice criminis hæreseos, perduellionis, & seditionis, impietatis denique. Paulus vero, Felice permittente, pro se dicit modestissime, repurgans se ab intentatis criminibus,

& se per omnia infontem & innoxium esse demonstrans. Ac permouit adeo oratione sua Felicem, ut commode dimissis Iudæis, Paulum iuberet relaxari, & tantummodo à Centurione custodiri, admissis ad colloquium, & ad præstandam beneficentiam quibuscunque Pauli amicis & fautoribus. Imò ipse Felix accersito Paulo ad priuatum colloquium, sustinuit vnà cum vxore

Felix familiari ter audit Paulum.

Drusilla Iudæa, utpote regis Agrippæ iunioris sorore (Est enim alia quædam Drusilla Antonij & Cleopatræ reginæ Ægypti filia, apud Cornelium Tacitum, quæ aliàs huic Antonio Felici nupserrat: quippe qui esset trium reginarum maritus) sermonem audire de fide in Dominum Iesum, de iustitia, de temperantia, & de iudicio futuro. Ac affecit eum is sermo in tantum, ut totus exhorresceret. Interim quemadmodum & Herodes Ioannem Baptistam libenter audiuit, sui tamen similis perpetuò mansit. Ita Felix hic homo impurus nullam scelerum suorum egit penitentiam: & tamen non semel sed frequentissime euocabat Paulum in colloquium, detinuitque in custodia quàm diu fungeretur publico præsidis munere. Id quod Lucas extendit per biennium. Biennio enim expleto, inquit, accepit successorem Felix, Portium Festum. Biennium autem illud numerandum est à captiuitate Pauli, non à præfectura suscepta Felicis: sicut præcedente paruit

paruit capite, vbi ex Pauli verbis annotatum est Felicem plures annos ei genti præfuisse.

Non nescio Eusebium & Iosephum, Hieronymum deniq; sentire Festum demum II. Neronis anno missum Roma, venisse in Iudæam. Sed magis me mouet, merito, Lucæ fides & auctoritas, qui manifeste dicit Festum Felici successorem venisse biennio captiuitatis Pauli expleto. Iuuat nostram supputationem quod Suetonius in Claudio testatur Claudium in Octobre decessisse. Verba eius si quis requirat hæc sunt, Excessit tertio Idus Octobris Asinio Marcello, Acilio Auiola Coss. LXIIII. ætatis, imperij XLIII. anno. Idem testatur & Cornelius Tacitus, qui idem scribit Neronem protinus ab initio regni complurima nouasse in Oriente. Inter alia Annalium libro XIII. dicit, Cl. Nerone, L. Antistio Coss. (fuit is primus regni Neronis annus) Nero infensus ijs quibus superbia muliebris nitebatur, demouet Pallantem curâ rerum, qui à Claudio impositus, velut arbitrum regni agebat, &c. Cæterum Pallas hic, fratrem Felicem hætenus in officio & dignitate retinuerat, qui Messalinæ mulieris omnium quæ vixerunt impurissimæ impudentissimæq; opera in tantum fastigium erat subleuatus: vt non leuis coniectura sit etiam Felicem cum Pallante eodem nimirum tempore è fastigio esse detractum. Præterea si iniucem tempora & res componas, pulcherrimè quadrabunt omnia. Paulus omnium sententiâ XIII. Claudij anno Hierosolymis coniectus est in vincula: ergo reliquum tempus regni Claudiani per residuam partem anni XIII. à Pentecoste, & per integrum annum XIII. Claudij ad vsq; mortem eius in Octobre, sub Felice in libera fuit custodia. Nero autem Claudio protinus succedens mox à regni sui principio Cl. Nerone & L. Antistio Coss. deiecit Pallantem è potestate habitæ, Felicem ergo deposuit, & Festum in Iudæam dimisit, qui circa festum Pentecostes Hierosolymam venire potuit, eo videlicet tempore, quo biennium captiuitatis Pauli fuit expletum. Et quæ hætenus recitauimus de rebus Pauli gestis & temporibus sumpsimus ex vigesimo octauo capite Acto. Apostolorum.

*Quando Festus
Roma missus
Hierosolymam
venerit.*

Porro per insequentem mox ætatem videntur ea esse acta, quæ Lucas commemorat in Actis cap. 25. & 26. Principio enim sedente pro tribunali Festo Cæsareæ, producit in iudicium Paulus & multorum magnorumq; criminum accusatur ab aduersarijs Iudæis: Ad ea respondens Apostolus illa à se remouet tam euidenter vt etiam iudex, licet Ethnicus, intelligeret Paulum esse innocentem. Volens tamen gratificari Iudæis Festus, rogat Paulum num velit ascendere Hierosolymam & ibi agere causam suam: Ad quam postulationem, vt pote iniquissimam, indignatus Paulus, respondet se etiam Cæsareæ in foro & ante tribunal Cæsaris stare, neque recusare supplicium mortis, siquidem maleficij fuerit conuictus. Alioqui nolle se Hierosolymam repetere neq; præsidem habere potestatem alio ipsum, qui Cæsare appellat, ducendi: simul autem ad Cæsarem appellat. Id quod Præses benigne recepit appellationemq; concessit.

*Quæ egerit Festus
cum Paulo.*

Deinde cum rex Agrippa iunior, cui Nero adiecerat regno eius Galilæam, Cæsaream descendisset salutatum exceptumque nouum Præsidem: Præses negotium Pauli cum rege communicauit: rex ipse Paulum & videre & audire poscit. Postulationi acquiescit Festus. Ergo in auditorium prædeunt magna pompa & multo cum apparatu, primum quidem Festus præses Romanus cum suis, deinde vero Agrippa & Bernice cum suis aulicis: ingrediuntur etiam chiliarchæ, tribuni, æenturiones & viri totius regni procures. Dubium vero est quæ nam fuerit illa Bernice vel Beronice (quam hodie appellant Veronicam) regis ne Agrippæ vxor: quod arbitratratur D. Ioan. Chrysostomus, & omnium verisimilium apparet: an regis soror, quæ nupsit quondam Herodi regi Chalcididis, & iam eo mortuo vidua erat: an fuerit neptis Agrippæ regis ex sorore Maria & Archelao Helcij filio. Tres enim sorores habuit iunior Agrippa, quarum Drusilla Felici præfidi, Maria Archelao, Bernice vero Herodi regi Chalcididis nupsit, ex quo & Bernicen filiam suscepit. Vtunque vero id habeat, indubitatum est bonam partem Principum totius Syriæ hic ad audiendum Paulum confluisse, Deo mirabiliter sic disponente, vt omnes etiam Principes audirent prædicationem Euangelij de saluando mundo per mortem Filij Dei, &c.

Agrippa iunior rex.

Bernice.

Sorores Agrippæ.

Producitur ergo Paulus catenis vinctus (Festus enim ipsum constrinxerat arctius quam fecerat Felix) producitur inquam in frequens illud & splendidum maiestateq; verendum auditorium, vbi mox iubetur pro se dicere. Dicit ergo & tanta quidem modestia, grauitate, maiestate & euidentia, vt Festus Paulum nimia literarum defatigatione dementatum insanire putaret, Agrippa vero rex scripturarum peritus exclamaret, Parum abest quin mihi Christianum fieri persuaseris. Ostendit autem viris illis principibus Paulus in quo ipsi sit cum Iudæis certamen & de quibus rebus. Quomodo cœlitus ad fidem Christianam conuersus, & ad prædicationem Euangelij vocatus sit. Docet euangelium tradere Filium Dei in mortem traditum, resuscitatum

*Paulus conuincitur
ante regem
præsidem
& omnes Syriæ
principes.
Summa conuincio
nis Pauline ante
te Regem &
præsidem.*

S E R I E S T E M P . E T R E R .

& constitutum liberatorem & salutem omnium gentium, quæ eam prædicationem fide complectantur. Ostendit denique hæc non esse noua aut nupera, sed olim & à mundi constitutione prædicta à prophetis. Ideoque magna securitate, certitudine & constantia asseuerat, se nihil prædicare quod non possit approbare testimonijs ex Mose & prophetarum libris desumptis. In primis vero vrget in sua illa oratione Paulus Resurrectionem ex mortuis & vitam fidelibus paratam in Christo æternam. Et magnates quidem audito Paulo & collatis inuicem sententijs, pronunciant innoxium esse & dimitti potuisse liberum: quia vero ad Cæsarem appellarit Augustum, ideocirco Romam esse mittendum.

Voluit & disposuit hoc ipsum haud dubie omnia recte gubernans & temperans diuina prouidentia: nimirum vt electionis vas Paulus non tantum coram regibus, præsidibus, magnatibus, sacerdotibus, doctis, indoctis, vulgaribus, omnis sexus & ætatis hominibus Iudæis & Gentibus, sed in ipsa Roma mundi capite, & ante Cæsarem Augustum, totumque illum Romanæ vrbs senatum amplissimum, in aula item luxuriosissima, & in vrbe populosissima & flagitij scatente, Christi euangelium prædicaret, & plures homines peccatores conuerteret ad pœnitentiam & ad fidem Christi Iesu, qui non vult mortem hominis peccatoris, sed magis vt conuertatur ac viuat. Seruatur ergo Cæsare in custodia Paulus, donec commoda se offerret in Italiam nauigatio.

C A P V T X V .

De quinta Pauli profectiōe, qua ex Syria per mare mediterraneum per varia loca & pericula Romam nauigat in Italiam.

Iulius Centurio deducit Paulum in Italiam.



DRAMYTTINA ergo naui data Paulus vna cum alijs vinctis Aristarcho presertim Macedone, traditur Iulio cuidam centurioni cohortis Augustæ Romæ ex Syria in Italiâ deportandus. Iulius hic rebus Pauli fauit egregie, ita disponēte benefico Deo, ideoq; tenuit ipsum in custodia satis liberali. Permisit enim ei vt vbiq; ad amicos egressus curaretur ab eis, & res suas libere apud ipsos ageret.

Loca præcipua ad quæ perueniunt in hac nauigatione.

Hanc profectiōem diligentissime depinxit Lucas in Actis Apostolorum cap. 27. & 28. Nec quisquam potuit melius cum propter dona Dei maxima & exactam eruditionem, tum quod indiuiduus Pauli comes omnium eorum quæ scribit & auritus & oculatus testis est. Breuibus ergo res potissimas perstringam, & primū quidem loca. Principio delati sunt Sidonem, inde Myrā in ipsam Lyciam perueniunt, ventis nimirum contrarijs eo depulsi. Ex Myra nauigant in Cretam insulam, inq; loca eius Insulæ varia perueniunt. Tandem à Creta soluentes, satis imprudenter, coguntur sese ventorum flatibus permittere. Hi in Claudam insulam impellebant nauim. In de abrepti tempestatibus diu multumq; iactati, per mare Libycum seu Punicum pelagus iuxta Syrtis, extremo cum periculo in Adriaticum eluctantur, delati in conspectum Melitæ insulæ, vbi priusquam appulissent nauim, nauis vi procellarum dissoluta, periit, homines natando in vicinum portum salui euaserunt omnes.

Paulus fidus monitor.

Singulares & excellentes huius profectiōis res sunt hæc potissimum. Tempestiua admonitio Pauli, qua Centurioni & reliquis nauigatoribus mature & adhuc in Creta existentibus suadet ne se aperto immergant periculo. Præterea intempestiua & pernicioſa contumacia contemptorum consilij optimi: id quod eis celsit pessime. Singulare est etiam hoc quod Paulo apparet in periculo maximo angelus Domini, confortans ipsum, exponens item periculi totiusq; nauigationis euentum, & quod Paulo Dominus omnes in ea naui nauigantes donauit. Erant autem numero CCLXVI. Nec erat ista promissio aut iactatio inanis. In naufragio enim periit nauis, vt prædixerat Paulus, hominum nullus periit.

Quid actum in insula Melita.

In insula Melita excellentibus donis & beneficijs ornauit Apostolum suum Dominus. Viperam enim è manu Pauli sarmenta colligentis deferentisq; ad pyram, dependentem, citra damnum excussit in ignē, quo sese ex naufragio madentes & frigore rigentes fouebant. Publium insulæ primatem febribus & dysenteria periculose laborantem restituit sanitati inuocato Christi nominis. Præterea omnes eius insulæ homines varijs oppressos & vexatos morbis curauit. Quam ob rem insulani Melitenses tantis beneficijs non ingrati multam beneficentiam & honores maximos contulerunt in Paulum & sodales.

Sicilia. Rhegium.

A Melita, quæ & Malta dicitur, soluentes in naui Alexandrina Iulius atque Paulus, deferuntur Syracusas in Siciliam. Inde vero emenso freto Siculo Rhegium primam in Italia urbem attingunt.

attingunt. Hinc transuecti Brucios, Lucanos & Picentinos, præteritoque amœnissimo sinu Neapolitano, deferuntur in eius sinus extimum promontorium, quod in Austrum spectat, Puteolos, urbem à puteorum frequentia sic denominatum. Inde rursus per Appij forum & Tres tabernas pedestri itinere Romam contendunt atque perueniunt, excipientibus ipsum Paulum fratribus, & in occursum ad Appij vsq; forum prodeuntibus. Romæ à Centurione traditus est principi exercitus.

Iam quod tempora attinet, videtur hæc peregrinatio cœpta ante hyemem, & absoluta esse in Vere. In Vere enim Romam peruenit Paulus, nimirum II. Neronis anno. Lucas enim in Actis cap. 27. Et cum aptus portus (inquit) non esset ad hybernandum, complures cœperunt consiliū soluendi illinc, &c. Cœpta est ergo nauigatio vel ante hyemem, vel in hyemis principio. Deinde in cap. 28. idem Lucas, Post menses autem tres, ait, nauigauimus in naui Alexandrina, quæ in insula hyemauerat. Ergo post hyemem demum nauigarunt & perueniunt Romam, nimirum in Vere.

CAPVT XVI.

Quid Romæ fecerit & scripserit Apostolus Paulus, ac de epistolis eius ad Galatas, Ephes. Coloss. Philip. 2. ad Timoth. Philemon. ad Hebr. &c.

Rinceps exercitus cui Iulius Paulum tradiderat vinctum, permittit Apostolo ut solus cum custode milite maneat. Ideoq; licebat ei recipere & dimittere quos volebat. Ac vocauit quidem Iudæorum primores primum, quibus eleganti oratione exposuit totum negotium suum, ob quod vinctus fuerat adductus ex Syria, cognoscere simul cupiens, num aliquis adesset qui ipsum accusare vellet coram Cæsare, an accusandi peritias acceperint mandatum. His vero significantibus neminem esse qui de Paulo quicquam mali vel dixerit vel scripserit, postulantibusque ut ipsis de fide Christiana differeret, libens obtemperauit, integrumque diem à mane ad vespæram de omnibus credendis de Christo Domino ex lege & prophetis splendide disputauit. Nec caruit hic Pauli labor suo fructu. Multi enim crediderunt in Christum. Nec defuerunt qui pergerent pertinaciter esse infideles. Quibus postquam ex Isaia suum recitasset iudicium, conuertitur ad Gentes. Has autem docuit per integrum biennium illud quod custodiebatur in libera custodia. De qua re Lucas, è quo & illa mutuauimus, quæ hætenus in hoc cap. recitauimus, ita scriptum reliquit in Actis cap. 28. Mansit autem Paulus biennio toto in suo conducto: & suscipiebat omnes qui ingrediebantur ad ipsum, prædicans regnum Dei, ac docens quæ sunt de domino Iesu, cum omni fiducia, nemine prohibente. Nam in hunc finem, diuina prouidentia moderante, Romam peruenerat. Cæterum extendit se biennium hoc in IIII. vsque Neronis annum. Secundo enim Neronis anno in Vere venit Romam Paulus. Mansit autem biennio toto in suo conducto: ergo mansit Romæ in IIII. vsque Neronis annum. Erat is annus Christi LX. conuersionis autem Pauli XXVII.

Profecit autem prædicatione sua Apostolus Romæ plurimum. Nam ipse eâ de re loquens ad Philip. Scire, ait, vos volo fratres, quod quæ mihi acciderunt, magis ad profectum Euangelij euenerunt: ita ut vincula mea manifesta facta sint in Christo, in toto prætorio, ac cæteris omnibus. Et reliqua. Huc pertinere puto illud Hieronymi in epist. ad Philemonem, dicentis, Quid sit Prætorium in ipsius epistolæ fine indicat. Salutant vos omnes sancti, maxime qui de Cæsaris domo sunt. A Cæsare missus in carcerem, notior familiæ eius factus, persecutoris domum Christi fecit ecclesiam. Hæc ille, Visum est eidem Hieronymo in scripto, ecclesiast. L. Anneum Senecam virum clarissimum, frequenter scripsisse ad S. Paulum & hunc ad Senecam. Extant vtriusque Epistolæ. Antonius Sabellicus illustris historiarum scriptor, Enneadis 7. lib. 2. Senecæ v. ad Paulum, inquit, hoc habuit, Confiteor Augustum (Neronem) sensibus tuis permotum, cui lecto virtutis in te exordio, ista vox fuit, Mirari se posse, ut qui non legitime sit imbutus, taliter sentiat. Cui ego respondi, Solere Deos innocentium ore effari. Et hæc vir ille ad Paulum & apud Neronem de Paulo. Quoniam vero emunctiss. iudicij D. Eras. Rot. in Operibus Senecæ argumentis non spernendis ostendit Epistolas illas neque Paulinæ maiestatis, neque grauitatis Senecæ habere quicquam, non magnopere illas apud lectores pios vrgeo.

Neque vero contentus erat plurimos Romæ Christo lucrificere, sollicitus præterea erat eos, quos olim lucrificerat, retinere Christo, & his adhuc plures adijcere. Ergo eius rei gratia Timotheum mittit in Macedoniam seu Græciam, uti ex epist. ad Philip. licet colligere. Titum

S E R I E S T E M P . E T R E R .

ablegavit in Dalmatiam, Crescentem vero in Galatiam. Porro Tychicum misit in Asiam: quem admodum in 2. ad Timotheum epistola ipse indicat. Nec dubium quin multò his plures miserit etiam in alias regiones prædicatum Euangelium Christi.

*Quæ scripserit à Roma Paulus.
Ad Galat.*

Præterea scripsit à Roma ad gentes varias aliquot epistolas diuina refertas sapientia, fluentesq; salutaribus & iugibus aquis vitæ & salutis. Inter eas numeratur primo loco quam dedicauit Galatis, quam exarauit manu propria: cum aliàs per amanuensem scribere solitus sit: sicuti Tertio excipiente dictauit epistolam ad Romanos. Videri tamen poterat non abs re epistola ad Galatas missa ex Epheso: quod mox ab initio epistolæ dicat, Miror quod à Christo tã cito transferamini. Atqui constat vincula Pauli, quæ Romæ sustinuit à conuersione Galatarum sese in annum ferè X. extendere. Vt iam non commemorem, quod in epistola ad Galatas nullibi, sicuti in alijs epistolis à Roma missis, vinculorum meminit, & vt preces ad Dominum pro ipso fundant, poscit. Perinde vero est à Roma, an ab Epheso, scripta sit. Certe excellentissima est epistola.

*Ad Ephesios,
Coloss. & Phil.
lem. Ad Philip.
pensos. Ad Hebræos.
2. ad Timotheum.*

Certam est epistolas ad Ephesios, Colossenses & Philemonem Romæ scriptas, & per Tychicum esse missas, delatasq; in Asiam. Hoc enim ex ipsis Pauli verbis nullo negotio colligi potest. Nec minus certum est epistolam Philippensibus inscriptam à Roma missam esse per Epaphroditum, vtpote cuius in ipsa meminit epistola. Porro epistolam ad Hebræos Roma quoque missam esse in Iudæam, non ineptis coniecturis ex vltimo capite sumptis, colligitur. Postremo dubium non est de Secunda ad Timotheum epistola, quin à Roma prodierit. Apparet autem missam in Macedoniã aut Græciam, vbi tum erat Timotheus. Ita vero diuinum illud sanctissimi Pauli pectus nusquam quieuit, nullam occasionem neglexit, nullis laboribus pepercit, & omnia sua huc direxit, vt Christianam religionem quàm latissime scriptis, dictis & factis propagaret. Vtinam sint hodie multi qui pro suo modulo & dono, pura fide, dilectione, simplicitate, sinceritate, pietate & diligentia, sancto item iustoq; zelo atque seruiore euangelij Iesu Christi negotium moueant ac feliciter multoque cum fructu promoueant. Volentibus & viribus totis annitentibus implorantibusq; Iesu Christi auxilium ac spiritum, nunquam deerit pius & clemens Dominus.

C A P V T X V I I .

*Quid anno Neronis IIII. & deinceps Romæ, ac alibi cum Paulo actum sit,
& de interitu eius, coniecturæ aliquot.*



Vid porro egerit Paulus IIII. Neronis anno, aut quomodo se defenderit contra accusatores suos Iudæos coram tribunali Cæsaris, quomodo liberatus sit, & quo liberatus abierit, quid fecerit denique ad diem vsque mortis suæ, tanta certitudine, quanta superior historia, ostendi non potest. Proferam tamen coniecturas aliquot pro his quæ proposuero confirmandis: proferam & veterum scripta. Nam in IIII. Neronis anno finit beatus Lucas Acta Apostolorum. Interim vero non sunt vlla in parte sui quod plenam de pietate Christiana doctrinam attinet, imminutæ aut inabsolutæ sacræ literæ.

*Sacræ literæ
plenè omnem
pietatis doctrinam continent*

Quanquam enim literis non sit traditum, quomodo se defenderit Paulus coram Nerone, quomodo liberatus sit, aut quo abierit liberatus, quid & quibus prædicarit, & quomodo tandem occubuerit: habemus tamen ex quibus illa omnia sarciamus, aut certe qualia ista fuerint estimemus. Habemus defensionem Pauli factam coram populo Israelis præfente Cl. Lyfia, & aliam quandam coram Felice præfide, & aliam rursus coram Festo præfecto, & coram rege Agrippa, habemus ergo substantiam, vt vocant, eius quoq; purgationis, qua vsus est coram imperatore Nerone: præsertim cum responsiones illæ quæ extent omnes vnius sint generis & argumenti. Habemus relatum in literas quid prædicarit Paulus Syris, Asianis, Insularibus, Macedonibus & compluribus alijs gentibus: & ea quidè omnia pulchre sibi constant, & omnia sunt generis eiusdem: vnde necessario colligimus nihil aliud Lucam, quod doctrinæ substantiam attinet, tradere potuisse, licet reliqua Pauli fuisset prosequutus, nisi hoc ipsum quod hucusq; tradidit. Noua duntaxat locorum & populorum nomina posuisset: at ea ad pietatem nihil faciunt vel augendâ vel minuendam. Habemus præterea elegantissimas descriptiones interitus S. Ioan. Baptistæ, S. Stephanii, sed & B. Iacobi Apostoli cõsignationem breuissimam. Idem vero est exitus beatorum omnium, mortis genera diuersa sunt: at in hoc nulla sunt pietatis momenta. Habentes ergo aliquot sanctorum mortes, ex ijs iudicare possumus quales fuerint omnes omnium aliorum seruorum Dei passionis.

Plene

Plene ergo omnia ea nobis tradita sunt scripturis canonicis quæ ad perfectam pertinent doctrinam pietatis, licet destituamur aliquot historijs, locorum inquam, temporum & personarum circumstantijs. De qua re alibi copiosius disputavi, redeo ergo nunc ad institutum nostrum.

Videtur Paulus Neronis anno IIII. vocatus ad tribunal Cæsaris, causam dixisse contra Iudeos accusatores suos: ac tum quidem cum actioni sese pararet, valedixisse amicis, ac supplicio ultimo se quasi dedidisse. Cæterum Cæsar ea actione distulit negotium, nec certum pronunciauit. Producitur ergo rursus ad tribunal Cæsaris Apostolus; ac secundum iam agit causam suam pro se. Tum vero lata à Cæsare sententia, Paulus innocens pronuntiatus & liberatus est. Hæc autem sumpsimus ex posteriore Pauli ad Timotheum epistola, in qua manifeste meminit primæ defensionis, dicens, In prima mea defensione nemo mihi adfuit, sed omnes me deseruerunt. Sed & inscriptiones epistolæ sic habent, scripta è Roma ad Timotheum 2. cum Paulus iterum sisteretur Cæsari Neroni. In prima quidem defensione putauit se (sicut modo dixi) trucidandum, valedixit ergo amicis & Timotheo in primis scripta ea epistola. Huc enim pertinent illa verba, Ipse iam immolor, & tempus meæ resolutionis instat. Certamen bonum decertavi, cursum consummaui, &c. Cæterum cum secunda defensione liberatus esset, finem epistolæ istum de immolatione sua non expunxit, nimirum vt Timotheo suo indicaret quo animo, & quanto cum periculo ad tribunal Cæsaris accesserit: insuper & ista coronidis vice adiecit, quæ sequuntur ab his verbis, Da operam vt venias ad me cito, &c. vsq; ad finem. Ea vero omnia sunt huiusmodi, vt manifeste appareat adiecta esse post secundam defensionem, cum iam cogitaret de prædicatione continuanda, nouisq; peregrinationibus instituendis. Huc enim pertinent illa omnia: Da operam vt venias ad me cito: Marcum assumptum adducito vnâ tecum: est enim mihi perutilis ad ministerium. Item, Penulam quam reliqui Troade apud Carpum cum veneris apporta, & libros, maximè autem membranas. Hæc enim est vera apostoli suppelles. Certe liberationis suæ his verbis aperte meminit: Dominus mihi adfuit, & corroborauit me, vt per me præconium expleteretur, & audirent omnes gentes. Et ereptus fui ex ore leonis, &c. Nemo autem nescit illud Solomonis: Leo rugiens, & rursus excurrens, est princeps impius populo pauperi. Et talis quidem erat Nero Cæsar, licet per initia imperij nondum ad furorem tyrannidis peruenisset. Et hæc quidem videntur perfecta in ætate, præsertim cum in eadem ad Timotheum dicat: Da operam vt venias ante hyemem. Sic enim per cæli intemperiem commodius quo instituerat apostolus, proficisci poterant ad prædicationem euangelij, ob quam inter gentes explendam, ipse testis est se liberatum esse ex ore tyranni.

Paulus defendit se ante tribunal Neronis.

Paulus Dei nō Neronis beneficio liberatus est.

Non dissimulabo tamen hic veterum quorundam sententiam. Hieronymus enim sequutus Eusebium in viris illustribus ecclesiasticis scriptoribus arbitratur 2. ad Timotheum scriptam esse paulo antequam decollatus est Paulus. Verba eius sunt hæc: Sciendum autem in prima satisfactione, nec dum Neronis imperio roborato, nec in tanta erumpente scelera, quantā de eo narrant historiæ, Paulum à Nerone dimissum, vt euangelium Christi in occidentis quoq; partibus prædicaret, sicut ipse scribit in 2. epistola ad Timotheum. Eo tempore quo & passus est de vinculis, dictat epistolam, In prima mea satisfactione nemo mihi adfuit, sed omnes me dereliquerunt. Non eis imputetur. Dominus autem mihi adfuit & confortauit me, vt per me prædicatione expleretur & audirent omnes Gentes. Et liberatus sum de ore Leonis. Manifestissime Leonem propter crudelitatem Neronem significans. Et in sequentibus, Liberauit me Dominus ab omni opere malo, & saluauit me in regnum suum cœleste: quod scilicet præsens sibi sentiret imminere martyrium. Nam & in eadem epistola præmiserat, Ego iam immolor & tempus meæ resolutionis instat. Hæc Hieronymus. Cæterum probabile non est secundam ad Timotheum tam sero, nimirum post annos IX. aut X. postquam IIII. Neronis anno liberatus creditur, editam esse, præsertim cum ultimo capite multa commemoraret, quæ manifeste pertinent ad ea tempora quibus ex Græcia nauigans Hierosolymis captus & Romam deductus est. Quale illud est, Lucas mecum est solus. Item, Tychicum misi Ephesum. Certò enim constat hunc missum esse in Asiam in prima hac Pauli non postrema captiuitate. Item, Saluta Priscam & Aquilam. Item, Erastus mansit Corinthi. Item, Trophimum reliqui in Mileto languentem. Certum est autem vel ex 20. cap. Acto. hunc Trophimum in extrema ex Macedonia in Asiam profectiōe in comitatu Pauli fuisse, eoq; tempore relictum Mileti, quo Epheso præterita, Miletum conuocauit in Synodum omnes Asiæ presbyteros. Sed volo hic etiam vt alibi quoq; quisque suo sensu abundet.

Hieronymi sententia de 2. ad Timotheum epistola.

Alius eiusdem nominis Trophimus fuit cuius mentio fit. Acto. 21. Paulus liberatus est, absolutus iudicio Cæs. proficiscitur in Hispaniam.

Iam quo abierit liberatus Paulus, certo dicere non possum: Sunt tamen coniecturæ non leues, quæ duplicem nobis commendant sententiam. Vel enim vinculis solutus recta abiit in Hispaniam. Vel redijt protinus in Syriam Asiam atque Græciam. Prior sententia sumitur ex his

SERIES TEMP. ET RER.

Pauli ad Roman. cap. 15. verbis, Haftenus annixus fui ibi prædicare, vbi prius non erat nominatus Christus, ne super alienum fundamentum ædificarem: sed quemadmodum scriptum est, Quibus non est annunciatum de eo, videbunt: & qui non audierant, intelligent. Quapropter & præpeditus sum sæpe, quo minus venirem ad vos. Nunc vero cum non amplius locum habeam in regionibus his, desiderium autem habeam veniendi ad vos multis iam annis, quandoquunque iter instituero in Hispaniam, veniam ad vos. Spero enim fore vt isthac iter faciens videam vos & à vobis producar illuc, si tamen vestra consuetudine prius ex parte fuero expletus.

Epiphanius.
Hieronymus.
Sophronius.

Ergo Epiphanius Salaminæ Cypri episcopus in opere suo contra hæreses, Carpocratianos confutans, tradit palàm Paulum prædicasse in Hispanijs. Hieronymus dicit illum docuisse in Occidentis partibus. Sophronius patriarcha Hierosolymitanus scribit Italiam, Gallias & Hispanias beati Pauli transitu euangelica prædicatione illustratas. Idem testatur cum in domo Probi illustri cuiusdam viri in Hispania Paulus susceptus esset hospitio, & Xantippe vxor, Probi hospitis modestiam, sedulo in ipsum intenta, admiraretur diuina dispositione factum, vt cum sic hospitis vultui inhæreret, appareret in fronte Apostoli, quasi aureis literis inscriptum, Paulus Apostolus prædicator Christi. Ea vero cum prænuncia fama multa de Paulo audisset & diu de siderasset tantum videre Apostolum, gaudio pariter & stupore correpta corruit ad pedes Pauli, qui ipsam in cognitione euangelij Christi instituens sancto baptismo Christo vnà cum marito & familia consecrauit. Traditur & Philotheus eius regionis primas fidem Christi à doctore Paulo recepisse.

Paulus redit in
Syriam.

Posterior sententia, qua putatur proxima rediisse in Syriam, Asiam & Macedoniam, hisce innititur Pauli testimonijs. Ad Hebræ. 13. cap. Orate pro nobis, inquit, & magis quidem vt hoc faciatis oro, quo celerius restituar vobis. Sciatis fratrem vestrum Timotheum solum esse, cum quo (si celerius venerit) visam vos. Et ad Philipp. 2. cap. Timotheum, ait, spero me missurum ad vos, mox vbi videro mea negotia. Confido autem in Domino quod & ipse breui venturus sim. Rursus ad Philemonem dicit, Simul etiam præpara mihi hospitium. Spero enim quod auxilio precum vestrarum donabor vobis.

Probabile mihi videtur quod Apostolus è vinculis Romæ liberatus, recta ad ecclesias Syriæ, Asiæ, & Græciæ confirmandi consolandiq; gratia redierit. Deinde vero ex Græcia soluerit, transieritq; in Italiam, & ex ea superatis montibus abierit in Gallias, ex Gallijs rursus penetraverit in Hispanias, ex Hispanijs vero redierit aut reductus sit in urbem Romam, vbi tandem sub Nerone occubuit. Peregrinationem eam perfecisse videtur intra annos X. occubuisse anno Neronis vltimo.

De morte &
supplicio Pauli

In loco autem & genere mortis Pauli omnibus conuenit scriptoribus vetustis, in tempore non item. Romæ enim gladio Neronis obtruncatum esse Apostolum dicunt. Alij vero ponunt XIII. alij XIII. Neronis annum, forte quod alij finem spectant anni XIII. alij vero principium XIII. Hieronymus sequutus Eusebium in Viris ecclesiæ illustribus, Paulus, ait, XIII. Neronis anno, eodem die, quo Petrus, Romæ pro Christo capite truncatus, sepultusque est in via Ostiensi, anno post passionem Domini XXXVII. Erat is annus Natiuitatis Domini LXX. conuersionis Pauli XXXVII. Tanto videlicet tempore minister Iesu Christi prædicat in Oriente & Occidente salutare Christi Euangelium, maximis haud dubie cum ærumnis atque laboribus, quorum ipsemet compendium contexens in posteriore ad Corinthios & aduersarijs suis respondens, Ministri Christi sunt, ait, vt ego (vt minus sapiens dico) excellentius sum ego: in laboribus copiosius, in verberibus supra modum, in carcere abundantius, in mortibus frequenter. A Iudæis quinquies quadragenas vnà minus accepi plagas. Ter virgis cæsus fui, semel fui lapidatus. Ter naufragium feci. Noctem & diem in profundo egi. In itineribus sæpe, in periculis fluminum, periculis latronum, periculis ex genere, periculis ex gentibus, periculis in ciuitate, periculis in deserto, periculis in mari, periculis inter falsos fratres, in labore, in molestia, in vigilijs sæpe, in fame & siti, in ieiunijs sæpe, in frigore & nuditate: præter ea quæ extrinsecus accidunt, incumbens mihi quotidiana cura omnium ecclesiarum. Quis infirmatur & ego non infirmor? Quis offenditur & ego non vror? Hæc omnia leguntur in 2. ad Corinth. 11. cap. Quis autem nesciat post hanc epistolam editam, Apostolum multo plura & maiora perpeßum? Discant ergo omnes Christiani, ministri in primis ecclesiarum, fide, charitate, spe, zelo, diligentia, animo infracto fideli & patientissimo seruire Deo excelso & Domino nostro Iesu Christo in hoc seculo, ac ea in re imitari exemplum beatissimi Apostoli Pauli, qui omnibus nobis exemplum, modis omnibus imitandum, quatenus videlicet ipse quoque imitator Christi fuit, à Deo nobis est propositus.

Labores & e-
rumne Aposto-
li Pauli.

De causa

De causa mortis Pauli nihil traditum est à vetustis, nimirum quod apertissimum sit Paulum propter Christi fidem & prædicationem, sicuti & alios Christi prædicatores testes siue martyres, occubuisse. De causa quam Nero prætexuit suæ persecutioni, incendium videlicet vrbis, dicemus in capite ultimo, in Nerone. Quia tamē Ioannes Chrysostomus libro primo, aduersus vituperatores vitæ monast. singulare quiddam de causa mortis Pauli tradit, non grauabor verba authoris hisce nostris inferere, Paulus, inquit, pellicem Neronis, quam deperibat ac delictijs habebat, cum ad fidem inducens, religionis sacramenta suscipere, simul etiam impurū congressum declinare persuaferat, Nero Paulum corruptorē nebulonem & flagitiosum hominem vocitans, primum quidem coniecit in vincula, deinde poscit vt puellæ eiusmodi consilia monitæ dare desineret: quod cum à Paulo impetrare non posset, necauit tandem virum sanctissimum. Hæc Chrysostomus. Id si verum est, perijt Paulus propter libidinem regis accusatam, perinde atq; sanctissimus ille Ioannes Baptista, propter incestas regis Herodis nuptias accusatas. At Paulus Orosius historiarum libro 7. cap. 7. simplicissime dicit, Auxit molem facinorum Neronis, temeritas impietatis in Deum. Nam primus Romæ Christianos supplicijs & mortibus affecit, ac per omnes prouincias pari persecutione excruciaci imperauit, ipsumq; nomen extirpare conatus, beatissimos Christi Apostolos Petrum cruce, Paulum gladio occidit. Dominus Iesus quem prædicauit Paulus, cuius solius gloriam quæsiuit, concedat ecclesiæ suæ veram fidem & sanctissimam in fide constantiam. Amen.

De causa mortis Pauli.

CAPVT XVIII.

De successione & imperio Romanorum Principum Octauij Augusti, Tiberij, Caij, Claudij & Neronis Cæs. quorum mentio ferè fit in literis Apostolicis.



Voniam vero in opusculo hoc nostro Principum Romanorum Imperatorū aut Cæsarum mentio facta est creberrima, visum est in gratiam Lectorum, & quo plus lucis minusq; impediendi habeant hætenus propolita, paucis perstringere successionem Romanorum Cæsarum & in successione aliquot etiam res ad vtilitatem Lectorum facientes, idq; non ex vulgaribus, sed classicis scriptoribus historiarum, Suetonio Tranquillo, Cornelio Tacito, Sexto Aurelio Victore, Flauio Iosepho, Eusebio Cæsariensi, Paulo Orosio, & Eutropio.

Post Iulium Cæsarem trucidatum respublica siue Regnum Romanum, quod is inuaserat ac obtinuerat, deuolutum est ad Octavianum, qui adoptione C. Cæsaris maioris auunculi C. Cæsaris dictus, ob victoriā vero Augustus cognominatus est. Huius anno Romani videlicet principatus XLII. natus est Saluator mundi in Bethlehē Iudææ. Id quod multis exposuit Lucas in historia euangelica cap. 2. Multa pacē vsus & multis præclaris excellens victorijs, abusus legitur Dei beneficijs, & insolentia luxuriāq; peccauisse. Idcirco tam dira Romanos famēs inuasit, vt Cæsar maximam hominum vim vrbe trudi præceperit. Deinde senē iam Augusto, vt Suetonius ait, Ianus patefactus, quem in natiuitate Christi clauserat, vsque ad Vespasiani patuit imperium. Nam Titus victor & cum patre Vespasiano triumphans; Ianum clausit rursus, supplicio nimirum sumpto de impijs Iudæis. Vixit Augustus annos LXXVI. Excelsit Nolæ XIII. Calend. Septemb. duobus Sextis Pompeio & Apuleio Coss. cum tenuisset rempub. cum M. Lepido & M. Antonio, & rursus cum M. Antonio tantum annos ferè XII. nouissime solus per annos IIII. & XL. in vniuersum LVI.

Augustus Cæsar.

Successit Octauio Augusto in repub. gubernanda imperator Augusti priuignus Claudius Tiberius Nero: qui ob vitium vinolentiz dictus est per iocum Caldius Biberius Mero. Huius anno XV. cœpit salutaris prædicatio euangelij per Ioan. Baptistam. XVII. imperij eius anno Christus Dominus mortuus, resurrexit, ascendit in cælos, & S. Sanctum misit in discipulos, de qua re dixi in cap. huius opusculi primo. Pilatus Iudææ præses ad Tiberium & senatum Róm. retulit XIX. anno imperij eius de passione & resurrectione Christi Domini eiusq; & discipulo rum miraculis, sicut in historijs tradunt Orosius & Eutropius, ac Tiberius quidem retulit ad senatum, vt CHRISTVS haberetur pro Deo. Senatus, sicut scriptor vetustissimus Tertull. Apologetici sui cōtra Gentes 5. cap. meminit, quia nō ipse probauerat (resq; ad ipsum primò delata fuerat) respuit. Ac Seianus quidē Tiberij præfectus, suscipiendæ religioni contradixit acerrime obstinatissimeq;, edictoq; decreuit vt Christiani vrbe eijcerentur. Tiberius vero in sentētia sua mansit, comminatus periculum Christianorum persecutoribus accusatoribusq;.

Tiberius Cæs.

Tiberius vult Christum inter Deos coli. Ego ab hominē testimoniū nō accipio. Ioh. 5.

S E R I E S T E M P . E T R E R .

Prodigia stupenda sub Tiberio edita.

Permouerunt Cæsaris animum, haud dubie ingentia illa & stupenda prodigia sub morte Christi Domini per totum orbem facta. Orbis enim maximo terræmotu concussus est, saxa in montibus conscissa hiauerunt, maximarumq; urbium plurimæ partes plus solita concussione ceciderunt. Et eadem die qua Dominus noster in crucē sublatuſ est, circa horam V I. quæ nobis est meridiei XII. penderetq; viuus è stipite ad horam vsq; IX. vespèrarum, quæ nobis III. est, ac tum demum expiraret, ab hora, inquam, V I. vsq; in horam I X. sol in totum obscuratus, tetraq; nox subito inducta est terris. Vsque adeo autem neq; lunam lumini solis, neq; nubes obstitisse manifestum est, vt quartam decimā eo die lunam tota cœli regione interiecta longissime à conspectu solis abfuisse, & stellas tunc diurnis horis vel potius in illa horrenda nocte cœlo fulſisse, referatur. Quod non solum sanctorum euangeliorum fides, sed etiam Ethnici Græcorum libri attestantur, inter quos & Phlegonis numerat Eusebius in Chronicis, Eutropius in historia, & Lucianus martyr Christi ac presbyter Antiochenus in sua pro se apud Gentes Apologia.

Tiberij interitus.

Porro cum Tiberius non perseueraret in fide, mansuetudine & modestia, ex principe tolerabili facta est truculenta bestia. Bonam enim senatus partem occidit. Filios proprios veneno sustulit. Libidinem stupendam exercuit. Breuiter, exiit hominem, & diabolum prorsus induit. Seianum illum acerrimū Christianæ religionis hostem lupus lupū lacerans, interfecit, ipse præterea ambiguus veneni signis interijt. Sic mutuis ceciderunt vulneribus impij, crudeles, scædi & abominandi homines, qui noluerunt regem Christum super se regnare. Obijt in villa Lucullana anno ætatis LXXVIII. imperij sui XXXIII. Calend. Apriles XVI. Cn. Acerronio Proculo, C. Portio Nigro consulibus.

Caius Cæsar.

Post Tiberium regnum arripuit Caius Cæsar, Caligula cognominatus, Germanici filius, nepos Drusi fratris Tiberij. Propudium hic & sterquiliniū erat hominis omniū ante se sceleratissima bestia, & qui vere dignus Romanis idololatriæ & Iudæis blasphemis pertinacibusq; Christi persequutoribus & contemptoribus punitor adhibitus videretur. Ante principatum quidem omnibus erat charus acceptusq; in principatu nemo vnquam illo exitit atrocior. Primus diademate imposito dominū se appellari (quod nomen Augustus modis omnibus etiam edicto edito à se remouerat) ac pro Deo coli voluit.

Superbia diabolica Caij.

Caius voluit se adorari pro Deo.

Arbitror autem me Lectori gratificaturum, & nihil à proposito nostro alienum allaturum, si hæc ex Iosepho historiam de hoc Caio & stupenda eius impietate transferam. Caius Cæs. inquit ille, in tantū contumeliose abusus est fortuna, vt etiam & Deum se putaret, & vellet vocari. Et hanc suam impietatem etiam in Iudæam extendit. Petronium denique cum exercitu Hierosolymas direxit, præciens vt in templo statuas eius locaret, quas nisi fusciperent Iudæi, contradicentes interficeret. Et Petronius quidem in Iudæam festinans cum exercitu Ptolemaidem peruenit. Quod cum Iudæi intellexissent processerunt Petronio supplicaturi obuiam cum vxoribus & liberis in campum, in quo sita fuerat Ptolemais. Petronius supplicantiū flexus multitudine, exercitum quidē & statuas reliquit in Ptolemaide, ipse vero descendit in Galilæam, conuocatisq; Iudæis in Tiberiadem cœpit exponere mandatum & minas Cæsaris, addens insuper supplicationem Iudæorum esse contumeliosam, cum omnes gentes quæ obediunt Romano imperio in suis urbibus inter reliquos deos, imagines quoq; Cæsaris locauissent, soli Iudæi istud respuerent. Id perinde esse, ac si deficerent ab imperio, & manifesta iniuria afficerent præfidentē. Illis vero contra hæc legem moresq; patrios allegantibus, & quia ne Dei quidem simulachrum, nedum hominis: nec solum in templo, sed neque in prophano aliquo totius regionis loco phas sibi esset locare: arripiens dictū, Petronius respondit, Sed & mihi lex Domini mei seruanda est. Cogam itaq; vos implere quæ mandata sunt. Ad id tota conclamauit multitudo, malle se semel in vniuersum interire, quàm temerare leges Dei. Sedato tandem clamore, Petronius rursus dixit, Pugnare ergo aduersus Cæsarem estis parati? Responderunt se paratos esse pro Cæs. & pro Romanorum salute sacrificia immolare: at si pergat statuas ipsis collocare in templum, debere eum prius immolare, iugulareue totē gentem. Petronius permotus populi admiranda constantia, rem per literas retulit ad Cæsarem. Cæsar succensus, Petronio extrema minatus est, vi pergat statuas Cæsaris inferre templo. Sed epistolæ huius vectores per tres continuos menses contingit, diuina prouidentia ita temperante res, tempestate retineri. Alij vero Cæsaris interitum nunciantes nauigarunt felicius & alios præuenerunt.

Iudæi cur noluerint recipere Caij statuas.

Libido Caij Cæs.

Mirum autem est hominem spurcum, porcum, inquam, lutulentum, denique lupum humano madentem sanguine, cuius imaginem nemo mediocris vel in cloacā suam recepisset, ausum fuisse postulare in templa reciperent cordati. Verum tale merebantur illorum mores, qui Christum Dei Filium sanctissimum recipere nolebant. Caius enim hic libidinis fuit portentum.

Nam

Nam tres sorores suas stupro commaculauit, stupratos misit in exilium. Matrimonia contraxerit turpius, an dimiserit, an tenuerit, non est facile discernere. Adulter fuit omnium qui vixerunt impudētissimus. Tranquillus enim, illustriorēs fœminas, inquit, plerūq; cum maritis ad cenam vocatas diligenter ac lente, mercantium more, considerabat, etiam faciem manu eleuans, si quæ pudore submitterent. Quoties deinde libuisset egressus triclinio, cum maxime placitam seu ocellasset, paulo post reuersus, vel laudabat palam vel vituperabat, singula numerans bona maius corporis, &c. Lupanar in palatio constituit; distinctisq; & instructis pro loci dignitate compluribus cellis, in quibus matronæ ingenuiq; starent, misit circum fora & basilicas nomenclatores ad inuitandos in libidinem iuuenes senesq;. Pudicitia neq; suæ neq; alienæ pepercit, sed & a virorum commercio non abstinuit sceleratus.

Sæuitiam incredibilem & exemplo carentem exercuit. Exclamasse fertur, Utinam populus Romanus vnam ceruicem haberet. Propinquos & amicos, etiam senatores honestissimos trucidauit, & cum eos clam interemisset, citare nihilominus perseuerauit, paucos post dies voluntaria morte periisse mentitus. Non temere in quenquam nisi crebris & minutis iectibus animaduerti passus est, perpetuo notoq; iam præcepto, ita fieri, vt se mori sentiat. Multos honesti ordinis deformatos prius stigmatum notis ad metalla aut munitiones viarum, aut ad bestias condemnauit, aut bestiarum more quadrupedes cauea coereuit, aut medios ferra dissecuit. Parentes supplicio filiorum interesse cogebat. Quorum vni valetudinem causanti leſticam misit. Equitem Romanum obiectum feris, cum se innocentem proclamasset, reduxit, abscissaq; lingua rursus induxit. Si vixisset diutius longe crudeliora patraſſet. A morte enim eius inuenti sunt libelli duo, quorum alteri pugio, alteri gladius inscriptus erat titulus, in quibus nomina morti destinatorum nobilium continebantur. Inuenta est in secretis eius & arca ingens, variorum venenorum pocula continens, qua demersa maria dicuntur infecta; non sine magno piscium exitio, quos ex necatos per proxima littora passim iustus eiecit. Hæ scilicet erant virtutes Dei illius Romani; qui ab omnibus adorari, & pedes impurissimos sibi exosculari poscebat. Ea non temere hic commemoro, vt omnes intelligant qualia fuerint tempora, in quibus Euangelium prædicarunt Apostoli, & cum qualibus monstis pugnandum fuerit pijs, quæ fuerit licentia & detestanda impiorum impia audacia.

Verum iam, libet etiam mortem impurissimi canis subijcere, vt inde quæque iusta Dei iudicia intelligantur. Ergo IX. caled. Februarias ultimo imperij anno, cum ad ludum scenicum in spectandum prodiret scelus, inflatis aliquot vulneribus à Caisio Chærea, & Corn. Sabino prostratus est in terram. Iacentem vero & contractis membris clamantem se viuere, cæteri conuati vulneribus triginta confecerunt. Quidam etiam per obscœna ferrum adegerunt. Cadauer eius clam in hortos Lamianos asportatum, & tumultuario rogo semiambustum, leui cespite obrutum est. Atque hic est finis exitusque Romani illius Dei ab ipso diabolo consecrati. Perijt vnâ vxor Cefonia (luxuria & lasciuiâ perdita mulier, quam ille amicis non raro nudam ostendit) gladio à Centurione confossa, & filia parieti illisa, Iulia Drusilla, quam monstrum illud dum viveret per omnium dearum templa circumferens, Mineræ gremio imposuit, alendamq; & instituendam commendauit. Vixit Caius annis XXXIX. imperauit triennio X. mensibus & VIII. diebus, vt annotatum est à Tranquillo. Sex. Aurel. Victor, & Eusebius Cæsariensis numerant ex integro fere annos IIII. quos in nostra supputatione sumus sequuti.

Exincto Caio imperium suscepit Tiberius Claudius Cæsar. Tametsi enim multa de abrogando imperio, ac republica in antiquum ordinem restituenda euertendaq; penitus Cæsarum vniuersa familia Senatus & Coss. consultarent decernerentq;, perripit tamen cum factione sua Claudius. Hunc mater Antonia hominis monstrum appellare solebat. Nam ventri, vino, libidini fœde obediens, vecors & probè hebes, ignauus & pavidus. Libertorum & coniugis, primum quidem Messalinæ, deinde Agrippinæ imperijs subditus fuit: vt Tranquillus dicat illum egisse ministrum non principem. Cibi viniq; quocunq; & tempore & loco appetentissimus erat. Conuiuia agitauit & ampla & assidua, ac ferè patentissimis locis, vt plerūq; sexcenti simul discumberent. Nec temere vnquam triclinio abscessit, nisi discensus ac madens, & vt statim supino ac per somnum hianti pinna in os inderetur ad exonerandum stomachum. Hæc autem eam ob causam maxime commemoro ex historijs, quo minus mireris Imperio Claudij orbem fame & ægestate vsque adeo pressum laborauisse. Nam Isaias, Væ, inquit, his qui manes accingunt vt festentur ebrietatem, prorogantes id ad crepusculum vsque. Ideo gloria huius populi fame maceratur & multitudo eius siti aret. Certè qualis erat princeps talis etiam aula, talis totus ferè populus. Claudius nihil æque quam timidus & diffidens fuit. Sæuum & sanguinarium natura

Sæuitia Caij
Cæsaris.

Interitum Caij
Cæsaris.

Claudius Cæs.

Claudij crapp
la luxuria.

Fames sub
Claudio.

SERIES TEMP. ET RER.

Seuitia ex interitus Claudij fuisse magnis minimisq; apparuit rebus. Senatores XX X V. equites Romanos CCC. leuissimis de causis trucidauit. Tandem venenum hausit gurges, temperante id Agrippina, excessitq; III. Idus Octobris Asinio Marcello, Acilio, Auiola Coss. LXXIII. ætatis, imperij XIII. anno.

Nero Caesar.

Nero Claudius, Claudio Tiberio in imperio protinus est surrogatus. Nam mox ab interitu Claudij Nero XVII. natus annos pro palatij gradibus imperator consalutatus est. Fuit is per initia princeps non malus, sed non diu talis perseuerauit, protinus enim ingenium sceleribus prodidit infandis, in feram omnino demutatus beluam. Tantis homo spurcissimus exagitabatur libidinibus, vt ne à matre quidem, sorore, aut ab vlla consanguinitatis reuerentia abstinuisse referatur. Puerum Sporum exectis testibus, etiam in muliebrem naturâ transfigurare conatus est. Ipse à viro, amictus nubentium virginum specie, palàm conuocato Senatu, dote dicta, cunctis se ista more frequentantibus vt vxor acceptus est.

Roma ignibus sicuti Sodoma afflicta.

Cæterum non diu inultam fuit exultare detestabilem Sodomica & abominandam libidinem iustum Dei iudicium. Equidem cum in vrbe tam famigerata nemo inueniretur qui sese opponeret infandis & pudendis adeo sceleribus, quin in desiderijs & abominandis cupiditatibus corda inflammata ab immundo spiritu, flagrant, lustrauit Dominus sordes illas, vt quondam incendio Sodomitico, ita nunc igni Neroniano: id est, iustus Deus permisit vt bona pars vrbs per impurissimum hunc nebulonem & inflammaretur & periret. Suetonius enim, Nero quasi offensus, inquit, deformitate veterum ædificiorû & angustijs flexurisq; vicorû, incendit vrbem. Voluit huius spectaculi imagine cernere qualiter olim Troia arserit: ideoq; incendium è turri Mæcenatiana prospectans, lætusq; flammæ (vt aiebat) pulchritudine, illij decantauit in illo suo scenico habitu. Arsit vrbs diebus continuis sex & noctibus septem. Nulla fuit clades quæ vrbi per ignium violentiam accidit grauior atque atrocior. De qua qui cupit copiose inspicere singula, legat Cornelium Tacitum Annal. libro 15.

Vera causa et origo persecutionis Neronianæ in Christianos.

Quorum vero opes & ædes perierant incendio, Neroni, ceu auctori mali tanti, vehementer iratebantur. Nero vulgi odium metuens & sese per calumniam repurgare cogitans, suspitio nem tanti sceleris imponit Christianis, atq; hos protinus tanquam incendiarios persequitur. Horum alij tormentis fracti factum confitebantur quod nunquam fecerant: alij in innocentia sua moriebantur. Cæpit grauis hæc persecutio X. Neronis anno, & durauit quadriennio ad finem vsque vitæ & regni Neronis. Etenim incendium vrbs incidit in Consultatum C. Lexanij & M. Lucinij Coss. at hi Consultatum gessere X. Neronis anno. Non pigebit huc referre Cornelij Taciti hostis religionis nostræ impuriss. testimonium ex historia Augustali, de persecutione & calamitosa nostrorum afflictione. Scribit ergo libro 15. de hac ita.

Vide quanta passi sint innocentes Christiani.

Ergo abolendo rumori Nero subdidit reos & exquisitissimis pœnis affecit, quos per flagitia inuitos vulgus Christianos appellabat. Auctor nominis eius Christus qui Tiberio imperitante per Procuratorem Pontium Pilatum supplicio affectus erat. Repressaq; in præsens exitiabilis superstitio rursus erumpebat: non modo per Iudeam originem eius mali, sed per vrbem etiam: quo cuncta vndique atrocita aut pudenda confluent celebranturq; Igitur primo correpti qui fatebantur, deinde indicio eorum multitudo ingens, haud perinde in crimine incendij quàm odio humani generis conuicti sunt. Ea percutibus addita ludibria, vt ferarum tergis coniecti, laniatu canum interirent, aut crucibus affixi, aut flammandi, atque vbi defecisset dies in vsum nocturni luminis vrerentur. Hortos suos ei spectaculo Nero obtulerat, & Circense ludicrum edebat, habitu aurigæ permixtus plebi, vel circulo insistens. Vnde (quanquam aduersus fontes & nouissima exempla meritis) miseratio oriebatur, tanquam non vtilitate publica, sed in læuitiam vnus absumerentur. Hæc Tacitus. Perstringit eadem in Nerone Suetonius hostis & ipse nostræ fidei, dicens, Multa sub eo & animaduersa seuerè & coercita, nec minus instituta. Afflicti supplicijs Christiani, genus hominum superstitionis nouæ & maleficæ. Hæc Tranquillus. Eodem anno & mox insequente sub consulatu Silij Neruæ & Attici Vestini, præstantissimos quosque Romanæ vrbs viros trucidauit bestia, tanquam C. Pisoni fauentes. Ea qui cupiunt plenius cognoscere & pulcherrima videre exempla mortem contemnentium, legant Taciti Annal. lib. 15. & 16. &c.

Parricidia Neronis.

Eodem tempore optimam Senatus partem interfecit, equestrem ordinem penè destituit, præceptorem Senecam, item M. Anneum Lucanum, matrem denique Agrippinam, amitam quoque, fratrem Britannicum, sororem, vxores Octauiam & Poppæam Sabinam, & ex hac priuignam suam, cæterosq; sibi vel propinquitatē vel affinitate coniunctos crudelissimus parricida necauit. Quo minus mirandum arbitror, quod ne Apostolis quidem Christi Petro & Paulo ac reliquis Christianis pepercit. Nam bonis omnibus hostis fuit. Nullus, ait Tranquillus, adhibitus delectus

lectus aut modus interimendi quosunque libuisset, quacunque de causa. Rectissime ergo & verissime in Apologetico suo contra Gentes scripsisse legitur Tertullianus in hæc verba: Consultate Commentarios vestros, illic reperietis primum Neronem in hanc sectam, tum maxime Romanam orientem, Cæsariano gladio ferocisse. Sed tali dedicatore damnationis nostræ etiam gloriamur. Qui enim scit illum, intelligere potest non nisi aliquod bonum grande à Nerone damnatum. Et mox: Tales nobis semper insequutores iniusti, impij, turpes, quos & ipsi damnare consueverunt, à quibus damnatos restituere soliti estis. Hæc Tertull. Apher.

Iam præstat etiam audire quem exitum sit sortitus truculenta bestia, & quid insequentum sit tot & tanta innocentium funera & parricidia: ut hinc quoque discamus iusta Dei iustissimi iudicia nusquam nec vlllo tempore dormitantis: simul etiam incalescat quomodo interierit qui sanctissimum Christi Apostolum Paulum obruncauit. De morte & interitu hominis scelestissimi hæc tradit Suet. Talem principem paulò minus per XIII. annos perpeffus terrarum orbis tandem destituit, initium facientibus Gallis duce Iulio Vindice. Postquam etiam deinde Galbam & Hispanias descivisse cognovit, collapsus animoq; male fracto diu & sine voce & prope inter mortuus iacuit, utque respuit, veste descissa capite conuerberato actum de se pronunciauit. Nunciata etiam interim cæterorum exercituum defectione, literas præsenti sibi redditas concerpfit, mensam subuertit, duos scyphos grauissimi usus, quos Homericos à cælatura carminum Homeri vocabat, solo illisit, inde transijt in hortos Seruilianos. Ac cogitatione in posterum diem dilata, ad mediam ferè noctem excitatus, ut comperit stationem militum recessisse, profilit in lecto, misitque circum amicos. Et quia nihil à quoquam renunciabatur, ipse cum paucis hospicia sigulorum adiit. Verum clausis omnium foribus, respondente nullo, in cubiculum redijt, unde iam & custodes diffugerant. Ac statim percussorem, cuius manu periret, requisivit. Et nemine reperto, Ergo ego, inquit, ne amicum habeo nec inimicum: procurritque quasi præcipitatus se in Tiberim. Sed reuocato rursus impetu, aliquid secretioris latebræ ad colligendum animum desiderauit, & offerente Phaonte liberto suburbanum suum, ut erat nudo pede, atque tunicatus, penulam obsoleti coloris superinduit, adpertoque capite & ante faciem obtento sudario, equum inscendit, quatuor solis comitantibus, inter quos & Sporus erat. Statimque tremore terræ & fulgure aduerso pauefactus, audiit ex proximis castris clamorem militum. Ut ad diuerticulum ventum est, dimissis equis inter vepres, ipse diuulsa sentibus penula, quadrupes per angustias effossa cauernæ receptus in proximam cellam decubuit super lectum modicella culcitra vetere pallio strato instructum. Inter moras perlatus à cursore Phaontis codicillos præripuit legitque se hostem à senatu iudicatum, & queri ut puniatur more maiorum. Inter rogauitque quale id esset genus pœnæ. Et cum comperisset nudi hominis ceruicem inferi furcæ, corpus virgis ad necem cædi: contritus duos pugiones quos secum extulerat, arripuit, tentataque utriusque acie rursus condidit, caussatus nondum adesse fatalem horam. Interdum segnitiam suam his verbis increpabat, Viuo deformiter & turpiter. Iamque equites appropinquabant, quibus præceptum erat ut viuum eum attraherent. Quod ut sensit, trepidanter ferrum iugulo adigit, iuuante Epaphrodito à libellis: femianimisq; adhuc irrumpenti Centurioni & penula ad vulnus apposita in auxilium venisse simulanti, non aliud respondit, quàm SERO, & HAEC EST FIDES. Atque in ea voce defecit, extantibus rigentibusq; oculis usque ad horrorem formidinemque visentium. Hæc omnia huc ex Suetonio transtulimus. Obseruet autem Lector extrema illa monstri verba, Sero, Hæc est fides. Sero enim & nunquam ea quæ vitæ erant curauit: & quod modo horribiliter sibi ipsi mortem consciuit, id ex eo habuit quod fidem Christianam sanguine humano voluit delere. Quod ut ex sententia non successit, ita prius semetipsum proprio perluit sanguine, ac interijt turpissime, viuentem adhuc Christo & Christianis.

Porrò de ijs quæ parricidia Neronis consequuta sunt, hæc refert in historijs Paulus Orosius, Mox aceruatim miseram ciuitatem obortæ vndique clades oppressere. Nam subsequente autumno tanta vrbi pestilentia incubuit, ut triginta millia funerum in rationem libitinæ viderent. Britannica deinde clades è vestigio accidit, qua duo præcipuâ oppida magna ciuium sociorumque clade & cæde direpta sunt. Præterea in oriente magnis Armeniæ provincijs amissis, Romanæ legiones sub iugum Parthicum missæ, ægreque Syria retenta est. In Asia tres vrbes, hæc est, Laodicea, Hierapolis & Colossæ terræmotu conciderunt. Nunc vero non commemorabo quod Galba Ottho Vitellius & Vespasianus sese ciuili bello crudelissime lacerarunt atque protriuuerunt. Ita enim iustissimus Deus sanguinem Christianorum innoxium atrociter à Romanis effusum, iustissimo æquissimoque suo iudicio, noxio ciuium & legionum Romanorum cruore viciissim effuso vltus est.

Horribilis
teritas Ner-
onis.

Horrores dispe-
rati & impij
hominis.

Ira Dei magnâ
in seclatum.

Deformiter vi-
xi, pereotur-
pius.
Horrendus Ne-
ronis interitus

Quæ infelicitas
consequuta
mortem Pauli
& persecuta-
tionem Chris-
tianorum.

S E R I E S T E M P . E T R E R .

Obijt Nero anno ætatis suæ XXXII. iuxta Suetonium. Eutropius annos vitæ eius numerat XXXI. Imperauit annis XIII. Atque in eo omnis Augusti Neronumque familia consumpta est. Cæterum adeo cunctæ prouinciæ omnisque Roma in interitu eius exultauit, vt plebs tecta pileis manumissionum, tanquam sæuo exempta Domino triumpharet. Hoc fatum, hic finis fuit principis illius Romani, qui electissimum organum Dei Apostolum Paulum gladio ferie iussit, ac primus in Ecclesiam Christi persequutionem instituit.

*Quare hæc de
Roman. Cæs.
copiosius sint
consignata.*

ET hæc quidem hætenus de V. Romanorum imperatoribus attuli. Ex quibus didicimus primum quidem integram esse supputationem, quam in annis Imperatorum consignandis sequuti sumus: deinde quàm corrupta fuerint tempora quibus ipse Dominus noster IESVS Christus, ac Apostoli eius salutarem Euangelij prædicationem mundo immundissimo prædicarunt: quàm denique fuerit laboriosum, difficile & periculosum congreddi cum huiusmodi monstis. Capitibus enim sic affectis facile est colligere qualia fuerint totius corporis membra. Claret hinc quoque quanta longanimitate Deus iustissimus diu multumque dissimularit sceleratissimos & execrandos impiorum mores: rursum quantum his beluis in sanctissimam sponsam suam fidem Ecclesiam permiserit Dominus: quanta denique cum clade optimorum & sanctissimorum hominum scelestissimi nebulones libidinem suam expleuerint, imò se quoque victores Domini nostri Iesu Christi esse crediderint. Claret hinc præterea quàm inuicta nihilominus perfluerit veritas Euangelica, vicerit piorum fortis patientia, floruitque afflicta & tantum non malis infinitis oppressa Ecclesia: & quod postremo ipsa quoque lento pede Dei vindicta procedens, tarditatem grauitate supplicij compensarit.

Discant ergo omnes sancti in grauissimis periculis, in afflictionibus Ecclesiæ horrendis, in corruptela principum & omnium in orbe ordinum & statuum, constantes esse in profitenda vera religione, in asserenda veritate, & in malis varijs & grauibus perferendis. Tametsi auxilium & liberationem suam Deus diu multumque differat: tametsi prauis, audacibus & temerarijs hominibus multa in sanctos & veritatem sanctam permittat, ne ambigamus de bona eius in omnes fideles ac orthodoxos voluntate. Non nunc primum miseri & calamitosi in mundo visi sunt qui vni Christo Domino sese consecrarunt: vetustum aut antiquum hoc est, vt filij huius sæculi Dei regni; filijs non modo versutiores, sed & feliciores esse videantur. Verum viuunt & viuunt æternum rex & triumphator noster IESVS Christus, qui vt Ecclesiæ suæ nunquam obliuiscitur, ita & iusto tempore affligentes sanctam suam Ecclesiam extinguit.

D E L A V D I B V S S . P A V L I S E L E - sta quædam ex antiquis Ecclesiæ doctoribus.

Tertull. contra Martionem 5.

Gen. 49.

NONNE mihi Paulum etiam Genesis olim repromisit: Inter illas enim figuras & propheticas super filios suos benedictiones, Iacob cum ad Benjamin dixisset, Benjamin, inquit, lupus rapax ad matutinum comedit adhuc, & ad vesperam dabit escam. Ex tribu enim Benjamin oritur Paulum prouidebat, lupum rapacem ad matutinum comedentem, id est, prima ætate vastaturum pecora Domini, vt persequutorem Ecclesiarum: dehinc ad vesperam escam daturum, id est, demergente iam ætate oues Christi educaturum vt doctorem nationum. Nam & Saulis primò asperitas insectionis erga Dauid, dehinc pœnitentia & satisfactio bona pro malis recipientis, non aliud portendebat quàm Paulum in Saule secundum tribus, & Iesum in Dauid secundum virginis censum, &c.

Euseb. Cæsariensis Eccle. histo. lib. 3. cap. 24.

PAVLVS qui inter omnes Apostolos eruditior etiam in verbis videtur & in sensibus præpotens, non amplius quàm paruum Epistolarum suarum corpus reliquit: qui vtrique immensa contineret intra se atque innumera sacramenta, vtpote qui etiam vsque ad tertium cælum raptus quæ gererentur inspexerat, & in ipsum quoque Deo dignum paradysum abductus audierat ibi ineffabilia verba & doctrinam (quæcunq; illa inibi est) siue corporeus, siue incorporeus, illius interim scholæ discipulus effectus, exceperat.

Hierony. ad Pammachium aduersus errores Ioannis Hierosoly.

Vbi est electionis vas, tuba Euangelij, rugitus leonis nostri, tonitruus Gentium, flumen eloquentiæ

quentiæ Christianæ, qui mysterium retrogenerationibus ignoratum & profundum diuitiarum sapientiæ & scientiæ Dei magis miratur quam loquitur?

Idem in Apologia pro libris contra Iovinianum.

Paulum Apostolum proferam, quem quotiescunq; lego videor mihi non verba audire sed tonitrua. Legite epistolas eius, & maxime ad Romanos, ad Galatas, ad Ephesios, in quibus totus incertamine positus est, & videbitis eum in testimonijs quæ sumit de veteri testamento, quàm artifex, quàm prudens, quàm dissimulator sit eius quod agit. Videntur quædam verba simplicia, & quasi innocentis hominis ac rusticani, & qui nec facere nec declinare nouerit insidias: sed quocunque respexeritis fulmina sunt. Hæret in causa, capit omne quod tetigerit, tergum vertit vt su peret, fugam simulat vt occidat.

Ioan. Chrysosto. de laudibus Pauli, Homilia 8.

Sæpe fulgido cæli globo delectatus oculus ad spectaculum oppositi è regione luminis sese violenter intendit: & licet sentiat aciem suam imparè radiorum esse certamini, desiderio tamè illius pulcherrimi luminis intuendi libenter inaccessibili radiantis orbis reluctatur eorusco. Tale igitur quippiam ego ipse perpetior, qui cum videam propriæ mentis oculos ex radijs Apostolici fulgoris hebetari, cupio tamè Pauli animam, miro fulgore virtutum rutilantem velut eminens intueri, & cõtra importabiles solis micatus contentiosa subire certamina. Sol enim quidã est hominibus Paulus, qui totum prorsus orbem fulgentibus linguæ suæ radijs illuminauit, quiq; vniuersas circumeundo Gentes cursum omnino solis imitatus est, ac mundi regiones omnes quasi libero à corpore animo peruolauit, & hoc cum ei amara vndiq; vulnera crebrius obuiarent. In duas nanq; partes omne tunc ferè hominũ scindebatur genus: in eorum scilicet qui horribili rabie erga idolorum cultum ferebantur, & in illorum quos legis zelus in Euangelij odia inflama bat. Ab vtraq; vero parte grauissima in Paulũ bella surgebant: cum Iudæi vndiq; illum quasi patrum traditionum corruptorem fugarent: gentes vero quasi Deum mortuũ prædicantem. Noli enim illum qui tunc fuit rerum reatum, huic qui modo est comparando magnitudinẽ Apostolici laboris attendere, sed ipsa adhuc prædicationis exordia mente perpende. Cõsidera prius pelagi sequitientis furorem, & tum demum vim gubernatoris intelliges, sicut enim in quodam freto, ita Paulus in medijs fluctibus æstuebat ac mille discriminum prægebat procellis. Inter ipsa quippe Euangelij principia prædicationis nouitas vehementes ei tentationum turbines suscitauit. Iudæorum enim tunc populi mouebantur, quos ad hoc Mosaica videbantur præcepta compellere. Phariseorum quoq; perstrepebant gressus cum dudum à se crucifixi deitatem prædicari dolerent. Indignabatur etiam conspiratio sacerdotũ cum audirent crucẽ quasi sceptrum quoddam regale celebrari. In huiusmodi bello Iudæi sociebantur & Gentes, quæ aris diuum ac templis puluinariumq; cineribus assuetæ penè iam euelli sibi nescij amplectebantur errorem. Iudices in prædicationem Euangelij sæuientes, suę astabant catervæ. Reges iugiter id ipsum bellum gerebant. Auditam crucem cuncti abominabantur exercitus: quã sapientes recipere nesciebant, quasi signum vtiq; damnati. Sed Paulo bellum hoc totius mundi omni erat pace iucundius. Delectabat enim quicunq; illum propter Euangelium vulnerabat. Hinc est quod ille Græciam atq; Barbariam cum illatis sibi vulneribus alacer circuibat, non minus plagis suis gaudens quàm regijs triumphis: haud aliter delectatus naufragijs quàm ceteri acquisitis solent gaudere thesauris: luoribus, quos ei verbera sæpe inferebant, quasi quibusdam gloriabatur coronis: tribulationibus vt delitijs vtebatur: squalore carceris vt paradysi amœnitate gaudebat.

Cui te, ô beate Paule, iustorum veteris Testamenti vel noui audeam comparare? Omnium quippe virtutem quasi in arca quadam sed cum multo prorsus cumulo condidisti. Denique si totum contra in aliquis sigillatim iustorum appendat chorum, inueniet trutinam virtutum ponderibus à tua parte depressam. Paulus enim secundus Abel, verum non semel sed per dies singulos immolatus. Paulus alter Noe, sed absque arca insurgentes aduersus se vndas impietatis enavigans. Paulus alter Abraham non modo à patria & gente, sed post vocationem suam ab ipsa etiam vita abscissus. Paulus alter Isaac spõte in hostiam colligatus. Paulus alter Iacob, quasi pro vno quodã totius mundi grege semper inuigilans. Paulus alter Ioseph spiritali fame tabescente mundo veritatis alimenta distribuens. Paulus alter Moses qui omnes gentes à tyrannide diaboli reduxit ad Christum. Paulus alter Aaron totius mundi populis iunctus sacerdos. Paulus al-

S E R I E S T E M P . E T R E R .

ter Phinees impietatem Iudeorum atque gentilium, quasi fornicationem mentium vno fidei macrone confodiens. Paulus alter Dauid qui velut quendam Goliath in certamine diabolum provocat. Paulus alter Helias clarius raptus in celos. Paulus alter Helisæus qui Gentes ab interiore lepræ pollutione mundavit. Paulus alter Ezechias qui ad vnam fidem Christi diuersos populos attraxit. Paulus alter Iosias qui abominationes gentilium dissipauit & perdidit. Paulus alter Ioannes pro Christo capite truncatus. Paulus alter Petrus non de terra sed de cælo vocatus ad credendum. Paulus alter Gabriel qui Christi ortum cunctis Gentibus nunciauit. Paulus alter Michael qui Christianorum dux esse fortitus est. Etiam si angelorum, etiam si iustorum hominum circumuolem choros, non inuenio comparationem, cui non tamen cumulo meritorum Paulus occurrat. Acclamatio populi, & post acclamationem etiam mortuus Paulus ardentissima nobis theatra pietatis accendit.

Sed quamdiu versabo linguam nunc iustis viris Paulum, nunc etiam angelis comparando? Opulentissimum hunc igitur thesaurum in nostris auide pectoribus recôdamus. Hauriamus certatim virtutes ex abundanti isto bonæ voluntatis fonte manentes, & cupiditate maxima feracissimæ huius arboris poma rapiamus, varijsq; floribus ac fructibus plenum Apostolicarum virtutum pratum metentes, sumamus è Paulo fulgentem rosam castitatis, eligamus fidei florem marcescere nescientem, decerpamus ex eo vberissimas patientiæ fructus, & virtutum omnium flores colligamus. Demus beato Paulo gloriam vt dicat de nobis in futurum, Ecce ego & pueri quos mihi dedit Deus. Ipse gloria in sæcula sæculorum Amen.

Idem Homilia i.

PROPHETA dicit, Qui facit angelos suos spiritus, & ministros suos ignem vrentem. Sed hoc etiam in Paulo possumus inuenire, qui veluti ignis & spiritus totum terrarum percurrit orbem, percurrentoq; purgavit. Sed necdum cælum iste sortitus est: & hoc omnino mirabile, quia talis versabatur in terris & mortali adhuc carne circumdatus cum incorporalium virtutum potestate certabat. Quanta ergo sumus condemnatione digni, cum vno homine bona cuncta in se

congregante, ne minimam quidem eorum partem studemus imitari? Hæc asidue

mente voluentes, & nosipsum inculpabiles præbeamus, & ad illius ze-

lum studeamus accedere, vt ad eadem bona peruenire merea-

mur gratia & misericordia Domini nostri Iesu Christi.

Cui gloria & imperium in sæcula sæculorum Amen.

F I N I S.



